


WIDENER LIBRARY



HX JVCT C

BP 431.1.2

23.5
10





Robert Troup Pair
to NOVA College
ACTA

ERUDITORUM,

A N N O
M D C C L V I

publicata.

Cum Regis Pol. atque Electoris Saxoniae Privilegio.

LIPSIÆ

Prostant apud IO. FRID. GLEDITSCHII &
LANCKISII heredes.

Venduntur etiam Romæ apud PAGLIARINOS: Venetiis apud IO. BAPT. ALBRIZZIIUM: Bononiæ apud LAELIUM della VOLPE: Parisiis apud BRIASSONUM: Ultrajecti apud IO. BROEDELLETUM: Lugduni Batavorum apud SAM. LUCHTMANSIUM: & Amstelodami in SCHREUDERI & MORTIERII iunior. officina.

1491 M D C C L V I

#55-12

10 Robert Young Vain
to Nova College
ACTA

ERUDITORUM,

**A N N O
M D C C L V I**

publicata.

Cum Regis Pol. atque Electoris Saxoniae Privilegio.


LIPSIÆ

Prostant apud IO. FRID. GLEDITSCHII &
LANCKISII heredes.

Venduntur etiam Romæ apud PAGLIARINOS: Venetiis apud IO. BAPT.
ALBRIZZIIUM: Bononiæ apud LAELIUM della VOLPE: Parisiis apud
BRIASSONUM: Ultrajecti apud IO. BROEDELLETUM: Lugduni Batavo-
rum apud SAM. LUCHTMANSIUM: & Amstelodami in
SCHREUDERI & MORTIERII iunior. officina.

149M M D C C L V L
#55-18

BP 431.1.2





Robert Troup Pain
to NOVA College
ACTA

ERUDITORUM,

A N N O
M D C C L V I

publicata.

Cum Regis Pol. atque Electoris Saxoniae Privilegio.

LIPSIÆ

Prostant apud IO. FRID. GLEDITSCHII &
LANCKISII heredes.

Venduntur etiam Romæ apud PAGLIARINOS: Venetiis apud IO. BAPT. ALBRIZZIUM: Bononiæ apud LAELIUM della VOLPE: Parisiis apud BRIASSONUM: Ultrajecti apud IO. BROEDELETUM: Lugduni Batavorum apud SAM. LUCHTMANSIUM: & Amstelodami in SCHREUDERI & MORTIERII iunior. officina.

1491 M D C C L V I

#65-18

Miss M. M. F. F. F.

29.108

BP 431.1.2

BP 431.1.2

1879, April 9.

Paine bequest.

Lectōri Salutem.



Magnum est, doctis probari, atque bonis; maius, idemque rarius, etiam apud illos inire aliquam gratiam, quos ad recte iudicandum vel eruditio destituit, vel equitas; illud longe maximum & difficillimum, neque satis scimus an valde expetendum, omnes omnium sibi animos atque voces conciliare. Quam ob rem & nos in illa votorum mediocritate semper substitimus, ut eorum contenti suffragiis, in quibus vel litteræ essent egregiæ, vel certe studium doctrinæ candidum, & placida erga omnes indulgentia, adquiesceremus. Quod ut consequeremur, ingenue quidem & comiter, quin amice etiam, pro illa doctis omnibus intercedente necessitudine, in exponendis aliorum laboribus, & expromendo super illis animo nostro, adhuc versati sumus. Tamen, nec blandis, ultra quam par est, lenociniis, captare scriptorum benevolentiam, propositum nobis unquam fuit; nec cavere timidiuscule iras de nihilo nonnullorum, dum ab iis dissidere nos aliquantum, dum reprehendenda quedam illorum in institutis, modeste significaremus. Sed ea ratione tenenda, malam nos apud istos gratiam retulisse sepius, nemini est mirandum. Magis autem commoveri Te, Lector, necesse est, si intelligas, esse homines, qui adeo indigne ferunt, quæ nos optima fide, in rebus eorum, aut verbis, minuta utplurimum, desideravimus, ut hostili propemodum impetu in nos irrant, ac tanto cavillationum atque conviciorum adparatu contra nos depugnent, tamquam si fortunas aut vitam eorum infesto stylo petiissemus.

Vix priamus tanti, totaque Troia fuit.

Non obsoleta narramas, sed quæ vel nuper experiundo cognovimus. Nam sententiam, quæ primis continuo huius anni paginis, super magnifico illo Augustæ Imperatricis thesauri numismatum, vel potius super eorum opera, per quos ille publicatus lucem vidit, integerrimo consilio dicta a nobis est, Vir doctus quidem, cuius aliquæ in Museo illo edendo partes fuerant, sed idem vehemens & acerbus, bile multa, paginarum non paucarum scripto, exagitavit. Is quidem, a quo illa sententia erat in litteras relata, magno Academiæ, magno nostrum omnium dolore, ante menses aliquot diem obiit;

obiit; nosque illi gratulamur felicitatem suam, quod vivendo non attingerit tempus illud, quo chartæ ad nos delatæ sunt, plenæ asperrimorum, in Virum bonum, doctrinaque copia clarissimum, verborum, subrusticæ interdum, ac pene dixerimus inficetæ. Quodsi læsum se, & socios operis, illa animadversionum tenuitate putavit V. Cl. quod nos non existimamus; si aliqua eo loco per coniecturam magis, quam certi fiducia, credidit esse posita; si acutius se in omnibus videre certum habuit: quid erat, cur non meliora docere potius, & dicta defendere, graviter nimirum & ad humanitatis leges, voluerit? quam, verso in telum stylo, nec inimicum, nec hostem, sed leniter contra disputantem, opprobriis vulnerare? Quam indignum est, quorundam ex nostris diligentiam, qua rei antiquariæ studiosis consultum volebant, non admonere peritos, contemptim traducere; de illis autem, quorum præclara publice eminuist in cognoscendis eruditæ antiquitatis monumentis scientia, quasi hi nulli sint, tacere. Quam illud fastidiosum & iniquum, ne quid gravius dicamus, de hac urbe, indicium? facta autem copiarum Curia nostræ cum illis Vindebonæ regiis & amplissimis contentio, quam ridicula? Dein, quid fingi etiam falsius poterat, quam illa Actorum nostrorum accusatio, ea diversis a sacrorum nostrorum ritu Scriptoribus satis æqua numquam esse? Sed illud atrox est, & discipline, quam Auctor illarum chartarum sequitur, rationes videtur sapere, quod minas adiunxit, iussitque nos principalis auctoritatis interdictum scriptis nostris metuere. Non poterat elegantius, & suavius. Neque illustrius indicium, quis ille, & cuius sit, requirimus. Multos illa, religionis & litterarum, si Diis placet, præses Societas, multos illa, amicos, libros egregios & præstantissimos in exilium eiecit. Quid nobis faciet, qui de talibus referimus; quam crudelia, nisi sapientia summorum virorum intercesserit, conabitur. Verum hæc omnis disputatio, in qua tractanda calamum exasperari sentimus, ab operæ nostræ rationibus aliena est, eoque magis mittenda. Per nos quidem, & scriptum, quo lacesciti sumus, & auctoris nomen, sepultum posthac maneat. Idem tamen non recusamus, quin illud eruditorum & candide sentientium virorum oculos subeat, feraturque verum ab his indicium. De studii nostri, quod adhuc his Actis præstitimus, constantia, vix opus fuerit, certiore Te, Lector, amplius, & repetendis promissis, facere. Quæ superiore tempore, atque adeo, hoc iam fugiente anno, propostæ a nobis spectasti, ex iis ut futuri etiam laboris expectationem concipias, rogamus. Vale.

NOVA ACTA ERUDITORUM,

publicata Lipsiæ

Calendæ Ianuarii Anno MDCCLVI.

NUMISMATA CIMELII CAESAREI REGII Austriaci Vindobonensis, quorum rariora iconisimis, cetera catalogis exhibita, iussu Mariae Theresiæ Imperatricis & Reginae Augustæ.

Parti prior, Alphab. 4. tabb. linearum ex aere ductis, numero, si titulum addas picturatum, 26.

Parti altera, plag. chartarum maximarum ferme 13. tabb. linearum ex aere magnis numero 112. utraque

Vindobonæ, typis & sumptibus Ioannis Thomæ Trattner, Cæsareæ Regiæ Maiestatis Aulæ Typographi & Bibliopola 1754. fol.

Magnum opus & pulcherrimum isto quidem codice magno proponitur. Ingentes videlicet numismatis vetusti Græciæ quondam felices Romæque copias, digesti illius ordinatque tanquam in dactyliothecca armariis abacisque suis, inter alia regiæ avitæ Vindebona in urbe ornamenta, acceperat rarissimi virtutibus exempli Augusta.

Monumentorum antiquitatis eruditæ talium redeuntem in commune ad ingenia & litteras utilitatem quum intellegeret illa, exulto certe his quoque humanitatis & elegantiae studiis pectore, ordinari quidquid erat copiarum numerorum veterum præstantis accuratiore doctorum hominum diligentia, hospitio receptum inter aliam gazam nunc meliore, publicarique id, tanquam rationibus editis, commentario nonnullo declaratum, & spectandum, qua fieri posset depromentibus e tanto numero, picturæ linearis ac librariæ machinarum scriptu-

ra beneficio, iusserat. Quod salutare Augustæ suæ imperium alacriter executi sunt viri litterarum vetustatis earum & artium nostrarum minime imperiti, dum istas Codicis magni partes duas, per indicia signorum oratione explicata, & lineas aheneis e lamnis exprimendo, præbere nobis student. Nomina illi sua, ut sciremus, cui debita hæc opera referretur, edere in fronte operis temperaverunt. Ceterum in epistola memoratur V. C. Francius, (*de France*) cuius quoque ipsius museum vetustatis doctæ eleganti reliquiarum copia reserutum olim claruerat, & scriptores, item clari, aliisque ingenii monumentis ante spectati, Valentinus du Val, Erasmus Froelich, Iosephus Kheil.

Quoniam vero, intellegere copię talis rationem & usum, & cupere litterarum studiis, quorum emolumento insigni publicentur ista, iubere denique publice proponi, scientiæ & virtutis est: habere in museis composita, fortunæ: eam primam & summam Augustæ laudem, & intellegentiæ meritum, initio celebravimus: nunc de copiis ipsis, quales sint, & quantæ, videbimus antea, quam de præfatio eo, quod facere iussi fuerant commentariorum scriptores, atque adeo de meritis libri, qui publicatus est, agamus.

Est autem digna Regiæ amplissimæ fortunis, & summo Augustæ talis ingenio, ista nomismatis vetusti copia. Quam si recenscas secundum tabulas classium, quæ eo commentario eduntur, amplius viginti milibus numorum Græciæ Romæque veteris reposita in scriniis invenias. In his aurei numi amplius duobus milibus quingentis. Argenti & æris propius ad myriada accedens, ac par fere utriusque numerus. Græci nomismatis infrequentior congeries, sed ampla Romani. Cuius quidem gentilium denariorum apparent hic ferme millia duo: Augustorum item argento denariorum, prope millia quinque, non ut signis diversis tot singularia nomismatis monumenta prodeant: sed ut formis sæpe eisdem percussa atque inter se similia numorum veterum corpora tamen. In his laudabili diligentia, qui commentarios scripsere, & is Italiæ fere vetustissimi, quæ pondera appellari nomismatis vetusti

in museis infuevit, eorum pondus singulorum subnotatum in tabulis exegerunt. Quod nos olim facere, aliisque fere exemplum præire eiusmodi æra appendendo veterum ad drachmam unciamque, meminimus. Eius finitionis, quanquam pleraque adprobari subtiliora certioraque poscentibus non possint, tamen est industria laudanda. Est ista quoque sedulitatis laus pulchra ac singularis, quod in quibusdam gentium Rom. aut Augustorum denariis etiam litteras, officinarum, ut credibile est, indices, ita exegerunt, ut in quibusdam, qui formis signisque similibus percussi denarii essent, exempla primo elemento, ac dein omnibus, usque ad elementum extremum, litterata inuenirent.

Sed omnem istius pulcherrimæ amplissimæque copię, quam adhuc laudauimus, dignitatem auctoritatemque, singulari & honesta eruditis quidem oculis specie, longissime vincit, quidquid altera huius codicis parte publicatum, Rupertii olim egregia diligentia, Romæ ille sacerdos inter solitarios, Cartusios vocant, nomen professus, *Rocheport*, hoc nominis antiqui egregio quondam studio tenebatur: illius igitur cura, istud, quod erat in scriniis, probe delectum, lamnisque athenis picturæ linearis beneficio scienter consignatum, prodiit. Ea enim veteris memoriæ monumenta præclara, quæ nullo pretii usu, sed spectaculo ut essent iucundo, proculsa Romæ Principum imperiis fuisse intelleguntur: æra maxima vulgo vocant, vel ære maximo numos: eorum ingens hic, optimeque delectus numerus, apparet. De quo quidem quoniam infra dicendi locus erit, donec primæ partis libri virtutes laudando fuerimus exsecuti, in præsens edisserere temperamus.

In eo igitur opere, si a munificentia Regia, intelligentiaque Augustæ imperantis editionem, de qua supra dictum est, recessimus; si mittimus industriam sedulitatemque mirificam eorum, qui commentaria scripserunt: gratiam habet primum præfatio, edens fortunam vicesque huius numorum veterum thecæ ac musei, tot summorum regum cura & imperio compositi Vindebonæ. Diversæ enim hæ Reginæ Augustæ copię

ab illis, quæ alteræ numorum veterum in arce Ambrosia haud procul Oenobrica Terioliensium in agro adservantur. Quas copias quum ante annos plusculos nos quidem peregrinantes inspiceremus, desiderare dolenter illam in deligendo ordinandoque curam industriamque meminimus. Sic autem instituerunt illi, quorum nomina supra posuimus, huius commentarii Auctores Scriptoresque, ut censu omnis copię acto, de quo ante a nobis proditum est, minus frequentia repertu nominata inde deligerent, quæ brevi commentario dignarentur enarrare, eorumque in numero, quæ ipsis *ἀνέκδοτα* aliorum commentarios volventibus videbantur, eorum ut speciem quoque picturæ linearis honore & signis per athenas lamnas expressis redderent. Hac lege commentarii facti sunt digestorum in diversas classes numorum breves illi, sed multiplici cura & sedulitate annotandi vel minuta, quod his in litteris utilissimum est, graves: tabulæ vero imaginum magnæ numero XXV, in quibus proponunt spectanda nominata, ipsis quidem *ἀνέκδοτα*, fere quingenta, ista ratione, ut a fronte æque atque a tergo signa cuiusque appareant, eo orbium spatio, quo spatio cuiusque numi metallum patet. Ea vero omnia cura egregia, summaque fide, neque contemnendo talium usu peritiæque, gesta fuisse cum credimus memoranti, tum etiam certis vestigiis inspectantes deprehendimus.

Huius tamen primæ partis meritum omne plurimum vincitur delectu, elegantia, auctoritate earum tabularum, quæ nominatis vetusti ære maximo signis probe delineatis graves altera codicis parte proponuntur. Nam hæ partis alterius tabulæ perquam scienter olim Romæ a Rupifortio, lectis argumentis, neque indocta artificis manu, ad veram vetustatis eruditæ speciem adornatæ, nihil ferme desiderandum relinquere videntur eruditis quidem intellegentium oculis studioque requirentium præstantissima quæque veteris memoriæ monumenta. Quare credibile est futurum, ut hæ tabulæ reliqua libri ducant vendantque, si quis eis, quæ priore parte & qualia sunt præbita, minus moycatur. Nam & qui curavit olim edendi Auctor sacerdos Romæ solitarius, Cartusios appellant, eorum

eorum nomismatum ipso delectu intellegens antiquitatis & monetæ veteris ingeniorum proditur: & qui lineas Romæ duxit non affectus ille quidem est, ad quam adspirabat, Santebartoli elegantiam, reddendæque vetustatis fidem: sed longissime tamen post se relinquit eorum imperitiam pictorum, qui plerique iam longo tempore, sive qua Germanicum nomen patet, sive in Galliis, lineas numorum veterum multorum in tabulis propositis vulgant. Quam necessariam super his lineis animadversionem nostram, minus gravabuntur, neque levem eam putabunt, quicumque norunt, summam causæ huius ac nomismatis beneficio librorum edendi, non in commentario, quem addas, sed in imagine omnino verti. Fuerunt autem tabulæ linearis incussu machinarum picturæ propositæ numero CXII, imaginibus numorum ostensionalium aeris maximi spectandæ numero circiter CCXX, quæ videlicet emblemata non paucissima computamus, quæ lamnis olim Romæ paratis deinde accesserunt. Quæ si vel non essent addita & inserta, aut si separatim proposita secundum illa priora forent, amplius fortasse inspiciendis eis iuvarentur intellegentes artium viri. Abhorrent enim plurimum ab illis Romanis; in quibus inde ab Augusto præsentibus Principum vultus, pulchra imagine, signorum singulari a tergo specie illustres, multosque eorum numorum oris & ambitu corollæ aheneæ inclusos (*contorniat*), antiquitatis studiosus cum nonnulla voluptate, doctrinæque vario cum emolumento, videas. Ut Germanicum pulchellum corollario aheneo cinctum: ut Tráianos Hadrianosque & Sabinam singulares: ut Antinoos diversos specie ac signis decem: ut L. Aelium ac Pios, Marcosque valde singulares, signis a tergo pulcherrimis plurimis: ut alios tales ordine ac scienter digestos.

Nunc ubi bona operis eximii pro meritis eorum, qui manum ei condendo admoverunt, satis, imperium Augustæ, cuius providentia ac beneficio processit opus, impenſe, atque ut par erat, laudavimus, nisi aliqua, quæ desiderare in eo libro intellegens lector fortasse possit, item notare instituere, parum candide simpliciterque, neque fide satis integrè

egisse videremur. Quare in hoc pulcro magnoque codice scribendo, quum sit naturale, hæc elegantissime prodita vetustatis eruditæ monumenta, vel exemplo nos adiuvante, per orationem emendatius latinam, ac per iudicium videndarum artium subtile, porro tradenda studiosis esse, utrumque istorum, ut quemvis talium interpretem, ita hos præsertim adeo diligentes commentariorum illustrium scriptores, summo iure reposcimus. Sed, cui studebant illi quidem, orationis & stili antiqua verba utcumque frequentans castimonia, quantum abest in his ab illa dictionis figura, quam commendare ac tradere nobis studia litteraturæ veterum veræ, & assidua monumentorum lectio usufque solent? Tum ad lineas e signis numerorum expressas, cuius fuit manus & opera conductæ, quam abhorrens ab omni antiquitatis adeo honestæ gustu? quam parum reddens vel mirificam signorum, quæ signa monetæ in massa apparebant, pulcritudinem, vel item necessariam artis suæ legem? Talis radii in ære ductum reddendis monumentis antiquis nemo vellet, cui medioeriter eruditi ad elegantiam artium videndam oculi essent. Quid, quod aliqua videntur sic studio mandata fuisse ab exactore operis scriptore, ut perperam corrupteque fierent: quoniam in eo velut officio corrumpendæ rei verti veritatem & fidem antiquorum operum reddendorum fere putant, quicumque artes parum subtiliter vident. Simplicia, candida, divina opera, quoniam non æque, atque putida quedam, percutiunt novitate sua spectatorem, inferiora plerique ideo ac rudia esse existimant. Hoc vero est traducere illa nobilissima artium & ingenii monumenta, non producere. Quare postulandum foret, ut nemo reciperet numos veteres publicandos per lineas in tabulis ductas, aut omnino tractandos enarrandosque, nisi qui diagraphicen in buxo puer egregie didicisset. Huius artis elegantiae expertes quicumque oculos gerit, qui poeticen musicamque non percipit, dictum belle, fufum cælatumve, infabre fabrare, non sentit, ab omni barbaria ingenii abesse non potest: neque versari ille audeat cum emolumento scientiæ in his litteris, in rerum vetustatum omni memoria, quæ nihil aliud

certius

certius ingeniorum percipienda facundia, quam artium illarum subtili iudicio, propagatur.

Sed omiſſis tabularum lineis, de oratione & meritis commentariorum verba pauca facturi, qua licet, edifferemus. Debetur autem huic argumento memorie veteris sacraeque monetae nobili, ut non valde diſerti ſcriptoris ſtilus, ita tamen ſermonis latini caſtimonia docta, & ſimplicitas quaedam proprietateſque verborum accurata, compoſitioniſque vetuſtatem redolens quaedam figura. Si qualem in noſtris Golzius, in Italii Urſinus inſtituerat, talem orationem nomiſmatum enarrationi redderent plerique, non erat, quod magnopere deſideraremus. Ceterum, ab illa iſtorum ſingulari cura elegantiaque, cito deſecit aetas proavorum noſtrorum. Hodie, qui antiquorum operum ingenia narrant nobis, ſic vulgo ſunt latine diſerti, ut qui minime.

Notabamus aliquos obhaeſiſſe initio, qua primum verbum titulo operis huius praecleari inſcriptum lectitabant, quod verbum nos quoque antea animadvertere meminieramus. *Κειμήλιον* igitur unum & primum dicitur ingens ac regalis copia monumentorum rei numariae veteris in thecas & ſcrinia tot armariis, velut claſſibus ſuis, ordinata ac digeſta? Cuius publicatur ſpecimen Auguſtae iuſſu Reginae adeo liberaliter, ne iſtud unquam fiat *κειμήλιον*, id eſt, repositum in aliqua parte gaze ſine uſu, vel votis hominum ſtudioſorum expetendum eſt. Nam certe niſi res aliqua uno corpore & maſſa ſingularis, ut fortaſſe numus aliquis unus vetus ac memorandus, *κειμήλιον* ſit, non univerſitas rerum & congeries nomiſmatum plurimorum ſcienter ordinata, tanquam nec daſtyliotheca magna, neque pinacotheca, hoc vocabulo dicitur unquam. Minime omnium ſic vocaveris, quidquid ad uſum expromptum recluditur, ut bibliotheca dum publicatur, ut hoc muſeum regale tot nomiſmatis Graeciae veteris Romaeque olim florentis reſertum. Moroſi fortaſſe ac difficiles videamur, ſi eiufmodi in verborum veterum proprietate & uſu vero deſideranda multa, quae ſunt obvia, moraremur. Aliqua iam nomina rerum, ad ipſum argumenti tractatum attinentia, liceat enotare,

tare, velut in transcurso properantibus. *Figura* pro signo, quod in numo appareat, mutorum quidem scriptorum huius argumenti exemplo, perperam, & ad rem declarandam obscure, & *prima forma*; & *media forma*, de metalli modo, atque ut intellegatur, quantum orbis cuiusque numi pateat, nihilo melius frequentatur: quum liceret latine & perspicue vel significationes illorum signorum suis sibi vocabulis edere, ut Iupiter, Mars, Iuno, Fortuna diceretur, quæ esset, non vage atque obscure, *figura virilis*, *fig. militaris*; *fig. muliebris*; & alia ad eum modum. Inde fit, ut ad illud *nescio quid* descendant, quale extat verbi causa Parte I. pag. 50. & 55. Quum illud *nescio quid* primum, non modo plurimis aliorum numorum exemplis, verum etiam vel Iuvenalis in Satyra decima (v. 43.) verbis, facile intellegere possis esse

- - - *volucrem scepro quæ surgit eburno:*
 alterum *nescio quid* proram navigii scilicet. Quum licebat, præsertim hac singulari industria usis & fide, qua industria Valentis reperta ac tradita tam accurate sequuntur, geminum tergeminumve Pæ singularitatis notam vanam frequentant, more veterum & perspicue significare ista per indicia drachmæ & oboli, ut *διδραχμους* vel *τετραδραχμους* ederetur, qui esset, & in Romanis, ut audiret denarius, quinarius, festerius æreus, as minor, quadrans, qui esse sic dicendus vel Plinii finitione intellegeretur. Tum quæ istorum modum & volumina omnium superarent, *medaglioni* vulgo & ære maximo, ostensionalia nos quidem æra, ut milites ostensionales ad pompam paratos, si liceret, appellaremus: ut minora omnibus reliquis, exemplo aliorum, sigillaria. Nam quod *missilia* quadam in parte operis vocant (*Parte II. Cinelii pag. 2.*) maiuscula quadam nomismata, non illa minutissima sigillaria, fugit eos ratio. Nam vel in Caio Casare Suetonius ostendit satis, quam parva essent, & quam ob causam, æra missilia. Cavendum enim fuit, ne eorum iactu missilium capita civium vulnerarentur. Quare quid esset recte vidit vir meritis & antiquitatis eruditæ scientia illustris, *Baro & Stofsch*, in libro parvo nuper nobis reddito, super numo talî
 Carini

Caëni & Magnæ Urbicæ, qua docet, eandem manuum & operis rationem, & eandem elegantiam, adesse his minimis numis, & illis maximis, qui *medaglioni* audirent. Addere poterat de Pedrucii, nisi fallimur, per coniecturam inventis, videri hæc esse ea, quæ olim sigillaria, missilium genus, dicerentur. *Suggellari* quidem ei, quem diximus, Hetruscæ.

Turbat autem istud redditque obscuriorem illarum dispositionem: cum alio quodam pacto, velut ascendendo e minimis ut primis, alii solcant numerare & intellegere monetæ volumina: alii ad æra tantum revocare soliti, omisso argento, primum, secundum, tertiumque modulò faciant, (*grand bronze, moyen bronze; petit bronze*): alii sere adluerint in Augustorum numis Græcis quidem appellare ac diversos habere ostensionales aliquos magnos, (*medaglioni d' argento*) quos hi nostri, ut verisimile est, *primæ formæ* aut *secundæ* dicunt. A quibus omnibus deinde ostensionales ærei, quos ære maximo numos vulgo vocant, (*medaglioni*) abeunt: ut e diverso brevitate voluminis nimia infra quadrantis æra minima sunt censenda, quæ supra in sigillaribus reponenda videri ostendimus. Quæ omnia subobscurius hic referri in litteras putes, dum in Græcis regum & populorum verbi causa numis, *maximi* aliquos *moduli*, aliquos *maioris*, & aliquos *minoris moduli*, citari videas. Alia parum diserte latina, quæ sunt frequentia: ut (*p. 52.*) *thesa vecta a quadrigis equorum*, vectores thesas, non vehicula reddens: ut (*p. 50.*) *numus in figuris diversus*, pro eo, quod erat dicendum, aliis spectandus signis: & (*II. p. 6.*) *sequioris ævi contorniatæ*, & quæ sunt eiusmodi, lubentes omittimus, alia operis virtute multa redimente istos orationis varices.

In ipsis numis, quod ad argumenta, publicandis Parte prima ediderunt aliquos sane singulares, ac propemodum unicos, ut in regibus, verbi causa ΒΑΣΙΛΕΩΣ ΣΑΜΟΥ. ΒΑΣΙΛΕΩΣ ΜΟΣΤΙΑΟΥ (*tab. XV.*) & alios tales. In describendis signis, ut lineæ, quod supra annotare nos meminimus, artes veterum & manus fabrorum elegantiamque sæculi, non bene reddunt, ita commentarius, præterquam quod sæpe brevitate

nimis adstricta nos destituit, dum se ostendit contentum suffragatione Iani Valentis, in Epitoma de numis Imperatorum, prope unius, & qui eius postilla librum ampliavit, etiam sententia dicenda subinde abest a veris rerum antiquarum vestigiis nihilo propius, quam a vocabulis rerum optimis. Ut, qua M. Antonius in Ventidii denario traditur nobis ampliter barbatus, qualem fide item Caroli Patini prodi quodammodo meminimus, (*tab. X. num. 13.*) lineæ videntur aberrare a fide nomismatis: qua Hadrianus cum Ephesia Diana, *Ἰδραία* ferme Latino, (*tabula eadem, num. 3.*) fidem habere antiquitatis sinceræ doctissimis viris editoribus vel rogatus vix possis: qua *Cybele* editur seminuda in Sabinæ Augustæ ostensionali nummo, (*Parte quidem II, p. 6.*) pro *Cælesti*: quæ appellanda ibi fuerat, lectionis multiplicis fructum honestum desiderare & litteras possis. Nam *Cælestis* dea, quæ in Africa colebatur, *vestura leonis*, quæ Apuleii verba sunt, non est *Cybele*, neque quidquam de eius cultu refertur ad Matrem magnam, sed ad lunonem. Probe autem distinxit utramque Tertullianus in Apologetico, verbis, & *Cybele*, & *Cælesti*. Istud autem non modo nostrorum, quibus ingenium cum litteratura nonnulla, & industria, & aliæ virtutes, non desunt, sed multorum studiosorum antiquitatis hominum iam inde ab aliquo tempore frequentatum litteris erratum est, ut *Cybelen* deam vulgo edant, quam *Cælestem* oportebat. Quod quidem, & alia sexcenta eiusmodi, de quibus dicere in præsens temperamus, usu non veniret, si esset hodie in rebus, quam quidem, cum reliqua doctrinæ & humanitatis cōpiæ ut sit integra mentibus nostrorum, voto petimus, antiquitatis & nomismatis vetusti elegans & erudita cognitio: ut sit illud reapse, quod narrant nobis atque laudant, (*pag. 153.*) *numorum studium mirifice perpolitum hoc tempore*. Numorum enim non id se dicere sentiunt studium, quo præparcus aliquis impense studeat numis cito & frequenter in loculos demittendis: sed quo nos quidem amore nomismatis antiqui non pretia cupimus, verum litterarum artiumque in eis vestigia liberalium & memoriæ veteris fidem. Eo scientiæ amore si tenerentur hodie

die multi: ille bonæ mentis & exempli de litteris præclaris veterum petendi ager nobis colonis si niteret usquam: si sequerentur huius peritæ promissa homines passim studiosi: non frigerent ubique veteris limina doctrinæ: eorum operibus, qui istud condiderunt studiorum genus, non arctiora & obscuriora minusque deducta vulgo fierent omnia, sed ampliora. Quam ipsi ubi erem satique paratam de copiis nostris non possumus coenam, eam de symbolis saltem instrueremus. Ad hunc verbi causâ præclarum librum quas agnoscendorum signorum, quas enarrandi cuiusque argumenti conferre symbolas vel Italia adita epistolis, vel Gallie poterant? Aut, si populos aliquos lapsos hodie nonnihil ab illa vetere summa ingenii & litterarum gloria existimamus: si Germaniæ nostræ facultatibus contenti sumus: vel hæc urbs vocata ad istam commentarii aut linearum coenam symbolas fortasse habebat minime contemnendas. Sin partes enatas olim rei Christianæ sacris, sopitas eas sapienter feliciterque Germanico nomini, in hanc bonæ mentis & humanitatis ornanda possessionem, & ad litterarum commercia, inconsulto studio, quod non oportebat, revocamus, ideoque minus ingenia aliorum honesta rem publicam, communemque nobis causam, ne cum eis conferre iuvet, esse existimamus, conclamatum est videlicet de spe melioris doctrinæ. Quin agnoscimus potius, omnia obrectandi factione & studiis, eos veros humanitate & artibus egregiis cives nostros esse, quibus nonnullum ingenii ac litterarum principatum concessisse Deus, artium fospitator, iam inde a proavorum nostrorum memoria videtur. Hos ideo adæamus, neque spreverimus operum honestorum duces. At illi vobis, diversis olim sacrorum nomine, non invidebunt opes gloriasque vestras, sed iungent libenter socias studiis vestris operas, feliciore sæpe ingenio, largiore litterarum flumine inundati, quibus unis divitiis probamur, non displicuisse Deo causæ nostræ divortia, eis rebus beati, quarum opibus se quidem carum esse deis, quanquam servus esset, & egenus, & claudus, Epictetus olim intellegebat. Ac de prima parte codicis huius magni, deque virtutibus eius, hæcenus.

Altera parte huius, quem percontemur, libri præclari, tabulas scienter institutas, lineis pulcris ac subtilibus fatis, non omnino indocti pictoris a manu, refertas vero utiliter eas tabulas signis maximorum ac singularium nomismatum honestissimis, supra laudavimus. Quales essent, hæc nomismata, quam bene luculenterque delecta, & quid in his eminere videretur, libandis veluti rerum in transcurfu summis, item diximus. Commentarii quidem eorum similes sunt, qui primæ partis tabulis illustrandis adiecti fuerant. Tabularum huius secundæ partis lineæ hæctenus laudandæ, qua non indocti pictoris diligentia ad vultus probe reddendos antiqui operis quadam similitudine pertinet. Nam signa ea, quæ a tergo nomismatis plerumque spectantur, non perinde felix illius industria, quicunque Romæ in lamnis æthereis lineas scripsit, videtur assecuta: neque feliciter ille reddidit veras elementis litterarum veterum formas. Sed illa nimium abhorrent ab omni antiquitatis specie, & ab ingeniis artium, numerorum maximorum quædam emblemata, quæcunque illis Romanis recens Vindobonæ manus immiscuit. Sincera Rupisfortii aliquis intellegens spectator mavelit. Quid, quod aliqua in his, qui sulcavit aceto lamnas, non tam artis cgestate & antiquitatis imperitia visus est peccare, quam iussu. Nam prorsus eruditi sæpe homines, at illi formarum spectatores minime elegantes, in reddendis veterum artibus metuunt, ne qua nimis luculenter, & in melius, quod efficere illi nunquam possunt, imagines operum reddant. Ideo frequentant istud rhetoris olim clari *οὐκ ἐπὶ τοῦ*, quod quidem hic etiam videtur usu venisse: atque eo peius quiddam aliud, quod obscenas & Atthis quodam ritu corruptas corporum species, tanquam Bonæ deæ in sacris, conversa ad delicias religione, subinde edunt, qua maris naturæ imaginem sincera numerorum antiquitas frequentat. Quanto offendeat minus, si fidem istis quoque simulacris integram, simplicitatemque operum secuti, reddidissent in minutis adeo, quidquid invenerant, & quæ poscebat sane lex antiquariæ veritatis: quam ut hæc portenta confingerent? Hac adeo modesta ac necessaria propter fidem nuditate corporum

porum qui lædatur, rectius ille ab omni artis Græcicæ monumento videndo, a litteris veterum omnibus, se abstinuerit. Evocat istud, non avocat, si qua est in studiosis litterarum, curiosam & puerilem inspectandi quærendique libidinem. Ut si verbi causa Montefalconii operis cautor inceptus, hederas ac pampinos Bacchi transfert ad partes illas, facitque palmites enasci ex inguine. Admonet nos etiam huius partis secundæ præfatio quædam, ne indicta esse ea patiamur, quæ super his nomismatis maioribus musci ditissimi epistola prodit illius, qui Museo illi & Bibliothecæ tot Cæsarium præclarissimis studiis coacta, superiore tempore primo loco custos præfuerat. Eo nos quoque, quum ante annos plusculos Vindobonæ versaremur, quantum res ferebat, usi sumus. Sat comiter autem habuit, uteratur æquum, a summis viris ipsi traditos. Ceterum amicissimi nostri eorum fere super illius animo in studiosos artium vetustatis ac doctrinæ melioris admonebant; quorum hæc epistola certa satis vestigia, Journal des
nisi nos omnia fallunt, habet. In his igitur, qua certa sunt, Savans, to-
continebimus stilum, ne quid iniquius excidat in functum re- 89. Sep-
bus humanis. tem bre

Namque quid attinuit, verbi causa, *magnam vini pecuniae* & 1729. pag.
pretium gravari in ea copia rerum talium, quæ nullo satis 132.
digno pretio emi poterat: in qua non ita certe emtoris munificencia, quam venditorum quædam liberalitas & studium præclarum pro gloria domus Augustæ eminebat, quam tali possessione auctum ibat? Simul enim aliquis intellegens artium vetustatis has nomismatum maximorum lineas inspexerit, facere non potest, quin optime emtum, quidquid est, quovis auri pondere putet. At etiam lamnas aheneas, inquit, lincis numorum graves una vendiderant Roma ferendas, e quibus delibare in chartis exempla quædam non multa ausi sunt. Id ne invidiosum sit, quod vulgandi causa fecerit, eoque nomine, ne pressum lateat, longe clarissimo possessori vendideris, eius exempla nonnulla e formis in chartas liniatas a te ducta, quibus formis nihil ideo detrimenti fiat, tibi habere? Maius aliquid, magisque invidendum auferat ille, qui lumen a lumine

accensum petat. Illi ne, dum musci instrumenta divitis vendunt, una etiam contemplationem partium eius innoxiam, & studia sua, & humanitatis ingenique communionem nonnullam, quæ libris cum fide publicandis inest, censentur vendidisse? Eone id, quidquid est, suffurati dicantur? Ideone illi tam benigno in publicam utilitatem, tam innoxio consilio, contemptum indignationemque meruerint bonorum? Id gravari tam leve, tam utile, quæ invidia est? Quæ vero fiducia, corrigere Auctorem velle correctore liquido meliorem? Præscripserunt autem in indice voluminis, ea quondam Romæ fuisse, nunc Vindobonæ in Gaza cæsarea haberi. At numi ducenti insunt, qui falsi nobis & conficti videntur. Tam pauci igitur in tantis copiis? Et quid si illi, qui nobis conficti videbantur argumentis quibusdam, alios fortasse viros peritiores nobis, argumentisque aliis firmioribus adductos, ita movent, ut minime confictos iudicent? aut etiamsi, ut sit, suspectos, minime tamen amoliendos? aut vel si maxime recens confictos appareat, servandos propter elegantiam? solet enim fieri, ut, qui modicum usum rerum earum habent, multa tanquam subleste fidei temere damnent, quæ eadem doctiores facile absolvunt. In summa verum est, accidere, ut, quod Martialis in epigrammate posuit, nihilo secius securæ usu multo & conscia virtute peccent manus, quam sollicitæ verecundia atque usu nullo. Fuerat autem ille ut studio plurimo industrius talium quæsitior, ita permodicus intellegentia & usu nobilium antiquitatis artium videndarum. Quæ certe illo tempore de eo fama ferebat, vera quidem, ut nobis videbatur. Adduci non poterat, ut nos admitteret ad inspiciendas illorum talium nomismatum thecas. At quam iucundo nos spectaculo privabat, si eos censemus ostensionales numos, (Medaglioni) quorum his tabulis adeo multorum linearum publicantur? Dixissent amici, non futurum, ut nobis quidquam de eis ostenderet, simul sensisset, nos nonnihil videre in his artibus. Vereri eum videlicet, ne intellegentium fortassis sermone sollicitari sua condemnantis numos multos iudicia vellent. At nos neque nunc in re tali, super sepultis olim &

& obscuris monumentis, fiducia et credulitate magistrali utimur, & olim tanto minore usu etiam timidi in decernendo per ætatem fuimus. Ut hic, ubi etiam fides linearum Rupefortii accusatur, tanquam quæ imitamenta signorum & litterarum abnormia erratis reddant, aliquantulum nos timidius, dum nominatum illorum ipsa corpora in manibus non habemus, pro linearum elegantia peritiam editoris æstimamus, neque in animum inducimus putare, hunc potius falsum fuisse, quam illum alieni operis correctorem. Sed, utut sit, gratiam certe habemus tam bellas nobis tabulas nunc denique præbentibus viris harum litterarum impense studiosis.

GRAECORUM CHIRURGICI LIBRI. SORANI
*unus de Fracturarum signis: ORIBASII duo, de Fractis
 & Luxatis, e Colloctione NICETAE, descripti ex anti-*
quiss. & opt. Codice Florentino ab ANTON. COCCHIO
Anatom. Prof. P. & Antiquario Caesaris.

Florentiæ, e typographia Imperiali A. 1754. in fol. 2 Alph.
 5 pl. 1. tab. æn.

Est in *Laurentiana* Florentiæ bibliotheca Codex, corpus medicorum græcorum, ad Chirurgiam maxime spectantium, ex parte ineditorum, continens, confectum a *Niceta*, Sec. XI. extremo vel XII. incunte, dudum ille fama literisque eruditorum Medicorum nobilitatus. Is ab *Ascaris* e Græcia in Italiam allatus, illatusque per *Clementem VII.* in eam bibliothecam, cuius iussu *Balamius, Galeni* de ossibus libellum, ex eo Codice latinum fecit atque edidit: celebratus postea *Lucæ Holstenii* primum, deinde *Bartholini, Sponii, Tollii* laudibus ac iudiciis, quorum hic etiam edere voluisse librum hunc dicitur. Scriptus est in membrana nitide, literis rotundis, raris interpunctionibus, itemque apicibus & notis, id quod etiam specimina proposita docent. *Cocchius V. C.* cum studium rei medicæ ab initio cum litterarum græcarum scientia sibi coniungendum putasset, perfrustraretque græcos de re medica editos ineditosque libros, in hunc quæque

que Codicem incidit, eoque diligenter inspecto vidit, in eo esse primum plane ineditos libellos, in his eos, quos nunc per eum editos habemus; alios deinde, quorum versiones latinæ tantum sint in manibus; denique etiam per quos edita exemplaria emendatiora fieri possent. Postea impulsus ab eruditissimis medicis, *Boerhavio*, *Meadio*, ad extremum etiam ab *Ant. Askevio*, Britanno græce doctissimo, statuit ineditos libellos publici iuris facere. Id quomodo fecerit, & quid ei debeat res literarum publica, quam brevissime poterimus, demonstrabimus.

Primum exhibet Conspectum totius collectionis, adpersis subinde notulis literariis, ex quo corrigi supplerique possunt, quæ de hac collectione tradidit *Fabricius* Bibl. Gr. Vol. XII. p. 778. aliique. Sequuntur tria *Epigrammata* in laudem *Nictetæ* (p. 34 sq.) versibus iambicis, de more illorum temporum non usquequaque legitimis. Eorum primum suspicatur doctissimus editor esse *Michaelis* Imperatoris ex eo, quod poeta dicit: *hos versus habet primam a nobis remunerationem operis*: quam orationem non nisi principi convenire putat: *Michaelis* autem iambos scribere solitum, *Zonaras* auctor est. Sed ea incertissima suspicio est. Illa speciosior, quod apud *Suidam* in *Καλλιθένης*, in verbis, *καὶ μαρτυρεῖ ὁ ἱαμβὸς ἕτος καὶ φθειρωσαν ὡς ὁ πρὶν Καλλιθένης*, putat respici ad iambum huius epigrammatis octavum, *καὶ φθειρωσαν ὡς λόγος Καλλιθένην*, congruente ætate *Suidæ*, quem & ipsum Sec. XI. extremo scripsisse credunt: cui etiam illud favet, quod *Suidas* addit, dictum illum iambum de arte medica valde neglecta; quo pertinet ille epigrammatis iambus. Sed in nostro epigrammate est de medicis neglectis, & videtur esse potius imitatio veteris istius iambi a *Suida* laudati, cuiusque ita noti, ut prope in proverbium abierit: id quod modus proferendi eius arguit. Atque ad illum iambum respexisse videtur *Ovidius* in lbin; *inclususque necem cavea patiaris, ut ille non profecturæ conditor historiae*. Vult enim phthiriasi perire inimicum. Ceterum in eo epigrammate v. 2. pro *χέρον δὲ*, rescribendum erat *χ, τε, & v. 32. ἀμειβὴν τῶν σοφῶν*

αοφῶν ας πρακτέων, corrigendum πράξεων. Epigrammata excipit *Sorani de Signis Fracturarum*, libellus a p. 44-51. cui subiiciuntur ex *Oribasii* Collectione medica Lib. XLVI. de Fracturis, e libris *Galenii* collectus, & *Heliodori ex Archigenis*: denique ex eadem Collectione Lib. XLVII. de Articulis excidentibus s. Luxationibus ex iisdem, & preterea *Aesclepiade*. Ad extremum velut corollarium additur *Varietas Lelionis* e Codice MS. Florentino *Celsi*, pertinens ad L. VIII. in quo de eodem argumento agitur, h. e. de Fracturis, grata futura iis, qui in *Celfo* emendando laborare cupiant.

Versio latina græcis addita est perspicua & bene latina, & græcorum sensum bene exprimens: nec facile reperiat, nisi qui argutari velit, quod reprehendat. V. c. p. 148. disiungi ad calcem ait ossa πρὸς πάντων ἰσχυρότερον: id vertit, qui vehementius saltarent: melius erat a saltu vehementiori. Sed id leve. Note sunt paucae & breves, sed bonæ. Primum hoc venerit cuique in mentem, ut expectet in iis, quæ e *Galeno* sumta sunt, indicari loca ex editis *Galenii*, unde sua repetierit *Oribasius*. Sed eo labore *Cocchius*, ut immenso, eodemque supervacuo, supersedendum sibi putavit (p. 55. ext.). Et profecto id sufficiebat fieri in locis iis, ubi corruptio aliqua libri scripti, aut obscuritas verborum, comparisonem *Galenii* desiderabat: quibus locis id facere V. d. non neglexit. Sed distinctius agendum videtur.

Soranos quinque aut sex commemorat historia medicinae: horum *Cocchius* suspicatur opusculum de Fracturis tribuendum esse ei, qui auctore *Suida*, Ephesi natus, & Alexandriæ eruditus, Romæ medicinam fecit, magna cum nominis fama, sub *Traiano* & *Hadriano*: cuius tamen coniecturæ (p. 44.) nullæ rationes redduntur. Opusculum eius inscribitur in Cod. περί σημείων καταγμάτων ἐπὶ κρανίου: cum agat de signis fracturarum universarum, initium autem faciat a fracturis calvariae: estque ille titulus in Florentino libro non prima manu scriptus.

Fracturæ in calvaria species est, quæ facta est ab illapsu corporis acuti. Eam ἐκκοπήν quidam faciunt pro ἐγκοπήν, decepti scriptura vitiosa ap. *Paullum*, etiam *Galenum*, ut mox

alteras species duas faciunt ἐκγένεσσις & ἐκπίεσις pro ἐγγ. & εμπ. iisdem libris auctoribus: quod tamen de Galeni libris, vel dubium, vel falsum est. Noster e Codice Florentino omnia ista edidit composita ex ἐν. Ceterum ita frequens est ista in multis talibus verbis confusio, ut subinde suspicari liceat, utramque scripturam rectam esse, cuius nec exempla certa defunt. Nam patria, & mater dicitur ἐκτεκῆσαι & ἐντεκῆσαι, itemque proles ἐγγονα & ἐκγονα &c. Nec dubitemus ἐγκοπὴν & ἐκκοπήν recte dici, cum etiam ἐκκόπτειν ita saepe pro ἐγκόπτειν reperiatur in bonorum librorum locis, nihil de menda suspectis, ut nimis multa loca corrigenda essent, si ea omnia vitiosa pronuntiare vellemus: sed forte quis nec hoc dubitet.

Pag. 48. De spinæ fractura agens Soranus, comparat ἐμπίεσσις, cuius effectum facit etiam torporem; quod valde probat Cocchiur: sed graviolem & perniciosiorem consequi solere eo, cuius a Sorano mentio fiat. Officulis enim illis comminutis, medullam per ea descendente comprimi, pungi, atque inflammari necessario, & subiectas corporis partes universas resolveri, ac vesicæ & recti intestini vim constringentem amitti adeo, ut urina & excrementa vel supprimantur, vel sine voluntate prorumpant. Qua certissima atque evidentissima nota saepe se coniecisse, ait, vertebræ alicuius processum spinosum introrsum confractum fuisse, & cum mors plerumque vel cita vel tarda infecuta esset, incisis corporibus, id mali solum seprehendisse, etsi nullo modo vertebræ exciderint. Antiquos id parum perpexisse videri, qui noxas tales & pericula a vertebris luxatis repetant, quæ sint a fractis. Atque sæpius accidere expertus tradit, secus atque veteres existimarunt, (v. Cels. VIII, 9. 14. & Paulum VI, 98. 117.) ut frangantur officula illa, quam ut luxentur. Dum Celsi loca profert, admonet in priori, verba si quid ex vertebra excidit aliquo modo aut fractum est &c. e MS. vetusto Florentino & ed. pr. Florentina sic corrigenda esse: si id, quod ex vertebra excidit aliquo modo, fractum est.

51. Talum Soranus negat frangi, quod contineatur fibula & κυβερδεῖν, ὅσῃ cubo simili. In eo verbo κυβερδεῖν exerc.

σιν exercuit suam V. c. existimans, fortasse legendum σκαφοειδῆ. Nam os pedis, quod Græci κυβωειδῆς vocent, non pertinere ad talum, neque eum complecti, cum os navicularæ cum talo committatur. Ratio Viri docti placet. Sed durior est correctio, hoc est, longius recedens a vulgatæ scripturæ vestigiis. Videat vir clarissimus, an lenius sit κυβωειδῆ, quod synonymum est σκαφοειδῆ, & una modo litera auctius edito verbo, & quidem ea, quæ sexcenties vel detracta verbis est, alieno loco, per librarios, vel addita. Sed tamen addit, si κυβωειδῆ verum sit, intelligendum forte os calcis, quod eo nomine appellasse videatur & ipse Soranus proxime præcedentibus verbis, & Bacchius ap. Erotianum v. Κυβιτῶ Βακχῆος Φησι, κυβωειδῆ ὁραῖν τῇ πτέρῃ. Sic edidit H. Stephanus, sic habet MS. Cocchianus, chartaceus ille quidem & Sec. XVI. sed admodum bonus: sed Eustachius; vel de suo, vel e Vatic. libro addidit in versione, in calcaneo; Foësius autem in Occ. H. v. κύβιτον: καὶ τῇ πτέρῃ, sed haud dubie sine libris.

Oribasiana, quoad e Galeno ducta sunt, ut hoc primum dicamus, etiam hunc usum, non illum contemnendum, præstant, ut inde vulgata Galeni lectio permultis locis, quibusdam etiam Hippocratis, emendari possit, quod singulis locis monere V. d. non neglexit, ut p. 58. not. 6. sq. 10. 12. 16. 17. p. 62. 4 p. 65. 4. 5. &c. Notulæ autem Cocchii, etsi paucæ sunt, & maxime indicia locorum Galeni, unde Oribasius hausit, continent, tamen passim habent aliquid aliud bonæ frugis, & exquilitæ eruditionis. Pag. 66. corrigitur Erotianus, (& eadem opera Galenus,) sed ex Oribasio, p. 13. ed. A. Ἀπόξεα τὰ ἀπόξηρα καὶ ἀπεκεκομμένα λέγω &c. Referibit rectissime ἀπόξηρα, (& deinde λέγων), cuius menda ignorantio Eustachium, H. Stephanum in Thes. & Foësiū mire decipit, ut ὑπόξηρες tentarent, & de subaridis cogitarent; quæ sunt inepta. Ita parva sæpe menda miras turbas dat, ut in eodem Galeno, in cuius vulgatis libris cum hæc sint: Καθ' ὃν καιρὸν αἰεὶ παρ' ἡμῶν ἐν περιγῶν τῶν ἀρχιερέων τὰς καλεμένας μονομαχίας ἐπιτελούντων &c. Vidius inde effecit hoc, ut Pergamī per ætatem Pontifices semper ludos

- gladiatorios ederent: at corrigendum erat *καλ*, quod pro *αλ* liber *Oribasii* exhibet. *Galenus* in *Exposit.* vocum *Hippocr.* in v. *Αἰς*, nil aliud explicandi causâ addit, quam *ὄργανον*: item *Suidas* solum hoc, τὸ τεκτονικὸν ἐργαλεῖον: nec plus *Foefius* in *Oecon.* aut *Stephanus* in *Theol.* At ex *Heliodori* loco, cuius excerpta dedit *Oribasius*, patet, fuisse partem terebræ, per quam vertitur, hoc est, arcum cum habena, ut exprimitur a *Io. Andr. Crucio* in *Officina Chirurg.* p. 10. Eam coniecturam iuvant verba *Hippocratis*, de articulis c. 14. p. 770. ed. *Lind.* ad quem respexisse videtur *Galenus*, quibus parili motu agi ait *ferram & αἰρίδα*, tum *Philippi* versus *Anthol.* VI. epigr. antepen. καὶ γύρας ἀμφιδέτας αἰρίδας; denique *Pollucis* locus X. 146. ἔνθι τρυπάνια τρυπανίας ἔχοντα, ex inscriptione antiqua, ipse explicat, ἴσως τὴν αἰρίδα.
108. Κυκλίσκῃ ap. *Galenum*, & hinc ap. *Oribasium*, interpretantur Lexica *scalpros cavos, excisforios*. Sed *Cocchius* rectissime corrigit, & in textum adeo *Oribasii* recipit, κοιλίσκῃς, quamquam sine *Codd.* scriptorum auctoritate, at *Auctore Hesychio*, qui habet κοιλίσκον, Κῶλον. Atque etiam mox, ubi in edd. *Galenii* est τοῖς κυκλίσκοις, *Oribasius* habet τοῖς κοίλοις, forte pro κοιλίσκοις. Sed etiam τὸ κοῖλον potuit esse instrumenti nomen. De ὑπερσαρκώσει præcepta scribens *Oribasius* ex *Archigene*, eam vel excedente medicamento, vel scalpello demere posse medicos, ait, ἀποδῆσαντας, caventesque, ne id fiat nimio plus. Pro ἀποδῆσαντας, quod ineptum est, levissima mutatione reponit ἀπεδίσαντες, complanantes. Nam ἀπεδίζεν per ὁμαλίζεν interpretatur *Hesychius*, ex ἁπεδόν, quod est ὁμαλόν, planum.
154. Ad *Asclepiadis* fragmentum, quod iam ediderat ante separatim *Florent.* 1745. delatus, reprehendit opinionem eorum, qui auctore *Plinio* XXVII. 3. cum *Cn. Pompeio* æqualem faciunt, usus loco *Ciceronis* Or. I. ubi *Crassus* ait, eo se medico & amico usum esse. Quod argumentum nobis satis idoneum non videtur. Non credibile est, *Plinium* in re tam propinqua suis temporibus errasse. Illa autem mera coniectura est, cum *Asclepiadem*, quo tempore ista loqui *Crassus* a *Cicerone* fungitur, fortasse iam mortuum

tuum

tuum fuisse dicit. Potuit *Crassus* medicus fuisse, & tamen ad *Pompeii* mortem vixisse, ut qui centum amplius annos vixisse dicatur.

Age vero, quoniam Auctarium quoddam additum diximus a V. D. e Cod. *Celsi* Medico: de eo quoque planius dicendum videtur. Est autem Codex ille antiquissimus, correctus, sed multo post manu *Marchionis Palavicini*, adscriptaque habet quasdam *Politiani* emendationes. Nomen *Celsi* aliter quam ceteri exhibet, nunquam *Aurelium* appellans, sed *A. Cornelium Celsum*, interdum tamen omisso pronomine, atque adeo *Cornelii* nomine. Differt etiam capitum titulis liber iste ab ceteris Codicibus omnibus, alios habens ac pauciores. Et ceterorum quidem Codd. tituli videntur deberi auctori non admodum vetusto, qui eos margini antiqui libri adscripserat. Memoratur enim in iis *Soranus*, qui posterior *Celfo* fuit. Sed illi tamen reperiuntur in libris scriptis, etiam Florentinis omnibus, præter unum illum antiquiorem & meliorem, de quo nobis iam sermo est. Ab hoc autem cum absint, isque alios & pauciores habeat, credibile sit, exemplum *Celsi*, unde hic liber ductus sit, diversum & antiquius eo fuisse, unde ceteri omnes manarunt, consentientes illi inter se quam maxime, & ab hoc plurimis locis valde discrepantes. Itaque Vir cel. existimat, de restituenda vera *Celsianorum* librorum lectione tum demum spern fore, si tertium quoddam antiquius & emendatius exemplar proferatur. Ut nunc est, Florentini illius auctoritas haud dubie maior est ceterorum, quam adeo non deferere debebant editores *Celsi*. Itaque præclare fecit doctiss. *Cocchius*, cum octavi Libri accurata excerpta dedit, passimque loca *Celsi* protulit alia ex illius Codicis lectione, ut p. 81. & aliis locis. Atque etiam p. 52. omnium Codd. Flor. qui sunt septem, notitiam dedit: quo loco etiam se facturum promittit, cum primum aliquid otii nactus fuerit, quod eum in ep. VII. in *Celsum* rogarit Morgagnius V. C. ut totius Codicis varietatem proderet.

Ceterum in Codice Nicetæ restant promenda porro hæc tria: *Apollonii Citienis* Commentarii tres in *Hippocratis* li-

brum de Articulis, *Ptolemaeo* regi inscripti, quem V. C. putat esse Cypri regem, *Ptolemaei Auletae* fratrem: *Oribasii* de laqueis & machinamentis liber; latine tantum editus a *Vidio*: denique locorum quorundam *Hippocratis*, *Galen*i, *Oribasii*, *Pauli*, *Rufi*, *Palladii*, emendationes. Quæ ut pollicetur vir Cel. se proditurum, si vires suppetant, & viris bonis edita placeant; ita, ut illæ ipsi contingant, optamus: viris quidem peritis edita, & editoris diligentiam, doctrinamque, probari, certo scimus.

DIONYSII CATONIS DISTICHA DE MORIBUS, ad Filium. Cum notis integris *Scaligeri*, *Bartbii*, *Daumii*; *Scholiis* atque animadversionibus selectis *Erasmi*, *Opitii*, *Wachii*; & metaphrasi græca *Plumidis* & *Scaligeri*. Quibus accedunt, *Boxbornii* dissertatio, & *Henrici Cannegieteri* rescripta *Boxbornio* de Catone; nec non *Io. Hilderici Wisbofsii* dissertat. binæ de *Distichorum Aulore*, & vera illorum lectione. Recensuit, suasque annotationes addidit **OTTO ARNTZENIUS.**

Editio altera, auctior & emendatio.

Amstelædami, ex officina Schouteniana 1754. Alph. I.
pag. 21. octonis.

Cum ante hos viginti annos, Traiecti ad Rhenum, *Arntzenius*, V. Gl. ederet *Dionysium Catonem*, *Scriptorem*, non quidem primi ordinis, sed qui tamen plus in recessu, quam prima frons, quæ decipit hodieque multos, promittere videatur, haberet reconditum: non putaverat futurum aliquando, ut de recudendo eo cogitaret, quin potius animo statuerat, operam curamque suam *Egesippo*, aliæ *Scriptori* impendere. Evenit interea, ut ad *Delfenses* in *Batavis*, hinc ad *Amstelædamenses*, moderamen gymnasii suscepturus, anni sunt novem, evocaretur. Hic amicorum tandem *Bibliopolarumque* precibus adduci se passus est V. Gl. ut alteram horum *Distichorum* editionem parandam recipe-ret. In ea, quid præcipue egerit, iam planius dicemus. Ante omnia

omnia ei curæ suæ, plurima meliorumque MSSorum Codd. quam quibus antehac usus esset, copia; editionum item veterum adparatus, quo, emendando forte Auctore, uteretur. Sed de MSSis libris, quod rariores paucissimique essent, frustra laboravit Noster, cum ab *Henrico Cannegietero*, V. C. cui prior iam editio Traiectina multum debebat, opportune per litteras moneretur, quondam se ex *Jo. Casp. Hagenbuchio*, Turicensi Professore eruditissimo, cognovisse, esse illi varias Distichorum Catonis lectiones quamplurimas, quas, e codice Bibliothecæ Turicensis publicæ, manu sua a. 1724. diligenter enotasset. Dedit, rogatus ab Arntzenio, ad Hagenbuchium litteras Cannegieterus, additis precibus, ut novæ Distichorum editioni ornandæ, variantes eas lectiones liberaliter impenderet. Annuit vir humanissimus, omnemque eam farraginem ad Arntzenium misit, qui hoc beneficio egregie, atque ita usus est, ut genuinis ipsisque Dionysii verbis rite restituendis, & in textum nonnumquam revocandis, omnem litterariam rempublicam eius beneficii participem fecerit. Præter editiones, quas iam olim Noster consuluerat, quarumque seriem prioris editionis præfationi additam meminimus, nunc insuper diligentissime excussit alias quatuor; quod eo labore, cum ob venerandam vetustatem, tum ob illarum Editores, præ reliquis dignissimæ sunt visæ. Prima est *Erasmi*, impressa, quantum ex reliquis adiunctis opusculis colligere licet, Argentorati, in ædibus Schurerianis a. 1515. in 4. Secunda eiusdem fere formæ est, nullo tamen aut loci aut anni expresso indicio; nisi quod P. Burmannus, athenæi Amstelædamensis ornamentum, a quo eam una cum prior Arntzenius accepit, manu sua adscripsit, esse anni 1520. apud Martinum Boillonium impressam. Tertia Gryphiana est, Lugduni 1533. in 8. edita, cum Scholiis Erasmi Roterod. Quarta denique, ex postrema Maturini Corderii recognitione, Argentoratensis, anni 1559. in 8. His igitur copiis instructus, ut veram inde Distichorum lectionem investigaret, ad Catonem denuo accessit Arntzenius V. cl. deditque exemplum Criticæ, non, ut vulgo solent, ex suo ingenio, codicibus

invitis,

invitis, veteres scriptores refingentis, sed qui in iis emendandis primam omnium curam Codicum habeat, ingenii postremam. Atque istud, nisi vehementer fallimur, eo imprimis pertinet, ut veram veteris Scriptoris sententiam certo cognoscas. Nam qui omnia, non ad librorum fidem, sed temere atque audacter conturbant, & pro sua quisque libidine, confodijunt ac mutant, non quid scripserint veteres illi, sed quid scripturi ipsi erant, neque rogati, proferunt. Aliam quoque, & meliorem, notarum omnium sub ipso contextu collocandarum, quod priori editione Traiectina, per librarii avaritiam non licuerat, rationem invenit Agntzenius, V. Cl. Notas *Io- sephi Scaligeri, Caspar. Barthii, & Christiani Daumii*, ut iam erant in editione Traiectina, integras dedit: notis autem Scaligeri, ante Erasmi Scholia locum tribuit, quod illæ non tantum ad latinum, sed etiam ad græcum textum pertinere videbantur. Scholia ipsa *Erasmi*, quod nostræ ætati minus accommodata essent, nonnihil excerptit: ea tamen omnia retinuit studiosissime, quibus aliquid inesse, ad verum distichorum sensum interpretandum, aut genuinam eorum lectionem eruendam, credidit. Idem dicendum de *Mart. Opitii*, atque *Gilberti Wachii*, Nassenhubiensis Ecclesiæ Pastoris, notis atque animadversionibus est. Plurima omisit Noster, quod præter Rabbiorum adagia, quæ huc non pertinent, fere nihil continerent. Præterea & hac præstantia Editio hæc recens commendabilis est, quod Lectores in notis ubique ad Rescripta Boxhornio, plena bonæ frugis, ablegantur, quibus vel emendata Disticha, vel illustrata sunt. Istud, cum Editore V. Cl. dolemus vehementer, frustra desiderari adhuc, quæ olim *Vossius*, Vir summus, ad hunc Auctorem commentatus est. Scribit enim ad Vellei. Patere. Lib. II. Hist. Rom. c. 98. *de quo loco, brevi, pluribus ad Ethicum gnomologum illum agemus. Nam toto errant coelo, qui Christianum fuisse arbitrantur.* Iam græcas Interpretum metaphrases videamus. Quatuor olim Traiectina editione edi curaverat, nimirum *Maximi Planudæ, Ios. Scaligeri, Matthiæ Zuberi, & Io. Mylii*; sed cum duæ posteriores minus nunc ad eius institutum facere vide-

viderentur, nec ipsa editionis ratio ferre tantam molem posset, eas omittendas censuit. Porro pag. huius editionis recentissimæ 335. locum assignavit appendici notarum atque observationum, quas capitibus quibusdam, ex additamento critico *Paganini Gaudentii*, (ut sunt in *Ever. Ottonis* Iur. Rom. Thesaur. Tom. III.) nec non ex observationibus miscellaneis nobilissimi atque eruditissimi Viri, *Corn. Val. Vonck*, nonnihil supplevit: quod illa sibi dignissima essent visa, quæ hic quoque legerentur. In quo vehementer laudamus doctissimi Editoris studium diligentiamque; propterea, quod illa notarum atque observationum appendix, rerum optimarum ditissima est, & huc unice videtur pertinere. Succedunt *Variae* lectiones græcæ Planudæ versionis, e cod. Ms. *Marci Meibomii*, atque ex editione Veneta anni 1545. collectæ. Eas separatim edit Noster; quod iam insignis Libri atque notarum pars, prelum reliquerat ante, quam inedita ista in manus eius pervenirent. Deinde sequuntur, *Marci Zuerii Boxhornii* dissertatio, de Distichis, quæ sub Catonis nomine circumferuntur; & *Henr. Cannegieteri* Rescripta Boxhornio de Catone, in quibus de nominibus, ætate, ac stylo Dionysii Catonis. Hæc Rescripta iam olim laudata a nobis, in his ipsis *Eruditorum Actis* Anni 1738. *mens. Mart. P. I.* pag. 105. sq. meminimus; eamque laudem, hic iterum, hoc cumulatius repetimus, quod Cannegieterus, V. Cl. Rescripta ea, integro capite 33. & novis quibusdam notis, auxit. Accedunt præterea iteratæ huic editioni, clarissimi eruditissimique viri, *Io. Hildebr. Withofii*, Dissertationes binæ, nunquam antehac editæ, quarum altera de genuino Distichorum Dionysii Catonis Auctore; de vera Distichorum lectione altera, doctè atque accurate exposuit. Qui additi sunt indices rerum & verborum, notarum quoque, ii inprimis industriæ *Henrici Ioannis Arntzenii*, qui est Fratris Nostri filius, debentur; qui simul spem facit novæ *Sedulii* editionis, ad fidem optimorum codicum emendatæ, cui nos faventem, ex animo, Lucinam adprecamur. Atque hæc sunt potissimum, novæ istius editionis distichorum decora, debita Arntzenio V. Cl. quæ nos

cumulatissimis laudibus lubenter prosequimur, optamusque, ut adhuc veterum libris bene multis contingat, emendari ornarique ab Arntzenio. Evenire bonis litteris fructuosius nihil potest.

Sed cum *Withofii* ad Catonem dissertationes hic primum prodeant, age, de iis adhuc aliquid, ad ciendum gustum, proferamus. Prima est de vero distichorum Auctore, plena bonæ frugis, & doctrinæ reconditæ. Percensitis ante omnia, & confutatis, aliorum sententiis, (ubi tamen nobis illa in Boxhornium invectiva, fatemur enim, aliquantulum displicuit,) generalia quædam requisita, quibus peculioria deinceps & magis specialia argumenta accesserunt, exigenda Auctori V. Cl. visa sunt, ante, quam ad verum distichorum Auctorem, post tot secula iterum in lucem revocandum, veniret. Ait igitur, primo, Auctorem istorum distichorum, medio inter Neronem & Valentinianum I. Imp. Rom. tempore necessario vixisse; propterea, quod Lucani a Nerone interfecti meminit, & eius vicissim mentionem facit Vindicianus, Comes Archiatriorum, in Epistola ad Valentinianum scripta. Secundo, cum omnino a Christianorum sacris alienum fuisse, contra quam Boxhornius existimet. Tertio, Auctorem libelli non modo aliquando in coniugio vixisse, sed etiam ex eodem filium procreasse, cui hæc disticha consecravit, ut docet inscriptio, & præter eam præfatio quoque. Quarto, Auctorem eum, quicumque demum fuerit, non modo poetarum lectione vehementer oblectatum, sed ipsum quoque, etsi non grandiloquum atque animosum, purum tamen fuisse, castumque poetam. Quinto, Medicum fuisse, eiusque scientiæ cultorem eximium, ut qui in tam exiguo opusculo, tam crebro vel medicorum meminerit, vel ut tuendæ sanitatis ratio habeatur, monuerit; quippe etiam ab ipso archiatriorum comite, Vindiciano, iam olim non temere laudatus. Sexto denique, verum Auctorem, Pythagoræ inprimis placitis fuisse imbutum, deditumque. His sex capitibus, suo ordine, diligenter, magnoque iudicio, & explanate propositis: solum, ex tota antiquitate, Q. Serenum Sammonicum, cuius hodieque præcepta saluber-

rima

rima de Medicina, versibus itidem hexametris conscripta, in doctorum manibus versantur, reperit, in quem ea omnia simul convenient conspirantque accuratissime, ita ut nequaquam dubitari possit, quin hic verus sit æ genuinus istorum distichorum tam celebrium auctor & parens. Sed & multa alia indicia atque argumenta, omni exceptione maiora, ex indole & genio styli, ex pari imitandi ratione, ex locis utrinque plane simillimis, ex verbis, usu denique & scribendi consuetudine, nusquam alibi observata, superaddidit V. Cl. iisque omnibus hoc effecit, nisi vehementer fallimur, ut non credamus futuros impofterum, qui alium credant distichorum istorum auctorem, quam Sammonium; qui Catonis nomen imposuisse libello suo propterea videtur, quod & multa comprehenderet, Catonis antiqui virtute & gravitate non indigna; & iam Porcius Cato ille antiquissimus, revera librum de moribus, ad filium, conscripsisset, teste, in Noctibus Atticis, Gellio. Certe, superadditum illud *Dionysii* nomen, vix aliunde, quam ex depravata *Distichorum* voce, videtur provenisse. Sed manum de tabula.

MATRIKEL ÖFWER SVEA RIKES RIDDERSKAP OCH
Adel, &c.

h. c.

EQUITUM ET NOBILIIUM SVECIAE
Matricula. Desiderantibus illis in comitiis anni 1751 edita, & notis historicis atque genealogicis illustrata, ab ANDREA ANTONIO DE STIERNMANN, Cancellaria consiliario, S. R. M. & Regni Archivi Praefecto, Equite stella polaris.

Part I. Holmiae 1754. 4. paginae 726.

Plurimum historia Suecica generosiss. Auctori debet; hoc vero opere, sane doctrinae plenissimo & laborioso, coronare velut copiosum librorum ante abs se editorum numerum, eruditus Suecis visus est. Tribus veluti capitibus,

D 2

part,

pars, quam in manibus habemus, absolvitur: prima ad Comites pertinet; secunda ad Barones; tertia ad equites & nobiles, Ubique hanc legem observat, ut cum nominet, qui primus hanc dignitatem genti suæ intulit, annum quo id contigit indicet, vitæ eius brevem historiam subiungat, & unde gens originem traxerit addat. Hic Auctor subsistit, non enumeratis posteris ad nostra tempora, ita ut genealogiam familiarum Sueciæ illustrium hic frustra quæstiveris. Extinctas tamen familias, cruce (†) notat, & ultimus quivis gentis suæ quando obierit commemorat. Ceterum, hæc omnia, nullis citatis auctoribus; iure quidem suo, ni fallimur, postulans, ut credatur optimos ipsum consuluisse, documenta etiam inedita, quorum usum ipse præ multis aliis obtinere potuit. Optabunt tamen nobiscum plurimi, ut, quibus monumentis nitatur quæ tradidit, generatim saltem exposuisset. Sed forte hoc in secunda parte fiet, licet, quid illa contentura sit, cum præfatione destituatur liber, omnino ignoremus. Neque opus sine indice absolutum erit, usuique aptum, cum difficulter jam reperias, quam quæris familiam, inter tantum illarum numerum, Comitum quidem 86. Baronum 237. Equitum & Nobilium 992; connumeratis ubique extinctis, & inter nobiles nominatis illis etiam familiis, quæ iam altiore dignitatem consequutæ sunt.

His generatim de opere dictis, uno alterove exemplo, quomodo in familiarum originibus enarrandis versatus fuerit generosiss. Auctor, illustrabimus. Inter Comites nomen 41. est *Caroli Bonde* in *Bioernoe*, ad Comitis dignitatem erecti 1695. Aug. 22. introducti 1697. Erat hic Consiliarius Regius, & Præses iudicii aulici Dorptensis; Anno 1697. Jul. 31. Ambasciator Extraordinarius & Plenipotentarius in pacificatione Ryficensi; eodem anno Decembr. 6. Ambasciator Extraordinarius in Angliam, ut ordinem perisclididis restitueret, quo Carolus XI ornatus fuerat. E celebri familia *Bondiana*, primus hic Comes, consiliarius regius, 19 linea recta descendente erat, natus Holmiæ 1648. Octobr. 11. mortuus ibi 1699. Dec. 16. Primo matrimonio iunctus 1680, Martii 31. Eleono-

re Margarethæ Brahe, filie Senatoris Regni & Archithalassii, Comitæ Nicolai Nilsson Brahe, quæ cum 1690. Nov. 1. mortua esset, denuo duxit 1693. Febr. 2. Mariam Gustavam Gyllenstierna, Senatoris Regni, Comitæ Christophori Gyllenstierna filiam, quæ 1737. M. Octobr. vivere desuit.

Familiam Bondianam quidam deducunt a *Thordo Tottli*, qui, cum falsos deos populi septentrionales adhuc colerent, vixit, prope Londinum Scaniæ, in loco *Kycklinge Hed* sepultus. Huius filium *Thord Skaegge*, in Skæggersnaes, prope fretum Calmariense, aiunt sepultum. Primus Bondii aguomen adscivit Carolus, Hallandiæ præpositus (Höfsvitsman), qui post infelix proelium in Norvegia, regem fugientem *Suenonem Esfridasen* in Daniam A. C. 1062, duxit, quorum dein ipse etiam a Rege dicto vocabatur, prædiis insignibus, beneficiaria lege, & honoribus auctus. Ab eo lineæ duæ ortæ dicuntur, Suecica, & Norvegica. Dagfin Bonde regis Norvegici *Inges* dux bellicus erat, & regis Hokens Marefchallus, annis 1206. 1250. Linea Suecica originem ducit a Thordone Bonde, Equite & Principe Gothorum, a. 1090 & 1100. cuius uxor *Edela* filia erat *Erii Goeter* vel *Goters*, præfecti Gothiæ occidentalis, & *Cæcilie*, filie *Canuti Sancti* Daniæ R. Præfatus *Goete* vel *Goter*, in regione Sueciæ *Nericia* (*Nerikè*), templum *Gotilunda* exstruxit, a nomine suo appellatum.

Ex *Stiria* orta esse dicitur Gens *Froelichia*, ex qua primus Comitæ elogio ornatus est Carolus Gustavus, hic, 49. ordine, honorem eum consequutus est anno 1706, Iunii 21. introductus 1719. Erat autem anno 1706. Consiliarius regius, & Præfès iudicii Aulici Livonici: antea iam nobilitatis iura consequutus 1682. Dec. 20. cum legioni militum imperaret. Uxores duas habuit, quæ ab A. nominantur. Pater eius, primus gentis in Sueciam advena, legionis dux 1658. in Dania occubuit.

Locus 56. inter Comites datus est *Reinholdo Ioanni a Fersen*, qui 1712. Martii 28. Comes creatus est, 1719. introductus. Cum Comes crearetur, consiliarius regis fuit, & rei tormentariæ castrensis præfectus (*Feldzeugmeister*); a. 1715. Sept. 15. Præfès iudicii Aulici. Annus nativitatis incertus est:

est: obiit autem Holmiæ 1716. Dec. 10. Uxor eius fuit *Anna Sophia ab Ungern Sternberg*. Gentis origo ex Hassia & antiquis Catts deducitur, diciturque victis a Tiberio Imp. Catts in Bataviam, deinde in Scotiam, Poloniam, Pomeraniam, Esthiam, tandemque in Sueciam migrasse.

Barclaia gens, cuius nomen inter eruditos etiam celebre est, hic inter nobiles loco 562. comparet. Introductus enim inter Suecicos nobiles fuit Wilhelmus Barclay 1654, qui stipendia apud Suecos merens, a gregarii militis conditione ad legionis imperium ascendit, rebusque in bello egregie gestis, indigenarum Sueciæ iura 1648. Dec. 17. consequutus est, variis deinde muneribus functus. Obiit a. 1670. Gens hæc in Scotia iam Seculo 15. illustrem habuit *Walterum Barclay*, Equitem Baronetum in *Torvey*, maritum Agnethæ Meldrum. Iam in Scotia æque ac in Suecia extincta gens est.

DUAE EPISTOLAE CLEMENTIS ROMANI, Discipuli Petri Apostoli; e Codice MS^o N. T. Syriaci cum versione Latina edidit IO. IAC. WETSTENIUS. Ad calcem Edit. N. T. Westsen.

Lugd. Bat. typis Elizæ Luzac, iun. 1754.

A Iac. Portero, Britannici Regis ad Turcas legato, ex urbe Aleppo, duos Codd. MS^{os} N. T. Syriaci nactus est novissimus ille N. T. editor, *Io. Iac. Wetstenius*: eorum alter, A. 1596. scriptus, sive aeræ Græcæ 1908. Evangelia continet; alter A. 1469. s. Græcorum 1781. scriptus, Acta Apost. cum 3. epistolis Catholicis, & 14 Paullinis. Chartaceus uterque, Syriacum & Arabicum textum, sed Syriacis hunc quoque literis exaratum, complectitur; ad corrigendam versionem Syriacam posteriorem, multis locis utiles. Ex horum altero præter epistolas hæc, quas nunc indicamus, Clementis Romani nomen præ se ferentes, ad calcem Editionis suæ N. T. exhibuit Wetsten. vere Clementis esse, duabus maxime inductus auctoritatibus: Hieronymi altera, contra Iovin. I. sic scribentis: *Hi sunt Eunuchi, quos castravit*

non necessitas, sed voluntas, propter regnum coelorum. Ad hos
 Et Clemens, successor Apostoli Petri, cuius Paulus meminit,
 (Phil. 4, 3.) scribit Epistolas, omnemque paene sermonem suum
 de virginitatis puritate contexuit; altera Epiphaniū, Hæres. 30.
 Ebionit. n. 15. αὐτὸς Κλήμης αὐτοὺς κατὰ πάντα ἐλέγχει,
 αἰφ' ὧν ἔγραψεν ἐπιστολὰν ἐγκυκλίαν, τὰν ἐν ταῖς ἀγίαις ἐκ-
 κλησίαις ἀναγιγνωσκόμεναι; αὐτὸς γὰρ παρθενίαν διδάσκει,
 καὶ αὐτοὶ ἐὺ δέχονται; αὐτὸς γὰρ ἐγκωμιάζει Ἡλίαν, καὶ
 Δαυίδ, καὶ Σαμψὼν, καὶ πάντας τοὺς προφῆτας, ὡς οὐ-
 τοι βδελύττονται. Hæc duo loca, quæ partim in vulgatas
 Clementis epistolas nullo modo convenire agnita, partim de
 iis perperam intellecta, in hæc duas novas, in quibus sane
 leguntur, etiam de Simfione, ep. 2, 9. convenire Wettstenio
 tanto magis videntur, quod in ipsis nihil alienum ab ævo illo
 Apostolico offendatur. Discipulus Petri Clemens vocatur,
 & quidem Origenis auctoritate, ex Philocal. c. 23. p. 81. &
 Hieronymi supra commemorata, ubi successor Petri, nisi glosse-
 ma est hominis vulgato errore imbuti, etiam discipulum signi-
 ficare posse nobis videtur; eodem iure, quo Græcorum Phi-
 losophorum discipuli, sectæ ac disciplinæ propagatores, δι-
 δαχοί, & ipsa philosophorum series, apud Diog. Laert. δι-
 δαχαί. In locis Sc. S. afferendis sequitur Græcam τῶν ὁ ver-
 sionem, etiam in Historia Susannæ, ubi nos iam deficiunt
 isti interpretes: quorum tamen operam huc quoque perti-
 nuisse, ex Orig. epist. ad Afr. & Hieronymo intelligitur. Pe-
 dum lotio per feminas, cuius ibi mentio, post ævum apostolicum
 plane cessavit. Discrimen pastorum s. presbyterorum in eos,
 qui loqui, docere, & familiam exhortari possint aut non possint,
 ex ecclesiæ Romanæ statu explicat Wettsten. cuius rectores aut
 Græci aut Iudæi, sæpius erant linguæ latinæ imperiti: quæ ra-
 tio hand facile cuiquam probabitur, cum & Romani ipsi coe-
 tui Christiano præesse potuerint, nec Græci aut Iudæi usū la-
 tini sermonis caruerint. Quin, si utique ævo apostolico vin-
 dicatum carnis has epistolas, ad dona διδασκαλίας & παρακλή-
 σεως referimus? Celibatus s. virginitatis, (nam fratres virgi-
 nes creberrime ibi leguntur, quorum appellationem ex Apoc.

XIV, 4. repetit,) *nimiae laudes* nequaquam displicent Editori, sed cum Romanorum temporibus istis congruere egregie videntur, quibus ipsa luxuria feminarum, horrorem atque odium matrimonii omnibus dudum excitaverant. At quod *excellentiorem in vita coelesti gradum* destinat *virginibus sanctis, quam coniugibus sanctis*, vix est, ut sola temporum conditione excusetur, nec in Viro Apostolico talem errorem fuisse credibile. Hanc ipsam severitatem in causa ponit Wetsten. cur, refrigerato celibatus studio, immissaque inter clericos quoque luxuria, tamdiu epistolæ illæ delituerint. Quod *brachium s. manuum veste iubet contineri*, modestiæ & oratorum præcepta dicit fuisse Wetsten. comparatque cum Paullinis de coma & calvitie, de capite aperiendo tegendoque. Utilitatem autem ex his Epistolis, quatenus vere sint Clementis, hanc redundare ad nos dicit, ut primo antiquitatem auctoritatemque libb. SS. inde intelligamus, nominatimque Evangelium Iohannis, non a scne, sed maturius, Clemente vivo scriptum; deinde ut illas formas loquendi, *daemonia exorcizare, & aegrotos sanare*, ex ep. I, 12. promiscue usurpatis discamus. Dociles hic lectores haud dubie expectavit, ipsiusque sententiæ, quam ad ipsum N. T. iam protulit, cito subscripturos, cuius tamen ne vestigium quidem illa ostendit, ubi non ut promiscua, sed uti *genus ac singulare*, ponuntur. Verba enim sunt: *daemonia eiicere, cum aliis curationibus*. His argumentis autem omnibus quantum ponderis statuendum videatur, sequentis libelli iudicium declarabit. Ceterum, græce scriptas primitus quod epistolas putat, e græcis vocabulis, quæ ibi crebra leguntur; latine scriptas dicere nos possumus, cum latinum vocab. *Segilo*, Seculum, init. ep. I. invenerimus. Nam complura e Græco in hanc linguam transisse, vel ex N. T. nimis apparet. Argumenti sunt ambæ ascetici, nec, quod ad doctrinæ, aut historiæ, aut disciplinæ quoque ecclesiasticæ rationem accuratius percipiendam magnopere faciat, completuntur. Prima continet laudem castitatis s. virginitatis, veramque rationem, cum virtute coniunctam; altera eandem pluribus illustrat exemplis, maxime ipsius Auctoris, aliorumque ipsi

ipſi ſimilium, quorum fuga & abſtinentia a feminis magna ſane & ſollicita deſcribitur, nullo ut loco morentur aut diverſentur, ubi aut nulli viri, aut ſemina unica ſit: eaque abſtinentia prophetarum pæne omnium exemplis commendatur; putide nonnunquam, nec admodum apoſtolicæ. Monentur etiam, ad quos ſcribit, ne paganis ſacra prælegant aut exponant, ludibrii vitandi cauſa. Verſio ſimplex eſt, & fidelis, neque tamen Syriaco idiomatici ita ſimilis, ut aut perſpicuitas, aut latinæ linguæ puritas laboret: quod tamen magis in altera epiſtola, nescimus quo caſu, factum, ut ad verbum translata omnia, Schmidianæ verſioni eſſent ſimillima; quod tamen crebris illis ad Sc. S. loca alluſionibus datum videtur.

Wetſtenio, de harum Epiſtolarum Auctore, oppoſite ſunt ſequentes Epiſtolæ

*HENR. VENEMAE TRES EPISTOLAE AD
P. Weſſeling, T. Hemſterhuis, & H. Cannegieter, V.
V. C. C. de Genuinitate Epiſtolarum Clementis a Cl.
WETSTENIO publicatarum.*

Harlingæ, apud Folkert Ians van der Plaats 1754. in 8.
10 plagg.

Tres ſunt Epiſtolæ Viri Cl. de duabus illis, quas ad calcem editionis ſuæ Novi Teſt. *Wetſtenius*, ſub *Clementis Romani* nomine, recte ſibi viſus eſt edidiſſe. Male id factum oſtendit *Cl. Venema*, recentioresque ævo Apoſtolicæ eſſe. Id priori epiſtola, ad V. C. *Petr. Weſſelingium*, probat ſilentio omnium iſtius poſterioris que temporis Scriptorum, quibus de *Clemente* illo ſermo uſpiam fuit. Nam quod ad *Epiphanium* provocavit Wetſtenius, *Epiſtolas Clementis circulares* commemorantem, quæ in ſanctis eccleſiis legantur, in quibus doceat *παρθενον*, laudibus extollat *Eliam, Davidem, Samſonem, & omnes prophetas*: id non magis in ſuſpectis illis, quam in veris epiſtolis *Clementis* legi, præter unum Samſonis nomen, quod haud dubie, ſcribarum incuria, ex initialibus *Σαμ.* pro *Σαμνηλ*, factum. Neque vero in his falſis epiſtolis docetur

E

tantum.

tantummodo virginitas, sed in coelum, ut angelica & coelestis virtus, tollitur. Quod autem *Hieronymus* (contra *Iovinianum*), *Clementem* scripsisse tradit ad *Spirituales eunuchos*, omnemque paene sermonem in epistolis de virginitatis puritate contextuisse, non potest ad alias *Clementis* epistolas pertinere, quam quas duas solas exstare alio loco idem *Hieronymus* dicit: nec vero in istis *Wetstenianis* paene omnis, sed penitus totus sermo in virginitatis laude versatur; quæ disputatio etiam alterius Epistolæ ad Corinthios partem occupasse a *Photio* traditur.

In altera ad Cl. *Hemsterhusium*, ex ipsis epistolis ævi posterioris indicia aperiuntur; tanquam, quod discipulum se vocet *Petri*, ex errore postmodum vulgato, a *Petro Clementem* institutum; quod nunquam ad ipsorum Apostolorum auctoritatem consuetudinemve secum ullam, sed ad aliorum potius de Apostolis testimonia provocet; quod, a vera *Clementina* I. ad Corinthios, nimia diversitate, cum in locis N. T. commemorandis, tum in vocibus quibusdam & epithetis, in tota denique forma orationis, abhorreant; plura quoque & doctrinæ illorum temporum, & historię contraria, appareant: virginitatis nimix laudes, Essenorum, Nazareorum, Ebionitarumque placita redolentes; a quorum aliquo secundam Epistolam ad Corinthios, quæ *Clementis* nomine exstat, conscriptam, haud spernenda Viri Cl. coniectura divinat: ipse *Clementis* inter cælibes relatus, *Iohannes* Apostolus pro cælibe iactatus, (eaque de causa a Christo præcipue dilectus,) cum *Paulo*, *Barnaba*, *Timotheo*: quæque tertia demum Epistola ad Cl. *Cannegieterum* arguuntur, de Maria, virginitatis exemplo, Christi nativitate e virgine comprobato; de coniugum sanctitate, quam ita teneant, si aut plane a se mutuo abstineant, aut liberorum modo procreandorum causa congregiantur; quod ipsum longe illo deterius: exorcizationis porro vocabulum; ingens multitudo seminarum fratrumque cælibum; *συνοδικος* s. Agapeti complures; osculum caritatis inter feminas virosque non promiscuum, dextraque virorum involuta mulierum osculo honorata; & quæ sunt generis eiusmodi alia,

alia. Signa autem, quæ secutus aliquis, ad ætatem harum epistolarum pervenire queat, hæc fere a Viro Cl. notantur. Affectarum & cælibum magna ubique copia, *monachorum* tamen ignoto nomine: virginum & fratrum secretæ habitationes in urbibus & agris: falsa opinio, quasi virginitas sine aliis virtutibus sola sufficiat; quæ opinio inprimis ab iis iactata fuerit, qui cum mulieribus habitabant, & perideutarum ritu vagabantur: vis miraculorum efficiendorum affectis inesse credita: paganorum magna ubique multitudo, Christiani quibusdam locis nulli; sed nec calamitas ulla aut vexatio Christianorum. Commemorata etiam *Iacobi* epistola, ut non dubiæ auctoritatis, seculo tertio recentiores arguit: de Apocalypsi vero, quæ prioribus seculis inter *ὁμολογούμενα* fuit, a seculo autem quarto & deinceps, in Oriente inprimis, plane omissa, altum silentium. Quæ omnia ac singula, seculo quarto, ac sexto quoque, æqualem aut posteriorem harum Epistolarum auctorem arguunt.

Hæc est summa Epistolarum: quas qui legerit peritus talium rerum, facile intelligat, scriptas esse a Viro longe versatissimo in veteribus scriptis Ecclesiasticis, & magno iudicii acumine prædito. Illud etiam ex Epist. III. apparet, Wetstenium ad Epistolam primam respondisse. Sed eam responsionem videre nobis non contigit.

LEZIONI TRE SOPRA IL TREMOTO &c.

i. e.

LECTIONES TRES DE TERRÆ MOTU, Dedicatæ Eminentissimo & Reverendissimo Principi, Cardinali Sylvio Valenti Camerlingo S. E. & Secretario Status.

Romæ, ap. Nicol. & Mart. Pagliarinos 1748. 8. plag. 5.

Occasionem scripto dedit terræ motus, observatus Florentiæ 1729. rarus alioquin in iis regionibus. Statuerat Auctor dicere de eo in *Academia della Crusca*, quæ sin-

E 2

gulis

gulis diebus Iovis coit: sed ubertas materiæ, in tres lectiones dispartiri materiam eum coegit. Inferius est deinde liber Tomo VIII. opusculorum *scientificorum & philologicorum*, Romæ etiam 1733. separatim impressus. Novam hanc editionem nec recensere voluit Auctor, nec responsiones addere ad ea, quæ ipsi obiecta sunt, aliis iam dissentus.

Prima lectione conquestus, difficillimam esse de terræ motu tractationem, quia fidæ phænomenorum enarrationes desunt: varias de eo sententias recenset & refellit, eam præcipue, quæ cryptis & aquis subterraneis utitur; qua occasione de cryptis talibus lectu digna plura profert.

Secunda lectio igne in cavis telluris concluso occupatur, & Lemerii artificialem terræ motum exponit, atque de montibus ignivomis (*Vulcanis*), agit. Ignem ante, quam orirentur terræ motus, erupisse, quod de recentioribus quibusdam narratur, non credit; persuasum sibi habens, metu perturbatis animis hæc fingi. Si canales subterranei igne repleti adsumantur, ad terræ motus explicandos, eos etiam quibuscum insulæ e mari emerferunt, frustra sumi ait canales, tam longe sub ipso fundo maris extensos, & si dentur, terram vi ignis supra eos dirumpi debere, non circumcirca concuti, idque lente, & tempore satis notabili fieri debere: quæ omnia phænomenis contraria sunt, ut adeo ignem terræ motus producere vix credat.

Tertia lectione primum de aere subterraneo agit. Ostendit, terræ motum contingere non posse sic, ut pars aliqua superficiei terrestris attollatur, quia tam exacte subsidere non posset, ut signa huius effectus non conspicerentur. Similis difficultas tremorem horizontalem premit. Tandem igitur eo delabatur, ut credat, hos telluris succussus aeri forte attribuendos esse, cuius quanta vis sit ad terrena omnia movenda, case & ædificia monstrant, bombardis maioribus explosis trementes, & innumera alia. Sane terræ motibus ventos vehementes coniunctos esse, experientia testatur; ita ut probabile sit, plurius saltem terræ motuum causam in aere esse, qui tremere ædificia faciat: omnes eo reducere, Auctoris modestia vetat.

MISCELLA-

*MISCELLANEA LIPSIENSIA NOVA, AD
Incrementum Scientiarum, ab his, qui sunt in colligendis
Eruditorum Novis Actis occupati, per
partes publicata..*

Vol. X. Pars I.

Lipsiæ, apud b. Lankilii heredes, cum privil. Regis Polon.
& El. Sax. 1754. 8. plag. 12.

Voluminis huius X. Partem primam iam in lucem fere
emiserat Fridericus Otto Menkenius, cum ad bo-
na sublimiora, ac Scientias academix coelestis
evocaretur. Reliquit ipse tantum ad hæc Miscellanea conti-
nuanda adparatum, ut Volumen hoc non solum expleri
queat, sed præterea etiam plura adiungi possint. En
indicem Dissertationum, quas Pars hæc complectitur.
1) Io. Salom. Semleri S. Th. D. & Prof. *Animadversio-
nes quaedam ad Psalterium, præeunte codice Turicensi.*
2) Ioannis Gottlob Guilielmi Duncelii, V. D. M.
Anhaltino-Cothenienfis, *Εκταύ Αεγυπτίω, sive de Istonis,
Dei Αεγυπτiorum, nomine & numine, brevis com-
mentatio.* 3) Ioannis Christophori Harenbergii *E-
xercitatio ecclesiastica de Ebbone, Archiepiscopo Rhemensi, Apo-
stolo terrarum Germaniae septentrionalium, Episcopo tertio Hil-
desheimensi.* 4) Anonymi Poloni *Diatribæ de discepta-
tione inter Benedictum Herbestum & Iacobum Gorscium,
Polonos, de Periodis.* Sequuntur 5) Viri docti *Observa-
tiones criticae in Lactantii de mortibus persecutorum libellum,
ex museo Christ. Guil. Franc. Walchii, Phil. Prof. publ.*
6) M. L. G. Welleri V. D. M. Zwicaviens. *Coniectu-
rae etymologicae circa nomina quaedam propria regionum
& gentium, ex lingua Graeca derivata.* Subiunxit hisce b.
Menkenius 7) *Commercium epistolare continuatum, Ludovici
Burgueti & Gisberti Cuperi, Bourgueti & Io. Bapt. Otii,
atque Io. Woodwardi. Liceat nunc a meta ad carceres redire.*
S. rev. Semlerus attente legit Cel. Breitingeri ad Card. Qui-
rinum *Epistolam, de antiquissimo Turicensi Bibliothecae Psal-
morum libro, Turici seu Tiguri editam 1748. expungere*

igitur studet ope Psalterii istius mendas aliquot, prælucente arte critica, in varia manuscripta ac edita psalteria Græca, ipsumque passim Turicense, olim intrusas. Codici Vaticano insertum vocabulum fuit *ταράσσεται*, in illis Pf. XXXVIII, 12. *πλην*

- Pag. 2. *ματην ταράσσεται πας άνθρωπος*. Recte Alexandrinus & Turicensis *πλην ματην πας άνθρωπος*. Illud *ταράσσεται* depromptum fuit ex Ex. X, 7. In Pf. LXXIII, 23, legendum videtur, *μη ἐπιλαθῇ τῆς φωνῆς τῶν νεκρῶν σου, ἵνα μὴ ἐπιμιμῶνται σου*. Vulgo ibi legitur *ἐκείνων*, sensu prorsus contrario. Legitur Pf. LVIII, 12, *Μηποτε ἐπιλαθῶνται τὸ νομὸς σου*. Lēge tria vocabula ultima sic: *τὸ λαὸς σου, πορὴ τῆς*. In Pf. CXXIX, 5, legitur in MStis Alex. Vatican. & Turicensi *ἐνεκὲν τῆς ὀνομασίας σου*. At legendum est *ὅτι περὶ τῆς νομῆς σου*. At undenam est illud *ἀπο τῆς ζυλῆς* in Pf. XCV, 10. Credit Noster, adscripsisse olim ibi quemdam ad marginem *ἀπο ΨῆΒ*, id est, a Psalmo XCII, sequentia desumpta esse, librarium vero inde formasse suum *ἀπο τῆς ζυλῆς*. Alii verba hæc postrema in numero glossematurn deputant, nec tamen glossematis originem definire audent. Rev. Duncelius occupatus est in illustratione numinis Aegyptii, *Ἰθον*, quod unus memoravit Iamblichus *de Mysteriis* sect. 8, c. 3. Id unum is vocat *individuum*, *ἀμερῆς*, primum intelligens, primum *νοήτων*, quod solo silentio colatur. P. E. Iablonskii interpretatur *spiritum mundi*, siquidem in sermone Coptico *tho* sit orbis terrarum Apoc. III, 10. Hermes *Εκτων* vocavit, teste Iamblichō, *πρῶτον μαγεύμα, primam effigiem*. Verisimile igitur est, nomen *εἰκῶν* ibi olim fuisse lectum. Si Aegyptiacum est, quod Iamblichus dicere omisit, videri potest decerptum ex *tohu*, inornitate, Gen. 1, 2. vel ex *katon*, quod vocabulum apud Hebræos *parvum* denotat. Noster sibi persuasit, indicari per *Εἰκῶν* ipsum Orum seu Harpocratem, silentii Deum, pictum puerili forma atque descriptum. Argumenta huius sententiæ tria, digna sunt quæ expendantur. Harenbergii tractatio admodum copiosa, de Ebbone vel *Ebone*, Archiepiscopo Rhemensis, agit, cuius fata fuerunt & admirabilia, & variis vicissitudinibus nobilitata. Solebant

lebant Itali adpellare Eberhardos suos, Eppones, Ebbones, Ebones. Fuit Ebbo Archiepiscopus magna pars dissensionum, quæ Ludovicum Pium inter & filios eius ita invaluerant, ut pater bis potestate summa exueretur. Fuit alioquin vir eruditus, cuius quædam adhuc supersunt scripta. Fuit idem in Holfatia convertendis ad Iesum Danis intentus: Substituit in laboribus hisce, suum sibi amicissimum Anscharium. Anscharius bis in Gothlandiam traiecit, eiusque Regem doctrinæ Christi adseruit, consecutus ob merita Episcopatum Bremensem, quocum paullo post Archiepiscopatus Hamburgensis in perpetuum fuit coniunctus. Anscharii igitur vitam Noster cum Ebbonis vita copulavit, ita tamen, ut hanc ex professo, illam strictim, & ad Ebbonem semper respiciens, scriberet. Ebbo bis Archiepiscopatu Rhemensi functus, bis eo carere iussus fuit. Tandem Hildeshemii gessit Episcopatum. Frustra id negavit Ioach. Bern. Lauensteinius. Extricantur hoc loco Viri eius argumenta. Nec pauca sunt difficultates alix, partim chronologicæ, partim geographicæ, partim rerum gestarum indices, in quibus resolvendis ac diiudicandis Auctori res ex voto succedere non potuisset, nisi ad fontes illius historiæ optimos recessisset, ac temporis adhibuisset diuturnitatem, quam ex Exercitatione elucere nemo non facile, qui voluerit, intelliget. Audire nunc libet controversiam

Pag. 94.

Herbestum inter & Gorscium, Polonos, *de Periodis*. Herbestus in Russia rubra, eiusque oppido *Noviamaslo*, (Neapoli,) a. 1531. in lucem prodiit. In academia Cracoviæ hausit eloquentiæ, philosophiæ, ac theologiæ elementa, creatus ibi demum magister bonarum artium ac philosophiæ. Senatus Leopolensis, reduci, gubernacula gymnasii sui regenda tradidit. Hinc ad gubernandam scholam Cracoviæ senatoriam transit. Archiepiscopus Gnesnensis haud multo post ipsum ad Lyceum nobilium, quod Squernoviciis, in aula sua, suisque sumptibus erexerat, accessit. Aliquot post annis Cracoviam Herbestus revocatur, & in collegio academico, quod *minus* adpellant, publici doctoris munus suscipit. Iacobus Gorscius, ipsius æmulus, ad nobilitatis splendorem etiam addiderat gloriam

95.

littera.

- litterarum, quam primo tempore polluit futilibus litigiis; tandem vero ex animo ac meditate, miraue cum diligentia, eloquentiam in primis latinam excoluit, neque græcæ lingue studium averfatus. Cracoviæ salutatus fuit liberalium artium magifter, & poftea utriufque iuris Doctör. Docuit deinde iuris fcientiam eloquenter. Edidit 1558. duobus Libris, opus, *de Periodis & numeris oratoriis*, ac ad a. 1559. alium, *de generibus dicendi*, librum. Herbestus periodum effe diiudicandam ita credidit, ut eam diftribueret in grammaticam, & oratoriam. Gorfcius eam divifionem ne cogitaverat quidem, ideoque impugnare coepit Cracoviæ, publica una & altera difputatione. Defendit fe Herbestus in libro cui titulus eft *periodicæ difputationis*; diftinguens incifum a membro, & hoc a Periodo. Vindicatum fe paullo poft ivit in dialogo, quem *iufum iudicem* vocavit. Illico excepit eum Iacobi Gorficii, *Difputationis de periodis, contra fe a Benedicto Herbefto, fi diis placet, Neapolitano, editæ, refutatio*, rifus & acerbitatis plena, auctoritati tamen rhetorum fuperftructa. Neutro palmam cedere volente, ad arbitros provocatum fuit. Herbestus, cum videret, auctoritatem fuam apud iuventutem studiosam in dies imminui, Cracovia relicta a. 1563. Sendomiriam, & inde Pofnaniam, ad munia publica Scholarum fuftinenda conceffit, controverfiæ totius oblitus. Anno 1571. Romam profectus, fe in focietatem Iefuitarum contulit. Rediit tamen, & Iaroslaviæ 1591. 14. Kal. Mart. diem obiit fupremum. Vitam eius tam accurate fcriptam alibi haud deprehendas. Sed pergitur. Criticas obfervationes, doctus quidam Belga, in librum *de Mortibus Perfecutorum* conſcripfit, ut eum priſtino reſtitueret nitore. Superest enim Libri unicus modo manu ſcriptus Codex, regiæ Pariſinæ bibliothecæ illatus, ſed vitioſe ſcriptus. Ex arte critica diverſi Auctores remedia adferre ei voluerunt. Nonnihil emendavit Langletus du Fresnoi, ex repetita Codicis inſpectione. Obſervationes ipſas repetere haud vacat. Græcos barbaris etiam regionibus lociſque impoſuiſſe nomina, Wellerus V. Cl. variis docet exemplis. Bourguetius, in Epiftola ad Cuperum, ſententiam Woodwardi,
- de

de vestigiis diluvii universalis per terram obviis, munire contendit, atque de linguis, quæ nunc sunt, earumque origine, de Memnonio, cuius Philostratus meminit, dein & de Aegypti antiquitatibus disserit. Cuperus e contrario sententiam Woodwardi primariam labefactare haud intermittebat, indicans præterea, plures quam 100000 Christianos esse in Ceylanica peninsula Iaffenapatan, esse in insula scholas christianas, quarum una Rectore gaudeat, & in classes suas sit distributa. Sanchoniatis ea, quæ apud Eusebium leguntur, pro genuinis habet. Heimannum, Professore LL. Or. Lugdunensem in Batavis, notat. Gallandi ac Perizonii obitum memorat, & multa alia scitu non iniucunda.

CONNOISSANCE DES POETES LATINS LES
plus célèbres &c.

i. e.

*NOTITIA POETARVM LATINORVM CELE-
briorum, aut ratio facilis humanitatis studiâ tractandi: vi-
tam cuiusque poetarum; Sapientum de cuiusque meritis sen-
tentiam; excellentissimas carminum particulas, cum inter-
pretatione Gallica & observationibus, complexa; in gra-
tiam eorum, qui non nisi leviter stu-
diâ tractarunt.*

T. I. 1751. T. II. 1752.

Parisiis, cum approbatione & privilegio Regis. 12. mai.

Permotus Auctor admonitionibus publicis Rollini, consilium cepit selecta poetarum loca colligendi; modum autem eius Viri & ἀναγχαζία deferuit, emendans potius ac vividiorum reddere laborans, momenti in ipso operis titulo memoratis. Prima est vita Virgilii, qui propter castitatem morum Parthenius cognominabatur. Hic in schola Syronis, Epicurei philosophi, familiaris fuit Vari, postea semper amicissimi; deinde Pythagoricis ac Platonis doctrinis

F

nis

nis faventior. Aeneida scribere coepit annos XXXXII natus; LII. annos menses XI. natus obiit. Eclogæ Virgilianæ tantum plausum meruerunt, ut in theatris Romanorum declamarentur, indeque Mæcenatis opera excitaret Maronem Augustus ad Georgica conscribenda. Post descriptionem auri temporis ecloga IV. inseritur, & ex X. sermo Galli ad Arcadios pastores, cui mira dulcedo poësis & elegantia tribuitur. E Georgicorum L. I. proferuntur ultima fata Iulii Cæsaris; e L. II. eulogium Italiæ, vitæque rusticæ laudes; e III. Scythici frigoris vivida descriptio, ut & contagionis bestiarum; e L. IV. agrestis vitæ Cilicis senis descriptio, & de Eurydice fabula, quæ latinæ poësis primum specimen appellatur. In heroico poemate laudantur; nexus episodiorum cum actione primaria; iustum temperamentum vero simile ac mirabile; ordo naturalis materiarum, & observatio morum. Episodiorum digressiones nec esse longæ debent, nec coactæ, nec nimis longè petitæ, nec adeo frequentes. Episodium de Didone, quamvis longius ceteris, nullibi tamen deserit heros. Præfert Auctor ipsi Maronem Homero: dum ille Dracem quidem ac Turnum e.g. rivantes proponit, non autem, ut hic, iniuriis plebeis contententes. Excusat Homerum, ob mores tunc non tam politos; mores igitur & sententias Virgili præfert; tamen ad Odysseæ Homericæ scriptos esse dicit Aeneidos libros VI. priores, ad Iliadis reliquos. Nihil Noster ingeniosius esse credit, ratione Virgiliana adulandi Romanis, & in primis Augusto; ubi simul huc spectans pensum excerpit. Adduntur, pictura Iliacæ pugnae apud Didonem visæ; adparitio Aeneæ; palatium Priami, (qua occasione totus L. II. Aeneidos ob narrationes maxime commendatur); mors Priami; conspectus Andromachæ in Epiro, cuius indoles eximie tenerrimeque repræsentatur. Liber IV. tamquam excellentissimum episodium, amores Didonis & Aeneæ complexum, omnes eloquentiæ facultates effundit accommodatè, ita ut hic nemo Maroni sit comparandus. Excerptuntur inde, tranquilla noctis descriptio; reprehensiones Aeneæ factæ a Dido-

Didone; imprecationes, cum ingeniosissima vaticinatione de Hannibale; mors Didonis. L. V. Actiacos Aeneae ludos describit, ubi observatur anniversarium Anchise sacrum, cuius *ἀννασίωον* Serpens indicet, ad Caesaris simul consecrationem celebrandam. L. VI. primarius est, sive pondus argumenti; sive tractationis modum; sive decus imaginum species. Sistuntur inde, descensus herois ad orcum; Elysiorum camporum gratiosa descriptio, cum Anchise oratione; laus Marcelli; regius apparatus Latini, Aeneae legatos excepturi; Amatae per Furiae serpentem iniectum furor; Aeneae ad Evandrum accessus; celebris Aeneae clypei descriptio, ubi simul Actiaca pugna depingitur, unde locus ille, praeter ceteris omnibus, ob ingenium, pompam, colores, magnificentiam & maiestatem commendatur. Sequuntur Nisi & Euryali amicitia; in Euryali affectus Alcanii, cum illius cura matris; Euryali Nisique periculum & nex; concilium deorum; Herculis per Iovem consolatio; Pallantis obitus; Tarquii nex ab Aenea; *Φάρτακος* Turno per Iunonem obiectum; Aeneae Mezentiique duellum; idem Aeneae & Lausi; alterum & tertium cum Mezentio, huius simul indolem representans; pompa funebris Pallantis; incolarum in urbe Latini consternatio; Latini de pace consilium; ad Turnum oratio Drancae, illiusque responsio; Camillae reginae Volseorum imago, & mors; ab Amata facta dehortatio, ne duellum Turnus experiretur; ad Ascanium oratio Aeneae; ad Iuthurnam oratio Turni; Aeneae Turnique duellum.

Horatiana vita non habet multum peculiaris. Loca primaria deprimuntur secundum varia stili genera, sic ut initium fiat a sublimi. Spectant eo vaticinatio Nerei I, 13. - Iunonis oratio III, 3, 25. sqq. historiae Asinii Pollionis elogium II, 1. ubi, nostro iudice, granditas & elegantia notionum & enuntiationum omnium admiratione digna est. Victoriae Tiberii Drusi IV, 12. elogium Cleopatrae I, 31. victoriae Drusi filii Tiberii Neronis & Liviae IV, 4. quod Augusti iussu poeta consignavit, ita quidem, ut ad Pindarum nullibi propius ac-

cedat imaginibus & comparationibus maxime sublimibus; quo loco & educatio laudabilis commendatur. Prohibitio cantus heroi IV, 13. Laus Augusti III, 5, quam inter optimas refert Noster, ubi praesertim Reguli sit elogium admirabile. Quærela de morte Vari I, 20; elogium celebrium Romanorum I, 12, invitatio Corvini III, 15. præconium poetis IV, 8. gratiæ Musis actæ IV, 2. descriptio fontis Bandusini III, 13. cui propter inimitabilem simplicitatem, & enuntiandi modum, insignis tribuitur existimatio. Sequuntur e genere temperato, Laus agrestis vitæ epod. 2. & meditationes quædam morales ex odis variis. Adduntur observationes de satiris Horatianis, ubi Philosophus sistitur poeta sincerissimus, elegantissimus, prudentissimus, quod variis A. exemplis postea comprobatur. Est inter ceteras, quæ e contextu petite sunt, particulas, etiam de rustico & urbano more fabula, quam insigniter laudat editor, & imitatione poetica Gallica comitatur. Succedunt ex ep. Flacci de arte poetica sententiæ quædam, *Dacieriæ* laudibus præmissis. Agmen claudit iudicium sapientum de *Flacco*, potissimum de antiquioribus *Perfii*, de recentioribus *Rossei*, cui suas ipse Noster laudes liberaliter ac dextre præmisit. Ipsum vero tomum *Juvenalis* ac *Perfii* finiunt, quorum non incognitæ sunt vitæ. *Juvenalis* e VI. vehemente in feminas satira profert tria loca, & quædam ex octava, decima, & aliis, quarum illa tamen præcipue commendantur. Comparatur autem cum *Juvenale Boilæus*, cuius & simul *Juveni* de satirico antiquo iudicium exponitur. *Perfium*, ait, antea solis eruditissimis viris intellectum fuisse, post tot explicationes vero mediocribus quoque lectum.

Tomum secundum *Phædrus* orditur, de cuius ætate notæ sunt in Germania nuper quæ controversiæ fuerint agitatae. Nos, licet de ea non admodum dubitemus, in primæ tamen pubis manibus, cum accommodatiores adsint, observamus inviti. Neque vero vituperamus Auctorem, qui inde etiam fabulas quasdam excerptit, inque liberum Gallorum sermonem convertit; maxime cum sint omnino præstantiores, dignæque,

quas

quas & imitationibus poeticis omnino commendaret. Numero sunt XV. quibus sapientum de *Phaedro* iudicia subiunguntur. Maiore dein iure *Terentius* additur, cuius vita scripta est a *Suetonio*, variis e scriptoribus hic fusiis exposita. Inde comoediarum argumenta iunguntur, immixtis singularum excerptis; qui satis operosus & nequaquam superficialis labor est, modo amoris vestigia, quæ passim exstant in hoc poeta, vitari semper potuissent. Inter iudicia sapientum sunt etiam aliqua veterum, v. g. *Ciceronis* ad Att. VII, 3. *Horatii* ep. II, 1. *Vellei*, & *Quintilianii*, quibus quidem vulgo recentiores nituntur. Hoc etiam de *Terentio*, & de *Nasone*, qui claudit agmen, dictum volumus. Nihil nobis singulare vel inauditum habere videtur descriptio vitæ: plurima tamen digniora notatu, in excerptis. Initium facit metamorphosis, adiuncta *Banierii* versione. Suo iure, de fabrica huius universi poetica narratio principem obtinet locum. Sequuntur deinceps variae commutationes, quarum prima est *Daphnes* in laurum; cui succedit regis *Solis* descriptio; amor *Narcissi*, in florem sui nominis conversi; de *Pyramo* ac *Thisbe* narratio, cum *Fontanii* Gallicum in carmen conversione; *Persei* de monstro victoria, & sic partum cum *Andromede* coniugium; *Proserpinæ* raptus; rustici per *Latonen*, *Apollinis* & *Dianæ* matrem, in ranas transformati; *Cephalus* & *Procris*, cui narrationi poetica iungitur imitatio *Fontanii*; *Philemonis* hospitalitas compensata, cum eiusdem imitatione; *Orpheus* a *Thraciæ* feminis discissus; *Ceyx* & *Alcinoe* pereuntes in aquis; habitatio somni; *Iupiter Venerem* de morte *Iulii Cæsaris* lugentem consolatus. E fastis adduntur, de *Caco* narratio, ad quam comparari possunt quæ narrat *Virgilius*; *Pyladis* & *Orestis* amicitia memorabilis; & adulterium *Tarquini* violentum. *Etrurium* libris proferuntur *Ovidii* ep. ad coniugem L. I. eleg. 6. & primaria loca defensionis ad *Augustum* missæ, quæ semper excellentissimis antiquitatis reliquiis adnumerata fuit, in qua variis modis format animum ac reformat poeta, nec ulli parcat operæ vel eloquentiæ, ut se insinuet, aut crimen excuset, ex imprudentia potius, quam malitia commissum.

PRINCIPES POUR LA LECTURE DES ORATEURS

i. e.

*PRINCIPIA LECTIONEM ORATORUM
iuvantia.**Tom. I.* 1. Alph. 3. pl. *Tom. II.* 1. Alph. 1. pl. *Tom. III.* 1. Alph.

Parisiis apud Durandum & Pissotum 1753. cum approbatione & privilegio Regis, in 8.

Prævia tractatio sistit scopum oratorum lectionis, quem partim in solo iudicio ponit A. partim in oratoris imitatione. Inde progreditur ad ipsius eloquentiæ fines, quos picturam & motum initio fuisse contendit, cum sero deinceps æque spiritus ac aurium delectatio adderentur. Definit igitur eloquentiam per artem homines ducendi, vel animos eorum ope vocis superandi. Apud Græcos eloquentia summum attingit gradum ætate Demosthenis, qua copiosius erat proventus oratorum, quorum nomina peritura numquam sunt, licet maxima operum pars perierit. Princeps autem eorum numquam non erit Demosthenes. Ad optimorum porro lectionem, artis magistri requirunt selectum, attentionem, animum a studio partium alienum, legitimum gustum denique. Inter artis doctores commendantur Aristoteles, Cicero, Quintilianus. Unanimi doctorum virorum consensione, Aristotelis rhetorica opus est excellentissimum. Eius tractatio de commotionibus animi, ex ipsa natura veritateque deprompta fuit: hinc, Giberto teste, vel hodie rhetor ille magister est magistrorum. Noster imprimis eum considerat tamquam rhetora philosophum, & patrem definitionum, licet illæ non semper sine exceptione sint exactæ aut accuratæ. Magis edocere dicitur rerum, quam verborum eloquentiam. In ratiocinationibus puris ad prima regreditur principia, & regulas suas firmat, haud obnoxias mutationi. Mentem hominis, non linguam solum reddit perfectam; unde geometricam pro-

proponendi rationem eligit. Variis semper modis rem eandem contemplatur, ad eius amplificationem, & exercitationem animi, salutariter. Opus totum nihil habet superflui, nihil quod recidi, absque iniuria, possit. Neque tamen desunt præceptiones sicæ, magisque speculativæ quam activæ: exempla vel omnino desiderantur, vel sunt paucissima: stilus est didacticus & sine gratiis, cetera. Noster hæc evitaturus suadet, reliquorum Rhetorum iungere præceptiones. Dividit autem opus in VI. libros. Primo quidem examinat eloquentiam generatim, eius genera & species: altero agit de rhetorices origine, natura, finibus, & subsidiis, ab indole & arte petendis: tertius est exacta resolutio maioris partis libri secundi rhetorices Aristotelicæ; qui primarium philosophi scriptum esse hac in parte putatur. Exempla iungit *Racini* & *Cornelii*, qui scenæ Gallicæ magistri sunt, cum ad Sophoclis & Euripidis genium formati, non nisi per Aristotelis principia plenissima iudicii dirigerentur. Ratio proponendi oratoria, vel dispositio partium orationis, argumentum libri quarti constituit. Quinto libro tractantur stili ornamenta. Tandem, cum oratoris actione, libro sexto proposita, liber explicit. In ipsa institutione definitur eloquentia, per facultatem cum dignitate ac decore singulorum generum de argumentis loquendi, accommodata ad persuadendum. Laudabiliter persuasio in illustratione mentis, & motuum inclinatione, quaritur, ut ad veritatis cognitionem, & amorem boni perducantur. De variis dicendi generibus disputans Noster, loca quædam antiquorum scriptorum eximia laudat, & quædam excerpit. Ita v. g. in Homero Priami sermo, corpus Hectoris ab Achille petentis, æque nobilis dicitur ac accommodatus ad movendum. Adornatum genus observatur, quod, si Demosthenem eloquentiæ constituas exemplum, illud fere totum condemnandum sit; cum Vir ille tantum absit ab arte querenda, ut vel spernere videatur. Enuntiationem illius simplicem, immo fere humilem atque repentem, putat, si eum ea, quam Galli deperiant, comparetur. Simplex tamen etiam ad genus referuntur.

tur societatis inscriptionum & elegantiorum litterarum elogia, quæque illius historia continet, a Pelissonio coepta, ab Abbate Oliveto autem continuata. Inter diversa genera eloquentiæ referuntur politica, militaris, academica, sacra, civilis, & aliæ species. Regulæ tamen eo pertinentes nihil admodum habent singulare.

Tomus II. librum operis secundum orditur, quem simul ac tertium persequitur A. magna omnino diligentia. Capitulum Index id ipsum docebit. Agit enim I. de primordiis & progressionibus rhetoriæ; II. de partibus rhetoriæ, cum dialectica comparatis; III. de inventione, ac præfidiis persuasionis generatim; IV. de tribus rhetoriæ generibus, deque locis cuique generi peculiaribus; V. de subsidiis persuasionis non artificiosis, aut de argumentis ab oratoris artificio neutiquam pendentibus; VI. de communibus locis, seu generalibus argumentorum capitibus; VII. de comparationum & amplificationis forma. Principis libri tertij capita sunt: I. de commotionibus animi generatim, & earum in argumentis oratoris utilitate; II. de commotionibus animi singulatim, quæ quidem diversis, quas vocat, sectionibus proponuntur; III. de moribus diversorum diversis, nominatimque juvenum, senum, virorum, nobilium, divitum, eminentium ac beatorum.

Tomus III. tres postremos libros habet, quorum quartus partes orationis sex vulgares illas, totidem capitibus, persequitur, quibus, tractatio de oratorio decore, tamquam omnium partium attributione, subiungitur. Nec in postremis libris singulare quidquam legere meminimus: iam vero ex dictis, facile Lectores, quo loco labor Auctoris repouendus sit, intelligent.



NOVA ACTA ERUDITORUM,

publicata Lipsiæ

Calendæ Februarii Anno MDCCLVI.

ΛΙΒΑΝΙΟΥ ΣΟΦΙΣΤΟΥ ΛΟΓΟΙ ΔΠΙΛ

i. c.

LIBANII SOPHISTÆ ORATIONES XVII;

ANT. BONGIOVANNI nunc primum e Mss.

Codd. eruit, latine vertit, notisque illustravit.

Venetis e typogr. Io. Baptiste Albricii 1754. in 4.

Alph. i. plag. II.

Rem laudabilem facere, qui libros græcos & latinos, in bibliothecis latentes, in lucem typographiæ ope proferant, fatentur omnes; præsertim, si idonea eloquentiæ aut poeseos exempla contineant, aut historiæ, omnino-que literis bonis aliquid lucis adferre possint. Ex eo genere esse *Libanii* has orationes, & ipsum viri nomen indicat, & lectio earum quemque docebit. Agnoscat enim primum illum *Demosthenis* imitorem, & Atticæ rationis in dicendo sectatorem diligentem in primis: deinde reperiet multa, quæ veteri historiæ profint, etiam Iuri subinde, quod *Theodosii Iustinianique* Codicibus continetur, in primis partiæ ei, quæ de *Decurionibus* est. Quo magis gratiæ agendæ sunt Editori doctissimo, qui hoc munusculo literatos homines afficere voluit, quod nos iam notius iis facere, & commendare institimus.

Dudum hoc præditum erat indicis doctorum hominum, *Leonis Allatii* in præf. ad excerpta Rhet. Græc. & hinc *Fabrii* in Bibl. Gr. Vol. VII. p. 411. in Bibl. *Barberina* esse Codicem

G

dicem

dicem orationum *Libanii* optimæ notæ, itemque alterum in *Vaticana*, e quo non editæ modo bene multis locis corrigi, sed etiam edi quædam aliæ possent. Id vero ignorabat Noſter, cum ad edendas has XVII. orationes accederet, nec tanti putabat consulere magnum illum Bibliothecarium. Itaque uno Codice Veneto contentus, & quidem in sex prioribus Codice D. *Marci*, in ceteris SS. *Ioh. & Pauli*, coepit typis permittere apographum inde factum. Admonitus deinde, cum iam operæ aliquantum processissent, de Romanis h. e. *Vaticanis & Barberinis* Codicibus, eorum lectiones petiit ab amico Romæ degenti, accepitque: unde natæ sunt *animadversiones in aliquot obscuriora loca*, in calce libri propositæ: quibus utinam totam varietatem omnium Codicum subiecisset. In quo miramur, amicum illum non admonuisse, duas præter istas 17. esse orationes in Codice *Barberiniano*, alteram pro *Olympio*, alteram contra *Itarium* secundam, (prima existat in *Morellianæ συλλογῆς* T. II) quas una edere poterat. Sed idem discere vel ab *Allatio*, vel a *Fabricio*, licebat. Verum dona oportet accipere, quæ dantur, non qualia esse velimus, præscribere. Ceterum titulos orationum hic ponere superfedemus, cum locis commemoratis proditi sint. Quid ornandi muneris sui causa fecerit Editor doctissimus, videamus.

Primum argumenta orationum fecit brevia & perspicua: deinde orationes omnes latine vertit, usus sermone claro, puro, & sane elegante, assecutus etiam sensum græcorum verborum plerumque, præsertim, ubi lectio recte se in archetypis habebat. Ceterum ubi in his vitium, interdum levè, esset, aberravit nonnunquam, sed multo sæpius, ubi rem non satis intelligebat. Interdum sane miretur quis, aberrare potuisse a vero sensu virum, quem ex opere universo appareat literis græcis non adeo leviter imbutum esse: sed commune est hoc satum prope omnium, qui primi e Mss. Codd. græcum scriptorem ediderunt, ut hærent interdum sine causa, ut peccarent, ubi vix peccato locus videbatur. Nonnunquam etiam discessit a pressiori interpretandi genere, pluribus, quam necesse erat, verbis græca exprimens. Notulæ subinde adper-

ſe

se sunt, sed breves, nec quicquam exquisiti habentes, interdum ubi nemo desideret; cum contra multis locis nihil dictum sit, ubi mediocris doctrinae lector desideret aliquid lucis. Quae omnia fient clariora exemplis, e prioribus quinque orationibus proponendis: quod ita faciemus, ut etiam textum, si possimus, emendemus.

Libanius fugientes ex urbe Antiochenos ait ποιῆσαι ληστές Pag. 2.

ἐτέρως, τῷ ποιῆσαι πάλιν τό πεπόμενον. Id vertitur sic: auxisse praedones ipsos, cum maiorem inanes fugientium multitudinem iugulandam eis obiecerint. Cur non: augendis iis, qui praedae essent. Nam lus in ποιῆσαι & πείσσειν in latina lingua servari non potest. Negat orator, innoxii fugiendum

5.

ac timendum fuisse: καὶ ταῦτα Κέλσῳ, τῷ πανταχῶς δικαίως &c. vertit: praesertim cum Celsus vir omnium aequissimus esset. at graeca sonant, praesertim cum Celsus, qui aequissimus est, idque hac ipsa in re probavit. Sed ita apparet aliquid deesse, ut, Praefes esset, vel, negotium ulciscendi Imperatoris haberet, quorum illud tamen sufficit, verumque videtur ex or. *Libanii* ad *Theodosium* pro *Antioch.* p. 401. aut articulum τῷ delendum esse.

6.

Ἐν γὰρ ἀπασταῖς βασιλείαις ἤκιστα τὸ τοῖσιν γίνεσθαι.

Corrig. γίνεσθαι: sed operarum hoc peccatum videtur. Εἰκότως ἂν ἡ γάμψιν πειστέραν συμβαλὴν τὴν ἀπὸ πραγμάτων.

7.

Contextus iubet corrigere ἡγῶντο. Hæc enim de Antiochenis dicta, non de *Libanio*: eique mox respondet de iisdem; si autem ipse nihil movi, ἡδίκων εἰ μὴ μιμνήμενοι. Ac statim post: πλὴν εἰ τῷτο λέγειεν, ὡς ἐθανάτου: sine hesitatione corrigere debebat ἐθανάτων vel ἐθανατίων. Nam hoc est mori cupiebant, non illud, apud *Platonem* *Phaed.* p. 64. B. & alios.

8.

Iam hoc typographorum vitium videtur πάλιν ἀργύριον, pro ἀργυρον: illud autem interpretis, ὡς συχναῖν τε δὴν ἐχημάτων ἐκώσῳ (ad asportandas pecunias sc.) καὶ πολλῶν ἐρέων ἔκασεν: quod vertit V. D. ut eo traducendo singuli multis cur-

ribus, (mel. plaustris) pluribusque montibus egerent. Quorsum montibus ad asportandum argentum? Sensit vir doctus: sed cum id admonere deberet, uti de interpretatione meliori cogitaret, mollire rem conatus est, addens in

parenthesi: *ad se resque suas tutandas*. Frustra. Immo ἐρεῶν est *mulis*, ex ἐρεός, quod verbum ei ex initio Iliados notum esse poterat. His ad asportandam pecuniam utebantur: eorumque in eadem re mentionem facit idem *Libanius*, oratione supra laudata p. 402. quam cum hac conferre neglexit no-

Pag. 9. ster. Καὶ ὁ χιρὸς: — πᾶς ἀνῆλθο. Quidnam hoc verbi est in hoc loco, ἀνῆλθο. Est enim *clavis affigebatur*, non *consumebatur*. ἀνῆλθο scripsit *Libanius*, idque in textu po-

13. nendum erat. Disputans *Libanius* adversus eos, qui Antiochiam ob sublatam eius amplitudinem, parum idoneam studiis literarum dicebant, inanio adempta ei esse dicit, quæ studiis istis obessent: τῶν δ' ὄντων ἀγαθῶν ἔδεν τῇ μεταβολῇ τῆς προσηγορίας βίβλ' ἀπταί. Μεταβολὴν τῆς προσηγορίας, vertit *fortunae vicissitudinem*.

Sed cum V. D. ipse sentiret, ita προσηγ. verbum non exprimi, notulam addidit: vel ex ea nominis Ἑ appellationis mutatione. Quæ autem esset ista nominis mutatio, lectoribus quaerendum relinquit: quod non debebat fieri. Quaerenda erat illa nominis mutatio; quæ si nulla facta est, colligendum, vocem illam mendosam esse. Videtur autem respici ad cognomen urbis solenne, cuius & in his orationibus mentio, ut eum *Magna* appellata antea, nunc ad Φερειῶς γῆμα redacta, & ornamentis privata, hoc cognomen amisisse videretur. Quod si cui non placeat, τῆς

15. πρόσθεν εὐτυχίας legat, aut simile quid. In secunda oratione, in pr. orator se adversarium ita refutaturum ait, ὥστε αὐτὸν τῷ τοῦ μὴ ἔχειν ἀνταπεῖν ὁμολογήσαι τῇ σιωπῇ. In his vitium est, quod facile deprehendas, si ordinem verborum requiras, legendumque vel τῷ, atque ita conveniet Viri docti versio, cum nihil habeat Ἑ. vel τῶτον: ut ille ipse inopiam refutationis silentio proditurus sit. Est, ubi heroes quosdam

16. Homericos commemorat *Libanius* sic: Αἰάντα τὸν Λοκρὸν, καὶ τὸν μέγαν, καὶ τὸν Τυδείω, καὶ τὸν αὐτὸν Ἀχιλλέα &c. Hæc sic vertuntur: *Aiace Locrensi, viro præstantissimo; non bene, καὶ τὸν μέγαν* intelligere convenit alium ab *Aiace Locrensi* diversum: alias καὶ abesse deberet: nempe *Aiacem Telamonium*, qui *Magnus* dicitur, quia virtus eius magis a poeta celebra-

celebra-

celebratur, quam illius. Neque recte versa sunt hæc: ὦ καὶ Pag. 16.

τεθνεῶσι τῶν βασιλέων τις, τὸν νεκρὸν τιμήσας, ἀπέπεμψε: quem *Es mortuum quidam Imperator honore profectus, sepulturæ mandavit.* τὸν νεκρὸν male mortuum vertitur; ὁ νεκρὸς est cadaver: & in ἀπέπεμψε excidit verbum rei, qua missa Imperator cadaver hominis honorari voluit. Fuisse enim hunc morem quondam mortuorum honorandorum, mittendis coronis, vestibus &c. nemo nescit. Ἐξ Δάφνης ταύτην τὴν ἔρω καλὴν δένδρεσι, καὶ κήποις, καὶ πηγαῖς, καταγωγῆς ἀηδὲς ἔσται λέγεις χωρὶν &c. Ultima vertit: *ingratum exhibere diversorium dices.* Bene: sed ita in græco scribendum, λέγεις. Post scire se dicit, quod sint magistratus, καὶ πόσον ἐκάσω τὸ μέτρον: vertit, *quodque eorum munus.* Sed id μέτρον quomodo significet? Immo, *quæ cuiusque sit flatura,* utrum magnus an parvus, uter altero maior. Inter instrumenta rustica commemoratur σμινύνη, *bipalium*: quod est vel Codicis vel operarum vitio, pro σμινύη. Porro: ἐλὼγων δὲ τῶν ἐν ταῖς εἰκόσι ῥητόρων διήνεγκας: *cum paucos rhetores figuras tractantes antecelleres.* Primum εἰκὼν est species figuræ, non totum genus. Tum quale est, rhetor figuras tractans? Immo sensus requirit, ut dixerit, *cum paucis de plebe rhetorum præstitisse.* Sed hoc non efficitur ex edito. Unde credibile est, vocem εἰκόσι mendosam esse.

19.

20.

22.

Mox dicit, Præsidem pecuniam pro honore datam, non ex arca, sed a feneratoribus summis, καὶ τὴν τιμὴν ἅπασαν ἐκ ὀκνοῦ καταλαβὼν: pro quo clarum est reponendum esse καταβαλὼν. Eundem dicit esse ταπεινὸν & ὑβριστήν. τὸ μὲν γὰρ, ὃ σύμβολόν αὐτῶ ποιῶν τέδε ἵνα ἐκείνους κρύπτῃται γίνεται. Versio: nam cum ea, quorum tibi ipse conscius es, perpetrare non erubescis, tunc iniquis ea modis occultare studes. Quæ non exprimunt græca. Tu sic verte: *quorum illud (sc. ταπεινὸν ἔσται) faciunt ea, quorum ipse tibi conscius es: alterum autem fit, ut ab illis occultentur.* Sed legendum putamus ἐκείνα, ut illa (quorum sc. tibi conscius es) occultentur, non animadvertantur. Nam subiicit τὴν ὑβρίν esse illi παρεπέντασμα ταῖς κλοπαῖς. Furtorum autem & rapinarum

ibid.

Præsidis testes esse dicit multas civitates: in his primam *Chalcida*, τὴν δεξαμένην τὰς πληγαὶς πεπρωμέναις: quod vertitur: quæ saevissimæ plagas exactiōnis accepit: non sane bene. Immo illa *Chalcis* fuit receptatrix furtorum eius & exactiōnum, ut *Messana Verri* quondam; similiterque altera testis

- Pag. 26. *Apamea* particeps furtorum fuit, & eo nomine grata Præsidi. Aliud autem egit Vir doctus, cum verba oratoris, Præsidentem *Scyllam* appellantis, ob rapacitatem, & cognatos eius totidem circa ipsum capita, de *Sylla* dictatore eiusque crudelitate accepit: cum illa capita admoneant facile, de monstro *Scylla*, capitibus caninis succincto, esse sermonem, quod etiam apud *Ciceronem* crudelitatis exprimendæ causâ commemoratur, cum v. c. *Verrem* cum *Scylla* comparat, & ministros eius canes circa *Verrem*: quamquam fortasse quis, quod apud *Libanium* capita illa circa Præsidis caput ponuntur, ὕδραν pro σκύλλαν 28 extr. legendum putet. Atque etiam illa ὡς τὰ χεῖρα ἀπῆλθεν, ἀφῆς τὸ — διαλεχθῆναι, non vertenda erant discedendum putavi. Nilto vero dicere &c. sed: abii, abiectio dicendi conf- 32. lio &c. Neque intelligi potest, quare ἀφοσιῶνται verterit congueruntur, quod alienum est, & a verbo, & a contextu: immo leviter & perfunctorie causam agunt, quæ elegans istius 33. verbi significatio est, quam contextus clare desiderat. Paullo post verba quædam sunt haud dubie aliena, & eiicienda, ἃν εἶκον πείθειν ἔλκειν; nam sensum turbant, & e proximo versu 35. repetita sunt temere. In verbis καὶν αἰς τὸ δίκημα ἐλθόντας καυθῆναι, vitium operarum est pro καυθῆναι. Vertitur enim concremari: cetera male vertuntur domi: immo in car- ibid. cerem coniectum. Nec ἐνεχθεὶς χορηγὸς est electus choragus, 36. sed ἀποδερχθεὶς, aut λεχθεὶς, &c. Nec ὑπαρχος est Consul, ut semper (ut p. 70. 71.) vertitur, consul cum ὑπάτω: sed Præfectus Praetorio. Scripturæ autem vitium est in his: 42. τὰς ἃν ἀξίνοντας εἰδέναι τὰς αὐτῶν: qui patrias disciplinas nosse dedignantur: bene. Sed τὰ scribendum, & hoc fortasse dare voluit V. D. ut p. 43. Veniat in senatum pater, aut tutor, aut ipse adolescens, ἔτος ἡμολογησάτω editum est pro ἔτως, sic, tum spondeat, non hic spondeat, quod sensum non habet,

habet, nec fert in hoc contextu græca ratio, quæ ἔτως prorsus desiderat. Nec dubium esse potest, quin pro οἱ τὴν Ρώμην ἄγοντες referribendum sit Ρώμης ἄρχοντες; intelliguntur enim *proceres*, cum ἄγοντες sint *vexantes*: certe illud hoc sensu non dici putamus. Nam, quod infr. p. 80. τὴν πόλιν ἀπὸ νέumatων ἄγων dicitur, paullo aliter se habet. Porro facile intelligas, pro εἰ γὰρ ἐν, ὃ μὲν τις, ὑπὸ τῆ νόμου τέτακται, τῆτο καταλείψη, ζητήσῃ δὲ τι μῆζον &c. legendum esse: εἰ γὰρ, ἐν ᾧ τις — τέτακται &c. exigente τῷ τῆτο, quod in illa lectione stare non posset: nec illud ἐν locum hic habet. Ibidem milites ordines deferentes dicuntur ἀποτυμπανίζεσθαι, quod non male vertitur *fustibus caedi*: sed additur notula huiusmodi: *neque fustibus modo, sed etiam morte &c. tribunos privari solitos, tradit Iulianus Ep. 17.* Atqui ἀποτυμπανίζεσθαι, *fustuarium pati*, quam & *Livius* poenam ordines deferentium tradit, est capitalis poena: & ἀποτυμπ. est ad necem cadere, ut *Balthasar* ille apud *Danielem* ἀποτυμπανίζεσθαι ὁπαίοις. Atque etiam p. 54. pro ἐπὶ τὰς φαινομένους τῶν ὄντων ἐκ ὀλίγους, scripserim τῶν ἄρτων, quod etiam in versione exprimitur: nec enim in propinquo sunt ἄρτοι, ad quos τὸ ὄντων referri queat. Pistores revocanti se in urbem *Libanio* respondent, nihil eorum quæ vellet se non facturos: ἔδ' εἰ τὰ σώματα τῶν τέκνων προδέναι δίδι τοῖς Φρυγάνοις. Id vertitur: *ne si filiorum quidem nostrorum corpora obicienda forent rogis ardentibus.* At primo Φρύγανα non possunt esse rogi, etsi in iis & Φρυγάνων usus, ut celerius flammam conciperent ligna maiora. Dicuntur enim Φρύγανα de iis, quæ tota e famentis fiunt, ut nidi avium ap. *Aristophanem*: atque in hoc sensu etiam corrigendum foret προδέναι: nam hoc est *obittere, prodere*: non προδέναι. Videndum, an intelligantur famentâ, quibus pistores utuntur ad calcificiendos furnos, quibus panes coquunt: *ne si liberi quidem nostri una cum famentis in fornaces proiiciendi forent.* Aliquoties etiam in legendo aberravit librarius græci Codicis, & coniunxit disiungenda, idque fessellit Cl. Editorem. Καὶ διδῶ δὲ μικρὸν τῆτο ἀντὶ.

Pag. 45

46.

54.

56.

58.

- Pag. 66. ἀνεφαίνετο: pro τῷτο ἂν ἐφαίνετο, & alibi: ἡ τῶτων ἀνεργόντων, pro ἡ τῶτων ἂν ἐργόντων. Miseri & male vexati verberibus pistoris uxor rogat ministros lenitiae, τὸ καλύψαι
58. τὰ νῦτα miseri. At illi εὐχαρίζονται μὲν, ἀπὸδιδόνται δέ, καὶ παρὴν ἰατρὸς καὶ φόβος περὶ τῆς ψυχῆς. Hic hæsit V. D. in ἀπὸδιδόνται, maleque vertit locum: *hi supplicem spernunt, & miserum cruciatibus tradunt*: quod quomodo ex ἀπὸδιδόνται erui possit, non apparet: immo, *at ei non gratificantur illi quidem hoc, sed vendunt tamen*, i. e. pecunia deum data impetrat, ut dimittatur & medico dari possit: quod patet e mox sequentibus, quæ & ipsa non assecutus est. Libanius his auditis, rumore nuncio, mittit, qui videret, an ista ita se haberent, καὶ εἰ μὴδὲς τῷ τυχεῖν τῆς κλῆνης τὸν ἄνδρωπον δέδοται: *utrum pretium aliquod pro lecto comparando exhibitum fuisset*: quod nec intelligi potest. Volebat scire, an uxori pecunia danda fuerit, ut iste miser in vitæ periculum
60. adductus medici curatione uti posset. Occurrunt in eadem oratione ἀρτοπόποι, qui operis deberi videntur, quæ eos nobis pro ἀρτοποιιοῖς dedere. Cynegius ad constituendos ordines Decurionum in Orientem missus, dicitur μεγάλη μὲν ἀπειλῆσαι, δεῖξαι δέ, ἃ καὶ αἰχυνδέη τις εἶπεν: *magna quidem minatum esse, sed prae se tulisse &c.* Immo, *præstitisse*.
- 7+ *fecisse*. Hunc porro locum nemo e versione intelligat, nec intellectus est ab editore doctiss. Cum oporteret mittere, qui Coronas deferrent Imperatoribus, qui tantam Senatoriorum ordinum curam gesserant, ἔχειν τῶν ἀποδεδωμένων, μὴ συγχωρεῖν δὲ τοῖς ἀρχαῖς μείλειν, μηδ' ἀναβελῶς χαρίζεσθαι τοῖς ὑπὸ τῶν γραμμάτων τεθηρημένοις. Versio primum omittit illa ἔχειν τ. α. statim uti s. urgere quæ attributa, concessa essent, deinde ultima sic reddit: *neque cunctando gratificari iis, qui per literas captabantur*. Immo: *iis, qui rescriptis vestris tenebantur, cogi poterant ad Decurionatum*. In
79. eadem pag. est etiam τραῶται, vitiose, pro τραῶτας Illud autem nobis haud dubie corruptum videtur: τόγε πρὸς τὴν ἐνεργήσαν δικαίον πρότερον εἶδει πεποιθῆναι καὶ τῆς ψυχῆς αὐτῆς. Sensum bene reddidit V. D. officium erga patriam.

An vero ἡ ἐνεργεῖσα est patria? Immo ἐκτεκῆσα vel ἐντεκῆσα, quod utramque hoc sensu est in Lycurgi oratione. Ortum forte vitium e paullo post sequente Φυλακῇ τῶ διακρίσει ἐνεργεῖσιν κἀδύον. In oratione V. quæ est ad Imp. pro senatoriis ordinibus, narrat, *Letoium* coegisse tres cohortium duces Decurionatum suscipere: ea re sibi exercitus ducem iratum fecisse: eum ducem habuisse γράμματα aliorum, sed *Letoii* γράμματα, quæ & βιβλίον vocat, nullo modo ab eo impetrare potuisse. Hic quis desideret notulam editoris, quænam ista γράμματα, istud βιβλίον fuerint. Sed qui nos docet alibi, quæ urbes sint *Chalcis*, *Apannea*, qui *Tyndarî* filii, & similia, nihil hic adnotationis suæ dedit. Nobis videntur intelligenda decreta Impp. quibus mittendis potestas data erat cogendi homines ad Decurionatum, quem tum tantopere fugiebant. Γράμματα & βιβλία, item βιβλίον, vocari talia Decreta principum, dubio caret.

Facile foret, talia de singulis orationibus admonere: sed hæc, speciminis causa prolata, sufficere possunt lectoribus eruditis: quibus, his ipsis legendis, sperabamus inuici posse cupiditatem operis cognoscendi, in eoque iudicii sui experiendi; cuius rei hic non parcam materiam dari ex dictis intelligi potest.

COMMENTARII ACADEMIÆ SCIENTIARUM Imperialis Petropolitanae.

Tom. XIV. ad ann. 1744-46.

Petrop. 1751. 2 Alph. 3 plag. 7 Tab. æn.

Classis horum Commentariorum mathematica, continet quinque dissertationes huius argumenti, quarum prima est *methodus integrandi formulas differentiales rationales, unicam variabilem continentes*, auctore *L. Eulero*. Omnes formulæ differentiales, quarum integrationem Auctor hic tradit, continentur in hac forma generali Xdx , ubi X denotat functionem quamcunque rationalem ipsius x . Cum igitur omnis functio rationalis sit vel integra, vel fracta: tractatio

H

tio

tio hæc in duas partes tribuenda fuisset, nisi integratio illis casibus, quibus X est functio integra, nulla laboraret difficultate. Totius ergo negotii cardo in hoc vertitur, ut integretur formula, in qua est

$$X = \frac{A + Bx + Cx^2 + Dx^3 + Ex^4 \&c.}{\alpha + \beta x + \gamma x^2 + \delta x^3 + \epsilon x^4 \&c.}$$

In eiusmodi fractione vero, x vel continet in numeratore tot vel plures dimensiones, quam in denominatore, vel pauciores. Si tot vel plures occurrant dimensiones in numeratore, quam in denominatore, fractio data v. g.

$$X = \frac{A + Bx + Cx^2 + Dx^3 + Ex^4 \&c.}{\alpha + \beta x + \gamma x^2 + \delta x^3 \&c.}$$

dividendo revocari poterit ad aliam, in qua summa ipsius x dimensio in numeratore minor sit, quam in denominatore. Omne igitur negotium huc redit, ut integretur formula Xdx , in qua est

$$X = \frac{A + Bx + Cx^2 + Dx^3 + Ex^4 \&c.}{\alpha + \beta x + \gamma x^2 + \delta x^3 + \epsilon x^4 + \zeta x^5 \&c.}$$

Ad hanc igitur formulam integrandam sese accingit Auctor, & primo quidem considerat illum casum, in quo terminus primus α vel aliquot termini initiales denominatoris evanescant. Hoc enim si sit, integratio multum levare, atque ad casum faciliorem, de quo postmodum dicemus, reduci potest. Reductio autem in hoc constat, quod denominator tum habeat unum factorem cognitum, qui erit vel x , vel x^2 , vel x^3 &c. prout unus pluresve termini initiales denominatoris evanescant: ideoque poterit fractio proposita in duas alias fractiones resolveri, quarum altera, cum habeat potestatem ipsius x simplicem pro denominatore, nullo negotio integratur, ita, ut tantum altera remaneat, cuius integrale quaeratur. Sic, si primus tantum terminus denominatoris desit, erit formula differentialis proposita huiusmodi

$$\frac{A + Bx + Cx^2 + Dx^3 + Ex^4 \&c.}{\alpha + \beta x + \gamma x^2 + \delta x^3 + \epsilon x^4 \&c.}$$

$$X(\alpha + \beta x + \gamma x^2 + \delta x^3 + \epsilon x^4 \&c.)$$

quæ

quæ æqualis est his duabus iunctim sumtis

$$\frac{A}{\alpha x} + \left(\frac{B - A\beta}{\alpha} \right) + \left(\frac{C - A\gamma}{\alpha} \right)x + \left(\frac{D - A\delta}{\alpha} \right)x^2 \&c.$$

$$\alpha + \beta x + \gamma x^2 + \delta x^3 \&c.$$

quarum prioris partis $\frac{A dx}{\alpha x}$ integrale est $= \frac{A}{\alpha} /x$. Postea

rioris vero partis integrale, methodo deinceps tradenda reperiri debet. Similiter, si fuerit

$$X = \frac{A + Bx + Cx^2 + Dx^3 + Ex^4}{x^2 (\alpha + \beta x + \gamma x^2 + \delta x^3 + \epsilon x^4)}$$

id est, si bini termini initiales denominatoris deficient, fractio hæc itidem in duas alias resolvitur, ut fiat

$$X = \frac{a + bx}{x^2} + \frac{A + Bx + Cx^2 + Dx^3 \&c.}{\alpha + \beta x + \gamma x^2 + \delta x^3 \&c.}$$

quo facto habetur facile $\int \frac{a + bx}{x^2} dx = -\frac{a}{x} + b/x$.

Fractio posterior vero per divisionem resolvenda erit in aliam, in qua x gaudeat minori dimensione in numeratore, quam in denominatore, donec remaneat fractio quædam $A + Bx + Cx^2 + Dx^3$

$\frac{A + Bx + Cx^2 + Dx^3}{\alpha + \beta x + \gamma x^2 + \delta x^3 + \epsilon x^4}$ ubi x in denominatore plures

habet dimensiones, quam in numeratore, ut itaque totius negotii summa iterum ad hunc casum, cuius iam supra mentionem fecimus, reducat. In hoc vero casu nulla alia ad integrationem via patet, quam ut denominator $\alpha + \beta x + \gamma x^2 + \delta x^3 \&c.$ in suos resolvatur factores simplices. Quamquam enim radicum investigatio, cum qua resolutio in factores congruit, adhuc ultra æquationes quatuor dimensionum generatim non sit perducta, tamen in integrationum negotio, Auctor, iure meritoque sibi resolutionem æquationum quocunque dimensionum concedi postulat. Is enim formulæ seu æquationis differentialis integrationem perfecte dedisse

consensus est, qui eam ad resolutionem seu constructionem æquationis algebraicæ revocaverit. Assumantur igitur denominatoris propositi v. g. $1 + \alpha x + \beta x^2 + \gamma x^3 + \delta x^4$ &c. factores simplices $(1+px)$ $(1+qx)$ $(1+rx)$ $(1+sx)$ $(1+tx)$ &c. quorum factorum numerus, uti constat, æqualis est maxime dimensionem ipsius x quam habet in denominatore proposito. Hac posita denominatoris in factores resolutione, formula differentialis

$$\frac{A + Bx + Cx^2 + Dx^3 \&c.}{1 + \alpha x + \beta x^2 + \gamma x^3 \&c.} dx$$

abibit in hanc formam

$$\frac{A + Bx + Cx^2 + Dx^3 + Ex^4 \&c.}{(1+px)(1+qx)(1+rx)(1+sx) \&c.} dx$$

quæ porro resolvî poterit in fractiones totidem simplices, quot denominator continet factores, suntque hæc fractiones simplices differentiales hæc:

$$\frac{Pdx}{1+px} + \frac{Qdx}{1+qx} + \frac{Rdx}{1+rx} + \frac{Sdx}{1+sx} \&c.$$

Patet enim, his fractionibus addendis expressionem esse prodituram superiori similem. Sed determinatio quantitatum assumptarum P , Q , R , S , &c. multum parit negotii, ubi numerus fractionum paullatim accrescit: cui tamen incommodo, ope compendii, Auctor, quantum per naturam rei licet, medetur. Inventis vero harum litterarum valoribus, integrale

$$\text{fractionis propositæ } \frac{P}{p'} l(1+px) + \frac{Q}{q} l(1+qx) + \frac{R}{r} l(1+rx) + \frac{S}{s} l(1+sx) \&c. \text{ in promptu est. Illi}$$

autem incommodo, quod oritur, si interdum duo vel plures factores sibi invicem æquales sunt, ab Auctore medela quoque affertur. Unicum tamen incommodum adhuc sæpe numero accidit, quod in hoc consistit, ut quoties denominator habeat factores imaginarios, toties integralis partes ex

iis oriunda fiant quoque imaginariæ; quæ, etsi coniunctim sumptæ quantitatem realem præbent, tamen ea ex imaginariis non tam liquido appareat. Auctor itaque & hoc removet, & integrale ab imaginariis omnino liberum, solisque quantitibus realibus expressum, exhibet. Ex his igitur intelligitur, quomodo formulæ cuiuscunque differentialis rationalis integrale inveniri, atque adeo in forma reali exhiberi oporteat. Postquam enim differentiale, per modos prius expositos, ad formam posterius pertractatam fuerit perductum, tum totius negotii cardo vertetur in inventionem factorum realem denominatoris, qui sunt vel simplices binomiales, vel trinomiales; atque quilibet factor dabit partem integralis quæsitæ: quare, si methodo præscripta ex singulis factoribus integralis partes respondentes fuerint inventæ, omnium harum partium aggregatum erit integrale quæsitum. Ex quibus porro patet veritas non exigui momenti, quod integrale omnis formulæ differentialis rationalis perpetuo concessis logarithmis & arcubus circularibus exhiberi queat; ita ut integratio, si algebraice absolvi nequeat, alias quantitates transcendentes non requirat, præter logarithmos & arcus circulares. Harum autem rerum usum, quamvis per se latissime pateat, & perspectu facillimus sit, Auctori tamen in casibus specialibus probare, ac simul applicationem regularum traditarum ostendere, placuit; quem quidem usum amplissimum esse, exinde satis elucefcit. Excepit hanc tractationem alia *Georg. Wolffg. Kraft, de superficie cylindri & con scalenorum*. Occasionem solvendorum horum duorum problematum præbuit Auctori *Cel. Heinsius*, Collega noster, qui ea in tractatu de projectionibus astronomicis, cuius nuper mentionem fecimus, methodo tamen diversa, explicuit. Cum itaque Auctor videret, rariores inveniri utriusque problematis constructiones, calculorum sublimiorum ope eas eruere constituit. Pro cylindro itaque scaleno, cuius altitudo $= a$, latus $= b$, $\sqrt{b^2 - a^2} = c$ & radius baseos $= r$, angulus baseos vero, pro quo pars superficiæ intercepta quæritur $= \frac{y}{r}$, elementum superfici-

perficiei reperit $= \frac{dy \sqrt{b^2 r^2 - c^2 y^2}}{\sqrt{r^2 - y^2}}$ cuius elementi inte-

Fig. A.

grale ab ellipseos rectificatione pendere in apico est. Idem sine calculo differentiali Auctor demonstrat alia ratione, quam, cum mirum sit veteres geometras non animadvertisse, hic integram adicere licebit. Secetur cylindrus obliquus *DCIFEG* ita, ut nova sectio *NMI* sit normalis plano *DIFE*, & axis *NI* perpendicularis ad latus cylindri *DH*; eritque hæc sectio ellipsis *NMI*, cuius axis maior *DI* minor autem *NI*. Nam si in nova hac sectione pro semip applicata quavis *PM* sit sectio basi parallela *AMB*, habebitur, quia basis circularis est, $AP \times PB = PM^2$; sed ob triangula similia est $AP : PN = PB : PI$, unde

$$PB = \frac{AP \times PI}{PN}, \text{ quod substitutum in priori æquatione,}$$

$$\text{efficit hanc } \frac{AP^2 \cdot PI}{PN} = PM^2. \text{ Sed habetur quoque}$$


$$AP : PN = DI : IN, \text{ aut vero } AP^2 = \frac{PN^2 \cdot DI^2}{NI^2},$$

quod denuo subrogatum in hac æquatione ultima, præbet

$$\text{hanc } \frac{DI^2 \cdot PN \cdot PI}{NI^2} = PM^2; \text{ vel } PM^2 : PN \cdot PI = DI^2 :$$

NI^2 ; quod indicat, sectionem *NMI* esse ellipsin, in qua axis ipsi *PM* parallelus est æqualis ipsi *DI*, & alter axis æqualis ipsi *NI*. Sed apparet, esse $DI \neq IN$, ergo *NMI* est ellipsis, cuius axis minor est *NI*. Est igitur cylindrus ex hac nova sectione ortus *HFIMN*-ellipticus, ob basin *NMI* ellipticam, sed est cylindrus rectus, cuius quippe latera perpendicularia sunt ad hanc basin cylindricam; superficiem igitur pars quæcunque *HKMN* æqualis est arcui elliptico *NM* ducto in latus *HN*. At vero ob angulos *NICD* & *HFGE* similes & æquales, area *HKMN* cylindri recti sed elliptici eadem est cum area correspondente *EemD* cylindri obliqui, sed

sed circularis, unde patet. \square



factor denominatoris respondentem integrans partem
minandi; in quo negotio Auctor ante usus fuerat methodo
cum nimis operosa, tum ex alienis principiis deducta. Tan-
dem methodus, quæ hic proponitur, ad omnes formulas dif-
ferentiales est æque accommodata, neque ulla opus est redu-
ctione.

no, cuius quippe latera perpendicularia sunt ad hanc basin cylindricam; superficiem igitur pars quæcunque $HKMN$ æqualis est arcui elliptico NM ducto in latus HN . At vero ob angulos $NICD$ & $HFGE$ similes & æquales, area $HKMN$ cylindri recti sed elliptici eadem est cum area correspondente $EemD$ cylindri obliqui, sed

sed circularis, unde patet, etiam aream *EemD* æqualem esse priori factò, & pendere consequenter ab ellipseos rectificatione. Ad conum quod attinet, posita altitudine coni perpendiculari = a , axi = c , $r(c^2 - a^2) = b$, radio baseos = r , anguli in basi sumti, cuius pars intercepta superficiei conicæ quæritur, sinu = x , Auctor invenit elementum superficiei

$$= -\frac{1}{2} r dx \over r(r^2 - x^2) \sqrt{\left(a^2 + \frac{(r^2 + bx)^2}{r}\right)}, \text{ quod}$$

neque ad circuli, neque ad hyperboles quadraturam, ulla ratione reduci potest. *Eulerus* in sequentibus filum dissertationis supra indicatæ pertexit, & methodum faciliorem atque expeditiorem integrandi formulas differentiales racionales tradit. Quamvis enim omnium formularum rationalium integratio, per præcepta supra tradita semper absolvi queat, dummodo denominatoris factores, sive simplices sive trinomiales, habeantur, & sic nihil amplius methodo ante expositæ addendum videatur: hic tamen omnia, quæ ante explicata fuerant, non solum magis naturali modo ex propriis fontibus deducuntur, verum etiam præcepta ita adornantur, ut integratio omnium huiusmodi formularum multo facilius atque expeditius perfici queat. Primum enim methodum, tam latissime patentem, quam facilem, proponit, cuiuscunque denominatoris trinomialles factores inveniendi, dum antea hos factores elici oportebat ope cuiusdam theorematis *Moivreani*, quod nonnisi tum valet, quando supremæ potestates variabilis x , iisdem, quibus infimæ, coefficientibus sunt coniunctæ: hocque ipso integratio ad plurimas alias formulas applicari poterit, quibus prior methodus minus genuina non sufficiebat. Deinde inventis factoribus, tam simplicibus, quam trinomialibus, methodus longe simplicior ac facilior communicatur, ex quolibet factore denominatoris respondentem integralis partem determinandi; in quo negotio Auctor ante usus fuerat methodo cum nimis operosa, tum ex alienis principiis deducta. Tandem methodus, quæ hic proponitur, ad omnes formulas differentiales est æque accommodata, neque ulla opus est reductione,

atione, quæ in methodo priori requirebatur, ubi primum ex denominatore factores potestatis x elicere, atque tum terminum denominatoris absolutum unitati æqualem reddere oportebat. Huic dissertationi subiunxit *59. Theoremata circa divisores numerorum in hac forma* $pa^2 + qb^2$ *contentorum,* quæ tamen omnia, cum singula recensere per spatium non liceat, quædam vero seligendo nihil omnino diceremus, hic prætermittimus. Pergimus potius ad *Eiusdem considerationem motus corporum flexibilium.* Argumentum, quod hic pertractandum suscipit Auctor celeberrimus, insignem mechanice partem constituit. Cum enim hac scientia, cunctorum corporum motus, tam quales permancant, quam quomodo potentiis immutentur, investigari debeant: ex diversa corporum indole primaria tractationis divisiõ originem trahit. Hinc corpora flexibilia, quorum structura ita comparata est, ut partes inflecti queant, ad peculiarem mechanice partem referri debebunt: quæ, etsi alias universa motus scientia iam satis exulta videatur, tamen ne ad hoc usque tempus quidem a quoquam est tentata, ita ut etiam prima principia, ex quibus corporum flexibilem motus definiri debeat, adhuc ignorentur. Quamquam enim ab Auctore pariter, atque a Dan. Bernoullio, motus oscillatorius huiusmodi corporum feliciter explicatus sit: tamen, quia tantum oscillationes minimas contemplati sunt, ipsis genuinis principiis, quibus corporum flexibilem motus continetur, supersedere poterant, cum principia statica omnino sufficerent. Quoniam igitur hoc argumentum plane novum & adhuc intactum est, Auctor casus tantum nonnullos simplicissimos evolvit, cum in finem, ut principia horum motuum inde perspiciantur, simulque methodus tradatur, quæ omnibus huius generis problematibus resolvendis conveniat. Flexuram vocat, eiusmodi duorum corporum partium AB & BC connexionem in B , ut utraque pars circa hoc punctum B liberrime inflecti atque rotari possit. Flexura scilicet B tantum divulsioni partium AB & BC resistit, de cetero autem non impedit, quo minus utraque pars, ad quemcunque angulum ABC vel ABc incli-

Fig. B.

inclinentur. Quando autem partes liberrime inflecti posse dicuntur, hæc flexura perfecta, de qua hic sermo est, a flexura elastica distingui debet; ad partes enim circa flexuram perfectam inflectendas tantum opus est, ut inertia partis movendæ superetur, cum, si flexura esset elastica, præterea elater superari deberet. Hanc ob rem partes, per flexuram inter se connexas, tamquam lineas rectas Auctor repræsentat: quod tamen non impedit, quo minus quæcunque figuræ, dummodo sint idoneæ, in istarum linearum rectarum locum mente substituuntur. Si igitur corporis flexibilis singulis partibus æquales motus secundum eandem plagam imprimantur, totum corpus, quasi esset rigidum, nullam inflexionem patietur, sed eadem perpetua celeritate in eandem plagam moveri perget, nisi a causis externis in hoc motu perturbetur. Ut igitur appareat, utrum per flexuram motus immutetur, concipiatur nexum omnem in flexuris tolli, ac discipiciatur, utrum, dum quælibet pars motum sibi impressum prosequitur, termini, qui ante in flexuris erant coniuncti, a se invicem discedant, nec ne? priori enim casu, flexuræ vis, sese in continendis partibus exserens, motum turbabit, altero autem casu motum invariatum relinquet. Ad motum ergo cuiusque corporis flexibilis determinandum, singulæ partes, quasi inter se essent dissolutæ, considerari, & quo motu perfecturæ sint, examinari debent; tum vero flexuræ cuiusque vis erit investiganda, motum ita dirigens, ut partes, uti natura rei secum fert, contiguæ conserventur, hocque pacto, ad quodvis momentum, singularum corporis partium motus definiatur. Maximum autem subsidium in hac investigatione in eo versatur, ut motus quæsitus commode per symbola repræsentetur. Considerat itaque Auctor primum, corpora unica flexura prædita: his enim pertractatis, ad plurium flexurarum motum investigandum accessus patet. Huiusmodi autem corporis motus, utcumque fuerit comparatus, mente comprehenditur atque intelligitur, si primo cognitus sit motus, quo ipsa flexura progreditur, id est, via, quam describit, eiusque celeritas in locis singulis. Deinde, si utra-

que pars non motu sibi parallelo flexuram sequatur, utriusque motus rotatorius, seu angularis, circa ipsam flexuram debet cognosci. Tandem ad quodvis tempus situs partium, respectu plagæ datæ, est definiendus. Has autem res, si in quovis motu oblato determinare atque assignare quis potuerit, dubium nullum est, quin totus ei corporis motus perfecte sit cognitus. Ad hæc autem expedienda Auctor investigat primo, quemadmodum utraque pars, si esset ab altera soluta, motum suum esset continuatura; deinde quomodo quævis potentia sollicitans hunc motum perturbare valeat. Denique eam flexuræ vim quærit *A.* qua fit, ut utriusque partis terminus *B* æquo motu cieatur: sic enim vis, quam flexura sustinet, seu quæ ruptioni resistit, innotescit; qua cognita, utriusque partis, atque adeo totius corporis motus ita determinari potest, uti perfecta eius cognitio requirit.

Pergimus ad classem physicam, in qua primum locum tenent: *du Vernoï animæ diversiones variae in erinaceorum terrestrium anatomem, quarum nonnullæ nunc ad structuram vesicularum in viscerum; nonnullæ ad novorum remum succenturiatorum illustrationem pertinent.* Viscera, secundum naturam componi debebant dissimili reliquarum partium ratione, & communibus non solum particulis instrumentalibus, ut sunt canales omnis generis, ad materiam nutritioni & secretionibus utilem adducendam & reducendam; verum etiam e privata ac propria substantia, a vasculari natura, usu, & structura discrepante, ad actionem secretionis proximam & immediatam, & ad reliqua eo spectantia perficienda. Quamvis enim alii, ab hac sententia recedentes, viscera docuerint & corpora glandulosa componi, ac duntaxat uti simplici fabrica vasculosa, præmemoratum secretionis actum perficiente; Auctor tamen contrarium ostendere studuit, exemplo ab erinaceis desumpto, & ad eorum ubera, lactationis imprimis tempore, & subcalido adhuc corpore, spectante, in quibus, cute duntaxat incisa, tam interna, quam externa superficie, ipsæ vesiculæ, incredibili frequentia, protinus sese prodere inceperunt, & sic per se, nulla manuum opera, ultero conspicuæ fuerunt. Hæ vesiculæ, tam-

etfi

etsi sola membrana tenuissima sint prædita, spectatu tamen eo faciliores fuerunt, quanto maior luciditas a laetis inclusi copia accesserat; aliquot enim millia, in extima superficie, per se, ac inermibus oculis fuerunt conspicua, ut earum peculiaris figura, series, & color niveus, nunquam exactius & elegantius referri posse visus fuerit. Similiter, ad reliquam substantiam interioram quod attinet, nihil illa a priori discrepavit; omnes universim inter se æquali fuerunt figura, & magnitudine minime discrepante, invicem strictius unitæ, ac per multiplices membranosas propagines, plurimis vasculis instructas, simul firmatæ, ex quibus varia intersepta & retia fibroso vascularia composita fuerunt. Credibile tamen Auctori videtur, quod nonnulli erinacci, ob alimentorum, regionum, & temporum diversitatem, dissimiles ac pinguiores inveniantur: ob quam causam, per implexum pinguedinis, vel per plenitudinem vasorum, vesiculæ sic obductæ sint, ut globuli adiposi potius, quam vasa esse videantur; unde eo magis perspicui poterit, cur in variis aliis descriptionibus vesicularis structura viscerum plane omissa fuerit. Hoc idem iudicium cadere Auctori videtur in capsulas erinaccorum seminales, quas observavit: 1) corpus retulisse amplissimum, mensuram pelvis longe excedens, ac versus renes altius ascendens, membrana bipartitum pellucida, per quam non solum dextræ & sinistræ divisionis nexus, verum etiam commune involucrum a natura constitutum fuit; 2) unicuique divisioni quatuor glandulæ propriæ fuerunt, laxis membranis interstinctæ, ut distincti lobuli, unde totum præmemoratum corpus e glandularum quatuor paribus constitit. 3) Istæ ex membranosa tenui alba & pellucida substantia simpliciter constructæ fuerunt, unde per eas semen inclusum manifeste transluxit. 4) Sub communi membrana, seu involucro, has investiente, multiplices series orbiculares, forma ac specie pellucidi & longissimi ductus seu sacculi, semen continentis, transparuerunt, quæ series nihil a veris vesiculis discreparunt, nisi quod crassitie fuerint maiore, nec ad ovalem, ut aliæ vesiculæ, verum ad cylindricam figuram accesserint; unde Auctori

effici non videtur, ut propterea pro vesiculis haberi non debeant. Similiter Auctor inquisivit in erinaceorum renes succenturiatos, de quibus iam tomo præcedente sermonem fecerat. Ducto enim observationum suarum principio a corpore humano, habuit investigare, num vicissim hi minimi renes bestiarum corporibus communes sint, nec ne? Examini itaque ea de causa, diversæ ætatis & sexus erinaceorum, sæpe multumque ab Auctore institutum est, sed nunquam eos conspiciere licuit; unde oculos effugisse parvitate videntur, uti eventus postea docuit. Aliæ nempe occasione ipsi allatus est echinus semina, recens natus, una cum matre cum lactante, in qua quidem nullum ignem succenturiatum, præter duos ordinarios, offendere potuit; in iuniore vero spes eum non fecerit. Is enim ne succenturiato, ut in supra memoratis, constitit, post hæc, horum dexter, uti distincte observavit, alterum sibi socium habuit minimum figuræ orbicularis, grano papaverino æqualem, ac, uti visum fuit, haud extra, sed intra tunicam cellulosam immediate positum, unde ea detracta, hunc a rene facile divellere licuit. Vas perexiguum arcus in modum, ad huncce renem tendens, spectatum fuit. Denique eius substantia renis succenturiati simillima, cortice, cavea, ac colore prædita fuit, uti ceteri renes succenturiati, in corpore humano primum observati. Hunc excipit *Iosias Weitbrecht, de pituita glutinosa laryngis*. Interiorem oris cavitatem, labiorum, linguæ, palati, pharyngis, laryngis superficiem, innumeris emunctoriis scatere, quibus humores vario habitu excreti mistim in ore deponantur, anatomicorum scrutinia, & experientia ipsa abunde docuerunt. Inter hos humores multum inter se diversos, singularis aliqua materia per secretum ex faucibus eici solet, quæ nec saliva, nec mucus glandularum palati, aut narium, nec denique pus dici potest, sed quæ ab his omnibus, consistentia & natura sua, colore, & origine distinguitur, ideoque specialem considerationem utique meretur. Huius igitur pituitæ naturam ut cognosceret A. copiam eius per plures menses paulatim collegit, & in vasculo leviter tecto in museo conservavit, ut, quibus mutationibus foret

foret

foret obnoxia, cognosceret. Quamvis autem totius anni spatio, absque ulla putredinis aut effervescentie signo notabili, quod aut nares afficeret, aut oculis cerneretur, consisteret: non tamen prorsus eadem permansit. Et quidem primo, quoties nova additio facta fuit, omnes pituitæ glomii & monticuli post aliquot horas in æquabilem planitiem diffluerunt. Tum vero, cessante collectione, superior superficies in duram crustam inaruit; reliqua autem massa non indurata, in volumen minus contracta, aerem contentum in unum spatium medium coegit, & amissa tenaci glutinositate sua, in crassam, mucosam, pulvisformem, opacam, sublavam materiam, granulis albis, duriusculis, friabilibus interspersam abiit. Huius materie portio retortæ indita, & ætæni ignis subiecta, in paucum sal volatile, & oleum acerrimum, intolabili foetore, olea ex C. C. parata longe superans, & phlegmati plurimo supernatans, resoluta est. Aliam quoque granulis illis albis potissimum constans, per affusum oleum, & quietem, ad maiorem putrefactionem evecta, in oleum sebacæum, aqua non solubilem, abiit; in patina autem ferrea prunis candentibus imposita, evaporata humiditate, & projectis plurimis bullis aereis, in squamulas fuscas, pulverulentas, nullo sapore præditas, exaruit, relictis in ferro maculis, de tenaci cum ferro coactione testantibus. Quantum Auctori ex observationibus assequi licuit, humor hic glutinosus non in faucibus, aut palato, aut oesophago hæret, neque etiam in pulmonibus eius sedem quærendam putat, sed in sola trachæa, & quidem speciatim in portione eius superiore, nempe in ipsius laryngis cavitate interiore, ventriculis præsertim & cryptis, circa ipsam glottidem & eius operculum. Quando pituita pura & copiosa eructatur, Auctor observavit, plerumque sub habitu massæ albicuius spissæ, rudis, indigestæ, & uniformis apparere solere, in qua nulla partium componentium distinctio cernatur. Saliva vero, aut narium muco vitreo, aut laryngis maiore intermisso, generationem eius quodammodo manifestari. Ex plurimis enim massulis, quasi granulatis, constatam esse cognovit, conglomeratis ex mucosis filamentis, serpentino

modo intortis ac convolutis. Ex hac filamentorum configuratione infert, adesse singularia organa, ex quorum orificiis angustioribus illa eructentur, & in quorum sinubus ac recessibus interioribus a massa sanguinea fecernantur. Organa vero ista, glandula dici solita, qualia & quæ istæ glandulae sint, quæ hanc pituitam glutinosam & tenacem laryngis fecernant, per solas anatomicas disquisitiones satis determinatum non videtur. Quid tamen de iis statuendum sit, ulterius prosequitur: & quamvis certi nihil definiat, tamen in epiglottidis glandularum, & quas arytenoides produxit Morgagnus, recessibus, pituitæ huius glutinosæ scaturiginem querendam putat. Has denique observationes, ad usum physiologicum & pathologicum applicat. Succedunt *G. W. Krafftii, de calore ac frigore, experimenta varia.* Cum natura regionis, in qua Auctor celeberrimus tum temporis degebat, instituendis experimentis de frigore optime faveat, hiemis ille acerbitatem in mensurâ revertere non neglexit, variaque experimenta, magnâ fide & cum physicam commodo, instituit. Ac primo quidem quantitatem refractionis in glacie determinavit, eamque invenit talem, ut si radius ex aere in glaciem incidat, sinus anguli inclinationis se habeat ad sinum anguli refracti $= 1000 : 713$. Quæ ratio cum secundum Newtonum in aqua pluvia sit $= 100 : 75$, apparet inde, refractionem glaciei paullulum tantum ab illa differre, quam radius in aqua patitur. Ad naturam glaciei quod attinet, fuerunt, qui glaciem esse aquam rarefactam; iterum vero alii, qui condensatam putarent. Verosimile Auctori non videtur, omnibus corporibus, excepta sola aqua, id convenire, ut maius habeant volumen in fluiditate, quam in sua firmitate. Ad glaciem vero in specie quod attinet, invenit, aquam tubo cylindrico vitreo contentam, fluidam occupasse longitudinem 1168. partium, congelatam vero replevisse longitudinem 1290 earundem partium. Durante quidem congelatione, ruptus fuit tubus aliquot in locis, sed mansit tamen cylindricus, & ad sensum eiusdem diametri cum priore, partibus ruptis sibi coherentibus: unde Auctor infert, esse densi-

densitatem aquæ ad densitatem glaciæ = $1290 : 1168$
 = $1000 : 905$, vel circiter = $9 : 8$, quæ vulgaris est sententia.
 Alio tempore, eodem experimento curatius instituto, invenit
 densitatem aquæ ad densitatem glaciæ, ad instar cry-
 stallum purissimæ, = $1000 : 916$. Ab his progreditur
 ad determinandam quantitatem voluminis a nive &
 aqua, ex illa collecta, occupati; quod vero varie inter
 se differre, & modo ut $1000 : 634$, modo ut $1000 : 363$, sese
 habere reperit. Vasa aquam vel aliam fluidam materiam con-
 gelatam continentia, si subito calori admoveantur, rumpi, no-
 tissimum est. Hoc quoque experimentis Auctor confirmavit,
 phænomenon exinde explicans, quod calor, glaciæ recens
 admotus, hanc ad ampliorem voluminis mensuram extendat,
 quo sit, ut vas, ob glaciem expansam satis iam extensum, &
 ruptioni adhuc vix resistens, hanc, modica accedente ulterio-
 ri dilatatione, tandem patiatur ac disrumpatur. Cohæren-
 tiam hoc phænomenon & nexum cum illo plane mirando ca-
 si habere videtur, quem Friewaldus observavit: "qui, cum
 vas vitreum oblongum, aqua repletum, diabolos sic dictos Car-
 tesianos continens, in conclavi non calefacto reliquisset, etiam
 a congelatione aquæ periculum instrumento metueret, subito
 accedens, ut illud museo calefacto inferret, offendit quidem
 aquam adhuc liquidam, sed cum vesicam superne alligatam
 premeret digito, ut diaboli subsiderent, dicto citius omnis
 aqua abiit in lamellas tenues glaciales, atque sic initium con-
 gelationis factum est. Vi aquæ in glaciem abeuntis, vasa fer-
 rea vel quævis fortissima diffringi posse, Auctor quoque ex-
 perimentis comprobavit; nec non temperiem duorum miscibi-
 lium, eiusdem consistentiæ, sed diversæ temperiei, si invicem
 misceantur, ope experientiæ determinat. Nec glaciæ elasticitatem
 prætermittit, ad quam investigandam paravit duos glo-
 bos glaciales, diametri circiter duorum pollicum; ex aqua diu
 multumque cocta, æqualis inter se ponderis, & bene pelluci-
 dos. Hos suspendit in machina Gravefandiana collisionum,
 atque effecit, ut in alterutrum quiescentem incurreret alter
 celeritatibus successivis, ut 16 ad 20, quibus quiescens obtinuit
 celeritates ut $9\frac{1}{2}$ ad $11\frac{1}{2}$, & globus incurrens, post collisionem
 paullo

paullo etiam resiliit. Patet ex regulis collisionum generalibus, si glacies spectetur ut corpus molle, celeritates ortas ex collisione futuras fuisse ut 8 ad 10; cum igitur observate fuerint paullo maiores, patet, etiam aquam per congelationem acquisivisse quidem aliquam elasticitatem, sed admodum parvam; si enim globi considerentur ut perfecte elastici, celeritates esse debuissent ut 16 & 20. Idem consequitur ex aliis experimentis ab Auctore institutis. Globo nempe eburneo, cuius pondus 7. semunc. quiescenti immisit globum glaciale 5. semunc. celeritatibus ut 10. 15. 20. quæ produxerunt post collisionem celeritates ut $5\frac{1}{2}$, $7\frac{1}{2}$, & $9\frac{1}{2}$; aut cum iterum duos globos glaciales, quorum pondera erant ut 194 & 159 inter se committeret, quiescente maiore, & minore incurrente celeritatibus ut 5. 10. 15. 20, ortæ fuerunt post collisionem celeritates respectivæ maioris globi ut 3. 6. 9. 11 $\frac{1}{2}$. Denique, ut alia brevitas causa taceamus, examinavit quoque experimentum illud, quod in Experimentis Academiæ del Cimento legitur, ubi frustum glaciæ, pondus 500 librarum tenens, oppositum speculo cavo, frigus ad thermometron repereussisse perhibetur. Cupidus admodum spectandi huius phænomeni, curavit duo frusta glacialia, dura & valde pellucida, ita locari, ut parietem quasi formarent pedes 4 altum, 5 longum, & 2 crassum, superficiem itaque tenentia simul 20. pedum quadratorum Londin. & soliditatem 40. pedum cubicorum, qui consequenter fuerunt ponderis 2280. librarum. Huic massæ glaciæ, plus quam quadruplo maioris illa, quam Academici Florentini adhibuerunt, opposuit speculum causticum metallicum diametri 2 $\frac{1}{2}$ ped. Lond. In focus huius speculi collocavit bullam superiorem thermometri Drebheliani, ob insignem & conspicuam eius nobilitatem adhibiti. Quibus ita præparatis, integrum speculum obduxit velamento laneo, atque tandiu moratus est, donec thermometron in perfecto statu quietis esset, quo obtento revelavit subito speculum, & sollicitè attendens ad thermometri mutationem, ne minimam quidem unquam observavit, etiam si in variis speculi a glaciæ distantiiis, variisque caloribus gradibus experimentum repetitum fuerit.

Quæ

Quæ vero in quolibet casu fuerit distantia glaciæ & thermometri a speculo, Auctori adiciere non placuit. De *Eiusdem observationibus meteorologicis, annis 1742. & 1743.* institutis, hic nihil est, quod dici omnino queat. Quamobrem ad *Eiusdem* dissertationem de densitate metallorum secum permixtorum pergimus. Duo sunt hydrostatices præcipua problemata, alterum: dati corporis cuiuscunque densitatem comparare cum densitate alicuius fluidi; alterum: ex datis voluminibus & ponderibus simplicium duorum, aut pro lubitu plurium, in mixtum aliquod ingredientium, futuram densitatem mixti prædicere. Utrumque duplici nititur fundamento; primo, pondera, seu massas, duorum quorumvis corporum esse in ratione composita densitatum atque voluminum; altero: corpus quodcunque solidum, immissum vasi aqua penitus repleto, expellere tantundem aquæ ex hoc vase, quantum voluminis ipsum occupat. Hæc problemata, ob suam singularem & amoenitatem & utilitatem, Auctor in hac dissertatione latius prosequitur, & positis ponderibus trium miscendorum resp. = P, p, π , iactura ponderis in aqua = A, a, α , ac densitate aquæ = h , invenit secundum regulam vulgarem densitatem mixti ex tribus ingredientibus

$$= h \frac{(P + p + \pi)}{A + a + \alpha}$$

sed huius problematis inversum, ne in unico quidem casu solvi potest, quia numerus quantitatum indeterminatarum, problema ingredientium, numerum æquationum superat, & sic problema indeterminatum evadit. Nisi itaque in datis casibus una aut plures novæ circumstantiæ præsto sint, ut problema fiat determinatum, nullo artificio hydrostatico deprehendi poterit, qua proportionem sint commixta, quod in infinitum variari possunt. Quia tamen existat methodus aliqua determinandi pondera & volumina trium ingredientium, ex cognito pondere mixti & volumine naturaque ingredientium, hæcque methodus tam speciosa est, ut ipsi Auctori aliquamdiu illuserit, Auctor illius fraudem, ne alios in posterum quoque fallere possit, detegit, ostendens, æquationes ope huius methodi

thodi inventas, quamvis numero plures sint, tamen revera esse pauciores, quam ad solvendum problema requirantur, ita, ut v. g. in casu trium permixtorum ad duas tantum reales reducantur, tertia vero ab istarum duarum alterutra sola simulatione & expressione diversa sit. Supererat alia adhuc consideratio, utrum scilicet aeris, in quo corpora ponderantur, ratio habenda sit nec ne? si densitatem eorum exacte determinare quis velit. Amittunt enim in aere aliquid sui ponderis corpora, quod facile ad calculum revocari potest. Sed cum animadvertisset Auctor, differentiam densitatum hinc oriundarum in corporibus minutis, qualia plerumque in experimentis adhibentur, vix esse sensibilem; hanc methodum non adhibuit, sed ordinariam secutus est, negligendo particulam istam ponderis, quæ ab aere ambiente absorbetur. Quum itaque in promptu sit, prædicere, quænam densitas oritura sit ex datis quibusdam ingredientibus, densitatemque ipsam, in mixto ortam, explorare ex regulis hydrostaticis; campus latissimus hic patet, theoriam hanc cum experientia comparandi, quem in finem, diversa metalla inter se permiscendo, maxima cum cura experimenta instituit, mixtorumque densitatem, ope regulæ supra dictæ, exploravit. Ex his institutis atque ad unum recensitis experimentis, fieri non potuit, quin animadverteret Auctor celeberrimus, quod ab aliis iam observatum constat, metallorum hoc pacto commixtorum gravitatem specificam modo augeri, modo minui. Causa harum secessionum a regula magna difficultate laborare, intimamque metallorum cognitionem requirere Auctori videtur: quare cum vera causa efficiens in promptu non sit, id tantum agit, ut eas, quas quis veras suspicari posset, excludat ac removeat. Experimenta docuerunt, mixtum semper minoris esse ponderis, quam quod tenebat summa duorum ingredientium; & aurum quidem, cum argento mistum, quam minimum detrimentum ponderis pati, ac a densitate regulari quam minimum recedere. Constat porro ex certissimis experimentis, multa cum cura institutis, metalla, stannum præcipue, cuprum & plumbum, durante diutius fusione,

sione, ponderis incrementum sensibile acquirere. Non sine probabilitatis specie igitur quis opinari posset, ex solo ingredientium orto ponderis incremento vel decremento, effectus modo dictos explicari posse, ita, ut semel per experimenta determinato incremento vel decremento ponderis in casu speciali, illud dein pro stanti assumtum, ad ceteros casus applicari, & inde differentia densitatum explicari queat. Dueto vero calculo rem non succedere, sed a veritate & experientia nimis aberrare, apparuit. Altera ratio, quæ forsitan in subsidium vocari posset, hæc est: metalli densioris particulas, durante fusione, partim metalli rarioris poros intrare, ita tamen, ut exinde huius volumen non augeatur, sed recepta ponduscula libere, ac sine suarum partium extensione, in se contineant. Ponantur pondera corporum miscendorum P, p , eorum volumina V, v , unde densitas mixti, posita densitate aquæ $= 1$,

$$\text{erit } \frac{P+p}{V+v}. \text{ Posito vero, particulas densioris sese recipere}$$

inter particulas rarioris, summa voluminum $V+v$ necessario minuatur quantitate v. g. d , quamobrem habetur densitas

$$= \frac{P+p}{V+v-d}, \text{ quæ consequenter semper maior est densitate}$$

$$\text{priori } \frac{P+p}{V+v}. \text{ Exinde ergo explicari non posse Auctori vi-}$$

detur, quo pacto metalla quædam per fusionem fiant rariora. Idem incommodum oritur, si particulae rarioris intrare ponantur interstitia densioris: quamobrem hæc causa, ad explicandum utrumque effectum, minus sufficere Auctori videtur, nisi forsitan ex permixtione particularum nonnunquam oriantur interstitia maiora, sicuti fit, si v. g. cubis globi intermiscantur. Hoc enim pacto voluminum summa $V+v$ augeatur

$$\text{quantitate v. g. } d, \text{ unde densitas } = \frac{P+p}{V+v+d}, \text{ quæ semper}$$

$$\text{minor est densitate supra inventa } \frac{P+p}{V+v}, \text{ ubi tamen per se}$$

patet, valorem quantitatis *d* inconstantem fore, & pro diversitate particularum, fluidorum permiscendorum figuram modo maiorem, modo minorem esse, immo plane in quantitatem negativam degenerari posse: quo facto habebitur casus, in quo particulae densioris in interstitia rarioris sese recipere posse dictae sunt. Sed Auctor pergit, & quid ab utriusque explanationis combinatione expectandum sit, experitur, hocque pacto phaenomena satis commode explicari posse invenit. His quartam adhuc adiicit hypothesin, statuens 1. utrique metallorum ingredientium, durante fusione, aliquid ponderis decedere; 2. ex metallo densiori transire portionem quandam in poros rarioris; & 3. hanc portionem transeuntem augere aliquantum etiam volumen rarioris: hancque hypothesin adhuc minus a veritate recedere, ac latius patere quam priorem, docet. Post hunc *G. W. Richmann* ostendit, *qua ratione instrumentum, quo quantitas aquae, calore atmosphaerae naturali ex superficie aquae certa in aerem elevatae, commode mensuretur, constitui debeat.* Totum compendium huc redit, ut per operculum vasis perforatum demittatur cylindrus vel alius tubus cavus, per quem fluidum in vase contentum cum aere communicare possit. Hoc enim pacto clarum & perspicuum est, aquam in vase contentam tam celeriter in vapores abire non posse, ac si integrum vas apertum esset; hinc aqua pluvia excepta successive, sicuti excepta est, vasi infundi potest, nec metuendum est, ut, tempore pluvio forsitan per aliquod tempus non incidente, aqua interea in vase evaporando absumatur. Pergimus ad *Ios. Weitbrecht* de vera significatione processuum mammillarium cerebri. Quamvis nemo negaverit, ad distinctam rerum cognitionem, & evitandam idearum confusionem, plurimum conferre, ut res quaelibet proprio nomine suo designetur, tumque perinde esse, quaecunque nomen fuerit, dummodo, quid per illud intelligendum sit, stricte definiatur: tamen simul cavendum merito est, ne nomina eligantur falsa aut incongrua, quia saepe accidere potest, ut eiusmodi incongruae denominationes, falsam quoque ipsius rei ideam animis ingenerent. Ex pluribus eiusmodi

modi exemplis, in Anatomia occurrentibus, Auctor processum mammillares cerebri delegit, per quod nomen veteres quid intellexerint, & quatenus illud nervis odoratus in homine competat, partim ex historiae anatomicae fontibus, partim ex ipsius rei natura, explicare constituit. In apico est, processum cerebri mammillarium denominationem, ex brutorum sectione traxisse originem, cui certæ quædam cerebri extuberantes appendices occasionem dederant. Quis vero hos processus primum mammillarium & papillarium nomine insignierit, non æque constat. Probabile autem Auctori videtur, temporibus Vesalii demum hoc nomen inyaluisse. Quisquis autem huius denominationis Auctor fuerit, concedendum tamen est, illam omnino cum processum figura satis convenire. Origo, directio, & terminus horum processuum, effecere, ut veteres illos pro olfactus organo habuerint, & præterea cerebri pituitam per eosdem expurgari crediderint. Favebat huic opinioni interna cavitas, quæ cum ventriculis ipsis per meatus singulares manifesto communicat. Quæ cavitas & communio, uti negari nequit, ita isti expurgationi obstat, quod illa cavitas in ipsas nares non pateat, quo habitu isti processus etiam pro veris olfactus organis haberi nequeunt. Quo minus autem hi processus inter nervos referrentur, singularis eorum forma & habitus impedivisse videntur. Quemadmodum vero multa ex brutorum descriptionibus in corporis humani historiam translata sunt, quæ tamen vel hic non reperiuntur, vel saltem non nisi improprie iisdem nominibus insigniri queunt: ita etiam hic accidit. Postquam enim semel processum mammillarium vel papillarium appellatio civitate anatomica donata esset; tales autem productiones illis brutorum similes in homine non invenirentur, nec a Galeni opinionibus impune discedendum esset: multæ inde varietates ac dissensiones, immo confusiones, quarum iam Vesalius suo tempore mentionem fecit, inter rerum anatomicarum peritos obortæ sunt. Hæc dissensionum nubes ut discutiatur, Auctor mentem suam cordatius exponit, quippe cui processus Galeni, quando cranio ablato spectantur,

in brutis sunt veræ productiones ipsius cerebri, & hi quidem processus summo iure mammillares dici queunt. Hanc vero processuum massam pro organo olfactus solo & immediato, inter nâres & cerebrum nervorum ad instar communicante, haberi non posse, exinde probat, quod deprehenduntur in cerebri basi veri nervi olfactorii, sub habitu fasciolarum medullaris, albæ, qui cum ad eum circiter locum pervenerunt, ubi processus in averso latere a lobis cerebri discedunt, in illorum substantia corticali tuberosa immiscentur, ac quasi sepe-
 liuntur. Sunt igitur etiam in brutis nervi singulares olfactorii, a processibus Galeni, & nervis Diemerbroekianis distincti; quos cum nec a veteribus, nec a recentiorum quopiam observatos, vel saltem indicatos invenerit, figura aeri incisa exprimere tentavit. Contra vero in homine tales cerebri productiones non dantur, quæ processuum mammillarum nomen simili modo mereantur. Ad usum quod attinet, quem isti processus in brutis præstant, & quare illis sola bruta gaudeant, homines vero destituantur, Auctoris sententia hæc est. Supponit nimirum, substantiam nervorum olfactilium adeo mollem ac teneram esse, ut absque sustentaculo in longitudinem protendi nequeant. Iam vero os frontis in homine iuxta cristam galli utrinque in laquearis formam elatum, propter oculorum orbitas ultra ossis ethmoidis laminam perforatam, quæ ad laquearis basin in medio complendam concutrit, prominet; unde evenit, ut loborum cerebri apices quoque super hac basi in anteriora exporrecti, ipsum os cribiforme obtegant. Nervi igitur molles ad hæc loca pertingentes, in his cerebri lobis anterioribus commodam sedem nacti sunt, in qua molliter quiescerent, & tenuis membranæ interventu ab omni rupturæ metu tuti colligerentur; siquidem & propter nervorum bulbos ovales singularis foveola inter anfractus cerebri utrinque exscalpta est. At vero in brutis alia est cranii conformatio. Nam orbitæ oculorum non priori calvariae loco, sed lateraliter positæ sunt, & quidem paullo altius & posterius, quam os ethmoidis. Neque ossa cribrosa in basi calvariae horizontalem situm habent, sed
 ad

ad latera intersepti mediî ossis frontis angusta cavitas ossea nares versus producitur, cuius fundum respectu baseos calvariae perpendiculare foraminibus pertunditur, quibus ex altero narium latere canaliculi cartilaginei arcuati, pectinatim in orbem dispositi respondent. Hinc anterior frontis ossium sedes principio non in altum eninet, sed propter insignes sinus lamina cranii interior valde depressa, postquam ad formandam dictam cavitatem concurrit, tum demum paulatim assurgit, & turgentibus cerebri hæmisphæriis locum concedit. Propter hanc igitur singularem ossium conformationem, non tota cerebri anterioris massa ad nares usque pertingit, sed ad marginem cavitatis illius superiorem, retusis apicibus subsistit, & sola portio aliqua sub habitu brevium processuum exporrecta, cavitatem istam adimplet, quæ mollem & medullarem nervum olfactilem, ob amplitudinem ossis cribrosi, in minutissima fila dispersum, substantia corticali amplecteretur, involveret, & tuto ad cribri foramina deferret. Sequitur *de tincturis metallorum* tractatio chymica, Auctore *Mich. Lomonosow*. Quam variis & admirandis prorsus metalla gaudeant qualitatibus, inter rerum peritos abunde constat. Quædam enim diversis iisque elegantibus coloribus ludunt ac superbiunt, nonnulla autem fordido velamine cooperta sunt, & vilius quidquam representando, imperitorum oculos eludunt. Ita nobilium metallorum facies plerumque obscuratur, fucatur sæpe ignobilium. Nec metallorum, quæ iam defæcata in usum adhibentur, sine pari admiratione possumus indolem contemplari, quod tam duro corpori tam tenax tractabilisque insit ductilitas, quodque cæcos montium recessus tam fulgida, & luce dieque dignissima occupent corpora. Atque istæ quidem sunt qualitates, quæ metalla a reliquis corporibus distinguunt, ut ea per corpora fulgida & ductilia Auctor putet congrue definienda. Memoratæ qualitates corporum ullam mutationem subire nequeunt, nisi in eorum partibus insensibilibus mutatio aliqua contingat. Hæc vero contingere nequit, nisi corpori vel aliquid accedat, vel decedat, vel corporis partes transponantur. Metalla enim

enim ignobilia dum calcinantur, vapores emittunt, sensum olfactus adeo ferientes, tussimque excitantes, & plumbum, dum in furno docimastico in vitrum urgetur, fumum emittit oculis spectantium, ut vix dubitari queat, quin ignobilium metallorum calcinatio & vitrificatio fiat ob decessum partium. Quamdiu volatile hoc ignobilium metallorum miscibili inhæret, fulgor metallicus & ductilitas manent incolumes; quamprimum vero ignis violentia abigitur, metalla in cineres fatiscunt, & tandem in massam fragilem minus fulgentem confluunt. Unde perspicuum est, fulgorem & ductilitatem metallorum ignobilium, a volatili illo principio pendere. Quoniam igitur memoratum miscibile metallorum volatile formam metallicam illis conciliat, eaque fulgido colore quasi tingit, Auctor illud tincturæ nomine haud incongrue insignire non dubitavit. Hanc itaque metallorum tincturam in præsentī Auctor considerat, eamque, quod ad metalla ignobilia attinet, ex inflammabili substantia, quæ alias apud chymicos Phlogiston appellatur, præcipue constare probat, & sulphuris phlogiston metalla in tellure tingere docet. Ratio vero cur metalla & fulgore & ductilitate tantopere inter se differant, quærenda est in reliquis metallorum miscibilibus, quæ phlogisto varia proportionē adnixa, simul cum illo in superficie cuiuslibet corpusculi metallici mixti hærent. Etenim cum fulgor & ductilitas a phlogisto proficiantur, sequitur, metallorum, quæ magis fulgida & ductilia sunt, superficiem densius phlogiston occupare, quam eorum, quæ minus fulgent minusque ductilia sunt. Adeoque, ubi inflammabile minus stipatum superficiē corpusculorum mixti adhæret, ibi necesse est, ut particule aliorum miscibilium illis sint interpositæ, vel per eius interstitioli prospiciant, quæ quales sint, ulterius A. profequitur. Sub finem analogicam coniecturam de metallorum transmutatione adiicit, quam a transmutandis eorum tincturis proficisci posse existimat, suspicans, si quis in arte chymica versatissimus, phlogiston concentratissimum, & ab heterogeneis sollertissime defæcatum possideat, cum metalla ignobiliora, tinctura impuriore expulsa, in nobilissimum metallum præci-

præcipitare, & convertere posse. Finem facit *G. IV. Richmann, de electricitate in corporibus producenda, nova tentamina.* Auctor celeberrimus, instituendis & imitandis experimentis electricis occupatus, hancque sibi operam aliquando fœralem futuram tunc temporis nescius, offendit 1. quædam phænomena, ab iis Auctoribus, qui de electricitate varia annotarunt, non observata: 2. novam methodum, commodè instituendi experimenta & examinandi corpora, quæ originariæ, & alia, quæ derivativæ tantum electricitatis sunt capacia: ac denique 3. sub mensuram etiam aliquatenus productam electricitatem revocare annisus est. Cum vero instituendis hîsce experimentis, machinam a Grævesandio in Elem. Phys. descriptam animadverteret minus commodam, eam quodammodo emendavit. Quibus expositis, ceterum apparatus breviter & distinctè describit, atque experimenta eo apparatu facta, & gravitate rei, & cura qua fuerunt instituta, se maxime commendantia, subnectit.

Classẽ tertiam, historica continentem, occupat *I. H. Schulzius, in describendis numis quibundam rarioribus totus occupatus:* quos cum ille tam breviter, succinctè tamen, hic exposuerit, ut eorum descriptio artius contrahi omnino nequeat, hic breviter indicasse sufficiet. Sunt verò sequentes: 1. *Duo numi Cæsenium,* quorum unus æneus exhibet caput Iovis diademate cinctum, ΓΕΛΩΙΩΝ, in averfa parte vero, Herculis barbâtum caput, & exuviis leoninis tectum; alter, itidem æneus, sistit caput Iovis laureatum, ΓΕΛΩΙΩΝ = Caput Herculis imberbe, leonis exuviis tectum. 2. *Numi Traiani & Iustiniani, Augg. quibus barbati exhibentur.* Ille æneus sistit Caput laureatum & barbâtum, IMP. CAES. TRAI. AUG. GERM. = Verrem vitta redimitum. S.C. hic, quoque æreus, caput, cum parte pectoris, diademate ornatum & barbâtum, DN. IUSTINIANUS P. P. AUG. = in arca M. ad cuius utraque crus stella, supra crux, infra CON. 3. *Galeriæ Valeriæ Aug. numi illustrati,* omnes ænei. Primus exhibet caput Augustæ capillis ita eomis, ut ad similitudinem exviarum leonis accedere videantur, a temporibus surgente orna-

mento, lauri foliis simili; *GAL. VALERIA AUG.*
 = Figuram femininam stantem, dextra pomum, sinistra stola
 elevantem: hinc stella, illinc luna, *VENERI VI-*
CTRICI. Sub pedibus litterarum detritarum evanida exstant
 vestigia. Alter, caput Augustæ ad pectus cum stola, capil-
 lis in modum galeæ compositis, *GAL. VALERIA AUG.*
 = Figuram stolatam stantem, ut in præcedenti. Eadem
 epigraphe; a dextris in area stella; a sinistris Γ; sub pedi-
 bus sunt litteræ *SM: TS.* Tertius, caput Augustæ cum parte
 pectoris, capillo in modum exviarum leonis comto, & mo-
 nili baccato cincto. *FL. HELENA AUGUSTA,* = Fe-
 minam, stantem stolatam, dextra ramum tenentem, *SE-*
CURITAS REIPUBLICAE. Sub pedibus videntur lit-
 teræ *BS;* intermedio serito. 4. Numus Marcianopolitarum, in
 quo conspiciuntur capita adversa *GORDIANI PII &*
TRANQUILLINAE AUG. ΑΥΤΟΚΡΑΤΩΡ ΚΑΙΣΑΡ
 ΜΑΚΡΟΣ ΑΝΤΩΝΙΟΣ ΓΟΡΔΙΑΝΟΣ ΑΥΓΟΥΣΟΣ. *CEB.*
ΤΡΑΝΚΥΛΛΕΙΝΑ. in averso: Femina stans, dextra spicas
 tenens, sinistra scutum. *ΥΠ. ΤΕΡΤΥΛΛΙΑΝΟΥ ΜΑΡ-*
ΚΙΑΝΟΠΟΛΕΙΤΩΝ. In area scorsum *E.* 5. Numus Cy-
 renæorum *Ptolemaeo inscriptus,* aeneus, integerrimus, &
 quem antiquum genuinumque firma & nobili ærugine fusca
 cuivis exploranti se comprobaturum Auctor asserit. Con-
 spicitur in eo caput dei Hammonis; = Aquila stans, fulmen
 Iovis ungulis tenens: inter utrumque pedem monogramma,
 illi, quod Christianis post multa sæcula placuit ad nomen
 Christi designandum, admodum simile. Ante aquilam cor-
 nu copiae. *ΠΤΟΛΕΜΑΙΟΥ ΒΑΣΙΛΕΩΣ.* 6. Nutus *Nea-*
politarum explicatus, aeneus, sistens caput iuvenile comatum
 & laureatum, *NEΟΠΟΛΙΤΩΝ;* in averfa parte vero, Mino-
 taurum, supra quem rosa & littera Π, infra monogramma,
 litteras *AP* exhibens. Huic appendicis loco iungit argen-
 teum, in quo conspicitur caput laureatum, *VIRGILIUS*
MARO, = Sol. 7. Denarius argenteus *Arabicus,* Pome-
 rania inventus. Faciem adversam illam iudicat Auctor, qua
 primum religionis Muhammedicæ symbolum conspicitur.

Illud

Illud autem legitur in media arrea, idiomate Arabico: non est deus, præter illum unicum, non est ipsi socius. Circulus exterior hanc habet sententiam huius tenoris: dei est negotium ante & post: & die illa letabuntur fideles in auxilio dei. Partis averse arrea includit alterum religionis Moslemicæ articulum: deo. Muhammed est legatus dei. Circulus vero aream cingens, habet sententiam sequentem: Muhammed est legatus dei, quem misit cum directione & religione veritatis, ut apparere faciat eam supra religionem quamcunque aliam, etiam si renuant associatores. Hi numi omnes succincte explicati, adiectis figuris aeri incisus illustrantur. Prope-ramus ad observationes astronomicas, ubi celeberrimus G. *Heinsius*, situm geographicum *Iakuti* (*Iakutsk*), urbis *Sibiriae* ad fluvium *Lekam*, determinat. Transmissæ tunc temporis ad Academiam fuerant observationes astronomicæ, quas *Kraffilnikow*, Geodæta expeditionis in *Kamtschatkam*, *Iakuti* habuerat, pro determinando huius loci situ geographico. Latitudinem eius borealem, ex altitudinibus meridianis solis & fixarum ipse definivit $62^{\circ} 2'$, ad longitudinem vero cognoscendam varias instituit observationes eclipsium lunæ & satellitum Iovis, occultationum fixarum a luna; ex quibus vero, ob defectum observationum respondentium, aliorumque requisitorum, nullam conclusionem deduxerat. Noster itaque, electis quibusdam satellitum Iovis eclipsium observationibus, differentiam meridianorum *Petropolitani* & *Iakutensis* in hac dissertatione definivit, eamque invenit $= 6 \text{ hor. } 37' 40''$ in tempore.

NUOVO FONTE DA CAVAR PRONOSTICI NELLE
malattie discoperto, &c.
i. e.

NOVUS SIGNORUM PROGNOSTICORUM
fons detectus, a Doctore IOANNE EBERHARDO
ZEVIANI.

Veronæ, 1754. apud Antonium Andreoni.

in 4. plag. 10 $\frac{1}{2}$.

L 2

Novam,

Novam, durationes, moras, & pendentes inde eventus morborum, definiendi rationem se invenisse arbitratus est cl. Auctor, in distantia temporis causæ externæ ab effectu suo positam. Diligentissimis enim experimentis a se institutisprehendit, cum subito, hætenus sano existente homine, morbus exortus esset, omnibus eius symptomatis uno veluti impetu erumpentibus, brevem illum extitisse, & pro ægri singularibus conditionibus, naturæ vim ituantibus, aut pro servata ipsa curandi methodo, per sua tempora provectum esse feliciter: ast longiores fuisse febres, cum causa longiore tempore prægressa esset. De febribus adtem ephemeris, aliisque acutis simplicibus, sermonem tantum moveri, docet scriptionis altera pars, quæ historica est, & exempla fidem asserto factura, excitat, utpote in qua nonnisi casuum febrilium, ab aeris aliqua iniuria excitatorum, continetur expositio. Et quilibet sane sponte intelligit, generalitatis vitio laborare legem hanc, nec perpetuam esse posse, qua morbi subito invadentes breves quoque esse dicuntur; quam longæ sunt paralyfes, hemiplegiæ, etiamsi illæ a causa aliqua occasionali celeri, subitaneo aliquo effectu, consequuntur? ut alias causas repentinas longorum morborum nunc prætereamus. Igitur novus ille signorum fons febres tantum acutas attinet, quæ hoc longiores semper esse dicuntur, quo longiori spatio causa occasionalis præcesserat. Quando enim celer naturæ est expeditio & febris, statim, ex quo eius causa corpore suscepta fuit, incallescit: signo illud est, constare vires, quibus ad morbum per sua tempora celeriter transvehendum opus est; harum scilicet sufficientia non potest non celeriore expeditionem promittere, quam sperari potest cum vires languent. Tunc enim longius abesse iudicationis diem coniicimus, si febris cum languore invadit, & lento aliquo veluti reptatu procedit. Observavit Cl. Auctor, cum octavo, postquam causa invasisset, die, eius demum effectus in febre mota comparuit, febrem quoque ipsam octavo demum die iudicatum fuisse: refertque exempla eorum, qui, cum eodem die, eadem causa, frigore scilicet post sudores, afflicti fuissent, æquali progressionem

sione, & pari dierum criticorum numero, pari etiam eventu, morbi negotium absolverunt. Inde etiam sit, ut eo longiores semper morbos esse oporteat, quo cognita minus illorum cause sunt, & non tam ab aliqua prophasi aut occasione luculenta, quam a spontaneis erroribus, in homine sensim natis, exorta fuerunt. Proinde magnum semper momentum tunc curationis rite instituendæ, quam prognosis formandæ, in eo ponitur, ut affectiones hominis morbum prægressas, quas *propathiam* græci vocant, medicus recte percipiat: nec enim omnes statim invadunt febres, nec omnes in universum morbi derepente irruunt, sed aliquos hæud pauci præmittunt nuntios. Maxime autem ad vires hominis in statu illo, qui inter sanitatem & morbum medius est, respiciendum erit, quarum deiectio, quæ veluti aliqua naturæ est desperatio, longos hos labores fore denuntiat; utque febris lenta aliqua evolutione erumpit, ita certum est, causam eius solidis tenacius inhærescere, quando, si quæ subito in flammam erumpit, coniecturæ locus est, in motu tantum & quantitate humorum causam esse positam. Etiam si autem in novo hoc signorum fonte, multum penes cel. Auctorem fiduciæ est: neūtiqum tamen ille alia celeritatis vel tarditatis morborum, qua procedunt, signa superhabenda esse existimat, sed, quid symptomatum gravitas, quid temporis, in quo morbus respectu suæ durationis est, ratio, secum afferat, quid ex illis, quæ de corpore fluunt, iudicari ad definiendam febris brevitatem vel longitudinem possit, exponit fideliter, excitatque omnium veterum monumenta, atque ex illis, doctrinam de morborum iudiciis, erudite, ornate, & ad artem faciendam utiliter, succincto aliquo, aut ordinato schemate, delineat.

IO. CHRISTOPH. HARENBERGII DISSERTATIO, de Secta non timentium deum, seculo XIII. vel enata vel efflata, exhibens statum ecclesiæ rei que litterariæ, ac dissidia inter imperium & sacerdotium, inprimis originem famosi disserui, ac commentitiorum scriptorum, de tri-

bus impostoribus. Accedit Supplementum diplomaticum.

Brunsvici, 1756. impensis Orphanotrophi. 8.
12 plag.

- I**n ætatem ac imperium Friderici II. cumulavit fortuna casus varios, ac in utramque partem spectabiles. Averrões & Almericus, ad Pantheismum delapsi. Imperator ipse in suspensionem hæreseos incidit. Adiunxit Io. Harduinus, Iesuita, ad tempus Severi Archontii officinam, imposturis plenam. In id tempus, quo Fridericus II. floruit, collatum fuit illud diæterium famosum *de tribus impostoribus*, quod frustra Imperatori Edelmannus adfinxit, a Friderico ipso, & aliis deinceps confutatum. Recentiores in Friderici illius ætatem, fictione abutentes, originem scriptorum *de tribus impostoribus* contulerunt, Papis Romanis, Gregorio IX. & Innocentio IV. severioribus. Quantum differat imago status episcopalis seculorum ecclesiæ primæ Christianorum a statu seculi XIII, Auctor significavit, præter reliqua illa capita, in præfatione. Anno 1247. nam ad tractationem progrediendum est, Wilhelmus in Regem Romanorum Augustum fuit electus. Monacho Kirsgartenfi ad eum annum teste, in comitiis Episcoporum decretum fuit ad Rhenum, ut ii, qui Wilhelmum sectarentur, nomine *timentium deum* appellarentur; ii autem, qui Friderici II. ac eius filium familiamque sequerentur, dicerentur *non timentes deum*, & ab universis ecclesiæ sacramentis arcerentur. Secuti fuerunt Episcopi decreta Gregorii IX. ac Innocentii IV, qui Fridericum II. e communione Christi & ecclesiæ electum pronuntiaverant, fulminibus interdicti ecclesiastici horrendis sublevati, & ad Petri vicariatum provocantes. Augerius, Iesum ipsum dixit in Papam fuisse electum:
33. Hadrianus II. docuit, successoribus Petri cunctos christianos fuisse traditos regendos. Ipsi in imperium Germanicum potestatem attributam fuisse creditum, inde a Gregorio VII. possessiones & iura Paparum Petro fuerunt adscripta. Hæc dista

Æta sunt *regalia Petri*, ut intelligitur ex Henrici V. Imperatoris ad annum 1122. diplomate, quod Auctor curatissime edidit p. 162. Qualem sibi Innocentius III. auctoritatem ex Petri vicariatu tribuerit, patet ex eius epistola ad Gregorium, Latinum Armeniæ Episcopum. Comparatus fuit Papa cum sole, Imperatores ac Reges cum luna. Innocentius idem, Henrico VI. defuncto, Ducatum Romæ & regiones complures occupavit, ac ipsas Mathildis terras. De *legationibus obedientiæ*, Romam missis, deinceps disseritur. Indoles *regnorum obedientiæ* describitur. *Orthodoxi* vocati, qui Papis morem gerebant. Origo osculationis, pedibus Romanorum Pontificum adhibita, ac ipse progressus, indicantur. Delinçatur coelum portatile pretiosum, quo Innocentius IV. a. 1151. fuit exceptus. Humilis sui abiectio, qua Imperator Romæ coronandus humi procubuit, exponitur ex *ordine Romano*. Gregorius IX. duos sibi tribuit gladios. Rationes, cur Fridericum II. habuerit invisum, edisseruntur. Effecta eius odii adiciuntur. Friderici II. ac Innocentii IV. odia mutua significantur. Lites de iuribus *Regis Siciliae* coeperunt. Inquiritur in initia huius regni, ac diadematis regii, a primo Rege Normanno per Siciliam suscepti. Rogerium a. 1129. suo arbitrio regium nomen & diadema sumsisse, docetur. Displicuit Episcopis consuetudo Friderici II, cum philosophis frequentata. Averroes cum filiis duobus, in aula non Friderici I, sed Friderici II, fuit versatus. Huius Imperatoris studia, liber, & in eruditionem ardor, exponuntur. In errores Averrois inquiritur, pantheismo faventes. Almaricus Carnotensis, scriptor libri pantheistici, cui nomen *Pisum*, cum libro iussu Episcoporum damnatus, ac Parisiis combustus. Averrois sententia, quæ intellectum mentibus universis unum ac communem adseruit, philosophos Italiæ passim infecit, a Thoma Aquinate, aliisque doctoribus refutata. Obiecta fuit Friderico II. errorum contagio, a Græcis & Arabibus philosophis contracta. Adiecta & criminatio per diæterium *de tribus impostoribus*, quod Henricus Raspo se ex Friderici ore audivisse

Page 35.

38.

41.

43.

46.

50.

54.

56.

- Page 56. divisisse perhibuit. Visus fuit Fridericus fidem derogasse transubstantiationi, ac ceremoniis ei ab Honorio II. a. 1220. adiunctis, sacram tamen coenam, licet interdicto plexus, fumsit cum maiori Papæ indignatione. Gregorius IX. ei a. 1239. publice tribuit aversum a doctrina animum, nec non
61. diæterium illud famosum. Opposuit ei Fridericus publicam sui apologiam. Reclamavit ipse criminationi per epistolam publicam, ad Reges christianos missam. Innocentius eam a. 1245. in concilio Viennensi repetiit, impatiens ibi audiendi vindices, qui causam Friderici aderant peroraturi. Crimen huic obiectum, mera in suspicione, neque comprobata, vertebatur.
64. Fabulosa est eorum narratio, qui existimant; Fridericum per Averroem scribendum curasse librum illum famosum, *de tribus imp.* & ad Othonem Illustrem, Bavarie Ducem, misisse. Fabulam ornavit ille, qui Hagæ Comitum 1716.
68. evulgavit gallice *Responsum ad Dissertationem de la Monnoye*. Epistola Friderici II. commentitia, gallice scripta, a Nostro adfertur. Insidiæ Pontificum in Fridericum II. ex testimoniis veterum recensentur. *Responsi* illius argumentum indicatur; nec non libri maioris gallici, unde hoc traditur desumptum. Differt ab utroque libro famosus ac vetustior liber, *de imposturis religionum*, aliquoties typis publicis expressus.
72. Vidit eiusmodi exemplar ipse Auctor. Ostenditur huius libri ac illius, cuius est initium, *quoiqu'il importe*, origo sat recens & fraudulenta. Adduntur ea, quæ ad Friderici II. innocentiam spectant. Suspicio hæreseos non soli Friderico attributa,
75. sed in filium quoque eius & nepotem traducta fuit. Innocentius IV. *fatum* iudicavit *deo rebellem*, nec unquam imperio *præficiendum*, ob hereditarias opinionum perversitates. Clemens IV. ob eandem causam abhorruit a Conradino. In Suevia a. 1248. exorta fuit secta, Conrado IV. dedita, quæ odio persecuta est graviori fastigia hierarchiæ ipsa, sibi iusto altiora visa. Describitur sectæ animus, & agendi ratio, Othoni Bavaro communis. Expeditio cruciata fuit illi ab adversario opposita. E contrario *Apostolici* in Germania & Italia

Italia coeperunt, reformandam esse ecclesiam, discutere. Sectæ aliæ multum Papis facessiverunt negotiū, quo maior his erat cura de orbe terrarum sibi sueque ecclesiæ subiūciendo. Sed & procures imperii Germanici s: Papis opposuerunt, Imperatores pro arbitrio designaturis. Italiam impleverunt homines, a sede Romana dissentientes. Vaticinia Ioachimi passim summi æstimata, & ad Fratricellos aliosque traducta. Irritati ac incensi homines, quibus nomen *non timentium deum* fuit impositum, tantum turbarum Pontificibus inviti dederunt, quantum ad imminuendam Paparum auctoritatem sufficeret. Turbis his, per aliquot posthæc secula, Pontifices frustra medelam quæriverunt. Quid per *plenitudinem potestatis* suæ designaverint Papæ, & quantum illi sibi acquisierint seculo XIII. iurium, sumserintve, exposuit Auctor, testimoniis fidē dignis in rem suam usus. Diplomata tractationi subiunxit 104, ad unum omnia fere adhuc inedita, & pæne singula ad seculum XIII. referēda. Adparet ex iis pietas Friderici II. & filii Henrici pietas in res sacras; Pontificum & virorum de ecclesia potentia; indulgentiarum usus; invocatio sanctorum; & donatio multiplex, in societates sacras redundans. Multis inde familiis illustribus ac locis, iuribusque, conciliari potest lux & accessio.

MIRTISBI SARPEDONII, PASTORIS ARCADJS, de vera Atticorum pronuntiatione ad Graecos intra urbem dissertatio, qua, cum ex historia, tum ex veterum Graecorum Latinorumque testimoniis, perspicue ostenditur, quam longe Lodierna Graecorum pronuntiatio a vetere discesserit.

Romæ, apud Venantium Monaldinum, & Nic. Pagliarinum, anno lubilæi MDCCL. ex typographia Hieronymi Mai-nardi. Superiorum facultate.

pl. 7 ½ in 4.

Hæc accurata tractatio continet, post *προλεγόμενα*, tres partes. Ibi præmittitur stricta narratio de linguae Græcæ primordiis, incrementis, & fati, neque minus

M

contro-

controverſiæ *αἰτιώμενον* ſtatuitur. Pars prima docet, linguam hodiernam Græcorum admodum deſeciſſe a veterum Athenienſium conſuetudine, quod attinet ad phraſin ac pronuntiationem, & oppoſitas deicit argumentationes. Altera accuratius exponit, in quibus denique vocalibus, conſonantibus, ac diphthongis, a veterum pronuntiatione diſceſſio facta ſit; ubi diſputatur de *B* conſonante, deque vocalium ſono, nominatim *eta* tamquam *e* longum pronuntiari debere, monſtratur ex alphabeti linguæque Græcæ natura, testimoniis Latinorum & Græcorum per ſeculorum ordinem, & conſtante vocalis unius in aliam commutatione: expenditur præterea ſonus *τὸν* *Υ*, & diphthongorum, ac reſpondetur argumentis *R. P. Gregorii Placentini*. Pars ultima de reliquis agit eo pertinentibus, accentibus quippe Græcorum, & verſuum quantitate. Quibus *corollarium*, ut Auctor nominat, iungitur, exponens, quænam ſit hodie via pronuntiationis

eligenda. Notum eſt, quod initio Græci plures litteras nondum habuerint. Hinc *Plinius* c. g. VII. 57. *priusquam Græcis inter-vocales repertæ eſſent η & ω, vicem earum tum apud illos, tum apud nos, explebant e & ο*. O etiam ſcribi ſolitum pro ſyllaba *U*, probatur; E autem pro *e* & *η*. Sic in antiquiſſimis inſcriptionibus, inter quas eſt Athenienſis illa, quam adfert *Sponius*, (in *Poleni Theſ.* T. IV. p. 1278.) ubivis occurrunt *ΑΘΕΝΟΔΟΡΟΣ, ΕΥΦΑΝΕΣ, ΔΟΡΟΘΕΟΣ* cct. Idem poſt receptum *η* & *ω* factitatum eſſe, numi quidam oſtendunt apud *Vaillantium*, & alii, quos ex obſervationibus *Schmidtii Weſſſelini*que recenſet *Io. Clericus*, in *bibliothèque ancienne &*

3. *moderne* T. VII. Magnum eorum numerum exhibet il *Treſoro Britannico* del *Sig. N. F. Haym*, p. 51. ſqq. Nimirum, tunc a ſculptoribus & aliis, nominatim Athenienſibus, *e* & *η*, quod plurimis exemplis oſtenditur, promiſcue ſolebant adhiberi. Ceterum, ut elementis, ſic & aliis rebus, incrementa coepit maxima Græcorum ſermo, donec *αἰμὴν παρακμήν*, ſive corruptio ſequeretur, qua quidem hodieque laborant Græci. Cum eadem admodum facile conſirmentur: poſior
8. nobis eſt quem controverſiæ ſtatum adpellant. Ita vero quæritur,

ritur, utrum lingua, quæ Platonis, Demosthenis, & æqualium ætate tantopere floruit Athenis, eadem sit cum illa, quam in scholis ac templis usurpant hodieque litteris in Græcia pollentes, an quid contraxerit vitii? Demonstratur autem posterius: ad phrasin quod attinet, breviter, idque tam testimoniis, quam experientia; quod ad sonum autem, fusius ac distinctius. Huius ergo membri nobis etiam quædam notabilia dicentur. Spectat eo *Platonis* locus in *Cratylo*, vocabulum *ἡμπερς* explicans, eiusdemque pronuntiationem sic ostendens, ut inde pateat, tunc diversum habuisse *ε*, *η*, *ι*, sonum; nostro quippe iudice, *η* non tam exilem ac tenuem ut *ε*, sed potius graviores, ut magnificentius quiddam hoc modo exprimerent vocabula, sonum habuit; quem hodierni Græci cum *ι* confundunt. Auctori nostro calculum addit *Terentianus Maurus*, antiquissimus, atque ut dicitur, æqualis *Martiali*, grammaticus. Quando *Sarpedonius* accusat recentiores, quod *διφθόγγους* 16. faciant *μονοφθόγγους*, & *ταυτοφωνίαν* aut *μονωδίαν* ubique molestam intrudant, per septem pluriumve litterarum eundem sonum omnia confundentes: Auctor idem istud vel inde falsum esse contendit, quoniam *Aristoteles*, in 19. libris de *repreh. Sophist.* minuta quælibet investigans, nullibi mentionem faciat deceptionis per similiter pronuntiata, etsi diversis rationibus scripta vocabula: quod utique facturus fuisset, si *ι*, *η*, *υ*, *οι*, *εσ*, *υ*, *η* cet. prorsus eundem sonum habuissent. At, dixerit aliquis, ita tamen omnes ubi 20. que terrarum hodierni Græci, Siculis & paucissimis aliis exceptis, pronuntiant, quamvis alioqui vulgaris sermo plurimum differat. Hoc autem, aliis linguis cum æque acciderit, fieri 21. talia sensim sine sensu, *Waltono*, *Clerico*, nostro denique, testibus; videmus. Inde potius quod sit factum, ostenditur per singulas partes. Male *β* pronuntiari tamquam *v* Latinorum, ore 25. quidem clauso tamquam *b* efferendum, *Plato* docet, in *Thæeteto*, dum *τό τε σίγμα τῶν ἀφώνων*, ait, *ἐστὶ ψόφος τῆς μόνων, ὅσον συριττοῦσης τῆς γλώττης. τοῦ δ' αὖ βῆτα οὔτε φωνῇ, οὔτε ψόφος*. Item *Aufonius*: dividuum *Betae* monosyllabum 26. *Italicum* *B* nec non *V* *ferale* sonans, *Cecropiis* ignota notis. Sic & *Mekerkius* se vidisse refert cantica *Davidis*, Latinis exa-

rata litteris, A. C. 1105. in quibus occurrebant: *bafileus*, *uramu*, *autu*, *ecclisia* cet. nusquam *fafileus*, *astu*, *ecclisia* cet.

- Pag. 27. *Plutarchus* etiam in Byssii mensis notationem inquirens, non posse quasi *Φύσιος* a nascendo dici, sed quasi *πύσιος* a consuecundo, cum istae demum litterae mutantur. Quod η sit e longum, docent contractio semper ex ε, ut plura i in i contrahuntur, ut & verba in μ, praetipue cum inter α & η, testibus *Rob. Stephano* ac dialectis, magna sit consensus. Idem confirmant *Varro* de R. R. II, 1. *Iuven.* sat. XIV, 200. *Perfius* IV, 13. *Martial.* V, 26. VII, 37. *Auson.* de litter. monof. *Augustin.* de doctr. Christ. II, 24. codex MS. seculi VII a *Montfauconio* laudatus in *palaeogr.* ubi beta, theta cet. dicuntur, & sic porro. *Plato* pariter in *Cratyllo* semper fere η derivat ab ε, ηρως ab ερως, σελήνη a σέλας, νέον & έννον, κήνησις ab έςσις cet. *Aristot.* poet. c. 21. vocalis brevis in longam mutata profert exemplum, πέλεως, πόλις. *Eustathius* ad *Hom.* adfert versum tritum *Cratini*: ὁ δ' ἠλιδίος, ὥσπερ πρόβατον βῆ βῆ. λέγων βαδίζεις. Idem probat permutatio vocalium. Hac occasione iunguntur regulae duae, quarum altera est: *voces quae alia ex lingua desumuntur, relinquuntur integrae; neque diversis inflexione ad alterius linguae genium accommodantur; altera: litterarum haec commutatio sit constans, neque paucis duntaxat, sed in omnibus paene vocibus reperiatur, una alterave fortassis excepta, quam usus & consuetudo velut alio vultu finxit.* Nechitur illis tertia: *natio quae peregrinas huiusmodi voces adscivit, sonum earum naturalem calleat.*
37. Graecorum Y sonum non tam acutum, sed dilutum magis, quam i Latinorum habuisse, vel ipsa notatio designat. Quare passim creditur τὸ υ non figura tantum, sed & sonus respondisse υ consonanti Latinorum, quam eo fere modo prolatam a Latinis, quo Gallorum u fuisse, plures adserunt cum *Lipfio*.
38. Diphthongos duplicem apud veteres sonum habuisse, roboratur inprimis auctoritate *Plutarchi sympo.* L. IX. ubi consonare dicuntur. Excipitur modo *ἐνδογέλιον*, quod trium vocalium concursus aliud postulet. Inter obiectiones a nostro confutatas sunt e. g. quod Germani *Tafel* forment a τράβλη, *stumpfen*

πρην a *στέμβην*, quod Græci *βάσκω* mutant in *φάσκω*,
βλάζω in *φλάζω*, verissimum in *βηρέσιμον*, quibus per in-
 stantias, quas dicunt, respondetur. Ad η vero quod attinet,
 sua facit ille *Montfauconii* verba ex palæogr. ubi quidem in
 marmoribus, numis, & exemplaribus ante septimum Christi
 seculum, paucos *iotacifinos*, sive mutationes *τεῦ η* in *ι* obser-
 vavit: in posterioribus autem, præsertim a X. seculo, vitium
 illud invaluisse. Tertia parte persuadet Auctor, *Aristotelis*. 47.
auctoritate, de *elench. soph. c. 3.* scriptos antiquitus accentus 48.
 non fuisse, sed, inter loquendum, accentus, a syllabarum 49.
 quantitate distinctos, a *h* bitos esse credibilis nostro videtur:
 cum ingens alioquin in loquendo debuisset oriri confusio de
 vocabulis propemodum innumerabilibus, quæ solo accentu di-
 stinguebantur. Horum longum indicem habent *Crispinus* & 50.
Budæus in lexico. Sic *Demosthenes*, pro corona, *μίσθωτος* stu-
 dio dicens, ab omnibus emendabatur, *μισθωτὸς* acclamantibus.
 Versus autem, ut liberam orationem, ad accentus fuisse reci-
 tatos, non persuadetur ab hodiernis Græcis nostro, qui quanti-
 tatis leges præfert, & ex modorum poeticorum cum Lati-
 nis consensione, probat. Denique iudicium is interponens, 51.
 eam hodie quamvis in pronuntiando sequi nos rationem debere 52.
 putat, quæ lōcis, ubi studiis operam navat, accommodetur:
 neque tamen criminis magni postulat linguæ Græcæ doctores,
 si potius instillandis Atticarum dictionum formulis, quam in-
 culcandis, nullo pæne fructu, accentibus, & encliticorum re-
 gulis, recitationum tempus impendant.

NOVA LITTERARIA.

Quod sæpe alias, iudicium BENEDICTI XIV. Pont.
 Max. sapientissimi Principis, laudare nos atque extollere in
 his Actis nostris meminimus, idem istud, nuper admodum,
 maximo Litterariæ Reipublicæ commodo, eminuit. Obie-
 rat Vaticanæ Bibliothecarius, QVIRINVS Cardinalis, quo no-
 mine omnes eruditionis, perspicaciæ, humanitatis laudes

continentur. Hic ne desideraretur, & ne eam iacturam lugerent quotquot bonis litteris bene cupiunt, providit BENEDICTVS. Successorem QVIRINO dedit DOMINICVM PASSIONEVM, R. E. Cardinalem, Virum eruditissimum, in quo, quid natura, cum doctrina & bonarum litterarum studio coniuncta, possit ad famam, & quæ inde sua sponte provenit glbriam, illustri exemplo apparuit. Hoc igitur Vaticanæ Bibliothecario, quid sperandum melioribus litteris, e divite illa penu Romana, sit, edito programme, Bibliothecæ Apostolicæ Vaticanæ Custodes, sacræ profanæque eruditionis cultoribus, liberaliter indicarunt. Programma istud tale est: *Compertum iam erit, Et in Sacrae Profanaeque Eruditionis Cultores pervulgatum, splendidis atque immortalibus BENEDICTI XIV. Pontificis Maximi in omne literarum genus promeritis, nuper hoc adcessisse, quod ad Literariam Rempublicam in dies ornandam augendamque, eruditissimum omnique laudis genere spectatissimum S. R. E. Cardinalem Bibliothecarium DOMINICVM PASSIONEVM constituerit. Quam praeclare vero in eo munere tali tantoque Viro mandando Pontifex vere Summus, cui nihil placet quod non sit optimum, literarum bono atque incremento consuluerit, aperte res ipsa declarat. Ex quo enim Eminentissimus PASSIONEVS integram Apostolicæ Vaticanæ Bibliothecæ possessionem adiit, pro ea qua pollet doctrina atque sapientia, iam tum ad opus mentem animumque convertit, cogitavitque in primis, quomodo de literis omnibus optime mereri posset. Quare Vaticanæ eiusdem Bibliothecæ Ministris in consilii societatem humanissime adscitis, quid sentiret, quid meditaretur, aperuit; deinde tum singulos, tum universos hortatus est, ut quaecumque penitioris eruditionis non ad Latinam minus, quam ad Graecam, quam ad orientalem etiam literaturam spectantia, aut nondum edita supererant, aut iam edita ob exemplarium paucitatem magnum sui desiderium facerent, illi Et anecdotata edendo, Et iam vulgata adnotationibus illustrando, omnia in Reipublicae Literariae decus utilitatemque conferrent. Quumque permotos omnes inflammatosque videret, primo tamdiu expetitur desideratumque Vaticanæ Bibliothecæ Codicum Mam-*
scripto-

scriptorum, orientalium praesertim, Catalogum exornari, typisque mandari iussit, non illum tamen, qui nuda Scriptorum nomina, aut puros Voluminum titulos complecteretur, sed elaboratum, sed absolutum, perpetuisque observationibus instructum; ut omnes probe intelligant, Bibliothecam nullam unam esse, quas librorum vel pretio, vel copia, vel varietate possit cum nostra de principatu contendere. Ad praestantiores deinde Auctores edendos se convertit.

Quam ob rem ex Ebraeis prodibunt: Alexandri de Francis, Episcopi Foroliviensis, Observationes in Pentateuchum, ubi aliquot Vulgatae Editionis loca, quae ab Ebraico textu dissona videntur, docte & erudite conciliantur. Liber praeterea Zikuk, id est, Expurgatorium, inscribitur, quo nimirum plures Ebraeorum libri a mendis, erroribus, & execrationibus in Christianos coniectis, purgantur, quemque Auctor diligentissimus, quisquis ille fuerit, ea mente consilioque elaboravit, ut Sacri potissimum Inquisitores probe noscerent, qui libri typis impressi, aut manu exarati, Ebraeis legendi retinendive permetterentur.

Ex Graecis: Spicilegium, sive Anecdota tum Sacra, tum Profana praecellarum Scriptorum, quae vel diligentissimos Graecanicarum rerum Interpretes, atque Editores, haecenus lauerunt.

Ex Latinis vero, praeter Epistolas ANTONII AVGVSTINI, PETRI VICTORII, LATINI LATINII, & CAROLI SIGONII, Vitae & Opera omnia nondum typis commissa, Cardinalium HIERONYMI ALEXANDRI, GVLIELMI SIRLETI, aliorumque celebriorum S. R. E. Bibliothecariorum, nec non Vaticanæ Bibliothecae Praefectorum, qui non tam de Bibliotheca ipsa, quam de universa Literaria Republica, optime promeriti iudicantur.

Tandem faciem praeferet omnibus, doctissimus ipse CARDINALIS PASSIONEVS. Is enim quum a Lambecio & Pagio, Viris clarissimis, didicisset, quam manca esset, & quot mendis erroribusque scateret, celeberrimi Codicis CAROLINI, qui summa diligentia ac religione in Bibliotheca Caesarea Vindobonensi adservatur, editio a Gretsero primum curata; quumque iteratis Sapientum votis novam, accuratiorumque praestantissimi eiusdem Codicis

Codicis editionem quam maxime desiderari intellexisset, iam tum, quin apud Carolum VI. Romanorum Imperatorem Legati Apostolici munere fungeretur: gratissimam non Apostolicæ modo Sedi, verum etiam literatis Viris, rem se facturum putavit, si neque precibus neque sumptibus pepercisset, ut absolutissimum emendatissimumque tanti Codicis exemplar adsequeretur, quod demum in lucem emitteret. Id autem, quod frustra alii tentaverant, quum unus PASSIONEVS obtinere potuerit, & multis aliis Diplomatis auctum, observationibusque illustratum, ad umbilicum iam perduxerit, quamprimum est editurus, & ad immortalem sui nominis gloriam publicæ consecraturus utilitati. Quæ quidem Opera in vulgus prolata, alia in posterum haud minoris pretii consequentur.

De his omnibus, quæ & sapientissimo Pontifice BENEDICTO MAGNO, & DOMINICO PASSIONE S. R. E. Cardinali Bibliothecario, literarum fautoribus amplissimis, digna sunt, Sacrae Profanaeque eruditionis Cultores praemonitos esse volumus, ut additos sibi ad sapientiam stimulos sentiant, eorumque voluntati, qui de omnibus bene mereri exoptant, privato studio diligentiaque obsecundent. E Bibliotheca Vaticana Nonis Maiis MDCCLV. His consiliis, quod nemo non videt, neque ad laudem maius quidquam esse, neque ad litterarum incrementa fructuosius, potest. Nos, Eminentissimo Purpurato, vitam & vires, sed & eos potissimum laborum socios precamur, quales Ipse maxime optet, hoc est, laboris patientes, & qui, nihil esse enitentibus impervium, putent.



NOVA ACTA ERUDITORUM,

publicata Lipsiæ

Calendis Martii Anno MDCCLVI.

Pars I.

NUMOTHECA PRINCIPUM AUSTRIÆ, EX gazis aula Cæsareæ potissimum instructa, & aliunde aucta: exhibens Habsburgicæ gentis Principum Lineæ Germano-Austriacæ, numos cuiuscunque formæ & metalli, præcipue tamen Mnemonicos atque Iconicos, qui vel horum iussu, vel eorum gratia, percussi vel fusi fuerunt, typis aeneis expressos; ducendo initium a Ferdinando I. Rom. Imp. & serie non interrupta progrediens ad usque Ferdin. IV, Rom. Regem, **PARS II. TOMI II.** Monumentorum Aug. Domus Austriacæ: complectitur tabb. ari incisas num. XLI. operam & studium conferentibus, P. R. P. MARQUARDO HERRGOTT, Ord. S. Bened. Principalis Asceterii ad S. Blasium Capitular. Reverendiss. ac Celsiss. S. R. I. Principi San-Blasiano a Secretis Consiliis, Vices gerente, & Præposito in Cratzingen, nec non S. Cæs. Reg. Mai. Consiliario & Historiographo; & M. R. P. RUSTENO HEER, eiusdem Congregationis Capitulari, Bibliothecæ San-Blasianæ Præfecto, & Numophylacii directore.

Friburgi Brisgovie, typis Io. Georg. Felneri, Universit. Typogr. 1753.

Alphab. 2. plag. 3. Charta max. in fol. tabb. æn. 41.

N

Quam

Quam gloriam, quanto minus appetit Reverendissimus *Herrgottus*, tanto maiorem sequi necesse est. Etenim, quæ monumenta, summa, quæ in eo, quæ in bonis omnibus in Serenissimam gentem Austriacam, pietate, collecta in lucem produnt, ea quoque diligentiam in colligendo, iudiciumque, nec non sollertiam elegantiamque in describendo, & in explicando eruditionem pariter atque ingenium Reverendissimi Editoris dant immortalitati. Quodsi quis dubitet, virtutibus Principum Austriacorum splendoris plus accedere ex monumentis eiusmodi, quam ex fama, quæ tot per secula implevit terrarum orbem: is cogitet, eandem famam, dum adulationibus & calumniis subinde aut crescit aut deprimitur, nunquam certo sibi constare; & laudes Principum, æque ac ceterorum mortalium, commendationis habere plurimum e veritate, quam non alia ex re magis, quam ex hisce monumentis erui, satis probatum dedit duobus, quæ hoc præcessere, Voluminibus, Vir Reverendissimus *Marquardus Herrgottus*. Qui igitur virtutum serenissimæ gentis Austriacæ laudator ex vero existit, quique ita cogitat posteritatem, ut vera habeant, tum quæ sequantur, qui existent in posterum ex ista gente gentium rectores, tum quibus hos ad quævis laudanda excitent ingenui Principum laudatores; cumne laudibus extollendi suis, id est veris, vel ullam occasionem dimittamus? Enarravimus priorem Numothecæ huius Austriacæ partem in *Novis Actis Eruditorum Ao. 1753. Mensis Iunii pag. 289-295*: alteram nunc pro dignitate enarraturi.

Persequitur hæc altera parte Tomi secundi Monumentorum Austriacorum, Reverendissimus *Herrgottus*, cum socio laboris Rev. P. *Rußéno Heer*, viro eruditionis & integritatis laude ei, qui talem sibi adscivit, omnino pari, Numothecam Principum gentis Habsburgicæ, eodem iudicio, eademque elegantia, quibus priori parte, in prolegomenis, inde a primis, quæ nunc cuderentur in Austria, temporibus inchoatam, in ipsa tractatione per omnes familiæ Hispano Austriacæ gradus perduxit.

Progreditur scilicet ad familiam Habsburgicæ gentis Germano Austriacam, & ingentem numerum, Principum omnis ætatis

etatis & sexus, a Ferdinando I. I. R. sanguinem ducentium ad Leopoldum usque R. I. pandit seriem, tabulis quadraginta & una ære affabre sculpto scienter expressis. Noluerunt Auctores Rev. ulterius progredi: dum enim per tempora irent nostris viciniore, obtulit se messis adeo larga, ut certum modum tenere, quam Tomos singulos, his monumentis constitutos, innumeris aliis cumulare mallerent. Nec tamen spem, ad ea quæ vivimus tempora provehundi, & ad finem perducendi operis, abiecerunt omnem: nec nos abiicimus, quin potius Rev. Auctoribus vitam & otium, & fausta quolibet apprecamur, candidique pollicemur, nos semper instituti huius laudatores ex vero & excitatores futuros, iisque, pro tantis in Rempublicam litterariam meritis, publice subinde acturos esse gratias. Quamvis enim alii, quod imitentur, inde capere possint, qui deinceps ad continuandam hanc Numothecam Austriacam animum adpellent: præstabit tamen iis auctoribus prorsus proficere, quorum iudicio & fide in his rebus stat litteratus orbis. Igitur eos, qui in colligendis numis studium ponunt, publice laeessimus & hortamur, ut quidquid rari, aut notatu digni ipsis contigit, huc conferant, unde pro studio & conferendi promittunt, capiant grates, & laudes uberrimas, exemplo Rev. D. Philippi Jacobi ad S. Petrum in nigra Sylva Abbatis, nec non Ill. Schlægeri, & B. Koçleri, quorum benevolentia publice celebratur in præfatione. Quæ autem in posterum laboris & otii ratio sit, audiamus ex ipsis Rev. Monumentorum editoribus: *Nobis vero*, inquit Præfat. p. I. *L. B. constitutum cum sit, illa Principum Austriae monumenta, quæ & a sacra quadam vetustate commendationem habent, & ab adulatione superstitem aliena sunt, silio atque typis cum primis persequi: instituti nostri memores, relictis tantisper recentioribus & hodiernis numis, ad parandam Pinacothecam, quam Tomo III. monumentorum exhibere promissimus, nos accingimus. Habent harumce deliciarum amatores, qui æra trium posteriorum Imperatorum Austriacorum, typis expressa, videndi desiderio tenentur, scriptores nonnullos in præfatione ad P. I. s. VIII. XII. XIII. a nobis laudatos, quos interim consulere*

poterunt, donec Numotheca Austriaca, ea, qua coepimus ratione, vel a nobis, vel ab aliis continuabitur. Præfationi adiectæ sunt Tabule duæ genealogicæ, quarum altera Ferdinandi I. R. I. ex Maximiliano II. I. R. subnexa Ferdinandi Tirolensis progenie; ex Carolo, altera, Styrensis lineæ sator, oculis subiiciuntur posterorum nomina, quibus continetur ratio ordinis, qui per universum opus regnat, chronologici, nisi quod novarum linearum satores iuncti sunt posteris suis, & prolium feminearum numi adnexi statim paternis. Atque in his explicandis non alia, quam in priori parte, procedunt ratione. Nimirum, dum numos Imperatoris cuiusdam aut familiæ capitis adgrediuntur, elogium breve ex numis præmittunt, optime de lectoribus merendi consilio, ut rerum gestarum, quæ numis indicantur, serie, instructiores, habeant unde iudicent. Proles autem serie non interrupta percensent, veluti numis, ita elegius. In tanta autem numorum copia & varietate, quam sub Ferdinandorum præcipue imperio apparuisse, nemo mirabitur, quum ipsi tot tantisque simul imperitarint provinciis, ad diversa iterum numorum genera vel inprimis erat respiciendum. Hinc rursus, quod iam parte priori observatum, numi in suas, quoad eius fieri potuit, classes distributi, primo loco intuendos offerunt Iconicos, memoriæ causâ cufos, de quibus ubique & certo constat. Ab his distinguuntur Iconici mere tales, & si qui exstant, qui vel a sphalmate, ex imperitia aut imprudentia monetarii nato, vel deficiente temporis nota, vel denique erroribus descriptorum, redditi sunt dubii, suo tempori vel nomini, quod præ se ferunt, vindicati. Hos excipiunt numi unciales, & monetæ in auro & argento, publicis usibus olim dati, quorum ex innumera, in tot provinciis, quæ Principibus Austriacis parere solebant, percussorum copia, elegantiores tantum & notatu digniores, magno iudicio selecti, hic reperiuntur. Coronidis loco appositi sunt isis, qui ad Auctorem familiæ pertinent, si qui exstant, numis quibus historia ipsius illustratur. Non quasi ceteri numi ad historiam nihil faciant: quo quantum faciant, nemo non, qui leviter tantum historia tinctus est, statim videt: sed quod ea illorum

illorum singularis vis est atque præstantia, ut ipsi rerum gestarum memoriam perquam luculenter in se contineant, nec quidquam lucis ex historia capiant, sed potius lumen ostendant ipsi, quod sequantur certo certius ii, qui in extricandis epochis occupati, diurno nocturnoque pollice necquicquam subinde versant diplomata librosque, ex hisce folis deum sapiunt. Documento sit numus p. 210. N. LXXXI. expositus, qui epochas inchoatæ pariter atque omisæ obfidionis urbis Brisaci iustas prodit, quas frustra quaras alibi. Quam operosa res sit, & plane difficilis, collectionem parare monumentorum, quæ vel propter vitæ, cui inservirent, commoditatem, vel ut memoria rei cuiusdam innotesceret, & servaretur pluribus, in publicum dispersa sunt, documento est, quod qui diligentissimi fere omnium & curiosissimi harum rerum scrutatores sunt, Auctores Rev. dum largissimam messem offerunt, opus habuerint spicilegium facere, & supplementi loco adicere tabulas duas, quæ XXXIII. numos elegantissimos contemplandos sistunt, qui tamen in decursu voluminis suis locis expositi sunt.

Ceterum, quam bene perspectum habeant studii huius ambitum, & quantopere in eo amplificando sint operati, quamque hisce divitiis, quæ fastus alias & arrogantiae mater sunt, iis non turgeat animus, videre est ex eo, quod cavere iubent: *ne quisquam, utimur verbis eorum, existimet, hisce supplementis rem omnem confectam esse, atque integram Augustiæ gentis extare Numothecam, cum in aliis locupletioribus Numophylaciis, plures adserventur elegantes numi, quorum ectypa aliquando ceteris, quæ fortasse sequentur, huius Tomi partibus inferenda erunt.* Index huic volumini adiectus est triplex, ad omnem, quoad edita est, numothecam pertinens. Primus quidem summa capita chartarum, diplomatum, ceterorumque documentorum, quæ Parte prima Numothecæ, ad Prolegomena, probationis loco allata sunt, ordine chronologico perceret, & maximam partem diplomata ad rem monetariam spectantia respicit. Index alter Epigrammata, lemmata, apophthegmata, & inscriptiones reliquas, cum sacras, tum profanas,

in Numotheca Austriaca occurrentes, ordine alphabetico complectitur. Tertius denique est generalis, rerum & verborum, cum cura adornatus.

Atque hæc huius voluminis est *οικονομία*, cuius lectione diu multumque delectatos, iuvat pauca quædam expromere, ad gustum ciendum iis, qui libros historicos uno filo conscriptos continuo haustu ingurgitant, ceteroquin rei numariæ incuriosiores, quæ tamen multa delibanda propinat singularia, ad historiam omnem pertinentia. Quum primis tantum, ut ita dicamus; labris gustaremus, inhæsimus statim expositioni numi II. Tab. I. Ferdinandi I. scitæ sane & perutili. Numus hic Ao. 1518. in Belgio forte percussus, exhibet Principis & Infantis Hispaniæ titulum, ubi adnotarunt Auctores Rev. ex Seldeno, elogium hoc inprimis Principis Hispaniæ, nonnisi indubitatis Regum Hispaniæ successoribus tribui, qui tum sine dubio erat, ex testamento Ferdinandi Catholici, Ferdinandus noster, fratre Carolo improle, quin innupto. Tandem, excitato Struvio, commemorant, Ferdinandum hoc elogium exuisse, ex quo Regios Hungariæ & Bohemiæ titulos suscepisset Ao. 1526. Quidni potius statuendum, Ferdinandum elogium Principis Hispaniæ simul abiicisse cum spe succedendi, quum intelligeret, Carolo Regi adnasci iugiter heredes suos? N. III. IV. V. VI. sistitur effigies Annæ, uxoris Ferdinandi I. cum elogio Reginæ Hungariæ, in numis, dum frater Ludovicus adhuc regnum tenebat, in honorem eius percussis. Iudicant exinde Editores Rev. liberis Regum Hungariæ, regis elogium semper & ubique proprium fuisse: quod iterum colligunt ex eo, quod filia huius Annæ Imperatricis, Anna, nupta Alberto V. Duci Bavaræ, eodem, superaddito quoque Bohemiæ elogio, resplendet in numis N. LXXIX. LXXX. Tab. V. expressis. Pag. 69. seq. subtiliter admodum & accommodate disputatur super numis Ferdinandi Tirolensis, in quorum averfa cernitur Ionas propheta, ex ore balenæ eiectus, aut repens, adiecto lemmate: *vincit potentia fati*, seu: *In ipso & per ipsum*. Sunt, qui eos Mnemonicis accensendos existimant: sed verius ostenditur, Ferdinandum hoc emblemate per omnem vitam sibi admodum

dum plaussisse, adeoque rectius inscribi Emblematicos. In Ferdinandorum II. & III. Imperatorum numis, crebri occurrunt aurei Silesiaci, & civitatum quarundam Imperialium. Quod ultimum rei numariæ tributum, ut constaret, quæ incrementa habuerit in Imperio R. G. sub Imperatoribus Austriacis. Inter Ferdinandi II. Mnemonicos & Iconicos, eminet numus elegantissimus, & faberrime expressus, in cuius adversa signum Imperatoris, laurea coronatum, circumdatumque ferto quercino, tropeis superimpositum, conspicitur. In aversa vero sol, vultus humani specie, corona Imperiali redimiti, spargentis radios. Additæ tres aliæ coronæ, in triangulo dispositæ, quarum inferiori signum coeleste virginis incumbit. Cuius in explicatione prorsus assentimur Rev. Editoribus, quippe ab argumento deducta, quod ad nuptiarum, quam coronationis cum D. van Loon, referre maluerunt solennia. Haud minus rem acu tetigisse eos, pauci forte ibunt inficias, simulatque legerint interpretationem numi exequialis, in memoriam Ferdinandi IV. R. R. ubi præter cetera, quæ ænigmata redolent, egregie soluta, sigla I. K. E. M. redduntur: *Ich klage es Mariæ*: quo nil esse potest ad speciem accommodatius. Ab ipso enim argumento, deducto ex numo exequiali, a Ferdinando I. R. I. Annæ uxoris memoriæ dato, cui inscriptum: *Wir klagen Gott*, sic forte arguendum erat. Quæ quum sint simplicia, & naturæ rei sic satis convenientia, sagacitatem in indagando, quæ est limatissimi ingenii documentum, nec non iudicium acre & emendatum illius, qui ita decernit, in illustri ponunt loco. Neque tamen vel ea ratione, harum siglarum interpretationem putamus omnino comprobata. Nam qui Ausfriaco idiomate Germanico, quod multis modis depravatum esse nemo nescit, Ferdin. I. numo inscripserat: *Wir klagen Gott*, fidem facit, scripturum fuisse Ferdinandum III. I. K. M. (*Ich Klage Mariæ*): ita ut littera E. heic loci redundet. Oportet igitur, aliam subesse quatuor his litteris sententiam, de qua iam non laboramus.

Quod reliquum est, vehementer optamus, ut, quæ iam Volumine IV. elegantissimi operis secutura est, Principum
Au-

Austriæ Pinacotheca, quamprimum lucem videat, nobis gratissimam illam occupationem, *Hergotti & Herrii*, Virorum doctissimorum, in historiam Austriæ, omnemque eruditionem merita, dignis laudibus prosequendi, iterum præbitura.

Johann Daniel von Olenzlager, erläuterte Staatsgeschichte des Königl. Kaiserthums, u.

i. c.

IOH. DANIEL. AB OLENSCHLAGER, DE REBUS Imperii Romani, sub Alberto I, Henrico VII, Ludovico Bava- ro, atque de iis, quæ gesta sunt sub initium reip. Germanicæ a Carolo IV. administrandæ, Liber commentarius. Accedunt selecta rerum documenta.

Francof. ad Moen. 1755. 4. mai. 2. Alph. 8. pl.

Exposuit vir illustris hoc libro vices ac mutationes rei Germanicæ illas, quæ quidem seculo post N. C. decimo quarto acciderunt. Simul id egit, ut de rebus gestis ab Imperatoribus exponeret, quatenus eæ Germaniam in universum respicerent. Verum consulto omisit historiam cuiusque Status sive provinciæ, quam quippe peculiari opera traditurus est, una iura & consuetudines quoque eorum temporum. Putat vero, & merito quidem, eiusmodi mutationum causam fuisse consilium Francorum, qui sedem Pontificis, quæ ad id tempus Romæ fuerat, Avenionem transtulerunt. Nam ea res confirmavit eorum propositum, statum Germaniæ publicum suo arbitrio regendi. Nec aliunde descendit quædam veluti series & liliæ eventorum, quæ tristes motus continet, in Imperio & in Ecclesia excitatos. Dum hæc Auctor commemorat, non prætermisit exempla quædam illustria, e quibus patet, Imperatores, etsi angustiis premerentur, tamen animum reparasse, quo magis potestatem suam, tum secularem, tum sacrorum, ab iniuriis Pontificum vindi-

vindicarent. quodque in hanc rem Auctor differuit, ita comparatum est, ut attentum faciat lectorem, cuius interest nosse, quomodo, & quibus causis diminuta sit tandem vetus potestas Imperatorum.

Iam vero nostrum est, præcipua momenta harum rerum in litteras referre, quod sufficiat, ad iudicium nostrum, quod est de libro proposito, lectori adprobandum. Primum igitur Auctor commentatus est de rebus Imperii sub Alberto L. breviter quidem; neque enim opus ipsi videbatur esse longiore commentatione, quando id potissimum agebat, ut declararet, sedem Pontificis Avenionem translatam fuisse. De qua re, vel in primis memoranda, nonnulla nunc proponemus. Bonifacius enim Papa, supra modum humani ingenii tunc temporis fertur tumidus fuisse. Is igitur regem non agnoscebat Albertum, non aliam ob causam, nisi quod Principes eum sine consensu Pontificis legissent. Id quod observandum est, quia probat, consensum Pontificis, in creando Rege Germanorum, haud necessarium fuisse, etiam eo tempore, quo Electores de coeundo in unum nondum convenissent, quod item uberius ostendit b. Ioh. Christoph. Peslerus, qui iura civilia Francofurti ad Viadrum nuper professus est, docta commentatione sua, quam inscripsit: *de postulato Pontificis R. confirmandi electionem regis Romanorum sibi nuntiatam*. Idem Bonifacius postea sibi contraxit odium Philippi Pulchri, Francorum Regis, unde illud factum est, ut Alberto imperium consensu Pontificis confirmaretur; qui Pontifex præterea ipsi magnificentia munerum gratus esse studeret. At Alberto gloriæ ducitur, quod Francis imperare recusavit, etsi id ut faceret, a Pontifice iussus esset. Ita quidem a plerisque rem traditam accepimus. Sed illustris Auctor in alia est sententia, atque putat, Imperatorem dono oblatum sibi regnum Francorum, aliquo pacto gratum habuisse; quemadmodum colligi videatur ex litteris illius, quibus Bonifacio reverentiam testatus est. Hic tamen, malo suo, liberalis videtur fuisse. Captum abduci se passus est ab eodem Rege, de cuius possessione regni modo sustinuerat pleno iure disponere. Arbitrio

Philippi creatus est Pontifex quidam, cui nomen Clementis V. datum; quo ille, eiusque successores, usi sunt consiliorum suorum ministro & adiutore. Reliqua, quæ ad historiam Alberti I. pertinent, veluti consilia ipsius adversus Helvetios, quæque in Bohemos paravit agenda, §. 6. huius libri continet; ad quem lectorem remittimus.

Antequam vero ad ea, quæ sequuntur, progredimur, repetenda sunt quædam, in quibus non idem cum Auctore sentimus. Controversiam moverunt Alberto Electores ecclesiastici, a quibus revocaret portoria Rhenana, occupata ab iisdem tempore Interregni. De ea igitur controversia, satis adhuc obscura, nonnulla Auctor observavit, quæ, ne longiores hoc loco simus, quam necesse est, omittimus. Satis enim animadvertisse, Pontificem Albertum iussisse, ut ad se veniret, causam dicturus de crimine occisi Regis Adolphi, cuius criminis accusatus erat. Hoc item Auctor animadvertit. Quod autem subiungit, Principes ad Rudolphum, comitem Palatii ad Rhenum, causam detulisse, qui de crimine cognosceret, simul an iure creatus esset Albertus Rex Romanorum? quodque præterea statuit, semper ita observatum esse, etiam antiquissimis temporibus, ut eiusmodi cognitio ad Comitem Palatinum pertineret: duo hæc nos quidem non possumus vera putare, quanquam cedamus viri doctissimi, auctoritati. Sane negari nequit, Principes de causa patrimonii regis Romanorum, (quod *domanium* vocant) Rudolphum illum adivisse, cuiusmodi causarum Comitis Palatini esset cognitio antiquitus instituta. Simile quid Fridericus *Athenobarbus* instituit, cum iura maiora Imperii, (sive regalia) quæ Itali exercerent, in publicum redigeret: namque is dicitur iudices constituisse, qui causam fisci principis & privatorum ex æquo & bono iudicarent; itemque constat, Comitem Palatinum, sub Henrico *Sancto*, eiusmodi iudicium patrimonii principis egisse. Neque tamen is unquam de capite Imperatoris cognovit, ea ratione, tanquam si ad id iudex datus esset; neque suppetunt exempla, quibus existinare possis cum Auctore, mo-

rem

rem Germanis fuisse, ut in dubio, an iure facta esset creatio regis, ea de re cognoscendum Comiti Palatino mandarent.

Deinde non erat causa, cur Alberto id Auctor imputaret, quod Helvetii in societatem coivissent. Quamquam enim constat, eo imperante, Helvetios multa dura passos fuisse, ipse tamen a culpa videtur liber esse. Nisi forte hoc ei culpæ vel vitio dare velis, quod cum primum voluisset, ut unus ex filiis suis provinciæ isti præesset, postea, mutato consilio, eius administrationem præfectis committeret, qui eam non ex se de gesserunt.

Denique ad ea, quæ habentur apud Auctorem de creatione Pontificis Clementis, unam rem, pace ipsius, addemus. Notum est, Bonifacium eum, cuius supra meminimus, successorem habuisse Benedictum XI. Hoc igitur mortuo, Itali & Franci, quibus ius erat suffragii ferendi in creando Pontifice, inter se non convenerunt; donec remedium ei dissidio componendo excogitatum est huiusmodi, ut Franci e tribus candidatis, quos Itali ipsis commendassent, dignissimum legèrent: atque ea ratione dignitas Pontificia Archiepiscopo Burdigalensi creditur delata esse.

Alberto successit in imperio Henricus, comes Luciburgi, qui eo nomine septimus vocatur. Novum decus is existimandus est genti clarissimæ adtulisse. Nam primus illius gentis fuit Hugo, Lothario cognatione iunctus, siquidem fuit eius fratris filius, vel certe adfinitate. Non diuturnum Henrico nostro imperium fuit: verum res gestæ ab eo, maximam partem memoratu dignæ sunt. Cum plures competitores haberet dignitatis regis, atque potentes, favit ei fortuna ita, ut præter opinionem omnium eam dignitatem adipisceretur. At non est dubium, consilia Pontificis hic intervenisse, quem admodum declaratum est ab Auctore, quem adire iuvabit, adcurate ea de re differentem. Quod Domino a Ludewig §. 7. 8. 9. olim videbatur, hunc regem primum Aquisgrani corona argentea coronatum esse, ea quidem, quæ capiti recens creati regis prima imponi solita: hoc idem noster adfirmavit. De 11. proscriptione Roberti, ducis Apuliæ, maxime celebrata, deinceps

- ceps commemoravit; quem quidem ducem ab Imperatore pro-
scribi potuisse, Pontifex negaret propterea, quod ille imperio
subiectus non esset. Sed perfunctorie huius contradictionis cau-
sam redditam esse, verba Ediçti proscriptionis, publice pro-
positi, satis evincunt. Expeditio Italica Imperatoris copiose
§. 16. describitur, cuius ideo meminimus, quod Imperator, ante-
quam eam susciperet, Iohanni, Bohemorum regi, admini-
strationem rei Germanicæ dicitur mandavisse: quod argu-
mento est, eo tempore nondum constitutos fuisse vicarios
Imperii perpetuos. De morte huius Imperatoris non conve-
nit inter Scriptores. Mussatus quidem credidit, Pisis eum
mortuum esse; aliis vero videtur in pago quodam Floren-
tino, qui *Bonconvento* dicitur, præmaturam mortem obuisse.
26. Verum non fuisse id quod natura cogit, ut credamus, mo-
vent nos rationes ab Auctore proposiæ, quas, brevitatis
caussa, omittimus.

- Divisis Principum suffragiis, iam duo reges Germanorum
creati memorantur. Fridericus quidem, cognomine *pulcher*,
creatus est die 19. Octobr. 1314. atque sequenti die, Ludo-
35. vicus, dux Baviaræ, quam in rem Auctor multa egregie ob-
servavit: veluti, quod vulgo dicitur, legatum Electoris Bran-
denburgici, per imprudentiam Ludovico suffragatum esse,
eius rei rationem aliquam haberi, forsan eam, quod et si suf-
fragio ferendo adesset Elector Voldemarus, is tamen æque ac
legatus, errore lapsus esse recte argueretur.

Grave bellum inde in Germania exortum est, cum uterque
rex virtutem armis vindicaret: cuius belli monumenta Auctor
egregie composuit, item descripsit proelium, quo de summa
rerum 1322. dimicatum est in Bavaria. Hic autem animad-
vertimus, Auctori quoque probari, id quod Aventinus de
Nobilibus Austriacis, eo proelio captis, retulit, Ludovicum
regem, eos Burggravio Norimbergensi, quem dicunt, donasse,
hunc eundem vero, cum nobiles parati fuissent, pretium
redemptionis præstare, illud repudiavisse, quo magis eis per-
suaderet, ut beneficiario iure ipsi se obstringerent. Inde ni-
mirum Aventinus originem petit nexus beneficiarii, quo ad-
huc

huc iuncti sunt. Brandenburgicis plures in Austria nobilium. Iam victor Ludovicus dicitur invidiam Pontificis incurrisse, cuius invidiæ molem vix sustineret. Provocavit tamen ad concilium oecumenicum Ecclesiæ: quæ res argumentum est, non ita Pontificum decreta olim tenuisse, ut Imperatores ab iisdem ad Concilium non potuerint provocare. De pactis Ludovici regis, quæ iniit cum Friderico, agitur in sequentibus; declarantur item privilegia, quæ Fridericus regia potestate fertur concessisse: qua quidem re Auctori videtur otium fecisse *Raymundus Duellius*, commentatione sua de Friderico Pulchro, Norimb. 1733. edita. Non liberum esse creditur regi Germanorum, imperio se abdicare; neque id sine ratione. Exemplo est Ludovicus Bavarus, qui, ut anathematis vinculo se liberaret, fertur de regno sua sponte decessisse; neque tamen Principes Germaniæ hoc ei concesserunt. Relatum legimus deinde, eundem veterem Ducatum Sueviæ restituendi consilium cepisse. Nec minus memoratu dignum est, quod habet A. de iure dispensandi, quod Imperatori quondam competeret, in causis matrimonii contrahendi, & solvendi. De morte Ludovici, eiusque causâ, sequentia legi merentur. Hoc denique addimus, eum regem quidem Campoduni sedem suam fixisse, sed inde non probari posse, iam tunc temporis morum fuisse, ut Imperatores sedem suam & domicilium in urbe certa constituerent; quin Ludovicus existimandus est ideo Campoduni commorari consuevisse, quod metueret, ne si in alium locum secederet, sacra, quibus interdictus esset, ipsi denegarentur.

Atque hæc fere sunt ea, quæ ex his commentariis æquo iudicio lectoris subiicienda putavimus. Ceterum, virum illustrem, iis conscribendis, dignam & ingenio & litteris operam suscepisse, libere profiteamur.

*ANTONII ARRIGHII DE VITA ET REBUS
gestis Francisci Mauroceni Peloponnesiaci, Prin-
cipis Venetorum, ad Senatum Libri IV.*

Patavii, 1749. excudebat Iosephus Cominus, Superiorum
permissu, in 4.

2 Alph. 10 plag.

Epistola Auctoris, in laudanda reipublicæ Venetorum forma ac facie versatur. Respublica laudatissima, in Arrighio dignum se præconem, & disertissimum encomiasten nacta fuit. Quam egregia sunt illa, & quam splendide dicta, quæ lectori dare & exhibere animus est, ut genus scripturæ expendat. En illa: *Veneta Respublica ea re maxime caeteris antistat maxime, qua verissime gloriatur, eam postem civium nunquam in civitate coaluisse, quæ coaluit in reliquis civitatibus. Viri editi, quorum ea indoles atque ingenium perpetuo fuit, non ut certarent factione cum factiosis; non divitiis cum divitibus; sed cum strenuis virtute: cum modestis pudore: abstinentia cum innocentibus: eiusmodi postremo, qui boni esse quam videri mallet. His luminibus honestatis late nitet; virtute nulla maximis minor, pluribus maior, quæ religio habet, quæque nobis contigit; illis non contigit. Celebrat laudibus postea virtutem bellicam Stephani Contareni, Caroli Zeni, Aloysii Molini, Dominici Pisani, Antonii Bragadeni. In Mauroceno autem suo omnes eloquentiæ nervos contendit. Præfatione munus genuini historici edisserit, ex Tullio & Luciano. Tractatio ipsa complectitur quatuor libros. Delibabimus inde paucula. Nobilitas generis Maurocenorum elucet ex Thomafina Maurocena, ex qua Andreas, isque tertius, cognomento *Venetus*, Rex Pannoniæ, natus fuit; & ex Constantia, Michaelis Mauroceni filia, quæ Andream eiusdem matrem habuit amicum maiorem, & Uladislao nupsit, Stephanj filio, Uroscii I, Regis Serviæ, nepoti. Franciscus ex hac gente in lucem editus fuit a. 1618. m. Febr. Venetiis, patre Petro, aedis Marci procuratore, matre Maria Maurocena; domi admodum severe habitus, cum indole asperiore esse videretur. Virtus, & respublica, ei continenter ob oculos versari debuit. Ab ineunte ætate amavit præcepta historię, rei que nauticæ ac militaris. Fictis litterarum pugnīs haud
fuit*

Pag. 2.

fuit captus: dicens, urbes illis pugnīs nullas expugnari, ad bella propulsanda natus & factus, nec locutus libenter, nisi de bellis praelinque. Togam virilem a. 1638. sumsit. Ex eo in classe fuit, reique publicæ operam dedit. Interfuit eodem anno proelio ad Aulonem. Se ibi talem præbuit, ut omnes ipsum confiderent fore alterum Scipionem. Quater imperium & principatum nactus, a. 1641. navi triremi præfuit, remigibus 60. instructæ, eique primæ. In proelio maritimo a. 1645. apud Melon insulam, primus ipse Turcorum prætoriam adortus, ita, ut eam pæne dilaceraret, donatus ideo iussu publico corona & virgula, quia primus inierat prælium. Inde ab anno 1646. ad triennium quinquereimis regendæ potestatem tenuit. Rhythmnam 1646. sociata opera Turcis extorsit. Cædem hostium magnam a. 1647. apud Chium fecit. Anno eodem Grimanus Imperator, Nauplia decedens, navium longarum manui Maurocenum præfecit, eumque cæteris antetulit. In bello Cretico, quod ea tempestate exarsit, invictum se præstitit, & Martenengum castrum recuperavit. Tum provincia sinus Adriatici ei delata, ad fines Italiæ tuendos, & piratas submovendos. Officio fecit satis ubique. Pugna, inter Paron & Naxum, navibus conferta a. 1650, victoriam suis conciliavit. Anno 1651. iudicio Senatus imperator classi universæ renuntiatus fuit. Anno postero præfectus classi creatus est. Turcorum naves bene multas cepit. Corcyram, intestinis dissidiis laborantem, perterrefecit, ac tranquillam reddidit. Secundum factus est Imperator a. 1654. ac Foscolo successit, navibus Turcicis passim infestatis, captis, incensis. Anno integro acriter in Hellesponto pugnatum fuit. Ereptæ Turcis insulæ, Tenedos, Lemnus, Samothrace, quæ diu retineri haud poterant. Lazaro Mocenico patre a. 1657. defuncto, filius Franciscus aedis D. Marci procurator constitutus fuit, illico classi reficiendæ studiosus. Ne tunc quidem classi præesse desit, in utraque fortuna semper excelsus. Insulas Ægei maris passim ad fidem redire cogit. Turcis ad Arrabonem in Hungaria per Germanos devictis, Veneti multo metu fuerunt liberati. Pace Turcos inter &

Pag. 4.

5.

9.

12.

15.

29.

43.

85.

Ger.

- Germanos composita, illi vim Candix inferre studuerunt, Imperatore ferociter sic statuente, & duce eius bellico nil maius exoptante. Maurocenus ad Candiam tuendam omne consilium, vires ingenii omnes, contulit, Turci tamen tribus annis continenter insulam divexarunt. Vicissitudines fortunæ non est nostrum repetere, quibus tunc Mauroceni virtus patuit, vel enituit. Ad Candiam continuo Venetis infestiores fuerunt Turcorum molitiones. Opem labefactatis tulerunt Galli,
- Pag. 153. Germani, Itali. Achmetes Vezirius tandem conditiones pacis proposuit. Oppugnare Candiam haud destitit. Arrighius libro II. omne bellum Creticum fusc exposuit, eo scripturæ genere nunquam non usus, quod lectorem retineat, mulceat, doceat. Multum invidiæ sibi contraxisse virtutem ac fortitudinem, idem graphice exponit, ac significat verbis, quæ
269. odium vitii ingenerare queunt. Fuit Mauroceni virtus denovo cognita bello, quod Imperator Leopoldus ac Veneti, sociatis viribus, contra Turcos, inde ab anno 1683. acriter gesserunt. Peloponnesum tunc recepit Maurocenus, ac inde nactus fuit cognomentum. Cum in eo esset, ut Chalcedem a. 1693. oppugnaret, mors cum hiemis initio abstulit.
391. E gravi morbo propemodum convaluerat, cum repente multo graviore implicatus, triduo post exstinctus fuit a. 1694. 8. Id. Ian. Ipse elatus est Naupliæ, magno adparatu, atque honore militari decoratus, ac tristitia ingenti Ducum militumque honestatus. Venetiis deinde ei iusta a Patribus perfoluta, memoriam eius, regali quadam nobilitate ac magnificentia, prosequentibus. Ipsi monumentum, grati erga memoriam optime de Republica meriti Principis, in aula, quam *Scrutiniū* adpellant, collocarunt insolitum, addita inscriptione: *Francisco Mauroceno Peloponnesiaco Senatus anno 1694.* Iidem in Mauroceni propinquos liberales, Franciscum & Michaelém, e fratre nepotes, in quibus spes de patruo erat imitando, ante ætatem in ordinem Senatorium cooptarunt. Monumento tamen illi publico haud dispar est elogium; quo Arrighius Maurocenum ornavit, ac ad omnem posteritatis patriæque memoriam transmisit.

DISSER-

DISSERTATIONE TEORICO-PRATICA DELL' UTILITÀ del Salasso nel Vaiuolo, à Sua Eccellenza la Signora Bianca Contarini Dolfina.

h. e.

DISSERTATIO THEORETICO PRACTICA, DE Utilitate Venae Sectionis in Febre Variolari.

Veronae, apud Petrum Antonium Berni, 1754.
 plag. 3. cum dimidia in 8.

Incogniti nominis, aut eruditus Auctor, veluti illum ratione & experientia doctum esse, sermo cultus, nexus rerum, lectio, iudicium, docent, praedudicium, contra sanguinis missionem in cura variolarum, ortum confutaturus; necessitatem huius auxilii ex natura febris inflammatoriae, quae a variolarum eruptione inseparabilis est, aestimat. Etiam si autem auctoritatibus gravissimorum medicorum solis militare velle, satis ad arguendos vulgi errores haud sit: tamen, ut constet, non hodie aut nudius tertius ita factum esse, ut variolas Venae Sectione sanandas medici arbitrarentur, *Cl. Auctor* Arabum, & summorum, qui propius ad nostra tempora vixerunt, medicorum testimonia super Venae Sectionis necessitate adducit; quorum asserta etiam si quis ignoraret, oporteret tamen illum, ratione, & febris variolaris cum inflammatorii reliquis analogia inductum, ita existimare, quod salutare sit vim febris, in putridum ceteroquin & gangraenosum liquamen abiturae, praestantissimo, si quod unquam est, (Venae Sectione autem vix aliud potest esse efficacius,) antiphlogistico auxilio frangere. Neminem autem arbitrari fas est, sine discrimine, hoc heroico, in quo error omnino facilis est, utendum esse remedio; sed signa generalia, quae Venae Sectionem in aliis quoque febribus requiri indicant, adesse omnino oportet, pulsus scilicet magnitudinem duritiemque, faciei ruborem, dolorem capitis ac lumborum, deinde, aetatem plenioram, hinc plethoram, & sanguinis mittendi consuetudinem. Temporis autem ratio habenda est sedulo: nam-

P

que



que sub primo huius morbi stadio, quod ebullitionis tempus dicitur, venam secare utilissimum est, quo facto tantum abest, ut, quod vulgus evenire existimat, eruptio impediatur, ut potius illa succedat eo felicius: id quod, cum neglectum est, superveniunt plerumque status inflammatorii viscerum, pleurae, pulmonum, faucium, ipsiusque meningis, tandemque sub ultimo stadio, quando nova illa & secundaria febris accenditur, convulsio aegrotos aufert. Laudanda est Cl. Auctoris industria, qua ille errorem humano generi noxium, ex animis plebeiorum evellere tentavit, quos non vult medentibus obloqui, ut, quod artis est, quivis ex cordationibus exequi possit.

*SELECTA QUÆDAM NUMISMATA GRAECA,
inedita Baëlenus, nunc vero explicata a M. FRID.
SIGISMUND. WITZLEBEN.*

Lipsiæ, 1754. apud Bernh. Christoph. Breitkopfium. in 4
plag. 12. c. fig.

Prodiit duobus abhinc annis iste libellus, parvæ quidem molis, sed ob numerum quorundam Græcorum insignem raritatem, utpote qui ab Auctore hic primum in lucem producantur, eruditis nequaquam spernendus. Quatuor Dissertationibus constat, quarum singulis numus quidam aeri incisus præmittitur, cuius deinde explicationem Auctor suscipit; & cum varia in eis contineantur, quorum cognitionem, humaniorum litterarum amatoribus haud ingratam fore arbitrati sumus, operæ pretium esse putavimus, quandam e singulis epitomen lectoribus nostris hic exhibere; in quorum etiam gratiam, ipsos numos, cum archetypis denuo collatos, aeri incidi curavimus, ut eo facilius de singulis ipsi possint iudicare. In Præfatione instituti sui rationem Auctor exponit, atque hos numos a Iudæo fortuito sibi oblatos commemorat, quos ab eodem pretio soluto sibi comparaverit. Aliquamdiu dubius hæsit, an iidem numi forsan ab aliquo iam fuerint producti, necne? quos cum tandem, uno excepto, ineditos esse ac unicus forte

TAB. II. ad Nov. A. P. I. pag. 115. seq.



forte accensendosprehenderet, in obscuritate diutius eos latere noluit, sed consilium coepit, eosdem cum aliis etiam eruditis communicandi. Egregie illud promovit Vir illustris, *Ioh. Iac. Moscovius*, qui ex Bibliotheca & numophylacio Amplissimi Senatus Lipsiensis, omnia Auctori subministravit, quæ eius instituto aliqua ratione possent inservire.

Prima Dissertatione numus argenteus Delphiorum producit, omnium huius urbis procul dubio vetustissimus, qui quidem hæcenus innotuerunt. In parte anteriore capra cernitur, quæ in terra quiescere, cum capite tamen retro in dorsum flexo, quasdam gestulationes facere videtur; additæ sunt duæ tantum litteræ, in monogrammatice modum iunctæ ΔΕ, quæ vel Delphorum urbis, aut etiam populi nomen, designant. In parte averfa seu posteriore, figura quadrata, formam foraminis in ipso numo habens, comparat, quam alia figura, crucis ad instar, diffecat, & in quatuor partes æquales dividit. Antequam Auctor ad ipsam numi explicationem accedit, quædam de variis urbis Delphorum nonnibus præmittit. Vocabatur enim Delphi in plurali numero; attamen, quia in quatuor numis a Goltzio editis, secundus huius nominis casus, in numero singulari Δελφς effertur, Delphos olim in eodem numero, in nominandi casu, forte dicta fuit. Huius autem appellationis origo diversimode ab antiquis Auctoribus traditur; quidam enim, ut Homerus, vel quisquis sit Auctor *hymni in Apollinem*, sub eius nomine vulgati, eandem ab Apolline, in Delphinum transformato, & Cretenfibus, primis urbis huius conditoribus, sub hac adscritta forma, iter monstrante, arcessunt. Scholiastes vero antiquus in *Euripidis Orestem*, Delphum Deucalionis ex filia pronepotem, conditorem urbis huius fuisse ait. Servius tamen ad Virgilii *lib. III. Aeneid. v. 332.* in alia omnia sibi eundem esse credidit; refert enim, Icadon quendam, Apollinis filium, facto naufragio, delphini tergo fuisse exceptum, & iuxta Parnasum delatum, ubi templum patri suo ædificaverit, & locum ipsum a delphino Delphos vocaverit. Suidas denique, a Dracone Delphine hoc urbis nomen ortum fuisse, putat, qui ibi ab Apol-

Fig. 1.

line interfectus sit. Verum ex tam diversis veterum opinionibus, hoc tantum nobis constat, dubiam ac incertam esse huius nominis, æque ac urbis ipsius, originem. Neque magis notum, unde alterum fuerit ortum: Pytho enim vel Python saepe a poetis urbs ista dicitur, Homerus semper hoc nomine eandem vocat, quoties eius mentionem facit, & post istum alii. Pindari Scholiastes ad initium *Pythior.* a Pythone dracone, qui idem est cum Delphine modo memorato, istud derivat, vel etiam a verbo *πυθῶναι*, quia advenientes Delphos, plerumque hoc iter Oraculi consulendi causa faciebant. Eustathius vero, a verbo *πύθω*, *putrefacio*, manult illud deducere, quoniam iste draco, ab Apolline sagittis confixus ibi computruerit. Pausanias in *Phocic.* Pythin quendam huius quondam regionis dominum memorat, qui Delphi filius fuerit, & a cuius nomine urbs ista suum acceperit. Notatur hic ab Auctore nostro Pindari scholiastes, qui loco supra cit. prodidit, dictam aliquando hanc urbem fuisse Petreellam, postea quoque Crissam; cum tamen prius verbum tantum adiciiale sit, a saxoso urbis solo petittum, & quod interdum poetæ cum alio urbis nomine coniungere soleant, uti Homerus in *Catal. Navium*:

Οἱ κυπαρίσσον, ἔχον πυθῶνά τε πετρήσσαν

Qui Cyparissum inhabitabant & Pythona saxosam.

deinde quod Crissam, urbem a Delphis plane diversam, cum eisdem temere confuderit, quæ ignorantia hominis Græci, in ipsa Græcia adeo hospitis, æquo animo vix ferri potest.

Pag. 6. Auctor breviter agit de urbis huius hodierno statu, eandemque nostris temporibus tantum pagum esse, nomine Castrî, observat, auctoribus, *Whelero* Anglo, & *Iac. Sponio*, quorum Itineraria excitat. Numi huius urbis ex auro, argento & aere exstant, si Goltzio hac in re aliqua fides, qui octo illorum produxit; verum Auctor noster observat, præter Goltzium neminem eruditorum, aliquem ex antiquioribus Delphiorum numis producere, nec facile unum in præstantissimis museis reperiri; unde merito colligit, eosdem rarissimis numismatibus accensendos esse.

Nunc

Nunc propius ad numi sui explicationem venit, & istius partem anteriorem & posteriorem accurate describit, quam descriptionem, quum paullo superius iam a nobis ex ipso libello excerpta sit, hic denuo repetere superfedemus. Quoniam vero hic numus insigni crassitie & tumente margine est conspicuus, Auctor inde colligit, istum e globulo argenteo, malleo percussum esse, cum numi post Alexandri M. tempora, ex argento, prius in laminas diducto, fuerint facti.

Pag. 9. & sqq. parvam excursionem facit, de modo, quo antiquis temporibus pecunia fuerit signata. Affirmat cum Savoto, Wagenfeilio & aliis, Romanos veteres metallum prius liquefecisse igne, & tunc formæ monetariæ infudisse, inde etiam Triumviros monetales dictos, *Auro, Argento, Aere Flando, Feriundo*. Certissimum tamen esse ait, quam plurimos reperiri, qui non ex meta'lo liquefacto, sed plane crudo fuerint percussi, quod fissuræ & alia signa, quæ in iisdem conspiciuntur, satis clare indicent. An vero etiam Græcis modus hic numos fundendi fuerit cognitus, Auctor dubitat; quum vetustissimi numi indicia percussione satis certa ostendant, qualia sint, tumentis marginis rotunditas, vel etiam fissuræ, quæ in quibusdam comparent, ut in præsentî Delphiorum numismate, quod duas habet, licet admodum tenues, quales tamen in numis fufis nullo modo possent contingere.

Pag. 12. & seq. de forma vetustissima litterarum Græcarum, earum occasione, quæ in hoc numo conspiciuntur, Auctor disputat. A Phœnicibus Græcos suas primas litteras accepisse, Herodotus & post eum omnes alii scriptores veteres tradunt. Samaritanas plerasque esse veteres Phœnicum litteras, Auctor cum Iosepho Scaligero & aliis statuit; & hinc insignem vetustissimarum Græcarum cum Samaritanis consonantiam deducit. Quod vero Samaritanæ litteræ non semper exacte cum Græcis conveniant, hoc mutationi, partim ab ipsis Phœnicibus, novis Græciæ incolis, partim ab Ionibus postea factæ, tribuendum esse: de qua re insignis locus est apud Herodotum lib. V. quem Auctor noster post alios eruditos adducit & explicat. Non possumus hic silentio prætermittere aliquam

emendationem, quam in *Plinii Hist. Nat. lib. VII. c. 58.* facit. Verba huius scriptoris sunt sequentia: *Veteres Graecas (litteras) fuisse eandem paene, quae nunc sunt Latinae, indicio erit Delphica tabula antiqui aëris, quae est hodie in palatio, dono principum Minervae dicata, in bibliotheca, cum inscriptione tali: NAVSIKRATES TISAMENO ATHENAIOS KORAI KAI ATHENAI.* Cum vero mirum sit, Plinium principum nomina non adscripsisse, qui illud donum Minervae obtulerint, deinde non admodum conveniens videtur, aliquid huic Deae dicare, quod iam pridem eidem ab alio consecratum fuerat; Auctor mendum hic latere putavit, quod ductu inscriptionis, qua olim haec tabula insignita fuisse dicitur, ita tollendum censuit: *quae est hodie in Palatio in bibliotheca, dono Proserpinae & Minervae dicata, cum inscriptione tali &c.* Notum enim, Proserpinam ab antiquis Graecis Κόρην frequenter κατ' ἐξοχήν dictam fuisse; talia vero nomina propria, utpote omnibus nota, a librariis olim, per compendiarum scripturam, & saepe tantum initialibus litteris, in vetustis codicibus exprimebantur: quae tamen sigla posterioribus saepe causam hallucinandi praebuerunt. Huius Pliniani loci occasione, alium ex *A. Gellii Noct. Attic. lib. X. c. 1.* adducit, ubi legitur Pompeium Romae aedem Victoriae dedicasse; verum *Plutarchus in vit. Pompeii, Tertullianus de Spectac. & Plinius lib. VIII. c. 7.* non Victoriam, sed Veneris Victricis aedem, iuxta theatrum a se exstructum conditam, referunt. Inde putat verisimillimum esse, in vetustis *A. Gellii* codicibus, scriptum fuisse hoc nomen ita tantum: *V. Vict.* priore autem littera vel casu deleta aut neglecta, forsan e reliquis vocem Victoriam effictam fuisse, refragante licet omni antiquitate.

Pag. 20. differit de inscriptionibus numerum abbreviatis, quae paucis tantum litteris, vel uno aut altero monogrammate, interdum constant, easque ut plurimum signum esse remotissimae antiquitatis contendit, in primis si crassities nummi, inusitata sequiori aëvo, vetus caelatura &c. accedant. Solum vero inscriptionis breviter ad probandam numerum antiquitatem non sufficere asserit; quippe quae etiam in quibusdam

busdam, qui recentioris sine dubio sint temporis, reperiatur. Porro modum scribendi a sinistra ad dextram, iam apud Græcos antiquissimis temporibus usitatum fuisse observat, idque non suo tantum numo, sed etiam illo vetustissimo Phidonis, qui in gaza Potentiss. Borussia Regis adservatur, probat. Eoles tamen, & quædam urbes Doricæ originis, extra Græciam propriè sic dictam sitæ, alterum etiam in scribendo modum a dextra ad sinistram, more orientalium, cum tali inscriptione retrograda, adhibuerunt interdum, quos vero numos rarissimis accensendos esse iudicat. Capræ nunc effigiem, quæ in parte anteriore numi est, Auctor noster describit, eandemque de ista capra, quæ, secundum *Diodori Siculi lib. XVI.* narrationem, Oraculum Delphicum primum detexerit, explicat. Verum docto cuidam viro, qui apud Auctorem numum ipsum accurate contemplatus est, animal hoc non foemini generis, sed masculini potius esse videtur; quæ enim Auctori ubera visa sunt, iste potius testiculos esse credit. Id si verum esset, numus iste, contra omnium scriptorum veterum auctoritatem, iam caprum Oraculi huius inventorem nobis sisteret, non autem capram.

Pag. 24 explicationem alterius partis numi sui suscipit, quæ si bene ei cessit, aliquam omnino lucem in Oraculi & templi Delphici obscuris antiquitatibus, eruditæ foenerari potest. Cernitur in ea, quod iam supra diximus, tetragonum seu foramen quadratum, quod ab intermedia cruce dissectum in quatuor partes æquales dividitur. In ipso vero foramine apparent quædam eminentiæ, quæ ab artifice typi non fortuito, sed studio omnino, dum ad aliquam rem respexit, factæ esse videntur. Auctor noster hic spiraculum cavernæ Delphicæ, unde spiritus fatidicus erumpebat, sibi invenisse persuadet. Crucem vero intermediam quandam contignationem esse putat, quæ in interiore specus parte fuerit, hoc sine, ut Pythia sine periculo ipsam cavernam ingredi, & ibi spiritum fatidicum, ex interioribus terræ erumpentem, excipere potuerit. Id autem aliquando contigisse ex *Val. Maxim. lib. I. tit. VIII. c. 12.* probat, ubi refertur, Appium, Achaiæ præsi-

præsidem, de belli civilis inter Pompeium & Cæsarem exitu, Oraculum consulturum, Delphos venisse ac Pythiam coegisse, ut in intimam sacri specus partem descenderet: unde ut certae consulentibus sortes petuntur, ita nimis divini spiritus haustus red-dentibus pestifer existit. Hæc laudati scriptoris verba sunt, quæ Auctor dissertationis varie in usus suos convertit. Deinde locum quendam adducit e *Iamblichi* libro de *Myster. Aegypt. Sect. III. cap. XI.* ubi hic Auctor mentionem facit sellæ, quatuor pedes habentis, quæ in templo Delphico fuerit, quaque Pythia nonnumquam loco tripodis fuerit usa. Hic *Iamblichi* locus quorundam eruditorum ingenia mire exercuit, interque eos *Thomae Galei* & *Ezech. Spanhemii* potissimum, qui tamen certi quid de hac sella adferre non potuerunt. Sed Auctor noster de hac contignatione in interiore specu, *Iamblichem* verba secisse credit, quam quia nunquam conspexerit, (adyta enim templi Delphici ingrediendi nulli, præterquam Pythiæ, erat licitum) sellam esse sibi persuaferit. Pag. 36. disquirat, quid illæ eminentiæ, quæ sculptor typi in tetragono formavit, denotent? putat autem easdem nihil aliud, quam prominentes in caverna Delphica petras, repræsentare.

Inquirat tandem in tempus, quo Pythia tripode uti coeperit, quod, Alyatte apud Lydos regnante, demum contigisse autumat. Tunc enim Apollini Delphico, tripodem e mari extractum, quosdam Milesios dono obtulisse. Inde vero con-iicit, numi sui ætatem Alyattis regno æqualem, vel etiam vetustiore esse, quia in eo non tripodis forma conspiciatur, quam Delphii in aliis numis suis frequentissime postea signaverint, sed antiquius pegma, quam antiquissimis temporibus Pythia alio sedili non fuerit usa. Denique circa finem huius Dissertationis, Auctor quæstionem tractat: num Oraculum Delphicum malorum dæmonum ἰεργασήριον fuerit, an vero hominum vafro- rum tantum nequitia suas origines ac incrementa debuerit? Posterius *Antonius van Dale* in libro, de *Oraculis veterum Ethnicorum*, adstruere conatus est, qui in templo Delphico nihil præternaturale, nullam auram vaticinam, qua Pythia adflata, oracula de rebus futuris contingenti-
bus

bus certa effuderit, vult agnoscere; sed omnia omni tempore meris fraudibus sacerdotum gesta fuisse, potius adfirmat. Sed Auctor hanc sententiam simpliciter subscribere dubitavit, cum varia huius Oraculi effata essent, quæ huiusmodi fraudes minime redolcant; quamvis facile credat, illorum magnam partem a sacerdotibus confictam fuisse. Cum enim innumeris hominum curiosorum questionibus Phoebades verarentur, credibile non est, easdem in gratiam tot stultorum, semper tripodem adire voluisse, cum præsentissimo nonnumquam vitæ vel sanitatis suæ periculo. Pestiferum enim hunc subterraneum spiritum fuisse, patet ex supra allatis Valerii Maximi verbis, & Plutarchus in libro de *Oracul. defectu*, exemplum profert Pythiæ, nimio haustu vaticini spiritus extinctæ. Denique Phoebades nonnumquam donis corruptas fuisse observat, aut potentiorum auctoritate redactas eo, ut non ex tripode responsa dederint, sed ad illorum libitum eadem confinxerint; & huc Demosthenem respexisse, dum questus fuerit, Pythiam *Φιλππζειν*, i. e. tandem non ex Apollinis instinctu, sed potius, quæ rex Macedonum vellet, respondere; inde vero factum, ut Oraculi huius auctoritas sensim imminuta fuerit.

Disertatione *secunda*, Auctor noster numum quendam Maronitarum aeri incisum, lectoribus exhibet ac explicat. Maronea urbs Thraciæ, haud procul a mari ad Nesum fluvium sita, nomen a Marone conditore accepisse dicitur, auctoribus Diodoro Siculo lib. I. & Suida. Servius autem ad Virgilii lib. III. *Aeneid.* v. 17. *Moenia prima loco* &c. Aeneam urbem hanc condidisse refert, & ad Sallustium provocat, qui hæc memoriæ prodiderit. Verum Auctori huius libelli hæc omnia vel incerta vel etiam falsa visa sunt: putat enim, urbem hanc esse Phoenicum potius opus, & nomen eius a verbo hebraico *נחל* extulit se derivandum, quia scilicet in colle fuerit sita. Præterea hanc urbem ab Ismaro Homeri non fuisse diversam statuit. Plinius lib. V. c. II. quidem utramque urbem a se invicem distinguere videtur, cuius hæc sunt verba: *Nunc sunt Diceæ, Ismaron, locus Parthenion, Phalefina, Maronea, prius Ortagurea dicta*; verum Auctor hæc ver-

ba nonnihil corrupta esse suspicatur, & forte legendum: *Is-
maron lacus*. Ingentem vero lacum huius nominis etiam iuxta
Maroneam fuisse, ex Herodoti lib. VI. & Stephano Byzan-
tio probat. Nomen vetus Orthagurea Isaac. Vossius *ad Pomp.
Melam lib. II. c. 2.* ab Orthagora (id Bacchi cognomen esse
creditur) deducit. Auctor noster Bacchum Aegyptium, seu
Osirim, hic intelligendum esse putat, quem veteres magnam
terrarum orbis partem peragrasse aiunt, ut homines frumen-
ti & vini usum edoceret. Nam Orthagoram nihil aliud
quam *liberum peregrinatore*m significare ait, & hoc nomen a
duabus vocibus hebraicis derivat, scilicet *Horim*, quod prin-
cipes vel *liberos* designat, & a verbo *Gur*, *peregrinatus est*; id
vero pariter Phoeniciam huius urbis originem probare con-
tendit.

Pag. 50. breviter historiam Maroneæ attingit, quæ tamen
parum nota hodie ac certa est: rarius enim illius scriptores
veteres faciunt mentionem. Eandem tamen sub Romano-
rum tutela vel imperio fuisse, ex numis Maronitarum colli-
gitur, qui in honorem Imperatorum, ab Augusto usque ad
Alexandrum Severum, signati sunt.

Pag. 54^r numum ipsum describit, atque deinde suam sen-
tentiam de eo profert. Est autem argenteus maioris moduli,
qui pondere semiunciam paullulum superat, in parte antero-
re caput iuvenile conspicitur, diademate redimitum, vel po-
tius fascia, qua foeminae in capillis colligendis uti solent; su-
pra fasciam hanc corona hederacea tempora ambit, cui rosæ
vel bacce innexæ sunt; capilli præterea in proboscidis for-
mam complicati, pone cervicem coronæ alligati sunt, partim
vero iuxta collum desuunt. In parte aversa, imago hominis
nudi & stantis signata est, qui dextra manu botrum, sinistra
autem duos bacillos tenet; ex humeris eius pellis animalis de-
pendet, addita epigraphe: ΔΙΟΝΙΣΕΥ ΣΩΤΗΡΟΣ
in ima vero margine: . . . ΡΩΝΙΓΩ, quæ litteræ tantum
superfunt e voce *Μαρωνίων*, ceteris temporis iniuria deletis.
Tria præterea monogrammata in hac parte aversa conspiciun-
tur, quæ in tabula ænea n. 2. in ipso numi ectypo lectores
possunt

possunt inspicere. Numus iste a pluribus quidem eruditissimè iam productus est; sed quoniam illorum explicationes Auctori dissertationis minus placuerunt, haud putavit se operam plane perditurum esse, si eundem denuo examinaret, & quid sibi de eo videatur, aliis exponeret. Caput iuvenile in anteriore numi parte omnes adhuc Bacchi esse existimarunt, quod corona hederacea huic deo fere propria esse soleat, & idem præterea caput in Thasiorum numis reperiatur, quod pariter, pro Bacchi omnes eruditi agnoverint. Verum Auctor noster nihilominus ab hac, inveterata licet, opinione sibi secedendum esse statuit, & potius vestigiis Io. Henr. Schultzii, præceptoris quondam sui in Academia Fridericiana, insistendum, qui in *Diss. de numis Thasiorum*, Proserpinæ illud esse caput primus omnium probavit: cuius etiam cultus in tota maritima Thraciæ ora, æque ac in adiacentibus insulis, maxime olim viguit. Fascia quæ caput ambit, a nostro habetur potius pro retinaculo capillorum, quam pro diademate, præsertim, cum privatarum mulierum capita, septennumero in numis ac gemmis, tali fascia circumligata sint.

In altera numi parte, Bacchum nudum & stantem inveniri paullo ante diximus. Hunc Auctor non illum Thebanum Iovis & Semeles filium, sed Aegyptium potius, sive Osiridem, esse putat, a cuius socio Maronea fuerit condita, vel forte a Phoenicibus in Osiridis honorem, unde etiam huic urbi primum nomen Orthagurea fuerit inditum, qua de re supra pariter egimus. Uva, quam dextra manu tenet, ad inventionem vitis, quæ Osiridi a vetustissimis hominibus adscribitur, pertinet; quid vero bacilli vel scrulæ sibi velint, quos manu sinistra habet, Auctor ex Diodori Siculi *lib. IV*: cuius etiam verba apud Eusebium *Praep. Evang. lib. II. c. 2.* leguntur, declarat, Bacchum scilicet homines ferulis uti docuisse loco baculorum, quibus antea nonnumquam se invicem interfecerint, nimio vini usu in rabiem versi. In fine denique dissertationis, Auctor quædam discribit adhuc de diis Maronitarum, Proserpina & Baccho nimirum, quos cum Thasii illis com-

munes fuisse observat. Quum vero Thasii, teste Herodoto lib. VI. Phoenicum sint colonia, communia autem sacra communem ut plurimum originem populorum indicent, inde colligit, Maronitas vel ipsorum Phoenicum, aut certe Thasiorum, coloniam pariter fuisse, imprimis si ea expendantur, quæ de Phoeniciis huius urbis nominibus initio dissertationis dixerat, quæ, sicut cetera ab Auctore passim prolata, antiquitatum peritis diiudicanda relinquimus.

Fig. III. Dissertatione *tertia*, Auctor memoriam urbis Aorni, in illa Epiri parte, quæ Thesprotia olim dicebatur, sitæ quondam, revocat. Producit enim hic nummum argenteum, semidrachmalis tantum ponderis, in cuius parte anteriore caput Apollinis laureatum ac imberbe signatum est; in posteriore autem figura apri cernitur, in cuius dorso vel vermis *πολύπας*, vel serpens iacet: supra apri dorsum litteræ AOP conspiciuntur, ultima tamen, Rho nimirum, capite truncata est, nimis angusto numi orbiculo totam non recipiente. Infra aprum aliquid serpenti simile se erigit, vid. fig. 3. Putat noster, Apollinem Aëtium in hoc nummulo representari, in cuius urbis vicinia oppidum Aornos fuerit situm, quod ex Plinii lib. IV. prooemio probat. Stephanus enim Byzantius quamvis huius urbis mentionem fecerit, tamen ubinam gentium fuerit sita, non exprimit: certe hodie id in Stephani exemplaribus mutilatis ab indocto epitomatore, in quem Auctor noster ideo variis in locis huius Tractatus acerbe invehitur, non legimus. Cultum huius Dei per totam Epirum & Acarnaniam olim viguisse, non tantum e variis veterum scriptorum testimoniis, verum etiam diversis horum populorum & urbium circumiacentium numis probatur. Aprum in parte averfa Calydonium esse, Auctor noster adfirmat, & iterum ad numos vicinarum urbium, Aëtii scilicet, Naupacti & aliarum, provocat, in quibus ille pariter fuerit expressus. Quid vero vermis in apri dorso sibi velit, fatetur se nescire: qua ipsa confessione excitare voluisse aliorum ingenia nobis videtur, ut quæ ipsum latuerint, sua feliciori forte diligentia suppleant.

In

Dissertatione quarta, numus argenteus Corinthiorum, Fig. IV. nemini adhuc visus, primum producitur, & parvo commentario, sicut præcedentes, illustratur. In parte anteriore caput est muliebre turritum, pone cuius cervicem, numo iam semel signato, secundis operis, caput solis radiatum incusum est, qualem novi typi impressionem Galli vocant *une contremarque*. In parte posteriore Neptunus in sella sedens cernitur, qui dextra manu olim Delphinum tenuit; de quo tamen nunc nihil amplius visitur, præterquam extrema pars caudæ: cetera enim piscis, impressione novi typi, capite mirum barbato & diademate cincto, deleta sunt; in sinistra vero iste tridentem habet. Iuxta sinistrum Dei littera N cum dimidio Ω cernitur, infra eas vero KP in monogrammate iunctæ, vid. fig. 4. Caput muliebre turritum signum esse ait, numum non alicuius populi nomine signatum fuisse, sed urbis tantum; observat autem, typum hunc rarissime in vetustioribus Græcis, ante Romanorum tempora, reperiri. Caput Solis æque ac Neptunum, in parte averſa, deos tutelares Corinthiorum fuisse adfirmat, & ex Pausania in *Corinth.* probat. Inde etiam evenisse putat, quod arx Corinthiorum, quam Acrocorinthum vocabant, Heliopolis a sole fuerit cognominata, in cuius potissimum tutela fuerit. Stephanus Byzantius quidem in voce Κόρινθος, aliam huius cognominis rationem comminiscitur, quia *arida esset*; sed Auctor noster, eandem absconam esse penitus, variis argumentis evincit, neque sibi persuadere potest, hæc verba Stephani esse, sed potius cuiusdam indocti græculi, qui ea primum in aliquo codice huius scriptoris margini adleverit, unde postea in ipsum textum fuerint translata. Caput abscissum in averſa parte Erechthei, Atheniensium regis, esse credidit, a Neptuno quondam interfecti. Sed illud nullius alterius, quam Iovis esse, quorundam doctorum virorum monitu, iam sentit. Quid litteræ NΩ significant, divinando assequi non potuit; monogramma autem ipsius Corinthi nomen significare, ex plurimis aliis numis iam certum est.

Ex his omnibus & diligentia Auctoris, & eruditio, satis

comprobantur. Nos profecto enixe cupimus, plura illius generis specimina, quæ insignem bonarum litterarum culturam produunt, & legere, & Lectoribus, quemadmodum de hac cumulatiflime facimus, commendare.

SCRINIUM ANTIQUARIUM, SIVE MISCELLANEA Groningana nova, ad historiam reformationis ecclesiasticam præcipue spectantia. Inscruntur tractatus varii generis, epistolæ, orationes, biographiæ & sim. sive nunquam antea editæ, sive ita factæ variores, ut pro ineditis haberi possint.

Tom. IV. Pars II. Cum indicibus in Tomos quatuor.

Groningæ & Bremæ, apud Corn. Barlinkhof & G. W. Rump, bibliopolas, 1755. 4.

Alph. 1. pl. 2.

Cel. *Geddesius* in rarioribus scriptis, quæ ad historiam sacrorum emendatorum spectant, communicandis non defetisci, neque copias ipsi, quibus hæc eruditionis sacræ pars utilissima perfectior reddi queat, deesse, impense letamur. Præsenti fasciculo continentur I.) *Reginaldi Gonsalvi relatio de martyribus Protestantium in Hispania.* In Hispania doctrina purior tam insignia capiebat incrementa, ut, fatentibus ipsis pontificiis, nisi sacrum, quod dicitur, inquisitionis tribunal constitutum fuisset, omnis illa a prisca religione descivisset. Vidit igitur inde ab a. 1550. ad a. usque 1560. plures, qui ignis flammæ nil veriti, doctrinam emendatam morte obsignarunt. Horum, maxime qui Hispali sunt excruciat, notitiam nobis servavit *Reginaldus Gonsalvus*, Hispanus, in libro, cui titulus, *sanctæ inquisitionis Hispanicæ artes aliquot detectæ, ac palam traductæ*, qui Hispanico idiomate exaratus, in latinam conversus linguam, luci est datus Heideb. 1567. 8. Appendicis instar adhærebat ipsi *relatio de martyribus quibusdam in Hispania.* Horum quidem aliquos in scenam produxit *Geddesius* Anglus, quem latine loquentem fecit illustris nuper *Moshemius*; sed quæ Gonsalvus habet, & ple-

pleniora sunt, & maiorem merentur fidem, cum hic plurimis
 ipforum interfuerit, cum ipsis familiariter conversatus, eorun-
 demque certamina suis intuitus fuerit oculis. Hanc opellam,
 rariorem factam, in præsentibus miscellaneis recudendam cura-
 vit S. V. Gerdesius. Ex hac iniquorum iudicum istorum va-
 fritiam, crudelitatem, avaritiam, qua miseros homines pe-
 cunia emungere adnituntur, luce clarius cognoscere possumus.
 Si qui in carceribus decedunt, per suos fraudulenter spargunt,
 fidem illos abnegasse, vel si in theatrum producunt, linguæ
 usum impediunt, cervices ipsis frangunt, antequam in rogam
 immittuntur, hac suæ clementiæ ratione allegata, sententiam
 illos suam revocasse. Exhibentur simul egregia specimi-
 na gratiæ divini, quæ haud raro hominum animis, a verita-
 tis amore alienis, ita se insinuat, ipsosque adeo occupat, ut illum,
 si vel gravissima quæque subeunda sint, missum haud faciant.
 Inter illos autem, qui pro fide ignis supplicium sustinuerunt,
 eminent, qui sequuntur. *Christoph. Arellianus*, vir doctrina, vir-
 tute, pietate insignis, qui ipsis hostibus, quos sæpe in pudorem
 dederat, erat admirationi. *Garfias Arias*, vulgo a corporis habitu
magister blancus adpellatus, qui cum antea insigni levitate ani-
 mi ac versutia esset, inque religiōne, quam externa sanctimo-
 nia velabat, inconstans, adeo ut aliquando veritatis confesso-
 res coram inquisitionis senatu oppugnaret: tandem singulari
 dei gratia ita est flexus, ut in iudicium protractus, verita-
 tem intrepido animo propugnaret, posteaque vivus, quod
 Constantinus ipsi olim prædixerat, igne absumeretur. *Io. 624-635.*
Ægidius, qui suis concionibus effecit, ut ingens admodum
 turba doctrinam emendatam admitteret. Qui tandem ad
 inquisitionis tribunal raptus, callide instructa arte circumven-
 tus, fidem, quam adhuc tuitus erat, missam facere est visus;
 verum illa animadversa, ad pristinam rediit constantiam, &
 morte quidem naturali, post multa incommoda, decessit; sed
 triennio elapso, illius ossa, terra eruta, in cineres sunt reda-
 cta. *Constantinus Fontius*, vir eximiis dotibus abunde instru-
 ctus, cum primis eloquentia sacra plurimum valuit. *Carolo 635-647.*
V. quondam acceptus maxime, cuius sacris aulicis præerat.
 Illo

- Illo mortuo, Hispalim redux, doctrinam religionis, errorum ac superstitionis facibus purgatam, multo cum fervore inculcabat. Per longum satis tempus in inquisitionis carcere fuit detentus, in quo ex multis illis, quæ perpetiebatur, malis factum est, ut vitam cum morte commutaret: in eius corpus postea est factitum, idemque illud una cum ipsius simulacro igni datum.
- Pag. 647- II.) *Epistolæ Petri Martyris ad Io. Utenhovium & Henr. Bullingerum*, nondum editæ, in quibus aliqua de statu ecclesiæ Anglicæ, Gallicæ & Poloniæ habentur, item de Ioanne a Lasco, littoribus regni Daniæ prohibito, tandem vero a Principe Frisiæ orientalis benigne excepto. III.) *Epistolæ*
- 662-678. *Alb. Hardenbergii*: ad *Io. Utenhovium*, decanum capituli *Monasteriensis*, in qua sermonem facit de vocatione sibi ab episcopo *Monasteriensis* destinata; ad *Conr. Pellicanum*, de tentata in terris *Colonienfis* sacrorum emendatione; ad *Phil. Melancthonem*, qua ipsi significat, quid pii homines de nimia ipsius lenitate sentiant; ad *Canonicos Bremenses*, qua suam de præsentia Christi in S. coena sententiam exponit, seque a
- 678-698. turbis alienum esse ostendit. IV.) Ad *Alb. Hardenbergium* epistolæ *Martini Bucerii*, *Tilem. Heshusii*, querentis, se præter meritum *Goslariæ* munere suo deiectum esse, *Mart. Hamelnmanni*, *Pauli Eberi VIII.* quarum tertia suam de sacra
- 699 722. coena sententiam declarat. V) *Alb. Hardenbergii* scriptum apologeticum ad capitulares *Bremenses* a. 1557. Adversarii *Hardenbergii* controversiam de S. coena ad regem *Daniæ Christianum III.* detulerant, cumque graviter accusaverant. Scripto igitur præsentî, quod dialecto *Saxonie inferioris* est consignatum, quodque ex tabulato *Bremensi* primus divulgat Editor, se contra adversarios suos defendit, suamque sententiam de præsentia corporis Christi in sacra coena, proponit & confirmat. VI.) *Confessio romano-catholica, in Hungaria evangelicis publice præscripta & propofita*. Complectitur articulos, quibus, qui ab evangelicis sive augustanæ, sive helveticæ confessionis, ad romano-catholicos transeunt, iurisiurandi religione interposita, fidem suam adstringere tenentur. Desumpta est illa ex actis historico-eccles. *Vinariensibus* Vol. III. P. XIII.

p. 21. seq. Mirandum est, homines, nisi plane excecati sint, dogmata sacrae scripturae, quin omni rationi adversa, deoque iniuria & contumeliosa, aliis obtrudere conari. Nihil dicemus de doctrinis ecclesiae pontificiae privatis; tantum proferemus aliquas, quae homini praedictis opinionibus vacuo horrorem facile incutere possunt. Art. V. ita est conceptus: *Confitemur Papam sanctissimum ab omnibus honorari debere maiori cum genuflexione, ipsi Christo debita.* IX.) *Confitemur, unumquemque sacerdotem multo maiorem esse deipara B. virgine Maria, quae semel solum peperit Christum, nec amplius parit.* Sacerdos autem Romanus non solum dum vult, sed & quando-tumque vult, offert & facit Christum, imo & creatum absu-mit. XVII. *Confitemur, Mariam beatam virginem maiore ho-nore dignam, ab angelis & hominibus, ipso Christo, filio dei.*

Brem- und Verdische Bibliothek.

i. e.

BIBLIOTHECA BREMENSIS AC VER-
densis, in qua ad incrementum scientiarum, imprimis theo-
logiae, philologicae, ac historicae, exhibentur variae
dissertationes utiles ac observationes.

Vol. I. Hamburgi, 1753. 1754. 8.

Vir summe Rev. Ioannes Henricus Pratje, ecclesiarum
 scholarumque in ducatibus, Bremensi ac Verdensi,
 Superintendens Generalis, tantum merito bonis divi-
 noribusque litteris posuit pretium, ac tantopere cognitionem
 scientiarum omnigenarum amplificare studet, ut non
 solum varias commentationes ediderit separatim, sed etiam
Volumina iam duo, quibus titulum Brem- und Verdische
Hebopfer, praefixit, adornaverit, quibus dissertationes, quaes-
 tiones, resolutiones, observationes variorum variae, neque illae
 laudibus suis defraudandae, continentur. Necdum horum con-
 tinuatione statuit superfedere. In praesenti *Bibliothecam*, col-

R

lectio-

lectionem miscellaneorum novam, propius contemplari ac delibare libet. Volumen I. quatuor fasciculos complectitur. Quid singuli horum comprehendant, succincte indicabimus. Fasciculo I. continentur: 1) Christophori Wilhelmi Groscurd *Theoria Xenophanis, philosophi graeci, in doctrina theologiae naturalis, de dei virtutibus ac essentia.* 2) Sam. Seelandi *Specimen concordantiae nominum propriorum biblicae.* 3) M. Ioannis Pauli Stolbergi *Tentamen, quo tolluntur difficultates quaedam, quae lectoribus sese obiciunt* Iac. II, 18-26. 4) Hieron. Herm. Flügge *Cogitata in* Iac. II, 14-26. *ubi de fide mortua agitur.* 5) D. Wilh. Christ. Iusti Chrysandri *Annotationes de filiali indole fidei in Christum, ex vocabulo* ϝενη Gen. XV, 6. 6) Ioann. Gotfredi Napierski *Enodatio problematis exegetici, quo quaesitum fuit, an* Luc. XX, 35. *modo quorundam resurrectio indicetur.* Xenophanem, ut a limine ne discedamus statim, plerique solent maculis erroribusque vel conspurcare, vel deturpatum exhibere. Groscurdus cum a Spinozismo absolvit, haud sustinens negare, scholam Eleaticam, a Xenophane inchoatam, nonnullis inquinatam fuisse Pantheistis. Laudat Ven. Iac. Wilh. Feuerlini *Diff. de Xenophane*, a. 1729. Altorfii evulgatam. Ex Diogenis Laërtii testimonio vitam & dogmata Xenophanis depromit, iudicioque comitatur suo. Xenophanes videtur fuisse homo autodidactus, atque a superstitionibus vulgi abhorruisse. Colophone patria cives ipsum exesse iusserunt. Ivit Zanclem Siciliae & Latanam, ac subinde traiecit in Græciam Magnam, eiusque urbem invisit Eleam. Mundos dari innumerabiles, seu infinitos ac immutabiles, credidit, respiciens ad eorum, ut videtur, essentiam, siquidem solum deum docuit esse immutabilem.

23. Animam esse spiritum & immortalem tradidit. A scepticismo Laërtius eum purgavit. Celebrant veteres silentium, temperantiam, abstinentiam ac pietatem Xenophanis in deum. Hunc docuit, Diogene teste, esse substantiam sphaerae similem, nihil homini simile habens, totum videre, totum audire, non respirare, & omnia esse, mentem & sensationem aeternam.

Pag. 14.

nam. Cicero non satis hæc dogmata de deo videtur adsecutus. Amplexus fuit Xenophanes spiritualitatem dei. Si Pantheista fuisset, omnino non negasset, deo cum hominibus aliquid esse commune. Aeternitatem dei agnovit, & vim continuo actuosam, immortalitatem, perfectionum comprehensionem. An vero deus eum ad gratiæ suæ agnitionem perduxerit tandem, id utique est incertum. Progredimur ad Seelandi conata, qui Concordantiam Buxtorfii supplere contendit, pauca nomina propria exhibentem. In nuda nominum recensione haud adquiescit. Originationes eorum, expositiones personarum, & geographicas breviores, addit, sententiasque eruditorum attingit, & sæpius diiudicat, præcipue Calmeti, Ioannis Simonis, Matthiæ Hilleri, aliorum. Geminum Philistæorum Regem Achimelech, qui vixerit Davidis ætate, 94. proscribit, provocans ad Pl. XXXIV, 1. 1 Sam. XXI, 4. XXIX. Abiathar, summus pontifex, pater & filius, obvii sunt 1 Sam. XXI, 2. Marc. II, 26. Stolbergius summa cum verosimilitudine docet, Iacobum II, 18-26. inducere falsum doctorem loquentem. Ipse Iacobus ita inquit: *Ἄλλ' ἐρεῖ τις, at dicet*, obiiciet hæc, *aliquis*. Indicium hic proponitur personæ alienæ, quæ loquens inducitur. Paulus enim quomodo a Iacobo contradictione onerari potuisset? an fides Abrahamum iustum declaravit demum post 30. annos? an Iacobus opera ad iustificationem existimavit fuisse ex æquo necessaria? Secus sensit Act. XV, 19. Allegatur enuntiatum Moïsi de Abrahamo, præter Moïsi rei que scopum & causam. Quis eam allegationem tribuet Iacobo? Iacobus vero capite tertio videtur falsos eiusmodi doctores refutasse. Ita rationes suas putavit pl. rev. Stolbergius. Contrarium tenet Hieron. Herm. Flügge, cuius ideo tractationem cum priori ven. Editor coniunxit. Ille *χωρίς ἔργων* interpretatur adscito verbo *ἐπακολούθησαν*. Lucernam hæc quoque spirat dissertatio. D. Chryfander comprobatur it, verbum *ἵδεν* fluxisse ex *ἵδεν*, quo describitur & graphice delineatur fidelitas matris ac nutricis, quæ infantem ulnis excipit, portat, ample-

Pag. 211.

amplectitur & sollicitè curat. Ipse infans gremio concubitus, filius dilectissimus, adpellatur *חֵן*, *amun*. Verbo itaque *heemin* inest notio, sese instar infantis præbere nutriendum, portandum, beneficiis ornandum, ac a cura alterius dilectissima pendere. Ipse nomen dei *Schaddai* deducit ex *שָׁדַי*, *schadah*, effundendo, siquidem deus instar lactantis nutricis, in homines cumulate effundit nutrimenta ac beneficia inexhausta. Qui credit in Christum, agit omnino fetum nudum, aliunde nutriendum, aliunde sustentandum, prehendentem & nitentem ad ubera, quibus vitam agat & continuet. *Napierski* ostendit tandem, in verbis Iesu Luc. XX, 35. haud latere sententiam, quæ faveat resurrectioni mortuorum ad iudicium particulari. Illi, qui adpellantur *καταχυσάριες*, *digni* resurrectione *existimati*, sunt homines universi, quorum mentes deus adfecit immortalitate, & corporibus durationem sempiternam praestituit. Hos homines, quales deus esse voluit, Iesus opposuit hominibus, quales sibi fingebant Sadducæi. Hi enim volebant, corporibus extinctis, extinctam esse animæ coniunctionem omnem cum illis. Sadducæos negasse, immortalitatem mentium humanarum dari, solide demonstrandum restat. Id vero aperte confitendum est, in illo dei effato, *ego sum deus Abrahami, Isacæ & Iacobi*, inesse certum immortalitatis mentium humanarum fundamentum. Deus enim benignitatem & favorem nonnisi illis exhibet, qui sibi benignitatis illius sunt conscii & ea frui possunt. At non solæ animæ, sed illi qui sunt Abrahamus, Isaacus & Iacobus, favorem dei percipient. Ergo corpora eorum debebant in vitam revocari, corpora non alia, sed numero eadem, quæ sepulta fuerant.

- P. II. Progredimur nunc ad Fasciculum II. qui octo articulis constat. *Historia reformatæ doctrinæ in urbe Brema*, ab a. 1524 ad a. 1555. perducta, eam ostendit Auctoris peritiam & soliditatem, ut is publico nomine sit orandus, reliqua ut adiungat deinceps, nec implicatas artes unius alteriusque temporum articuli horreat, quas ipse comta & humana dictione novit emol-

emollire. Ioann. Christophorus Harenberg commentatur ad Pag. 73.
 Iac. IV, 5. locum perdifficilem, existimans, ex cantilena, divi-
 nitus olim inspirata, verba illa, *πρὸς τὸν φθόνον ἐπιπροσθεῖ*,
ad invidiam ardentem propendet amor & amicitia cupiditatum,
 quibus dediti sunt pravi homines, profluxisse. Succedunt 89.
 Ioannis Sleidani *epistolae decem*, adhuc ineditae, quae statum
 politicum & religionis, in Germania, Gallia, Italia, ab a.
 1543. ad annum usque 1546. obvium, mirifice illustrant.
 Tum vero M. Otto Ludovicus Königsmannus, dicasterii ec-
 clesiastici Danici in Stormaria assessor, & ecclesiastes Stöderaviae,
 nobis aperire conatur auctorem verborum Act. XX, 35. *dare* 126.
beatius est quam accipere. Cel. Heumannus credit, verba
 haec fuisse a Iesu pronuntiata sub finem rei gestae, quae Matth.
 XVII, 24-27. edisseritur. Paulus vero non tribuit effatum
 illud ipsi Iesu, sed iubet suos *verborum Iesu Christi meminisse*,
μνημενεύειν τῶν λόγων. His subiunxit Paulus verba, *ὅτι*
αὐτὸς εἶπε, *siquidem ille dixit, ipse ea verba dixit*. Sunt ea
 Christianis memori pectore conservanda, eo quod *ipse Iesus*
ea verba protulit eisque inculcavit. Porro pergit Paulus in ora-
 tione sua, ita sermocinans: *Beatum est potius dare quam ac-*
cipere. Sic Königsmannus, qui sententiam suam ex Pauli ora-
 tione & eius exemplo confirmat. Ad Groscurdium redimus.
 Hic legem, Noachidis latam, de homicidiis voluntariis
 occidendis, Gen. VIII, 6. perscriptam, exposuit testem
 sapientiae & amoris divini erga homines. Cur autem 148.
 caedes eiusmodi, vindictae propriae fetus, est omittenda, vel si
 commissae fuerit, a domino societatis, homicidio, in percussore
 constituto, plectenda? in promptu ratio est. Scilicet
 homo, ex vindicta propria occisus, imagini dei congruenter
 creatus fuerat. Imago dei hoc loco est, vel substantialis ac 155.
 secundaria, vel accidentalis & primaria. Significatur minime
 posterior potestas, siquidem hanc imaginem non omnes re-
 paratam in se sentiunt. Prior videtur restare ob Iac. III, 9.
 Per hominem, ad imaginem dei factum, Auctor magistratu
 designari statuit, vicarium dei, per quem homicidia
 R. 3 priva-

- privata & malitiosa sint punienda. Nami dominatus genuinus est imago dei, 1 Cor. XI, 7. & magistratus vocantur Dii Ex. XXII, 28. 1 Cor. VIII, 5. Pl. LXXXII, 6. Addit idem, apud Matth. XXII, 21, illud *dare deo, quae dei sunt*, esse idem, ac magistratui officia praestare. Ad legem Noachidarum credit Iesum respexisse Matth. V, 21. Io. Henr. Pratje brevem adiecit narrationem de urbis Stadæ iure cudendi numos. En summam. Adalagus I, Archiepiscopus Hamburgo-Bremensis, a. 966. ab Ottone I. obtinuit privilegium cudendorum Bremæ numorum. Henricus II. id a. 1003. Liebezoni corroboravit, necnon a. 1014 Unwano. Conradus II. id ipsum a. 1035. Bezelinum adhibere voluit. Adelbertus ab Henrico IV. a. 1062. obtinuit Comitatum Lefmone, & in eum principatum iurisdictionis, ac ius feriundi numi. Ex eo Archiepiscopis visum, Bremæ, Stadæ & Bremervordæ, officinas monete habere. Tandem ius cudendi numum Stadæ suæ tradiderunt, pensionem annuam ex eo reddituræ, nominatim Erpo, Hildeboldus a. 1272. & Albertus 1371, qui iuris antiquioris fuerunt testes & comprobatores, si Rothio accedimus. At ab a. 1272. id deduxit ven. Pratje, diplomate præeunte. Constitit illud in facultate cudendi denarios *Stadenses albos*. Ius feriundi numos aureos Stadæ haud fuit indultum. Nec eiusmodi monetam Stadensem quisquam adhuc produxit.
201. Ad a. 1471. circiter monetam Stadensem attulit Auctor ex cimeliotheca Cel. Vogtæ, Bremensis. Anno 1686. ultima
217. Stadenhsis moneta in lucem prodit. Postea Senatus iure cudendi numum haud fuit usus, licet illud haud dimiserit. Augustinus Gabriel Gehlen adornavit interpretationem germanicam *Epistolæ, quam Iustinus Martyr ad Diognetum dedit*, ab omnibus omnino Christianis legi dignæ. M. Christianus Ziegra inquit in quæstionem, *an sacerdotes V. T. Mosæici peccata hominum remiserint, ut ministri sacri, quos N. T. habet*. Quidquid ad quæstionem propugnandam facere videtur, diluit, ad quæstionem propositam negando respondet. Adicitur nova interpretatio loci 1 Petr. III, 7, ita adornata: *Mariti, gerite vos erga uxores vestras considerate & rationi convenienter*,

ter, siquidem hae sunt res creatae vobis debiliores; nec eis denegate honorem, ipsis congruentem, siquidem ipsae consortes sunt vitae aeternae, quae vobis ex gratia dei datur. M. El. Fr. Schmerzhali Commentatio historica de Tutela haereditaria, quae Ducibus Brunsvico Luneburgicis est in Urbem Hildeneshemium, non est omittenda. Liceat existimare, Duces Saxoniae, & ipsum Henricum Leonem, tenuisse praefecturam Hildenesheimii Imperatoriam. Conradus II dicitur a. 1235. a Friderico II. obtinuisse iurisdictionem territorialem. At in urbem non obtinuit id iuris. Henricus enim VI iam imperaverat senatui urbis, iurisdictionem supremam capitalem in ipsos homines Basilicae episcopalis. Tutelam Ottonis Ducis Luneburgici urbs a. 1331. obtinuit exorata, licet eo Ducum Brunsvico Luneburgicorum patrocinio iam antea fuerit gavis. Quæritur tandem, an ex solo naturæ lumine non possit comprobari doctrina de resurrectione mortuorum universalis, eo quod primi homines, imaginem dei tenentes, eam ignorarunt? Nervum sic argumentandi sequuntur ei, qui, morbos & medicinam ex lumine rationis solo cognosci posse, inficiantur.

Progrediendum nunc nobis est ad Partem III. Cel. P. III. Ioannes Ernestus Schubertus nobis offert in limine, de Auctoritate Formulae Concordiae in terris Brunsvicensibus commentationem. Ipse in eo est, ut contendat, illam auctoritatem nunquam intercidisse, sed adhuc persistere; argumenta, in contrarium adferri solita, infirmo niti talo. Novimus vero, concordiam inter Theologos Saxonicos & Helmstädienses, demum exeunte seculo superiori fuisse restitutam, atque auctoritatem Formulæ ab his ita fuisse agnitam, ut adfirmaverint, in ea nihil esse erroris. Ubiquitatem horruit Iulius Dux Brunsvici; at eam, sensu adversariorum acceptam, reiectam novimus in Formula Concordiæ, licet Helmstädiensibus olim secus videretur. Id ipsum adparet ex Ioachimi Hildebrandi, D. & Prof. Theol. Helmstädi. Disputatione de Ubiquitate, parte collegii, quo disputationes recentissimae a. 1654. & 1665. Hildebrandus Helmstädi pertractavit.

Ut

- Ut edat universum illud Hildebrandi *collegium* Ven. Prætie, cum orare omnino debemus, antequam ad Groscurdi exercitationem procedimus, qua in legum Noachidis præscriptarum (Gen. IX, 1-6.) rationem generalem inquiri, eamque communem, quam credit in fecunditate generis humani eiusque conservatione esse sitam, licet, singularum legum rationes singulares dari præterea, haud neget. Io. Henr. Sack conatur demonstrare, eadem, quam Cainus fratri Abeli intulit, haud fuisse involuntariam, sed potius data opera & studiose admissam, ac Cainum iam antea compertum habuisse, quid esset homicidium. Defunctum esse Auctorem labore suo satis bene, haud licet abnuere, ob loca Matth. XXIII, 35. 1 Io. III, 12. Ebr. XII, 24. Sequitur hanc tractationem epistolæ Ioannis Sleidani fasciculus posterior, novem litteris constans, a. 1545. exaratis, historiam reformationis illustrantibus. Excipit eas Ioannis Gottlob Fidleri *confessio de deo, magistratu & ecclesiae ministris*, 1747. 28 Dec. iussu Superiorum in litteras relata, quod eum Separatistis Altenavie inserendum esse, fama vulgaverat. Frid. Andr. Cromen docet, per *minimos Iesu fratres*, Matth. XXV, 40. non designari pauperes, sed Iesu discipulos ac apostolos. Pauperes certe quoscunque Iesus haud vocavit unquam fratres suos. Id nominis potius tribuit discipulis suis, Matth. X, 41. 42. His, non pauperibus quibusvis, beneficia exhiberi poterant, ob nomen *Iesu*, i. e. eo quod legati Iesu erant. Confer Matth. X, 41. 42. Qui enim discipulos Iesu excipiebat benigne ac hospitaliter, is Iesum exceperat censebatur, Matth. X, 40. Io. I, 12. XIII, 20. Ioannem Gerhardum eidem expositioni accessisse, obscurum non est. Convertimus nos porro ad Ioann. Christophori Harenbergii *Adnotationes aliquot exegeticas in Matthæi loca difficiliora* nonnulla, scilicet I, 10. 11. 18. 20. III, 7. In loco primo, manuscriptis præmunitus, hanc lectionis formulam censet geminam: *Ἰωάννης ἐγέννησε τὸν Ἰωάννην καὶ τὰς ἀδελφὰς αὐτοῦ. Ἰωάννης δὲ ἐγέννησε τὸν Ἰεχωνιαν ἐπὶ* — Virginem Mariam peperisse Iesum citra maritale confor-

consortium, comprobatur variis argumentis, contra libellum de *Iosepho, parente Iesu naturali*. Auctorem libelli comperimus fuisse quemdam Theophilum, hominem abbati Ioanni Fabricio acceptum, qui tenerrimæ ætatis filium ex abbate procreatum instituebat ad a. 1713. usque, & ob epithalamium Salomonis, quod Psalmo XLV. se deprehendisse crediderat, solum vertere iussus, Hamburgum ac inde Amstelodamum profectus dicebatur, circumcisionem suscepturus a Iudæis. Phariseos ad Ioannis baptismum lustrandum, non suscipiendum venisse, contendit. L. Meybrinck per *πρωτη* gemebundam, Rom. VIII, 19-23. ethnicos fuisse designatos, ab ecclesia Iesu non prorsus alienos, arbitratur. Ven. Præfæ dissertationem suam, qua *panis ex lapidibus* penditur, huc transtulit latinam, inservituram loco Matth. III, 9. Samuel Seelandus, ecclesiastes ad S. Nicolai Hamburgi, disquirat, an *conceptio Iesu in utero ad statum exinanitionis iure possit referri*, eamque ad hunc esse referendum, solide satis ostendit. Pag. 174.

Reliquum est, ut de dissertationibus Partis IV. nonnihil meminerimus. Habes hic, Lector, D. Io. Ernesti Schuberti *resolutionem aliquot problematum de virtute & efficacia verbi divini*. Vim supernaturalem inesse verbo dei, in litteras redacto, secundum *Formale* modo consideratum, vel potius verbum esse vim ipsam, docet, vim a spiritu sancto interventu theopneusticæ exortam ratione notionum, ad salutem nostram reuelatarum. Præterea naturalem *Formali* vim & sensum inesse, negat. Negat præter hanc sententiam id quoque, vim supernaturalem verbo dei accessisse ex dei benigno arbitrio seu libera gratia, siquidem verbum dei citra illam vim hæud possit animo solide cogitari, nisi *Materiale & Formale* simul animo comprehenderimus, siquidem solum id *Materiale* habeat vim naturalem, eamque significativam. Succedit Sam. Seelandi continuatio *concordantiæ nominum priorum V. T.* Retinet lectorem Io. Gothefr. Napierski Diatribe ad Gal. III, 27. ubi *induitio*, qua Christum induimus in baptismo, egregie illustratur ex toga virili Romana. Königsmannus, decade exemplorum in librum psalmorum elaborata, totidem parorata inter-

terpretationis vernaculæ indicat & emendat. Io. Daniel Fro-
bösen in peccatum Nadabi ac Abihu inquit, Lev. X, 1 seq.
suspensus, eos fuisse ebrietate imbutos. De Fidlerio, olim
Zinzendorffiano, adduntur nonnulla, nec non de Leonis X. ad
Martinum Lutherum epistola. Laudamus institutum meri-
to, eiusque continuationem crescere leti prædicamus.

ÉLOGIUM

IUSTI GOTTFRIDI GUNZII V. C.

Iustus Gottfridus Gunzius natus est in oppidulo ad radices
Saxi Regii, a quo & nomen habet, XII. M. P. ab urbe
Dresenæ, anno huius seculi quartodecimo, ipsis Kalendis
Martii, patre Gottfrido, sacrorum ibi tum antistite. Initii
litterarum a domestico præceptore perceptis, missus est Gor-
litium in Lusatos, ad capiendum omnium humaniorum lite-
rarum cultum: unde bene conformatus, discessit Lipsiam ad
altiorum litterarum, inprimisque Medicæ artis, studium: ad
quod ille, sive ingenii bonitate incensus, sive ab auctoribus
bonis admonitus, ita accessit, ut non mediocrem artis vel
intelligendæ, vel faciendæ scientiam sibi comparandam puta-
ret, sed ut in utroque genere aliquando excellere cuperet.
Itaque primum se ad Physicos contulit, sed eos, qui ipsius
naturæ velut audiendæ spectandæque facultatem, per expe-
rimentorum aditum darent. Physices autem amoenitati ad-
iunxit severitatem mathematicæ doctrinæ, sine qua iustam aut
utilem medicæ doctrinæ scientiam contingere non posse,
Walthero, Medico tum primario, crediderat, usus excellenti
Richteri Hausenique disciplina. Sic præparatus accessit ad
medicæ doctrinæ partes omnes cognoscendas, quas ei Wal-
therus, Platnerus, Hebenstreitius, Quelmalzius, Pezoldus,
Crellius tradidere: quorum omnium dexteritatem fidemque
laudabat, voluntatem autem erga se amabat, sed maxime
Waltheri in inveniendis felicem solertiam & acumen, Platneri
in docendo elegantiam & subtilitatem, in curando diligentiam,
lenitatem, constantiam, Hebenstreitii autem incredibilem do-
ctrinæ

Arinae varietatem & copiam admirabatur, consequi conabatur,
 ad extremum se consecutum esse factis ostendit. Posthæc,
 editis legitimis profectus speciminibus, primum Philosophiæ,
 deinde medicæ artis doctor creatus, coepit, quæ feliciter di-
 dicerat, aliis tradendo, aditum sibi ad locum inter publicos
 medicinæ doctores munire. Qui ei paullo post datus est,
 suffragante inprimis *Walthero*. Iussus enim est *Anatomen*
 & *Chirurgiam* inter Professores regios extra ordinem docere.
 Ante vero, quam Scholas publicas aperiret, iter per *Leinam*,
Gotham, *Cassellas*, *Marpurgum*, *Gieffam*, *Magontiacum*, *Vör-*
matiam, *Argentoratū*, & *Lotharingos*, fecit *Lutetiam Pari-*
siorum: quacunq; transiret, non modo Medicis claris, sed
 etiam literatoribus, historicis, philosophis, bibliothecis pu-
 blicis privatisq; & quæcunq; visenda quæque urbs habe-
 ret, editis, cognitisq;. *Lutetiæ* autem, qua maxime inten-
 derat iter, eadem ille quidem curiose fecit, sed magis tamen,
 hoc est, diligentia & assiduitate summa, usus est exercitatio-
 nibus anatomicis & chirurgicis, adiutus consiliis exemplisque
 clarissimorum, qui tum erant, virorum: velut in corpori-
 bus secandis, *Hauualti* & *Bertini*; in curationibus, quæ
 manu sunt, universis, *Guerini* & *Ledrani*: in obstetriciis se-
 paratim *Gregorii*: in oculariis denique *Sancti-Yuonis*. Qui-
 bus omnibus, & eas, quæ in discendo exercendoque laudan-
 tur, virtutes, & quæ in vita usuque familiari amantur, ita
 probavit, ut etiam absentem, laudarent, amarent, omnibus-
 que officiis colerent. His agendis cum decem ipsos menses
 in Urbe exegisset, percellitur repentino mortis paternæ nun-
 cio, cogiturque, abiecto diuturnioris commorationis consilio,
 reditum in patriam parare. Sed hunc quoque gubernat di-
 scendi aviditas, quæ satiari non potest. Nam per Flandros
 Brabantosque in Batavos abit, visitque *Insulas*, *Gandavum*,
Bruxellas, *Antverpiam*, *Roterodamum*, *Harlemum*, *Hogas*,
Lugdunum, *Traiectum*, *Amstelodamum*, &c. Multorum ibi
 summorum in arte medica virorum, non modo in notitiam, sed
 amicitiam venit; adeo celeriter & doctrinam & humanitatem

cuius adamant: in his *Switenii*, alterius *Boerhavi*, quocum ei ab illo tempore ad mortem usque intercessit, literis ultro citroque mittendis, & omni genere officiorum sustentata. Reversus *Lipsiam*, quod factum est anno undequadragesimo ad finem vergente, statim scholas publicas privatasque coepit habere, in primis in eo genere, ad quod maxime studium suum contulerat, edens etiam subinde in publicum aliquid exquisitae observationis, aut inventorum suorum, ut de calculi curandi viis, quas chirurgi Franco-galli invenissent, de commodo parturientium situ, de arteria maxillari interna, de herniis: quae omnia sic probata sunt peritioribus, ut medici exteri cum primariis in suo genere viris haud dubie adnumerarent. Sed etiam principes in hac urbe medici sic indicabant, nominatim *Platnerus*, idoneus certe iudex, nec prodigus ille laudis: qui saepe inter amicos cum medicorum in hac urbe eruditissimum pronuntiavit. Quamquam rebus ita se iudicare ostendit, cum Chirurgiae institutiones, quas absolvere per valetudinem ipse non posset, per eum potissimum absolvi voluit. Quo minus mirandum est, si mox omnes undique honores in eum congesti sunt, qui cadere in eius ordinis virum possent. Nam adscitus est a XLIV. suffragante *Bertino*, in *Academiae Scientiarum Parisiensis* consortium, primum haecentis, ut per literas inventa a se & observata ad Academicos referret, mox, ut ipse in Academicorum numero esset: anno autem XLVI. in *Academiam Rothomagensem*, & ad extremum in *Suevicam*. Neque domestica ei praemia defuere. Nam a XLVII. Physiologiam, proxime sequente, Anatomem & Chirurgiam, publice inter ordinarios profiteri iussus est: duobus autem post evocatus est *Dresenam*, ad Regis valetudinem curandam, & Collegium Medico-Chirurgicum consiliis & auctoritate regendum, hac conditione, ut locum inter Professores Lipsienses retineret, & ipse legeret, qui sua vice Anatomem & Chirurgiam *Lipsiae* doceret.

Omnium maxime adamaverat Anatomem: quam quis negligerent, aut contemnerent, velut sordidam, foedam, & parum

rum salubrem, nihil aliud nisi ignaviam profiteri iudicabat. Nec profecto mundius & elegantius est, fistulas ani inspicere, & herniās tractare, nec salubrius, valetudinaria obire. Atque etiam hanc ob causam videatur purissima, quod eam solam Empiricorum vulgus profanum non attingit. Sed omnium illa medicæ doctrinæ partium est difficillima, ipso *Hippocrate* (*de Corde, int.*) negante, cuiusvis esse, corpora secando bene tractare. At *Gruzi* erat. Etenim nec sumtibus in comparando instrumento Anatomico, nec labori in exercendo, nec sibi unquam pepererat: mentem, oculos, manum, cultellos denique ipsos, ita sibi obedientes diligentia & assuetudine reddiderat, ut nunquam aberrarent. In hæc porro fabrica humanæ indagatione solis oculis credebat: his ipsis tum demum, cum aliquoties idem testati essent: non ignarus, quam facile oculi viderent, quod videre vellemus, quam facile specie inani deciperentur: nihil opinionibus tribuebat, omnia cultello: munditia denique tanta adhibebatur, ut nec delicatiorum oculi demonstrationes eius refugerent, quas etiam facilitas quædam explicandarum rerum, rationumque reddendarum commendabat, tanta illa, ut omnibus appareret, dum in potestate habuisse virum, quæ aliis traderet.

Multa in omni parte medicæ doctrinæ vel invenit, & vidit primus, vel ea luce perfudit, ut invenisse videretur. In-
 teriorem arteriam maxillarem, in quam ille carotida exterior
 rem desinere putabat, longe planius & diligentius ipso *Vins-*
lovio descripsit: at vasa lymphatica & venas, quæ in liga-
 mento, quo hepar suspenditur, medio atque sinistro ad se-
 ptum transversum, & peritoneum adscendunt, primus descri-
 psit, lineari pictura expressit, & quem usum in corpore hu-
 mano haberent, ostendit. Glandulæ *θυροειδής* fabricam fi-
 guramque, cartilaginem *κρηκοειδής*, & musculos *σερπυλλοειδής*,
σερφοθυροειδής, *φυλλοειδής*, *κρηκοθυροειδής*, aliosque,
 novis observationibus, in Academicorum Parisiensium Com-
 mentarios relatis, illustravit, itemque septa, quibus plures

corporis humani cavitates dirimuntur, quæ ille primus docuit, non per medium duci, sed cavum quodque, ut Circum Romanum spina, inæqualiter parti. Nec minus lucis adfudit cerebri partibus, matri piæ & ἀρχαῖς, lobis, substantiæ corticali & medullari, matrisque duræ in falcis speciem propagationi & sinubus, glandulæ pineali, ventriculis, infundibulo, fornici, aliisque. Nihil tam laborabat, quam ut omnium corporis partium situm recte definiret atque describeret, cuius diligentia specimina utilia exstant in libello *de Utero & muliebribus*. Nec minus curabat hoc, ut, sicut alia Medicorum & Chirurgorum inventa, ita, quæ diligentissimus quisque apud externos partium corporis indagator reperisset, & ipse cognosceret, & cum studiosis in prælectionibus communicaret, velut de fabrica, figura, mutationibus, usuque ossium in infantibus recens natis, pueris, adolescentibusque, aliaque permulta, nullis parcens sumptibus, dum studio suo obsequeretur, & studiosorum utilitati consuleret. Neque satis habebat, naturam partium corporis omnium accuratius cognoscere, observationis solam vel suavitatem vel laudem expetens, sed ad usum curationum, tum earum, quæ medicamentis fiunt, tum, quæ manum desiderant, conferre tentabat. Nam & morbos & vitia, quæ infestant corpus humanum, in his ἀμαύρωση, σαφύλαμα, & cataractam, itemque hernias & ozænam maxillæ, diligentius pervestigavit, ita, ut novos medendi modos exquiret & meliores. In quo ei subinde accidit, quod multis ante ipsum magnis viris, ut invidia ei fieret ab iis, qui etiam in curationibus morborum aliquid innovari, nisi ab se, non ferrent, ut, cum Peruvianum corticem, & vomitoria adhiberet in morbis iis, in quorum curationes eis nondum aditum consuetudo & consensus medentium fecisset. Sed eam ille invidiam superabat constantia, & eventu curationum magnarum felici, qui ei tam sæpe contigit, ut certatim eum & admirarentur alii & imitarentur, ii autem, qui periculosius ægrotarent, eius auxilium in primis expeterent.

Multa

Multa scripsit, plena observationum maxime, tum alius bonæ frugis, pleraque per occasiones scholasticas, ut in doctoribus creandis, Anatomicis exercitationibus indicendis, aut iuvenibus ad disputandum producendis, quædam etiam in Commentarios exterarum Academiarum relata, de libris medicis in his Actis nostris plurima, libellos denique alios. *Hippocratis libellos de humoribus purgandis & de Dieta acutorum*, itemque *Epidem. Sect. I. a Guil. Dureto* cum Versione latina & doctis commentariis editos, non modo repetendos formis Lipsiensibus curavit, sed etiam novis animadversionibus verborum atque rerum auxit, præfixa etiam elegante & erudita præfatione. Atque in animo habebat edere alterum Volumen *Acut. & Celsum* emendare atque illustrare, comparatis undique & scriptorum & editorum subsidiis, sed id consilium præmatura mors destituit.

Etenim cum ab adolescentia incredibili flagraret discendi studio, cuperetque excellere inter paucos, incidit in quandam legendi cogitandique quasi intemperantiam, qua commisit, ut hypochondria vitium contraherent. Eius mali vis primum erupit a. sexto & quadragesimo, non sine periculo vitæ; quod ille quidem tum evasit, ceterum subinde illius mali reliquias & sensit & timuit. Auctis deinde & negotiis, & molestiis munerum, magis in dies fractum est corpus per se non admodum robustum; cuius latentia vitia amicis color oris pallidus & luridus satis indicabat. Nec ipse ignorabat imminens periculum. Nam anno toto ante, quam occubuit, animadverterat, arteriæ motum tertio quoque tempore hiare, & imbecillitatem corporis in dies augeri sentiebat. Ipsum discrimen cum oppressit in procinctu itineris in Poloniam, anno ab hoc altero, mense Iunio; quo in comitatu regio iturus erat. Nam repente cum invasit primum imbellicitas, qualis esse a defatigatione gravi solet, mox catarrhus vehemens, sed tanto cum aestu, ut mox in acutam febrim exardesceret, ex qua inflammatio orta, cuius perspicua signa sexta die,

mor-

mortem adesse, nunciabant: quæ altero die, h. e. a. d. XXII. Jun. consecuta est, magno cum moerore suorum, ac dolore omnium, qui viri ingenium, doctrinam, artem, virtutemque cognovissent, & quanta in eo iactura facta esset, iudicare possent. Uxorem habuit *Ioannam Caritatem Hocheimariam*, Lipsiensis mercatoris filiam, matronam ornatissimam, ex qua duas filias totidemque filios suscepit: quos paternæ laudis hæreditatem tueri cupimus.



NOVA ACTA ERUDITORUM,

publicata Lipsiae

Calendis Martii Anno MDCCLVI.

Pars II.

GROOT CHARTERBOEK DER GRAAVEN VAN
Holland, van Zeeland, en Heeren van Vriesland &c.

h. e.

*CODEX CHARTARUM SIVE TABULARUM
publicarum Comitum Hollandiae, Seelandiae, & Dynastarum
Frisiae, primas antiquissimasque litteras, quae has
regiones spectant, usque ad obitum Comitis nostrae, Do-
minae Iacobae Bavariae, complectens, variantibus exem-
plorum transcriptorum lectionibus, & brevibus nonnullis
animadversionibus illustratus, collectus, atque in ordinem
reductus a FRANCISCO de MIERIS. Opus
quadripartitum.*

Lugduni Batavor. 1753. fol.

Pars I. Alphab. dupl. 3. & pl. dupl. 9. *Pars II.* Alphab.
dupl. 4. & pl. dupl. 17. praeter praef. & indices.

Quod pristinas multarum regionum rationes, mores,
instituta, leges & iura ignoramus, id efficit, ut in
commentariis de rebus horum populorum gestis,
magno historiarum malo, multa sint densis interdum
tenebris obvoluta. Satis hoc incommodorum parit illis, quo-
rum interest, ad recensenda praeceptorum monumenta animum

T

adpli-

applicare: propterea quòd aliquando vix habent, ex quo probabile ferre iudicium possint. Cuius quidem rei ut ne definita quædam notatio deesse videatur, non alienum erit, in memoriam revocare, quam sint in Historia maiorum nostrorum, pristinorum Germaniæ incolarum, eam ob rem difficiles, quin imo irritè sæpius investigationes permulta. Nõn autem litteris tantum, sed universalum etiam nationum publicæ rei magnum attulit detrimentum iuris antiqui oblitio. Etenim, ubi de præcipuis quibusdam commodis insigni olim studio quasitis controversia nascitur, quod variis de causis accidere non raro solet, antiquitatis auctoritas vel una præsidio esse potest, & adiumento. Itaque, nisi, quibus in tabulis perscripta sunt iura & instituta veterum, illæ tabule diligenter fuerint asservatæ, summum ius summa nonnumquam fit iniuria. Magnis rerum conversionibus, quas temporis longinquitas inducit, bellis, incendiis, aliisque casibus adversis, impediri vix potest, quo minus multa prioris memoriæ monumenta deperdantur. Hoc profecto studiosius caveri oportuit, ne sola hominum negligentia idem eveniret. Atque etiam fuit hæc temporum nostrorum felicitas, ut existerent viri non laboriosi modo, sed ingeniosi quoque, qui dispersa partim, partim situ obruta iurium legumive volumina molesto labore colligerent, itaque veluti ex membris variis unum quasi & aptum corpus formarent.

Non exiguo inter hos numero habendus est scriptor industrius, cuius, & in patriam suam, & in rem publicam litterariam merita, nunc ex opere supra dicto commemorare in animum induximus. Illud enim, sive magnitudinem voluminis, paremque huic diligentiam, sive tanti laboris utilitatem spectes, egregiam Auctori laudem vindicat. Utramque vero rationem penitus nosse, multum interest illorum, quibus fieri potest, ut tanta libri huius copia aliqua in re subsidio sit. Quapropter utramque longius paullo persequi statimur. Dicemus primum de utilitate.

Batavorum fors & conditio, quantam inde ab antiquissimis temporibus cum rebus publicis aliarum gentium habue-

riunt

rînt coniunctionem, nemo est, quin sciât. Cum autem historia eorum populorum, quibus intercedit quædam cum alio sive iuris sive negotiorum publicorum communio, neque enarrari, neque intelligi plane possit, nisi huius etiam rationes cognitæ sint atque perspectæ: Batavorum institutis enodate descriptis, lux omnino insignis variarum nationum publicis rebus affundatur oportet. Sed quid, quæsumus, ad hæc instituta cognoscenda magis est appositum, quam literæ eorum, qui summam rerum tenuerunt? Idcirco non tantum iure suo scriptor noster prædicat, opus suum, ad historiam Comitum Hollandiæ, & facis prælatæ & lapidis lydii instar esse, sed etiam, si omnem, cum patriæ, tum aliarum regionum historiam, hac eadem opera non parum proveli contenderet, non verendum esset, ne quid arroganter facere videretur. Tacemus, res quoque sanctiori in coetu gestas insigniter his voluminibus passim illustrari: quamquam omnino illud prætermittendum non est, ideo quod sunt vere Comitum in litteris ad sacrum ordinem pertinentia quædam haud exigui momenti.

Aliud est, nec levius emolumentum, iuris scientiæ hoc codice comparatum. Ut sit enim magna iuris Romani præstantia, ut sit maxime laudabilis doctorum hominum in decretis illius eleganter explicandis ardor: tamen, diverso sub coelo, diverso regionum in tractu, natura locorum diversa, diversis hominum ingeniis, idem ius solum valere, repugnantiam habet. Ex quo efficitur, iuvenibus, ad capeßendam aliquandorempublicam natis, & liberaliter educatis, nihil magis vitio verti posse, quam a patrii iuris cognitione destitui. Ecquid autem hoc malo certius erit, nisi tabulæ publicæ in medium proferantur? Fuit olim Batavorum ea tuendis iuribus suis solertia, ut nulli Comitum sese sacramento obstringerent, nisi qui fidem ante dedisset, sarta testaque fore pristina ipsorum iura: neque temperanter tulerunt Philippum, Burgundiæ Ducem, qui primus litteris suis addidit verba imperiosa: *Nam ita nobis visum est.* Hæc tanta iuris observantia documento nobis est certissimo, tabulas publicas religiose ab

iis custoditas fuisse. Quinimmo ipse Carolus V. anno 1545. illarum indicem fieri iussit, cuius adhuc exempla many scripta superesse scriptor noster profitetur. Enimvero, cui bono hæc omnia? si lateant in tabulariis, quæ iuris consultis nota esse oportuit eum in finem, ut, quid quoque loco sanctum sit, simul ac quæstio inciderit, reperire possent. Horum igitur commodis doctissimus vir, de Micris, eo magis inservit, quo maior rerum laudabiliter constitutarum pars litteris Constitutum Hollandiæ continetur.

Nunc de pertinaci scriptoris nostri diligentia deinceps pauca dicamus. Si, quantum utilitatis ex molesto labore, quem pene omnes reformidant, proficisci videmus, tantum illi commendationis attributum esse par est: sane, qua de industria loquimur, ea non vulgari quodam applausu erit ornanda, quod & plurimum in commune confert, & multorum annorum in superandis difficultatibus subinde novis perferantiam testatur. Chartas ubique locorum dispersas anquirere & comportare, tabularum exempla varia pervestigare & invicem conferre, quid sincerum sit, quid corruptum, iudicare, temporum rationes expedire, suum cuique locum assignare, cum arduum sit, tum est maxime operosum. Coepit propterea scriptor noster multis abhinc annis necessaria ad hanc rem subsidia sibi comparare, & usque ab illo tempore consilium suum ad exitum perducere diligenter allaboravit. Quod omnino hanc vim habet, ut, si qua sint non omnibus numeris absoluta, laudare magis hoc tantum studium, quam neglectum aliquem reprehendere conveniat.

Longum foret, & alienum, separatim, sive omnes & singulas, sive nonnullas opere hoc contentas Comitum litteras recensere: quandoquidem alterum limites nobis positos nimium quantum superat, & ab ipso auctore indice peculiari factum est; alterum sine consilio, ut fieri deberet, facere non attinet. Quamobrem satis habebimus, generatim & universe primum, quot annorum litteræ singulis partibus prodantur, exponere: deinde, quibus de rebus scriptor ipse lectores monere

con-

consultum esse duxit, eas breviter referre: tandem, quibus usus sit adiumentis, indicare.

Par. I. completitur Comitum litteras inde ab anno 723. usque ad annum 1299: *Par. II.* litteras aliorum Comitum inde ab anno 1299. usque ad annum 1356. In his etsi non paucae sunt, variis in libris iam olim publici iuris factae: tamen eas negligere, nec res, nec ratio tulerunt, ne mancum opus esset atque imperfectum.

Summo studio eam ubique legem sibi dixit scriptor, ut ad ipsa autographa, vel sicubi haec deessent, ad antiquissima & curatius transcripta litterarum exempla, quae proelo expressis semper anteponenda iure putavit, cuncta conformaret. Neque usquam, ex prisca linguarum forma quae occurrerunt, sive vocabula, sive loquendi formulas, verborumve constructiones, immutare aggressus est: quippe quo pristina scripturae monumenta depravantur magis, quam vere traduntur. Attamen, ne quis rerum ignarus, haec antiqua legens, haereret, eius causa quaedam in praefatione monita videmus.

Litteris latine scriptis, mos olim fuit, ex patria lingua semper addere interpretationem, ut, quibus iura multo nonnumquam argento, multo etiam aliquando sanguine quaesita concederentur, ii scirent, an vere essent, exposita, nec ne? Has interpretationes, ubi repertae fuerunt, una edi Scriptor noster curavit: illis autem litteris, quarum nulla superfuit interpretatio, sua singulis argumenta lingua Batavorum vernacula praefixit.

Tantus antiquorum monumentorum numerus, quantus hic exprimitur, certe non potuit adeo curiose tractari, ut, quae subobscura viderentur, ea singillatim illustrarentur omnia: fuit enim satius, paucioribus animadversionibus plures iurium tabulas in medium proferre, quam auctis illis harum de copia diminuire. Itaque non mirabuntur Lectores, si pauca tantum, huic accommodata proposito, passim annotataprehenderint.

Iam vero agere quis ferat, litteras, ex eodicti manuscriptorum vetustate nunc demum erutas, non esse a reliquis

sua quadam nota distinctas. Sed iusta Scriptor celeb. utitur excusatione. Sunt in illarum numero nonnullæ, olim quidem editæ, sed tum mutilatæ, quibus eadem nota non congruit. Quare, aut alio signo, aut inepto necesseerat has definire. Neutrum probari poterat. Facile enim, ulla sine nota, omnes discernuntur: cum singulis ante iam editis subiecta sint, vel scriptorum, vel librorum nomina, unde sunt repetitæ; quamquam, si pluribus eadem locis reperiuntur, non spondet auctor, omnes hos sive scriptores, sive libros, ubique a se nominatos esse.

At supervacaneum forsitan nonnullis videbitur, tot, tamque longa variarum Hollandiæ civitatum iura, quæ maximam partem eodem redeunt, separatim esse proposita. Sed hi videant, ne quid temere incusent: quod hanc, culpam quilibet facile præstabit. Nam primum illa omnia sunt quasi prima & antiquissima documenta, certis ac æqualibus legibus iuribusque Batavorum civitates sese consociasse. Deinde sunt veluti foedera, quæ suis cum Comitibus Hollandiæ ordines sanxerunt, ut de tutela illorum & auxilio certi essent.

Neque potuerunt omitti litteræ donationum, coetui sacro Ultraiectionum, a Francorum primo principibus, regibusve, Germanorum deinde ab imperatoribus factarum: licet ab Heda & Buchelio Lappioque, in historia episcopat. Ultraiectionum iam fuerint editæ. Docent enim, quæ fuerit illorum principum in has regiones potestas: ac præterea Comitum litteras, quarum nullæ primis his temporibus scriptæ inveniri potuerunt, quodammodo supplent.

Sunt nonnulla iuris antiqui monumenta, quæ nimis exilia forte putabuntur. Nihil tamen secius primorum temporum delectu fas non erat illa negligere: siquidem veluti vinculum sunt, quo partes istius iuris singulæ colligantur quasi & continentur. Interea insignis eorum numerus, quæ res plane privatas & leves nimis spectant, merito est exclusus.

Quatuor etiam vel quinque, quæ suppositæ creduntur litteræ, non tamen sine notatione eius vitii, insertæ sunt; ut ne quis vel neglectas, vel ignoratas fuisse arbitraretur.

Exi-

Exiguus pariter litterarum ecclesiasticarum numerus transcriptus est, ideo, quod fuere qui indignari viderentur, eadem omitti.

Quod animadversiones nonnullae litteris etiam latinis vel gallicis lingua Hollandica subiectae sunt, id multorum exemplo tueri licet. Has autem non ita multas esse cum supra dixerimus, & fieri id aliter non potuerit, quoniam complures Comitum litterae, eo demum tempore, quo proelio iam erat liber commissus, ad auctorem pervenerunt: in subsidium adhiberi poterit historia Batavorum patria: quam eodem fere, atque codicem nostrum, tempore, in lucem esse emissam, huius nos praefatio docet. Itaque non nisi unum id superesse Scriptor noster ait, ut ipsa Comitum gens, & familiarum origines, dilucide describantur: quod tabulis gentilium modo edendis se curasse refert.

Tantae molis opus perficere, non erat ullius, nisi multorum opera iuvaretur. Celebrat scriptor noster prolixam erga se voluntatem, & egregium boni publici studium eorum, qui codices ipsi manuscriptos suppeditare non gravati sunt. Horum omnium nomina, sed etiam illorum, qui representata pecunia libri editionem adiuverunt, indicibus duobus praefationi subiunxit. Verum aliis quoque ex fontibus hauriendum fuit, quos non omnino tacere promissimus. Sunt in his Rymeri Acta, Goldasti Constit. Imp. Schilteri & Eccardi script. German. Miræ Op. diplom. una cum supplementis, & eiusdem codex donation. piar. Baluzii capit. reg. Franc. Dumont corps diplomat. Martene & Durant collect. nov. Corps diplomat. du droit des gens, Boxhornii theatr. Holland. Hede & Buchelii hist. episcopat. Ukraiect. Pontani hist. Gels. Winssemii hist. Frislae, lingua Hollandica, van Loon antiquiss. hist. Holland. lingua Batavorum vernacula, Doussæ annal. Hollandiae, Scrivérii princ. Holland. Les chartres des Comtes d' Hollande, van Leeuwen Batavia illustrata, Anton. Matthæi analecta, eiusdemque annal. Egmondenses, Joh. a Leidis Chronic. Egmond. Plures non commemoramus: sed finem facturi, (cum pauca modo & summatim dixerimus,) lectores iterum

iterum monemus, eam esse operis ipsius rationem, ut nulla argumenti pars speciatim exponi queat, nisi frustra quis velit allaborare.

GUILIELMI WALLI, THEOL. D. SHOREHAMI
in Cantio Vicarii, Historia baptismi infantum PARS II. varia, quæ ad illustrandam eam historiam faciunt, complexa. Ex anglico latine vertit, observationes item nonnullas & præfationem, quæ aliqua sui parte ad Cel. LOENIUM pertinet, addidit, IOAN. LUDOVICUS SCHLOSSER Past. ad D. Catbar.
Hamb. & Scholarcha.

Hamburgi, apud Christ. Wilhelm. Brandt. 1753. 4.
 Alph. 4.

Felici tandem omine, celeberrimus Auctor, cupidissimis lectoribus *Wallianum* opus offert, cui nec industria nec tempus deerat, multo citius promissum hunc laborem præstare, nisi cum bibliopola, cunctatore moroso, rationes ipsi fuissent consociendæ. Satis tamen opportune id accidisse videtur, dum interea temporis *Loenianæ* monstrosæ de Sacramentis Christianorum præceptiones magis magisque in vulgus emanarent, atque hinc venerabili Auctori messis accresceret, quantum quidem ad *Loenii* de paedobaptismo doctrinam attinet, genuinam servatoris doctrinam confirmandi atque vindicandi. Paradoxa *Loenius* multa, cum aliis huius fortis doctoribus, in neoterico suo pacis templo proposuerat; inter quæ quidem non negat, homines Christi doctrinam profitentes, sacro lavacro esse abluendos, ea scilicet ex ratione, quoniam *sacramenti*, ex veterum usu ita dicti, id est, *iurandi militiæ causa dandi*, indolem baptismus referat. Pergit tamen *Loenius*, & asserere non dubitat, primis christianæ religionis temporibus, de baptizandis infantibus ne cogitatum quidem fuisse. Perhibet inde & putat, Anabaptistas veteris ecclesiæ morem servare, non admittentes, ut sacro fonte initiarentur, nisi eam ætatem fuerint consequuti, quæ cognos-

fecen-

scendis præcipuis revelatæ divinitus religionis capitibus est idonea. Scita sua *Loenius* sanctissima habet, iisque contradicere nefas esse ducit, dum hæc omnia ex historis ecclesiasticis usque adeo nota compertaque esse scribit, atque confidentissime ea asserit, ut mira ipsi res videatur, immo stupenda prorsus, qui fieri scilicet potuerit, ut callide adeo rem elerus ageret, & quicquid lucro sibi esse sentiret, in fidei ac salutis articulos converteret. En *Loenianas* nugas! Ostendit præfatus Auctor, quam ieiunum atque exile sit illud, quod de lucello dixerat *Loenius*, quam infirma sint ea omnia atque futilia, quæ ex antiquitatibus ecclesiasticis ad profligandum pædobaptismum ipse scripserat. Pari ratione, doctissima nempe, agitur cum larvato illo auctore, sub *I. Hierophyli* nomine latente, qui cruda de sacramentis cogitata ante annum protrusit, cum *Loenio* etiam in eo consentiens, quod sacramenta inter meras caerimonias sint habenda, & quod ne baptismus quidem, ex mandato Christi, vim legis perpetuæ atque universalis nactus, sed indifferenter ab apostolis habitus, immo ad legem potius, quam ad evangelium, relatus fuerit. Varia hæc doctrinarum monstra celeberrimus *Schlosserus* fortissime repulit, & interneconioni dedit, quod unusquisque, veritatis amans lector, nobiscum sentiet, inprimis si ea percipere velit, quæ *Wallus*, Anglus doctissimus, cum *Schlossero*, in prima huius Operis parte, & nunc in secunda etiam edisseruit, ad cuius iam enarrationem properamus, ita tamen, ut Venerabilis *Schlosseri* vestigiis hic insistere nobis liceat, cum meliora vix afferri, quam ipse nobis propinavit recensenda, possint.

Posteaquam per primam libri sui partem, eel. Anglus, de pædobaptismi usu antiquissimo testimonia sua clare firmiterque proposuerat, continuat nunc suam atque illustrat historiam, de baptismo infantum, per capita secundæ partis singula. Omnia, quæ hic occurrunt, ita sunt comparata, ut facili negotio exinde cognoscatur, quinam fontes sint aperiendi, quisque modus sit eligendus, ad diiudicanda ea omnia, quæ in hanc rem præpostere atque intempestive, nec minus

- Pag. 2. tamen confidenter, proferri solent. *Primum* itaque Caput lectores sedulo monet, ut caveant sibi, ne nubem pro Iunone arripiant. Multa enim, quæ diligentissime *Walli* diligentia excussit, occurrunt testimonia veterum autorum spuria, seu male tractata, atque sinistre exposita, & illa in primis, quæ adulatorum baptismum, utpote illis temporibus, ex quotidianis profelytorum accessionibus, frequentiore, crebrius attingunt atque enarrant, quam baptismum parvulorum, de quo eadem testimonia nihil quidquam vel adfirmant, vel negant. In quinque fere classes spuria hæc & subleste fidei, ex *Walli* sententia, possunt dispesci testimonia. Sunt enim alia horum locorum ex spuris libris, quos recentior ætas
4. confinxit, petita: alia ad rem præsentem plane non faciunt:
 8. alia vim mutationemque insulorum hominum sunt experta: alia modo falsis nituntur conclusionibus, perperam ex ver-
 12. bis auctorum deductis, & subdole pro verbis auctorum propositis: alia denique loca plane sunt falsa, ab impugnatoribus pædobaptismi excitata; cuius generis exempla hic plane non desunt. In Capite secundo de doctorum recentioris ætatis virorum opinionibus curate agitur, tum affirmantium, tum negantium, infantes olim fuisse baptizatos. Communis hic a *Wallo* pædobaptismi usus conceditur, in quo omnes fere consentiunt. Pauci admodum sunt, existimantes, vel nullum initio fuisse pædobaptismum, vel indifferentem illum
 16. fuisse habitum. Hinc nominatim hic excitantur testimonia, *Walafridi Strabonis*, *Ludovici Vivis*, *Stephani Curcellæi*, *Nicolai Rigaltii*, *Jeremie Tayloris*, episcopi, qui & ipse omnia contra pædobaptismum a se prolata argumenta solidissime dissolvit, porro *Thomæ Barlovii*, episcopi Lincolnensis,
 - +3. *Iacobi Billii*, & *Claudii Salmasii*. Ad *Hugonem* deinde *Grotium* Auctor descendit, existimans, primum illum fuisse, qui de pædobaptismo indifferente olim peroraverit. Hanc opinionem etiam *Taylorius* præsul fovit. Reliquorum quæ fuerit sententia, ipsi lectores in *Walli* libro legent. Ad finem huius capitis doctissimus Anglus monet, recentiorum eruditorum, qui parvulorum baptismum, vel nullum fuisse

fuisse initio, vel certe non universalem fuisse, opinantur, ple- Pag. 58.
rosque exemplis quorundam veterum esse inductos, qui, etsi pa-
rentibus editi christianis, nequaquam tamen baptizati in infantia,
dicuntur. Ex hoc factum est, ut *Wallus* e re sua fore existi- 59.
maret, si coniungeret cum his exempla eorum, qui parentibus
nati christianis, tamen adulta demum ætate baptizati, fuisse
perhibentur. Diligentissime hic capite *tertio Wallus* rem
suam tractat, de singulis personis inquirens, ut nervus
omnis argumenti inde deducti corroboretur, & in eo subsistens,
an essent baptizati adultioris ætatis, & certo quidem anti-
quitatis testimonio? Si fuerint, utrumne parentes habuerint,
quum nascerentur, iam baptizatos, an alienos adhuc a fide,
vel catechumenos saltem. Larga hic exemplorum messis
adest: ex quibus tamen unicus, si quis omnino, *Gregoriū*
Theologi pater est, qui, licet baptizatus, tamen liberorum suo-
rum baptismum distulisse videtur; cum ceteros omnes, vel pa-
rentibus baptizatis editos, vel baptizatos ipsos adulta iam ætate,
aut manifesto falsum, aut alterutrum certe temere, nullaque
veterum auctoritate idonea affirmari, exploratum sit. In
Sectiones duodecim hoc Caput, ob argumenti commodiorem
usum, est divisum. Inscribuntur hæc: de Constantino, eius-
que filio Constantio, qui non fuerunt nati baptizatis paren-
tibus: De Gratiano & Valentiniano II. cuius utriusque pa- 82.
trem baptizatum christianum fuisse, nativitatis ipsorum tem-
pore, probari nequit: De Theodosio I: De Basilio, quem 91.
baptizatum in infantia non fuisse, probari nequit: De Grego- 94.
rio Nazianzeno, quem in infantia baptizatum fuisse, a vero 102.
non abhorret, licet baptizatis parentibus natus videatur: De 120.
Nectario: De S. Chrysostomo, cuius parentes, quum nasce-
retur, a sacris christianis alieni fuisse videntur: De S. Am- 128.
brobio, cuius parentes christianos, dum nasceretur, fuisse,
nusquam relatum legitur: De S. Hieronymo, quem in infantia 134.
baptizatum non fuisse, argumenta nulla sunt, quibus doceri
possit: De S. Augustino, cuius pater, gentium profanarum 147.
superstitioni, quum nasceretur, & longo tempore post, fuit
deditus. Denique de Monica, Adeodato, Alypio, aliisque 153.
non.

- nonnullis agitur, quorum exemplum nullum ad rem præ-
- Pag. 159. sentem facit. *Quartum* Caput de Britonum veterum ecclesia, & de sectis nonnullis, Novatianorum scilicet ac Donatistarum, agit, quos antipædobaptistas fuisse aliqui opinantur. In eo hic *Wallus* occupatus est, ut evincat, hæreticos hos non fuisse anabaptistarum & antipædobaptistarum primipilos; nec probari posse, illos infantibus baptismum negasse, sed longe aliis ex rationibus eo nomine fuisse illos insigni-
167. tos. Perbreve hoc caput sequitur *quintum*, de hæreticis quibusdam, omnem qui aqua peragitur baptismum inficiantibus, atque diversis vicibus eundem hominem baptizantibus, exponens, ubi etiam attingitur controversia de baptismo iterando in ecclesia catholica, & de Paullianistis, quos denuo baptizari, si in ecclesiam transirevellent, Nicæni patres præ-
184. ceperunt; eos ut ulciscantur, hodierni Paullianistæ, tritheismum illis impingunt; sed ostenditur, falsam esse accusationem eam. Quod etsi alienum ab hoc loco videri possit, tamen nec frustra, nec temere ita fuisse factum, docebunt ea, quæ
187. *Wallus* de Socinianorum molitionibus enarrat. Nec super-
201. vacaneum est, nostros homines monere de illis rebus, cum multi, parum de præcis coetuum christianorum doctoribus, de ingenio autem suo critico, nimium sentiant, atque adeo de illorum nævis, seu veris illis, seu fictis, nimis confidenter progunt. Sed redeamus ad coeptum laborem. Ad baptismum parvulorum, ex antiquitate christiana confirmandum, haud parum refert constans veterum, de baptismi
216. ad salutem consequendam necessitate, sententia. Doctissimus Anglus, in capite *sexto*, firmat sententiam suam generali illo sanctissimi sospitatoris nostri effato, de regeneratione per aquam & spiritum, nisi quis renatus, &c. *Ioh. III.* pronuntiatio. Quod qui in alienam sententiam interpretari, recentioribus demum sæculis conati sunt, haud contemnendam pædobaptismum impugnantibus gratiam fecerunt. Ostendit hac oc-
218. casione doctissimus *Schlosserus*, frustra in eo elaborasse *Lampium*, ut binorum patrum antiquissimorum, de huius oraculi sententia consensum, dubium efficeret. Atque utinam, scribit

bit Noster, ipsi secum animo reputare ac perpendere velint. ii, qui in hac re veterum vestigia deferunt, num credibile sit, usque adeo veram illius oraculi sententiam antiquioribus omnibus periiisse ecclesiæ doctoribus, ut, cum vix alio frequentius uterentur, nullum eius in scriptis eorum vestigium deprehendere liceat? aut num usque adeo veri rectique negligentes fuisse videri possint, ut, quid illud demum rei sit, sine quo coeleste Dei regnum quemquam ingredi posse, Christus Pag. 221. cum solemniori adfervatione negaverit, si quis dubitandi locus fuisset, diligentius sibi perquirendum esse non cogitarent? Mira res sane est, ne Pelagianos quidem, cum hoc eodem oraculo premerentur, de veriori aliqua, & antiquiori, si quæ fuisset, interpretatione, quidquam suspicatos fuisse; nec quemquam eorum, qui procrastinantes baptismum suum illo urgerentur, de occupanda eiusmodi obiectione unquam sollicitum fuisse. Necessitatem denique parvulos baptizandi quod agno- 240. sq. verint omnes, docent ea, quæ de statu infantum, qui baptismi 154. sq. expertes e vita discesserint, varie disputata hic recensentur, & aperte declarant rerum intelligentibus, plures fuisse, qui nimium, quam qui iusto minus eidem tribuerent: id quod doctissimus *Wallus*, in hoc capite, usque ad tempora repurgationis sacrorum, apprime docuit. Huius rei 281. historiam Auctornectere pergit capite septimo, ubi docet, quis fuerit status huius instituti baptismatis inde ab anno quadringentesimo, usque ad exortum Antipædobaptistarum in Germania. Occurrit hic negati vel improbatum infantum baptismi vestigium nullum, quod quidem certum atque exploratum sit, inde a quinti sæculi initio, usque ad modo dictum Anabaptistarum exortum furorem. Ostenditur hic præclare, 288. *Hincmarum Laudunensem*, *Brunonem Andegavensem*, *Berengarium*, *Waldenses* item & *Albigenses*, frustra hic allegari: nisi quod *Wallus* adversariis pædobaptismi largiatur, *Petrum Bruisum*, & *Henricum*, cum sectatoribus, prima antipædobaptismi fundamenta iecisse. Contendit vero summe 327. venerabilis *Schlosserus*, etiam hic dubitandi locum superesse. 333. In *o. iayo* Capite Anglus doct. ff. ad præsentem huius contro-

versæ statum enarrandum procedit, atque demonstrat primo, in omnium per Europam, Asiam, atque Africam nationum Christianis coetibus, baptizandi infantes consuetudinem vigere; ne *Georgianis* quidem exceptis Christianis, quorum baptizandi ritum, deplorandæ religionis ipsorum status specimen, ex Chardino descriptum sistit. Pariter *Abasseni*, ut certo constat, baptizandi ritum in parvulis adhibent. Post ea describit brevibus, Auctor, historiam Anabaptistarum in Germania & Belgio, in Anglia, in Polonia, Bohemia, Moravia, Hungaria, & Transylvania. De Angliæ inprimis Antipædo-

Pag. 341. baptistis vix lectores nostri curiosi plura desiderabunt, si *Walli* observatis in posterum ea accedant, quæ vir clarissimus, iudice *Schlossero*, *Alberti*, in epistolarum suarum parte quarta, de statu religionis & literarum in Anglia hodierno, germanice editarum, expectari iussit. In Capite nono consultum visum fuit *Wallo*, antiquissimos baptismi ritus exponere, ubi in primis historia immersionis baptismalis recensetur, 468. primis iam Apostolorum temporibus exortæ, atque per plura secula continuatæ, tandemque in occidentalibus ecclesiis, quarum postrema Anglica hic statuitur, cum affusione, 480. seu aspersione, commutatæ. Post hæc *Wallus* professionibus, cum actu baptismali coniunctis, & veterum symbolorum historię, plurimum operæ impendit; ad calcem denique capituli, de eucharistia, olim infantibus baptizatis exhiberi solita, nonnulla præcipit, ita tamen, ut *Wallus*, quantum ad libellum *Zornii* hac de re conscriptum attinet, excusatione 582. *Schlosseri* nostri dignus omnino visus fuerit. Caput decimum 587. continet summam & recapitulationem, quam dicunt, omnium 620. argumentorum, in utramque partem allatorum. Tandem, colophonis instar, *Wallus*, in capite undecimo, eodemque ultimo, dehortationem addit, ne scilicet, ob dissensum de ætate seu tempore baptismi recipiendi, secessio in ecclesia fiat. Iudicat ecl. *Schlosserus*, *Wallum*, de momento huius controversiæ, minus aliquanto quam par est sentire. Poterunt hoc pacto palliari interdum, quæ sanari malleamus, ecclesiæ vulnera. Neque tamen apparere, idem addit, quo pacto

paſſo vel non baptizati, ab his, qui baptizandos, ex Chriſti inſtituto, infantes eſſe, ratum firmumque habent; vel a negantibus, qui tincti ſacro lavacro in infantia fuerint, atque adeo, ex ipſorum ſententia, veri baptiſmi expertes ſunt, in veris corporis illius myſtici membris cenſeri poſſint.

Ceterum, celeberrimi *Schloſſeri* eadem, quæ in priori parte adhibita fuit, ſpectatur induſtria, ſive ad doctiſſimas animadverſiones, ſive ad dextram converſionem Angli reſpicias, ſive ea contemplari velis, quæ ad *Galeum*, & *Jacobum Bernardum*, doctiſſimos *Walli* adverſarios, pertinent. Summas republica literaria *Schloſſero*, venerabili omnino nomini, iam pridem decreverat gratias, de egregio hoc, cum doctis viris, in docta lingua, communicato opere, literario & chriſtiano coetui purioris familiæ utiliſſimo: habetque adhuc, quando viri ingenio & doctrina præſtantis ſibi hodie nonniſi deſiderium, (obiit enim A. MDCCLIV,) videt ſuper-eſſe.

10. TOBIÆ KREBSII OBSERVATIONES IN NOVUM Teſtamentum & Flavio Joſepho.

Lipſiæ, apud Ioan. Wendlerum. 1755. 8.

Alph. 1. plag. 6.

Auget Cl. Auſtor, qui lyceo Grimenſi cum laude præeſt, eorum numerum, qui ad novi foederis libros ſacros exponendos illuſtrandosque, ſymbolas ſuas contulerunt, utilem ſe rem præſtituros ex vero rati. Horum nonnullos, debitam iſtius rei cognitionem numquam aſſecutos, impedimenti obſcuritatisque plus, quam adiumenti & lucis, ad interpretationem & illuſtationem ſacrorum voluminum attuliſſe pronuntiat. Præprimis illos hoc effato iudiciali damnat, qui obſcuris N. T. locis, ex poetis, paulo audaciori dicendi genere uſis, lucem accendere inſtituerunt; non cogitantes, quod ſcriptores ab ipſis conſerantur inter ſe ac conparentur, dicendi genere quam maxime a ſe diſcrepantes. *Pſochenius* hic præſertim, imo & *Stolbergius* atque *Elſnerus*, vapulant Auſtori, longo verborum ſymate labores eorundem diiudicanti; eo, uti addit ipſe, conſilio, ut iuven-

nes

nes harum literarum studiosi, contra talem illustrandi N. T. ex poetis græcis rationem, minus sapienter accurateque institutam, mature præmunirentur. Omnium optimam & maxime probandam is iudicat N. T. e scriptoribus græcis veteribus, qui puro ac populari perspicuoque dicendi genere usi sunt, illustrandi rationem. Ex his *Iosephum* inprimis commendat adeundum, quippe qui serius, ac scriptores sacri, opera sua scribere aggressus sit, & dicendi scribendive generi, quale in N. T. deprehenditur, simillimus videatur. In hoc quidem labore desudasse constat *Io. Baptistam Ottium*, virum variis virorum doctorum, huiusque fori peritorum laudibus mactatum. Perpauca autem esse, quæ is exhibuit, *Krebsius* nos credere iubet; adeo, ut nullum fuisse pronuntiet, qui ad illustrationem N. T. *Iosepho* usus fuerit. quod quidem iudicium, quin turgidum iusto magis putemus, parum abest. Mirum autem inprimis & hoc nobis visum est, quod nec ea occasione in præloquio, nec in ipso suo opere, usquam meminit Auctor duplicis & linatissimæ opellæ, quam celeberrimus academix Helmstadiensis theologus, *Io. Benedictus Carpzovius*, ante aliquot annos foras dedit. Nec enim Viri huius latere ipsum potuerunt *Lectio-num Flavianarum stricture*, harumque Læctionum mox secutæ *vindictæ*: quo utroque opusculo academico salivam eruditæ inovit vir hic doctissimus, opus similis argumenti maius aliquod, a *Carpzoviana* musa adornatum, excolandi. Nec sine felicissimo successu magnum hunc philologum exempli instar intueri potuisset et *Krebsius*, felicem acturus N. T. interpretem Flavianum. Prius interim hoc est curarum Flavianarum specimen seu volumen, cui accedet posterius, si hoc se eruditæ probaverit. In liturariis enim suis, uti ipse in fine præfaminis latere lectorem noluit, eam congestam esse testatur silvam observationum Flavianarum, ut, si omnes hoc

Pag. 1. libello comprehendendæ fuissent, altero is tanto maior factus fuisset. Sub initium operis, ad *Matth. I. 17.* illico *Wolffium*, summum quondam polyhistorum & criticum Hamburgensem, cui quidem in opere toto contradicendi nullam occasionem prætermittit, sumit sibi redarguendum, qui vocis *yeveās* significatum

ficatum ex *Homero* talem, si *Krebsio* credimus, protulerit, qualem, qui *Homerum* ipse inspicit, haudquaquam in eodem deprehendat. Respondet autem *γενεα* Hebraeæ voci *דור*, quam vulgo male cum *vulgato* reddunt *generationes*, confundentes *γενεαν* & *γενεάν*. Hoc scilicet loco, ut & alibi in sacris literis, *γενεα* est *spatium*, quod duas sibi invicem succedentes natiuitates interinet, sive ille *successionis* ordo, quo alius ex alio nascitur. Latini *aetatem* vocant. Vid. *Isaacus Vossius* in *castigat. Hornii cap. IV.* Apud *Iosephum* eodem significato gaudere vocem istam, Auctor exemplis probat, ex *Antiquit. Lib. VII. Cap. 5. §. 2. Lib. V. Cap. 9. §. 4. & Lib. VII. Pag. 8. Cap. 6. §. 6.* depromptis. De verbo *ἐξομολογεῖσθαι*, *Matth. III. 6.* obvio, *Iensius* in *serculo literario*, pag. 10 seq. observat, illud non alibi fere, quam apud *Scriptores sacros* occurrere: hoc mirum esse notat Auctor in viro græce doctissimo, (at ab ipso tamen multoties perstricto,) quoniam *Demosthenis* & *Philonis* auctoritas contrarium probet. *Iosephum* vero imprimis, locupletissimum vocis huius auctorem, in partes vocat, qui *Lib. VIII. Antiqu. Cap. 4. §. 6. ἐξομολογεῖσθαι τὰς ἀμαρτίας αὐτῶν*, itemque *Lib. XVI. Cap. 5. §. 4.* nec non *de Bello Iud. Lib. I. Cap. 30. §. 2.* alibique eadem voce utitur. Disputat simul hoc loco contra *Iensilocum* in *serculo liter. p. 9.* aliosque, præpositioni *ἐξ*, verbo *ἐξομολογεῖσθαι* iunctæ, vim emphasinque singularem tribuentes, quasi *ἐξομολογεῖσθαι* plus significet, quam simplex *ἐμολογεῖσθαι*. In uniuersum enim notari iubet vir doctus, sæpissime in verbis compositis præpositionis vim nullam plane esse, lapsosque viros multos doctissimos, dum emphasin in præpositionibus, verbis iunctis, quæsiuerint, atque adeo in interpretando a vero aberraverint. ProvoCAT ad *Iosephum*, ubi e. gr. *Lib. XVIII. Antiqu. Cap. VI. §. 9. ἐισηγεῖσθαι* pro simplici *ἡγεῖσθαι*: *Lib. XIX. Cap. 1. §. 5. διαφέρειν* pro *φέρειν*: & *Cap. 2. §. 4. ἐξηγεῖσθαι* pro *ἡγεῖσθαι* adhibitum sit. De præpositione *πρὸ*, verbis sine ulla vi iuncta, attulisse se exempla refert in *comment. suo ad Decret. Atheniens. pag. 75.* Sententiam de voce *περὺρον* *Matth. IV. 5.* communissimam, viris doctissimis,

inprimis *Oleario*, *Deylingio*, *Wolffio*, probatam, qui de *porticibus* templum circumdantibus intelligunt, variis premi difficultatibus iudicat cl. *Krebsius*. Primo enim valde dubitat, an uspiam apud Græcos *πτερύγιον* occurrat, ut *porticum prope aedes vel aedem exstructam* significet: cuius rei ab *Oleario*, *Deylingio*, aliisque istius explicationis defensoribus, allatum nullum sit exemplum. *Iosephum* autem, quando de porticibus istis loquitur, ne semel quidem voce *πτερύγης*, sed semper *σῶας* uti, addit. Deinde in aliam sententiam abire se propterea indicat, quod *Matthæus*, citato loco, in unitatis numero *πτερύγης* mentionem facit, templum vero Hierosolymitanum multis porticibus circumdatum fuerit.

- Pag. 13. Ipse ergo Auctor *πτερύγιον* pro *fastigio*, seu *superiori templi parte* accipit: de voce ea in genere observans, cuiuscunque rei *extremitatem* designare, variis id probantibus exemplis adductis; ex *Iosephi Lib. XV. Antiq. Cap. 11. §. 3.* id inprimis confirmans, ubi templum utraque parte depressius, medio vero editius fuisse narratur, & paulo post *τῆς ἀκμῆς* sive *verticis templi* mentio fit. Aditum quidem ad summmitatem templi nuspiam patuisse, *Olearius* putavit; ut adeo per aerem Servatorem a Satana raptum, & in istum locum translatum esse, debeat supponi. Sed respondet *Krebsius*, monumentorum haud adesse fidem, imo ex *Iosepho Lib. VIII. Antiqu. Cap. 3. §. 2.* contrarium ostendi posse. *Matth. XXVII. 24.* obvia locutio: *ἀθῶς ἐμὲ ἀπὸ τῆς ἀμαρτίας*, mere hebraica doctissimo Auctori audit, *Wolffium*, *Vorsium*, aliosque refutanti criticos, qui hebraismi suspicione liberare phrasin illam studuerunt. Dubius tamen mox est, sibi que nondum satis liquere profitetur, Hebraismisne hæc loquendi ratio annumeranda sit, an ex eorum numero eximenda. Apud *Iosephum* enim, addit, voces *ἀθῶς*, *καθαρὸς*, & similes, modo *τὸ ἀπὸ* habere adiunctum, modo nude, modo ita esse positas, ut neque præpositionem, neque genitivum adiunctum habeant. Exempli in medium nonnulla attulit, quæ diversam huius vocis dicto modo usurpatæ rationem
93. produnt. *Marc. XIV. 72.* Petrus narratur *ἐπιβάλων* flevisse.

Inter

Inter multas virorum doctissimorum de verbo ἐπιβαλὼν sententias, a celeb. *Wolffio* enarratas, unice vera Auctori nostro illa videtur, secundum quam ἐπιβαλὼν redditur: *capite aperto, veste capiti iniecta*, duplici nomine commendabilis, ac recipienda; α) quia luctui Petri optime convenit; β) quoniam linguae rationi prae reliquis congrua dicenda. Constat enim, illos, qui in gravi luctu versarentur, *capite aperto* flevisse, prouti a *Iosepho Lib. VII. Antiqu. Cap. 10. §. 5.* David rex, Absalomi mortem deplorans, tanquam κατακαλυψάμενος representatur. Quod ad linguae genium attinet, viris doctis, monente *Krehfio*, observatum fuit, in voce ἐπιβαλὼν ellipsin adesse, per τὸ ἰμάτιον supplendam, in *Iosepho* pariter obviam, cui e. g. *Lib. IX. Antiqu. Cap. VII. §. 3.* Gotholia περιβέηζαμένη καὶ δεινὸν ἀνακραύζουσα, vestem suam discindens ἔσ' valde clamans, audit, ubi in τῷ περιβέηζαμένη omissa vox est ἐδήτα, alibi, v. c. *Lib. X. Cap. 4. §. 2.* a *Iosepho* addita. Ultima verba loci *Luc. II. 19. συμ-* Pag. 103. *βάλλουσα ἐν τῇ καρδίᾳ αὐτῆς*, ex linguae ratione reddere Auctor doctissimus iubet: *sensum ἔσ' vim* horum verborum *mente probe affecta*: quam interpretationem, ab *Elmnero* primum prolatam, sexcentis postea exemplis a *Io. Alberti* in *observationibus philol. pag. 189. seqq.* confirmatam esse dicit. Placuit ipsi, unum atque alterum istis exemplis adiicere ex *Iosepho*: e. c. quando is *Lib. II. Antiqu. Cap. 6. §. 3.* de *Iosepho*, somnium praefecti pistoris regis interpretaturo, ita: ὁ δὲ *Ἰωσήφος* συμβάλων τῷ λογισμῷ τὸ ὄναρ. *Iosephus* autem mente affectus, quo id somnium spectaret; nec non *Cap. 2. §. 3.* de *Iacobo*, *Iosephi* somnium interpretante: τὴν γὰρ πρόβησιν αὐτῆ τῇ διανοίᾳ συλλαβὼν, eius enim praesagium mente probe affectus erat. Vox ἀναγνώσκων, *Luc. IV. 16.* usurpata, 115. tum ibi, tum aliis in locis, non solum praelegere, sed etiam ῥῆσιν praelectam interpretari, observante Auctore, denotat. Hae notione, ἀναγνώσκων apud *Iosephum* docet *Lib. XI. Ant. Cap. 5. §. 1.* occurrere, ubi Artaxerxes in literis ad *Esdram*, qui paulo ante τῶν Μουσέως νόμων ἰκανῶς ἐμπειρος ὢν dicitur, scriptis, ita: Βασιλεὺς βασιλείων Ἐξέρξης Εσδραῖ ἱερεῖ, καὶ ἀνα-

propria dici possunt, v. c. *terram Canaan, urbem Hierosolymitanam*, &c. intelligant, subtiliter magis & ingeniose, quam vere & accurate interpretari, clar. *Krebsius* pronuntiat; Auctore *Iosepho* docere gestiens, cum τὰ ἰδιὰ & οἰκίαν, tum τὰς ἰδίους & οἰκίας esse, ipse quod esse dixit. Primo ostendit, τὰ ἰδιὰ & τὰ οἰκίαν unum idemque significare, ex *Lib. VI. Antiqu. Cap. 13. §. 9.* ubi ἀναχωρεῖν ἐπὶ τὰ οἰκία, domum suam sive in patriam reverti est, quod *Lib. VIII. Cap. 15. §. 4.* per ἀναστρέφειν εἰς τὰ ἰδιὰ exprimitur. Adduntur loca alia, e. g. *Lib. V. Antiqu. Cap. 1. §. 2. Lib. VIII. Cap. 6, §. 6. Cap. 15. §. 6. & Lib. IX. Cap. 3. §. 2.* Commodissime ergo, & linguae rationi convenientissime, Christus venisse, nōtante Auctore, dicitur εἰς τὰ ἰδιὰ, h. e. in *Judaeam*, tanquam patriam suam: οἱ ἰδιοὶ autem *Judaei* sunt, *Judaeam* inhabitantes, gentilitatis adeo iure cum Christo coniuncti. Quemadmodum autem hic *Judaei* appellantur οἱ ἰδιοὶ τῷ χρῆσθ; ita οἱ οἰκῖοι apud *Iosephum* saepius dicuntur, qui eiusdem gentis sunt, v. c. *Lib. II. Ant. Cap. 12. §. 2. & 4.* itemque *Cap. 13. §. 2.* ubi *Hebræi* sunt οἰκῖοι *Mosis*, hoc est, ex eadem, qua *Moses*, gente oriundi. Commemorantur deinceps *Sad-* Pag. 177.
ducae ad *Aëtior. V. 17.* ira in *Apostolos* exacerbati, severitatemque exerceri iubentes. Causam eius rei fuisse Auctor doctissimus refert, quod *Sadducei*, præ ceteris *Judæis*, severissimi fuerint, & in poenis infligendis acerbissimi; id quod etiam ex *Cap. IV. 1.* pateat, ubi *Sadducei*, una cum sacerdotibus & præfecto templi, *Apostolos* oppressisse narrantur. De hac *Sadducæorum* severitate atque acerbitate *Iosephum* Auctor citat *Lib. XX. Ant. Cap. 9. §. 1.* disertis verbis agentem, imo & *Sadducæorum* erga se ipsos acerbiter *Lib. II. de B. I. Cap. 8. §. 14.* perstringentem. *Pharisæos* contra mitioris fuisse ingenii, addit, & in puniendis reis leniores; quod tum ex *Aët. V. 34.* tum ex *Iosepho Lib. XIII. Ant. Cap. X. §. 6.* patere putat. Sed vero *Pharisæos* si consideramus erga Servatorem numquam non fuisse crudelissimos, vix a nobis, ut cl. Auctori assurgamus atque plane assentiamur, impetrare possumus. Accedit, quod *Iosephus*, uti non dissimulat vir doctus, ipse

Phariseus, de secta sua honorifice iudicans, clementiamque sæpe suorum prædicans, vix videtur esse testis hanc in rem fide dignus. Ab unico autem Gamalielis exemplo, *Act. V. 34.* commemorato, ad ceterorum omnium similem lenitatem non videtur nobis tuto concludi posse. Allata hæc a nobis in medium specimina curarum *Krebsianarum* sufficere putamus, ut Lectoribus de laudabili viri docti conatu, iuvandi res sacras philologicas, & forum hisce dicatum pro virili orandi, constet. Neque minus prædare merebitur V. Cl. de theologia exegetica, si alterum pariter huius laboris utilissimi volumen cum orbe docto communicaverit. Magis tamen multorum desideriis satisfacturum cum persuasi sumus, si in partes suas & aliorum nostri ævi philologorum præstantissimorum labores philologicos atque exegeticos nonnunquam vocaverit. Hoc cur priore Tòmo operis sui, cetera eximii, facere neglexit, neque est huius loci, neque omnino nostrum, divinare.

D. FELICIS NERINII, ABBATIS HIERONYMIANI, de templo & coenobio Sanctòrum, Bonifacii & Alexii, hìstorica monumenta.

Romæ, ex typographia Apollinea, apud heredes Io. Laurentii Barbiellini, in foro Pasquini, Præsidum Facultate. 1752. 4. mai.

Alph. 3. plag. 11. cum variis figuris & iconibus.

Ut primæ templorum & sacròrum conventuum locorum origines pervestigetur, multa cum utilitate coniunctum esse, nemo negaverit: sed prudentiæ est, in diiudicandis litteris & scriptis antiquis circumspecte iudicare, quid rei naturæ, quid temporì, aliisve *περιόδοις* conveniat. Immensum laborem Vener. Auctorem, in documentis, situ & squalore obsitis, conquirendis, transcribendis, disponendis, impendisse facile largimur: sed num omnia illa ad iudicii acrioris trutinam exegerit, ii viderint, quibus eadem accuratius rimari volupe fuerit. Nobis, fate-

fatemur enim, variae de miraculis, adparitionibus, somniis extraordinariis, narrationes, ad palatum non fuere. Sed hæc generatim dicta fufficiant: ad recensitionem operis, cuius prima tantum pars nunc exhibetur, nos convertimus, potius per transennam adspecturi. Dedicatum est Eminentissimo nuper Purpurato, *Angelo Mariae Quirino*, cuius etiam effigies præmittitur, qui templum Alexianum splendide exædificandum curavit, cuius præterea munificentiam in alias ædes sacras multis laudibus A. extollit. Speciatim memorat signa marmorea, quibus templum Romano-catholicum ornari voluit, *quod Berolini*, verba sunt Auctoris, *a solo faciendum curatur, ut in tantis superstitionis tenebris adfulgeat quasi caeleste aliquod lumen.* Hoc unum sc. deerat maiestati urbis. Cap. I. determinatur situs templi & coenobii in monte Aventino: qui locus quondam bonæ deæ sacer fuisse quibusdam censetur; alii armilustrium ibidem statuunt; alii Herculi Victori sacrum faciunt; alii denique templum Minervæ, aut Dianæ, ibidem fuisse arbitratur. Posteriori sententiæ accedit Noster, cumque in finem fragmentum deæ Etruscorum, e ruderibus veteris coenobii non ita pridem erutum, & æheum eiusdem simulacrum, aeri incisum, exhibet. Cap. II. Pag. 1-7. inquit in primum initium templi S. *Bonifacii* martyris, quod Sæc. III. exeunte, vel IV. ineunte conditum fuisse suspicatur. Acta Bonifacii, qui Tarfi capite fuerit truncatus, corpore ipsius Romam relato, in cuius gratiam Aglaë, femina nobilis Romana, templum in Aventino monte condendum curavit, genuina esse nullus fere dubitat. Sub finem cap. disputat contra Hospinianum, Ottium, alios, existimantes, Christianis, ante pacem a Constantino datam, publica templorum ædificia fuisse nulla; dein contra Pagium probat, a. 290. Bonifacium violenta morte peremptum, templum vero ei a. 305. dedicatum esse. Cap. III. ostenditur, circa initium Sæc. V. pontifice Inno- 8-18. centio I. corpus Alexii, Eufemiani senatoris filii, ad templum hoc delatum fuisse, unde eidem & Alexii nomen adhæserit. Obiicientes, translationis huius ab antiquioribus mentionem fieri nullam, imo ne nomen quidem Alexii: ante Sæc. VIII. occurrere, ad perpetuam traditionem, & cultum ei iam ante id tem-

- Pag. 19-29. tempus exhibitum, ablegat. Pergit Cap. IV. ad initia coenobii, quodiam Sæc. V. in ædibus Eusebiani Senatoris, quas solemni
 30-35. formula legaverat, fuisse comicit. Cap. V. tabulas donationis Eusebiani genuinas esse, ex stili forma, scriptis coævis consona, itemque argumento, firmare satagit. Cap. VI. enarrat statum templi & coenobii Sæc. VIII. ostendens, illud etiam ante id tempus *diaconiae* titulo gavisum esse, ad quam ab omni tempore se exteri plures, & inter illos viri conspicue dignitatis,
 45-53. receperint. Templum hoc Sæc. IX. instauratum, ac ita ampliatum esse, ut ab illo tempore *basilica* adpellari meruerit,
 54-67. iconibus expressis A. docet c. VII. A. 977. Benedictus VII. *Sergium*, Damascenum episcopum, Turcarum tyrannidem fugientem, benigne excepit, eique templum & coenobium Bonifacii & Alexii colendum dedit: hic illud in splendidiorem redegit formam, in eoque monachos collocavit, quorum alii Græci, latini alii cum essent, illis regula Basilii, his Benedicti est præscripta, quod traditur Cap. VIII. Videntur autem monachi Benedictini illud soli, iam inde ab exeunte Sæc. X. aut XI. ineunte, retinuisse: quod a tempore *Sergii*, cum primis *Leonis* abbatis, illius successoris, magnam consecutum est celebritatem, ita ut inter 20. abbatias Romanas, quartus, imo suo
 73-76. modo primus locus, eidem sit datus. Cap. IX. A. agit de coenobii abbatibus & viris illustribus Sæc. X. quorum quatuor ex Græcis, totidem ex Latinis nominantur. Græci sunt; *Gregorius Abbas*, *Pater Nilus*, *Ioannes Bonus*, & *Simplex Stratus*; Latini: *Ioannes Sapiens*, *Theodorus Silens*, *Ioannes Innocentius*, & *Leo Simplex*. Hos omnes Baronius abbates putat: verum probabile non est, uni monasterio, eodem tempore, octo præpositos fuisse abbates; accedit, quod ex octo illis non nisi
 77-80. uni Gregorio abbatis nomen tribuitur. Recenset hinc monachos, qui Sæc. X. coenobium illustrarunt. Primus est §. 1. *Sergius Damascenus*, qui si non Auctor illius, certe restitutor fuit, atque, uti ex epitaphio adparet, a. 981. decessit. Alter §. 2. *Crescentius*, qui cum antea præpotens dux Romanus esset, ad vitam religiosam agendam coenobium hoc est ingressus a. 972, & denatus d. 7. Iul. a. 984.
 Eum,

Eum, a *Luitprando*, & post hunc a *Baronio*, ac aliis, ob impuros natales, & parricidium in Benedictum VI. admis-
sum, turpi omnino labe notatum, strenue vindicat doctissimus
Auctor. Tertius §. 3. *Leo*, qui Sergio successit, a. 981. Pag. 83-91.
mortuo. Hunc a. 995. Ioannes XV. ad diiudicandam cau-
sam *Arnulphi*, Rhemensis episcopi, adversus Gerbertum in
Gallias miserat; inde rediens ad a. 999. monasterio præsuit.
Quartus §. 4. *S. Adalbertus*, qui cum a. 983. archiepiscopus 91-98.
Pragensis consecratus esset, 5. annis in munere hoc exactis,
illo se exiit, ac Romam contendit, nomen apud Leonem ab-
batem inter Monachos a. 990. professus. Quinque annis
elapsis, iussu Ioannis XI. Pragensibus redditur. Verum cum
Bohemi, promissorum obliti, in pristina pervicacia persevera-
rent, rursus inde discessit, & primum quidem ad Hungaros
concessisse, ac regem Stephanum sacro fonte abluisse, dicitur;
inde a 995. ad monasterium Bonifacii iterum se recepisse.
Leo abbas tanta virum prosequabatur veneratione, ut, dum
ipse abesset, toti illum sodalitati præficeret, cui & magno fuit
usui, & decori. Sed iterum ad Pragenses regredi est co-
actus, quos cum æque duos ac ante animadverteret, in Bo-
russiam, ad doctrinam Christi paganis instillandam, abiit,
ibique fustibus cæsus, hastisque est confossus IX. Cal. Maii
a. 997. Eius ossa, a barbaris redempta, Boleslaus, dux Polo-
niæ, Gnesnæ honorifice condidisse fertur. Quintus §. 5. 99-III.
S. Gaudentius, Adalberti frater, quocum se in monasterio di-
cto abdidit, & cum quo in Borussiam postea secessit, neutiquam
cum fratre, uti quibusdam videtur, martyrio adfectus,
potius Gnesnensis episcopus constitutus. Sextus §. 6. Pater III-III6.
Nilus, qui ex Græcia Romam demigravit, & sub auspiciis
Gregorii abbatis, ad regulam S. Basilii vitam suam in coenobio
Alexiano instituit. Num idem sit cum *Nilo* abbate, qui
alias *iunior* dicitur, disputatur. Septimus §. 7. *Leo Simplex*, ab III6-121.
innocentiæ ac sanctitatis studio sic dictus, a Leone abbate
Alexiano distinguendus, non a Leone abbate Nonantulano.
In coenobio Alexiano diem supremum obiit, eiusdemque
obitum multa miracula consecuta fuisse fama circumfertur. 121-126.

Octavus §. 8. est *Anastafius*, cum quinque sociis, qui omnes, uti in coenobio Adalberto sociati fuerunt, ita cum eo, in secunda profectioe, in Bohemiam discesserunt. Cum his Breunoviae, apud Bohemos, cœnobium ad modum Alexiani struxit, eidemque Athanasium abbatem præfecit. Verum cum contra illos infideles insurgerent, Athanasius, qui & Austriacus dicitur, in Hungariam se contulit, ibidemque monasterium fundavit; reliqui numero quinque, ad Gaudentium in Poloniam commigrarunt; hic cum ab eo retineri non possent, in tugurio, a Gaudentio constructo, a latronibus, uno, cui nomen erat Barnabæ, superflite, sunt trucidati a. 1004. 2. id. Nov. Anastasius post episcopus Colocensis, inde Strigoniensis est factus. Superfuit ad annum usque 1007. Nonus

Pag. 126. §. 9. *Ioannes Canaparius*, nobilis Romanus, multique opibus

134. affluens, instituto Alexiano se adiunxit, sanctæ vitæ exercitatione se cunctis commendavit, immo & visionibus divinis celebris habetur, abbas monasterii, post obitum Leonis a. 1002. constitutus, e vivis excessit a. 1004. d. 12. Octobr.

134-146. Deinceps Cap. X. in scenam producuntur abbates & viri illustres, qui Sæc. XI. summo decori huic monasterio fuerunt. §. 1. *Adalbertus* abbas, ab Adalberto Pragenfi distinguendus. Hic se impudentia & libidine infamem reddidit, nonnisi ut series abbatum sibi constaret, nominatus.

147-153. tus. Ioanni Canapario a. 1004. successit. §. 2. *S. Bonifacius*, qui cum Ottone III. Augusto, cui adfinitate & amicitia iunctus erat, Romam venisse dicitur. Hic cum esset religione S. Bonifacii ductus, in illius familiam cooptari voluit, & cucullam induit. Miro flagrans martyrii desiderio, archiepiscopus a. 1000. initiatus, Russos, ut ad Christi sacra adduceret, adiit, ubi multis, ut aiunt, miraculis patris, capite est truncatus. §. 3. *Beatus Meinwercus*, Paderbornensis antistes, huc tantum refertur, quoniam Romæ versatus, miraculo facto, vovit, se cultum Alexii propagaturum esse: inde domum reversus, in eius honorem sacellum construxit, quod igne absumptum est a. 1670. *Henricus* igitur, Aldinghofensis abbas, aliud excitavit, quod triennio post, *Ferdinandus Fürstenbergius*,

Paderbor-

Paderbornensis præful, consecrav. §. 4. *Adilhelmus*, abbas coe-Pag. 159-
 nobii, qui tanta in divos suos, Bonifacium & Alexium, fiducia 163.
 ducebatur, ut ab iis se omnia consequi posse speraret; quæ
 spes non uno miraculo fulta fuisse narratur. §. 5. *Petrus*, 164-172.
 abbas, monasterio iamdum a. 1033. præfectus, interfuit con-
 cilio Romano, habito a. 1050. §. 6. *Gebizo*, abbas, mul- 173-178.
 tis virtutibus illustris, præfuit monasterio ab a. 1073. Sed a.
 1075. una cum Mauro, ad expedienda negotia ecclesiastica in
 varias urbes & loca missus, a. 1076. Salonæ in Dalmatia
 concilium habuit, eique præfuit; a. 1083. Gregorius VII.
 eum episcopum Cæsensem declaravit, atque in purpura-
 torum numerum adscivit. Cap. XI. nominantur abbates Sæc. 178-188.
 XII. & XIII. ad a. 1231. usque: *Placidus*, qui Gebizoni
 successit, *Ricardus*, *Petrus*, qui monasterium ad a. 1163.
 rexit. Ab hoc proximus fuit *Ioannes*, qui ab a. 1164.
 ad usque a. 1173. in ea statione fuisse videtur. *Be-*
neditus, quod iamdum a. 1193. præfectus monasterio fuit,
 & a. 1205. e vita discessisse censetur. Qui secuti sint ad a.
 1217. non liquet, quo ipso abbas fuit *Angelus*, cuius tem-
 pore corpora *Bonifacii* & *Alexii* sunt inventa, & solem-
 nis templi consecratio fuit peracta: *Nicolaus*, cuius men-
 tio fit a. 1224. & qui abbatis munus adhuc administras-
 se videtur a. 1231. Hi omnes familiæ Benedictinæ socii
 fuerunt; ab a. autem 1231. coenobii administrationem *Grego-*
rius IX. Præmonstratensibus canonicis credidit. Cap. XII. 189-200.
 declaratur lis, quæ de loco corporum S. Bonifacii & Alexii
 monachis Alexianis intentata est, a Vaticanæ basilicæ canoni-
 cis, & quo modo a. 1217. illorum corpora inventa, & lis in
 gratiam Alexianorum fuerit decisa. Cap. XIII. dedicatio sollem- 201-210.
 nis templi, ab Honorio III. a. 1217. d. 21. Mart. facta de-
 scribitur, quæ diem illum anniversaria religione sacrum esse vo-
 luit, 40. dierum indulgentiis ditatum. Consecratio altaris ma-
 ximi, repositis in illo reliquiis Bonifacii & Alexii, per pontifi-
 cem, aliorum per alios, est facta: hic, quæ in illis reliquiæ fuerint
 condite, designantur. Cap. XIV. A. 1218. anniversario conse- 210-215.
 crationis festo, sacellum, divo Thomæ Cantuariensi sacrum,
 est

- Pag. 216. est initiatum, cuius ichnographia, itemque imago S. Mariæ,
 223. Christum brachio gestantis, exhibetur. Cap. XV. repræsen-
 tatur diploma Honorii III. quo omnia bona huius templi &
 monasterii recensentur & confirmantur, quorum se protecto-
 rem proficitur: sed dolet Noster, illorum bonorum hodierno
 223. die vix umbram superesse. Cap. XVI. perhibetur, qua ratione
 239. templum & monasterium, iussu Gregorii IX, a Benedictinis ad
 canonicos Præmonstratenses, qui tum magna virtutis & pietatis
 240-245. laude floruerint, a. 1231. VIII. cal. Febr. transferint. Cap.
 XVII. abbates ex familia Præmonstratensium Sæc. XIII. & XIV.
 ab a. 1231. ad a. 1390. sistuntur. Sunt autem: *Angelus Pres-*
byter, Laurentius, Iacobus Humilis, Raynaldus, Ioannes, Ascanius,
Stephanus, Franciscus, sub quo insignis accessio, per donationem
Pandulphi, cuius persona describitur, est facta, *Hieronymus,*
Conradus, Ioannes, Matthæus, Guilielmus, Bartholomæus,
Petrus de Muscianis, Dominicus, vir doctus, qui postea ad
 episcopatum Iferniensem, inde Sueffarum, est erectus, denatus
 a. 1417. Horum partim obscura est fama, partim non alio
 nomine laudem sibi paraverunt, quam quoniam fundos &
 246-275. possessiones diligenter administrarunt. A. 1390. volente ita
 Bonifacio IX. monasterium in *commendam*, uti adpellant, est
 conversum, qui Pontifex etiam postea bona & possessiones, exi-
 guo stipendio vicario & nonnullis aliis relicto, Vaticanæ ec-
 clesiæ canonicis tribuit: quæ res tamen effectu caruit, quan-
 doquidem monasterii negotia, commendatoris nomine, ad an-
 276-281. num usque 1426. sunt administrata, quod ostenditur cap.
 XVIII. Abbates *commendatorii*, sive cardinales, quorum fidei
 coenobium Alexianum fuit commissum, Cap. XIX. nominantur
 sequentes: *Christophorus Maro*, qui annos 15. cum laude
 præfuit, decessit Romæ 1404: *Antonius Caietanus*, qui ob
 virtutem suam ad summas in ecclesia dignitates est erectus,
 mortuus Romæ d. 11. Ian. 1412: *Petrus Stephaneschi de*
Hannibaldis, vir multis meritis insignis, qui m. Oct. 1417.
 diem obiit: *Alphonfus Carillius*, vir magnæ existimationis, d.
 4 Mart. 1434. Basileæ, quo ad concilium celebrandum se
 contulerat, denatus, cuius cadaver in Hispaniam translatum,
 282-296. inque templo Oxunensi est conditum: *Alphonfus*, quod Cap.
 XX.

XX. memoratur, dolens, monasterium a Præmonstratensibus fere desertum esse, ut pristinum decus eidem restitueretur, cum per illam tempestatem *Lupus de Olmeto*, instaurator & fundator familiæ Hieronymianæ per Italiam, in magna existimatione esset, Martino V. auctor & suator exstitit, ut *Lupo* cura templi & coenobii crederetur. Annuit pontifex, & *Lupus* optionem accepit, cumque ordinis sui monachis sedem in illo fixit. Diem supremum obiit d. 3. April. 1433. in eoque est sepultus, cuius etiam effigies exhibetur. Abbates Hieronymiani, qui ab a. 1426. ad 1749. præfuerunt, ordine nominantur. Cap. XXI. epitaphia illorum, qui in Templo Alexiano sepulti sunt, leguntur, & ad intelligentiam eorum quædam adiiiciuntur. Adhæc imago *miraculosa virginis Mariæ, Petri Sabellii, & Ios. Bripii*, ob oculos ponuntur. Cap. XXII. proferuntur inscriptiones profanæ, quarum aliæ ab aliis iamdum editæ fuerunt, aliæ primum omnium communicantur, & quantum fieri potuit illustrantur. Finem faciunt inscriptiones, quæ in laudem eminent, nuper purpurati, *Angeli Mariæ Quirini*, qui se in templum & monasterium hoc munificum præbuit, sunt positæ. Subiiciuntur litteræ & diplomata, ad res templi & monasterii spectantia, numero LXXXII. ex tabulario coenobii depromta, & ordine chronologico disposita; quorum antiquissimum est Ottonis III. Augusti, datum a. 996. alia suis locis A. inspersit. Index nominum & rerum notabiliorum subiungitur; dein epistola carmine heroico conscripta, ad Auctorem directæ. Charta & typi ita sunt comparati, *ut oculos venustate alliciant.

PHYSICAE GENERALIS METHODO MATHEMATICA tractata, & in tres tomos distributa, TOMUS I. Auctore IO. BAPTISTA SCARELLA, Clerico regulari, ad usum congregationis Cleric. regular.

Brixia, 1754. 4. typis Io. Bapt. Bossini.
Alph. 2. plag. 12. cum 4. tab. æneis,

Cl. Auctor, excusso peripateticorum philosophiam & physicam tractandi iugo, plurium annorum studio ea in physicis collegit, quæ publico docendi muneri admotus, in schedas coniecerat, literisque consignaverat. Quæ in re duplicem sibi scopum præfigit; nempe, ut quæ super generalibus physicis legibus meditatus ipse est, in lucem edat, & deinceps aliorum inventa, per tot volumina hinc inde dispersa, colligat, in summam contrahat, sub examen revocet, & quæ ratione inter se systematis instar cohaereant, ostendat. In præsentī vero tomo, cum generalia physicæ capita præmittenda sint, non nisi maxime universalia tractat; methodo, quam appellant, mathematica, non severiore illa, a Geometris & ab illustri Wolsio in suis super universa philosophia doctissimis scriptis usurpata, sed in tantum eadem usus est, in quantum docet ea præmitti oportere, quarum adminiculo cætera intelliguntur ac demonstrantur. In duas partes Auctor hunc tomo tribuit, in quarum altera de quantitate, altera de natura, attributis, accidentibus & modis corporum disseritur. *Primæ partis* decem sunt capita. In *primō* de natura quantitatis, & de illius divisionibus agitur. In *secundo* illa omnia pertractantur, quæ pertinent ad quantitatem; præmissa celebri illa circa vacui possibilitatem quæstione, in qua sibi videtur nodum invenisse difficultatis, & ea sustulisse de medio, quæ dissentientes philosophos non sinebant in unam convenire sententiam. *Tertium* caput vexatissimam illam enuntiationem physicam enucleat: continuum extensum ex inextensis componi non posse; in qua illustranda Auctor tum Cavallerii methodum indivisibilium, ut quatenus illa aut intelligi, ne principium petamus, aut usurpari oporteat, ne in palmares incidamus errores; tum novum quoddam a doctiss. Prof. Romano, *Boscovichio*, excogitatum systema circa compositionem continui examinat. Namque Vir iste cel. in egregia, quam 1748. Romæ, de lumine, foras dederat, dissertatione, assentitur quidem, continuum extensum ex inextensis constare non posse; sed simul negat dari posse id, quod sit eodem tempore continuum & extensum, & corporum extensionem

tionem tanquam minime continuam defendit. Hanc Boscovichii sententiam Celeberr. Auctor noster ulterius explicat, & ad refellendam eam animadvertit, extensionem ita explicatam solum esse apparentem, nihilque solidi, quodque extra sensationes nostras existat, complecti. In quarta capite ostenditur, esse in continuo puncta inextensa, quemadmodum & lineas latitudinis prorsus expertes, ex his tamen nequaquam componi; & cum illa communis præiudicata opinio, quod continuum ex partibus re ipsa distinctis coalescat, plurimorum errorum fons atque origo sit, A. ad eam convellendam in quinto capite accedit, docens, non esse in vero continuo partes distinctas ut partes: quo ipso simul tenebras disiciit, quas animis philosophantium partes offuderant; & quatenus verum sit, continuum posse dividi usque in infinitum, declarat. Monendi tamen sunt lectores, hæc omnia ab Auctore Clarissimo in sensu physico accipi, certissime persuasi, ipsum de nonnullis paulo aliter iudicaturum fuisse, si in metaphysicis versaretur. Præterea doctiss. Boscovichius, in eminenti opere, quod super *lege continuitatis* præterito anno evulgavit, multa fusius atque distinctius proposuit, quæ ad stabiliendam eius de continuo sententiam facere possunt. Soliditas continui extensi in sexto capite explicatur, reiectisque Cl. Virorum, P. Lanae & Molierii, super natura rei extensæ opinionibus, ostenditur, falso a viris doctissimis poni, quasi quædam sit in natura materies simul fluida, & omnino continua, quæ quamvis in angustius spatium comprimi nequeat, tamen ictibus facile cedat, in omnes se vertat figuras, quoquo versus cicatur, & omnium corporum poros facillime permeet. Sequitur *septimum* caput, in quo tribus articulis Auctor disserit de tempore & motu, locali illo, quem definit per affectionem solidi extensi, sive corporis, per quam corpus fit proxime tangendi non solum plures alterius extensi partes, sed etiam aliam post aliam, idque ob rationem in ipso corpore moto sitam. Hæc definitio in omnes corporum motus, tum in vacuo, tum in pleno, convenit; & si quis sibi circa illam difficultates fingeret, eas ab Auctore in allegato articulo maximam partem dilu-

dilucidatas deprehendet. Temporis definitio in articulo secundo traditur; ad quam constituendam necesse fuit, ut durationis conceptum primo enuclearet, cui deinceps omnia, quæ de tempore prolixè disputat, superstruuntur. Tempus enim in alia nulla creata re, quam in motu inveniri contendit, atque inde ansam arripit, clare nitideque explicandi communem illam recentiorum enuntiationem, qua ponunt, velocitatem motus æquabilis unius corporis esse æqualem spatio percusso per tempus diviso, sive duorum corporum velocitates esse in ratione composita, ex directâ spatorum percussorum & ex inversa temporum, quæ in iis absolvendis impenduntur. Motus & temporis proprietates in tertio articulo expenduntur, & simul nonnulla de continuitate, de divisione in infinitum, & de instantibus adduntur, quæ in tempore exstare docet, tanquam principium & finem, non vero tamquam partes, ex quibus ipsum tempus componatur. Idem de continuo, eiusque genesi, in capite octavo ulterius Auctor persequitur, ubi demonstrat, fieri posse, ut non solum motus omnino continuus alius alio sit in infinitum velocior, verum etiam extensum prorsus continuum aliud alio sit in infinitum densius, quod a communi abhorret philosophorum sententia. Quod suum assertum, cum pluribus difficultatibus expositum sit, in capite nono objecta illa solvenda suscipit, quæ contra illud formari veri quadam specie possent. Decimum caput tria potissimum argumenta comprehendit: 1) nullis certis rationibus effici posse, exstare quantitates infinite parvas aut magnas: 2) nullis pariter cogi, easdem in numero eorum, quæ existere nequeunt, esse recensendas: 3) declarare, qui fieri possit, ut, quod elicitur adminiculo calculi differentialis tum integralis, qui versatur in quantitatibus infinite parvis, & interdum quoque in infinite magnis, nihilominus certum & exploratum sit. His explicandis Auctor multum immoratur, dum Articulo quarto huius capituli errorem, ut putat, summi Geometræ Euleri detegat; qui sc, ex non satis evoluta metaphysica notione calculi integralis, a numero possibilium in natura exposit nonnullas virium centralium hypothesen, quæ si tales forent

forent, ac ipse arbitratur, magnam calculus summatorius plagam acciperet. Articulo sexto eiusdem capituli, transitum quantitatis a finita ad infinite parvam aut magnam, per conversionem eiusdem ab alio ad alium statum, hoc est a positivo ad negativum, & vice versa, explicat; viamque sibi inde sternit ad dilucidandas leges motuum in corporum durorum collisione, & ad totam corporis naturam accuratius noscendam. Hæc partem primam huius libri absolvunt. *Secunda* pariter decem capita complectitur. *Primum* agit de primitiva & substantiali corporum essentia, quam esse positam in mera extensione ex iis, quæ de continui natura in antecessum constituta fuerunt, colligit adversus Leibnitium, Musschenbroeckium, aliosque Philosophos, a quorum obiectis asserta sua simul vindicat. *Secundum* caput corporis attributa enumerat: *tertium* corporum accidentia persequitur. Qua in re primum contra Cartesii astipulatores statuit, quod præter illam relationem successionemque, in qua natura motus posita est, in corporibus insit aliquod absolutum & permanens, ex quo causa ipsaque corporum vis deducitur. Tum adversus Leibnitii & Wolffii asseclas planum facit, vires, quæ sunt causa motus effectrix, cum essentia corporis primitiva necessario copulatas non esse, sed eidem iam absoluto & perfecto extrinsecus accidere. Deinceps ad obscurissimum in physicis locum accedit, qui est de pressionibus, ex quarum fluxu vires motrices existunt, atque capite demum *quarto* in apicem deducit, nullas in hac rerum universitate exstare posse puras pressioness sine viribus vivis, & illas ab his solum tanquam terminos & modos secerni, quemadmodum superficies a solido, sine quo esse non possunt, distinguuntur. Quo in argumento, quum curatius paulo versetur acutissimus Auctor, modum simul solvit, quo vires generantur, aut se vicissim elidunt, infinitam vim percussionis, ratione habita gravitatis, possibilitatem perfecti æquilibrii, & alia non pauca in lucem protrahit. His sensim adducitur ad æstimationem virium rimandam, ex-

ponendamque celebrem illam quæstionem, quæ super ea aliquot abhinc annis agitata est, & adhuc agitur. Auctor noster Leibnitium hic sequitur, cuius sententiam primo loco ab obliquo corporum in planum immobile incurfu, a Io. Bernoullio explicato, stabiliendam suscipit; sed illum magis urget, aliterque contorquet, ut ex rationibus a se allatis facilis claraque solutio eliciatur eorum, quæ a Fontenellio, Mairano, & Deidiero, ad Bernoullianam demonstrationem contradiçta fuerunt. Quod ut adhuc magis confirmet, in secundo articulo hanc sententiam nova quadam ratione a priori adstruit, quæque in eo posita est, ut vis motrix, sive summa pressio, ex quarum fluxu vis intelligitur generari, productum ex quantitate pressionis in velocitatem, qua fluit, & tempus, quo durat fluxus, exæquet. In scholio adnexo alium valde obscurum locum examinat, & docet, novas, quæ in corpore oblique in alterum incurrente existunt directiones, ante incursum in eodem nequaquam existere. E quibus responsionem facilem eruit ad multa, quæ ab adversariis Leibnitii obiecta fuerunt: neque prætermittit rationes a Cartesianis ductas ex descensu corporum gravium, sive rectilineo, sive per curvas; monstrans, parum esse momenti in responsionibus Hermanni & Bulfingeri, immo summam quæstionis diiudicari non posse analysis calculo, qui omnes in partes versari potest, pro qualitate formulæ, a qua sumit initium: sed ad eam definiendam formulam ipsam expendi oportere, utrum scilicet summa virium mortuarum in motu æquabiliter accelerato sit productum ex pressione sive ex vi mortua in spatium, an vero in tempus. Actionem elastorum, eorumque theoriam, fusius scrutatur clarissimus Auctor, quod in ea arx quasi systematis Leibnitiani posita est: quibus iungit doctrinam de virium compositione in sententia virium vivarum, & posita sua virium æstimatione, plures dissolvit nodos, qui assumpta Cartesii sententia inexplicabiles sunt. Ultimo denique in qualibet duarum virium compositione, adminiculo celerioris aut

aut tardioris fluxus presionum, æqualitas inter effectum & causam clarissime demonstratur: quo uno fit, ut Leibnitianæ sententiæ & rationibus multum accedat momenti. His ita constitutis, maximam difficultatem solvit, quæ Leibnitio obijcitur, & quæ ex collisione corporum perfecte durorum deducitur, quæ Cartesiani magnopere gloriantur, ac si per eam omnis virium æstiniatio Leibnitiana pessundaretur. Quæ in re, dum omnes animi vires periclitatur præclarissimus Auctor, in veram pervenit communicationis virium theoriam, sumtam ex viribus corporum attractricibus, quæ cum in contactu infinitæ fiant, in repellentes abeunt, easque infinitas. Ita non solum argumentis Cartesianorum fit satis, sed etiam plura alia inde deducuntur, ad cognoscendam impulsione & collisionem corporum, & ad eruendas leges motus admodum necessaria; quinimmo ipsa corporum natura, eorumque impenetrabilitas, hinc potest dilucidari. Tandem, ut Leibnitianam sententiam quovis modo stabilirot, neque tamen actum agere videretur, in fine Tomi primi Cl. *Riccati* librum enucleat, qui inscribitur *Dialogo intorno alle Forze vive*, & in quo Leibnitii doctrina admodum dilucide proponitur. Quo cum viro clarissimo quamvis Auctor noster, quod ad summam quæstionis attinet: convenit, tamen Riccatianum scriptum sub examen revocat, partim ut ostendat, se ad confirmandam Leibnitii sententiam alia prorsus via incedere; partim ut alia nonnulla, in quibus sibi cum Riccato causa communis esse non potest, indicet. Quibus ordine discussis, anonymi Angli librum refutandum suscipit, qui hanc esse litem de nomine putaverat, & hic non de possessione, sive de terminis inter philosophos disputari, in quorum arbitrio esset, quam quisque voverit nomini vis vivæ potestatem subiicere, & ad assumendam pro libito, non vero probandam vis motricis finitionem, nunc Cartesianis litem esse adiudicandam, nunc Leibnitianis, & denique utramque mensuram explicandis naturæ phaenomenis esse accommodatam. Ultimo loco Cl. *Franc.*

Mariae Zanotti adversus *Leibnitii* virium vivarum æstimationem, immo adversus *Riccatianam* *Leibnitii* defensionem editum opus carpsit *Cl. Auctor*, atque tria potissimum contra *Zanottum* adstruit: 1) quamvis aliqua sit apud *Leibnitianos*, in definiendo, quid nomine vis vivæ intelligi velint, loquendi obscuritas & inconstantia, tamen in dubium vocari non posse, quid sit intelligendum; 2) puras potentias, ut vocat *Zanottus*, siue presiones, ut *Auctor*, sine vi viva ex earum genita fluxu non posse constare, ob aliam rationem, diversam ab iis, quas in antecedentibus protulerat, ex intimiori metaphysica depromptam; 3) In tria vis motricis elementa a se adducta, quantitatem pressionis, velocitatem qua fluit, & tempus quo fluere pergit, illa omnia convenire, quæ in elementa, ex quibus quantitas aliqua existere ponitur, cadere debere in expendenda methodo indivisibilium ostenderat.

Hæc præcipua illa sunt momenta, in quibus omnis *Auctoris* nostri tractatio versatur, & quæ ipse maximam partem in eleganti præfatione declaravit. Ipse, si quid iudicare possumus, tum in expendendis aliorum assertis & sententiis, tum in demonstrandis iis, quæ ad generalia physices capita pertinere voluit, omnem operam atque diligentiam adhibuit, ita ut merito literis & præsertim physicæ gratulandum putemus, cui tam egregio opere novum atque insigne ornamentum accesserit. Secundus huius Operis tomus, iam absolutus, & tertius non solum inchoatus, sed magna ex parte confectus, mox subsequetur.

RECHERCHES SUR L'USAGE DES FEUILLES DANS
les plantes &c.

i. e.

EXPERIMENTA DE USU FOLIORUM IN
plantis, deque aliis momentis ad historiam vegetationis per-
tinen-

*tinentibus, per CAROLUM BONNET, Societatis regie
Londinensis & Instituti Bononiensis Collegam, Academię
Regię Scientiarum Parisinę Membrum correspon-
dens, &c.*

Göttingę & Lugduni Batavorum, impensis Elię Luzac. 4.
Alph. 1. pl. 20. Fig. ænæ 31.

Duplex folia herbarum arborumque gerunt officium, quorum alterum est, recipiendi: alterum, excernendi liquida. Introit ex extremis vasorum, quę foliorum superficie terminantur, apicibus, humida aeris pars, aqua pluvialis, roscidum aeris liquidum, atque ipse aer, cuius intuitu respirare planta, foliis, dicitur. Eadem foliorum superficie desinunt tubuli halantes, & suscepta radicibus fluida dispellunt. Clarissimus Auctor, utriusque huius oeconomię vegetabilis leges exposuit hoc libro, atque illas luculentis curiosissimisque experimentis obfirmavit. Folia duplicem ostendunt superficiem, aliam, quę coelum, aliam, quę terram respicit. Ocularis inspectio docet, utriusque magnam esse differentiam: superior, lucido ubique inducto est vernice, tubulosque vel halantes vel sorbentes habet pauciores; inferior villosa, tubulis utriusque generis instruitur numerosioribus. Hoc ita esse expertus Auctor est. Imposuit folia aquę, alia ita collocavit, ut superior superficies, alia, ut inferior villosa superficies fluido innaret, viditque, citius marcescere folia, cum superiore, quę viridis est, superficiem, aquę contiguam haberent, serius, si inferiorem & villosam. In terrestribus potissimum plantis experimentum captum est, ex quibus paucissimę sunt, quarum folia utrinque polita conspiciantur; igitur inferius foliorum planum, recipiendo roscido liquido aeris, matutino maxime tempore, aptius esse conclusit. Etiam si enim diversa foliorum, sua inferiore superficie aquę impositorum, esset duratio; inter quas aliquę, uti Melissa, per quatuor continuos menses, foliis antea pedunculo orbatis, ne dubitationi locus

esset, vixit: omnes tamen plus imo, quam summo plano, liquida hausisse deprehensa fuerunt; id quod intellectum quoque fuit, cum gluten vel huic, vel illi superficiiei induceretur. Adulta folia ad experimentum trahi oportuit. Non autem tantum liquida, istis vasis foliorum sorbentibus, hac ratione subire deprehensa sunt, sed manifeste quoque introire aer visus est. Submersis enim in aqua intra vas vitreum foliis, adhæserunt, potissimum iuxta imam illorum superficiem, bullulæ aeræ, ingressum molientes; igitur tracheas, quæ utriculis foliorum responderent, ibi potissimum positas esse, perceptum hoc experimento fuit; & ne dubitatio superesset, neque videretur aer plus exire foliis quam illa subingredi, ramus in vas vitreum aqua plenum deflexus est, aqua antea per decoctionem suo aere privata, & tunc nil quidquam bullularum aerearum prodire deprehensum, intellectumque est, aerem haud prodire, sed ingredi. Propterea dubium superest nulum, folia quodammodo herbis arboribusque, maxime illis, quæ sterili solo crescunt, radicum loco esse. Comparat Noster foliorum tracheas illis cruciarum; ut enim hæc, inducto oleo subito suffocantur, ita illa similiter languent, tandemque pereunt, cum oleum, maxime inferiori plano, inductum est. Platarum folia, eadem lege, plus per inferius planum halant. Ut enim varia ab Auctore adducta experimenta prætereamus, potest sufficere hoc unum, quod aliqua folia, uti est in plantis epiphyllispermis, aut dorsiferis, in averfa sui parte fructus moluntur. Cur autem inferior illa ad fugendum roscidum liquidum plus magisque accommodata folii pars terram respiciat, illud causæ est, quod de nocte, & matutino tempore, halituosæ soli fertilis spirationes, ad perpendicularum elatæ, accipi fugique hoc positu commodius possint, licet superficies summa insugendis aquis coelitus lapsis non minus sit idonea. Hoc ita esse oportere, huncque situm, quo villosa folii pars solum semper respiciat, servari necessum esse, evidenter liquet, quia videmus, folium suo ramo conti-

continuum, etiamsi ita, vi, flectitur, ut quod imum est summo loco sit, ad naturale schema sponte reverti. Hoc singulare naturæ vegetabilis phenomenon, pluribus curiosissimisque experimentis Noster obfirmavit. Folia suis ramis continua in aquas imersit, eaque invertit, nec minus vidit ea in pristinum situm sensim paulatimque reverti, suamque villosam nervisque asperiores partem solo obvertere; sive hoc instinctus sit, sive mechanismus; fibris ligneis intortis pro sua elasticitate rectam lineam petentibus. Lucem huius reversionis causam esse, Noster arguit: siquidem in opaco loco experimentis institutis deprehensum est, candelarum quoque lumine, ut revertantur in pristinum situm folia, effici, id ipsumque solis radiis efficitur, cuius motum haud paucae plantæ, illæ maxime soliferae, per sic dictam nutationem, sequuntur. Non autem tantum folia characteristica, uti A. appellat, vel adulta, sed etiam infantilia & seminalia hoc habent, ut eorum ima superficies ad solum verti amet. Videmus hoc clarissime, cum segetes confuso ordine disperguntur, omnia tamen foliola recta linea *Zenith* respicere; sique etiam data opera semina, hilo deorsum flexo, seras, non minus ad rectum plantulae folium seminale surgere deprehendes. Quæ omnia cum ita sese habent, ut liquidis plantam nutrituris duplex via data sit, quarum alia humores ex atmosphæra, alia illos ex solo trahit: videtur omnino descensus liquidi per corticem, ascensus per-fibras ligneas, fieri. Cuius rei argumentum istud est, quod cum in cortice arboris vulnus facimus, adaptamus vasculum speciem multiplicaturi, videmus radices superiore, quæ folia respicit, parte surgere. Diversa omnino vasa esse, alia, quæ ex foliis ad radicem, alia quæ ex radicibus ad folia excurrunt, intellectum est evidenter experimentis, immersione plantarum in liquores *Rubia* aut *atramento* tinctos, institutis: tunc enim color pigmenti saltem pervasit tinxitque corpus ligneum, corticem non attigit; visusque propterea est motus liquidi e radicibus, per fibras ligneas, humoris

moris per folia ingressi cortice procedere. Hæcurosissima sane sunt experimenta, quæ ab oculatissimo & sagacissimo Auctore hunc in finem instituta fuere. Cum herbulam una cum radice nigro pigmento demergeret, centrum radice lignæ, atque ab illo totum plantæ corpus ligneum, ad folia usque, maxime in nervis, denigratum est. Cum rubro pigmento radix immersa esset, pigmentum ipsum, vulnuscule ac inflicte, de cortice manavit; quod ut nitidius appareret, plantas in humido clausoque loco reposuit, ubi solent dealbescere. Maximi apparatus, ad universam historiam plantarum facientis, liber est, nitidissimis iconibus illustratus, & quinque missibus elaboratus, quorum tertius ad methodum plantarum instituendam perutilis est, utpote qui characteres plantarum ex foliis sistit, eorumque ordines constituit.

NOUVELLE HISTOIRE POETIQUE &c.

i. c.

*NOVA HISTORIA POETICES, CUM DUABUS
Commentationibus brevioribus, altera de poesi, altera de
eloquentia, regiarum in Gallia filiarum usibus dedicatis.
Partes II.*

Parisiis, apud Iacobum Guerinum, Desprez, & Cavellierum,
cum approbatione & privilegio Regis, 1751. 12 mai.

Alph. 1. pl. 13.

Hardionius, regiarum principum in his studiis magister, librum hunc sapientissimo consilio publicavit. Attamen, cum numinum profanorum fusiorẽ historiam habemus, nostra quoque lingua donatam, huius vel *οικονομίας* indicasse sufficiet. Prioris partis exordium constituit, Pag. 1. de huius universi fabrica narratio fabularum. Hoc exci- 14. piunt quinque capita, suis iterum membris distincta. Pri-
mum

mum caput est de diis caelestibus, in quo diversis sectiunculis
 occurrunt, non solum Uranus & Saturnus, sed & Cybele, Iu-
 piter, Iuno, Pallas aut Minerva Bellonaque, Mars & Victoria,
 Venus, Cupido & Gratia, Vulcanus & Cyclops, Mercur-
 rius & Iris, Apollo & Phaeton, Diana seu Luna, Aurora & Nox,
 Bacchus denique & Musae. Alterum caput habet divinitates Pag. 87.
 Marinas, fluviorum & fontium, atque in his Oceanum & The-
 thyum, Neptunum & Amphitritem, Nereum, Nereidas &
 Tritonas, Proteum, Phorcum & filias, Polomonem & Leu-
 cothoen, Glaucum, Scyllam & Charybden, Nymphas mari-
 nas, Aeolum & ventos, denique Sirenas. Terti capitis divi- 130.
 nitates sunt terrestres, nominatim Ceres, deus Terminus,
 Pan, Pales, & aliae campestres; Nymphae terrestres, Satyri,
 Fauni, Sylviani, & Silenus; Flora, Pomona, Vertumnus;
 nec minus Penates, Lares, & Genii. Caput penultimum 164.
 deos inferos comprehendit, Fluvios infernos, Charontem,
 Cerberum; iudices infernos, Minoem, Rhadamantum, & Aea-
 cum; Plutonem, Proserpinam, & Plutum; Furias, Parcas,
 Fatum, Fortunam, & Nemefin; Somnum, Mortem, & Ma-
 nes, quibus supplicia famosorum quorundam maleficorum in
 orco iunguntur. Ultimo capite singulares divinitates habentur, 206.
 Comus & Momus, festorum temporum & gaudiorum dii; Aescu-
 lapius, Hygiea, vel dea salutis, & Telephorus; virtutes, ani-
 mi commotiones, bona malaque, deorum in numerum re-
 lata, singulatum pietas, misericordia, virtus, & honor, veritas,
 concordia & pax, fides, libertas, pudor, silentium, provi-
 dentia, securitas, iustitia, aequitas. His accedunt oracula,
 Dodonaeum, Iovis Ammonis, & Delphicum. In altera 233.
 parte, solis minoribus membris divisa, comprehenduntur
 Iapetus & eius liberi; Cecrops & filiae, Erichthonius, Pan-
 dion & Erechtheus; Inachus, Argivorum regni fundator,
 Danaus, Acrisius, cet. Perseus, Bellerophon, Hercules, The-
 seus, & Pirithous, Castor & Pollux, Iason & Argonautae, Or-
 pheus, Peleus & Telamo, Calais & Zetes, Cadmus, The-
 barum

barum fundator, cum familia; Amphion & Zethus, Oedipus, & eius liberi, Adrastus, Tydeus, Capaneus, Hippomedon, Pag. 417. Parthenopeus, Aphiaraus, Pelops & liberi. Iungitur his momentis belli Troiani designatio, cum reditu ab eodem Græcorum, ubi Ajax, Agamemnon, Menelaus, & Ulysses, suo quisque loco enarrantur.

1. Penitorem attentionem meretur de poesi Gallica tractatio brevis. Initium facit historia brevissima. Poesis Ebraeorum sacra vivis maxime pingitur coloribus. Græcorum poesis eodem primo fines habuit, cum deo etiam virtutes celebravit. Infiniti loci Homeri, Sophoclis, Euripidis, testes appellari possent. Utique tales doctrinam morum efficacius inculcunt, quam philosophi nimium austeri & profundi. Hinc & antiquorum christiani coetus doctorum præstantissimi, singulatim Gregorius Nazianzenus, & alii, scripta poetica dederunt, imitaturi Homerum, Pindarum, Euripidem,
10. Menandrum. Caput II. agit de re poesi obiecta, quam imitationem noster constituit: C. III. de imitationis modo; ubi
16. similitudinem atque selectum commendat; C. IV. de sententiis, quas imagines esse rerum ait, uti sententiarum imagines verba,
36. 41. quæ Cap. V. spectantur, ut sequentibus eorum positus, & qualitas. Cap. VIII. ipsam versus effectum ostendit, quem Gallico more, non tam in varietate longiorum ac breviorum syllabarum definita, quam in numero collocat Auctor; licet postea
30. 54. simul agat de vocabulorum quantitate. Caput X. tragœdiam habet, quam definit per imitationem actionis grandis magnique momenti, ubi poeta personas agentes & colloquentes sistat, non compareat ipse, & cuius sit finis terroris & misericordiae spectatorum in animis excitatio. Laudatur ibi ac designatur Sophoclis Oedipus, nec hodie in imperfectis translationibus & imitationibus sine effectû, cum omnia sint
57. terribilia, atque moventia. Nec minus Iphigenia commentatur. Cap. XI. Ludos scenicos cantandos, vel operas, ut

XII.

comoedias sistit, ubi *Boilavii* potissimum præceptiones com- Pag. 67.
mendat. Cap. XIII. epicum poema tractat, & *Homerum*, omnes 71.
conditiones, quæ poematis heroici ad perfectionem pertineant, 76.
complexum, laudat, omnium exemplar qui post eum scripserint. 78.
Laudatur ideo *Miltonus* Anglorum, in *Homericæ* lectione nu-
trit, cuius ergo descriptiones bellæ, sententiæ grandes, & in-
terdum sublimes; tamen ei digressiones frequentes, cum aliis
mendis exprobrantur. Cap. XIV. comprehenduntur apologi; 80. 85. 89.
XV. eclogæ vel idyllia, quorum genium apud Gallos optime af-
secutus est *Segrais*. Cap. XVI. est de lyrica poesi, ubi *Malherbe* 90. 100.
& *Rousseau* præcipue commendantur. Cap. XVII. Satiras tra- 101.
ctat: XVIII. epistolâ poeticas, utrobique *Horatius* imperat & 108. sq.
Boilavius. Posterioris ars poetica, Virgiliique georgica prædi 114. sq.
cantur. Cap. XIX. optima didactici carminis exempla: Cap.
XX. elegias: XXI. cantica Gallorum, quæ *Sonnets* dicuntur, 116. 119.
ac demum XXII. epigrammata, A. percenset. 122.

Finem facit de eloquentia commentarius, similiter variis ca- 128.
pitibus comprehensus. Horum agunt I. de eloquentia genera-
tim; II. num singularis ars sit eloquentiæ; III. de rhetorices 129. 130.
origine; IV. de grammatica, quo puritatem, correctionem, & 134. sq.
elegantiam Auctor requirit; V. de rhetoriæ partibus; VI. de 136.
inventione; VII. de figuris sententiarum, quo apostrophe, ex- 137. 140.
clamatio, interrogatio, descriptio, fictio personarum, transi-
tiones inopinatæ, amplificatioque rescuntur; VIII. de con- 156. 167.
firmationibus & ratiocinationibus; IX. de sophismatibus &
παράλογισμοῖς; X. de moribus & animorum commotioni- 174.
bus, quarum posteriores cum ad eloquentiæ caput pertine-
ant, fusius describi omnino merebantur; XI. de disposi- 190. 203.
tione; XII. de tribus eloquentiæ generibus, iudiciali,
deliberativo, demonstrativo; XIII. de elocutione; XIV. de 221. 226.
diversis elocutionis characteribus, simplici, sublimi, tempera- 242.
to; XV. de vocabulorum delectu; XVI. de collocatione vo- 244.
cabulorum oratoria; ac tandem XVII. de circuitionibus, sive 249.

Pag. 262. verborum ambitu; de modis & figuris vocabulorum. Uti parum alias singulare, ita hic invenimus, *εἰς ἁπλοῦς* breviorē
 274. ad modos, ad figuras autem longiorem refert; quam nos quidem esse modum continuatum aut allegoriam dicemus. Sed huius generis dubia subinde nobis esse nata fate-
 mur; licet in doctrinis plerumque, quas ipsi neutiquam pecu-
 liares adpellare poterimus. Profecto, quemadmodum hic multa laudamus; plura tamen in opere talis viri, talique sco-
 po destinato, dici oportebat.

*MISCELLANEA LIPSIENSIA NOVA, AD IN-
 crementum scientiarum, ab his, qui sunt in colligendis
 Novis Actis Eruditorum occupati, per Partes publicata.
 Vol. X. Pars II.*

Lips. 1754. 8. plagg. 12.

I P. Ancherfenius miserat olim, sine suo Auctoris nomine, ad b. *Frid. Ottonem Menkenium*, Dissertationem de *Tributo coriorum Romano, Norwegico, & Anglico*. Ante annos aliquot tandem Cl. Ancherfenius eam, posterioribus curis auctam, Hafniae evulgavit. Stat tamen pretium suum elaborationi primæ, vel eo etiam nomine, quod scripta doctorum septemtrionalium raro ad Germanos adferuntur. Dissertatio ista principem huius Partis Miscell. locum occupat, cui ex Cel. *Erici Pontoppidani* monumentis, de historia Norwegiæ naturali, quantum ad Norwegos adinet, non-nihil adijci potest. Norwegi *Hund* vocant id tributum, Angli *Hide*. Vocabulum utrumque dicitur idem sonare ac
 194. *corium terræ, seu terram unius aratri culturae sufficientem*. Certus agrorum vel terræ modus, maior minorve, adpellatur *Hundelang*. Scotis notum est eiusdem potestatis vocabulum *Hilda*. Latinis mediæ ævi vocabulum *mansus, mansum*, in usu fuit, eundem significans agri modum, uni aratro suppetentem.

tentem. Frisios a Druso, coria boum pendere iussos fuisse, tradidit Tacitus *Ann.* IV, 72. Hic in naturam coriorum, & eius tributi, sollicite inquit Auctor, vestigia eruditionis eximie diffundens. Boves, Homeri ætate, erant loco pecuniæ, ut hodie apud Finnos, Lappones, Islandos, Feroenses, ultimos Russos. *Hidagium* Angli veteres adpellarunt tributum, Pag. 206. quod ex singulis hidis colligebant, nec non *Hidegeld*, ex *Hyde*, seu terra arabili, a possessore suo tegenda ac defendenda; siquidem *hyden*, *hiden*, est *tegere*, *custodire*. *Hidgeldum* apud eosdem erat etiam pecunia, quam servi, ut tergum a virgarum poena servarent integrum, solvebant. At *Hidegeld* ab *hidagio* differt, dictum quippe ex *hyd*, *hyde*, corio, cute, pelle, dorso. Tributum corii, *corragianum*, Danis est *Hydeskat*. Omittimus reliqua, ad etymologias referenda. Romani, a Britannis æque ac Frisii, modicum pro angustia rerum tributum, in usus nempe militares coria boum, ferri ac solvi voluerunt. Dein Saxones, insulam ingressi, consuetudinem eam retinuerunt, donec reditus e messie superarent reditus e pastu. Mos ex Anglia ad Norwegos videtur traductus. Refellit Auctor fabulas varias Monachorum Britannicæ, in terris, quæ Apostolis S. Philippi Glastoniensibus anno Iesu nati 61. in Britannia donatæ dicuntur, obvias. Henricus II. Rex, Hibernis tributum coriorum imposuit, circa annum 1172. Reliquis prætermisissis, quæ ab Auctore diligenter edisseruntur, progredimur ad *Epistolam Francisci Antonii Zachariæ S. I. ad Hannibalem de Abbatibus Oliverium Pisaurensen, de Benedicti Iovii Comensis Collectaneis Inscriptionum*. Collectanea hæc quidem nunquam formis publicis descripta sunt: fuerunt tamen antiquarum Inscriptionum collectoribus ornamento, haud secus ac adiumento. Dolemus, quod eæ in collectorum scriptis passim leguntur vitiatæ, & ab autographi fide aberrantes. Cl. Zacharias, præfationem Iovii, & ex Ioviano opere emendationes, non exigui momenti, exhibuit, magno Lectorum commodo.

- positum fuit in templo Comensi monumentum, cum inscriptione, ad annum 1556. quo obiit. Inscriptionem dare non omisit Cl. Zacharias, qui progreditur deinde ad emendandos
252. nēvos, qui apud Gruterum & Muratorium habentur. Adiecit Emendator præterea de suo sex emendationes haud contemnendas. Succedunt hisce *Emendationes criticae ad Scriptores veteres ex curis I. C. Harenbergii*. Videtur illi apud Nepotem in Agesilao c. 6. §. 1. legendum, *exciri noluit*, pro *exire noluit*. Legendum esse *omina* pro *omnia*, existimat, in nonnullis Virgilii locis *Æn.* II, 324. I. 178. II, 236. Illud Martialis XI, ep. 95, v. 6, *iura, verpe, per Anchialum*, legendum probabiliter suspicatur: *iura, verpe, per Hechialum*, ratus, indicari Hechal, basilicam templi Hierosolymitani tunc existentem.
261. sam. Illud Iesu Matth. V. 39. Ego dico vobis, *μη ἀντιστῆναι τῷ πονηρῷ*, exponit casu sexto, quem Græcis in usu fuisse monet. Tum vero in Strabone L. II, p. 133. pro *ὃν ἔχει τὰ πάντα πρὸς ἑπτὰ*, legendum esse ostendit, *ὃν ἔχει τὰ δέκα πρὸς ἑπτὰ*, quod de latitudine geographica Alexandriae, Ægypti, & Carthaginis Africae, veterumque eam dimetiendi more, sermo est. Hinc in eodem Strabone L. V. p. 214 pro *ἐπίτερον δὲ καὶ Ορδία, καὶ Ἀδρία, καὶ Ουκετία*, iudicandum esse, *Ὀπιτέριον δὲ καὶ Κογκορδία, καὶ Ἀτρία, καὶ Ουκετία*. Apud Matthæum I, 11. Codicum opera adiutus, legendum sic suadet: *Ἰωάννης δὲ ἐγέννησε τὸν Ἰωάννην, Ἰωάννην καὶ τὴν ἀδελφὴν αὐτοῦ. Ἰωάννης δὲ ἐγέννησε τὸν Ἰε-
270. ρωνίαν ἐπὶ* — Tandem contra Isaacum de Beaufobre disputat, qui sibi persuaferat, loca Danielis II. 5. 12, & IV. 7. 8. adversa fronte invicem pugnare; quod hic docte confutatum est. Convertimus nos ad *Io. Mart. Pastorii collationem editionis Argentinensis Geographiae Cl. Ptolomæi cum illa, cuius Michael Servetus Auctor est, ad illustrandum locum*
274. *historiae modo dicti Serveti, ab Ill. & Rev. Io. Laur. Morhemio conscriptae*. Ediderat Iohannes Grieningerus cum Iohanne Koburger 1525. Ptolomæi Geographiam. Ad ter-
ram

ram sanctam hic verba illa leguntur introductionis, quæ crimi-
 ni Serveto data sunt. Servetus in editione sua retinuit ea
 omnia, quæ in Argentinensi legebantur, plagiarium notam me-
 ritus. De reliquo est absolvendus. Excipit hanc tractatio-
 nem *Matthiae Belii, Hungariae nuper Historiographi, Obser-* Pag. 282.
vatio historico-physica de Antro glaciali Szelicensi. Nomen
 hoc traxit a vico Szelicze Comitatus Thornensis in Carpathi
 radicibus, grandi & obverso in aquilonem hiatu dehiscens,
 XVIII. orgyjas altum, IX. latum. Est, bruma sæviante, tepi-
 do intus aere; frigido contra, cum soles sunt fervidissimi.
 Enarratione sane dignum erat hoc inusitæ indolis antrum,
 glacie æstiva inclitum, quam accolæ bibunt. Dignissima erat
 investigatio rationis, e qua b. Auctor vicissitudinem illam so-
 lide deduxit. Provocat nos *Iac. Frid. Heusingeri, Scholæ* 297.
Wolfenbuttel. Conræst. in Plutarchi librum de Amici & Affen-
tatoris discrimine Commentatio critica, quæ demorfos unguis
 sapit, multisque locis depravatis egregiam adfert medici-
 nam. Io. Georg. Schellhornii, de ludis quibusdam scenicis, potis- 308.
simum ad statum religionis sæculi XVI. adumbrandum olim exco-
gitatis, observatio, lectu est admodum iucunda. Habes hic,
 Lector, exempla undecim, quorum potiora sunt comoediæ,
 quarum una Parisiis, coram Francisco Rege, altera Augustæ
 Vindelicorum coram Carolo V. ac Ferdinando I. acta esse di-
 citur. Succedit *Clericus unius uxoris maritus, seu Dissertatio* 335.
epistolica, qua in sensum verborum Pauli, μὴς ὑπαίκοις ἀνὴρ
1 Tim. III, 2. 12. Tit. I, 6. inquit Io. Henr. Pratje, Brem.
ac Verd. Ducat. Ezel. & Schol. Superint. gen. Solide osten-
 dit Auctor, Paulum designasse maritum uni uxori, cui
 iunctus sit, addictum, nec præterea plures ardentem. Vulga-
 tas aliorum expositiones modeste refellit A. ac demolitur. Bel-
 latorum loco adponuntur *Epistolæ aliquot Iosephi Scaligeri,*
 ex collectione b. Ioannis Grammii, cum huius ad Frid. Ot- 364.
 tonem Menckenium epistola, qua de apographis epistolarum
 350. lectissimarum disserit. Ea per Franciscum Bakke, ec-
 clesia-

clesiasten Norwegicum, acceperat Grammius, siquidem Io. Freinshemii vidua, Henrico Holstio, ex Germania Hafniam in patriam redituro, nupserat, eique adtulerat Freinshemianas syllogas litterarias. Holstio obtigerat postea munus in regno Norwegiæ. Constitutus enim fuit adfessor supremi iudicii aulici Christianiæ in Norwegia. Coniux uterque circa 1680. ibi, nulla prole relicta, obiit. Epistolarum compages aliqua a Bakkii patre fuit acquisita, quia non satis usui visa fuerat fore mercatoribus, qui compages scriptorum complures converterant in cineres & herbæ nicotianæ involucria. Grata erunt lectori ea, quæ de satis ac morte Ioannis Freinshemii adiiciuntur. Epistola prima circa a. 1598. a Ios. Scaligero ad Dav. Hoeschelium fuit scripta, quæ de periodo Victoriana, & tabulis solis ac lunæ nonnihil habet. Reliquæ suo loco posthæc luci exhibentur.

Pag. 369.



NOVA ACTA ERUDITORUM,

publicata Lipsiæ

Calendis Aprilis Anno MDCCLVI.

Erklärung des Neuen Testaments 1c.

i. e.

*D. CHRISTOPHORI AUGUSTI HEU-
MANNI* *Expositio Novi Testamenti, continens postero-
rem Actuum Apostolicorum
Sessionem.*

Pars VI.

Hannoveræ, sumtibus heredum Fœrsterianorum, 1754. 8.

Alph. 2. plagg. 2.

Et hanc sextam operis sui laudatissimi partem, sine ulte-
riori præfandi pompa, tradit Lectoribus summe Reve-
rendus Auctor, posteriorem Actuum Apostolicorum
partem inde a capite XIII, eadem, quam hætenus observa-
vit, methodo explicans. Deprehendent viri docti, fori phi-
lologiei gnari & amici, multa diligenter excussa, sollicitè exa-
minata, libere diiudicata. De *Luca* evangelista sub initium Pag. 5.
leguntur uberius corroborata, quæ olim in *Pœcile* Tom. II.
p. 519. iam demonstrare vir doctissimus studuit: *Lucium*
nempe hic commemoratum, nullum alium esse, quam præ-
dictum *Lucam*, eundem & a Paulo Apostolo Col. IV, 14.
indicatum per *Lucam medicum*. Quando cap. XIII. 9. di-
vum *Paulum* apostolum, ante miraculosam conversionem, *Sauli*
nomine venisse sanctus evangelista narrat, causam mutandi
nominis coniiciendo *Heumannus* addit, quoniam cum Iudai-

B b

ca

- ca religione nomini etiam Iudaico renuntiare, & tanquam futurus gentium apostolus, Romanum Pauli nomen, gentilibus magis gratum, adoptare maluerit. Male, hac occasione, docet grammaticis minutis inherere, qui nomen *Pauli* duplici hac litera ditare ament, veterum lapicidarum auctoritate innixi, curatius prudentiusque acturi, si Græcos scriptores, nomen *παυλος* duplici ista minus onerantes litera, sequerentur. Magum *Barjesum* Cap. XIII, 11. coecitatis plaga iussu Pauli miraculoso affectum fuisse, *Lucas* tradit, sed tantum *ἀχρη καὶ ῥῆ*, quod non cum *Origene*, *Chrysostomo*, & *Oecumenio*, ita vir doctus accipit, ac si per hanc poenam ad poenitentiam perductus magus iste, tuncque plaga sua liberatus fuerit: potius duplex miraculum hic apostolum Paulum fecisse vult coram Proconsule Sergio, ita, ut per prius, excocato Barjesu, ad religionem christianam conversus Sergius sit, per posterius vero, Barjesu visum pristinum recipiente hic in fide confirmatus fuerit. *Sergium* illum, quoniam facro haud tinctus esse lavacro dicitur v. 12, publice non confessum Christum esse, coniicit *Heumannus*, sed clanculum, uti olim Nicodemus, ad eius partes transferat. De conciliatione loci Cap. XIII. 20. cum aliis sacri Codicis effatis, & determinando iudicium in ecclesia Iudaica usque ad Samuelis tempus numero, docte Auctor noster differit, ita litem diiudicans, ut Lucam hoc loco ex recepta Iudæis supputatione communi, non ex principiis chronologicis, annos iudicium istorum recensuisse putet, quod, num cunctis sese probaturum sit criticis, vehementer dubitamus. Quæ Cap. XV, 11. de eadem cum maioribus salutis æternæ consequendæ methodo, ex variorum interpretum mente, Petrus fermocinatur, iubet celeberrimus Auctor ad gentiles refert: in explicanda vero voce *πορνεῖα* comm. 20. iis accedit, qui propriam illius significationem retinendam esse censent. Totam in hoc capite a comm. 1. usque ad 21. narratam historiam luce plena gaudere ven. Auctor autumat, uti ipse eam exhibuit; eos pungens, qui *Spencero* duce, & alio magno nostratium theologo, (*Deylingio*,) verba *Spenceri* in *Observat. sacris*, Part. II.

II. Cap. 39. §. 2. suo nomine exscribente, tricus implicitam eam esse crediderunt. Verum, Iacobi apostoli scopum *Spen- cerum* minus attigisse iudicat *Heumannus*, secundum quem conversos ex gentilibus admonere apostolus voluerit de vitandis iis rebus, quæ scandalo esse possent Exiudæis conversis. De quæstione, num concilium hoc Hierosolymitanum, Cap. XV. descriptum, primum ecclesiæ christianæ concilium nuncupari queat, docte vir eruditissimus simul disserit, negantium partibus favens, quoniam τὸ formale conciliorum nequaquam huc quadret, neque cum hoc apostolorum conventu conferre sequentium temporum concilia liceat. O 188. *ἀντὶς* Paulo Cap. XVI. 9. apparens, ex sententia Auctoris, non Angelus fuit, qui nimirum inclusive *Iuda nos* alloqui Paulum non potuerit, sed potius *Iuva Macedonios* debuisset dicere; personam vero ipsam curate determinare, quænam fuerit, necesse minus esse putat. Per τὴν προσευχὴν comm. 13. 194. non preces, sed precatationum domum intelligendam esse, ex addito verbo *ἐν αὐτῇ*, docetur. Sed cur mulieres tantum Iudæorum hic Paulus deprehenderit, a nemine commentatorum digne explicatum esse, Auctor refert. Cultus divini ergo, non poterant illæ hic adesse solæ congregatæ: nam & viros oportuisset hanc ob causam præsto esse. Cum ergo reliquorum interpretum nullus satis faciat, ad hanc quæstionem respondentem *Heumanno* optime, sic res expediri videtur, ut mulierculæ illæ post peracta sacra ambulando sese delectarent, cum præter opinionem Paulus atque Silas iisdem supervenerint. Ingeniose satis! Lydia πορφύρεως comm. 14. 196. non a natali loco sic dicta credenda, iudice ven. *Heumanno*, ob additum ab evangelistâ vocabulum *ὀνόμα*, sed proprio isto nomine gavisa. Observat tamen Auctor, nomen id primum forte a patria sortitam Lydiam fuisse, quod deinde in proprium abierit, prouti Germanis eiusmodi nomina haud incognita seu insueta sint, c. g. *Franke, Schwabe, Bayer, Frieße, Sachse*. Ad comm. 17. & 18. cur non statim spiritum impurum deferere servam Paulus iusserit? interrogat Auctor, & respondet, exinde patere, notante idem & *Artulario*, quod

quod non secundum propriam voluntatem, sed ad nutum Spiritus sancti, eiusdemque speciale internum iussu, miracula ediderint apostoli. Quæ quidem sententia num dubiis curictis sit libera, nos aliquantulum dubitamus. Quanam ratio-

- Pag. 213. ne circa medium noctis Paulus, ex narratione Lucæ, *comm. 28.* viderit, custodem captivorum gladio se ipsum interfectorum esse, inquitur, & auxilio Lunæ luminis forte fieri hoc po-
 249. tuisse, coniectura responsionis loco obvertitur. Ad *Cap. XVII. 21.* in curioso Atheniensium novarum rerum audien-
 darum studio diiudicando, b. Schloffer accedit, Oederi par-
 tes deserens, cel. Heumannus, testimonio præterea Demo-
 sthenis, novum isti sententiæ robur concilians. Per τὰς ἐπιδη-
 μίας λέγεις vero, studiosos, artibus ibidem se dicantes, in-
 256. telligit. Aram Athenis, iuxta *Cap. XVII. 2. 3.* ignoto Deo
 dicatam, non vero Deo, sed Numini cuidam ignoto sanctam
 fuisse, demonstratur ex more gentilium; qui ob extraordina-
 rium aliquod infortunium, aut pro singulari beneficio sibi
 collato, quod cui Numini tribuerent ignorabant, monumen-
 tum tale publicum consecrare deo sibi ignoto solebant. Quan-
 277. do capitis huius *comm. 2.* Lucas mandati Cæsarei de Iudæis
 Roma expellendis mentionem facit, rationem huius manda-
 ti Cl. Heumannus ex Suetonii vita Claudii, *Cap. 25.* adducit, ubi
 Iudæos, impulsore Chresto, assidue tumultuantes, Roma expulisse
 Imperator narratur: & hoc loco per Chrestum ipsum Servato-
 rem nostrum intelligi a Suetonio iudicat; ad disputationem
 suam hoc de argumento Ienæ anno 1709. habitam, & in
 279. *sylloge dissertationum, pag. 536. seqq.* recusam, provocans; bea-
 to autem Wolfio exprobrans, quod de eo argumento persua-
 sorie tantum egerit. Cuius viri, de sacra philologia egregie
 meriti, manibus, parci a celeb. Heumanno, fatemur enim,
 vehementer cupimus. Paulum σκηνοποιον dum Lucas *comm.*
 281. 3. fuisse refert, pulchra utilisque est Viri doctissimi observa-
 tio, multos nostræ ætatis sacerdotes, si redditibus muneris haud
 adeo opimis fruuntur, opificio honesto aliquo addiscendo, ex-
 ercendoque e. gr. librorum compingendorum, forti suæ con-
 sulere

fulere posse. Sed forte neque hac arte lautiora sibi alimenta comparabunt divini verbi ministri in pagis; sive quod ipsi librorum legendorum deliciis non capiuntur; sive quod iisdem coemendis ob exiles reditus pares non sunt. Ephesinos *Cap. XIX. 2. Pag. 319.* commemoratos christianos, Ven. Auctor a Ioannis, Servatoris præcursoris, discipulis baptizatos esse coniicit; eorum vero responsionem ex Iudæorum mente interpretari nos debere, secundum quam, miraculosa prophetarum dona sæpius *spiritus sancti* dicta fuisse, constat. Revera hos Ephesinos a Paulo iterum baptizatos esse, contendit vir doctissimus, secus sentientes auctoritatis præiudicio regi pronuntians. Nomen *Tyranni*, quod *comm. 9.* legitur, proprium fuisse docet, adductis aliquot scriptorum græcorum locis, in quibus idem occurrat. Ad *Cap. XX. 17.* observat, τὸς πρῶτοντες eosdem esse, quos *comm. 28.* τὸς ἐπισκοπὸς nominari legimus: utrumque nomen ergo vir doctissimus unius eisdemque auctoritatis esse censet. Sed his episcopis mox præficiendum fuisse putat *Superintendentem*, sive *Episcopum Episcoporum*, quem a Paulo constitutum esse Timotheum iudicat, ab *Eusebio lib. III. hist. eccles. cap. 3.* haud inepte primum *Ephesinae ecclesiae episcopum* appellatum. Ad *pedes Gamalielis Cap. XXII. 3.* sedisse se ipse Paulus confitetur, quod quidem de modo discipulorum, qui docentibus superiori loco constitutis præsto audientes sunt, quod & Hebræis usu venit, accipit Auctor, docetque, ex vocabulo ἀναγεσθαι, neutiquam, quod Gamalielis commensalis Paulus fuerit, sequi. Morem *pulverem iaciendi Cap. XXII. 484-23,* una cum *Munkero*, de Zelo Iudæorum Paulo infensorum explicat, quo excitati, socios sceleris alios hoc signo pater convocare studuerint. Verba Pauli *Cap. XXIII. 3. 4. 5. 495.* nimio zeli iniusti æstu contra summum sacerdotem prolata esse, iudicat *Heumannus*: ad quem tamen locum magis placet nobis beati *Wolffii* egregia in *curis ad h. l. responsio*. Epistola *Lyfiæ comm. 25. siqq.* obvia, quam ratione in manus divi Lucæ Evangelistæ pervenerit, rimatur

diligenter doctissimus *Heumannus*, neque perdifficile tunc temporis fuisse credit, ut eiusmodi epistolæ exemplar, *copiam* Germani vocant, quis obtineret. Cum vero Lucas Cap. XXV. 26. Festi ad Imperatorem datas literas, quarum forte exemplar haud adeptus fuerit, non communicaverit cum *Leetoribus* suis, exinde A. tuto satis concludi vult, epistolam *Lyfiæ*, a Luca insertam actibus apostolorum, nequaquam spuriam esse censendam. Spuriam enim si voluisset subicere epistolam, ita cel. Auctor subsumit, sequenti pariter loco istam subiecisset. In quo quidem concludendi modo num acquiescendum sibi putent critici, nos non definimus. Sufficient hæc cognoscendis æstimandisque Viri Venerandi illustrationibus biblicis, in quibus, laudabili studio, exercet senectutem ultimam. Hac ut vegeta diu fruatur, reique Theologicæ & litterariæ, ut fecit adhuc, scriptis suis consulere pergat, ex animo precamur.

IO. GEORG. ECCARDI V. CL. DE ORIGINE
Germanorum, eorumque vetustissimis coloniis, migrationibus,
ac rebus gestis, libri duo, ex Schedis manuscriptis viri
illustris edidit, figuras ævi incisas adiecit, ac præfatus est, CHRIST. LUD. SCHEID-
DIUS, I. C.

Goettingæ, sumtibus Io. Guil. Schmidii 1750. 4.

Alph. 2 plag. 10.

Dignum sane fuit elegans hoc cl. *Eccardi* opus, 'quod cura ill. editoris in lucem protraheretur: dignum quoque fuit, quod luculenta ornaretur præfatione, cuius summam exhibere, officii nostri est, antequam de ipsis, quos nominavimus, commentariis disseramus. Dicendi initium præf. Pag. fecit *Scheidius*, V. C. a variis difficultatibus, quibus utilissimum æque ac iucundissimum argumentum, ab *Eccardo* enarratum, adhuc impeditum fuit. Iniurii essemus in manes celeberrimorum virorum, si de eorum laudibus detraheremus, qui in argumento hoc explicando studia sua collocarunt; tamen

tamen negari non potest, plerosque quam longissime a recta via declinasse, quod sagacitate hic opus est, ad faciendas conjecturas; siquidem in his rebus pauca admodum evidentibus historicorum testimoniis conficiuntur. *Bocharti* immortale opus, *Phalegi* titulo ornatum, nimis sterile est in enarrandis veterum Germanorum originibus. Id quod quamvis ægre ferendum sit, magis tamen dolendum, gravissimos viros, qui eum sequuti sunt, *Rudbeckium*, *Pezronium*, *Lundium*, nimio erga patriam amore abreptos, quæ ille mirifica industria congefferat, contra veritatem, ad amplificanda gentis suæ decora, male transtulisse. *Frankius*, Pag. VI. præter Transylvaniæ Saxones nihil adigit, quod ad Germanos pertineat. *Lazii*, *Cluverii*, *Vorburgi* commentarii hoc VII. argumentum non exhauriunt. Maioris quidem pretii ea sunt, quæ illustrissimum Germaniæ decus, Comes *Henricus Bunsæ* VIII. vius, & quæ ill. *Io. Iac. Mascevius* susceperunt; negari tamen non potest, egregios eorum libros nostris commodis magis inservire, quam exteris, linguæ Germanicæ ignaris. Præter hæc brevia sunt atque subobscura, quæ hinc inde de antiquissimis Germanorum fatis commemorantur, ita ut omni laude dignus censeatur, qui lucem illis adferre studeat. Confirmantur hæc illustri *Saxonum* exemplo, quorum ne nomen quidem antiquis Romanis auditum fuit. Primam eius mentionem fecit *Cl. Ptolomæus*; sed magna cautione opus est, ne ex hodierna adpellatione res eorum æstimes. Varias enim Saxonici nominis notiones artis periti norunt, consentiuntque, amplissimos Saxonum esse fines, nec solum præstantissimos Germaniæ populos inde traxisse originem, sed etiam ipsa Americanorum auspiciis XIV. ex Saxonia repetenda esse, si *Grotio* fides habenda sit. Quoquo modo res ea se habet, id clarum est, veterem Saxonici nominis gloriam, proprio iure ad Westphaliæ, & Ostfaliam in terris Brunsvicensibus, unice pertinere. Hæc postea XV. quam edisseruit *Cl. A.* commodam nactus esse sibi visus est, in laudes celsissimæ Guelforum domus excurrendi, eiusque origines paullo adcuratius enarrandi, occasionem. Redit postea ad id, unde digressus est; atque, ut causas monstraret, XXI.

cur

- cur difficillimum & arduum munus sit, quod ipse sibi *Eccardus* imposuit, rectissime monet, linguas unica esse antiquissimæ ætatis monumenta, quæ ad nos pervenerunt, nec faciliorem viam ad primas Germanorum origines ducere posse, quam linguarum origines, in quas igitur sedulo inquirendum sit. Copiose hæc A. edisserit, ac pro Scythia, communi quasi gentium patria, sententiam dicit; firmamque esse, ac certam *Leibnitii* opinionem pronuntiat, quod non mari, sed terra, primæ migrationes factæ fuerint. Castigat deinceps eos, qui omnia ex Babylonica turris exstrukione repetunt, atque Scytharum linguam, quam ex reliquiis invenisse gloriantur, ceterarum omnium matrem esse, confidenter sibi & aliis persuadent. Scite A. ostendit, quanta cautione in hocce litterarum genere tractando opus sit; nec timide se eorum parti adiungit, qui linguam primigeniam prorsus deperditam esse credunt. Quamvis difficile sit, explicare gentium Germanicarum origines; longe tamen difficilius est, veras definire sedes populorum, quos Græci ac Romani scriptores in Germania collocant. Duces oportet nos sequi *Ptolemæum* & *Tacitum*: manifestum autem est, priorem omnia perturbasse ac miscuisse; posteriorem temere iis laudibus extolli, quibus eum docti viri prosequuntur. Hæc quum monuisset
- XXXVII. vir Cl. peropportune de *Taciti* fide uberius disserit, eaque, quæ olim hæc de re dixerat, contra consultissimum *Ancherisenium*, Hafniensem doctorem, qui nimis magnifice *Taciti* causam egerat, defendit. Non negamus, multa docte esse disputata, quæ omnino digna nobis videntur, ut a lectoribus doctis expendantur.

Accedimus iam ad ipsum *Eccardi* opus, cuius duas partes constituit cel. Auctor. Prior antiquissimas Germanorum res gestas exponit, & usque ad fortunatum illud temporis spatium producit, quo Christus humanam naturam sibi iunxit. Primo itaque loco A. docet, humani generis originem in Armenia quærendam esse, ac ibidem eius reliquias post diluvium confedissee. Disserit deinceps de divisione terræ inter filios Noachi: de Iapheti & Gomeri posteritate: de Magogi, Mesechi, Thubalsique sedibus: de Madai,

Madai, Iavani eiusque posteris, ac Thiraso. Porro de Berofo, Pag. 7.
 aliisque vetustissimis historicis: de Herodoti testimoniis, quæ 11.
 de Germanis reliquit: de antiquis Germanorum heroibus
 apud Tacitum, disquirat, & exponit quisnam fuerit Tuisco? 12.
 quis Mannus? quænam gentes, Inguones, Istævones, Her-
 miniones? quis Harminius? Ostendit deinceps, quod Germa-
 norum Celtarumque maiores in confiniis Europæ & Asiæ ha- 19.
 bitaverint: quod Germani & Celta antiquissimas colonias in
 Græciam deduxerint: & quo modo fabulæ de Iove Diisque ex- 24.
 poni debeant. Pergit dein ad migrationes nostrorum versus oc-
 cidentem. His ante constitutis, & egregiis observationibus illu-
 stratis, propius ad rem accedit. Primos, qui in nostras ter- 28.
 ras venerant, Hispaniæ & Hiberniæ incolas, partim etiam Fri-
 sios fuisse, enūciat. Quod ut demonstraret, non solum non-
 nulla de Scotis, Hibernis, eorumque lingua adfert, & Frisios 36.
 Chauliosque vetustissimorum Germanorum colonias fuisse pu-
 tat; sed confutat etiam eorum sententiam, qui maiores
 nostros ex Suecia in Germaniam migrasse credunt; ornatque 40.
 opinionem, quæ huic contraria est. Suecos igitur Vandalos 47.
 fuisse docet, ac Cherfonesum Cimbricam eandem esse cum Scan-
 dinavia veterum pronuntiat, argumento usus, quod ex utriusque
 linguæ convenientia peti solet. Nomina montium, silvarum, 49.
 fluviorum, e lingua sunt Saxonum. Nec Celta, nec 50.
 Scythæ, nec Gothi, in terris his fuerunt; sed pro Germa- 59.
 nis vetustissimis pugnant mores, amictus, arma, munimenta,
 quorum notitiæ ad nos pervenit. Explicari hinc ea possunt, 60.
 quæ de arte maiorum nostrorum nautica; de Piclis in Britan- 66.
 nia; de doctrina veterum de defunctis, deque ritibus, superfluit
 monumenta. Hæc summa diligentia enarravit ill. Auctor,
 ac nominatim de lapidibus illis sepulchralibus, de cornu Ton-
 derensi, de tumulis, urnis, atque inventis inibi utensilibus
 lapideis & æreis, de tumulis Buckensi & Helmstädiensi, ac 83.
 de lucis exposuit, atque nonnulla de ædificiis addidit. Acce-
 dit posthæc ad principem quæstionem A. quomodo in nostras
 regiones maiores nostri venerint? Primi Germaniæ incolæ 93.
 litora maris Baltici sequuti videntur. Qui post eos venerunt,

- per mediterranea Poloniae, Germaniam, eiusque regiones, quae nostra hac aetate Prussiae regi ac Brandenburgico Electori parent, ingressi sunt. In his terris olim Suevoi suas habuerunt sedes, quos a *Sueden*, sive *Sween*, id est *urere*, dictos esse
- Pag. 100. A. putat, propterea, quod silvas exusserint. Sueviam igitur hanc fufius describit, ac felici coniectura itinera definit, quae illi consecrerunt. His praemissis, demonstrare nititur, ex
101. Germania primos Italiae & Galliae incolas venisse; ac postquam de Celtis & Cimmeriis, eorumque sedibus, disquisivit, Rhætos, Tuscos, Umbros, & Liguros, perinde originem suam Celtis duxisse, ac Venetos, ubi Venetiam veterem descripsit: & con-
114. sutaavit *Casparum Sardum*, *Hieronymum Falletum*, *Io. Bapt. Pignam*, qui Atestinos principes ab Aoliurum gente, in Romanorum monumentis celebrata, descendisse, commenti
121. sunt. Nec subseribendum esse putat *Philippo a Turre*, qui Antenorem Troianum Venetiam appulisse credidit. Quod ut rite probaret, copiose de diis Celtarum, in moni-
124. mento, Parisiis anno 1711, sub templo cathedrali effosso, commemoratis, item de moribus veterum Celtarum, disputat, & quaedam de origine Bardevici adiungit. Quum de origine Seytharum eorumque expeditione disquisivisset, eaque evertisset, quae de Anthyrio, ducum Megapolitanorum satore,
132. circumferantur, novis argumentis, contra communem de origine Romae sententiam, quam Graecorum coloniam esse sibi persuadet, pugnavit. Nec melior est *Bodini*, *Trivorii*, *Lacani*, *Turnemini* opinio, qui Francos a Gallis, qui traiecto Rheno in Germaniam venissent, ortos esse statuunt. Gal-
139. lis potius cum Romanis res fuit, id quod variae eorum in Italiam excursions testantur. Quam vana sit nonnullorum sententia, Francos aut Saxones exercitus Alexandri M. reli-
147. quias esse, luculenter monstrat, & de expeditionibus Celtarum in provincias, versus solem orientem positas, commentatur. Galli, qui sub Brenno Græciam invaserunt, eis Rhenum habitarunt, iidemque terram, quae Galatiae nomen inde
150. accepit, occuparunt. His migrationibus vacuata esse oportet loca trans Danubium. In hæc secesserunt. alii Germaniae

maniae populi, qui adhuc ad Moenum coluerant: sicque patet vera Alemannorum origo. Contra ea Germani quidem in Pag. 156. Belgium irruerunt, quos, probabile est, eosdem Germanos fuisse, quorum proprium hoc nomen esse, ad alios deinde 160. ex ignorantia translatum, *Tacitus* Auctor est. Redit deinceps ill. A. ad bella Germanorum ac Gallorum cum Romanis, quae distincte persequitur: nominatim ea recenset, quae passim de 164. Cimbris & Teutonibus, de Thoro, vetustissimo principe, tradita sunt; Cimbrosque revera germanica lingua Francos adpellatos fuisse, docet. Cimbri hi, exunda- 174. tionibus maris admodum vexati, patrias suas sedes reliquerunt, & quod probabile est, Viadrum traiecerunt, dederuntque Francofurtensi urbi nomen, sicque Carpathios montes ad sinistram declinantes, ad Istrum pervenere: hinc ad Scordiscos, tandem ad Taurios, sive Stirios, progressi sunt. A. V. C. DCLX. per alpes Iulias Italiam intrarunt, fuso Car- 180. bone. Brevi tempore adiunxerunt sibi Helvetios, Ambrones, Tiguriōs, & Tugenos, ac, in duas partes divisi, a C. Mario, Teutones quidem ad Aquas Sextias, Cimbri autem ad Vercellas, devicti, eidemque imperatori a Romanis summi honores delati sunt. Qui ex his cladibus evaserunt, partim in 186. Alemannia confederunt, partim domum redierunt, ac patriae suae cultiorem vivendi rationem, a Gallis Romanisque acceptam, artemque metalla tractandi, intulerunt. Immo verosimile est, tunc litterarum usum Germanis innotuisse. Sequitur ergo, ut illi prius Runas habuerint, quam gentes septen- 188. trionales, vanaque sit Suecorum iactantia, qui Runicas illas inscriptiones ad antiquissimam aetatem retulerunt. Terras, quas deseruerunt Cimbri, occuparunt Winuli, qui postea 196. Longobardi adpellati sunt. Quum haec usu venirent in nostris tractibus mutationes, Odinum ex Asia a Romanis esse pulsum, 200. eumque in septentrionales regiones venisse, quidam historici comminiscuntur: siquidem manifestum sit, quod Odinus seculo post Christum natum tertio floruerit. Certiora potius his sunt, quae de Caesaris contra Ariovistum bellis, ac fortunatis 202. eius expeditionibus in Germaniam factis, traduntur. Haec 205. quum commemorasset, excurrit Cl. Auctor ad ea, quae de

- Pag. 210. Cæsaris in Britanniarum itinere memorantur, & qualis fuerit. Britanniae status, doctè explicat, eleganterque de Britannorum numis, ad Romanorum morem, ex auro argento-
 215. que cufis, differit. Revertitur denique cum Cæsare in Germaniam, & postquam enarravit, quomodo Treviros coercuerit, apte monet, Germanos haud paucos a Cæsaris partibus stetitisse, quum bellum civile contra Pompeium gereret, Cæsaris cæde potius, quam Pharsalica pugna, confectum. Consequuntur Octavii tempora, quibus Ubii translati sunt, urbisque Coloniae fundamenta iacta. Origines hinc deducendæ Germaniæ, in superiorem & inferiorem divisæ. Non diu multo post
 221. Lolliana cedes in Germania facta fuit; Drusus vero domuit
 223. Rhætios, Usipetesque, Sicambros, Frisios, Bructeros. Fossam hic, novum immensumque opus, effecit, Isulæque alveum ampliorem reddidit, ut classis Flevum lacum intraret, cuius vel nomen *Flie* conservatum est: nec recedit a
 226. veritate, Emdæ urbis initia repetenda esse a Romana statione, quam ad Amisii ostium collocatam fuisse, *Tacitus* testatur. Secunda expeditione Drusus ad Visurgim pervenit, ca-
 226. stellumque ad Rhenum exstructum, Cheruscis, Cattis, Sicambribusque opposuit, quod auctore *Furstenbergio*, nomen *Elfen*
 229. adhuc retinet. Cattos, quos Hassos adpellamus, Suevicam gentem esse existimat ill. Auctor, Cæsaris auctoritate munitus. Pergit ad ultimam Drusi expeditionem, qua ad Albim pervenit, de qua nostra ætate disceptatum fuit: nihil tamen adfert, quod ad componendam controversiam nobilissimam magnopere faciat. Satis ei fuit, mortem Drusi attingere, & disquire-
 232. re, ubi tropæa Drusi fuerint. Cenotaphium eius esse Eichel-
 234. steinium, prope Moguntiam, statuit. Addit his castella a Druso exstructa, & Gabretam sylvam, nemus Harficum. Ea tempestate, qua Drusus in Germania occupatus fuit, versus orientem Imperii fines vexabant Getæ & Daci, quos Iornar-
 238. des perperam cum Gothis confudit. Tiberius Sicambros trans Rhenum collocavit. Quo tempore Marobodui Molina inclaruerunt. Boii originem ducunt ex Bohemia; Bo-
 246. vialemus autem Strabonis Budissina est, Lusatiae urbs. Concludit

cludit denique librum priorem demonstratione, Iani templum sub Christo nato non clausum fuisse. Liber posterior res in Germania, seculis post partum virginis primo & secundo, gestas, complectitur. Agit itaque de expeditionibus Pag. 251. Tiberii in Germania, qui usque ad Albim pervenit, contra 254. Maroboduum minus feliciter pugnavit, Pannonicum autem ac Dalmaticum bellum confecit. Accidit postea clades Va- 260. riana, aeternum virtutis Germanicæ exemplum, quam prope 261. Detmoldiam factam esse, cum *Furstenbergio* & *Schatenio* sibi 269. persuadet. Varia eius adhuc supersunt monumenta, cuiusmodi inscriptio illa a *Wasserbachio* edita, gemmæ, tela, aliæque arma, item nummi, a *Wasserbachio* & *Harduino* in lucem producti; quorum unus certe hæc titulus est. Quo gravius tulit hanc cladem Augustus; eo maior fuit moderatio Maro- 271. bodui, ad quem quum perlatum esset Vari caput, remisit illud ad Tiberium, gentilitii tumuli sepultura tandem honoratum. Quæ postea Tiberius in Germania gessit, nimis extol- 272. lit *Velleius*; omittunt autem *Dio* eiusque sectatores. Certiora igitur sunt virtutis monumenta, quæ de Germanico re- 278. stant. Solo tunc æquatum fuit Tanfanæ templum, quæ a silvæ dominio adpellata fuit. Suevi migrarunt in loca Ale- 279. mannis vicina. Germanicus, postquam contra Cattos & Che- 286. ruscus dimicavit, ultima expeditione gloriosam de Arminio reportavit victoriam. Errat *Lipsius*, qui infra Bremam locum prælii fuisse statuit: rectius *Cluverius* & *Schatenius* defi- 291. niunt tractum, inter Hamelam & Oldendorpium situm. Inter honores, qui Germanico decreti sunt, eminet triumphus, in Achate exsculptus, quem quum nemo rectius explicaverit *Harduino*, accedit ei *Eccardus*, & docte de hac gemma differit. Paucis de Arminii & Marobodui bello: de Semnonum 301. ac Longobardorum a Maroboduo defectione: Arminii item interitu, interpositis, auctoritate sua confirmat eorum senten- 305. tiam, qui Irmensulam, a Carolo M. destructam, Arminii honori dicatam fuisse consentiunt. Excurrit ad Gothos, stirpis- 306. que Amalorum genealogiam ex *Scrivieri* schedis exhibet. Incluserunt A. C. XXIX Frisii, qui damna multa Roma- 310.





- Pag. 313. nis intulerunt, a Tiberio imprudenter dissimulata. Hunc
 314. excepit Caligula, cuius expeditio Britannica risu magis, quam
 315. *Hadr. Valesii* aetate adhuc superstes. Claudius Augustus re-
 pressit Caucos, Cattsos, ac Marfos, qui in *Dionis Cassii* libris
 317. manu exaratis *Maurisi* perperam adpellantur. Idem Claudius de
 321. Britannis triumphavit. Dedit is Italum Cheruscis regem, ac Rhe-
 323. num imperii limitem constituit. Uxor eius, Agrippina, colo-
 324. niam in urbem Ubiorum deduci iussit, quæ origines fuerunt
 327. dem esse cum Augi Iornandis. Eodem imperatore, religionis
 christianæ doctrina in Germania per apostolos propagata
 fuit; licet fabulosa sint, quæ de Mariano & Egisto, Harde-
 335. vicensium apostolis, circumferuntur. Nerone imperante,
 nihil magni in Germania gestum fuit: tenuerunt tamen Ger-
 337. mani custodiam corporis imperatorum. Celebratur præter-
 ea bellum Cattorum & Hermundurorum de fluvio sale secun-
 341. do, quem Salam Franconicam fuisse credit *Eccardus*. Iu-
 honum coloniam, quam eadem tempestate combustam fuisse
 343. *Tacitus* memorat, non Eburonum oppidum *Hugi*, sed lo-
 cum *Gickel*, in via Bambergensi situm, fuisse coniicit.
 Nerone mortuo, turbæ excitate fuerunt a Galba, Otho-
 353. ne, Vitellio, & Vespasiano, qui Hierosolymam diripuit.
 357. Spectant huc, quæ de Claudio Civili ac Velleda, Bru-
 359. terorum vate, eorumque excidio, a *Tacito* narrantur. Do-
 mitianus arrogavit sibi Germanici nomen, ac ridiculum
 363. de Germanis egit triumphum. L. Antonius tamen
 364. in Germania rebellis, prostratus fuit. Sub Domitiano
 clara fuit Ganna, ex qua Poloni Bohemique *Wandam* suam
 effinxerunt. Quæ de Lygiis in Mysia traduntur, occasionem
 365. *Melanchthoni*, *Reineccio*, *Albino*, aliisque dederunt, Misnen-
 366. sium origines inde repetendi, etsi nullis argumentis idoneis.
 Superbiæ autem potius, quam virtutis monumentum fuit alter
 367. Domitiani de Germanis triumphus. De Nerva silent histo-
 rici,

rici: loquitur tamen numus, Germanici nomine insignis. Pag. 368.
 Traianus autem plura in Germania reliquit laudis suæ monu-
 menta. Condidit Ulpia castra, quæ num Francofurti ad
 Moenum origines fuerint, disquisitione opus est. Illustris 370.
 est pons, in Danubio a Traiano factus, quem inter miracu-
 la retulit *Dio*, contra sentiente *Marfiglio*. Nec silentio 372.
 prætermittenda videtur Traiani columna, quam *Fabrettus* de-
 scripsit, quamvis parum cum Germanicis rebus cohaereat. 374.
 Eodem tempore natum fuisse videtur Saxonum nomen. Gra-
 vissima est de eorum origine controversia; nec componi il-
 lam posse autumat *Eccardus*, nisi nominis illius origines infra 376.
 Taciti ætatem colloces, ac reiicias fabulosos illos reges, a
Jo. Magno, Saxone Grammatico, & Cranzio enarratos. Quæ 384.
 cunque sane de Saxonum principibus antiquissimis circumse-
 runtur, anxie conquesta ac congesta videntur, nulliusque
 sunt pretii. Hengisti & Horsti, qui Britanniam occuparunt, 385.
 maiores conservarunt nobis annales, ex quibus sua sumisit
Nennius Sec. VII. scriptor, a *Tho. Gale* in lucem editus. Quæ
 hic tradidit ut illustraret *Eccardus*, observavit, tres fuisse Wa-
 danos, eorumque secundum seculo post C. N. secundo flo-
 ruisse, tertium tertio, *As* dictum a patria, ex qua nonnulli 391.
 satis ridicule Asiam fecerint. Vandalus is fuit, ac in Scandi- 392.
 naviam profectus est, eamque legibus instruxit, artemque seri- 396.
 bendi ac carmina condendi docuit. Odino uxorem iungunt vete- 398.
 res *Fream*, quæ sine dubio Wadano antiquior fuit, pacis & amo-
 ris deam, cum *Friccone*, cuius nomen *Adamus Bremensis* 399.
 servavit, vulgo confusam. Evidens sane est, Thorum, sub
 tauri figura representatum, cum aliis Germanis prius in se-
 ptentrionem venisse, quam Wadanum. Huic quum adiun- 404.
 gitur *Rheda*, a *Beda* commemorata, probabile videtur,
 eam principem vatemque Saxonum fuisse. Quæ si iunctim
 sumuntur, insignem nobis lucem cognoscendæ principum ve-
 terum Saxonum familiæ accendunt. Saxones nomen tute- 407.
 runt a gladiis brevibus, teste *Witichindo*, cui *Gottfridus Vi-*
terbiensis subscripsit. Cultellos illos conficiendi artem quum
 a Romanis acceperint, colligendum est, ipsius nominis anti-
 quitatem




- quitate, seculum post C. N. secundum non exsuperare,
 Pag. 409. quod ipse *Tacitus* silentio involvit. Hadriani laus expeditione Germanica illustrata fuit, cuius immortale monumentum moles illa existit, qua imperii Romani ac Germaniæ limites
 414. terminati sunt. Antonino pio rem cum Quadis fuisse, numi loquuntur, ex quibus *Capitolini* narrationes explicandæ
 418. sunt. Illa ætate floruit *Ptolemaeus*, qui multa de Germaniæ urbibus notavit, minus recte a recentioribus intellecta, qui non reputarunt, ea tempestate Romanos Albim non traiecis-
 sicque iusto longius a veritate discesserunt. Commodam hic nactus est ill. A. occasionem, *Ptolemaeum* exponendi, ac varia adferendi, quæ geographiæ veteris Germaniæ egre-
 424. gie inserviunt. Magnum fuit *Aurelii* in Germania nomen,
 434. qui contra Quados & Marcomannos pugnavit. Belli Marcomannici gloria maxime nobilitata fuit pluvia illa prodigiosa,
 442. de qua copiosi sunt veterum christianorum libri. Quadis feliciter oppressis, sub Commodopax restituta fuit, cuius suc-
 447. cessores nihil fere gesserunt, quod ad Germanos spectaret. Insequuta tandem est ruina Imperii Romani, irruptionibus gentium Germanicarum accelerata. Quæ quum ad seculum tertium referenda sunt, finem simul doctissimis commentariis imponunt. Nihil superest, quam ut ingenue fateamur, multa hic a cel. *Eccardo*, docte, ingeniose, & acute fuisse disputata; nec tamen deesse, quæ uberiore disquisitione digna sint.

DIUDICATIO CASUUM DETERMINATORUM
 Et ambiguum in Trigonometria, præsertim sphaerica,
 Auctore GODOFREDO HEINSIO.

Solutionem quæstionis plures uno casus sæpissime admitte-
 re, ex Analyticis satis constat. Trigonometricæ quæ-
 siones, resolutionem trianguli ex datis tribus eius con-
 ditionibus spectantes, eadem quoque indole immunes pror-
 Fig. I. sus non sunt. Dentur in triangulo rectilineo duo latera D, E,
 una cum angulo a ipsi D opposito, & quæzatur angulus x,
 qui



TAB. III. ad Nov. Act. Erud. A. 17568. seqq.



qui respectu E ex adverso est; patet, esse $\sin. x = \frac{E}{D} \times \sin. a$,

ideoque $\sin. x$ dari. Iam, nisi hic sinus sit ipse sinus totus, sinui ipsius x semper respondent anguli duo, alter acutus, alter obtusus, ita quidem, ut acutus cum obtuso conficiat duos rectos; quamobrem ex sola hac consideratione semper ambiguitas restat, cuiusnam conditionis sit x . Hanc quidem ambiguitatem nonnunquam detrahunt conditiones datorum inter se comparatæ; at nonnunquam quoque istam remove nullo modo licet. Sic si ex datis constet, esse $D > E$, omnis ambiguitas evanescit, & angulus x solummodo potest esse acutus. Finge enim x obtusum; quia ex hyp. est $D > E$, esse debet $a > x$, ut maiori lateri maior opponatur angulus; unde & a erit obtusus; quamobrem triangulum propositum duos habiturum esset angulos obtusos; id quod implicat. E contrario si ex datis cognoscatur $D < E$, & inde $a < x$; casus quidem emergit impossibilis, si a statuatur obtusus, siquidem tunc x etiam esse debet obtusus; at si a sit acutus, ambiguitas nullo modo tollitur, & x esse potest tum obtusus, tum acutus, & tamen semper maior quam a . Suppono hic casum realem, qui occurrit, quotiescunque sit

$D > \frac{E \times \sin. a}{\sin. \text{tot.}}$: datur enim & impossibilis sub iisdem con-

ditionibus, si scilicet accipiatur $D < \frac{E \times \sin. a}{\sin. \text{tot.}}$; tunc enim,

ob $E \times \sin. a = D \times \sin. x$ per solutionem problematis, fit quoque $\frac{E \times \sin. a}{\sin. \text{tot.}} = \frac{D \times \sin. x}{\sin. \text{tot.}}$, ideoque $D < \frac{D \times \sin. x}{\sin. \text{tot.}}$, & inde $\sin. \text{tot.} < \sin. x$, id quod absurdum involvit.

His ita constitutis, patet, problema superius, pro datorum conditionibus, non solum comprehendere casus impossibiles, verum etiam angulum x nonnunquam simplicis, nonnunquam duplicis valoris assignare. Cum casibus imaginariis res

Dd

nobis

nobis non est. In praxi enim trigonometrica, quam potissimum hic respicimus, si data quæstionis in numeris ex actuali dimensione alicuius trianguli acquisita fuerint, in eiusmodi casus impossibiles non incidet. At reliqui casus subinde torquent eos, qui calculum in numeris determinatis exercent, ut isti sæpe nesciant, quid invenerint. Hos itaque propius examinare licebit.

Si problematis superioris condiciones conferas cum elementis Geometriæ, patet, in casu, quo $D > E$, ex constructione unicum tantummodo prodire triangulum, quod habet data D, E, a , cuiuscunque conditionis sit a . E contrario in casu $D < E$, constructione semper acquiruntur duo triangula, magnitudine prorsus diversa, quæ iisdem tamen datis D, E, a , satisfaciunt. Casum problematis, in quo datis unicum tantummodo respondet triangulum, in sequentibus vocabo *determinatum*; *ambiguum* vero, si datis duo triangula satisficiant: in isto quæsitum habet simplicem, in hoc duplicem valorem.

Solutio mere trigonometrica, ut in problemate nostro

$\sin. x = \frac{E}{D} \times \sin. a$, non decidit, an problema determina-

tum, an vero etiam casum ambiguum contineat, prout supra indicavimus. Ut igitur praxi trigonometricæ consulatur, quæ utique promptum de conditione quæsitum iudicium postulat; operæ pretium erit, vel solutiones trigonometricas ita adaptare, ut ipse facillimam casuum distinctionem suppeditent; vel, si id fieri nequeat, condiciones assignare, quæ statim casus, aut determinatos, aut ambiguos, demonstrent. In trigonometria quidem plana res facile absolvitur. Si enim problemati supra memorato id adiungas, quo ex datis tribus angulis latera quærantur, quippe quod prorsus indeterminatum manet, & laterum magnitudines neutiquam, sed tantummodo illorum rationes definit; reliqua omnia problemata casus determinatos subministrant, prout ex constructionibus geometricis & criteriis æqualitatis triangulorum abunde patet. At in Trigonometria sphaerica res ulterioris est indaginis.

Varieta-

Varietates multo plures in triangulis sphaericis se offerunt, quam in planis. In iis occurrere solent anguli recti plures uno, anguli obtusi plures uno, latera quadrante & minora, & maiora. Miraberis ingentem casuum in triangulis istis copiam, si *Opus Palatinum Georgii Ioachimi Rheticus* in L. III. de triangulis globi consulere velis, ubi 129. casus enumerantur. Si iam solutionem trianguli sphaerici trigonometricam spectes, invenies pro quaesito vel sinum vel cosinum, vel tangentem vel cotangentem, (omitto secantes &c.); at inde quaesitum nondum cognoscitur. Unicuique eiusmodi quantitati semper respondet duplex saltem valor; & angulus quaesitus vel acutus vel obtusus; arcus quaesitus vel quadrante minor, vel quadrante maior esse potest. Imo, quid impedit, quo minus arcui, qui invento sinui, tangenti &c. convenit, assignemus tres, quatuor, vel infinitos valores. Nonne arcubus 20, 160, 200, 340, & si denuo, manente termino a quo, in orbem redeas, 380, 520, &c. graduum, idem, quoad magnitudinem, respondet sinus vel tangens? Quis non sentit, quam lubricum de quaesito sit iudicium ex mera problematis solutione trigonometrica? Quis non ominatur farraginem disquisitionum ante instituendarum, quam colligere liceat, an secundum data casus problematis determinatus, an ambiguus locum habeat? Scriptores quidem trigonometrici, tum restrictione, tum copiosis pro distinguendo quaesito criteriis, ex theoria formatis, medelam attulerunt, & ex parte etiam, praesertim in triangulis rectangulis, casus ambiguos indicarunt: at ingenue quoque fateor, regularum multitudinem admodum defatigare eos, qui triangula sphaerica crebro resolvere coguntur; de assignandis autem casibus ambiguis, praesertim in triangulis obliquangulis, mihi nusquam, quantum quidem experiri licuit, satisfactum fuisse.

His permotus, iamdudum confugere coepi ad formulas algebraicas, quibus nunc insigniter promoveri solent solutiones trigonometricae: & cum istae maxima ex parte casuum distinctionem utique iuvent, sic, ut arctiores limites assignent, quibus ambiguus casus comprehenduntur; horum quoque

evolutionem perficere licuit. In plurium forsan commodum operam me collocaturum esse spero, si in presenti ea, quæ se obtulerunt, brevibus enumerem.

Primum autem, ne multitudo casuum nos obruat, eiusmodi tantum triangula sphaerica considerabimus, in quibus unumquodque latus minus est semicirculo, vel unusquisque angulus minor duobus rectis. Triangulum enim sphaericum occurrere posse, in quo unum latus semicirculo sit maius, notio trianguli, quod istud tribus arcubus circulorum maximorum terminetur, non respuit; licet in scriptis trigonometricis plerumque propositio inculcetur: *in omni triangulo*

Fig. 2. *sphaerico quodlibet latus esse semicirculo minus.* Repraesentet $ADBA$ circulum sphaerae maximum, hemisphaerium oculo obversum terminantem, in cuius superficie punctum quodvis C sumtum sit. Capiatur arcus maximi ADB semicirculo maior, & arcus maximorum AC , BC , iungantur; nonne figura oriatur in superficie sphaerica, tribus arcubus circulorum maximorum terminata, quorum unus excedit semicirculum? Unicum quidem eiusmodi latus in triangulo aliquo tantum occurrere potest, & unicus angulus (ut ACB ad partes D sumtus) duobus rectis maior, qui lateri isti semper opponitur: interim tamen & hæc conditio procreandis ambagibus in nostra disquisitione sufficit, quas eo facilius mittit restrictio supra posita, quo promptius ex dato eiusmodi triangulo cognoscitur aliud, nempe arcubus, AC , CB , AEB , terminatum, cui restrictionis conditiones insunt, & quod loco istius disquisitioni potest subici.

Hoc pacto solum consideratio nostra versatur circa arcus minores vel maiores quadrante, & angulos vel acutos vel obtusos, quæ tamen quantitates cum cognosci debeant per sinus, tangentes &c. valorem duplicem, ut supra monuimus, nondum exunt. Introducamus itaque secundo loco determinationum conditiones, & angulorum acutorum vel arcuum quadrante minorum sinus, cosinus, tangentes, cotangentes, insar quantitarum positivarum accipiamus; inde enim fiet, ut angulorum obtusorum, vel arcuum quadrante maiorum, sinus & tan-

gentes

gentes quidem maneant quantitativæ; cosinus vero & cotangentes evadant negativæ. Positis autem his, res nunc eo redit, ut arcuum vel angulorum quæstionem trigonometricam ingredientium cosinus vel cotangentes in formulis solutioni inservientibus, quantum fieri potest, adhibeamus; quod si enim in actuali problematis solutione datorum determinationes positivæ vel negativæ pro conditione arcuum vel angulorum exprimantur, cosinus vel cotangens quæsitæ suæ determinatione, quæ tunc emergit, omnem ambiguitatem excludet. Ista scilicet, si prodeat *positiva*, arcum quæsitum quadrante minorem, vel angulum quæsitum acutum indicat; si *negativa*, arcum quadrante maiorem vel angulum obtusum pronuntiat. Si autem nullo artificio effici possit, ut quæsitum explicetur per cosinum vel cotangentem, sed tantummodo per sinum vel tangentem; suspicio remanet, casum ambiguum locum habere posse, & tunc res ulteriori examini debet subici.

Accedamus nunc ad ipsas formulas, quibus resolutio triangulorum sphericorum innitur, quas quidem tantum enumerare, neattquam vero demonstrare, sat erit; siquidem istarum demonstrationes tum passim extent, tum theoriæ hic locus non sit, & quæ forsitan ob finem propositum in illis immutata videantur, facile intelligi possint. Primum autem compareant formulæ pro triangulis rectangulis per hypothesin sequentem brevius expressæ. Vocentur scilicet constan- Fig. 3.
ter in triangulo spherico MNr ad r rectangulo

<i>Hypothenua seu latus MN recto oppositum</i>	- - - -	H
<i>Latus r M recto adiacens & pro basi assumptum</i>	- - - -	B
<i>Angulus præter rectum basi adiacens</i>	- - - -	M
<i>Angulus basi oppositus</i>	- - - -	N
<i>Latus angulo M oppositum, seu perpendiculum</i>	- - - -	P

quibus positæ, si R semper designet sinum totum, sequentes inservient formulæ:

I. $R : \cos. B = \cos. P : \cos. H$

II. $R : \sin. H = \sin. M : \sin.$

III. $R : \cos. B = \sin. M : \cos.$

IV. $R : \sin. B = \cot. P : \cot. N.$

$$V. R: \cos. M = \cot. B: \cot. H$$

$$VI. R: \cot. M = \cot. N: \cos. H$$

$$VII. R: \sin. H = \sin. N: \sin. B$$

$$VIII. R: \cos. P = \sin. N: \cos. M$$

$$IX. R: \sin. P = \cot. B: \cot. N$$

$$X. R: \cos. N = \cot. P: \cot. H$$

ita ut datis, præter R, duabus quantitativis analogiam ingredientibus, reliqua semper, quoad magnitudinem, possit inveniri, & introducta in datis determinationis specie (manente sinu toto seu R semper positivo), cognosci, an quæsitus angulus sit acutus vel obtusus; & an arcus quæsitus quadrante minor vel maior existat; modo quæsitum explicetur per cosinum vel cotangentem.

Hoc pacto statim patet, nullam ambiguitatem locum habere, si pro resolutione alicuius problematis adhibeantur formulæ sub no. I. V. VI. X. Ast, si quæsitum exprimatur per sinum, ut in formula

$$III. \text{ si ex } B \text{ \& } N \text{ quæritur } M$$

$$IV. \quad - \quad P - M \quad - \quad - \quad B$$

$$VIII. \quad - \quad P - M \quad - \quad - \quad N$$

$$IX. \quad - \quad B - N \quad - \quad - \quad P$$

remanet ambiguitas, dum ceterum hæ ipse formulæ in reliquis casibus nullam ambiguitatem subministrant. In formula II. quidem casus semper ambiguus adesse videtur: ast hæc ambiguitas revera tantum locum habet, si H ex M & P quæritur; nequiquam vero si M vel P sit quæsitum. Ex trigonometricis enim constat, M & P ita inter se connecti, ut semper sint eiusdem conditionis, hoc est, si P sit quadrante minor, vel quadranti æqualis, vel eo maior, M respective sit acutus, vel rectus, vel obtusus; & vicissim. Simili argumento, cum N & B eodem modo inter se connectantur, ut ante M & P, formula VII, quæ ubique ambiguitatem procreare videtur, casum ambiguum non admittit, nisi per N & B definiatur H. His pensatis, casus solummodo sequentes dantur *ambigui*, si in formula

II.

II.	ex	M	&	P	quæ	ratur	H
III.	-	B	-	N	-	-	M
IV.	-	P	-	M	-	-	B
VII.	-	N	-	B	-	-	H
VIII.	-	P	-	M	-	-	N
IX	-	B	-	N	-	-	P

hoc est, si data fuerint M & P, vel N & B, angulus scilicet aliquis (præter rectum, qui semper datur) cum latere opposito.

Cognito per præc. casu ambiguo, quæsitum semper duplicem obtinet valorem, ita tamen, ut unus alterius sit complementum ad 180° . Sic arcui quæsito respondet arcus vel minor vel maior quadrante, uterque quoad magnitudinem datus, interea dum minor cum maiori conficit 180° ; vel, si angulus quæratur, prodit vel acutus vel obtusus, magnitudine notus, ita quidem, ut acutus cum obtuso æqualis sit duobus rectis. Et hæc ambiguitas ex mera consideratione trigonometrica detrahi nullo modo potest; sed decisio circumstantiis peregrinis, e disciplina, in qua quæstio proponitur, forsan petendis, relinqui debet.

Si denique duo ista triangula desideres, quæ datis in casu ambiguo satisfaciunt; assumes primo unicum quæsitum iam inventi valorem, atque ex eo & alterutro dato, habita determinationis ratione, invenias ex formulis supra positis reliquas trianguli conditiones, quæ adhuc deficiunt, tam respectu magnitudinis, quam determinationis; & sic emerget triangulum unum pro assumpto valore quæsitum primi. Captis nunc trium quæditorum iam inventorum respectu complementis ad 180 . gradus; acquies alterum triangulum. Rem exemplum declarabit. Dentur N ($= 105^\circ. 33'$), B ($= 121^\circ. 18'$); quæsitum primum sit H, quod deprehendes vel $= 62^\circ. 29'$, vel $= 117^\circ. 31'$. ex formula no. VII; reliqua quæsitæ erunt M, P. Sumatur unicus valor ipsius H, (verbi causa $= 62^\circ. 29'$) & per no. V. ex B & H definiatur M, qui erit obtusus ($= 148^\circ. 56'$) ob cos. M negativum. Deinde ex eodem valore ipsius H ($= 62^\circ. 29'$) qui cum N

combi-

combinetur altero scilicet dato, per no. X. determinetur P, qui erit quadrante maior ($= 152^{\circ}. 46'$) ob cot. P negativum. Hoc pacto

$$\text{datis } N = 105^{\circ}. 33'$$

$$B = 121. 18.$$

respondebunt in triangulo

uno

$$H = 62^{\circ}. 29'.$$

$$M = 148. 56.$$

$$P = 152. 46.$$

altero

$$H = 117^{\circ}. 31'.$$

$$M = 31. 4$$

$$P = 27. 14$$

Scilicet, si pro altero triangulo accipiat H quadrante maior, cot. H in formulis no. V. & X. eiusdem quidem magnitudinis manet, ac ante, cum H fumeretur quadrante minor; ideoque ob datum B vel N idem, cos. M vel cot. P eiusdem magnitudinis etiam ac ante resultare debet: ast cum cot. H nunc sit determinationis oppositæ, negativæ scilicet, necesse est, ut cos. M vel cot. P sub determinatione quoque opposita, positiva nempe, prodeat.

Triangula sphærica obliquangula, vel in genere triangula quævis sphærica, sex problematum ope resolvuntur, quæ ad Fig. 4 fig. 4., cum qua deinde alia triangula, permutatis tantum nomenclaturis, comparari possunt, relata ex ordine enumerabo; designante ceterum R semper sinum totum.

PROBL. I.

Datis omnibus lateribus, invenire angulos.

SOLVTIO.

$$\cos. A = \frac{R^2 \times \cos. B C}{\sin. AB \times \sin. AC} - \frac{R \times \cos. AB \times \cos. AC}{\sin. AB \times \sin. AC}$$

PROBL. 2.

Datis omnibus angulis, invenire latera.

SOLVTIO.

$$\cos. AB = \frac{R^2 \times \cos. C}{\sin. B \times \sin. A} + \frac{R \times \cos. B \times \cos. A}{\sin. B \times \sin. A}$$

PROBL. 3.

PROBL. 3.

Datis duobus lateribus AB, AC, una cum angulo intercepto A, invenire reliqua.

SOLVTIO.

$$1) \cos. BC = \frac{\cos. A \times \sin. AB \times \sin. AC}{R^2} + \frac{\cos. AB \times \cos. AC}{R}$$

$$2) \cot. B = \frac{\sin. AB \times \cot. AC}{\sin. A} - \frac{\cot. A \times \cos. AB}{R}$$

$$3) \cot. C = \frac{\sin. AC \times \cot. AB}{\sin. A} - \frac{\cot. A \times \cos. AC}{R}$$

PROBL. 4.

Datis duobus angulis A, B, cum latere intercepto AB, invenire reliqua.

SOLVTIO.

$$1) \cos. C = \frac{\cos. AB \times \sin. B \times \sin. A}{R^2} - \frac{\cos. B \times \cos. A}{R}$$

$$2) \cot. BC = \frac{\sin. B \times \cot. A}{\sin. AB} + \frac{\cot. AB \times \cos. B}{R}$$

$$3) \cot. AC = \frac{\sin. A \times \cot. B}{\sin. AB} + \frac{\cot. AB \times \cos. A}{R}$$

Formulae omnes adhuc expositae, constructae sunt sub hypothesi, in triangulo sphaerico omnes angulos esse acutos, & omnia latera quadrante minora, eum in finem, ut, introductis in actuali alicuius trianguli resolutione determinationibus datorum, quatenus scilicet istae angulos obtusos vel latera quadrante maiora respiciunt, solutio ipsa ad datum casum dirigatur, & species determinationis pro quaesito inveniatur. Facile autem patet, in problematibus iam propositis omnibus, nullum casum ambiguum occurrere posse, siquidem data pariter ac quaesita explicantur per cosinus vel cotangentes.

PROBL. 5.

Datis duobus angulis A, B, cum latere non intercepto AC, invenire reliqua.

SOLUTIO.

Cum in quovis triangulo sphaerico sinus laterum sint inter se ut sinus angulorum oppositorum, erit

$$\sin. BC = \frac{\sin. AC \times \sin. A}{\sin. B}$$

ubi BC duplicem acquirit valorem, & ad casus ambigui possibilitatem innuit. De reliquis deinceps.

PROBL. 6.

Datis duobus lateribus AC, BC, cum angulo non intercepto A, invenire reliqua.

Per solutionem præcedentem erit

$$\sin. B = \frac{\sin. AC \times \sin. A}{\sin. BC}$$

ubi valor ipsius B etiam duplex emergit, & de casu ambiguo suspicionem excitat.

His ita comparatis, in utroque quidem problemate quantitates quatuor, A, B, AC, BC , semper ut cognite spectari, & exinde conditiones reliquæ, nempe C & AB , inveniri possunt, existentibus.

$$\cot. C = \frac{R \times \cos. AC \times \cos. BC - R \times \cot. A \times \cot. B}{\cos. AC \times \cot. B + \cos. BC \times \cot. A}$$

$$\cot. AB = \frac{R \times \cot. AC \times \cot. BC - R \times \cos. A \times \cos. B}{\cot. AC \times \cos. B + \cot. BC \times \cos. A}$$

ast, si perpendamus, hæc solutiones tum per se esse valde prolixas, tum prolixiores. evadere, si ambigui dati, scilicet BC in probl. 5. vel B in probl. 6, valores successive introducere, atque pro duplici triangulo, quod questioni satisfacere videtur, C & AB detegere velimus; præterea vero ex iis promptum casuum discrimen, si forsan detur, non appareat; facile

facile patet, hæc duo problemata ulteriori examini pro fine nostro esse subiicienda.

Adhibeamus itaque methodum vulgarem, qua in utroque problemate propositum triangulum in duo triacula rectangula solet resolvi; iisque indaginem superstruamus. Initium fiat cum solutione problematis 5; cuius gratia ex angulo non dato C in latus oppositum AB , productum, si opus est, demittatur perpendiculum CD , quod vel intra triangulum cadet (fig. 5), si A , B , vel simul sint acuti vel simul obtusi; Fig. 5. 6. vel extra triangulum (fig. 6), si alter angulus A sit acutus, alter ABC obtusus; quodque duo triacula ACD , BCD , ad D rectangula formabit, quorum combinatio triangulum propositum ABC producit. Ex datis problematis A , AC , alterum triangulum ACD semper plene cognoscitur, nec ulla ambiguitas locum habet, dum AC , ACD , quærentur, siquidem ex formula V.

$$\cos. A: R = \cot. AC: \cot. AD$$

& ex formula VI.

$$\cot. A: R = \cos. AC: \cot. ACD$$

Res eiusdem foret conditionis cum altero triangulo BCD , dummodo præter datum tertium B , ex æquatione sin.

$$BC = \frac{\sin. AC \times \sin. A}{\sin. B} \text{ detegi posset determinatio ipsius}$$

BC , an sit minor vel maior quadrante; posita enim hac, haberentur BD , BCD , absque ambiguitate, ut ante, per formulas

$$\cos. B \text{ (vel } CBD): R = \cot. BC: \cot. BD$$

$$\cot. B \text{ (vel } CBD): R = \cos. BC: \cot. BCD$$

& hoc pacto ex summa (in casu figuræ 5.) vel differentia (fig. 6.) arcuum AD , DB , latus AB ; & ex summa (fig. 5.) vel differentia (fig. 6.) angulorum ACD , DCB , angulus ACB , possent inveniri, & problema 5. plene resolvi.

Patet inde, solam determinationis ipsius BC ambiguitatem totum negotium turbare, atque prima fronte semper casum ambiguum arguere. Interim tamen, cum ex nexu trianguli

E c 2

BCD

BCD cum triangulo ACD pro conditionibus huius determinatis, subinde evenire possit, ut in integro triangulo ACB emergat vel latus semicirculo maius, vel angulus duobus rectis maior, cuiusmodi triangula ex hypothese nostra excludimus: fieri, quæ potest, ut sub hac restrictione casus problematis sæpe determinetur.

Fig. 5. Pone, exempli causa, sequentes conditiones, ut perpendicularum CD (fig. 5.) intra triangulum cadat; præterea vero sit $A > B$ & $AC > Q$ (intelligendo per Q in sequentibus semper quadrantem circuli). Si iam accipias, A, B , acutos, facile patet, triangulum ACB eiusmodi prodire, quod habet latus AB semicirculo maius. Cum enim sit $A > B$, erit BC (ipsi A oppositum) $> AC$ (quod respectu B ex adverso statuitur), ideoque, ob $AC > Q$ (per hyp.), necesse est, ut sit etiam $BC > Q$. Dum autem in triangulo rectangulo ACD , $AC > Q$ & A acutus, ex formula V. fit $AD > Q$; & simili modo ob $BC > Q$ & B acutum fit $DB > Q$; quare $AB = AD (> Q) + DB (> Q)$ resultat semicirculo maius. Remoto igitur ex nostra hypothese hoc triangulo, pro conditionibus supra assumtis solummodo triangulum ACB locum habet, in quo sint A, B , obtusi, ut fiat $AB = AD (< Q) + DB (< Q)$, ideoque semicirculo minus, & $ACB = ACD$ (acuto) + DCB (acuto) duobus rectis minor; & inde casus problematis determinetur.

Secundum hanc methodum expendi conditiones in problemate 5. obvias, quæ sequentes admittunt variationes, ut 1) perpendicularum CD vel intra vel extra triangulum ACB cadat; 2) A vel $>$ vel \leq sit quam B ; 3) AC vel $>$ vel $<$

Fig. 5. fit quadrante seu Q . Facta nempe primum hypothese, perpendicularum CD intra triangulum cadere, quo casu A, B , vel simul sunt acuti, vel simul obtusi, sumsi $A > B$, ut esset $BC > AC$, atque cum his conditionibus latus AC , quatenus vel $>$ vel $<$ est quam Q , comparavi. Deinde sub hypothese eadem posui $A < B$, ut esset $BC < AC$, & similiter cum his latus AC , quatenus vel $>$ vel $<$ Q , comparavi. Quibus absolutis introduxi hypothesein, perpendicularum

lum extra triangulum cadere, & sumto A acuto, B vero vel Fig. 6.
 ABC obtuso, ut esset $AC > BC$ & CBD acutus, nexum
 ipsius AC , quatenus vel $>$ vel $<$ est quam Q , cum hisce
 conditionibus exploravi; id quod etiam in eadem hypothesi
 factum est, postquam A vel B AC obtusum, B autem acu-
 tum sumserim, ut esset $AC < BC$ & CAD acutus. Hoc Fig. 7.
 modo sub certis conditionibus datorum problematis diiudica-
 re licuit conditiones arcuum AD , DB , & ex eorum nexu
 latus trianguli quaesiti AB ; nec non angulorum ACD ,
 DCB , & ex eorum combinatione angulum ACB ; quibus
 cognitis innouit, an AB vel $>$ vel $<$ semicirculo, & ACB
 vel $>$ vel $<$ duobus rectis prodierit, atque utrum casus
 problematis determinatus, an ambiguus, locum habuerit?
 Ut autem eiusmodi iudicium daretur promptum, ex formulis
 V. & VI. pro triangulis rectangulis, introducendo conditio-
 nes ipsorum AC & A , vel BC & B , sequens formavi
 schema.

Si $AC < Q$ & A acutus, fit $AD < Q$, & ACD acutus	
- - - - - obtusus, - - - $> Q$, - - - obtusus	
$AC > Q$ - - - acutus, - - - $> Q$, - - - obtusus	
- - - - - obtusus, - - - $< Q$, - - - acutus	
Si $BC < Q$ & B acutus, fit $DB < Q$, & DCB acutus	
- - - - - obtusus, - - - $> Q$, - - - obtusus	
$BC > Q$ - - - acutus, - - - $> Q$, - - - obtusus	
- - - - - obtusus, - - - $< Q$, - - - acutus	

His rite observatis, sequens demum orta est Tabula, quæ
 in problemate 5. ex conditionibus datorum, uno obtutu, ea-
 suum discrimen, & solutionem problematis suppeditat.

Casus determinati.

Si	fit	
1) A, B , acuti; $A < B$; $AC < Q$; $BC < Q$		} fig. 5.
2) A, B , acuti; $A < B$; $AC > Q$; $BC < Q$		
3) A, B , obtusi; $A > B$; $AC < Q$; $BC > Q$		
4) A, B , obtusi; $A > B$; $AC > Q$; $BC > Q$		

Ecce 3

5) A

- 5) A acutus, B obtusus; $AC < Q$; $BC < Q$ } fig. 5.
 6) A acutus, B obtusus; $AC > Q$; $BC < Q$ }
 (si scilicet $BC(> Q) >$ quoque fit AC)
 7) A obtusus, B acutus; $AC < Q$; $BC > Q$ }
 (si scil. $BC(< Q) <$ quoque fit AC) } fig. 7.
 8) A obtusus, B acutus; $AC > Q$; $BC > Q$ }

Casus ambigui.

- 9) A, B , acuti; $A > B$; $AC < Q$; $BC <$ vel $> Q$ fig. 5.
 10) A, B , obtusi; $A < B$; $AC > Q$; $BC <$ vel $> Q$ fig. 5.
 11) A acutus, B obtusus; $AC > Q$; $BC <$ vel $> Q$ fig. 6.
 (si scil. $BC(> Q) <$ fit AC)
 12) A obtusus, B acutus; $AC < Q$; $BC <$ vel $> Q$ fig. 7.
 (si scil. $BC(< Q) >$ fit AC)

Tunc autem fit

pro

- 1) $AD(< Q) + DB(< Q) = AB$; $ACD(\text{acutus}) + DCB(\text{acuto}) = ACB$
 2) $AD(> Q) + DB(< Q) =$; $ACD(\text{obt.}) + DCB(\text{acut.}) =$
 3) $AD(> Q) + DB(< Q) =$; $ACD(\text{obt.}) + DCB(\text{ao.}) =$
 4) $AD(< Q) + DB(< Q) =$; $ACD(\text{ac.}) + DCB(\text{ac.}) =$
 5) $AD(< Q) - DB(< Q) =$; $ACD(\text{ac.}) - DCB(\text{ac.}) =$
 6) $AD(> Q) - DB(< Q) =$; $ACD(\text{obt.}) - DCB(\text{ac.}) =$
 7) $DB(> Q) - AD(< Q) =$; $DCB(\text{obt.}) - ACD(\text{ac.}) =$
 8) $DB(> Q) - AD(> Q) =$; $DCB(\text{obt.}) - ACD(\text{obt.}) =$

Si capiatur, fit

- 9) $BC < Q$; $AD(< Q) + DB(< Q) = AB$; $ACD(\text{ac.}) + DCB(\text{ac.}) = ACB$
 $BC > Q$; $AD(< Q) + DB(> Q) =$; $ACD(\text{ac.}) + DCB(\text{obt.}) =$
 10) $BC < Q$; $AD(< Q) + DB(> Q) =$; $ACD(\text{ac.}) + DCB(\text{obt.}) =$
 $BC > Q$; $AD(< Q) + DB(< Q) =$; $ACD(\text{ac.}) + DCB(\text{ac.}) =$
 11) $BC < Q$; $AD(> Q) - DB(< Q) =$; $ACD(\text{obt.}) - DCB(\text{ac.}) =$
 $BC > Q$; $AD(> Q) - DB(> Q) =$; $ACD(\text{obt.}) - DCB(\text{obt.}) =$
 12) $BC < Q$; $DB(< Q) - AD(< Q) =$; $DCB(\text{ac.}) - ACD(\text{ac.}) =$
 $BC > Q$; $DB(> Q) - AD(< Q) =$; $DCB(\text{obt.}) - ACD(\text{ac.}) =$

Acce-

Accedamus ad problema 6, in quo ex datis AC, BC , cum angulo non intercepto A , reliqua debent inveniri; quod, ob similitudinem methodi, brevius nunc poterit expediri. Fig. 5. 6.

In latus non datum AB , productum, si opus est, ex angulo opposito C demittatur perpendicularum CD , ut oriantur triacula ACD, BCD , ad D rectangula, quorum nexus triangulum propositum ABC constituit. Statim patet, alterum triangulum ACD ex datis A, AC , prorsus ut in probl. 5, plene semper cognosci, & AD, ACD , determinari; in altero autem triangulo BCD (cum ex æquatione

$$\sin. B = \frac{\sin. AC \times \sin. A}{\sin. BC} \text{ semper duplex ipsius } B \text{ acquira-}$$

tur valor, ut sit vel acutus vel obtusus, existente uno alterius complemento ad 180°) BD, BCD , ex cognitis B, BC , per formulas, ut in probl. 5, quoad speciem non determinari; sed nunc, ut ibi, ex introductis datorum conditionibus, secundum eandem normam, casuum discrimen debere evolvi.

Occurrunt iam in conditionibus datorum sequentes variationes, ut sit 1) A vel acutus vel obtusus, 2) BC vel $>$ vel $< AC$, 3) tum BC tum AC vel $>$ vel $<$ quadrante seu Q . Fiant igitur hypotheses: α) A esse acutum, $BC > AC$; quo casu semper est $B < A$, ideoque B acutus, ob A acutum, & perpendicularum CD cadit intra triangulum. β) A esse acutum, $BC < AC$; quo casu fit $B > A$, ideoque B esse potest vel acutus vel obtusus. γ) A esse obtusum, $BC > AC$; ubi B fit $< A$, & B vel acutus vel obtusus esse potest. δ) A esse obtusum, $BC < AC$; quo casu, cum B fiat $> A$, & inde B obtusus, propter A obtusum, perpendicularum CD intra triangulum cadit. In singulas hasce hypotheses introducantur successive conditiones, esse $BC < Q$ & $AC < Q$; $BC > Q$ & $AC < Q$; $BC < Q$ & $AC > Q$; $BC > Q$ & $AC > Q$; & reiectis iis, quæ in hypotheses præcedentes impingunt, inveniantur BD, BCD , quæ quantitates deinceps cum ante inventis AD, ACD , debito modo combinatæ ut in præcedenti disquisitione, manifestabunt, an latus AB emergat vel $>$ vel $<$ semicirculo, & ACB vel $>$ vel

vel \angle duobus rectis; atque utrum casus problematis determinatus, an ambiguus prodeat. Sequens Tabula conclusiones sic deductas oculis subiicit:

Casus determinati.

Si

& tunc fit

- 1) *A* vel *CAB* acutus, $BC > AC, BC < Q, AC < Q$; *B* vel *CBA* acutus } fig. 5.
 2) - - - - - , $BC > Q, AC < Q$; - - - acutus }
 3) - - - - - , $BC < AC, BC > Q, AC > Q$; - - - obtusus } fig. 6.
 4) - - - - - , $BC < Q, AC > Q$; - - - obtusus }
 fi scilicet $BC (< Q) >$ *fit* Complem. ipsius *AC* ad 180° .
 5) *A* vel *CAB* obtusus, $BC > AC, BC < Q, AC < Q$; - - - acutus } fig. 7.
 6) - - - - - , $BC > Q, AC < Q$; - - - acutus }
 fi scil. $BC (> Q) <$ *fit* Complem. ipsius *AC* ad 180° .
 7) - - - - - , $BC < AC, BC > Q, AC > Q$; - - - obtusus } fig. 5.
 8) - - - - - , $BC < Q, AC > Q$; - - - obtusus }

Casus ambiguus.

- 9) *A* vel *CAB* acutus, $BC < AC, BC < Q, AC < Q$; *CB* *A* acutus, vel obtusus } fig.
 10) - - - - - , $BC < Q, AC > Q$; - - - } 5. 6.
 fi scil. $BC (< Q) <$ *fit* Complem. ipsius *AC* ad 180° .
 11) *A* vel *CAB* obt. $BC > AC, BC > Q, AC > Q$; - - - } fig. 7. 5.
 12) - - - - - , $BC > Q, AC < Q$; - - - }
 fi scil. $BC (> Q) >$ *fit* Complem. ipsius *AC* ad 180° .

Tunc autem fit

pro

- 1) $AD (< Q) + DB (< Q) = AB$; ACD (acutus) + DCB (acuto) = ACB
 2) $AD (< Q) + DB (> Q) =$; ACD (ac.) + DCB (obtus.) =
 3) $AD (> Q) - DB (> Q) =$; ACD (obt.) - DCB (obt.) =
 4) $AD (> Q) - DB (< Q) =$; ACD (obt.) - DCB (ac.) =
 5) $DB (< Q) - AD (< Q) =$; DCB (acut.) - ACD (ac.) =
 6) $DB (> Q) - AD (< Q) =$; DCB (obt.) - ACD (ac.) =
 7) $AD (< Q) + DB (< Q) =$; ACD (ac.) + DCB (ac.) =
 8) $AD (< Q) + DB (> Q) =$; ACD (ac.) + DCB (obt.) =

Si

Si capiatur fit

- 9) CBA acutus; $AD(\angle Q) + DB(\angle Q) = AB$; $ACD(ac.) + DCB(ac.) = ACB$
 - - obtusus; $AD(\angle Q) - DB(\angle Q) =$; $ACD(ac.) - DCB(ac.) =$
 10) CBA ac. ; $AD(> Q) + DB(\angle Q) =$; $ACD(obt.) + DCB(ac.) =$
 - - obt. ; $AD(> Q) - DB(\angle Q) =$; $ACD(obt.) - DCB(ac.) =$
 11) CBA ac. ; $DB(> Q) - AD(> Q) =$; $DCB(obt.) - ACD(obt.) =$
 - - obt. ; $AD(\angle Q) + DB(\angle Q) =$; $ACD(ac.) + DCB(ac.) =$
 12) CBA ac. ; $DB(> Q) - AD(\angle Q) =$; $DCB(obt.) - ACD(ac.) =$
 - - obt. ; $AD(> Q) + DB(\angle Q) =$; $ACD(obt.) + DCB(ac.) =$

*D. GOTTWALD SCHUSTERI, REG. PHYS. IN
 Prov. Chemnit. & Acad. Imp. Nat. Cur. Sod. Observa-
 tiones Therapeuticae, in quibus singulariter hypochondrio-
 rum & primarum viarum respectus habetur, calidiorum
 guttularum abusus evitatur, & curationes tranqui-
 la placidaque methodo absolvuntur.*

Lips. 1755. 4. pl. 16½.

Brevem adhortationem ad fugam abusus guttularum calidio-
 rum in morborum curatione, quæ præfationis loco reli-
 quum opus antecedit, ipse sequuntur *Observationes* nu-
 mero XLIV. His quo & maiorem utilitatem, & sub ipsa
 lectione amoenitatem, conciliaret auctor, varium omnino ca-
 rum esse voluit argumentum, omnis fere generis morbos,
 apte satis, licet iusto sæpe brevius, describens. Nunc enim
 chronicum morbum, nunc acutum, in scenam prodire, seni-
 lemque cum infantili suaviter alternare iubet. Calidioris
 indolis medicamentorum, & præ reliquis Essentiarum usu
 cum Alcohol præparatarum, in omnibus hiæc prorsus fere
 damnato, simplicissimam sane medendi atque placidissimam
 ipse tradit methodum, qua præter digestiva, eccoprotica, at-
 que diapnoica, vix ullum pharmacum admittit. Ordo mor-
 borum, quos *Observationes* sistunt, sequens est: *Obs. I.*
Purpura acuta retrocedens, cum deliriis. II. Asthma cum
purpura acuta. III. Febris corrupta in pedem translata.
IV. Febris corrupta colliquativa. *V.* Febris tertiana cor-
 rupta.

F f

rupta.

rupta. *VI*, Pleuritis cum purpura desperata. *VII*, Febris occulta exanthematica, melancholiam mentiens. *VIII*, Spasmus ventriculi cardialgicus inveteratus. *IX*, Affectus hypochondriacus flatulentus, ex sanguinis impulsu ad ventriculum. *X*, Colica ex sanguinis moliminibus congestoriis, calidioribus exacerbata. *XI*, Asthma ad hæcticam inclinans. *XII*, Melancholia in maniam conversa. *XIII*, Febris hæctica irregularis, pueri, ex morbillis. *XIV*, Purpura ignea puelli mensem nati. *XV*, Epilepsia infantis. *XVI*, Convulsiones ex dentitione difficili. *XVII*, Colica spastico-convulsiva acutissima, ex sanguinis impurioris translatione ad intestina. *XVIII*, Obstructio alvi, cum torminibus, ileum mentiens. *XIX*, Colica spastica, cum anxia alvi obstructione. *XX*, Abscessus omenti lethalis. *XXI*, Regimen febrium intermittentium duplicatum. *XXII*, Febres intermittentes varii generis, digestivis curatæ. *XXIII*, Febris tertiana, maligni moris, China de China sublata. *XXIV*, Febris hæctica depascens, ex glandularum abdominis obstructione. *XXV*, Morbus hypochondriacus hæcticus. *XXVI*, Febris catarrhalis in hæcticam transire visa. *XXVII*, Asthma pituitosum cum spasmo complicatum. *XXVIII*, Decubitus pituitosus ad pulmones, phthisin sistens. *XXIX*, Tremor hypochondriacus. *XXX*, Tormina colica flatulenta, cum alvi obstructione. *XXXI*, Dolores colici cum diarrhoea hæmorrhoidali. *XXXII*, Sudores nocturni, quartanæ typum habentes. *XXXIII*, Vertigo, cum metu apoplexiæ. *XXXIV*, Malum ischiadicum sevirissimum. *XXXV*, Motus spasmodici & vertiginosi. *XXXVI*, Malum ischiadicum cum flatuum concursu. *XXXVII*, Obstructio alvi, retenti flatus, & urinæ suppressio, ex spasimis. *XXXVIII*, Febris cum gravissimo rigore senem affligens. *XXXIX*, Tumor in genu fungosus. *XL*, Tumor inflammatorius in genu, cum motus abolitione. *XLI*, Ganglion in apice cubiti. *XLII*, Ulcera in tibia inveterata cachectica. *XLIII*, Ulcus in oedemate pedis podagrico horrendum. *XLIV*, Tumor inflammatorius gangrænosus. Finem operi imponit

nit peculiaris quædam de sanguinis missione tractatio, sed brevicula, cui titulus est: *Mechanismus Venæ Sectionis stabilis & ruinosus, cum casu & problemate practico, revisus, auctus, emendatus.* Duplicem sibi ea descriptione finem proposuisse videtur auctor, primo, ut singularem V. S. effectum mechanicum in universum demonstraret; deinde, ut de purpura, post V. S. prodeunte, practice quædam, casu clinico in medium prolato, exponeret. Utrique satisfecit Vir doctissimus.

A VOYAGE ROUND THE WORLD cct.

h. e.

PERIPLUS TOTIUS ORBIS, ANNIS MDCCXL. XLI. XLII. XLIII. XLIV. instituta a GEORGIO ANSON Esqu. supremo duce classis Regiæ maj. Brittan. expeditionis alicuius causa in maria australia missæ. Ex manuscriptis eius collecta, & eo moderante, edita a RICHARDO WALTER, M. A. Capellano in regia nave Centurione in hac expeditione.

Londini, impensis Auctoris, 1748. 4.

Alph. 2. plag. 6. Tabulæ æneæ 42.

In tanta, qua fere laboramus Itinerariorum copia, circumnavigatio totius terrarum orbis nondum adeo frequentia evilit, ut eius descriptio tædium lectoris sit motura. Huic vero, cui Ansonus præfuit, classi, tam varia & memorabilia acciderunt, ipseque dux, tanta edidit prudentiæ, humanitatis, aliarumque virtutum specimina, ut vel eos, qui rerum exterarum non adeo curiosi sunt, ad legendum librum hunc plura possint invitare.

Est vero opus in tres libros divisum. Primus, quæ iter præcesserunt, initiumque eius, dum ad insulam Iuan Fernandez pervenissent, describit: alter, quæ in mari, Americam meridionalem alluente, gesta sint, enarrat: tertius denique ab itinere versus *Latrohum* insulas flexo orditur, dum, iis quæ prope Chinam acta sunt recensitis, reditum in patriam describat. Hæc omnia mappis hydrographicis, portuumque & litorum, uti na-

vibus a diversis plagis appropinquantibus apparent, repræsentationibus illustrantur, quarum pars aliqua in navibus Hispanorum captis reperta, reliqua in locis ipsis designata est. Hæcque tabularum aeri incisarum partem constituunt maximam; pauculae enim aliarum rerum figuras exhibent, ut animalis amphibii, quod *leonem marinum* vocant, maris & feminae effigiem, mire ab aliis navigationum descriptoribus deformatam, item navicularum quarundam in India usitatarum.

Sed totius itineris cursum sequi, præterquam quod ultra limites nobis statutos evagari nos cogeret, parum etiam utilis lectoribus nostris esset opera futura: cum nec possint pleraque, nisi ex tabulis geographicis adiectis, satis intelligi; nec in ea brevitate, qua utendum nobis esset, sceleton operis exhibitum multam videatur moturum voluptatem. Brevissimis ergo monebimus, destinatam fuisse classem, cui Ansonus in nave *Centurione* præfuit, sub initium belli Anglo-Hispanici, ad Hispanos terra marique in America invadendos, coercendosque. Sed consilium hoc prudentissime captum, ut fere omni effectu careret, in causa fuerunt, qui non debitam militum navigatorumque manum, sed pauciores multo, quam vel promissi fuerant, vel requirebantur, eosque ætate & morbis imbecilles, dederunt; deinde quod optimum navigandi tempus præterierat, Hispanique ipsi totius expeditionis, antequam susciperetur, notitiam acceperant, Anglis cunctantibus. Hæc generatim monuisse sufficiat, ut inde perspiciatur, cur schemati sapientissime ordinato, ipsiusque ducis prudentiæ, maiores eventus non responderint. Iam cum hos latius & ordine persequi, ob rationes quas diximus, non vacet, pauca passim delibabimus, potissimum ad naturæ historiam spectantia. Memoratu digna sunt, quæ *L. J. c. 5.* de auro adamantibusque Brasiliensibus referuntur. Brasilia, ab Americo Vesputio iam detecta, pluribus annis nihil præterquam saccharum, tabacum, aliasque eiusmodi merces dedit. Paucos ante annos, aurum primo in montibus ad fluvium *Rio Janeiro* sitis repertum est. Ferunt, milites ad expeditionem contra Indos eius loci missos, observasse, ab illis aureos hamos pisci-

piscibus capiendis adhiberi. Cum inquireretur, quomodo id obtinerent, apparuit, magnam quantitatem continuo a montibus ablui, quæ, aqua evaporante vel defluente, in vallibus subsidat. Vix quadraginta anni elapsi sunt, quod aliquantum auri, quod operæ pretium faceret, e Brasilia in Europam adlatum est. Ab eo vero tempore, quotannis quantitas auri reperti aucta est, aliis locis cognitis, in quibus æque magna copia, ac prope fluvium præfatum, habetur. Dicunt, tennum auri venam per omnem Brasiliam spargi 24 pedibus circiter a superficie, sed tenuiorem & pauperiorem, quam quæ expensis fodiendi liquandique reddat: fluvii autem torrentesque, qui longo tempore per eam fluxerunt, multum auri secum ferunt, aqua metallum a terra abludente, & in arenam deponente; quod impensis fodiendi incolas liberat. Igitur, infallibili lucro, torrens a cursu suo deflectitur, alveusque spoliatur. Narrant quidem, montes magnos metallo hoc foetos reperiri; & auctor ipse frustum lapidis vidit, magna massa auri in hærente: sed hoc etiam casu, operarii frustra saxea abrumpunt, nec proprie sodinas excavant; tanti enim constat, vitam in his montibus degere, aurumque e minera 50. eliquare, ut raro hac methodo metallum obtinendi utantur. Sed auro ex arena conquirendo servos Nigritas adhibent, quibuscum singularem in modum domini agunt. Uncia Lusitanica aliquanto levior ea est, quam *troy ounce* Angli vocant; huius octavam partem, (scilicet ad 9 *Shillings Sterling* efficientem,) quemvis servorum domino quotidie adferre oportet, quod pluris reperit ipsi proprium est: quo evenit sæpius, ut, qui fortuito in divites locos inciderunt, ipsi dein servos sibi compararent, magnoque postea in splendore viverent. Quinta auri Ulyssiponem adlati pars Regi debetur, quod anno uno in alterum computato, 150 *arrobarum*, quamvis 32 pondo Lusitanicorum (quorum quodlibet 4 libras *troy onciae* efficit,) æstimando, reddit, quod fere 300 000 libras sterlingicas valet, ita ut fors integra, cuius hæc quinta pars est, 1, 500, 000 sterlingicas libras æquet. Præterea vero Rex, magna eius, quod ipsi debetur, parte defraudatur, furtivo

cum Hispanis in America commercio, qui argentum pro hoc auro permutant; eamque auri quantitatem auctor 500 000 libris æstimat: igitur summa totalis auri, quod Brasilia profert, 2, 000, 000 libr. sterl. non est minor, immo potius maior credi potest.

Pag. 51. Iam de adamantibus Brasiliensibus. Hi vix a 30. annis noti sunt. In auro e sordibus eluendo, plures pro lapidibus nullius pretii abiecti sunt. Primus, qui faciem nativam adamantum egregie notat, in eam cogitationem devenit, hos silices, (tales enim credebantur,) adamantes esse. Difficulter id incolis persuasit; & dum hæc opinio, cum incolarum, suas divitias agnoscere nolentium, repugnantia luctatur, districtus alicuius præfectus, eorum quantitatem colligere iussit, calculorum loco in lusu illos adhibiturus. Tandem, experientissimorum Europæ lapidarium iudicio constitit, eos lapides, orientalibus adamantibus nec fulgore, nec aliis qualitibus, cedere. Quo facto, ne multitudine adamantum reperiundorum pretium illorum vilesceret, societas adamantibus quærendis instituta est, aliis omnibus exclusis; neque huic ipsi societati plura quam 800. mancipia ad illam investigationem adhibere licet: deinde, ab urbe quadam magna, & omni circumiecta regione, recedere coacti sunt incolæ 600000 numero, quod prope illa loca, ubi nascuntur adamantes, habitabant, prævidebaturque, furtivam lapidum collectionem impediri, tanta hominum copia tam propinque degente, non posse. Hæcque duo, aurum & adamantes in Brasilia reperta, novas leges, novam adeoque reipublicæ Brasiliensis formam, postularunt.

Relicto fossilium regno, memorabile, si recte se habet, senectutis exemplum ex animali proferamus. Insula *Iuan Fernandez* capris olim abundavit, ita quidem, ut *Alexander Selkirke*, Scotus, a nave aliquando hic relictus, cum per 4 aut 5. annos ibi degeret, plures sæpe capras, quam quæ usui ipsi esse possent, cepit, quas ille, auribus scissura notatis, 120. rursus dimisit. Iam prima capra, ab Ansoni cohorte, in hac insula capta, aures scissas habebat, unde creditum, eam antea in Selkirkii potestate fuisse, qui tamen 32. annis ante,

ante, quam illi advenirent, insula excefferat. Fuit autem venerandus plane animalis aspectus, barbæ maiestate, aliisque senectutis signis ornatus. Alios etiam hoedos, promissa barba, pluribusque ætatis extremæ caracteribus conspicuos, viderunt.

De ostreis, perlarum matricibus, Cap. VIII. Libri II. refert Pag. 218.

A. eas prope Insulam *Quibo*, in lat. $7^{\circ} 20'$ Bor. copiose reperiri, ad quas colligendas *Panama* piscatores adveniant. Scimus, ostrea hæc ubique ad *Panamæ* litora reperiri; sed ad insulam *Quibo* tanta multitudine proveniunt, ut parum in mare progrediendo, manibus e fundo maris tollantur. Plerumque magna sunt: sed cum Angli quædam gustandi causa aperirent, illa durissima, pessimi saporis carne, invenerunt. Quæ vero profundissime demersæ iacent, maxime unionibus foetæ sunt; nam illis, quæ, ut ante diximus, prope littus tolluntur, rari insunt uniones, & exigui. Ferunt etiam, unionem ex natura fundi, in quo concha reperitur, trahere: ut, si fundus lutosus, unio obscuri vilisque coloris est. Ex alto vero extrahuntur manci-piorum Nigritarum ope, quæ olim *Panamae* incolæ, & litoris adiacentis, labori huic adueta, magno numero alebant. Neque urinatores perfecti censentur, nisi paulatim eo pervenerint, ut sub aqua tamdiu durare possint, donec sanguis ex naso, ore, & auribus erumpat. Quod qui semel perpeffus est, ei nec rursus idem accidere, multoque illum deinde facilius sub aqua mergi manere, ferunt; neque cuiquam inde damnum nasci, sanguinis profluvio illo, nullo remedio adhibito, ipsa naturæ vi cessante. Testudinum quatuor genera vulgo 219. numerant, quæ nominibus: *the trunk turtle*, *the loggerhead*, *Gawksbill*, *the green turtle*, Auctor distinguit. Priora duo rancida, & noxia sanitati sunt; tertium, (ex cuius testa opera varia elaborantur,) non adeo grati saporis est, melioris tamen quam priora; sed viridis testudo, ab omnibus, qui saponem eius norunt, delicatissimus cibus habetur: propriaque experientia hoc in itinere didicere Angli, innocuum cibi genus esse. Cum enim fere per quatuor menses, illo, ad eandem insulam copiose reperiundo, continuo vescerentur, nulum inde incommodum persenserunt. Hispani tamen ab eo

eo velut a veneno abhorrent, ita ut indica quædam & nigra mancipia, quæ in navibus Hispanicis Angli ante ceperant, (Hispanos simul captos, antequam huc pervenirent, dimiserant.) Anglis testudine vescentibus, primum obstupefcerent, deinde, cum innoxium eius esum esse animadverterent, deliciasque efcæ huius gustassent, felicissimos se, quod tam obvium gratumque palato ferculum iam nossent, prædicarent.

Pag. 266.

- Quæ de stupefactiva torpedinis vi ipse auctor expertus est, cap. 12. eiusdem libri enarrat. Pisces, morti proximo, impositum baculum, manu per aliquod tempus tenuit. Tum vero dextrum brachium, cuius ope id fecerat, sensibilibus stupefactum percepit; neque subito cessavit effectus, sed paulatim, dieque sequente demum, omnis evanuit. Ferunt, maiorem esse effectum, totumque corpus permeantem, si vivax piscis, & modo ex aqua exemptus tangatur, contra cum mortuus est, omnem perire, ut & innoxius eius esus sit. Pisces, *the fiddee fish* dicto, simillimus est, solaque macula circulari fusca, prope centrum dorsi, differt. Quanti momenti fuisset naves Ansoni citius dimittere, Auctor fuscæ cap. XIV. Lib. II. ostendit. Reperturæ erant Hispanicæ Americæ ditiones, ad hostem reiciendum nullo modo præparatas, nec copioso satis milite, nec exercitato, defensas; præfectos provinciis inter se dissidentes; Indorum plurimas fortissimasque nationes, rebellionis, Hispanorumque exitio, faventes. Qua occasione memorat Auctor, Indos, festis quos celebrant diebus, Hispanorum in
280. America gesta, proavorumque suorum infelicitatem, entusiasmo veluti correptos canere, ut vivax & perpetuum in Hispanos odium in posteros propagetur. Sed hoc, quem Ansoni expeditio ferre potuisset fructu, ut caruerit Anglia, cunctatio, exiguaque in danda delecta militum manu cura, effecerunt. Quanta vero, quia optimum navigationis tempus prætermittendum fuit, perpeffi sint, inde patet, quod ex omnibus iis, qui in tribus navibus *the Centurion*, *the Gloucester*, & *the Tryal*, numero fere 1000, die 18 Sept. 1740. Angliam reliquerant, cum mense Augusto 1742. ad patria littora appellerent, non ultra 71. armis tractandis idonei superfuerint, neque

neque hi militaribus officiis exsequendis satis apti. Scorbuto plurimi decubuerunt: quam communem navigantibus miseriam, cum ei penitus tollendæ nulla adhuc remedia innotuerint, censet Auctor magna ex parte effluviis marinis deberi, quæ nonnisi terrestribus corrigi perfecte queant. Nam & tunc inter eos sæviit hic morbus, cum neque recentibus esculentis carerent, non falsis solum, quibus plerumque adscribitur ille morbus, nutriti. Sed in illam insulam Tinian, non habitatam, omnium vero quæ ad reficiendos navigantes aliquid conferre possunt copia adfluentem, cum ægroti deferrentur, duobus mensibus, quos ibi exegerunt, nonnisi 10 homines perire; etsi prima die, qua appulerant, & ea quæ illam præcesserat, 21 amisissent. Eaque occasione, ut & aliis, eluxit Ansoni humanitas. Cum enim ægroti ipsi terram conscendere non possent, ducis æque, ac aliorum humeris, exportati sunt. Sed non minora magnitudinis specimina Ansonius edidit, captos Hispanos, duas item præclara dignitate feminas, humanissime habendo, & nullo accepto redemptionis pretio dimittendo. Id, sicuti plane diversum erat ab eo, quod Hispani in manus eius incidentes metuebant; nam alia omnia, & a piratis Anglis, quos *Buccaneers* vocant, in his regionibus erant experti, & de crudelitate Anglorum, Cleri Hispanici artificii, persuasi: insignem Ansono peperit gloriam, ita ut eius nomen per totam Americam ab Hispanis celebretur. quod non ipsi solum gloriæ est, sed Anglis omnibus, quorum interesse potest, quid sentiant de natione sua Hispani, est profuturum.

Pauca addimus de Chinesibus, nam & eos, ad urbem *Canton*, inivit *Centurio*. Multus est Auctor in refellendis magnificis illis, quas de hoc populo Missionarii narrant, virtutibus. Virtutes tot illis non esse, quot iis adscribuntur, sed lucri potissimum cupiditate immensa omnes teneri, asseritur. Quod exemplis ipsorum, quos vocant, *Mandarinorum*, A. confirmat, quæ hic addere brevitatis nobis observanda non permittit. Inter mercatorum vero fraudes, has potissimum recenset. Cum omnia pondere veneant, animalia, quæ viva Chineses Anglis apportarunt, ut graviora redderent, avibus quidem lapillos arenulas

G g

que

Pag. 398.

que devorandas obiecerunt; sues vero, sale oblato, ut sitim excitarent, potuque repletos, urinam deinde reddere impediverunt, animalque sic tortum statim Anglis apportarunt. Carnibus animalium laniones aquam infarserunt; animalia, ut mox, postquam vendita essent, morerentur, effecerunt, sequutique sunt navem, proiecta in mare cadavera piscaturi, quæ denuo venderent civibus, qui ab animalium morbo extinctorum carne non abhorrent. Industriam Chinenfium magnam esse Auctor fatetur, sed servili imitatione circumscriptam: quo fit, ut in mechanicis etiam artibus, puta horologiis, aut armis conficiendis, partes quidem affabre elaborent, sed totum nunquam satis aptum fini cui destinatur producant, quod destituntur genio atque inventione. An vero tantis laudibus extolli mereatur regimen ipsorum, inde diiudicari potest, quod palmarium boni regiminis caput, subditorum adversus hostiles insultus defensio, parum videatur ab iis observari. Nam & exigua Tartarorum manus, non ante inultos annos, vastum hoc imperium subiugavit: & demonstrat Auctor, unicum navigium bellicum Europæum, omnes ad Cantonem reperundas Sinenfium naves, (*Junkas* appellant,) destruere posse; cum ibi, ubi maxima sine dubio illorum vis maritima est, quæ naves mercaturæ destinantur nulla plane arma habeant, neque Auctor ibi plura quam 4 bellica navigia viderit, quodlibet circiter 300 *tonnis* ferendis par, & 8 aut 10. tormentis, nullo ultra 4 libras explodente, instructum. Hac occasione adhuc monemus, Ansonum id obtinuisse, ut cum primus armato ad bellum navigio Anglico Chinenfium portum ingressus sit, (neque enim alias, nisi mercatorias naves, tributo subiectas, admittunt,) tributum nullum penderet; insigne, hoc suo exemplo, navibus bellicis Anglicis, posthæc ad Chinam adpulsuris, privilegium lucratus.

Adducimus tandem, quid sciscitanti, quantum profuerit, potissimum Ansoni expeditio patriæ, respondeat Auctor cap. 8. Libri III. Centurionem non multo minus quam
 Pag. 381. 400000 libr. sterl. ab Hispanis cepisse, neque minus quam 600000 libr. valore merces destruxisse. Præter has, 1000000 libras Hispanis ademtas, etiam classis ab Hispanis huic expeditio-

tioni impediendæ missa, fluctibus maximam partem absumpta, in computum referri debet, æque ac aliæ impensæ. quas ea de causâ fecerunt: unde patet, immensum damnum Hispanis esse illatum a classe Ansoni.

Sed quantumcunque optaremus, tum plura, quæ hoc opere continentur, memorabilia enarrare, tum præcipue egregias Ansoni virtutes, maiore in luce collocare: videmus tamen, illis omnibus capiendis spatium nobis præfixum non sufficere. Hocque magis gaudemus, egregium librum, duabus, si recte omnino meminimus, versionibus, Gallica altera, altera Germanica, iam in omnium manus, laudabili bibliopolarum consilio, pervenisse.

*SPECIMEN BIBLIOTHECÆ HISPANO-MAIAN-
sianæ, sive idea novi Catalogi critici operum Scriptorum
Hispanorum, quæ habet in sua bibliotheca Gregorius Ma-
iansius, Generosus Valentinus: ex Museo
Davidis Clementis.*

Hannoveræ, impensis Io. Guil. Schmidii, 1753.4.

Alph. 1. plag. 1½.

Quamquam plures, qui, indicandis librorum rariorum titulis, præclare se de litteris ipsis mereri putent, hoc tempore reperiuntur: tamen, ut rectam rationem, libros vere raros utiliter tractandi, nunc taceamus, quæ de re verbosius agendi alias erit locus, ipsi libri quinam sint, quos raritate censere iure possimus, difficilis & impedita est quæstio. Sunt, qui auctionum quarundam librariarum catalogos, velut testes, citent; aut ad illud confugiant, in Sossorum tabernis eorum copiam hodie non amplius haberi. Quasi vero, quam quis venalem habet, eam non maxime laudet mercem: aut ii potius ad conficiendos catalogos adhibeantur, qui libros norint optime, quam qui stipendio vilissimo conduci se ad eas operas patiuntur. Atque ut nulla unquam taberna libraria esse tanta potest, in qua, vel ante nostram memoriam, vel aliis in regionibus editi libri, omnes prostant venales: ita minime, qui sunt ex eorum genere, omnes pro-

G g 2

raris

raris obtrudi hominibus imperitis debere, existimamus. Accedit, quod, illud si fieret, nulla volumina possent tam magna esse, quibus vel nuda eorum nomina concluderet aliquis, ideoque vereandum esset, ne bibliothecas tandem efficerent non ipsi libri rari, quod ferendum esset; sed meri eorum indices. Sunt igitur alii, qui ea in re ad viri alicuius, qui velut inter homines eruditos bibliothecarii personam sustinere putatur, ut Fabriciorum, Stollii, Heumanni, Vogtii, vel testimonium, vel silentium, confugere tuto se posse arbitrentur. Sed isti etiam valde videntur nobis errare. Primo enim, unde constat, ita subductis bene rationibus omnibus, ad eam rem homines magnos usos esse, ut, quos caros ii vocarent libros, tales etiam re ipsa semper invenirentur? Quis accidere posse neget, ut, quos sua in patria conquirere multo labore, magnoque aere ad se efficere, necesse ii habuerint, illorum copia facile possit aliis in regionibus haberi? Quis umquam præterea ita valeat memoria, ut effugere illam nihil possit? Quare, si quem librum magni viri omiserint, indicio tantum id est, eos vel non advertisse illum in bibliothecis, quarum quidem usum habuerint, aut indicibus, quos consuluerint; vel mentionem eius facere oblitos esse: rarus vero sit liber, nec ne, aliunde iudicandum est. Nostro quidem iudicio, quum optimum quodque, ut Cicero ait, sit rarissimum & carissimum, ii tantum libri è rariorum esse genere videntur, qui utilitatem aliquam habent; quodque in bibliothecis, etiam bene instructis, frustra quærantur, ab eruditis hominibus, ad excolendam eam doctrinæ partem, ad quam maxime pertinent, collati aut nondum sunt, aut certe non ita, ut & poterant, & debebant. Sed longius oratio progressa est, quam fert instituti nostri ratio. Venerunt hæc in mentem occasione libri, cuius supra posuimus indicem. *Clemens V. C.* in colligenda *bibliotheca curiosa* occupatus, quæ plures sane libros recipit, quam ex *raris* modo *libris* constans, per *Meerimannum*, illustre nomen, *Maiansum*, cuius memoriam sæpe iam cum caritate & laude in his *Actis* usurpavimus, rogaverat, ut, si quem suæ bibliothecæ indicem confecisset, eum benevole secum communicaret. Quemcumque nondum parasset vir nobilis, & inservien-

di eruditis studio celeberrimus, misso tamen *bibliothecae suae specimine*, quo litteris consignavit opera scriptorum, qui aut grammaticam, aut grammaticam, aut rhetoricam tradiderunt, suam gratificandi voluntatem testatam facere voluit; pollicitus praeerea longiorem epistolam, qua disciplinarum omnium indicaret scriptores, ab se lectos, atque in pluteis bibliothecae suae repositos, simulque spem faciens, fore, ut *censoe operis Ximeniani*, de scriptoribus regni Valentiae, ab se scriptae, interpretationem latinam, una mitteret. Quae vero epistola, cum in tantam molem, sub calamo, excreveret, ut annus ad eam absolvendam requiri videretur; delicias has Ibericas invidere nobis amplius *Clemens*, V. d. noluit. Haec est historia libelli, & iucundi, & utilis, quo recta lance generosissimus Maianus scriptorum merita ponderat, æquumque scriptis eorum pretium statuit. Iudicii fructus ab ingenii flore, doctrinaeque *alexandrinae* a nitore stili, magna ubique sagacitate discernit, commenta reiicit, errata corrigit, obscura illustrat, arcana recludit. Specimen igitur cum tantum boni contineat, quid totius bibliothecae consignatio sperare iubeat, quantumque ad rei litterariae cognitionem allatura sit, facile intelligitur. In universum autem in Hispanis eo rariores esse libros, *Maianus* docet, quo sint meliores: quia, cum minus leguntur, eorum non repetuntur editiones. Hinc, cum lectores non reperiant, fieri ait, ut librarii eos neque cognoscant, neque quaerant. Etiam si igitur Crassi aliquis divitias habeat, tamen Aelii Antonii Nebrissensis, Petri Io. Nunneseii, Franc. Sanctii Brocensis, Antonii Augustini, aliorumque similium opera omnia, cum iis non comparare modo, sed ne videre quidem posse, pronuntiat. Ex libro suo illud etiam apparere autumat, disciplinas magis viguisse eo tempore, quo doctiores fuerunt humanorum litterarum Professores: & inter hos peritiores fuisse, qui per totam vitam latinis graecisque litteris dediti fuerint, quam eos, qui Scholasticis, ut aiunt, studiis innutriti, loquendi & eloquendi artes professi sint, antequam utriusque linguae praestantiora opera legerent. Sed, praetermissis aliis, nunc tandem, quosnam eo referendos putet, dicendum est. Sunt igitur: AELIUS ANTONIUS NEBRISSENSIS, quem litterarum in Hispania & litterarum paren-

tem vocat, IOANNES DE MIRAYET, Io. Lud. Viver, Io. Angelus, Petrus Civelus, Ferdinandus Nonnius Pintianus, Ferdinandus Arcaeus Benventanus, Alexius Vanegas, L. Andreas Resendius, Ioan de Mallara, Michael Salinas, ALVARYS GOMEZIVS, Iacobus Tevius, Franciscus Decius, Petrus Rhua, Petrus Ioannes Olivarius, Andreas Semperius, Ioannes Torella, PETRVS IOANNES NYNNESIVS, Alphonsus Garfias Matamorus, FRANCISCVS SANCTIVS BROCEZIVS, Anonymus Villalon, Alphonsus Fernandez, Federicus Eurius Seriolanus, IOANNES DE ICIAR, Laurentius Palmyrenus, Petrus Simon Aprileus, Alphonsus Torres, Pedro de Madariaga, Blasius Serna, Petrus Ioannes Perpiniatus, Benedictus Arias Montanus, Bartholomaeus Barriendos, Ioannes Petreus, AMEROSIVS MORALES, Ioannes Verzosa, Vincentius Blasius Garcia, Sebastianus Foxius Morzillus, Petrus Rosarius, Ludovicus Granatensis, Iohannes Costa, Rudericus de Espinosa, Onophrius Poujus, Petrus de Guevara, Cyprianus Soarez, Franciscus de Thamara, Didacus Perez de Valdivia, Ioannes de Guzman, Martinus Segura, Philippus Mey, Alphonsus Sanchez de la Ballesta, Franciscus Martinius, Hieronymus de Mondragon, GONZALO CORREAS, Bartholomaeus Gavilan, Mattheo Aleman, Vincentius Triller, Francisco Lucas, Diego Lopez, Bartolome Ximenez Paton, Miguel Sebastian, Iuan Pablo Bonet, Esteuan Manna, Miguel Navarro, Benito Carlos Quintero, Alfonso Sanctius, VINCENTE GARCIA ORDONNEZ DE LLORIS, Ioannes Caramuel, Manuel Sanchez de Arbuñante, Alfonso de Bolvis Trejo, Martin del Castillo, Carolus Elizondus, Geronimo Dutari, Antonio Bordazar, Iuan Interian de Ayala, Christoval Coret, Pedro Barricate i Arellano, Iuan Gonzalez de Dios, Iuan Perez Castiel i Artiguez, Ieronymo Contador de Argote, Manuel de Larramendi, Michael Giner, Iosef Ioakin Lorga, Iose Ipolito Baliente, Gabriel de Artabe i Anguita, Carlos Ros. Horum omnia scripta diligenter exponit, quaeque faciunt ad ea pernoscenda, adfert Maiansius. Sed haec repetere, nobis, per brevitatis legem, qua devincti tenemur, non licet; neque possumus facile, nisi totum ferme librum transferre huc velimus. Iam ex Auctorum nominibus, bonam partem apud nos incognitis, potest intelligi, quantum inde possint promovere viri, qui peregrinorum librorum cognitionem studio suo non indignant

dignam iudicant. Auctores eorum, quos ipsi Hispani rarissimos esse putant, maiusculis litteris exscribendos curavimus.

NOVA LITTERARIA.

*Pervenit ad nos his diebus, Avenione, index novi operis, his fere verbis conceptus: Prospektus. Lexicon Hebraico-Chaldaico-Latinum. In quo Prima pars omnia vocabula ordine alphabetico disposita, ad suas Radices refert. Altera Radices ita exhibet, ut omnia vocabula derivata sub his reperire liceat. Tertia tandem Parte Nomina propria in Concordantiam rediguntur: cui accedet Historia, Chronologia, Geographia. Opus observationibus, notisque grammatico-criticis conflatum. Auctore P*** Carmelita Excalceato Provinciae Avenionensis. Apud Franciscum Guibert & Henricum Iosephum Ioly, Typographos & Bibliopolas. Quod nos saepiusculis aegramente intuemur, refriguisse hodie Hebraicae reliquarumque orientis linguarum studium: ei vero, si surgere contingat viros praeclare de his litteris merituos; si appareant, rari quidem illi nantes in gurgite vasto, sed nantes tamen, qui eam doctriinae partem magis expeditam, sua qualicunque opera efficere student, merito & lubentes gratulamur. In ea re, tam laudabili, tam ad publicam utilitatem praestanti, probabile studium suscepit collocandum auctor lexicæ, cuius proponimus sciagraphiam: qui quidem ab edendo nomine suo temperavit, ceterum illi solitariorum sectæ adscriptus est, quæ origines, institutaque sua, a Carmelo monte, & divino vate Helia, repetit. Commemorandum scilicet hoc distincte videbatur, velut quoddam ad reliquas monachorum, quos vocant, innumeras familias, pertinens incitamentum. Sed de Lexico ipso videamus. Oeconomia illius supra prodita a nobis est, describendis singulis indicis, vulgo tituli, versibus. Illa vero satis ostendit, principem hanc Auctori sedisse curam, ut, quantum posset, facilem praestaret, Hebraica tractare aggredientibus, methodum, in ipsis perviam, qui nondum ultra rudimentorum tenuitatem magnopere sapiunt. Hinc illa operose congesta, volumine primo, vocum omnium Cod. Sacri ad radices suas relatio; altero quaedam quasi vocabulorum Hebraei sermonis genealogia, cognationes, & proventus novi; voces certis hominibus designandis compositae, nomina propria adpel-*

adpellant, tertio volumine, cum historia, chronologia, geographia, hactenus quidem tradendis, ut illae divinatorum librorum intelligentiam iuvant, explicanda promittuntur. Est autem specimen illud, quod in manu nostra est, sane honestum, scienterque & docte perfectum: neque, quod in diligentia sua desideretur, quidquam reliqui fecit Auctor. At nos unum in primis in eius opere spectari vellemus ornamentum: quod si ille, conscius licet, tacitus tamen prestitit, eo consilio, ut abesse possit obscurum, tanto nos certe magis operae pretium, admonendo eum hac super re, fecerimus. Hebraicarum igitur litterarum, inprimisque potestatum sermonis istius stabiliendarum, cognitionem, nollemus solum ex Lexicis, quae maiorum nostrorum aetas tulit, neque magis solo ex Codice Hebraeo, peti. Agnoscamus potius, & agnoscere nos utramque fateamur, quantum in hac causa praesidii Arabicis Syriacisque litteris insit. Haec doctissimo monacho nostro, ducemque, si exoptat, insignem nuper salium rerum scientia, Schultenium, commendamus. Verum haec nos forte αἰγροῦς δόρυς: poterat enim iam haec omnis cogitatio Auctoris mentem sufficere, & praefuisse, quod laudamus, instituto. Itaque pauca superaddemus, de ratione & legibus operis huius vulgandi. Charta illud nitida, atque bene compacta, typis autem ad id recenter fuis, exsribetur. Ambitum eius omnem tria volumina, grandium foliorum magnitudinem habentia, unumquodque octingentarum circiter paginarum, includent. Commoda praeterea comparandi libri via offertur, numeranda ab eius studio per partes pecunia, viginti quatuor puta, in singulos Tomos, libris; genus est monetae Franco-Gallicae. Hanc summam primum subscribendo; eandem, quam recipient primum Volumen, Kalendis Ianuariis A. 1757; tantundem prima anni 1758. die, accepto Volumine secundo, tradent: tertium Volumen illis sub initium anni 1759. sine omni expensa exhibebitur. Concessus autem est subscribendo omnis, quem vivimus, annus 1756. Denique R. P. Iohannes Maria a Scto Ioseph, Prior Conventus Avenionensis Carmelitarum Excalceatorum, fidem subscriptionibus, adiecto Conventus, quem modo diximus, sigillo, faciet. Dicemus plura de Libro, quamprimum ad nos venerit.



NOVA ACTA ERUDITORUM,

publicata Lipsiæ

Calendis Maii Anno MDCCLVI.

RECUEIL D'ESTAMPES D'APRÈS LES PLUS CÉLÈ-
bres Tableaux de la Galerie Roiale
de Dresde, &c.

i. e.

*TABULARUM PICTURÆ LINEARIS
ex aere multiplicatae congestio, secundum tabulas princi-
pum pictorum clarissimas, quæ Dresdæ in magna Poten-
tissimi Regis Cryptoporticu & Pinacotheca adservantur,
cum descriptione cuiusque tabulae Francogallicis
iuxta & Hetruscis litteris.*

Dresdæ 1753. chartis maximis.

Eximiae, longeque clarissimæ tabulae, quas recens ars pi-
cturae inde a proavorum nostrorum memoria doctissi-
mis artificum manibus extudit, quum victurae videan-
tur, dum ingeniis divinitaque artium honos erit, talem
propemodum eruditorum hominum stilos operam poscebant,
qualem Neapoleos ad porticum, singulari olim facundia, Phi-
lostratus contulit. Eum quodammodo superiore & no-
stra quidem memoria in Gallis ad Sequanam imitatus N.
Crozatius, intellegens artium ac studiosus operum æstiman-
dorum vir, eo felicius prodidit opus magnum & speciosum,
in quo tabulas manibus illustres Italarum, quæ in Galliarum
regna possessione transissent, commentario publicabat addito,

Hh

quo

quo melius beneficio picturæ linearis in lamnas aheneas radio inscribendæ, mox preli & machinarum incutiendæ chartis volumine, non modo multiplicata exemplis vulgantur opera, verum etiam servantur unice ac propagantur ad posteritatem generis ingenia artificum. Illam Gallorum sollertiae laudem nunc florens artium intelligentia & honore, æque ac litterarum decoribus Saxonia, & præsertim urbs Dresda, luculenta inprimis editione tabularum picturæ clarissimarum fama & miraculo artis sequitur: quæ tabulæ optime delectæ, fulgentissimo manibus Pinacothecæ Regiæ magnæ vere Museo, ibi adservantur. Prænitet autem istud non modo copia insigni in præfens reliquis ferme per Europam Museis, sed præsertim etiam ingenio legendi præclarissima quæque, cum Rex ipse intellegentissimus talium, ut humanitatis & artium ingenuarum summam amans, dominico, quod dicitur in re omni administranda optimum fieri, eruditoque simul oculo adsit. Imago igitur illius, qui virtute sua, animique singulari eleme[n]tia liberalitateque, apud omnes peræque populos celebrari meruit, in fronte voluminis charta Augusta magni posita est: picta illa quondam summa arte a pictore clarissimo Hyacintho Rigaltio (*Rigaud*), Lutetiæ, nunc scitissime subtilissimeque, certante cum penicilli arte stilo ferreo, in aheneam lamnam pictura lineari inscripta. Deinceps, ubi converteris volvendo indicis inscripti libro tabellam, vestigium, sive *ἔξοχα* dixeris, cryptoporticus regiæ tectonicis editam formis conspicias, & hoc in præfatione iucundum nobis, quod Lucæ Cronacæ nostri (*Lucas Cranach*), qui ante CCL circiter annos in his terris, & postmodo, pictor impense doctus floruit, honorificæ extat ex vero mentio. Nam hodie multi, quoniam homo mirifice sedulus longe plurima omnis generis, & in his mediocria quoque opera quedam, extudit, clarissimam eius elevant manum, ut parum firmam, & Gothicæ sæpius inscientiæ similes exilesque species reddituram, quam pulcras artis magnæ legibus & veras. Sed nobis adfunt illius & tabulæ & *μονοχρωμικὰ* eiusmodi, & ea sunt a nobis olim super eo, & passim, inspecta, excussa, annotata, & litteris per libros

bros consignata; ut facile appareat, cum Alemana, seu Francam dixeris, pictorum scholæ sectæque facile principem suo tempore pictorem, eumque imprimis doctum, extitisse, amicissimum eundemque virtute æmulum Dürero; diversum ab eo artis instituto, & quibusdam in rebus vel meliorem. Si quid operum negligentia vel festinatione minus absolutum edidit, ratione ac scientia descivisse interdum a consuetudine, sæpe fessum ab opere multiplici, & obsequio adversus amicos, nonnihil concessisse temporibus videri, & re coactum, non sponte videri peccavisse. Qua de re nos amplius, digna quidem, nisi fallimur, expectatione sumus tradituri, cum promissam olim artis picturæ inde a proavorum memoria repetitæ historiam edemus.

Secundum illam, quam laudavimus legendam, operis volumine magno præfationem, ordine iam tabulæ picturæ linearis præfertim spectandæ proponuntur. Antonii Aligrii Corrigiensis quidem, unde vulgo, *le Corregge*, cui primæ Veneris & gratiæ in pictura, ut olim Apelli, natura potius atque ingenio, quam opere magistrorum erudito, ducentos triginta circiter ante annos, pictori Galliæ togatæ deferuntur: eius igitur opera longe clarissima in principio collocata, in quibus eminet Roci indigetis virtute æstiatum (*de St. Roch*).

Inde Andreas Vanucius Phrygionis (*del Sarto*), egregius quibusdam ac superantibus reliquorum ipsius elegantiam tabulis, ingenium suum adprobat. Videtur autem eorum operum in partibus, Raphaelis Sanctii lineas & commentaria recte secutus fuisse. Ex quibus item expressa hic proponitur similima linearum Sanctii *Θεοτόκου* virginis cum Servatore generis nostri puero lavante conversatio, quod genus *familiae sacrae* vocabulo dici insuevit, a manu longe clarissima opus speciosissimum Iulii Pipi Romani (*de Jules Romain*). Quod si cui elegantiae satis adsit, acri ac subtili iudicio illarum artium ut ingenia summasque censere possit, pervideatque animum illam picturam, & veræ pulcritudinis gratiam mirificam, formasque divinas, nihil contempletur libentius illa *Θεοτόκου* virginis & Christi pueri, cum Iosepho, Iohanné, &

Elisabetha converfantium specie, quam ea quidem copia scitiffime Raphael Sanctius variatam aternis operum monumentis prodidit, ut cogi vel triginta, vel amplius, possint pictura lineari in chartas machinis prelorum incussa familiae illius sacrae argumenta pulcherrima, inter se diversa omnia, scripta quidem in laminis a summis radii in aere ducendi artificibus: quae argumenta a Raphaelis ingenio summaque industria creduntur, neque iniuria, profecta.

Post eas tabulas comparent opera Titiani Vecellii, Venetorum Scholae pictorum primicerii, quaedam inprimis pulcra (*tab. 10 ad 13*). In quibus eminet, nostro quidem animo, non modo nominis & actorum, per annalium fidem, claritate, verum etiam artificio picturae, Lucretia Borgia Christo commendans maritum & filium: adde his etiam bellam Catharinae Cornarae imaginem.

Eum sectatur, ut ducem quodammodo suum, clara victuris operibus Pauli Caliarrii Veronensis manus. Mox illustris his & restituta Italis, post obscuram quorundam negligentiam, arte, superiore memoria clarum, Hannibalis Caracii ingenium (*tab. 18 ad 21.*), Roco item indigete pingendo (*St. Roch*): quo opere certat aliquo pacto cum Thucydideo & Lucretii poetae filis, in describenda lue populos depascente, pictorum penicillus & rubrica.

Minore iam cura, relictis illis primis, Viti Rhenensis, Bononia oriundi, dicemus opera (*tab. 22 ad 24*) (*Guidone Rhemi*); & Lucae Iordani Neapoleos inquilini, qui miraculo celeritatis in pingendo claruit; & Iosephi Riverae Hispaniensis, (*tab. 27 ad 31*); & Matthiae Presbyteri (*Preti*), Calabri, & aliorum.

Sed nullo pacto premi oblivione debent tria opera egregia, quorum primum exemplum est aeternum victurae tabulae Aligrii Corrigiensis, quam *Noctem* dicunt, clarissimam quidem artis ingenio. Hoc exemplum egregie, ut pleraque, Romae pinxit Carolus Maratta, magnitudine pariter & gratia, atque multitudine operum insigni celebratus. Alterum est opus Caroli Ciniani (*Cignani, tab. 46*), gratia placitum singulari. Quo opere pugnans adversus libidines mulieris herae

Iosephi

Iosephi Israelis in Aegypto continentia declaratur. Tertium Petri Pauli Rubenii, doctissima nobilissimaque diligentia, manus edidit. Neptunus adumbratur, dum pacat æquor elementi sui ventis turbatum Iunonis dolo, Ænææ Africæ ad littora ut classis periclitaretur. Quod quidem certante cum verbis poetarum inter Latinos principis penicillo ille, ut erat summo ingenio, reddidit. Etiam hic in aere quiradio scriptis, magna tabula, non modo certasse cum eo, qui ante annos centum circiter descripserat, Vdeno, nisi fallor, ita videtur, ut eum, nostra quidem sententia, longe post se sine dubio victor relinqueret. Hoc argumentum, verbo poetæ vocare, *Quæ ego*, intellegentes artium solent. Aliquo post Rubenium tempore, etiam nobilissima illustri in loco pictura frequentare istud, neque id infeliciter, conatus est Carolus Brunus (*Charles le Brun*). Apud nos in gemma anulari vetusta illud Neptuni hippocampo vecti, ac tridente minacis in altum sublato, *Quos ego*, opere scito redditum, conspici, conferrique cum ingenii picturæ potest.

CHR.

*BARNABÆ BRISSONII DE FORMULIS
 Et solemnibus P. R. verbis Libri VIII. ex recensione
 Franc. Car. Conradi, in Acad. lul. quondam P. P. Iur.
 Ord. cum vita Et elogiis Barn. Brissonii cet. Accessere
 curæ novæ atque animadversiones IOH. AUG. BACCHII
 I. V. D. Et P. P. Antt. Iuris in
 Acad. Lips.*

Lipsiæ, sumtibus Krugianis, 1754. form. mai. prostat in
 libraria Weidmanniana.

Alph. 4. pl. 14.

Celeberrimum atque utilissimum Brissonii de formulis opus, sæpius iam, uti merebatur, editum, nuperque a Bacchio nostro, Viro huius Academiæ clarissimo, eleganterque, quod norunt omnes, docto, repetitum, in his quoque Commentariis locum denuo occupabit, quem suo quodam iure sibi vindicat. Est enim iis accessionibus a V.C.

Hh 3

auctum

nuctum ac locupletatum, ut nec ipsum éditionis opus, nec indicium eius, tanquam haud novi libri, supervacuum cuiquam videri possit. Quare missis, quæ reliqua cum prioribus editionibus hæc communia habet, immo quæ congesta in hanc unam reperiuntur, pauca tantummodo ex iis delibabimus, quibus, etsi angustis satis finibus circumscripta, & intra semestris spatium coercita editoris opera, partim omissa Auctori suppleverit, partim non satis subtiliter disputata limaverit.

Libri ordinem tenebimus. Prolatam a Brissonio L. I. c. 86. emendationem, qua apud Ciceronem *de leg.* L. II. 11. in verbis: *fortunaque sit huiusce diei (nam valet in omnes dies)* corrigit *huiusque*, quod ex Mario Victorino de Orthograph. interpretatur: *cuiusque*; repudiat V. C. & antiquæ lectionis possessionem tuendam existimat, quod quidem, etsi dura admodum interpretatione procedit, tamen facile largimur. Sed, cum apud Marium legi oportere pronuntiat: *cuiusque*, in eo nobis nodum non satis solvisse videtur. Marius dicit: & *huiusce* & *huiusque* recte scribi, sed suo utrumque loco, illud esse ab *hæc*; hoc autem significare *uniuscuiusque*. Si *cuiusque* vera lectio, neque monitu opus erat, nec vero periculum metuendum, ne quis *huiusce* & *cuiusque* confunderet. Quin itaque retenta emendatione Brissonii, ut in aliis, sic hic quoque particula *que*, quasi omnes significet.

L. I. c. 107. de evocatione deorum ex oppidis obsessis agens Brissonius, eam omisit evocationem, qua ex suis quoque aedibus locisque Romani Deos evocabant, quorum templa exaugurare vellent, locumque istum religione liberare; cuius rei exemplum classicum est Tarquinii regis, qui, cum templum in Capitolio facere vellet, omnia illius loci fana, quo religione libera essent, exauguranda curavit. (Liv. I, 55.) Quæ quidem, quamvis nobis haud proprio, vel certe non eo sensu, quo illa altera hostilium Deorum, evocatio dici posse videatur; propterea, quod nec precatio adhibebatur, nec translatio in alias fiebat aedes, sed tantum auguriis, an exaugurare istum locum valerent, experiebantur; tamen, vel ob unicum locum l. 9. *π. de Rer. Div.* addenda erat hæc observatio, cum ibi, *Sacra e Sacratio evocare*, legatur.

Eodem

Eodem L. ad c. 191. & 192. ubi de dedicationum formulis agitur, recte adiecit, *dedicationem & consecrationem frustra a viris doctis, inductis scilicet loco Cic. pro Dom. c. 48. vulgo distingui, cum potius synonyma sint, & nullum discrimen admittant. Nec minus ad illorum sententiam accedit, qui detestationem sacrorum eandem cum dedicatione & consecratione sacrorum, fuisse censent; facta quippe teste & consentiente toto populo, auctoribusque pontificibus. De obtestatione tibicinis, & consecratione Impp. Græc. ἀποθέωσις vocata, euncta Brissonio neglecta supplevit.*

C. 225. nonnulla egregie dicta reperiuntur de *monstris, portentis, prodigiis, ostentis, postulatione, s. postulione, quæ omnia intacta Auctor reliquerat.*

Inprimis autem de *sacris domesticis s. privatis, pecuniæ & hereditati adherentibus, quæ multis adco formulis originem dedere, copiosa & lectu digna disputatio est L. I. c. ult. Ibi præter reliqua, ab aliis quoque Viris doctis notata, in loco Ciceronis de Legg. II, 21. hac de re principe, verba haud dubie corrupta: si in testamento deducta scripta non sit: emendat, deductio scr. n. sit, centum videlicet numorum, quibus ex hereditate detractis, sacris heres ICTorum Pontificumque auctoritate & ingenio solveretur. Gronovius quidem hoc librariorum vitium elui posse putabat, si legeretur: si deducta sacra non sint: sed, cum nec sacra ipsa in testamento deduci potuerint, neque isto sensu, ut rumi pro illis deducerentur, ea deduci recte dicantur, hæc coniectura merito fuit explosa. Explicantur porro senes illi *coëntiales*, qui occurrunt apud Cic. Muren. c. 11, quorum ratio hæc ipsi fuisse videtur, ut quoniam molestia sacrorum heredes deterreret, liberandæ hereditatis causa, senem aliquem capularem, forte servum vetulum, cum in rem manumissum, pauperem, qui heredes habiturus non esset, adhiberent, eique bona sua omnia, cum sacris, uno numo dicis causa accepto, per æs & libram manciparent, interposita stipulatione de bonis iisdem restituendis, itaque senex sacra retineret, bona autem, onere sacrorum liberata, ad priorem dominum, non ex pacto fiduciæ, sed ex stipulatu, redi-*

redirent. Quod quidem totum negotium dictum fuit: *Contentio sacrorum perimendorum causa*; Cic. *de Legg.* L. II, 20. 21. Nonnulla etiam ibidem afferuntur de formulis *heredem solvere, & hereditatem solvere*, quas eodem redire putat V. C. quæ tamen non describimus.

Quid sit apud Cic. *ad Q. fr.* II. 1. *diem dicendo eximere*, L. II. c. 65. demonstratur.

L. VI. 63. definitio ista divisionis, quam *Ulpianus Fragn.* XIX, de *rebus mancipi* dedit, contra quorundam nostri sæculi hominum, maxime autem *Bynckershoeckii* reprehensiones, egregie defenditur. Ad VI, 83. bene docet, *Censorias* quoque *leges*, haud secus ac prætorum *Edicta*, capita *translatitia* habuisse. Ad *stipulationes*, quia essent negotium civile, latine ubique respondendum fuisse, neque, ut alia quoque lingua liceret, constitutum, ut ex l. I. §. ult. *π. de verbor. oblig.* Auctor colligit, sed usu demum & fori disputatione introductum ad VI, 161. ostendit. De *legatis poenæ exquisitissima* observatio adiecta est ad L. VII, 132. ubi, præter reliqua, *Bynckershoeckii* sententia refellitur, qui secundum definitionem *Iustinianeam*, *legata poenæ* a conditionibus *legatorum* secerni posse negavit: quæ tamen, etiamsi vel maxime in illis conditiones insint, magnopere inter se differunt. Plura afferre, speciminis loco, alienum fuerit: cum neque *Bacchi* doctrina speciminibus commendari desideret, & ratio a nobis habenda sit modestiæ *Viri doctissimi*, quem nos vivere & valere, bono rei litterariæ, vehementer optamus.

DICTIONNAIRE HISTORIQUE DE LA MEDECINE.

i. c.

LEXICON HISTORICUM MEDICINAE, QUO
continentur eius origines, incrementa, mutationes, sectæ,
& apud varias gentes institutio, cum narrationibus de
diis atque deabus huius scientiæ, celebrium medicorum,
philosophorum, & sapientum, qui ex omni gente ad incre-
mentum artis consulerunt, Anatomicorum, Chirurgorum,
Botani-

Botanicorum, Chemicorum, Vite, eorum sententia, inventa, Scriptorum recensione, ad normam eorum qui de hoc argumento iam ante fuerunt commentati. Auctore ELOY, Medico Consultario Principis Lotharingicae, Urbis Hannoniae, Montium, Pensionario.

Leodii & Francofurti apud I. F. Bassompierre, Typographum & Mercatorem librarium, 1755. 8.

Tom. I. Alph. 1. pl. 4. Tom. II. Alph. 1. pl. 7.

Etiam si non defunt, qui origines, fata, & mutationes artis salutaris, una cum celebrium, qui istam disciplinam inventis ac scriptis illustrarunt, virorum vitis exposuerunt; in quorum numero sunt, *Freindius, Clericus, Schulzius, Fabricius*, pluresque, alii: non tamen hoc minorem gratiam eruditus Auctor inivit apud omnes, qui, quid singulis mundi ætatibus, circa medicinam scriptum factumque sit, scire avent; quando, quod alibi serie successuum, quibus una quævis periodus artis inchoata ac absoluta fuit, scribitur, ita digessit, ut possit facile quæsitæ aliqua notio inveniri ab illis, qui, vago studio detenti, mox hanc mox aliam circumstantiam sibi cognitam reddere, evolvere, aut memoria repetere satagunt; quæ potissimum Librorum, vularum ordine alphabetico digerentium, est commendatio. Noluit sine dubio *Clarissimus Auctor* minima quævis penitus erudere, vel Auctorum Vitas amplissima oratione recensere; quod facturus, volumina conscribenda invenisset: vere tamen in eius laudem prædicare possumus, eum nihil eorum intermisisse, quæ ad illustranda summa historię medicæ capita spectant. Namque id, quod systematum conditores, continuo scriptionis filo, de Medicinæ fati eiusque statoribus fuerunt commentati, sub diversis, pro indole lexicorum, quæri potest inscriptionibus, quæ omnes, una sumtæ, non minus totum aliquod doctrinæ ædificium constituunt. De artis originibus passim multa tradit; namque & Adamo & Abrahamo artis cognitio tribuitur. Homini certe creato cœva medicina est, quam instinctus, exempla ex ipsis animalibus desumpta, casus im-

prævisi, mox observatio iuvantium atque nocentium, deinde morborum historiae curiosius descriptæ, magis atque magis adauxerunt. Accessit contemplatio philosophicæ, penes quos ars sanandi aliquamdiu fuit, subtilior inquisitio hæruspicum, exta insipientium industria; quibus omnibus effectum est, ut in ordinem qualemcumque redigerentur artis præcepta; quam cum exercebant summi Viri, inque illa exercenda aliquam celebritatem sibi compararent, ob speciminum claritatem inter Deos, artis conditores, relati fuerunt, in quorum numero *Apollo, Chiron, Centaurus, Æsculapius, Serapis*, aliique habentur. Primus, quantum constat, *Hippocrates*, sparsim annotata collegit, digessit, philosophatus & ratiocinatus est: namque tunc doceri ars in Scholis *Coo, Cnidia*, aliisque coepit. Ast curiosior rerum ad medicinam spectantium inquisitio dissensus & sectas peperit, quarum potissimum quinque, diversis post Hippocratem temporibus, recensentur. Vetustissima sine dubio *Empirica*, quæ per analogismum & inductionem a posteriori, quid factu opus esset, ostendebat; cum, quod uni profuerat, alteri quoque saluti esse posse putabatur. Nec contemni debet illa medendi methodus, si analogismus, & parium cum paribus recta comparatio, accefferint. Sed *Dogmatici*, absconditas morborum causas ratione & subtili studio investigandas esse arbitrabantur, nec quidquam rati habendum esse docebant, quam quod acri iudicio compertum esset. *Methodici*, neque experientie, neque rationi soli tribuentes quidquam, certas leges in universum stabiliendas esse putabant, quæ, quod factu opus esset, ostenderent, & a quibus discedendum deinde haud esset; fueruntque clari medici, qui uni alterique Scholæ sese addicerent, *Erasistratus, Asclepiades, Themison*, quorum scripta iniuria temporis nobis subtraxit. *Eclecticæ* sectæ, cui inter alios *Celsus*, eques romanus, sese addixerat, in nullius opinionis partes abiens, quod in unaquaque præstantissimum esset, profitendum expediendumque putabat. Deinde & *pneumaticos* fuisse legimus, qui motori alicui huius universi & corporis, quidquid sano aut ægroto homini

homini accideret, tribuebant. Rationalem medicinam mire auxit *Galenus*, sub imperio Hadriani inclarescens: hic cum præcepta philosophorum hausisset, & itineribus animum perpoliisset, Romæ artem exercuit, & contra empiricos atque methodicos, speciatim Theſſalum, callidum impostorem, disputavit. Hoc prior Aretæus & Celsus, Hippocraticam medicinam docuerunt, veluti & Scribonius largus, Rufus item Ephesius. His artis, qualia apud veteres fuerunt, initia debemus. Etiamſi enim multa clarissimorum istius temporis virorum scripta subtracta nobis sint, qualia sunt *Asclepiadae*, de quo pauca apud *Aetium* supersunt: gaudemus tamen de his, quæ extant, & quæ felici fate, per illum temporis barbari hiatum, qui ad everſionem Constantinopolitanam excurrit, fuerunt conservata. Etiamſi enim de dignitate Medicorum, qua illi sub regimine Gothorum per Italiam fuerunt, aliqua supersunt; cum novimus fuisse *Archiatros*, *Exarchiatros*, *Archiatrorum comites*, & *Collegia Archiatrorum*: altum tamen de medicis, aliqua eruditione claris, est silentium. Arabibus, a septimo seculo, debemus continuatam artis scientiam. Illi enim acceptos fortuito græcorum libros, vernacula sua donatos, suis superstitionibus interpolaverunt: nec tamen omnino nihil illis debemus, nam & chirurgiam efficaciorē non parum auxerunt, & experimentis materiam medicam locupletaverunt, & Chemiam leviter adumbraverunt. Cum autem post excidium Constantinopolitanum, eruditi Græci Italiam peterent, cultior Medicina caput iterum efferre coepit. Ab illo tempore, inventa inventis fuerunt addita; Anatome, physica, mechanica, sensim magis atque magis excultæ, faciem ad uberiora artis incrementa prætulerunt. Unaquævis scilicet gens, uti, pro morum diversitate, ad hanc aut illam scientiam excolendam plus propendit, *Germani* Chemiam, *Itali* Anatomē, *Galli* Chirurgiam, *Angli* & *Batavi* physicam & mechanicam in suas partes traxerunt. Per has ætatum medicinæ periodos vagatur Lexicographus noster, & quotquot ad eius cognitionem pervenire potuerunt, claros Viros, claras feminas, Philosophos, Poetas, Rhetores, Chemicos, Anatomicos, Chirurgoſ, tam veteris, quam

recentioris seculi, adducit, & eorum vitas describit, a quibus profecerit ingenue professus. Omnibus honorem habet, neminem criminatur. Neutiquam autem vitio illi vertendum est, quod in quorundam celebrium Virorum, *Halleri, Linnæi, Heisteri*, scriptis recensendis fuerit parcior: tanta enim est eiusmodi titulorum in re litteraria luxuries, ut omnium notitiam sibi acquirere unus aliquis de exteris haud facile possit.

FRID. LUD. ABRESCH DILUCIDATIONES
Thucydideæ, quibus & passim cum N. T. tum aliorum
scriptorum loca illustrantur, aut emendantur.

Trai. ad Rhen. apud Abr. van Paddenburg. 1755.

I Alph. 2 plagg. (ab MM. ad Bbbb.) octonis.

Continuum hoc opus dilucidationum parti priori, duos priores Thucydidis libros complexæ, ad reliquos omnes iam pertinet. (*v. Act. Erud. 1755. mens. Iup. P. I. pag. 314. sequ.*) Ex hoc quoque, speciminis causa, quædam proposituri, subsitemus in illustri loco, idemque e difficillimis, III, 81-84. de turbulento statu Corcyræorum. Ibi c. 82. init. in verbis: *διαφορῶν ὅτι τῶν τοῖς τῶν δῆμων προσάταις τοὺς ἀθηναίους ἐπάγοιθαι, καὶ τοῖς ἐλίγοις τοὺς λακεδαιμονίους*, defunctum se opinatur, supplendo, *ὥς ἐπάγοιθαι*, repudiatis scholiastæ supplementis. Nobis quidem nondum videtur cuncta explesse, cum dativi illi, *τοῖς προσάταις*, & *τοῖς ἐλίγοις*, aliquid præterea supplementi requirant, quod illum difficilem infinitivum regat; qui cum haud dubie pendeat a *διαφοραῖς*, in quibus contraria studia & diversa latent voluntates, ad illas utique referendus erit. Omnino in isto obscurissimo loco, qui multas egregias observationes & capiat & requirat, haudquaquam ea diligentia, qua & loco isto & viro tali erat dignum, versatus nobis videtur. Nam dum captat excursiones, omniaque congerit, quæ ex aliis scriptoribus, vel levi, vel nulla occasione accipere laborabat, ipsum Thucydidem sæpius reliquisse ac transisse, lectores invenient. Neque vero placere cuiquam intelligenti poterit libido Auctoris ac licentia

centia in collocando verborum ordine, cuius insigne sese nobis exemplum offert in verbis mox illa sequentibus: πολυμύμων δὲ, καὶ ξυμμαχίας αἶμα ἐκατέρωσιν, τῇ τῶν ἐναντιῶν κακώσῃ, καὶ σφίσιν αὐτοῖς ἐκ τοῦ ἐναντίου προσποιήσῃ, ἐκδίδως αἱ ἐπαγωγὰ τοῖς νεωτερίζοντι βουλευμένοις ἐπορίζοντο. Fore credimus neminem, quin illico videat, ξυμμαχίας esse genitivum ab ἐπαγωγῇ pendentem, quod ne intelligi quidem absque alio possit. Quid noster? Refert ad προσποιήσῃ, sic ordine structo: πολυμ. δὲ, ἐκδ. αἱ ἐπαγ. τοῖς νεωτ. τι βουλ. ἐπορ. καὶ διὰ τὴν κακώσιν αἶμα τῶν ἐναντ. καὶ διὰ τὴν ἐκ τοῦ αὐτοῦ σφίσιν ξυμμαχίας προσποιήσιν. Dativos recte haud dubie est interpretatus: at quibus machinis illud ξυμμαχίας, ad προσποιήσιν traxerit, assequi non possumus: cum & manifeste ista distinguantur, τῇ κακώσῃ τῶν ἐναντιῶν, καὶ τῇ — προσποιήσῃ: & illa utique, καὶ τῇ κακώσῃ, transilire non liceat: neque aut ἐπαγωγῇ simpliciter intelligi, aut ista commode dici queant: *Inductiones sociorum fiebant, ad comparandos socios.* Ista tamen, quæ sequuntur, πολλά καὶ χαλεπά, bene p. 358. illustrat aliis exemplis, Plat. Gorg. πολλά καὶ κακὰ εἰρηγεται, Herodot. 9, 36. πεποιθότες πολλά καὶ ἀνάρσια, ib. πολλά καὶ λυγρὰ, cet. Illud καὶ tamen abundare nonnunquam creditur: et si non in illis, ubi supplet, καὶ ταῦτα, sed apud Pausan. Messen. p. 370. ὅσαι πηγὰί θάυμα ἰδεῖν καὶ ἰδόντι, recte haud dubie: quem eundem locum, Kuhnio iam tentatum, feliciter reflexisse videtur. Cum enim ibi legatur: ἐπισχέντι ὀλίγον αἶμα μάκρον θερμαίνει τὸ πυρεδέσαντον: ipse corrigit: ἐπισχ. ὀλ. τότε μαλακὸν θερμαίνει εἴτα πυρεδέσαντον. In illo autem non tam obscuro loco, quam perperam intellecto c. eod. ἀσφάλεια δὲ τὸ ἐπιβουλευέσθαι, ἀποστραπῆς πρόφασιν εὐλογος, monet, nisi hoc, ἐπιβουλευέσθαι esse, sapere deliberare; quasi aut hæc vis inest præpositioni ἐπὶ; aut crebra deliberatio in vitio poni queat, cum Thucyd. h. l. nonnisi vitia commemoret, virtutum nominibus vestita & excusata. Nam Cel. Reiskii supplementum, ἀσφάλεια δὲ τὸ ἐπιβουλευέσθαι, καὶ

τὸ σφάλλεσθαι, ἀποτρ. πρέφ. εὐλογος, quod ipsum affert Auctor, nulli facile probabitur: cui tamen libentissime subscribimus, in verbis sequentibus: ὁ χαλεπαίων, πῖος, c. mendanti, ὁ πᾶν ἐπαινῶν, πῖος: cui commendationi etiam favet oppositum, ὁ ἀντιλέγων, ὑποπτος. Hoc quoque peritis vix probabit Auctor doctissimus, quod, uti in ordinandis verbis parum religiosus, ita in præpositionum emphasi pæne superstitiosus est: ut qui c. cod. v. 68. miretur, incredibileque ait fuisse, repertos esse, qui προπαθεῖν & ἀντιτιμωρήσασθαι pro simplicibus acciperent. At nobis mirari liceat, fuisse, qui istis præpositionibus vim tribueret, quæ in ipsis verbis tota inesset. Satis eum monere vel ἀντιπολεμοί, c. 90. v. 36. poterant. C. 95. v. 53. occasione verborum, τοῖς ἡπειρώταις ξυμμάχοις, quæ pro dativis adsciscit absolutis, corrigit versus Antiphænis apud Athen. L. VIII. p. 358. quos sic effinxit Casaubonus:

Ὡς ἂν τις ἄλλων ἐξεν.χθέντων πότου,
 Αὐτὸς διαβάλοι κρασιπάλην ἐλληνικῶς.

Ipsæ autem ita:

Ὡς ἂν τοῖς ἄλλοις ἐξεν.χθῆσιν πότου,
 Αὐτὸς διαβάλοι κρασιπ. Ἑλλήν.

διαβάλειν κρασιπάλην expl. *stapulam dissipare*, i. ut Plin. ait, propius ad Græcum, *difcutere*. Ibid. occasione vocab. ἤδη, de loco adhibiti, opus esse putavit, ut etiam de tempore dici, aliquot locis, ut ignotum, probaret. Quem tamen ibi locum Charitonis, L. 8. p. 130. affert: πάντων, ἐπισαμένων, ἤδη σκαταφρονούντων, sicque distinguendum, & recte a Cel. Reiskio versum dicit: omnibus, ubi intellexerint, te contempturis: tantum quod mox, statim, addendum fuerit: aliter longe nobis videtur, qui adduci non possumus, ut præsens, in isto contextu, præsertim addito ἤδη, pro futuro accipiamus, nec sic potius interpretandum distinguendumque censcamus: πάντων ἐπισαμένων ἤδη, σοῦ καταφρονούντων: cum omnes, qui rem sciunt, iam te contemnant. Nam quod præcedit, ἂν δημοσιώσης, non impedit, quo minus quibusdam passim nota res fuerit. Ad sextum quoque librum complura notaveramus: sed hæc inter-

rim

rim ad indicandum duntaxat ac delibandum protulisse sufficiat. Ceterum tempus erit, quo *Bauerus*, V. Cl. Collega noster, cuius Exercitat. de Lectione Thucydidis, in qua Thucydidis loca plurima, & diligentius, & simplicius explicata sunt, si non consulere, at, meliora quidem prolaturus, refutare debebat, cum is ergo, quæ Vir doctissimus attulit, curiosius sumet excutienda.

LETTERA SOPRA UNA MEDAGLIA NUOVAMENTE scoperta di Carino Imperatore e Magnia Urbica Augusta sua Conforte, scritta dal Barone FILIPPO DE STOSCH, Accademico Etrusco, alla nobile Accademia Etrusca di Cortona.

In Firenze, nella Stamperia di Gio. Paolo Giovanelli,
Stampatore della Società Columbaria, 1755. 4.
con fig. 1. plag.

Quamvis Historia antiquis numismatibus debeat, iam a multis haud vulgaris famæ eruditis ad nauseam fere demonstratum est; neque amplius in dubium vocatur, nisi ab iis forte, qui ignorantiam suam in his studiis, eorum contentu obtegere satagunt. Perillustris Auctor huius epistolæ, novo exemplo, quid possint, collati ad historiam numi, lucis adfundere. comprobavit. Peritissimi historici & antiquarii, iam ultra centum annos inter se concertarunt, de marito, Magniæ Urbicæ; eius autem seminae memoriam, ab antiquis scriptoribus fere silentio prætermittam, quidam superstites numi conservarunt. *Occo*, *Angeloni*, *Patinus*, *Maxentii* Imp. coniugem fuisse putarunt; alii *Magnentii* potius: sed hæc posterior sententia ab omni veri specie nimium quantum recedit. Nam, observante *Patino*, *Magnentium*, christianorum sacris addictum, cum muliere pagana matrimonium contraxisse, vix credi potest; quod autem *Magnia Urbica* gentisium superstitioni adhuc fuerit dedita, eius numi *Veneris* Genetrice signati satis produnt. *Harduinus* quidem *Carini* imp. coniugem eam fuisse, aliquando scripserat, sed mox, pro more

more suo, priore sententia mutata, Caro eandem tribuit, *Brandurium* secutus. *Gneurius*, in peculiari dissertatione, (quæ est in Electis rei numariæ, a *Woltereckio* curatis, iterum typis exscripta,) eam sententiam late prosequutus est, plurimisque rationibus, a signaturâ numerum Magniæ Urbicæ petitis, firmare voluit: ex tamen omnes *Spanhemio*, viro olim his literis exercitatissimo, dubia eximere non potuerunt; ita ut, de Magnia Urbica locutus, nihil aliud scriberet, quam, feminam eam; ad tempora Claudii, Floriani, Probi, Cari, aut eius liberorum, Carini & Numeriani, pertinere. Certo cuidam marito tradere eam non est ausus. Auctori huius epistolæ, Viro eruditissimo, forte fortuna numus Carini Imperatoris obtigit, quem nos hic, quia ineditus est, æri incisum, exhibemus. In eius parte averfa Magniæ Urbicæ imago signata est, eo capitis & colli ornatu, quo in aliis numis conspicitur, cum epigraphe: MAGNIA URBICA AVG. Est numus minimæ magnitudinis, ab agresti homine, cum aliis quibusdam ad eum allatus, & elegantissimæ, pro sæculi illius genio, calaturæ, omni suspitione *veritas* carens. Ex hoc numismate illustriss. *Stofchius* colligit, Magniam Urbicam Carini Imperatoris coniugem fuisse; quod iam olim *Harduinus*, etsi timidiuscule, senserat: errasse igitur ceteros omnes, qui alios Magniæ Urbicæ maritos quæsierint. Qua in re nostrum Ampliss. Viro calculum adiicere hoc minus dubitamus, quod notum est, *Barbiam Orbianam*, *Alexandri Severi* coniugem, *Severinam Aureliani*, &c. quarum apud scriptores veteres pariter nulla mentio facta est, suos demum veros maritos, sola numerum ope recuperasse, in quibus illarum capita cum istis Augustorum, vel in anteriore parte coniuncta, vel in averfa seorsum expressa, uti in hoc numo factum videmus, conspiciuntur. Fatendum quidem est, matrum, aut aliarum cognatarum Imperatorum effigies, in numis eorum nonnunquam pariter inveniri: ut *Neronis* & *Agrippinæ* capita in quibusdam numismatibus iuncta sunt; in aliquot *Antonini Caracallæ*, & *Iulix Domnæ*, & *Iulix Mæse* vultus conspiciuntur, quarum altera Imperatoris istius mater, altera matertera fuit;

ex quo forte suspicio posset oriri, inprimis apud eos, quibus

TAB. IV ad Nov. Act. Erud. A. 17.



MEMORIE DI VARIA ERUDIZIONE DELLA SOCIETÀ
Colombaria Fiorentina.

Kk

i. e.

more suo, priore sententia mutata, Caro eandem tribuit, *Ban-*
durium secutus. *Cicnerius* in *modi* *...*

... *annuati* *...* iuncta sunt; in aliquot Antonini Cara-
 callæ, & Iulix Domnæ, & Iulix Mæse vultus conspiciuntur,
 quarum altera Imperatoris istius mater, altera matertera fuit;

ex

ex quo forte suspicio posset oriri, inprimis apud eos, quibus adhuc Genevrii sententia seu vera placuit, Magniam Urbicam forte Cari uxorem, & Carini matrem fuisse, cui filius, vel etiam alii monetæ publicæ curatores, cum honorem habuerint, ut eius imaginem cum Carini Imperatoris effigie in aliquibus, forte paucioribus, numis coniungerent. Verum hæc obiectio tanti non est, ut ab Auctoris illustriss. opinione nos dimoveat. Carini enim vultus in hoc ipso numo, seniore iam ætate Cæsarem fuisse demonstrat, cum contra Magnia Urbica iuventutis flore conspicua sit adhuc; quæ ætas Carini uxori omnino convenire videtur, neutiquam autem matri, quam tunc oportet, si adhuc fuit superstes, vetulam fuisse. Sub finem epistolæ, Perillustis Auctor, de numis quibusdam, illis, quos tertiæ magnitudinis inter æreos antiquarii vocant, minoribus adhuc, cuius etiam generis Carini hunc numum esse ait, singularem opinionem prodit. Egregii artificii ut plurimum esse numos eos contendit, & typis minime vulgaribus insignitos; unde coniecturam capit, eos ad vulgarem monetam neutiquam pertinuisse, sed esse potius ad illos memoriales numos, quos Itali sua lingua *Medaglioni* vocant, referendos. Hos ipsos deinceps, secundum diversam eorum magnitudinem, in tres classes distribuit. Ad primam classem illos maximimoduli refert; ad alteram, quosdam prioribus longe minores, sine litteris S. C. signatos tamen; tertiæ denique hos minimos, qualis hic Carini est, accenset. Sed de hac Viri cel. coniectura, viderint, quibus est testata magno usu antiquorum numismatum diiudicandorum scientiâ. Nobis nihil superest, quam ut inclutæ Cortonensi Academiæ, quæ omnem rem litterariam, inde ab ortu suo, exornavit, & qui eius ornamentum est, Perillustri Stofchio, elegantiorum litterarum statori & vindici, bene precemur.

MEMORIE DI VARIA ERUDIZIONE DELLA SOCIETÀ
Colombaria Fiorentina.

i. c.

COMMENTARII VARIE ERUDITIONIS SOCIETATIS COLUMBARIÆ FLORENTINÆ. Vol. I.

Florentinæ, I. Alph. II. plag. in 4.

Exhibentur in hoc volumine varia ingenii atque eruditionis specimina, quæ orbis litteratus societati Columbariæ Florentinæ debet, cui plura in posterum. bono litterarum, continuato hoc opere, debebunt Eruditi.

Præfationem cel. *Ant. Franc. Gorius* præmisit, atque in illa de prima huius societatis origine & fati disputavit. Fusius vero hæc omnia in ea, quæ præfationem excipit, *Bindi Simonis Peruzzii* dissertatione, de origine & instituto huius Societatis, commemorantur. Patet ex illa, prima auspicia, hanc inter litteratos quosdam amicos Florentinos institutam societatem, anno MDCCXXXV. habuisse. Observat subinde Auctor,

P. XXXIII. primos illius socios privatim tantummodo convenisse, nec fuisse primis initiis unquam captum consilium, externos sibi sodales adiungendi, aut publicam instituendi societatem; successu verò temporis aliter, & exemplo quidem duarum exterarum societatum, rem cecidisse. Refert eo Societates, alteram Parisiensem, quam *l'adunanza del gabinetto* vocat, alteram Germanam, eamque Lipsiensem, per quam institutum hoc nostrum *Actorum Lipsiensium*, auspiciis celeberrimorum Menckeniorum coeptum, intelligit; sed parum accurate Auctor hanc nostram Lipsiensium Eruditorum scribendis Actis societatem novit, ut ex his ipsius verbis, quæ latine damus, satis superque potest intelligi. *Societas hæc, ait, per unum mensem congregabat se una vice, & circulatim quidem in sociorum aedibus, qui eam constituebant; ac de quibuscunque eruditis argumentis in eiusmodi conventibus inter se confabulabantur; de quo in orbem habito conventu, appellata societas est Kreutzleine, quod Italice significat, picciola corona.*

XXXIII. Ipsius Societatis columbariæ primus stator, *Io. Hieronymus L. de Pazzi*, ex nobilissima gente ortus fuit, cuius vitam resque

que

que præclare gestas fusc Auctor noster persequitur. Ex illa discimus, nobilissimum hunc virum, singularem litterarum amatorem & fautorem exstitisse, eamque ob causam nonnullos eruditos Florentinos, sibi familiarissimos delegisse, qui convenirent quotidie statò tempore in illius aedibus, in quibus locum altissimum, ad quem scala maxime angusta ducebat, conventui huic destinaverat. Hinc factum est, ut, cum die quodam aliqui Socii eo se conferrent, alterque eorum per iocum diceret, viam ad *columbarium* esse, ceteri inde Societatis huius appellationem petere inciperent, eamque ob locum, propter altitudinem columbario fere similem, *columbariam* Pag. LIV. dicerent. Socii hi, quemadmodum cum in finem conveniebant, ut antiquis potissimum historiæ & litterarum monumentis lucem accenderent, maximo tum ardore incensi sunt, cum prope monasterium a *sancta Felicitate* dictum, quod tum reficiendum procures curabant, multæ, eæque præstantes inscriptiones; maximam partem Christianæ, effoderentur. Hunc inventum thesaurum, felicissimum augurium, LV. de insigni societatis futuro incremento, interpretabantur sodales, qui in dies magis magisque coepto suo proposito inhæserunt, inprimis cum & in aliis urbis locis, ex terræ cavernis, velut ex sepulcro, prodirent elegantissima picturarum & numismatum monumenta, quæ ipsis uberrimum proventum, largissimamque messem, promitterent. Quo maior autem hac in re ipsis affulgebat spes, eo acriore conatu id curare incipiebant unice, ut positis fundamentis, societas quoque, quæ tum inter privatos parietes quasi latuerat, ad formam rite perduceretur, atque in publicam mutaretur. Decret patronæ, sive Iuno quædam tutelaris: se igitur sodales præsidio *heroicæ*, uti loquuntur, *virginis Florentinæ, S. Mariae Magdalænæ de Pazzi*, commendarunt, simulque lege sanxerunt, ut societas erga demortuos sodales se piam, devotam, gratamque exhibeat. Decernebatur porro, ut socii, statò tempore, & quidem quovis die Mercuri, convenirent. Omnes tunc in eo operam collocabant, ut symphoniam quisque suam adferret, & eruditionis specimina elaboraret. Qui princi-

Pag. LXII.

LXXV.

principes censebantur, curabant, ut, qui exclusi essent a sodalibus, ingeniorum foetus, in publicam prodirent lucem. Conventum & de sigillo, in quo duæ ad se invicem conversæ columbæ conspiciuntur, additis verbis supra scriptis: MUTUIS OFFICIIS, siglis vero infra positis S. C. societatem columbariam designantibus. Uni ex sociorum numero negotium commissum, in tabulas referendi omnia ea, quæ præstantissima societas septem annorum spatio collegisset, inscriptionum adhæc, numerorum, gemmarum, librorum cet. indices accuratissimos conficiendi. Ipsi conventus primum in supra laudatis ædibus Pazzii instituti, postea vero ad alium locum, quem suis sumptibus societas conduxit, sedes eius translata est. Hæc de initüs huius utilissimi instituti sufficiant. Ea, quæ de ipsa societate a Peruzzio disputata sunt, excipiunt variæ dissertationes, adnotationes, ac litteræ, quas ordine suo percensebimus.

Dissertatio prima, a Io. Bapt. Passerio conscripta, de nonnullis Etruscis monimentis, prope Cortonam nuper effossis; ex museo Coratii, exponit. Describuntur in ista quatuor monumenta ex metallo, quorum primum statuam feminæ stolatæ, & torquibus ornata, refert; alterum puerum nudum, aviculam manu sinistra tenentem, bullis ad collum, amuleto ad brachium, adpensis. A femore ad imum, fere pedem decurrit inscriptio Etrusca, his vocibus:

VELIAM. FANACNAL. THUPHTLTHAM

ALPAN. AENALIE. CLEN. VELIA. TUTHINEM.
TLENALIEIM.

Tertium monumentum est ara leoninis pedibus innixa, in columnæ modum exurgens, & litteris Etruscis ornata. Superior eius pars laesa & fracta sine dubio, ut ex picturis Etruscis adparet, crateris formam habuit, in quo ignem alere sacrorum causa solebant. *Quartum* denique monumentum est battillum æneum, scite fabrefactum, quo antiqui, cum aræ carbones imponere vellent, utebantur. His propositis, Auctor recte monet, caute secernenda esse monumenta Etrusca ab aliis; periculosum quemvis facile posse falli, nisi ex certis

certis quibusdam signis, ad quæ materiam potissimum, terram videlicet Etruscæ, refert, iudicium feratur. Quatuor hæc percensita monumenta ad Etruscorum numerum pertinere, variis argumentis A. probat, additque, ea neutiquam votorum classi Pag. 10. esse adscribenda. Sententiæ suæ argumentum ex eo petit, quoniam nunquam figuræ humanæ votorum instar diis fuerint oblatæ, nec pro votis haberi unquam debeant imperatorum simulacra in templis posita, aliæve figuræ humanæ, in locis olim sacris collocatæ. Observat porro, imagunculas deorum 12. oblatas tanquam vota fuisse, existimatque, eas statuas, de quibus ipse disputat, sine dubio ad eorum censum pertinuisse; nisi quis dicere velit, destinatas larariis in ædibus privatorum fuisse. Quod nomen referant ipsæ statuæ, de eo adhuc dubius esse A. videtur. Observat, Etruscos veteres coniunxisse ut plurimum duas statuas, alteram quæ marem, alteram quæ feminam, unius eiusdemque ceteroquin officii, referret. Iude coniicit, alteram pro genio; alteram vero pro *genia*, uti ait, haberi posse; etsi non disimulat, maiori aliqua probabilitate, statuam pueri ad Tagetem, aut 18. ad Iovem puerum, referri. Quomodocunque vero res ea se habet, ipse omnium tutissimum esse arbitratur, si pueri statuam, omnesque reliquas huic similes, lares domesticos exprimere dicatur, ita ut illa, quæ feminæ speciem habeat, eadem sit, cum ea, quæ ad pueri formam efficta est, observato tantummodo sexus discrimine. Quæ sequuntur, de Etruscorum consuetudine, in statuarum femora ac pedes litteras incidendi, ac discrimine Romanæ atque Etruscæ, in statuas inferendi litteras, rationis, exponunt. Ipsas inscriptiones Etruscas, tam in pueri statua, quam in ara expressas, nihil nisi nomina earum feminarum, quæ dona hæc obtulerint, continere arbitratur, ac utrumque donatum esse forte a quibusdam 35. ex familia Velia.

Dissertatio II. eiusdem Auctoris est. Disputatur in 41. illa de *offlegio veterum*. In primis vasorum fictilium in sepulcris ratio ostenditur, ac de eorum diversis speciebus, 50. deque illis, quæ *lacrimatoria* vulgus appellare solet, exponitur. Multa præclara in hac disputatione argumenta in medium ad-

Pag. 54. feruntur, quæ non solum usum horum vasorum, sed etiam totam rem funerariam veterem, maxime osilegii ritum, egregie illustrant. In primis coniecturam, quod vasa eiusmodi ad oscicula crematorum cadaverum in illis reponenda nonnunquam adhibita fuerint, omni modo probabilem reddere Auctor conatur. Ostendit etiam, formulam illam: *homini mortuo ossa legere*, diversam fuisse ab alia: *hominis mortui ossa legere*.

Differtationem III, de *servis & libertis antiquorum Lud. Ant.*

64. *Muratorius* exaravit. Celeberrimus Auctor vocem *Schiavo*, *Sklave*, ab antiquis Slavoniæ incolis, vel bello captis, vel exsulibus, & ab aliis nationibus ad servilia ministeria coactis, deducendam esse arbitratur. *Pignorium* vero inprimis reprehendit, quod suo de servis commentario, servos & libertos, aut

67. potius eorum officia propria, inter se male confuderit. Dote id exemplis multis demonstrat, in probandi subsidium vo-

72. catis variis antiquis inscriptionibus; multaue dein libertorum ministeria atque officia, maxime in Cæsarium aula, ex

74. monumentis prisca percenset.

75. *Differtatione* IV, *Marius Guarnaccius* de *legibus XII. tabularum* disputat, & legum Romanarum historiam, a prima origine, usque ad totalem illarum propagationem percenset. Disputat Auctor de prima legum origine, earumque

75. per omnes fere nationes antiquissimas dimanatione; quo fa-

81. cto ad Romanos orationem refert, ac de legibus regiiis, de legibus decemviralibus, iure Flaviano, Æliano; de prætoribus, legum apud Romanos earumque sanctitatis custodibus ac vin-

86. dicibus; de senatusconsulto, populiscito, plebiscito, de veterum Romanorum iureconsultis, ac legum apud eos interpretibus; de eorum inter se controversiis, ad legum sententiam

88. demonstrandam spectantibus; de statu iurisprudentiæ, eiusque fatis tempore imperatorum, cæsarium; de horum legibus; de edicto perpetuo; de Iustiniani insignibus, quoad legum con-

92. servationem & dispositionem, meritis; tandem de fatis earum

96. sequentibus temporibus loquitur, ita tamen, ut plurima rerum disputatarum pars, longe curatius ac solidius in antiquitatum Romanarum nostratibus compendiis pertractata videatur.

Differ-

Dissertatione V. socius columbarius anonymus Livium doctissime defendit, propter varias prodigiorum narrationes, quas ille historię suę intexit, & quarum causa non solum a *Possivino, Casaubono*, aliis, in superstitionis, & anilium ineptia Pag. 100. rum patrocinii suspicionem vocatus; sed ipsi quoque eius libri, a Summo Pontifice Gregorio magno, concremati sunt. Ipsam Livii causam mascule agit Auctor. Primo ostendit, etiam apud alios auctores eiusmodi prodigia, nominatim apud Dionem, Appianum, Pausaniam, Plutarchum, Lucanum, litteris consignata reperiri. Observat deinde, scriptorem, interspersis per seria lepidis narrationibus, lectoris tedium antevertere voluisse. Populi quoque Romanigenium, ad superstitionem maxime proclivem, historicum ad eas res commemorandas adduxisse putat; ne odium ipsius gentis, cuius scriberet historiam, in se concitaret. Addit, partes boni historici efflagitare, ut characterem populi, de cuius rebus gestis agat, sollicite exprimat, quod non melius fieri posse sibi persuadet, quum superstitionisissima gens fuerit, quam facta horum prodigiorum, quę illa sibi finxerit, commemoratione. Recte denique adnotat, a Livio quidem prodigia esse memorata; sed neutiquam quę ipse pro vetis habuerit, sed quę superstitionosa plebs facta esse sibi persuaderit: quam in rem haud immerito ad frequentes in Livio loquendi formulas: *temere credita sunt, nuntiatum est, fertur, dicitur*, quum de prodigiis sermo est, 106. provocat. Adhęc multa apud Livium in portentis habentur, quę naturę ordine & vi facta sunt; nullo scriptoris errore, sed quod vulgo prodigia putarentur. Negari quidem non potest, esse in Livio, quę ultra naturę 107. vires adurgere videantur, ut lapidum pluvia, sudor statuarum sanguineus, animalium loquela: sed neutiquam illorum commemorationem historico vitio vertendam esse A. 109. putat, quum quę contigisse dicerentur, ille solum referat; nec certo constet, numne illa, si qua fuerint, aut nebulonum astutia populo persuasa, aut mali genii artibus producta fuerint.

Differ.

- Pag. III. *Dissertatione VI*, idem Auctor argumentum, quod tractandum suscepit, ulterius persequitur, ac de nonnullis miraculis speciatim, a Livio memoratis, disputat. Refert eo lapidum pluviam, *libr. XXI. cap. 61. libr. XXVII. c. 37. libr. XXX. c. 38. libr. XXXVI. c. 37. libr. XLIII. c. 13.* simul locum scripturæ sacre *Ios. X, 11.* ubi similis pluvia commemoratur, illustrat. Etiam grandinis rationem exponit, ac monstrat tandem, eiusmodi pluviam ex naturalibus causis provenire posse. Eas inprimis in ventis, quando hi æquali vi e diametro quasi sibi invicem occurrunt, ponit, atque ex eorum concursu alia miraculorum pluviarum genera, quæ passim in antiquis scriptoribus commemorantur, illustrari posse sibi non male persuadet. Eodem modo etiam de animalium loquela apud
122. Livium disputat, ac putat, eam nihil aliud, quam insolentem aliquem mugitum, aut sonum fuisse, quem postea augures, ut supersticiosam plebem fallerent, interpretari, atque ex eo verba quædam extorquere, aggressi sint.
127. *Dissertationis VII.* Auctor est *Io. Dominic. Bertolius*. Ea antiquum Christianum monumentum æreum illustratur. Figuram habet rotundam. In medio visitur notissimum illud
129. monogramma Christi. Ab altero istius latere manifeste apparet more consueto littera A; ab altero vero Ω. Additus est tam in superiori, quam inferiori parte, anulus. Monogramma circumdat corona, ex foliis composita. In medio monogrammati est foramen, ad ovi figuram accedens, cuiusmodi & alia in ipso monogrammate cernuntur. Auctor noster monumentum hoc pro insigni quodam militari veterum Christianorum habet: multa ceteroquin satis vulgaria, de dicto illo monogrammate, ac vexillo, labaro, insignibusque veterum, eorumque apud hos ratione ac sanctitate, disserit. Existimat, insigne hoc militare labaro adfixum, foraminibus vero gemmas pretiosas inditas fuisse. Addit nonnulla, quæ ad Constantinum Imperatorem pertinent, simulque varias inscriptiones, in ipsius honorem positas, illustrat. Ipsum monogramma ornat corona, quod & alibi sæpe numero factum esse, ex aliis monumentis Christianis, Auctor demonstrat. Vitis folia sunt,
- ex

ex quibus ipsa corona est conflata, cuius rei causam ex eo deducit, quod Servator noster sese cum vite comparaverit. Ad-
dit denique, si monogramma non ad vexillum pertinuerit, Pag. 152.
adfixum id esse potuisse arcæ aut urnæ cuidam, in qua reliquæ olim repositæ fuerint; nisi alii dicere velint, columnæ forsitan id adorationis causâ impositum, & in altum erectum fuisse.

Dissertatio VIII. complectitur compendium methodi analyticae, qua vir generosissimus Ioannes de Baillou usus est, in conficiendo de lapidibus pretiosis, metallis, mineralibus, aliisque fossilibus, opere. Præmissis litteris cel. Gorii ad modo dictum auctorem, additaque huius responsione, sequitur illius commentatio, qua de edita in lucem publicam Ioannis de S. Laurentio brevis descriptione sui musei exponit, ac parte prima de mediis analyticis singularibus, quæ in componenda sua historia naturali sequutus est, parte vero altera de ipsa divisione huius operis universalis, commentatur. Hanc excipiunt litteræ Ioannis de S. Laurentio, ad virum generosissimum Ioann. de Baillou scriptæ, quum modo memoratam musei descriptionem ipsi offerret. 155.
165.
173.
204.
231.

Dissertatio IX. brevem summam eorum, quæ a. d. XII. mens. Martii a. MDCCXLVI. in societate Columbaria gesta sunt, complectitur. Hanc excipit 235.

Dissertatio X. inscripta: novum consilium, pertinens ad rem diplomaticam, amplificandæ rempublicæ litterariæ, auctore Dominico Maria Manni. In docta hac commentatione monstratur primum, multos libros variis auctoribus per fraudem attributos esse; nec sine damno, ætatem & patriam, nomina, prænomena, cet. multorum scriptorum ignorari: ostenditur dein, quam lucuosus sit tot, præstantissimorum priscorum ingenii monumentorum interitus, cuius causam & illis quodammodo tribuendam esse censet, qui magnæ molis opera in brevem summam olim contraxerint. Additur porro, artem typographicam, utilissimam ceteroquin, iacturam hanc nullo modo omni ex parte refarcire posse. Accedit Auctor deinceps ad eos, qui vetustos scriptores in aliam traduxerunt linguam, eosque sæpe pro ipsis auctoribus habitos esse 243.
248.
259.
262.

memorat. Uti vero utilisima veterum scripta nonnunquam perierunt, sic alia, quæ nobis benignior indulset fortuna, multis scatent vitiis, quorum magnam partem librariis & typographis tribuendam esse, monet. Malo huic subveniendum ita esse, censet, ut specimina variarum scriptorum, litterarumque ductus, ex autographis doctissimorum virorum, pro diversis seculis, quæ undique in bibliothecis laterent, æri incendantur. Huius rei ope, optime codices manuscriptos legi

Pag. 269. ab omnibus, multosque errores tam evitari, quam aboleri posse, auctor noster autumat, quod exemplis illustribus ostenditur.

- Finem primi huius exercitationum societatis Columbariæ to-
- 279.** mi, facit collectio antiquarum aliquot inscriptionum, recens in regno Neapolitano effossarum. Harum secunda incipit D. M. & exit verbis Christianorum marmorum propriis: IN PACE. Quæ inter se diversa ita conciliari possunt, ut priores sigla aut ita explicentur: *de magno*; aut dicatur, christianum hominem usum esse marmore pagano. In quinto marmore hæc non ubivis obvia loquendi ratio occurrit: *cum qua vixi an. XXII. sine ullo stomacho*. In primis undecima inscriptio Græca memoratu digna est, quippe in qua, præter varia ibi memorata certamina, *fratriarum & Eumelidarum* mentio fit, ac T. Flavio gratiæ aguntur, quod Dioscurorum statuas in *fratris* dedicaverit. Lapis decimus tertius T. Aelii Amintæ, Aug.
- 284.** lib. medici auricularii, memoriam servat. De altero elegantissimi instituti Tomo, qui nuper ad manus nostras pervenit, propediem dicemus, agemusque iterum *Gorio*, V. Cel. gratias, quod pergat ornare rempublicam litterariam, edendis societatis Columbariorum litterariæ dissertationibus.

AGGEI HAITSMA, ECCLESIASTAE IN PAGO Wiek, Curæ philologico-exegeticæ in Genesim, sive explanationes difficiliorum per omnia fere capita locorum, quibus nova, aut uberior ex disione orientali, Hebraeae linguae affini; nec non ope vocum ex compositis ad simplices deductarum, suisque originibus restitutarum, lux adfunditur. Accedentibus locorum, vocabulorum, rerum, quæ

quae vel ex professo, vel in transitu illustrantur, tanguntur; necessariis indicibus.

Fransqueræ, excudit Iacobus Brouwer, bibliopola & typographus. 1753.

Alph. II. plag. 18.

Auctor operis huius, quod Serenissimæ *Annae*, principi Arausionensi, Belgii foederati gubernatrici, nuncupavit, primas iamdum lineas duxerat in Academia Fra-nequerana, in qua tum temporis litteris operabatur. In præfatione utilitatem linguarum orientalium, potissimum Arabicæ, in sacrarum litterarum scrutinio, ostendit, & quod pretium versionibus sit statuendum, demonstrat. Ipsam illam viam, quam Cel. *Schultensius* calcavit, ingreditur, radices ac significatus, apud Ebræos non amplius superstites, ex idiomate Arabico repetens. Hanc nequaquam aspernandam esse viri eruditi dudum iudicaverunt; sed vero & certos hic limites figendos esse prudenter monuerunt, ne ad linguam Arabicam confugiamus ante, quam ob defectum radicis, vel significatus, necessitas id efflagitet. Omnino inter linguas orientales, adfinitas quædam & coniunctio intercoedit: sed ubi vox ex una in aliam demigrat, alienum sæpe significatum accipit. Linguae in perpetuo sunt fluxu, voces aliae obsolescunt, novæ subinde fiunt, in alios degenerant significatus: prudentiæ igitur est circumspicere, ne quem in interpretatione scripturæ, speciatim præci foderis, admittamus sensum, qui non scopo scriptoris; rei, de qua sermo; & toti orationis nexui conveniat, cumque aliis veritatibus, per divinas litteras sparsis, in concordiam mitti queat: qua in re versiones antiquæ, iis temporibus consecræ, quibus lingua Ebræa adhuc in usu erat, vel quæ non longe inde absuerunt, multo usui esse possunt. Ad has leges num Cl. Auctor interpretationes suas exegerit, unusquisque ex libri huius lectione, vel etiam ex iis, quæ enotabimus, facile iudicabit. Interpretationes quidem fere omnes sunt novæ; sed num in universum sint solidæ, & certæ, speciminibus adducendis cui-

que clarum faciemus. Multas, præter necessitatem, nostro quidem iudicio, voces compositas format, & illas aliquando ex pluribus una lingua conflatas; radices vocum sæpius ex Arabica arcessuntur, quarum tamen ratio ex Ebræa dari potest. In interpretationibus suis a versionibus antiquissimis crebro discedit, & quas ipse dat, per omnes dialectorum-formas ducit, ut adeo difficiles non solum, verum etiam coactæ videantur. Per singula ire institutum nostrum non patitur; ex iis autem, quæ in medium adducemus, iudicium nos nostrum haud præcipitasse patebit. Hoc tamen laudi cedit viro eruditissimo, ipsum in his curis insignem linguarum orientalium, ac rei grammaticæ notitiam prodere, proindeque si, quo coepit, pede perrexerit, egregia olim daturum, magisque ingenio perfectæ, confidimus. Sed tempus est, ut ad opus hoc ipsum nos convertamus.

Primus locus, quem illustrandum sumsisit, est Gen. II. 4. Viam explicationi straturus, observat, dari apud Ebræos, ut & in aliis linguis, voces compositas, in quarum censum etiam refert vocem תולדות, qua de sua sententia, tanta cum confidentia pronuntiat, id neminem, nisi qui cum ratione insannire cupiat, negaturum esse. Hoc posito, vocem compositam esse vult ex לדה partus, quod in numero multitudinis faciat לדות, in statu constructo לדות, & הו, quod sit ex הו signum, vel ex הוה, ad formam nominum הוה, הוה, quæ in regimine cholem accipiunt, vel ex הוה quiescente הו in fine. Hinc vocem תולדות explicat per signum, vel descriptionem partuum; quo pacto notio historice voci huic inest, sed quæ primario scopo de partibus, sive generationibus agit, & per consequens pro signis, vestigiis, descriptionibus originum humanarum, & rerum aliarum, accipi potest. Conferri vult locum Gen. XXXVII. 2. Sed enim cum negari nequeat, voci huic radicem ילד ortum præbere, הו certe a תולדות divelli nequit, & si tandem hæc viri docti derivatio in eundem sensum, qui voci alias datur, tendit, quæ ratio erat, eundem per tot gyros & ambitus, tandem invenire? In numerum vocum compositarum coniicit, & illud בראשית Gen. I. 1. quod compositum vult esse ex ברא creatio, & שית fundamentum, id, quod

quod possum est, unde plurale שְׁחִיחַ ex שִׁיחַ contractum, ut hinc titulum referat, qui *fundamenti creationem*, Batavis, de Grondsheppinge, directe insinuet. Verum datur apud Ebraeos vox רִאשִׁית, initium denotans, cui praemissa est littera ב, quod dagech lene impressum indicat, quapropter versiones omnes reddunt in initio. Contra si tituli vicem praestaret, per accentum distinctivum a sequentibus vocibus disiuncta esse deberet, & tum illae eundem, quem haec, sensum funderent. Oc-
Pag. 1-15.
casione data illustrat locum Hof. XIV. 3. ubi פְּרִים ex singul. פֶּרִי, ad formam פְּרִי פִּטְלָה *fitula, fructus*, seu *apertiones* significant. Vocem שִׁלָּה ex arab. سَلَا *tranquillo, contentoque animo fuit, expeditum reddidit, liberavit, pacavit, deducit*. Vo-
16-18.
cem מֵרָח, quod ad v. 6. c. II. notat, ex rad. arabica, *circumflandi, gravandi, premendi*, significatum habente, ortum vult, indeque recte converti posse colligit, per *aera, vel congeriem vaporum, & terrae exhalationem*; qui in nubem coalescant & compingantur, ut visibiles evadant, conf. Job. XXXVI. 27. Hi vapores adscenderunt ex terra. Creatis luminaribus, & functiones suas incipientibus, aer ille gravis, qui atmosphaeram circumstabat, per columnas quasi in altum adscendit, unde nubes sunt foecundatae. Verbum שָׁקָה non de levi roris irrigatione, sed de pluvia, proprie sic dicta, quae in penetralia terrae se insinuat, & imas arborum radices ferit, est intelligendum. Vox חֲדָרָה sensu strictiori denotat plagam quandam, ad solis ortum vergentem, in qua post paradisi plantatus est conspectus. Verba v. 7. וַיִּצַּר אֱלֹהִים הָאָדָם עֹפֶר, 21-26.
praemissis quibusdam de vi ac potestate ׀ conversivi, vertit: *et formavit Iehovah Deus hominem pulverem*, ut עֹפֶר adiective sumatur, ad formam nominis חֲדָרָה, prouti Paullus 1 Cor. XV. 47. explicat: ὁ πρῶτος ἀνθρώπος ἐκ γῆς χεϊνός. מִן חֲדָרָה, ex quadam regione, vel terrae dioecesi, a deo separata. Per נִשְׁמַת חַיִּים vitam tantum animalem indigitari, arbitratur, simul tamen fatetur, se ab illorum sententia, qui hominem mere animale esse, contendunt, toto animo abhorreere, a statu vero spiritali hominem describi c. I. 26. 27. Vocem הַבְּרִילִח, quae adhibetur c. II. 12. com- 31-34.
26. 27. possi-

- positam vult ex ח demonstrativo, & כוד, ex כוד, vel כוד
ex כוד, inferto ל ex חל, vel arabico אל, item לח. vel
לח, a rad. לח, quæ apud Ebræos deest, superest autem
apud Arabes, significans, *micuit, splenduit, manifesto adpa-
ruit*, quod cum virescendi notione facile componi potest. Ex
his conficit, vocem כוד reddi posse per primam micationem,
sive singularem splendorem, atque id ad uniones, vel margari-
tas, ex sententia Bocharti, applicat. Ad v. 20. demonstrat,
nomina non singulis animantibus ab Adamo esse imposita, sed
illis nomina generalia fuisse data, se quidem adpellasse חמד,
animantibus mutis nomen כדמה, feris חיה, volucribus עוף,
impertuisse. Ea vero de causa Deum Adamo adduxisse ani-
mantia, ut ab omnium animalium generibus certo nomine se
distingueret, & inde, experimento capto, cognosceret, in il-
lorum consortio locum sibi esse nullum. Vocem חמד
§7-63. v. 21. constatam esse putat, ex חר & חמה, quod est חמה
fluat, obmutuit, quieuit, חר vero est חר, quod ortum ducit ex
חר, reliquum, residuum esse, superesse, abundare, lucrari: hinc ex-
ponit per supervenientem quietem, vel radicem quietis, quo sen-
su veniat vox 1 Sam. XXVI. 12. Prov. XIX. 15. Job. IV. 13.
Ies. XXIX. 10. Gen. XV. 12. Inde quaeritur, num somnus
hic fuerit ecstaticus, quod negat. Per somni autem radicem
non intelligit somnum profundum, sed proclivitatem in som-
num, per quam non omnis sensus fuerit ablatus, ita tamen ut
non videret, quid ageretur. חר ipsi non est costa carne vestita,
nec latus, sed costa carne vacua, quod probat ex ויקח, quod
est אקח, apud Arabes superante, sensum decorticandi, cortice
nudandi, & sic porro, habente. Igitur ubi dicitur: חר חר
מצלחין explicat, & evacuavit unam e costis eius, per nu-
dam costæ ablationem, locum autem illum חר obstruxit car-
ne, vel obstruxit carnem loco eius. Occasione v. 22. desle-
git ad vocem יבין Ps. LXXII. 17. cuius plenam lectionem
vult esse יבין, ut sit formæ hiphilicæ, & dagefeh forte in י
sit indicium litteræ deficientis. Hinc verba שמש יבין
שמר vertit, ad plagas solis commorabitur nomen eius,
חך potius, stare faciet instar signi alicuius nomen suum, Mes-
sias.

fias. Inde pariter rationem nominum נון & נין, abiecta prima littera ב, dari posse, arbitratur. Eo quoque refert vocem סנן *fillus*, ortum ducentem ab obsoleto סנן, quod apud Arabes adhuc superest, & inde verba Prov. XXIX. 21. ואתריצו דירה סנן convertit, *Et posteritas eius ditata erit.* Ad c. III. 17. quare dageſch forte fit impressam voci עירמים Pag. 77-79. disputat, rationem hanc dans, quoniam sit ex radice tertia geminata: positum igitur esse pro עירמים, inserto י ex speciali coniugationis apud Arabes forma. Inde inquit, qui significare possit & *nuditatem* & *calliditatem*. Cl. Clericus vocem חנרת non per *subligacula, velamenta*, sed *tabernaculum, scenam*, interpretatus erat, quem solide & nervose refutat, accurate demonstrans, vocem hanc proprie denotare *tegumenta*, quibus pudendorum adſpectus prohibeatur. No. 87-94
 men חנה, quo v. 20. prima mater ab Adamo est insignita, fluxisse videtur ipsi ex חנה. denotante *indecoram, obscenam, impuram, ad lapſum prolium, Et perdentem fortunam*. Verba כל-חי כי הוא דירה אם explicat, *quia fuit mater, sive origo omnis pudoris*, interpretationis suæ rationem ex arabismo arceſſeris. Sed enim quæ necessitas cogit, ut aliunde 96-102.
 opem petamus, ubi domestica eademque ſufficientia adſunt ſubſidia & adminicula? ex Ebræa quippe lingua nominis huius rationem expediri poſſe, a viris eruditis abunde est demonstratum, eorumque interpretatio antiquiſſimorum interpretum auctoritate ſulcitur. Num probabile est, voluisse Adamum, poſtquam in foedus gratiæ recepti erant, peccatum admiſſum coniugi opprobare? Et an ita uxorem conviciando, ſatis integrum ſe præſtitiffet? nonne ita propriam culpam palliaſſet? Certe non ſola Heva cauſſa & origo peccati omnis atque infortunii inde ſecuti ſuit, ſed conſenſus in idem peccatum, quem, blanditiis Hevæ motus, dedit Adamus: quare etiam peccatum, & quæ cum illo coniuncta erat mors, in diviniſſimis litteris non ab Heva, ſed Adamo arceſſitur Rom. V. 18. 19. In verſu 1. c. IV. illuſtrando ubi verſatur, prolixè ſatis demonſtrat, quæ ſit poteſtas verbi ידד, quo conſuetudo coniugalis per ευφροσυμων circumſcribitur, cuius

Pag. 117-
124.

124-129.

culius primigenia notio, ipso iudice, ex arabismo est, *posuit*, & quidem *ad adversandum* aliquid *deposuit*. Quare verba *וַיִּתֵּן אָדָם יָדָא* ita exponit, *Et Adamus posuit* in Hhavya, (ut ב ante חוה elliptice sit omissum) *Et concepit*. Vocem *וַיִּתֵּן* reddit per *dominatorem*, *dominum*, ut sic in primam promissionem digitus intendatur, *וַיִּתֵּן* pro *וַיִּתֵּן* a, vel *cum Iehova*, adiuvante sc. illo, hinc nomen Iehova non coniungitur cum *וַיִּתֵּן*, nec de semine nato dicitur. Adnotationes in v. 11. potissimum destinatae sunt investigationi nominum Caini & Habelis. Prius, reiectis aliorum interpretationibus, descendisse vult ex rad. קין, vel קין, quae superest in *قَيْن* vel *قَيْن*, quod, Golio interprete, significat *cudit*

ferrum, collegit in unum, *recteque composuit*, *rem concinnavit*, & sic porro. His constitutis, adfirmat, vocem קין referre antiquam participiorum formam, quae apud Arabes in verbis medii waw & je concavis deprehendatur. Hinc significatum nominis huius hunc esse contendit, *qui manibus operatur & concinnat*. Ita vero a vitae sequentis conditione adpellatus esset, contra quam p. 132. adversus illos, qui rad. קין constituunt, notaverat, *ante hoc tempus, vel nullum, vel aliud*

129-140. *nomen habuit, sed neutrum illi probabile est*. Ab opere pariter, cui postea vacavit Habel, nomen illius derivat, conflatis invicem rad. *הבל* & *הבל*, ratione habita significatum apud Arabes, ut sic denotet *praefectum pecoris*, vel *rei pecuariae*

140-143. *gnarum*. Ad v. 7. observat, vocem *חַטָּא* positam esse in statu absoluto, *רַבֵּץ* participium positum esse pro imperativo, vel futuro, & illi vim quiescendi inesse, hinc sensus emergit, *ad peccati victoriam tuba*, i. e. quietem quære in vincendo peccato. Si bene egeris, *חַטָּא* elotio est, ut sic adludatur ad

145-149. *delapsus hominis in confusione pudoris, timorisque facies*. De signo Caini ad v. 15. hanc profert coniecturam, vel verba illa *קַיִן שֵׁם*, Deum per Adamum, vel alium quendam glasto, vel alio stigmate, sive manibus, sive alii corporis parti impressisse, vel, quod magis Nostro placet, Deum per Adamum, vel alium, in pertica, vel palo, *effigiem istius sententiae* erigi curasse, in Caini gratiam & animi tranquilli-

quillitatem. Verbis, quæ leguntur v. 23. Lamechus quere-Pag. 164.
 las effundit ob mala & ærumnas, quæ ipsi tùm iuveni, tum 170.
 viro, causa polygamix obvenerint: Ad v. 25. commentatur, 181-187.
 nomen שׁוֹן filio Adami forsitan demùm impositum fuisse, ubi
 Heva cum tempore tum ex signis veræ fidei ac pietatis, tum
 benevolentix divinæ indicii animadverterit, eum Messiam
 typice repræsentare, & ad semen mulieris spectare. Nomen
 שׁוֹן deducit ex rad. arabica, quæ significat *dispersus, separatus,*
distinctus fuit, quoniam deus mature admodum gratiæ suæ
 donis, in hunc collatis, a semine cum serpentis alienum esse,
 demonstravit. Semen אָרָר reddit *semen inimicum*, imo *inimi-*
cissimum, utpote quod serpenti ac ipsius semini prorsus sit ad-
 versum & contrarium, actionibus in laudem veri dei directis,
 & veram in Messiam fidem testantibus. Verbi הוֹחֵל v. 26. 187-193.
 radicem constituit חָלַל, cuius potestas primigenia in *solvendo*
 sita sit, inter secundarias notiones est *quiescere, alicubi subsi-*
stere, morari. Hinc verba ita interpretatur, tunc cessasse
 publicum religionis exercitium, & veram religionem certæ
 familiæ (Sethinæ) inclusam fuisse, seque a perversis Cainita-
 rum erroribus intaminatam servasse: unde sequebatur, ut &
 hi se non amplius a deo nominarent. צָהַר v. 16. c. VI. ex 194-198.
 צָ pro צוֹ, vel צוֹה & הָר constare, & *receptaculum lucis* de-
 notare, contendit. מַלְטַעֲלָה pariter vocem compositam
 esse vult, quam reddit *ab extrema superioritate*. Verborum
 תַּעֲשֶׂה וְשִׁלְשִׁים שָׁנִים חַתִּים hunc sensum esse, censet:
 Noachum fecisse subordinatas contignationes, quarum inferior
 continuerit duas distantias, seu intervalla superior tres, quarum
 una e tribus superioribus in usum Noachi cum suis cesserit,
 quatuor reliquis inservientibus bestiarum commorationi, ea-
 rumque pabulis. טָבֹר c. VII. 6. cuius radix טָבַר apud Arabes 216-224.
 superstes, notat *imbrem effudit copiose & vehementer pluit coelum,*
significat magnum aquarum fluxum, seu fluxum copiosum & ve-
hementem. In verbis הָיָה וְהַמְבּוֹל הָיָה habetur antecedens, &
fluxus vehemens imbrum fuit, consequens מַיִם אֲשֶׁר אֶמְצָא
 fuerunt *supra terram*, ut adeo הָיָה deficiat. טָרַף c. VIII. 11. iun- 229-231.
 Etum טָרַף adiective sumitur, ut sic denotetur *solum olivæ recentis,*

- vel *generosae in ore eius*, quod quoniam succo plenum erat,
 Pag. 231. intelligebat inde Noachus, aquas iam levatas esse. ערירי
 235. c. XV. 2. ipsi est spe vana lactatus, eo quod impletionem
 255-259. promissionis de semine dando nondum viderat. עֵשֶׂק est
 ex rad. arabica, quæ curam innuit, hinc עֵשֶׂק designat
curatorem domus. Illustrat hac occasione locos Zeph. II. 9.
 Ies. XXXIII. 4. Eliezerem Abrahamus adpellat filium, qui or-
 namento familiae Abrahami erat, non solum quod curam re-
 rum domesticarum illius, totiusque familiae sustinebat, ve-
 rum etiam quod procreatione liberorum Abrahami, sic pro-
 prie dictam familiam exstruebat, quemque proinde adopta-
 re decreverat. עֵשֶׂק non est nomen proprium loci, sed
 261-271. nomen adpellativum. c. XX. 16. est ex rad. arabica
 عَجَلَ *matrimonio sibi iunxit feminam, uxorem duxit*, ut sic sit
 participium præsens kal, feminini generis, hinc explicat, &
nubens esto, vel *nupta eris*, כִּסוּת עֵינַיִם est *velamen ocellatum*,
 unde, ipsam nuptam esse, cognosci poterat, quali velamine
 280-284. etiam se texit Rebecca, Gen. XXIV. 65. אֲחוּזָה c. XXVI. 26.
 est nomen proprium hominis, מְרַעְדִי est compositum ex
 מַרְעָה & רָע quod aliquando notionem pastoris habere, ex Ge-
 nes. XXXVIII. 12. probat, & adfixo הוּא, reddit igitur, &
Achuzatus ex pastoribus eius, i. e. qui præerat pastoribus eius,
 294-296. כְּגֵר c. XXX. 11. explicat de *turma hostili*, fermocinabatur
 sc. vel ratiocinabatur de turma hostili, & inde occasionem
 302-305. capiebat Lea, filium, ex Silpa natum, adpellandi *Gad*.
 Verba וַיִּגְבַּהּ יַעֲקֹב אֶת לֵב פָּאֻקֻם אֲבוּלָם לַבָּנִי. transfert, & abstulit Iacobus
paucum pabulum Labani. c. XXXI. 20. non vertit, uti
 alias, per *cor*, sed ex usu apud Arabes, *exiguum pabulum*, quo
 sensu etiam usurpetur Gen. XLII. 28. אֲרָמִי quoniam אֲרָמִי
 impressum habet dagešch forte, indicium litteræ alicuius defi-
 cientis esse, iudicat, adeoque ponit radicem arabicam اَرَمَ,
 quæ defectus & inopiæ notionem involuit, unde אֲרָמִיָּה &
 אֲרָמִיָּה *viduam*, marito destitutam, Chaldaeis significat.
 Reddit igitur האֲרָמִי *commeatu valde carentem*. Se-
 quentia, עַל בְּלִי הַגֵּד לוֹ כִּי בֹרַח הוּא, ita explicat,
propterea

propterea nequaquam manifestavit ei, quod fugiens ille. Quæ
 verba quidem relationem habent ad totam Iacobi fugam,
 præcipue vero ad ablationem pabuli: Labani, peregre pro-
 fecto, nil indicavit, vel indicari curavit Iacobus, כִּי בֹרַח
 הָיָה, quod fugeret. Ad eundem modum explicat verba sa-
 tis vexata Deut. XXVI. 5. Sed ubi quæritur, num vox אֲרָמִי
 ubique locorum sensum istum obtineat? observat, quoties
 Syrum notat, absque dagefeh forti venire. De cetero non
 intercedit, quo minus idem sensus Gen. XXV. 20. locum ha-
 beat. Vocem אֲרָמִי, quæ occurrit c. XXXI. 34. deducit
 ex rad. arabica صرف, cuius notio primaria consistit in
mutando, vertendo, ut sic denotentur *penates*, qui vicissitudi-
 num & rerum domesticarum directores quodammodo ha-
 beantur. סֵר הַגִּמְלָה est ipsi, quod cel. *Schultensius* iam ob-
 servaverat, *sella camelina*. פֶּאֶרְתָּה Luc. II. 7. forte est arab.
 فِئْتَان, *phitanon*, notans *operimentum sellae camelinae ex co-
 rio*. Ad v. 47. investigationem verborum יָגֵר שְׂדֵרוֹתָהּ in-
 stituit, quæ non seriōribus temporibus, uti b. *Vitringa* cen-
 suit, sunt inserta, sed ab ipso Labane profecta, eaque per *lati-
 bulum obtestationis* reddit. אִישׁ c. XXXIX. 14. reddit *domi-
 num*, & ita uxor refert ad maritum suum, לְצַחֵק בְּנִי, ut *frica-
 ret nobiscum*, ad explendam sc. libidinem, qua occasione in
 vim verbi צַחֵק inquit, & cum adfinibus verbis componit,
 simulque locos Exod. XXXII. 6. Ief. XXVII. 2. Iud. XVI. 25.
 Gen. XXVI. 8. XLI. 2. illustrat. אֶתֶךָ c. XLI. 41. conver-
 tit per *signum*, ut sit ex אֶתֶךָ. Censet igitur, Iosephi imagi-
 nem per multa Aegypti loca, vel in faxis excisam, vel in ta-
 bulis depictam, conspiciendam fuisse. צִפְנָה פֶּעֶכָה, v. 45. 400-405.
 prius est ex צִפְנָה *abscondidit*, חֵטְא est servile, dictus autem Iose-
 phus inde, quia *horrea vel urbes*, instar pastoris, qui in culeo
 suum reponit commeatum, *commeatu replevit*; posterius ipsi
 compositum ex פֶּעַ & כָּח videtur, prius est ex כָּפַע, rad. כָּפַע
 Ebraeis ignota, Arabibus significat *profuit, usui fuit*, כָּח est
 ex rad. כָּחַ, quæ gaudet significato *servitutis, mancipii*, hinc
 ex ipsius mente illum innuit, *qui disponit frumenta, & utilita-
 tem præstat subditis regni*. חֵטְא non est nomen urbis vel re-
 gionis,

- gionis, sed denotat *prætorium, palatium*, hinc כהן מן vertit
 Pag. 402. *sacerdotem palatii*. Vocem המליץ c. XLII. 23. non reddit
 404. *interpretem*, sed verba כי המליץ בינתם convertit, *quia*
lufus sermonis erat inter ipsos, tacite quippe innuebant factum
 406-408. in Iosephum admissum, v. 21. 22. Quod c. XLVII. 21. le-
 gitur העביר אתו לערים, transfert, *transire fecit eum in*
cenfum, ut illud ערים non sit in numero multitudinis ex sin-
 gulari עיר, sed potius singularis, formans pluralem ערימים
 ex rad. arab. عَمِمَ, quæ *cenfus & tributi* significationem ha-
 431-436. bet. In verbis c. XLIX. 4. או חללת יצעי עלה, illud
 עלה ipsi est nomen substantivum, ex usu apud Arabes signi-
 ficans *celstitudinem, nobilitatem*. Hinc sensus est, quando con-
 scenderit stratum suum, quod sit res magni pretii, id non
 leve quid esse: excellentiam idcirco suam tanquam primoge-
 niti perdidisse. Verba c. XLIX. 14. יששכר חמר גרם
 convertit, *Isfchar afinus validus*, Arabibus quippe حربم est
corpore validus & robustus, porro verbo huic apud Arabes
 sensus *portandi* inest, ut sic notet *afinum oneris, sive onerarium*
 חמרים רבץ בין המשפחים *cubans inter duas strues, sarcinas*, sc. quæ
 ab utraque parte dorsi pendent. מנח v. 15. ex rad. מנח
 donavit, deducit, ut sit partic. pahul coniug. kal feminini
 gen. & reddi possit per *donatum, donum*. ויהי למס-עבר
 & erit ad *liquefactionem colens, quatenus ipse vires fregit in*
 444-449. *dissolutione, liquefactione terræ, quam colebat*. משם רעה אבן
 ישראל v. 24. in hunc modum explicat, *ex dominio pastoris, la-*
pidis Israelis. שם ex arabismo habet significatum *dominii*,
 454-455. *principatus*, רעה refert ad spiritum sanctum, אבן ad Messiam.
 Sed vero hæc promulsidis loco sufficiant, ex quibus B. L. de
 hoc opere facile iudicare poterit. Rev. Auctor iis, quæ a trita
 interpretandi via discedunt, non ita pertinaciter inhæret, ut
 non rectiora monentibus cedere sit paratus, eruditorum iudicio
 & examini sua submittens. Indices liber egregios, eos-
 que sex adiunctos habet, charta & typis satis nitidus, nimis
 tamen mendis typographicis deformatus, illis etiam, quæ
 subinde sensum turbant, quarum indicium aliquod in fine est
 factum. Nec, quod animo facile prospicere possumus, deer-
 runt, qui sermonis habitum sint reprehensuri, ut minus
 com-

comtum, & a linguæ latinæ, elegantia atque castimonia pal-
 sissim discedentem. Sed his respondet: *carptores, qui stilo,*
litterarum apicibus, & nescio cuicumque tricarum generi in-
haerent, haut metuo. Criticos reales suspicio, eorumque casti-
 gationes neutiquam reuicam. Recte & ad modum omnis di-
 ctum. Contigit Auc̃. Doctissimo, quem optauerat, *Criticus*
realis, ompino suspiciendus. Nam novas de interpretatione
 trium priorum Geneleos Caput, Haitsmæ nostri sententias,
 scriptis aliquot Academicis graviter examinavit Vir S. Ven.
 Io. Christ. Hebenstreit, Theologus Academiae nostræ prima-
 rius, quem honoris causa nominamus.

- Das neue gelehrte Europa, 1c.

i. e.

EUROPA ERUDITA NOSTRÆ ÆTATIS,
tanquam continuatio trium operum, quæ sub tit. Eru-
dita Europa, Res gestæ Eruditorum, & Symbolæ ad
historiam eruditionis, luci publicæ exposita sunt. Aucto-
re IO. CHRISTOPH. STRODTMANNO,

Rectore Gymnasii Osnabrugensis.

Partes IV.

Wolfenbütelæ, apud Io. Christoph. Meissnerum, 1752. 1753.

1754. 8.

Alph. 3. plagg. 3.

Inter scriptores ævi nostri biographicos palmam præ reliquis
 deferendam esse trigæ virorum doctissimorum, Ven. Ga-
 brielii Guiljelmo Goettenio, aulae Regio-Electoralis Hano-
 veranae hodie concionatori, Rev. Ernesto Ludovico Rathlef,
 dioceleos Nienburgensis in Electoratu Hanoverano Super-
 intendenti, & Cl. Io. Christoph. Strodtmanno, Gymnasii Of-
 nabrugensis Rectori, nemo rerum intelligens negaverit.
 Debetur his tribus viris optimis triplex opus, in titulo præ-
 sentis novæ eruditæ Europæ laudatum. Viam aperuit
 Goettenius, qui dum Hildesienfis ecclesiæ esset pastor, bono
 consilio coepit cum orbe docto communicare *vixentem* (sive
superstitem dixeris) *eruditam Europam*, per ipsum satis

M m 3

am-

fatis amplum rubrum, selectum sibi ab auctore vastum campum, quem percurrere tunc animus ipsi erat, prodentem. Neque tamen absolutum dabat id opus inchoatum, *Rathlefi* ad continuandum tertium eiusdem volumen accedere iussit. Sed novum hic *Rathlefius* similis argumenti opus concinnandum suscipiebat, *res gestas Eruditorum* inscriptum, cuius ipse octo partes priores, sequentes posteriores vero quatuor *Strodtmannus*, prelo subiiciendas curavit. Tertium tandem eiusdem tenoris opus, *Strodtmannus* hic, sub titulo *symbolarum ad historiam eruditionis*, foras dedit, in fronte priorum quatuor partium nomen suum silentio tegens, quod in rubro quintæ eiusque ultimæ partis latere lectorem noluit. Denuo nunc ornando foro biographico se dicavit vir hic doctissimus, *novam eruditam Europam* publicando; cuius Tomus primus complectitur eiusdem partes quatuor priores, a nobis iam indicandas, porroque pari zelo continuandas. Conqueritur in præfatione, primæ parti præmissa, de fatis adversis, quæ expertæ supra dictæ *symbolæ* fuerint, rebus bibliopolæ Hamburgensis, qui istarum typis excudendarum sumtus ferebat, ad angustias redactis, & hoc ipso vario apparatu, ad continuandas *symbolas* transmissis, pereunte. Ad novum prorsus opus adornandum accingere se necesse habuit *Strodtmannus*, quod iam felicissimo successu ab eodem publicatum est. Complectitur id vitas virorum doctissimorum, qui de re eruditorum publica apprime sunt promeriti, de scriptis eorundem simul curatore grataque addita notitia, quæ non parum facit ad desiderium operis eiusmodi continuandi, per longam sequentium voluminum seriem, excitandum alendumque.

Paræ prima de sequentibus viris doctis tradit nobis relationes lectu dignas: de *Io. Friderico Reitzæ*, artis salutaris doctore, eloquentiæ, historiarum, oratoriæ, & poeseos professore in Academia Traiectina; de *Henrico Canegieter*, iuris utriusque Doctore, historiarum itemque eloquentiæ Professore, & scholæ oppidanæ Rectore Arnheimensi; de *Leonhardo Offerhaus*, historiarum & eloquentiæ Professore publico ordinario, & Bibliothecario in academia Gro-

Groningenſi; de *Ioanne Iens*, græcæ linguæ Professore in Gymnasio academico, & Collegii Erasmiiani Rectore Rotodamenſi; de *Wilhelmo van Einhorn*, verbi divini ministro Arnheimenſi; de *Ferdinando Stosch*, orientalium linguarum & antiquitatum Professore extraordinario in Gymnasio Lingeniſi, scholæ Rectore; de *Philippo Doddridge*, sanctæ Theologiæ Doctore, & publico Professore Northamptonenſi; de *Carolo Gottlob Hofmanno*, S. Theol. Doct. & Prof. Publ. Ordinario in academia Wittebergenſi, dioceſeos Electoralis Saxonicæ Superintendente Generali; de *Godofredo Schwartzio*, S. Theologiæ Doctore, & Professore primario in academia Rintelenſi, comitatusque Schaumburgensis Superintendente. Sequuntur has biographias additamenta ad *Samuelis Crellii* vitam, in *Europæ eruditæ* vol. III. pag. 277. seqq. descriptam, quæ *Crellius* ipse ad *Rathleſium* transmiſit. Posthac breviores quasdam symbolas cl. *Strodtmannus* exhibet, ad vitas *Petri Sabatier*, *Abrahami de Haan*, *Io. Iac. Schillingii* & *Petri Laan*, Belgii literati membrorum, pertinentes. Ampliores sunt, quæ sequuntur, vitæ descriptæ *Cornelii Valerii Vonk*, Iuriconsulti & civitatis Noviomagensis Secretarii, ac *Laurentii Reinhardi*, S. Theol. Doctoris, & Dioceſeos Butstadiensis Superintendentis, qui posterior ipse fuit meritorum fuorum præco. Finem partis primæ faciunt additamenta ad vitas *Christiani Sigismundi Georgii*, S. Theologiæ Doctoris, eiusdemque in academia Wittebergenſi Professoris publici ordinarii, & *Conradi Fried. Ern. Bierlingii*, Doctoris & Professoris Theologi Rintelenſis.

Pars secunda vitas exhibet enarratas virorum pari laudis gloria conspicuorum: *Nicolai Engelhardi*, artium magistri & philosophiæ Doctoris, ac Professoris ordinarii in academia Groningenſi; *Io. Casimiri Mieg*, Theologiæ & linguarum Professoris ordinarii, atque coetus reformati sacerdotis Lingeniſi; *Theodori Christophori Lilienthalii*, S. Theologiæ Doctoris, eiusdemque Professoris ordinarii in academia Regiomontana, verbique divini ibidem ministri; *Iacobi Philippi d'Orville*, Iurium Doctoris, historiarum, eloquentiæ, & linguarum

rum Professoris in Gymnasio Amstelædamenti; *Wilhelmi Schortinghuis*, verbi divini ministri MittWaldensis in provincia Groningensi; *Gerhardi Meermann*, Iurium Doctoris, Consiliarii & Syndici Roterodamensis; *Iacobi Carpovii*, artium magistri, mathematum Professoris in Gymnasio Vinariensi, eiusdemque Rectoris; tandemque *Io. Michaelis de Loen*, magni huius ætatis pacificatoris.

Pars tertia prioribus dignitate nullo modo cedit, viros sistens laudatos & descriptos, qui de orbe erudito optime sunt pariter meriti, & in dies merentur. Continet yero sub initium quædam, ad supplendas *symbolas*. Auctoris sæpe memoratas spectantia: α) *indicem* alphabeticum & geographicum in quinque *symbolarum* partes, quem tamen si ita excudi *Strodtmannus* curasset, ut bibliopegus eundem adfuere ultimæ *symbolarum* parti posset, nostra ex sententia prudentius rem suam egisset. Sequuntur *Addimenta* ad variorum eruditorum olim iam exhibitas biographias, inprimis *Petri Francisci le Courayer*, *Ludovici Holbergii*, *Io. Mich. Heusingeri*, optimo consilio hic exhibita, quo supplicantur relationes de istis, in operibus, quorum hoc opus continuationem suppeditat, obvias. Legitur porro brevis narratio de *Ieremia Bunfen*, Consule Arolseni, in comitatu Waldeccensi, viro in re monetaria, nec non scientia naturali, probe versato. Sequitur *brevis notitia* quorundam sive adhuc viventium, sive haud ita pridem demortuorum eruditorum, scilicet *Io. Iacobi Burlamaqui*, Genevensis, *Io. Danielis Mann*, Clivensis, & *Io. Havighorstii*, medici Bisterfeldensis. Locum deinde occupant biographiæ ampliores virorum eruditorum hodie viventium, scriptisque clarorum, videlicet *Gerhardi ten Cate*, Theologiæ Doctoris & Professoris publici ordinarii in academia Harderovicensi; *Leonardi Beels*, ecclesiæ reformatæ Antistitis Amstelædamentis; *Friderici Muzelii*, Professoris & Conrectoris in Gymnasio Berolinensi regio, eiusque Bibliothecarii, (at iste ante annos fere duos, magnus natus, e vivis excessit); *Friderici Ludovici Abresch*, Professoris & Rectoris Gymnasii Zwollensis; *Io. Hildebrandi Withofii*, historiarum, eloquentiæ, & linguæ Græcæ Professoris ordinarii in academia Duisburgensi; *Christiani Ulrici*

Ulrici a Kettelholdt, Procancellarii & Consistorii Propriæsidis Rudolstadtensis; *Ioachimi Ehrenfried Pfeifferi*, Theologiæ Doctoris eiusdemque Professoris ordinarii ac Superintendentis Erlangensis; *Ioannis Augustini Dietelmaier*, Theologiæ Doctoris & Professoris ordinarii in academia Altorfina, verbi-que divini ministri; *Philippi Wasmuthi*, Iurium Doctoris & Professoris in Gymnasio Lingensi; *Iodoci Hermanni Nunningr*, Iurium Doctoris, Serenissimo Electori Colonienfi a consiliis ecclesiasticis, Protonotarii Apostolici, & Canonici Vredensis; *Ioan. Dieterici Winkleri*, Theologiæ Doctoris, & ecclesiarum Hildesienfium Superintendentis; *Wilhelmi Ottonis Reitz*, Iurium Doctoris & Lectoris in Gymnasio, nec non Scholæ Rectoris Middelburgensis; & *Ioan. Danielis Heydenii*, artium Magistri, & Gymnasii Gerani Conrectoris.

Pars quarta, quæ est Tomi primi ultima, Lectorum desiderio aequè bene respondebit, de viris agens, quos doctos colit orbis eruditus, meritissimosque. Vitæ exhibentur *Petri Wesselingi*, Iuris Romano-Germanici ac naturalis, nec non eloquentiæ, historiarum, & Græcæ Linguae Professoris ordinarii in academia Traiectina; *Ioan. Casparis Hagenbuchii*, Canonici, græcæ & latinæ linguæ Professoris Tigurini; & *Iacobi Eck*, Iurium Doctoris, Iuris Germanici & Belgici Professoris ordinarii in Academia Groningana. Excipit has vitas *mantissa* breviorum quarundam biographiarum, scilicet *Casparis Theodori Summermanni*, Iurium Doctoris & Professoris primarii in academia Duisburgensi; *Io. Iacobi Kesleri*, Theologiæ Doctoris, & ecclesiæ Reformatæ Pastoris Amstelædamentis; *Ioannis Ianzonii*, Ecclesiæ Moordrechtensis; *Weiher Wilhelmi Muys*, Medicinæ Professoris in Academia Franequerana; *Dionysii van de Wynperffe*, Philosophiæ Professoris & Theologiæ Doctoris in academia Groningana; & *Georgii Maróthi*, Eloq. histor. & Matheseos Professoris in Gymnasio Debreczinensi Hungariæ. Succedunt largiores vitæ narrationes, *Ioachimi Christophori Nemeiz*, serenissimo Principi Waldeccensi a consiliis aulicis; *Gabrielis Crameri*, Matheseos & Philosophiæ Professoris ordinarii Genevensis; *Gerhardi*

Kulenkamp, ecclesiæ reformatæ Pastoris Amstelædamentis; *Wilhelmi Pfeifferi*, eiusdem coetus reformati Amstelædamentis Ecclesiastæ; *Iosephi Aurelii de Ianuario*, Iudicis in tribunali regio magnæ Vicariæ, Neapolitani; *Ioannis Antonii Sergii*, Iurisconsulti & causarum patroni Neapolitani, *Io. Chrysostomi Scarfo*, Doctoris, & Theologiæ Magistri Pontificii, ordinis S. Blasii monachi Neapolitani; & *Io. Danielis van Hoven*, potentissimo Borussia Regi a consiliis consistorii, historiarum & eloquentiæ Professoris ordinarii Lingens. Duplex, agmen, iterum *mantissa* claudit, quarum prior supplementa complectitur ad *Hanovii*, Gedanensis Gymnasii Professoris, vitam, quintæ *Symbolarum* parti insertam; altera nomina exhibet Professorum in academia Argentoratensi & Gymnasio Bipontano, nec non doctorum Scholæ S. Galli in Helvetia.

Vel ipsa nomina tot virorum undiquaque celeberrimorum recensita, Lectores nostros de pretio huic operi statuendo satis superque convincere possunt. Innotescunt nempe, opera *Strodtmanni* nostri, varii viri laudatissimi magis, quam quidem adhuc nosse eorundem merita datum fuerat. Neque macilentas ille biographias in manus nobis tradidit, verum ob stili quoque elegantiam, imprimis vero ob rerum memorabilium copiam, commendabiles. Illustris e. gr. *Loenii* dum nobis enarravit vitam, controversiarum, per ipsius *unicam veram religionem* ortarum, plena sufficiensque, lectorem & delectat & instruit delineatio. Eadem ratione in ceterorum virorum doctissimorum fatis, controversiis, scriptis enarrandis, & fidum & ingenuum se præbuit historicum. Hac autem opera, memoriæ doctorum virorum conservandæ destinata, suum ipse nomen posteris commendavit Auctor Clarissimus, qui, hæc adeo nobis scribentibus, rebus humanis functus est, non incelebris ille inter nos, variorum doctrinæ monumentorum utilitate, & fama diligentia.

LES AGREMENS DE LA CAMPAGNE &c.

h. e.

DELICIE RURIS, SIVE MONITA SINGULARIA, de aedificiorum campestrium magis vel minus magnificorum

corum constructione, de hortis, voluptatis & usus gratia consitiis, ornamentisque eospectantibus, commodissima illorum struendorum ratione, solo praeparando, corrigendis-que huius vitiiis, arborum fructiferarum, aliarumque ornari tantum servientium satu, item aquarum receptaculis, canalibus, & piscinis perficiendis. Accessit Tractatus de arborum fructiferarum & reliquarum cultura, exactaque descriptio eorum, quae faciendae sunt, ut quotannis uvae, magna copia, in aere libero, aut praecoces in hypocaustis, igne, aut alio modo artificiose calefactis, habeantur. Docetur isidem, quomodo in frigidis his regionibus, Ananas, Mela, Cirriva, Limonia, Aurantia, aliaeque calidiorum climatum herbae colantur & multiplicentur; thermometrorum eam in rem necessarium constructio explicatur, & de frugum atque leguminum cultura plurima observantur. Omnia tabulis necessariis ornata, & observationibus quin-
quaginta annorum, sollicitè institutis,
innixa.

Lugduni Bat. 1750. 4.

2. Alph. 6. pl. 15. Tab. æn. quarum plurimae integras plagulas maiores occupant.

Recensionem libri fere titulus prolixior exhibet, quem ea de causa totum dedimus. Est vero opus, si fides titulo & praefationi habenda, neque cur illis fides deneganda sit ratio patet ulla, a Batavo, post tot annorum experimenta scriptum, & multum omnino plerisque de re hortensi sermone batavo editis libris praestat, qui nil nisi operum Dom. de la Quintinie versiones exhibent. Ordo operis hic est. Primae Partis Liber I. decem capitibus, de aedificiis campestribus construendis, de hortulani virtutibus, de instrumentis ad horticulturnam necessariis, de fossis & aquarum receptaculis excavandis, de soli differentiis, praeparatione, & emendatione agit.

Altero libro, quae ad arbores spectant exponuntur, de vita & incrementis illarum, de differentiis, de modis illas satu, ablactatione, per furculos, &c. multiplicandi, & similia.

N n 2

Tertius

Tertius liber arbores, quarum fructibus vescimur, recenset, culturamque illarum speciatim edocet. Quartus totus pampinis destinatur, vitisque culturam explicat. Quintum arbores, quas non frugum edulium gratia, sed ornatus aut utilitatis causa colimus, occupant. Alteri parti monitum præmittitur, de plantis extra consuetum tempus colendis, nec non de exoticis aliquibus, & similibus. Deinde Capita numero octo, de hypocaustis ad plantas hieme sæviante servandas constructis, thermometris, aeris vi in plantas, terra, aqua, calore ignis & fimi, tractat. Secundus liber a laboribus, qui singulis mensibus peragendi in horto sunt, sumto initio, arbores & arbuta utilitatis gratia colenda pertractat: tertius autem de plantarum exoticarum cultura agit, ubi etiam de cultura vitis, & modo uvas in locis arte calefactis maturandi, tractatur.

Difficile fuerit, e tanta rerum egregiarum copia delectum facere: deinde plura solo Batavo propria sunt, quæ vero temere apud nos imitemur; quo spectat, nisi fallimur, illa de uvis operosius in hypocaustis maturandis tractatio, etsi Auctor sollicitè etiam, & ita ut solent rariora & difficiliora tentamina recenseri, quoties uvas maturas in libero aere acceperit, enumeret. Similiter fossarum excavandarum necessitatem maiorem quam alibi in Batavia agnoscit, ubi solum natura depressius est, quam ut arbores plantari in eo possint. Solum planum & horizontale, ei quod in vallibus situm est, aut montium partem occupat, præfert: tum, quod in montis superficie non maior plantarum quantitas crescere possit, quam in basi eius; tum, quod pluvie fertilem terram montibus auferunt, valles autem inundent. Medium tamen soli ut tantillum altius sit circumiacentibus partibus, probat. Arboribus ferendis destinatum solum profundius esse debet, ut altius radices penetrare possint, quo & a solis æstu tegantur, & arboribus firmitus retinendis melius sufficiant. Oleribus & floribus sufficit, si solum illorum plus duobus pedibus supra aquæ superficiem emineat; tunc enim, siccis etiam æstatibus, humidum attrahendo nutriri possunt. Sed tantæ elevationis solum in Hollandia raro satis pingue existit, unde humiliter adhibendum est, aggeribusque circum-

cum ductis contra vim aquæ defendendum. Præterea in pluribus locis pinguis & arenosa terra reperitur, in qua arbores radices profundius agunt, quia superior eius soli pars bona est; sed mox ubi ad certam aliquam profunditatem pervenerunt, obicem illis ponit stratum durum bituminosum & arenosum. Id si non nimis altum sit, rumpendum est, ut via radicibus per illud aperiatur. Solum optimum Auctori est, pingue, subrubens, arenosum, terræ strato argilloso ei simili, unde fictiles lapides conficiuntur, testum. Argilloso strati crassitudo digitos X, pinguis terræ XI vel XIII. efficit: sub huius strato sæpius argilla, interdum adhuc terra macrior, semper tamen ita pinguis, ut penetrare illam radices possint, reperitur. Tale solum, antequam semen illi immittatur, fossione similibusque laboribus rite motum, fimo, ut pinguescat, opus non habet; foliis, quæ quotannis decidunt, arborum nutrimento abunde sufficientibus. Pinguis albidæ terræ malam naturam in Hollandia A. accusat, & pessimam in primis subcæruleam pronuntiat. Paludosum solum (fonds marecageux), terræ pinguis & arenæ mixtura est, a natura ipsa facta, & plurius ope coagmentata; cum alias humano labore pinguem terram sabulo misceri oporteat, ut illa melioretur, fertiliorque fiat, & ab hac quidem pluvia sabulum separet, efficiatque, ut illud paulatim inferiora occupans, stratum sabulosum infra terram pinguem formet. Sed hæc de soli differentiis sufficiant. Pauca de emendandis illis addemus. Est autem solum vel natura sua macrum & sterile; vel fructuum iam productorum multitudinem exhaustum; vel illis plantis nutriendis, quas nutrire debet, minus idoneum. Primum genus nonnisi uberiore stercoreatione emendatur: nam consuetam stercoreationem terra macrior consumit. Alteri quies medetur, pluvia & nive novas particulas, nutriendis plantis idoneas, adferentibus. Trahit hic auctor Dei iussu, ut septimo anno Israelitarum fundi quiescerent. Hinc ad stercoreationem delabitur, eique idonea esse pronuntiat tum omnia quæ putrescunt, tum animalium omnium excrementa, leporibus & avibus aquaticis exceptis, quorum excrementa antiquitus iam nocere plantis com-

pertum est. Stercorationis vim unice sal in fimo contento adscribi debere negat, exemplum adhibens pinguedinis ceti, quam fertiles terras reddere, si uratur, & putrefiat, paucis inde ab annis fortuito compertum est: deinde notat etiam, veteres, olei fæces cum nitro miscuisse; Columellam vero urinam semestrem, olei fæcibus permixtam, stercorendis agris, adhibere, in quibus omnibus, ipso quidem iudice, salis nihil reperitur. Deinde pro soli & fructuum, qui nascentur, differentis, diversam stercorationem esse oportet, amarescentesque plantæ, ut brassicæ, cichoreum, cet. particulas magis salinas, quam rapæ & cepæ, postulant.

Existimat igitur Auctor, necesse esse, ut sal in fimo vel terra reperiendus, sat oleosarum particularum contineat, quo sapo conveniens efficiatur, cuius humores, pluvia dissoluti, incrementum plantis & fertilitatem terræ conferant: cum ergo sterco ratio, ut vulgaris sapo comparata esse debeat, solo pingui & natura sua oleoso, fimus plures salinas particulas continens adhibendus est; illi vero qui parum olei habet, putrescentia corpora, paucillum salis, & plurimum olei continentia, conveniunt. Nunquam vero oblivisci deest, stercorationem, remedii loco, vitis emendandis esse adhibendam; nam nimia quantitas maxime plantis nocet. Deinde soli stercorendi regulas accuratius A. tradit: aquam vero nitro imprægnatam seminibus in ea maceratis singularem vim conferre, in solo bene stercoreato non est expertus; etsi frumenti granum 24 horis in hoc liquore, excrementis equi & herbis mixto, maceratum, 62 aristas sibi tulisse narret. Varia vero stercoreationum genera A. persequitur, sic quidem, ut non experimenta solum exhibeat, sed in rationes etiam inquiret. Ita porci sterco, veteres ob calorem nimium damnarunt, recentiores eidem refrigerandi vim adscribunt, quod, auctore iudice, nemo mirabitur, qui porcos in Hollandia, non glandibus, ut apud veteres, sed cerevisiæ fæcibus, aut lactis parte aquosa, nutrirî sciverit. Simili accuratione Auctor reliqua omnia persequitur, neque hortulanum saltim, sed & physicum agit; ita ut non possit non apud cives suos maximam gratiam inire, quibus præcipue monita

nita eius destinavit. Sed & exteri opus cum voluptate & fructu evolvant, cum alia quidem solò etiam a Batavo diverso convenient, alia curiosis, etsi non proficua forte, grata tamen sint futura. Figuræ, varia, quæ ad ædificia spectant, exhibent; præterea etiam fructus aliquot rariores, nec non monstrosos, auctori natos.

VIE DE MÉCÉNAS, &c.

i. e.

DE VITA MAECENATIS COMMENTARIUS,
adiunctis notis historico-criticis, Auctore RICHERO.

Parisiis. 1746. apud Chaubertum, 12. mai. p. 199.

Magnum est inter eruditos C. Cilnii Maecenatis nomen, multis insignibusque & meritis erga litteras, & virtutibus in administranda republica, partum. Quod ut satis omnibus notum sit, tamen res gestas eius, Auctor putat, domi militiæque quondam claras, multorum adhuc fugere scientiam. Quamobrem, ut revocaret virtutes & merita tanti hominis in memoriam omnium, de vita illius exponendum putavit: notus iam & aliis ingenii eruditionisque documentis, ut v. c. Gallica eclogarum Virgilii translatione. Sed fundum hic quasi substravit IO. HEINRICI MEIBOMII *Maecenas*, (Lugd. MDCLIII. in 4. forma foras datus), quem, quia latino sermone scripsit, nunc ex eo in patrium transtulisse, nunc ordinem diligentius observasse, nunc crebros neque ineruditos illos excursus, sed delicato sæculi sui fastidio minime convenientes, præcidisse profitetur, atque ex vita etiam *Augusti* addidisse, quæcunque viderentur ad heroem suum pertinere. Galli cuiusdam, (est ille *Io. Bapt. Souhay*,) commentationem de *Maecenate*, in memoriis, quas vocant, academici Inscriptionum, (T. 19. a p. 125-149.) opere suo iam ad umbilicum deducto, in manus demum sibi incidisse, ait: sed aliud prorsus illius consilium, a suoque diversum esse, ostendit. Prodiit etiam Lipsiæ 1744. in 8. vita quædam Maecenatis, germanice scripta, (*Versuch einer Lebensbeschreibung an der Weltberufenen Person des Maecenas, des ehemahligen größten Freundes des Kayfers Augusti*): sed non est quod suspicemur, hanc ei vel lectam, vel visam adeo esse,

Iam

Iam ipse liber in duas descriptus est partes, quarum prior ipsam *Maecenatis* vitam, (ad p. 112.) posterior observationes criticas, & scriptorum loca, quæ citantur ad testimonium, complectitur. Atque illius quidem, secundum annorum seriem traditæ, argumentum enarrare necesse hic non est, nec fieri facile posset, nisi integrum libellum ex Cl. *Richerii* chartis in nostras transcribere animus esset: harum autem specimina quedam subiiciemus, ut ex iis coniectura fieri ad reliquas possit. Prima observatio de nomine *Maecenatis* exponit, qua *Varronis*, agnomen *Maecenas* a loco quodam ducentis, sententiam probat. Poterant in eam rem quoque laudari *Caesenatia vina* & *Maecenatia* (*Plin. XIV. 6.*). Tertia observatio de illustribus *Maecenatis* natalibus agit, & contra *Dacierium* probat, *reges Od. 1. Horat. L. 1.* non esse viros principes ac civitatis ditissimos; sed eos, quos proprie reges dicamus, propterea, quod *Maecenas* fuit *Aretinus*, e *Cilniorum* familia, (*Macrob. II. Saturn. c. 4.*) & *Silius X. 49. eius*, dicit, *sceptris olim celebratum nomen Etruscis*. Quæ annotamento quinto de duplici legionum genere, maioribus, quæ sex millium peditum essent, & DCCXXVI. equitum, & minoribus, quæ vix duo militum millia complecterentur, traduntur, veremur ut accurate satisdicta sint. Legio enim, diversis quidem temporibus, diverso ex numero fiebat; atque eo ipso tempore, quo maxima erat, ita interdum attenuabatur, ut in ea vix mille homines essent: (*Caes. B. civ. III. 106. Hirt. de B. Alex. 69.*) sed alienum agere videntur, qui, duplices natura & genere suo legiones fuisse, inde colligunt. Neque vero illa, quæ de duplici *Tigellio*, altero *Hermogene*, Siculo altero, p. 153. post *Dacierium*, observat, quorum illius *L. I. Serm. Hor. Sat. 2. & 3.*; huius autem *Sat. 4. & 10.* mentionem *Horatius* faciat, satis explorata nobis videntur; sed causas hic disputare, longum est. Quod fuerint, qui suspicarentur, *Maecenatem* *Ovidio* causam exilii extitisse, neque umquam propterea ab hoc, tamquam rivali suo, laudari, (p. 174.) omnino miramur: quia mors *Maecenatis* in annum XXXIV. *Nasonis* incidit; exilii autem tempus in quinquagesimum, amplius, ætatis conferendum videtur.



NOVA ACTA ERUDITORUM,

publicata Lipsiæ

Calendis Iunii Anno MDCCLVI.

Pars I.

IOSEPHI AURELII DE IANUARIO REG.

*Consil. Feriæ Autumnales post reditum
a Republica I.Ctorum.*

Neapoli, typis Stephani Abbatis, 1752.

2. Alph. I. plag. quaternis.

Qui iam ante hos viginti, & quod excurrit, annos, edita *ICtorum Republica* *) magnam nominis celebritatem consequutus est, *Ios. Aurel. de Ianuario*, Vir exquisitissimæ doctrinæ, haud minorem sane gloriam hoc, quem nunc recensendum habemus, feriarum Autumnalium libro, ad pristinam illam laudem adiecit; adeo, ut nec inutilius, quam laboriosissimus atque occupatissimus ille in otio *Tullius*, nec minus honorifice feriis suis usus fuisse iure dici possit. Continuatus hic liber atque coniunctus superiori, ad extremum tantum *Digestorum*, sed longe gravissimum *de Regulis Iuris* Titulum, compositus est, cum ille ad universam potius *Iurisprudentiæ* rationem pertineat. Nudæ autem disputationis tædia atque tenuitatem, non elegantia tantum scribendi, quam summam in eo admiramur, abstergit, verum etiam narrationum descriptionumque, atque imaginum in-

O o

sper-

*) Eam quidem indicavimus in his *Eruditorum Actis* Ao. 1734. mens. Ian. p. 21. ad 27.

speriarum amoenissima festivitate exhilarat, carminum quoque nitidissimorum veluti gemmis distinguit ac variat. Fingit autem eosdem Ictos, *I. Ienutium*, *C. Nautium*, *T. Numezium*, & *L. Pinarium*, quos in Ictorum rempublicam peregrinatos ante fecerat, inde reduces, fastidio urbanae percontationis ac molestae concursationis, qua ab obviis fatigaretur, in istam, Tiberii quondam secessu adeo celebratam ac infamatam insulam, Capreas, confugisse, ibique a *Vitelio* quodam hospitaliter exceptos, in ipso otio minime otiosos, omne tempus, quod a convivii ac deambulationibus reliquum esset, ad sermonem de Iurisprudentiae studiis, contulisse. Atque ibi quidem, posteaquam duo carmina, pulcherrime elaborata, alterum: de Iurisperito, vallis ineptorum voluminum molibus obruto, & cultiores litteras aspernante; alterum: de diverſi ingenii satuo, ex suo penu omnia, neglectis doctrinae aliorumque subsidiiis, proferente, *I. Ienutius* recitasset, a *Nautio* doctissima disputatio ad Titulum π de *diverſis regulis iuris* instituitur. Quarum quidem compilatori Triboniano, ille haud satis æquus, ne ipsum quidem Tituli indicem sine nota dimittit. Nam primum *regulas* prave appellari, quæ non viam in discendo iure demonstrent ac dirigant, sed ipsius disciplinae compendium & summam adumbrent: tum *diverſas*, sive *repugnantes* ac *contrarias* intellexeris, stulte; sive *plures* ac *varias*, inepte atque otiose dici: *antiqui* autem *iuris*, præterquam quod inexplicabilem ambiguitatem habeat, alienum plane videri. Etenim, si, cum istæ regulæ colligerentur, Novum Ius nondum erat concinnatum, antiqui ne mentio quidem facienda; sin erat, Novi Iuris axiomata sive definitiones, ut A. Cl. rectius vocari cenſet, proponendæ utique fuissent. Ipsa quoque *Regulæ* definitio, quæ est L. I. π h. t. non modo omnino illi superflua, iam constitutis regulis, verum etiam male concepta videtur, quasi sit, quæ *rem breviter narret*. Nam nec, qui rem narret, regulis eam comprehendere, nec, ut breviter narretur, propter obscuritatis periculum sufficere; *perspicue* potius dicendum aut certe addendum fuisse. Magis itaque *Sabini* definitionem

nitionem

nitionem, in commemorata lege a *Paullo* relatam, probat, quasi *causae coniectionem* i.e. accuratam delineationem, Atheniensibus *προβελήν* adpellatam, *regulam* esse dicentis. Movit porro stomachum clausula illa definitioni adiecta: *regulam, simul cum in aliquo vitata sit, officium suum perdere*. Id enim, quamvis aliqua ex parte verissime dictum, vulnera tamen regularum misere aperire, omnesque uno quasi ictu evertere, cum earum nulla facile sit, quin exceptione aliqua eludatur, vel saltem contaminetur. Verum, quod pace tanti Viri contradicendum sit, totum istud opprobrium pendere nobis videtur ἀπὸ τοῦ vitari, quo recte & ex *Hotomanni* ad h. l. sententia explicato, verba bene sese habebunt.

Ad ipsos iam huius tituli interpretes atque commentatores, post obiter institutam super Glossatoribus, de quorum ineptiis satis constat, valde probabilem disputationem, progressus, *Cuiacium*, uti par erat, omnium principem, nullo vitio insignem; *P. Fabrum* iusto uberiorem, ac nimio apparatu molestum, adeoque Magistro suo maxime dissimilem; *L. Gothofredum* autem paullo fidentiore sui, iniquiore aliis, nec satis sibi ipsi constantem, iudicat. Itaque cum hoc in primis strenuo *Triboniani* propugnatore, quasi certamine inito, quæ ille huius Tituli vitia aut agnoscere noluit, aut minuere ac defendere laboravit, ea & manifesta, & ab ipso *Gothofredo* saepe ultro agnita, demonstrat. Inesse autem vitia ista docet partim in *omittendis*, partim in *repetendis*, tum in *confusis* ac *turbatis*, ac denique in *obscuris* & *ambiguis regulis*.

Præteritis annumerantur sequentes. Regula *Ulpiani* l. 7. §. 5. *de pactis*: ex pacto actionem non nasci, qua prætoris auctoritate cottidianis privatorum negotiis norma præscribatur. Est enim desumpta ex L. IV. ad *Edict.* Ex eiusdem L. I. ad *Sabin.* l. 1. *de auctor. Et conf. tutor*: in rem suam tutorem auctorem fieri non posse; *Paulli* regula l. 9. *de iur. Et facti ignorant.* *Iuris ignorantiam nocere, facti non nocere*: *Pomponii* l. 12. *de legat. prim.* quibus ipsis legare possimus, eorum quoque servis legari posse; aliasque quamplures, quas pp. 70. 71. recensitas exscribere non oportet. Afferuntur

etiam, quæ semper novam regulam constituunt *exceptiones* quarundam, ut Catonianæ de legato inutili l. 1. *π de Reg. Caton.* quam Papinianus l. 3. *π eod.* pertinere negat ad eas hereditates legataque, quorum dies non mortis tempore, sed post aditam cedat hereditatem, ut reliqua taceamus. Multum autem huius generis negligentia ingravescit eo, quod Iuris civilis auctores frequenter hac formula utuntur: *Regula Iuris civilis est*; quo & facilius observarentur, & inexcusabilius omitterentur.

Repetitarum & frustra recoctarum exempla sane quam multa congeffit, p. 76. seqq. quarum redundantiam ipse *Gothofredus* diffiteri non potuerit. Sic de possessorum favoribus converiunt sex huius Tituli regulæ: l. 25. l. 33. l. 126. §. 2. l. 128. pr. l. 154. l. 204. & de obscuræ stipulationis interpretatione decem & octo: l. 9. l. 20. l. 34. l. 41. §. 1. l. 56. l. 67. l. 73. §. 3. l. 85. l. 96. l. 114. l. 155. §. 2. l. 168. pr. & §. 1. l. 172. l. 179. l. 191. l. 192. §. 1. l. 200. quarum pleraque collegit uno capite *Harinenopolus* *περὶ ἀσαφούς καὶ ἀμφοβολίας*, l. 1. c. 15. Præ reliquis autem huc pertinent l. 129. §. 1. & l. 178. quarum non modo sententia, verum etiam ipsa verba eadem sunt, eodemque ordine constructa, excepto uno adverbio *plerumque*, quod in prima abest, in altera intrusum reperitur.

Ordinem turbatum atque confusum, idem ille *Triboniani* vindex, *Gothofredus*, evidenter in oculos incurrentem excusare aliter non potuit, quam ut Ictorum eorumque librorum, non rerum, ordinem *Triboniano* observatum diceret; qui ordo, præterquam quod alienissimus est a docendi & breviter instituendi consilio, ita crebris locis & ipsum turbatum luxatumque *Gothofredus* agnovit. Aliud defensionis argumentum, repetitum ab exemplo veterum Poetarum & Philosophorum, quorum miscellæ sententiæ, nullo fere, nisi fortuito ordine, & indigestæ occurrant, quosque adeo, si id peccatum sit, hic noster auctores & socios criminis habeat: primum valde lubricum est, atque ignominiosum; deinde etiam huic loco minime aptum, cum, quæ his permixta sint atque

atque concessa, Iurisperito non æque liceant. Omnino itaque satis mirari non possumus, quantum sui dissimilem, diligentissimus iste Institutionum Iustinianearum concinnator, in hoc Regularum Titulo digerendo sese præbuerit, quamque varias figuras, Proteum fere imitatus, haud raro assumerit.

Obscuritatem quoque & ambiguitatem plerarumque, vel innumerabiles istæ atque incredibiles summorum interpretum controversiæ, coniecturæ, ignorantiaque confessiones, sole clarius produnt. Exemplo sit l. 23. h. t. ubi agitur de *dolo culpa, diligentia & casu præstandis in contractu, quo res aliena apud alium est*; quam quidem, præter veterum Ictorum in hac re dissensum, legesque inter se pugnantes, præsertim hoc difficilem intricatamque reddit, quod *Ulpianus* solam hic contractuum & præstationum divisionem exhibere contentus fuit, nulla Iuris ratione aut regula supposita, cum tamen illa ipsa distinctio, cui vires rationis olim tribuebantur, fallax omnino sit & incerta. Augent etiam huius difficultatis molestiam ambiguae & diversæ *culpæ, diligentia, custodia, & periculi* significationes; variæ graduum culpæ distinctiones, & diversæ verborum istorum, *in his quidem & diligentiam*, tum lectio, tum interpretatio.

His elegantissime disputatis, *vere*, & cum aliis doctis hominibus, contra *Gothofredum* quidem iudicat, idque refutandis eius argumentis ostendit, non ab hoc titulo tam obscuro, tam impedito, tam summis quoque Viris ad intelligendum difficili ac controverso, sed ab Institutionibus discendis, Iurisprudentiæ studiofis incipiendum, atque alterum potius de *Verborum significatione* Titulum huic præmittendum esse. Sed, quod præcipue indicatum lectoribus Nostris ibamus, ingenio obsecutus Auctor elegantissimus, totum istum de Regularis Iuris Titulum latina Elegorum periphrasi complexus est. Qua in re, ut, quam felicius, ac maiori festivitate, quam eiusdem instituti Auctor, *Hieronymus Elenus Balensis*, versatus fuerit, videatur, ea apponemus, quæ ipse V. C. ex *Eleno* suis conferenda attulit.

L. 43. *Nemo ex his*. Elenus:

Se debere negans, defendendi ratione

Uti non una poterit; verum actio ad unam
Unica rem, quodæ concurrent, instituenda est.

Noster:

Ni lex obstabit, qui se debere negavit

Ius aliunde suum sustinuisse valet.

L. 47. §. 1. *Confilii.* Elenus:

Non meus es socius, quamvis socii socius sis.

Noster:

Olli, cui socior, socius si adiungitur alter;

Non novus hic socius dicitur esse meus.

L. 50. *Culpa caret;* Elenus:

Scire extra culpam est, cum non possis prohibere.

Noster:

Impedienda quidem mala sunt; sed quisque carebit

Culpa, si male scit, nec prohibere potest.

L. 73. §. 3. *Quo tutela.* Elenus:

In testamento sic scriptum, intelligi ut inde

Nil possit, pro non scripto debet reputari.

Noster:

Quae testamento non intellecta leguntur,

Lex pro non scriptis accipienda iubet.

L. 78. *Generaliter.* Elenus:

Cum de fraude agitur, generaliter inspiciendum est,

Quidnam non potuit fraude adversarii haberi.

Noster:

Si quando quaeri debet de fraude, sciendum est,

Quod non sufficiat nosse, quid actor habet:

Sed quod non habuit, facile quod posset habere,

Ni contradictor neceret arte dolos.

L. 103. *Nemo.* Elenus:

Nemo domo propria est educendus violenter.

Noster:

Tuta cuique domus: summa est iniuria, si quis

Extrahitur nolens eiciturque domo,

Sed & alia quædam apponemus:

L. 22. Qui in alterius locum,

*Est successorum iusta ignorantia, an illud
Revera explendum, quod putat alter, erit.
Et iusta ignorant de causa sponsor. Et heres:
Esse ignota illis facta aliena solent.*

*Non tamen heredem iuvat hoc, si forte sit Actor:
Sed si persona fungitur ille Rei.*

*Actor cum fuerit, sibi consulat, an sit agendum:
Rem prius exploret, deinde paratus agat.*

L. 120. Nemo plus commodi.

*Nemo decedens Heredi plura relinquit
Commoda, quam potuit vivus Et ipse frui.*

L. 136. Bona fides.

*Quantum pro veri norma possessor haberet,
Huic bona tantundem praestat amica fides.
Excipias, ni lex obstet; tunc aequior omnis
Coniectura animi, lege loquente, filet.*

L. 1. Regula est.

*Regula rem breviter narrat: non nascitur ex hac
Ius, e iam nato regula iure venit.
Haec quaedam est causae coniectio, teste Sabino:
Irrita, parte aliqua si vitietur, erit.*

L. 14. In omnibus oblig.

*Implendis si nulla dies contractibus insit,
Praesenti res est expedienda die.*

L. 17. Cum tempus.

*In tabulis adiecta dies, heredibus ipsis,
Ni sit defuncti mens aliena, favet.
Sic quoque promissos, cum sit stipulatio, tempus
Recte, ait, adiectum commoditate sui.*

Nos quidem iudicia lectoribus, quae diversa admodum fore praevidemus, de hoc omni instituto libera relinquimus. Plerique fieri posse minime putabunt, ut salvo atque integro contextu ac sensu, metrorum leges istae Regulae, quamvis eleganter deducto carmine, subeant. Ceterum tanto promiores reliquorum, quae & inserta Libro, & subiecta separatim sunt,

car-

carminum suavitatem admirabuntur. Appendicis s. Coronidis loco accedere, præter Opuscula ac Carmina eius minora, multorum Virorum doctorum, *Menikeni* olim nostri, *Facciolati*, *Lamii*, *Muratorii*, honorificentissima de Auctore Clar. testimonia, ipsius quoque Pontificis, *Benedicti XIV.* ad ipsum scripta Epistola, adiectæ etiam *Reipublicæ Ictorum recensione*, tum in his nostris Actis, tum in Commentariis Parisiensibus exhibite. Sicut autem ea dudum viguit fama viri Præstantissimi, ut nihil istis testimoniis verius omnes boni lubentes agnoscant: ita hoc Feriarum Opere, novam iis fidem pignusque additum nobis videri, æquo & vero animo prædicamus; inque ea, quam nisi Ipse talis esset, effingere non potuisset, præstantissimorum Ictorum civitate, inter principes locum obtinere, certo existimamus. Quare etiam satis mirari, & vel exquisitis laudibus extollere non possumus, Regis Neapolitani Augustissimi prudentissimum consilium, cuius auctoritate ante aliquod tempus factum est, ut splendido & ambizioso Iuris Feudalis publice docendi muneri, in illustri illius Metropoleos Academia, V. Cl. præponeretur, cum per omnem Italiam, in tanta ceteroquin doctorum hominum frequentia, nemo repertus fuisset, cui maiori fiducia, & certiori felicissimi eventus spe deferri iste honor posset. Cuius quidem Regiæ munificentiae in nos quoque laud exigua particula redundavit, oratione illa, quam, boni ominis, & novi muneris auspiciandi causa, Vir doctissimus recitavit, hic Lipsiæ typis Langenhemianis recusa, & ab omnibus Iuris prudentiae elegantioris studiosis avidissime excepta. Alius Eiusdem V. Cl. Libri, *de pravis artibus, quibus in defendendis causis plebs patronorum utatur*, Etrusco sermone conscripti, & quamquam diu impressi, tamen nunc demum ad nos perlati, quo sane nihil supra in isto genere vidimus, elegantiam rationemque legentibus nostris mox declarabimus, quos nobiscum, Viro tam egregie de litteris promerito, crudam viridemque senectam, & suam, & vel maxime rei publicæ causam, exoptaturos esse, non tam speramus, quam confidimus.

LONGI

*LONGI PASTORALIUM DE DAPHNIDE ET
Cbloë Libri quatuor. Græce & Latine. Editio novâ,
una cum emendationibus uncis inclusis, distincta viginti
novem figuris æri incisâ a B. Audran, iuxta delineatio-
nes Celsiss. Ducis Aurelian. Philippi, & Tabula ab A. Coy-
pel delineata. Accedunt alia ornamenta ab A. Cochbin, par-
sim a C. Eisen adornata, & a Sim. Fokke in
æse eleganter incisâ.*

Lutetiæ Parisiorum in gratiam Curiosorum 1754. quaternis.
Alphi. uno, tabulis lin. ex ære nitidissimis num. XXIX.

Sunt ingeniorum monumenta quædam, non illa magnitu-
dine voluminis conspicienda, neque gravitate argumen-
ti severa & utilitate præcipua, sed gratia rerum iucunda,
& scitamentis munditiisque quibusdam, & facundia narratio-
nis longe nobilissima, & haud scio, annon illis primis, pro-
pter lenocinia artium dulcissima, & propter studia hominum
in hæc dedita, usu in commune certiore. In his erunt, no-
stra quidem sententia, Longi *ποιμενίων* libri, opus disertî scri-
ptoris parvum, sed simplicitate candida dictionis, & eventor-
um varietate amoena, & vitæ rusticæ innocentis gratia, &
pietura in tabulis adiungendæ ad stilum narratoris, inprimis
placiturum hominibus doctis. Nam sine tabellis pieturae li-
nearis tam erat nunquam proponendus describendo in publi-
cum Longus, quam nunquam est danda sine tabula picta Ce-
betistabula; nunquam sine his pieturae honoribus Philostratus:
neque unquam de architectura Vitruvii Pollionis com-
mentarius. Deducitur enim e tabula picta, ut Præfatione
memorat, omnis Longi fabula, revocanda ad pieturam sine
dubio, nisi detractis ornamentis suis, nudatam omni Venere
& gratia, poposceris. Quare non erant audiendi illi, qui
hanc simplicissimam vitæ pastoritiæ inter ephebos haud male
animatos imaginem, ad leges Gotthicas inepti fabularum ge-
neris, quas Romanenses vocant, tanquam carminis maioris
& velut Aeneidos imitatas spiritum, censebant. In medias
itaque res vocari eorum iudicio pastorum pueri, &, ut ma-

gnum, *Romanam cōdere gentem*, aut procari multis annis unam Helenam, ingenioso & plurimo artis amatoriae anfractu, debuerunt. Non est ideo detrahendum nitidae Longi *μετρίαν* fabulae, unde illa quidem nata proditur, picturae artis ingenium. Quam ob causam recte atque ordine facit Nealmus noster, (*Nealme*) bibliopola clarus, dum hoc opus Graece & Latine nitide curatum, ad longe nitidissimas picturae linearis tabulas, num. XXIX, quibus tabulis omne illius argumentum eximie simul exornaretur atque illustraretur, novae relectionis exemplis, ob raritatem ingeniumque operum picturae, paucis revocaret. Nam semel, quod sciam, Longus prodit ante picturatus, sed conversus litteris vulgaribus, ac tabellis adornatus tam paucis, tam perfunctoria artificis non optimi cura adumbratis, ut nulla earum ratio sit habenda ad harum nostri non summam nobilitatem modo, verum etiam ad elegantiam, quamcunque praestare pictura in lamina ahenca linearis potest. Nam quod ad claritatem operis, certantes cum Fabio Pictore Romanarum gentium, cum Renato Andegavense Neapoleos Rege, cum Rodolpho Caesare Austrio, regias hic quoque Principis tanti videas manus. Sed ille eleganti adeo studio ducendas fabre ad lineas adspexerat, ut hae species nonnihil spirent nobilissimae simplicitatis illius, quae imitari ac reddere quodammodo aeterna Raphaelis Sanctii opera videatur. Porro vir princeps ille, Philippus Dux Aurelianensis, quae coloribus aptis in ebore aut in membranis expresserat, stilo artifice lamnis inscripsit Alderanus, (*Audran*) quae Lutetiae eo tempore familia, artificio singulari picturae graphio in aere exercendae linearis, diu claruit. Itaque sunt hae tabellae eiusmodi, ut vix aliquid prodire posset mundius. Non ista Persius, longeque acutissimis picturae artis magnae subtiliter videndae viris, quam nos animorum esse, non corporum, dicere solemus, praedicare instituimus. Sunt enim, quae vel nostri oculi, multa neglegentius opera, plurimaeque & honesta cum indulgentia, consentium, in illis desiderant. Sed hanc nos benigniorem, eamque minime rusticam, artis intelligentiam, quae est hodie fere bellorum hominum plerorumque,

que, his munditiis abunde ac vel unice contentam fore speramus. Horum ut accenderet studia paucis exemplis, ut rem infrequentem, prodire hac optima veste iussit Nealmus. Fuit autem ratio, quam nos vehementer probamus, cur his tabellis tam nitidis non adiungeret Francogallice olim ab Amjoto præclare verſum Longum, qui & ipſe ante annos ſex volumine parvo prodierat. (*Amours de Daphnis Et Chloé, avec figures par un Elève de Piccart, à Amſterdam 1750, duodenius*). Picturæ linearis tabellæ inſunt non amplius num. VII, & diſcipulus ille, quiſquis eſt, Bernardi Piccart, longiuſcule abeſt ab omni magiſtri ſui ducendis in ære lineis elegantia induſtriaque, ut ille quoque ipſe magiſter aliquanto clarior fama, operumque plurimorum nitida ac munda ſcriptura, fuit, quam doctior uberiorque reddenda ſecundum naturæ copias immenſas multiplici ac varia corporum pulcrorum ſpecie. Nuſquam vero levius eſt probanda Bernardi manus, quam ubi numos veterum & anulorum emblemata gemmas, reddere lineis ſuis conata fuerat. Iſta vero opus erat mone-ri, ne quis credat, ullo pacto luminibus huius a Noſtro procuratū Longi offici poſſe per illum Francogallice relatum cum tabellis picturæ linearis quibuſdam. Nam hoc quoque laudandum eſt in Noſtro, quod maluit coniungere cum tabellis Græca ipſa Scriptoris diſerti verba, nitide, formulis probis, in chartis optimis, atramento bono repræſentata, quam ullius interpretis commentaria. Tales enim rhetoras, ac ſophiſtarum deducta arte ſcripta, quicunque vel Latine, nedum vulgariſ litteris everſa, tractare inſtituit, non cenſendus eſt ipſos legiſſe, ſed fabulas quaſdam ambiguas & obſcuras, claris iſtorum nominibus inſcriptas. Tamen, ut ſæculi conſuleret ingenio, e regione Græce editorum, exſcribi itidem nitide fecit Petri Mulli (*Moll*) Longum Latine verſum: rectius fortaiſſe Iuſgermani ſincera omnia, velut mundiora, daturus. At nos contenti iſtis, ut valde nitidis, & hætenus probandis, ſuperiore tempore de omni eo opere ſententiam uberiore diſſertatione expromſimus, ad quam nunc amplius quidquam addere non eſt opus.

CHR.

THE RUINS OF PALMYRA OTHERWISE TEDMOR
in the Defart. London 1753.

i. e.

PALMYRENAE URBIS AEDIFICIORUM,
quantum eorum hodie superest, Ruinae. quae urbs
alias Tedmor in desertis Syrorum.

Londini, a. 1753. Paginis litteratis singulis, nec diptychis,
chartæ ingentis, litteratis quidem num. 28. picturatis
lineari ex aere pictura num. 57.

Magnum, spectandumque inprimis opus, ingenti volumi-
ne codicis speciosi, picturæ linearis beneficio, nitidissi-
me curatis adumbranda rerum specie picturæ linearis
ex aere tabulis, quæ commentario illustravit longæ, ac diffi-
cilimæ, discriminisque plenæ peregrinationis comes, Rupertus
Gevoldus nomine, (*Mr. Wood*) læti studiis monumentorum
veterum lubentesque videmus. Vix illud tale ac tantum fi-
dem erat, inventurum, nisi olim affirmatum aliorum peregrin-
antium diversis testimoniis, nunc magno requisitum, ex-
ploratum, excussumque animo, sic minutim descriptum sum-
ma industria, proponeretur, ut iam amplius dubitandi de
summo ac pænè incredibili Palmyræ vel excisæ splendore nul-
lus sit locus futurus. Nam quamquam pro certo & explo-
rato neutiquam accipiendum est, sed festinato cuidam animi
decreto propius sit, aut consuetudini hodie prædicantium sibi
dilecta, quod aiunt, (*Operis commentario pag. 1.*) Operum
antiquorum maxima, ac præ reliquis fortasse omnibus unice
admiranda, extare Heliopoleos Syriæ & Palmyræ hodie rudera
& ruinas operum, quo vocabulo parietinas tectorum, situm
passas, & pendentes vetustate columnas appellare vulgo solent:
(*that Balbeck and Palmyra perhaps the two most surprizing re-
mains of antient magnificence which are now left* ac pag. 21. *That
the ruins are the greatest and most entire of any we know:*) ta-
men hæc abunde, quæ his in tabulis contemplanda exhiben-
tur, magna sunt. Constat autem satis, Romæ amplius tribus
millibus

millibus columnarum operis antiqui, & in his plurimas cum epistyllis ornamentisque suis, ac templa quædam propemodum integra, ne signa tot illustria & marmorum ectypa memoremus, hodie superesse: tanta quidem architectonicæ rationis pulcritudine, tanta ac tam ubere ac docta temporum optimorum & manuum varietate, ut ad eam copiam, & ad has operum virtutes, adspirare ista felicit quondam Syriæ miracula non possint. Similia sunt eorum, ac sæculo & moribus nostrorum permittenda, qua conquistos sibi ac paratos lectosque hoc brevi tempore inter turbam strepitumque peregrinationis aiunt poetas & historicos Græcos omnes, quoscunque reliquos e naufragio litterarum & artium vetustatis in bibliothecis habemus. (*Præfat. pag. a. all the Greek historians and poets*) Sed laudandum omnino institutum est, & nobilis bene animatorum neque indoctorum iuvenum impetus. Quorum in partem discriminis ac laboris tanti qui venerunt, quo magis in partem laudis promeritæ veniant, nomina ponemus. Böverius quidem, (*Mr. Bouverie*) non *Brouerius*, quod editum nuper legere me memini in Actis diurnis (*Gelehrten Zeitungen*), rei litterariæ urbis nostræ. Ubi quæ egregie probeque memorantur hoc de libro, nos in præfens consulto, ne bis unam rem, dicere omisimus. Eius Boverii valde virtutes, & intellegens vetustatis eruditæ ingenium, & studia prædicant, medio in cursu professionis fato interceptus est. Alter Dalequinus nomine, (*Mr. Dawkins*) qui superest professionis laboribus, non modo peregrinationis susceptæ ac peractæ animo magno, sed munificentia quoque claruit, postquam omnem editionis fructum ex his commentariis adeo memorandis, & e tabulis linearum adeo pulcris rediturum, Gevoldo, quem laudavimus, uni liberaliter pernexit. Menfor ædificiorum adscitus, sive Architectum dixeris, qui tabulas adeo scienter curioseque delineatas præstitit, professionis item comes, natione Italus, non erat ille sic tralatitia mentione designandus. Borra nomine est, hoc unum enim edit, omisso prænomine, qui, nisi aliis operibus ante celebratus innovuit, hoc satis codice clarus futurus est. *Boream* nos quidem,

emolliendo, neque consuetudine, sed necessitate reddendæ utcunque Latialis per syllabas & per elementa singula, facundia, nomen illius rescriptum ederemus, si per eos liceret, quibus, abhorrentibus ab omni litterarum doctrinæque elegantia, ab omni antiquitatis sinceræ figura, barbara quævis permixta Latinis multo magis arrident & probantur vocabula, quam casta & munda, qualia tritavorum nostrorum ætate Germania cultior frequentabat. Ad eam legem ausi sumus Anglosaxonicum nomen *Wood*, quod fluxit e nostro *Wald*, *silva*, *nemus*, reddere modo, non *Voldum* aut *Validum*, quæ figura semibarbarum quiddam referret, sed, ut oportuit, *Ge-voldum*. Ista in transitu, ne quis fortasse parum ab se per imperitiam intellecta, reprehendere atque emendare velit. Post mensorem ædificiorum nihilo digniores erant, quorum nomina silentio per commentarios premerentur, artifices picturæ linearis in aheneis lamnis subtiliter scribendæ. Tam enim doctæ illi, accurateque & præclare, quamquam comites peregrinationis fuisse non videntur, radio executi propositas ac stilo formas, quum sibi sumsisent peregrinationis susceptæ auctores, imitari velle præsertim mirum ædificiis veterum ad mensuras exigendis, post Labacum ac Dosium, aliosque paucos iis minores, Antonii Acyathis, seu Degodetum scribere mauêlis (*Dergodetz*), opus, laudando eo, sed difficillimo instituto, adeo bene huius ipsius tabulas subtilissimasque lineas ut adsequerentur, ut vel certasse artificio videantur cum clarissimis tum Galliarum picturæ linearis in aere fabris, quos mensor ille imperio ac iussu Ludovici XIV. Regis adhibuerat. Sunt autem illi, *Thomas Maior*, *P. Fourdrinier* suis sibi literis, atque *I. S.* cum *T. M. Muller*: quorum iste quidem, & ille primus, nostri natione per nominum indicia videntur. Quod sibi imitandam diligentiam summam mensoris clari inter Gallos illius, quem laudavi modo, proposuerant auctores huius operis, si adsecuti sunt, magnum est, neque quidquam potuit fieri rectius: sin brevitæ temporis, & cæli gravis iniuria & æstu illis in locis, & reliquis peregrinantium incommodis, exclusi, facere non potuerunt, quin leuius in-

curio-

curiosiusque ad amussim exigent measuras ædificiorum omnes, consilium saltem laudandum est, magnitudine coeptorum, ac difficultate destitutum. Nam ultra dies XV. non licuisse eis commorari illis in locis, ubi olim Palmyra fuit, ipsi profitentur. Hui, tam arcto moræ spatio, in hoc articulo, tot ac tanta, sic subtiliter ac deducte! Tempore certe adeo brevi minime expeditum fuit, tot columnarum scapos atque epistylia, & capitula reliquis cum ornamentis, & intercolumnia, & lumina, & parietinas, & reliqua metiri sic minutim, ut illi fecisse tabulis probantur, nedum ut scenas tot Ruinarum adeo late patentium, tam bellas, tanta copia, tam singulares, accurate delineando, pictura lineari & monochromate adumbrarent. Non est enim dissimulandum, aliquos intellegentes artium, ac domesticos eorum testes, non addubitare modo, si fieri potuerit, sed negare factum, ut exactis mensuris formæ tot ædificiorum veræ redderentur. Sed non modo vestigia tot operum disitorum patentibus in campis, simul omnium ac sigillatim uniuscuiusque templi, porticus, basilicæ: sed & orthographias, quas dicunt a fronte formas, integrorum, & scenas, quæ scenographiæ vulgo audiunt, multorum perbellas, tanquam prospectus disitorum ad measuras operum, & partium quoque ornamentorumque & lacunarium lineas, subtilissime deductas, ediderunt. In eo nobis difficultatis nonnihil situm esse propterea visum fuit, quod neutro commentario, sed utrumque legimus, qui primum obvenit Francogallice conceptus, & mox item Anglofaxonice, publicavisse videntur, rationes quas proprie tenuerunt, & caput mensurarum: Parisiorumne pedem Regium, quod multi hodie solent, adhibuerint, an suum Britannicum recentem. Tamen nunc denique invenio, una in pagina, verbum de eo, quo sunt usi, pede: (*pag. 42. All the scales in this work are of English feet and inches*). Debuerunt autem, in omni opere, sequi potius & applicare veteris Romæ pedem. Quod si e lege talis instituti fecissent, in plerisque respondentia ad numeros rotundos pedum & pollicum, & sextularum, ornamenta operum reperturi fuerant, iucundo simul atque utili festi-

festinantibus compendio. Nam certe qua referre illius, quem laudabamus, Galli diligentiam curant, sepe in sextulas, & in partes sextularum, mensuris sigillatim præstandis eundum fuit. Conveniebat autem, mensuris veterum usos, verbis quoque eorum exponere de argumento tali. Vulgaribus enim litteris qua tractamus antiqua, abesse ab omni barbaria dictionis, obscura multa & ambigua, neque congruentia proprietate cum illis rebus, vocabula necessitate frequentantes, non possumus. At illi videlicet errori abhorrentis a litteris veris sæculi præsentis nonnihil cedendo comiter permiserunt: quod nos quoque semel aut bis facere coacti sumus. Eam vero litterarum vulgariũ barbariem hodie augent prava consuetudine, qua vulgo, ut invento egregio, rumpunt perscribendæ orationis, qui continuus esse debebat, in versus enormes absurdosque, tenorem atque contextum. Quod meminimus etiam præcipi nobis olim pueris, ut novum quiddam & egregium, a grammatista vulgarium, qui nos Francogallice scribendas epistolas miscendosque sermones doceret. Erat item in commentario quorundam certa & luculenta verbis ratio edenda, in quibus hærare dubia mens eruditi operum spectatoris potest. Namque est mira ac difficilis explicatu ista inter se plurimum conspirans tot architecturæ veteris residuorum operum similitudo: tanquam si omnia uno tempore brevi, unius e fabri commentariis & formis præscriptis, eiusque minime uberi ad variandum ingenio, instituta ac perfecta essent. Quanquam enim facile demus, fieri posse, ut ædificiorum eorum omnium natales, quæ Palmyræ hodie iacentis quoddam cadaver ostentant, intra Cn. Pompeii & Iustiniani imperantium tempora constiterint: tamen istud quingentorum & ultra annorum tempus cum longum est, tum artium ingenio, & institutis, & consuetudine, valde varium, ut non sit verisimile, uno propemodum exemplo tot operum adeo magnorum formas constitutas fuisse. Quid, quod ne templi quidem Solis, & illius immensæ admirandæque porticus, formæ ac rationes, absint satis ab illo uno formarum & ornamentorum ingenio. - Quum templum Solis tamen
vel

vel antiquius esse ætate Pompei credatur, neque excindi flammis hæc solida marmora, deleta urbe, possent. Senferunt sane hi præclari operum inter peregrinandum spectatores, ut homines docti, fatenturque se animadvertisse nonnulla tectonicæ rationis tot ædificiorum peccata. Non tamen ediderunt verbis, quod vellemus, illa ab se animadversa. Sunt in his quædam, ædificia dicimus, (nam de titulis marmorum litteratorum, qui multi sunt hic editi, ac memorandi, edisserere in præfens. omitemus,) unde dubiam valde mentem eorum, qui artium intellegentiores has tabulas inspiciunt, suspensum iri putandum est. Ut vel in templo Solis, columnæ intra omnem operis πυκνόςυλον modum coniunctæ ac maritæ (*des colonnes complètes*). Quorum exemplum nos olim sinceræ vetustatis in operibus meminimus requirere, neque invenire. Absurdum est enim, & rationi contrarium, atque adeo ferme Gothicum, maritare columnas velle. Una si columna ferendo oneri suppeditare non videtur exilior: at tu Doricas pro Corinthiis, opusque πυκνόςυλον, altioresve substructiones maioribus columnarum scapis molitor. Sed suppeditat. Quid igitur detrahis columnæ gratiam suam, pulcritudinisque sitam in ratione & in modo altitudinis, respondentis eius amplitudini, speciem? Maritæ certe duæ, & in unum velut corpus confusæ, ut unum spectabuntur, neque iam oculis octonam aut novenam mensuræ rationem cum venustate contemplantam dabunt, sed prorsus barbare quadruplam. Intercedet operis per columnas explicandi omnis, sive εὐςυλον illud sit, seu ἀραιοόςυλον, seu πυκνόςυλον, concentus ille elegans mensurarum, quem εὐθυμίαν appellare insuevimus. Tam enim solvit modum & gratiam spatii intercolumniorum densitas corporum, quæ statuis, quam eam intervertit raritas. Accedet corrumpens rationem operis totius, quæ ratio modorum una esse continuarique debuit, inepta quædam varietas, ut mox verbi causa ἀραιοόςυλον ratio intra πυκνόςυλον se colligat, mox abnormi iunctura densæ & maritæ columnæ, aliis immane hiantibus, adsint. Ista quidem de maritandis, recente operum vitio, columnis ac pilis. Sed istis tamen cunctis

Qq

anim.

animadversis nostra opera, si qua eorum sunt monumentum vindice dignum habitura, facile medebitur copiis ingenii, quæ ei adiunt, & ampliore dissertatione, Rupertus, quem laudavimus, Gevoldus, ubi reliqua peregrinationis tam bene susceptæ memoranda, per commentarios, aptasque illis picturæ linearis per tabulas, tot urbium Archipelagi & Asiæ formas ruinarum tectonicas reddituras, ordine publicabit. Quod ut maturetur opus, & ut contingat propediem studiis nostris videndum, cupimus. Nam ista Palmyræ veteris imago est quædam pars nobilissima & specimen pulcrum operum similitum, quæ edenda restant, aliorum. Quod ubi fiet, duplici beneficio nos obstringet, simul optime consulturus est crumenis nostris, & lacertis, & oculis, male legentium vel principes paginarum versus, e conspectu longius altitudine codicis magni remotos, qui Antonii Degodeti industriam mirificam præclaro consilio imitari se ait, eius item in regio codicis opere prodendo si modestiam æmuletur. Nam Antonius quidem attemperatum tabulis & mediocrem libri & chartarum modum servavit, qualem quoque Claudius Peraltus in Vitruvio Francogallice publicando: noster e diverso, Rupertus, pulcherrimas quidem & niveas, sed quas potuit maximas deligendo chartas, quales Atlanticas vulgo appellant, & quales aliqui item alii architecti operibus suis adhibuerant, ut Carolus Fontana verbi causa Amphitheatro Flavio describendo, ponderi codicis, quæ molesta esse quibusdam possint, adiecit quidem, non item dignitati & pretio, quæ utilia & bona. Nam in rebus omnibus teneri aliquem certum modum ac finem, verius est.

Ceterum, quod aiunt, isto Commentario neque Seleucidarum Regum, neque Romanorum Imperii quidquam eorum tantorum operum videri esse, sed esse civium Palmyræ urbis opera, quorum ipsi lineas in tabulis pictura lineari redditas edunt: non antiquiora illa Cn. Pompei vel Syllanis temporibus, neque recentiora Diocletiani ætate: de eo, quoniam verisimile est, Solis templum longe antiquissimum esse, neque conflagrare bellorum casibus diversis omne potuisse, vanum autem

autem non videri Procopium, qua instauratam utcumque, vel munitam, a Iustiniano, Palmyram ait, amplius deinde, nostra quidem sententia, videndum fuerit. Neque erat, cur minus cognitam eam Syriae regionem Procopio fuisse censeret noster, eo, quod Sarracenorum incursionibus recte situ locorum oppositam esse traderet. Bis autem Palmyram ille in litteras mentione facta retulit, semel (*cap. XI. libri II. p. 50. edit. Regiae, de Aedificiis Iustin.*), qua desertam ante munitam a Iustiniano vit. Iterum (*cap. primo libri V. p. 94. 95.*) qua sitam in Phoenicia sub Libano monte dicit ille Palmyram.

Desideramus item super marmorum, quibus constant quaeque eorum operum, expositionem perspicuam atque accuratam. Candido e marmore esse aiunt, nihil ultra. Parium ne istud, an aliud, putemus? peregrinum, an in Syria natum? Non est verisimile, ut scapos semper unius coloris e faxo, ita quoque capitula columnarum, & epistylia, & limina tot ianuarum, & lacunaria, nihil usquam variando, fuisse. Semel scapos aliquos e porphyrite, qui & leucostictos lapis, vivos a se ibi fatentur, solidos ac totos una marmoris gleba positos. Talem adnotandi diligentiam, etiam in reliquis aliquis poseat. In iudiciis eorum requirimus, quod sepulcrum non templum edunt, qua ingens illa porticus ducit, fastigio & reliqua specie templis veterum simillimum, nisi quod possis putare, simul & usu templi, & sepulcri in sacro nobilissimi, apertum quidem & adeundum, olim istud opus fuisse. Haec superiora nos optimo quidem consilio, quatenus eorum aliqua suspensos attinere studiosorum hominum animos, in opere magno & ad summam probando, posse putabamus, in litteras referenda habuimus. Reliqua omnia, nostro certe animo, praecleara ibi, ut memoravimus, ac merita laude celebranda sunt.

CHR.

ALBERTI HALLERI PRAESID. REG. SOC.
Goetting. Opuscula Pathologica, partim recusa, partim
inedita: quibus sectiones cadaverum morbosorum potissi-
mum

num continentur. Accedunt experimenta de Respiratione, quarta parte aucta.

Laufannæ, sumptibus Marci Mic. Bouquet & Soc. 1755. 8.
pl. 19. c. Tab. aen. 3.

Diffectis ultra ducenta Cadaveribus, novas & prorsus singulares mortis causas Illustris Auctor detexit in quamplurimis, **N**ovi quid offendit, quo aliquod physiologiae argumentum declarari potest. Scirrhus Cerebelli hominem diu superesse passus fuit, nec animalia, ex inflicto cerebelli vulnere statim occisa sunt. Hinc dubia, istius visceris solius erga vitam relatio. In falce Cerebri hemisphaeria Cerebri dissepiente, lacertuli magis distantes & foramina ampliora conspiciebantur. Capsula lentis obscurata, ipso nucleo pellucido, iris convexa, visa, secus ac beato Gunzio: Carotidis truncus ad divisionem usque distentus in aneurisma fuit; Scirrhus musculi mastoidei torticollem fecerat: Strumæ, quales in glandula thyroidea sunt, deprehensæ etiam fuerunt ad oesophagum in illis glandulis, quas Vercellonius vermium suorum nidos fecerat: Inter pleuram & costas colluvies serosa orta & in hydropem saccatum intumescens, pulmonem istius lateris elisit & fere absumpsit: Pleuritidis & peripneumoniarum indoles lex utriusque effectibus intellecta describitur, cumque pleuritici sanguinem sputo eiiciunt, in sola pleura morbum non subsistere, sed pulmonem una affectum esse, de cuius vasis sanguis tunc transsudat, asseritur. Aneurisma aortæ describitur, cuius parietes squamis osseis subtenfi, valvulae autem callo induratae, fuerunt: Carotidem, ad foramen usque petrosum, polypus replevit, & eius cavitatem delevit, qua de causa vena quoque iugularis illius lateris coeca visa est. In alio exemplo vena cava, post hepar, sanguinem ducere desiit, ast vena renalis, pro ratione consueta longe amplior, sanguinem ex inferioribus locis in se receptum in altum provexit. Colon, vesica fellea, duodenum, ventriculus, coaluerunt & ex colo in ventriculum ulcus patuit: Tympanitidis ratio in eo posita est, quod flatus

tus intestinales per cellulosas intestinorum tunicas, iuxta experimentum in cadaveribus institutum, ad peritonæi telam abire possint. Herniæ conascuntur pueris, namque testiculi illis in abdomine, prope renes, latent, suo tempore descensuri, quibus annulus interea patet, ut intestina, certe peritonæi pars, descendere possint. Calculi nullibi frequentius, quam in cystide fellea, reperiuntur, omnes de inflammabili materia compacti: uterus ex abortu ruptus, & eius ostium, qua parte illud, interveniente peritonæo, cum vagina iungitur, a sinu muliebri avulsum, ostendit varia visu digna: Rugas vix mutatas, fibras omnis generis, sub fornice matricis, quas musciculum dici, nihil impedit. Corpus luteum non nisi in gravidis & puerperis visum est. Omentum matri adhaerescere, veluti Hippocrati, ita & nostro, visum, aut steatomate induratum. Constitutio epidemica variolosa describitur: Damnantur calida, laudatur camphora ad decem grana per diem, sub velo emulsionis, tunc maxime, cum variolæ mali moris subsident, quas, sub usu camphoræ, elevatas de novo vidit. Submersi in aqua admittunt liquidum, & illud pulmonibus & ventriculo excipiunt. Falsi autem non sunt Beckerus & Detharding, qui, fieri hoc posse, negant, namque, qui, recenter delapsi, mox extrahuntur, in ultimo vitæ puncto strinxerunt fauces, quibus deinde laxatis potest vis aquæ irruere. Plerique sunt irrevocabiles. Ossa in cerebro nata; Scyphus humoris vitrei in oculolapideus; Lapis in corde; deprehensa fuerunt.

Duplex contra Beatum Hambergerum movetur quæstio, altera, an pulmones pleuræ ita accumbant, ut aer intercedere non possit; altera actiones muscutorum intercostalium attinet: HALLERVS aerem ex thorace penitus abigit, HAMBERGERVS eundem admittit; Ille canes sub aqua dissecuit, nec bullulas aëreas, quod a LIEBKVHNIO Berolinensi, gravi viro, ita quoque visum est, emergere deprehendit: HAMBERGERVS tamen vidit bullam tumidam. Sub mediastino postico, hanc & HALLERVS, sed ex pulmone oppositi lateris esse, contendit, cum ille inflatur: quod muscutorum intercostalium actionem attinet, existimat HAMBERGERVS, internos de-

trahere costam quamvis superiorem, externos inferiorem elevare; HALLERVS, utrosque ad inferiorem costam elevandam facere, demonstrat exinde, quod spatia costarum intermedia sub inspiratione fere delentur, quæ HAMBARGERVS augeri dixerat. Laudanda est Illustris Viri modestia, quæ ductus, sua defendere, sine aliorum calumnia, voluit. Bene nobis porro eveniant istæ seriationes helveticæ.

CORNELII NEPOTIS VITAE EXCELIENTIUM
Imperatorum, quorundam iconibus ornata, & nonnullis animadversionibus, partim criticis, partim bistoricis, illustratae ab AUGUSTINO van STAVEREN.

Lugd. Batavor. apud Sam. Luchtmans & filios, 1755. 12.

I. Alph.

Anno huius seculi quarto & trigesimo, Augustinus van Staveren Cornelium Nepotem, in octava, quam typographi vocant, forma, variorum, suisque illustratum observationibus, ediderat: non tamen eo consilio, ut, quod nec alii summi viri in antiquis auctoribus restituendis consecuti sunt, Nepotem se ab omnibus nævis, ab insectis librariorum proscelitis, purgaturum speraret; eo cautius hic versatus, quo magis abhorreret a recepta nostris temporibus, perversaque consuetudine, tota loca, paulo insuetiora, emendandi & mutilandi, contentus potius aliorum, & suis paucis, emendationibus, quibus pleraque loca ita sunt curata, ut non nisi igni ferroque secari queant, aut indigeant, cum aliorum, tum inprimis I. M. Heusingeri Isenacensis curatura, qui ante hos undecim annos emisit *spicilegium emendationum & observationum ad Cornelii Nepotis excellentium imperatorum vitas XVIII. priores, quarum plura menda, V. Cl. Augustini a Stavern nova opera nondum sublata, corriguntur, loca obscuriora explicantur, alia a sinistris interpretationibus vindicantur.* Sed cum V. Cl. Staverius, huius Heusingeri opus titulo non respondere videret, in quo haud exiguae chartæ parti parci potuisset, si modo Heusingerus sola ea quæ ab aliis

aliis

aliis intacta relicta fuerant, illustrare voluisset; & nisi multa ab aliis iam observata tanquam nova protulisset, multa aliena & ridicula excogitasset, multas lectiones insulas Staverio perperam tribuisset: Vir Cl. Aug. van Staveren, ut hunc suum adversarium refutaret, novam hanc editionem Nepotis in minori forma adornavit. Præterea & novas quasdam observationes, nullis fere ex priori editione repetitis, addidit, imprimis ex eo genere, quod pertineret ad facta imperatorum, ex Scriptoribus græcis, illustranda. Sed ut, quid V. Cl. in hac editione spectarit, clarius appareat, quibusdam exemplis subiectis, brevem quasi totius operis adumbrationem exhibebimus.

Primum itaque, etsi sæpe in adversarium suum, vita iam functum, vehementius invehitur, meritas tamen ei quoque laudes sæpe tribuit, eumque ad C. Nepotem, si nondum ab aliis iam illustratus fuisset, edendum, quasi natum proficitur; utpote qui Nepotis elegantiam, & verborum sententiarumque collocationes optime haberet perspectas. Adeoque Heusingerum, ubi bene versatus est, laudat, & sequitur; ut Milt. II. 5. ubi dictum Boeclerus in Indice per captiosam orationem explicat, sed Heusingerus per pactum, cf. Cic. Off. I. 7. III. 13. Virg. Æn. 433. quibus addit Staverius Eum. II, 2. *data Eumeni est Capadocia, sive potius dicta: it. Dion, VII. 2.* cum Stav. ante legisset: *Neque, quo manus porrigeret, suppetebat, nisi amicorum possessiones*, sine præpositione; nunc cum Heusingero, auctoritate quorundam codicum, scripsit: *in amicorum possessiones*, quam & Burm. ad Quintil. XIII. c. 6. pag. 279. lectionem probat.

Sed tamen obtrectatorem suum, multa notissima, tanquam sua & nova attulisse notat; ut in Cim. IV, 2. ubi typositarum errore in priorè Staverii editione editum erat, *pedissequi*, at in Attico XIII. bene *pedisequi*, adeo ut non opus haberet Heusingerus prolixè docere, hanc vocem uno sibilo scribendam esse, quod dudum iam factum erat a Cl. Burm. ad Phædr. Lib. IV. fab. 4. v. 36. Sic in Dione II, 5. cum, quid sit sopor, describat, omnia debere videtur cum aliorum, tum

tum ipsius Staverii notis; aut Timoth. III, 4. ubi Stav. cum Lambino ex Codd. suis, *ut si in sua navi esset fortuna ediderat, ut si pro ut, c. Dat. III. 2. hæc secure descripsit Heusingerus, tribus aliis locis, ubi Nepos sic loquitur, additis.*

Deinde multa ridicula in Heusingero animadvertit, ut præf. §. puerilem errorem, quo in verbis *victricem Olympiæ citari* ad vocem Olympiæ subintelligat commissionis vel concitationis, cum tamen Olympia semper sit nomen urbis; Nepos enim hic imitatur Ciceronem lib. I. Tusc. Qu. c. 46. *uno die suos filios Olympiæ victrices vidisset.* Eundemque delirare vel insanire dicit in Eum. I. §. in his: *apud nos revera, sicut sunt mercenarii scribae existimantur*, quod probet quidem hanc interpunctionem, sed malit tamen verba, *sicut sunt*, post *existimantur* locare, ne ab interpretibus *τὸ revera cum sicut sunt* iungatur; reprehendens Staverium, qui eiusmodi pleonasmii exempla collegerit. Sed manere ait Stav. pleonasmum, quacunque ea verba loces. Huc & pertinere videtur cum Staverius Dat. VI. 1. oblivionis se ab eodem accusatum putat, quod non monuerit, in thesauro Fabriano legi *animi delibarentur militum*, pro *debilitarentur*. Sed inepta est lectio, adeo V. Cl. etiam si non soleat hunc thesaurum evolvere, tamen, si in hoc verbum forte incidisset, nunquam lectorem de eo monuisset.

In aliis locis ægre fert, multa sibi ab Heusingero fuisse adscripta, quæ nunquam ex suo calamo profluxerint, ut Lyfandr. III. 2. accusationem, qua insimulatur, pro *Delphos* maluisse *Delphis*, quod tamen secus esse facile appareat, cum ex notis suis, tum ex littera typhothetarum vitio non bene expressa: it. Iphicr. II. 3. Heusingerus dicit: legendum est *moram Lacedæmoniorum interceptit*, non ut quidam recentiores, *interfecit*; putares hæc pertinere ad Nepotis menda, Staverii opera nova nondum sublata, qui tamen ediderat *intercepit*, eamque lectionem in notis defenderat. Con. III. verba: *quod περισσύνει illi vocant*, miratur Heusingerus nec a reliquis, nec a Staverio parenthesi esse inclusa, quo melius intelligatur, verba esse non Tithraustis, sed Nepotis, & *τὸ illi referatur*

ratur ad Græcos. Ad quæ Staverius respondet adversario suo Germano, acuto, ut eum nominat, ingenio, nec tam stupido ut Batavi cum Boeotiis in crasso aere natis: se etiam perspexisse, non esse verba Tithraustis, neque tamen se credere esse Nepotis, sed librarii; cum, si quid voluisset Nepos dicere, potius Persarum voce usus fuisset, ut Cim. III. de Atheniensibus locutus: *testarum suffragiis, quod illi ostracismum vocant*, & Milt. IV. de Græcis, *genus cursorum hemerodromi*. Itaque Staverius hæc verba parenthesi nunc includit, non quia Nepotis, sed quia interpolatoris esse credidit.

Sæpe etiam Heusingerum oblatrandi tantum studio sibi contradicere queritur. Nam Timoth. III. 4. Stav. cum Bosio ediderat, *ut si in sua navi esset fortuna*, sed legit Heusingerus cum aliis, *manu pro navi*: at retinendum est *τὸ ναυί*, cum sine dubio respiciatur illud Cæsaris, ut habet Plutarchus, ad gubernatorem: *καίσαρα Φέρις καὶ τὴν καίσαρος τύχην*: præterea enim & ethnici crediderunt, Deos nonnunquam cum ducibus navigare, v. Plut. in Timol. hinc & dii navium tutelares. Sic Iphic. II, 5. *retardaret inceptus* non fert Heusingerus, cum inceptus impediatur non retardentur, & cum consilium Epaminondæ fuerit, expugnare & delere Spartam, id ab Iphicrate non retardatum, sed ut plane ad irritum caderet effectum esse. Sed hæc V. C. Stav. non coherere dicit. Adhæc, secundum Xenophontem Lib. VI. H. Gr. p. 479. nusquam, quam hic, Iphicrates peius & imprudentius rem gessit: itaque non debebat Heusingerus pro *inceptus* legere *impetus*, nec *τὸ inceptus* ex civitate latina eiicere, quum habeamus raptu & rapto, acta & actus, quod dudum monuerunt viri docti. In Agesil. VIII. 1. Staverius se defendit ab iniuria sibi ab Heusingero facta, quod hic, & aliis in locis, non monuerit, in suis Codd. suppleantur, nec ne, quæ in aliis desint; cum tamen si quid defuisset, sine dubio notasset. Præterea Heusingerus dicit Staverium imitatum esse non Burmannum & Drakenburgium, sed Lambinum & Lambini similes, quorum Codices omnes denuo sint excutiendi. Sed noluit Staverius, ut fatetur, facere corpus varietatum lectionis

nullius momenti, quæ sæpe ad scriptores emendandos nihil conducant. Nec Burmannus multitudine variantium lectionum obruit, aut deterret lectorem, qui imitatus potius summum Gronovium, Livio plus lucis attulit, quam Drakenburgius, qui undique conquisitorum codicum lectionibus coercendis, huius historici editionem, ob auctum inde pretium, tironum manibus exemit. Lambini autem incuria, etsi non laudanda, cum hoc tamen viro comparari non erubescendum, utpote qui Heusingero sit eruditior, & in historia græca longe versatior.

Adeo V. Cl. sæpe reprehendit Heusingerum, qui nimis sæpe anxie curet grammaticorum nugas interpunctionum & parenthesisum, historica autem plane non tangat, nec dissensus ideo ortos componat: ut Timoth. IV, 2. utrum legendum sit *Iason tyrannus*, an, ut semper ab aliis nominatur, *Iason Thessaliae tyrannus*: Dat. VI, 1. utrum *Arfidaem*, nomine non facile obvio, an *Aridaem*, familiari Persis & Macedonibus: an Iphicrates fuerit Timothei filius, ut Pausanias ait lib. IX. c. 14. p. 739, an sutoris, secundum Suidam. Quæ cum Heusingerus omittit, plane etiam tacet de verbis, ut si in quibusdam Codd. legitur: *Non tam genere, quam rerum gestarum magnitudine nobilitatus*, in aliis autem, *non tam magnitudine rerum gestarum, quam disciplina militari nobilitatus*.

Neque tamen solum in adversario suo refutando occupatus est, sed etiam novis quibusdam atque elegantissimis observationibus verba Cornelii illustrat; in quo nos sæpe ablegat, cum ad alios, tum ad observationes miscellaneas novas Tom. VI. p. 516. seq., in quibus ipse multa Nepotis loca explicavit, item ad emendationes & explicationes in Nepote factas a Viris clarissimis, inprimis Oudendorpio ad Iul. Cæs., & a Gronovio & Drakenburgio ad Livium, quibus & alias suas addidit.

Tales sunt primum ex genere critico, ubi quidem nullis novis Codicibus usus, sed tamen in deligenda & corroboranda vera lectione, raro etiam in Nepote emendando, occupatus est. Ita Chabr. III. 3 τὸ ἐμινερε ἄλλιος, præfert τὸ ἐμινερε
gere

gere alius, quod olim vulgo legebatur, cum locutio defuncta videatur ab antiquo more, quo reges creati in altum tollerentur; vid. Pithoeum lib. II. advers. c. 6. in Face critica T. II. p. 783, 784. In Epam. VI, 1. Ms. Boecleri legit: *Callistratus Atheniensium ductor legatus*, in reliquis deest *ductor*; illam lectionem probat Bosius, sed Stav. dicit, ductorem hic non significare ducem legationis, ut vult Bosius, sed, si sit a Nepote, quod tamen vix credendum, notare *δημαγωγόν*, ut nominatur a Diod. Sic. lib. XV. c. 38. quæ vox per ductorem versa sit, principes vero legationis *ἀφηγόμενοι προσβείας* nominantur a Strabone lib. II. p. 81. Eur. V, 1. ubi Perdiccas interfectus dicitur a Seleuco & Antigono, quod tamen nullibi factum legimus, potius Antigenes dux Argyraspidum primus in Perdiccam fecit impetum, v. Arrian. apud Photium p. 224; itaque legi vult pro *Antigono*, *Antigene*, & forte pro *Seleuco*, *Teutamo*, qui una cum Antigene dux fuit Argyraspidum, nec librariis tam notus, quam Seleucus. Sed tamen nemini hanc coniecturam obtrudit.

Nec inutile aut iniucundum erit latinæ linguæ studiosis, cum V. Cl. lectores sæpe de locutionibus propriis admonet, ut Paus. IV, 1. *si epistolam pertulisset*, v. Oudend. ad Iul. Cæs. IV. B. G. 27; Sic Ages. II, 1. *emittere exercitum*, ut sæpe Liv. *emittere equitem in hostem*, cf. Gronov. & Drakenb. ad X. 5. it. in Attico XIV, 2. *pecuniae accessio*, ut Terent. Hecyr. A. 3. sc. 5. vl. 56. *paulum accessit pecuniae*, Iustin. lib. VI. c. 1. dicit *accessio opum*.

Porro V. Cl. alia eleganter ex græcis explicavit, ut Themist. II. *miserunt Delphos consultum*, ubi *miserunt* absolute, a Nepote τὸ *legatos* non additum esse coniecit, quia sit vox generalior, nam qui Delphos mittebantur, non vocabantur *προσβείας* vel *προσβευταί*, sed *θεωροί*. Paus. IV. 4. Nepos verba Thucydidis *ἀνὴρ τῆς Ἀργιλίας* vertit per *Argilius quidam*, & τὸ *Argilius* videtur accepisse pro nomine proprio; quod cum Heusingerus etiam exinde reiiceret, quia vox *ἀνὴρ* non præponatur nominibus propriis: hanc rationem nihili esse ostendit Staverius, cum Herodotus lib. II. c. 119. scripserit.

psierit, ἀνὴρ Μενέλαος. Timol. IV. ult. *Timoleon domi suae sacellum αὐτοματίας constituisse* dicitur, quod nonnulli interpretantur per fortuitum casum, eoque argumento Timoleonem atheum fuisse putant, quod repugnat antecedentibus: itaque melius omnino exponit Staverius per divinam providentiam, sive beneficium sibi immerenti ab ipso Deo oblatum, quo ducem Dii se potissimum esse voluissent. Laudat V. Cl. Ælian. V. H. lib. III. c. 1. ubi ἀνθυπαίνης χειρὸς ἔργα, opponuntur φύσεως αὐτομάτῳ: it. Schol. Pind. c. Pyth. IV. v. 107. sacerdotis delphicæ responsum vocatur αὐτόματος κέλαδος, quia sponte reddidit illa vates sibi ab Apolline ipso editum, non rogata a Batto; præterea & Timoleon ædes suas ἀγαθῷ δαίμονι consecravit, ut dicit Plutarchus.

Sed imprimis in historicis V. Cl. magnam lectionis copiam ostendit, & multa a Lambino aliisque omiſſa, aut obscurius tractata, clariori luce collustrat: ubi primum genus patris & originem imperatorum, & aliorum clarorum virorum, a Cornelio commemoratorum, ostendit, aliosque eiusdem nominis commemorat, e. c. ubi Phoc. II. Nicanoris præfecti Cassandri a Nepote fit mentio, V. Cl. dicit: distinguendus est a Nicanore fratre Cassandri, ab Olympiade necato; fuit & Nicanor Parmenionis præfectus pedestris agminis Argyraspidum sub Alexandro; erat hoc nomen quoque multis Macedonum commune, fuerunt & alii huius nominis, hic non commemorandi. Porro græcorum scriptorum fontes, ex quibus Nepos hausserit, errores item & dissensus eiusdem a reliquis scriptoribus, indicat, bellorum progressus, eventus, & causas aperit: ut Cim. II. quærit cur Athenienses Scyriis bellum intulerint; respondet ex Pausania I, 17. & ex Plutarcho in Theseo, quia scilicet in hac insula Theseus interfectus erat, quare & Thesei ossa Athenas Cimon reportavit.

Interdum etiam alia iucunda adspersit, & amoenis quibusdam quasi diverticulis lectorem retinet, ut in Epam. II. de Lysi Tarentino, Epaminondæ præceptore, Pythagorico, commentatus, ostendit, quo fato is Tarento Thebas venerit, quia nempe post mortem Pythagoræ, Pythagorei, Tarenti, a
con-

contraria Cyloniorum factione infestabantur, v. Periz. ad Æf. V. H. lib. III. c. 17: porro Epaminondam doctum esse ἐγκύκλιον παιδείαν, χωρῆσαν διὰ πάσης παιδείας, καὶ ἐνθὺμους πάντας, καὶ κινήματος, Scholiast. Aristoph. in Equ. vf. 189. eandemque παιδείαν ἐγκύκλιον hausisse Tarsenses, non igitur esse mirum, si Apostolus Paulus fuerit eruditus. Dein & alia nonnulla de Pythagoreorum disciplina, qua Epaminondas fuit imbutus, addit. Tum Epam. III. 3. cum *Epaminondas ne ioco quidem mentitus esse* dicitur, contrariam sententiam cuiusdam Menonis ex Suida refert, qui brevissimam viam ad votum consequendum esse dixit, pejerare, mentiri, fallere; eademque occasione quærit, quis fuerit hic Menon, aliosque huius nominis commemorat; addit, Persas a quinto usque ad vigesimum annum, filios suos vera loqui docuisse, ex Herodoto & Strabone. Ad III. cap. de Reg. iucundum erat nobis, cum legebamus præter alia, quæ V. C. de Demetrio Poliorcete commentatus esset, historiam, quam e Plutarcho de Demetrio retulit, quamque eandem putat esse cum ea, quæ est a Servatore proposita Lucæ XVIII. 2. seq.

Tandem & repetit V. Cl. e priori editione Chronologiam imperatorum Græciæ per Olympiades, item Chronologiam annorum Catonis a Schiotto, & Chronologiam historiæ T. Pomponii Attici, ab Henrico Ernstio factam. His dein addidit novum brevem indicem, selectiorum verborum & rerum.

TWO DISSERTATIONS. I. CONTAINING AN Enquiry into the Meaning of the Word Kesitab. II. On the signification of the Word Hermes.

i. e.

DUO DISSERTATIONES, QUARUM PRIOR agit de significatione vocis Kesitab, quæ Iobi Cap. XLII. v. 11. legitur, & demonstrat, vocem illam nuntii quidem genus aliquod designare, non autem signati, multo minus agno signati; posterior indicat origines & significationem cum vocis Hermes, tum moris Graeci, lapides in viis coar-

Rr 3.

cer-

cervandi, aliaque gentilis theologiae mysteria panduntur.

Oxonii, 1752.

Hic est integer titulus libelli huius, e quo eius destinatio & argumentum statim agnoscitur. Edendi hæc occasio fuit. Auctor eius, Costardus, vir elegantiorum literarum & orientalium linguarum haud rudis, in opusculis illis, de quibus alio loco in his Actis exposuimus, de Astronomia Iobi peculiari tractatione disputaverat, & ex iis ætatem sedesque Iobi definire studuerat. Prætermiserat tum temporis argumentum, quod a voce קשיטה defumi potuerat, quæ in illo libro, ut dictum est, legitur, sed interpretum sententias vehementer in diversa trahit. Quæ Costardus autem de hac voce fanciit, & hoc libello tradit atque tuetur, hæc ferme sunt. Vocem *Kesitah* neque *agnum ovemque* significare, neque aliud animal; LXX. Interpretes, qui vocem sic reddiderunt, aut corruptos esse a librariis, aut errasse, ignorantia veri, aut vitiosum codicem Hebraicum sequendo; aut denique mera coniectura vocem קשיטה per *agnum* reddidisse, quod scirent, in mundi initiis commercia per rerum commutationem fuisse exercita. Vocem illam potius numum significare, non tamen signatum; neque demonstrari posse numum illum Iudæis familiarem fuisse; potius Cananiticum videri fuisse, ideoque Iobum inter Iudæos non vixisse, sed ibi locorum, ubi Cananæi hæserint, & quidem tempore captivitatis Babilonicæ.

Hæc summa est libelli huius; argumentorum autem ut vis appareat, necesse est nos eum aliquanto pressius persequi. Post præfationem aliquam de origine numi aurei & argentei signati, quam in tempora Cyri primi reiiicit, accedit ad præfens argumentum, & loca considerat Veteris Testamenti, in quibus vox קשיטה occurrit. Tria sunt, aut potius duo, Genes. XXXIII. 19. & Iobi XLII. 11. Nam locus Iosue XXIV. 32. est mera loci citati ex Genesi repetitio, quo Iacob dicitur centum קשיטה agrum emisse. Chaldaeus, Syrus, Arabs,

&

& LXX. interpretes, & ad eorum exemplum recentes quidam, centum ovibus redemptum fuisse agrum tradunt. In libro Iobi autem dicuntur ipsi amici singuli singulas Kesithas obtulisse, ἀμνάδα μίαν, ut exponunt LXX. interpretes, כבשה קטנה *agnum*, ut habet AbenEfra, בלז *ovem*, ut Arabs. Verum LXX. interpretes illi superiori interpretationi addunt καὶ τετραδραχμὸν χρυσῶ καὶ ἄσημ. In Alexandrino codice est χρυσῶν ἄσημ, quæ nequeunt sequentium כבשה קטנה וְאִישׁ נָזַם interpretationem esse. Alii putarunt numum ea voce designari, imagine ovis signatum. Sed negat evinci posse, Cananæos, quorum numus Kesitah fuit, oves in suis numis expressisse, aliave animalia. Facile potuisse LXX. interpretes a vitioso codice Hebræo, quo usi fuerint, ad pravam interpretationem traduci; videri cos in suo exemplari, in loco Genesios, habuisse כְּשִׁיטָה בֶּקֶר. Fieri iam facile potuisse, ut eadem litera, quæ geminanda fuerat, semel tantum ab ipsis observaretur, sic ut legerent כְּשִׁיטָה בֶּקֶר ex quo deinceps כְּשִׁיטָה בֶּקֶר *centum ovibus* fecerint. Sane nimis quam arguta hæc sunt. In Talmude legitur traditio, כְּשִׁיטָה æquivalere מֶעָה טָו, & גִּירָה טָו æquivalere מֶעָה טָו. Id si verum est, æquivaleret Kesitah 5 *farthingis* Anglicis & $\frac{1}{2}$. Ea vero summa nimis minuta est, quam ut inter dona, qualia Iobo, viro principi, allata fuerunt, reponi, & cum inauri-aureo in censum venire queat. Ex eo conficit Auctor כְּשִׁיטָה & מֶעָה idem non valuisse. Forte id imposuisse R. Akiba, traditionis Talmudicæ auctori, quod in urbe quadam maritima commerciis florente, viderit מֶעָה numi genus, & audiens eam כְּשִׁיטָה, id est probam & boni commatis esse, crediderit Kesitam Mosi & Iobo memoratam eandem valore esse cum Meah. Concludit igitur Costardus ex eo, quod כְּשִׁיטָה *verum* & *rectum* tam hebraice quam arabice notat, כְּשִׁיטָה idem atque Siclum veri & probi ponderis esse: fortasse tamen Siclum aliquanto plus pependisse, quapropter apud Iudæos in oblivionem iverit illud nomen, & solum Sici obtinuerit, apud Cananæos autem facile potuisse, ait, conservari, & cum Cananæis, quos Iudæi sedibus suis expellebant, illuc migrare,

migrare, quo Cananæi confugiebant, & sedes suas transferebant. In Libyam iverunt aliqui eorum, alii ad Euphratem, in Babylonia & Arabia confederunt, & ab his putat Anglus Iobum vocis Kesitæ usum accepisse. Tandem ait, si evinci posset Kesitam fuisse numum aureum, recteque reddidisse Græcos interpretes τετραδραχμιον χρυσόν ἄσσημον: posse illinc argumentum sumi, Iobum diu post Mosen, & quidem circa tempora Babylonicæ captivitatis, vixisse, quandoquidem auri usus in numis demum a Croeso Lydiæ rege coeperit.

Nostrium non est, horum argumentorum pondus examinare: neque id agimus. Facile apparet opusculum hoc inspicienti, in eo ingeniosa magis & subtilius excogitata, quam vera & probabilia tradi. Quod idem de altero quoque opusculo statui debet. Notæ, quibus ambo adornata fuerunt, de auctoris eruditione satis testantur, quamvis quædam aliena insint, bonamque de Auctore spem faciunt, si maturior ætas luxuriam abstulerit. Unam ex istis notis observationem silentio præterire non possumus. Pag. 33. exhibet ligno eleganter & accurate incisum numum Arabicum, Cusico, sic dicto charactere signatum, quod non facile reperietur alius antiquior. Cusus enim est Wafethæ anno fugæ 88. seu Christi 706. adeoque decimo fere anno postquam coeperunt Arabes numos ipsi cudere. A quo cusus fuerit numus, neque inscriptio eius, neque Anglus noster docet. Dubio autem caret, quum Wafethæ cusus fuerit, eum profectum esse ab illo Haggjagjo, tyranno, quem Theophanes toties sub χαγιά-υς seu potius χαγιάγυς nomine memorat.

Transibimus nunc ad alterum opusculum, postquam brevissimis novam interpretandi loci Iobæi rationem proposuerimus. Vox *قسط* *qasṭ* apud Arabes *mensuram vini* notat. Quid si ergo Iobi amicorum unusquisque lagenam aut utrem vini secum attulerit? sed de hoc viderint acutiores. In secunda itaque disputatione totus in eo est Anglus, ut numinum Græcorum nomina, totamque theologiam gentilium, ex oriente & lingua Hebraica arcessat. *Egums*, quatenus *acer-*
trum lapidum in trivio notat, ipsi derivandum videtur ab *ערמה*

acer-

aceruus. Et quia eloquens verborum dives est, & verba coacervat, Mercuriusque deus eloquentiæ habebatur, dictum cum ait fuisse *Ἐγμῶν*, a *coacervando*, verba nempe. Atlantis filium cum ideo dictum, quia orientalis fuerit, respectu Græcorum, & ex oriente ad eos venerit, apud Arabes autem *أطلع auroram*, seu orientem, notare. Majam appellari eius matrem, quia vocabulum, quod Costardus fingit, & obsoletum ait esse, *ماية* ex eius hypothese *os* aliquando notavit, item *desiderium*, adeoque Mercurium *ماية ابن* filium desiderii, non autem *Majae* debuisset dici. Vocem, Mercurius, derivat a Syriaco *מנר חור dominus intelligentiæ*, & alio adspectu a *נר dominus peregrini*, seu viatoris. Posse quoque a *מרכל negotiator*, mercator, repeti, *l*, ut fit, in *r* mutato. Ab eadem radice *רכל negotiari* derivat nomen Herculis, eiusdem cum Mercurio numinis: *Ἡρακλῆς* aliud ait nihil esse, quam *הרכל*. Teste Servio, pergit, Mercurius transformatus tandem fuit in capram. Animal illud libidinis symbolum. Libido venerea Arabice *حرمه Hermah* dicitur. Hoc si tenes, ait, totum metamorphoseos illius mysterium tenes. Fuit enim Mercurius amorum praefer. Haec sunt vera fundamenta veteris mythologiae & historiae; quibus si adhaerescamus, spes est fore, ut brevi tempore veterem terrarum orbem melius, quam nunc quidem, cognoscamus. Absque illis autem, audeo, mea harum rerum experientia fretus, pronuntiare, omnia perplexa & obscura fore. Qui aliam instituit viam, non potest a vero non aberrare. Nostrum si requiratur hac de re iudicium, audeamus, pro nostro harum rerum nonnullo usu, omnes has Bochartianas, Costardianas, similesque argutias, ad fominia proferbere, quæ vix recenferi, nedum refutari merentur.

*S. IUSTINI MARTYRIS APOLOGIÆ, E RE-
censione Grabiana, Var. lect. & coniecturas V. V. D.
D. & suas addidit CHRISTIANUS GUIL. THA-
LEMANNUS, A. M. & S.*

Theol. Baccal.

Lipsiæ, apud I. Christ. Langenhemium, 1755. plag. 8. in 8.

Ss

Iustini

Iustini Martyris Apologias duas edendi occasionem dedit Viro Clar. Thalemanno, consuetudo a maioribus in academia hac recepta, ut, qui primos in Theologia honores essent adepti, per dies quos vocant caniculares, publicas prælectiones haberent. Id muneris cum & Viro Cl. vener. ordo Theologorum iniunxisset, non melius se facturum existimavit, quam si brevem patris ecclesiastici libellum explicare institueret, ut theologiæ studiosi, qui ultra compendiorum doctrinæ tenuitatem, & concionandi popularitatem, sapere auderent, præpararentur hoc quasi præludio & progymnasmatum lectioni patrum. Cui consilio cum aptissima videretur prior Apologia Iustini Martyris ad Antoninum pium; Iustini editiones autem tantæ essent molis, tantique pretii, ut nec his prælectionibus inservire, nec in manibus commilitonum esse possent: eam denuo edendam curavit, addita & altera Apologia ad Senatum, quæ in plerisque antiquioribus editionibus male priori loco ponitur. In describendo textu autem secutus est editionem Grabii, Oxon. 1700. & 1703. curatam, exceptis locis paucissimis. Exemplar Grabianum ideo Thalemanno nostro eligere placuit, quod erat in minores sectiones divisum, atque adeo lectionibus magis accommodatum. Cum autem omnes Iustini libri, ob codicum paucitatem, ita sint corrupti & depravati, ut sæpe nec sensus constet: necessarium erat, lectiones variantes, & coniecturas Virorum doctorum addere: quem in finem diligenter adhibuit editiones optimas Sylburgii, Styani Thirlbii (Lond. 1722. in fol.), Monachj Benedictini (Hagæ Comit. 1742. in fol.) Cum autem interdum vix fieri posset, quin V. Cl. & suam quoque sententiam nonnullis in locis interponeret; hoc quoque suo quodam iure fecit, & nonnulla ex ingenio suo egregie addidit; ea tamen adhibita modestia, quæ in criticis, & librorum editoribus, maximopere commendatur. Nudum vero textum græcum sine versione exhibuit, quod vehementer probamus; tum quia parabilior libellus factus est, tum imprimis quia diligentiam acuit atque excitat iis, qui legendis græcis scriptoribus exercentur. Versionis tamen locoprimum

num præmisit argumenta satis ampla utriusque Apologiae, ex editione Mon. Ben. deprompta; quorum quasi illecebris iuvenes ad libri lectionem invitarentur. Breuem denique indicem vocum & phrasium addidit, earum utique, quæ Iustino vel soli familiares, vel in lexicis, hoc quidem sensu, quo apud Iustinum sunt, non sunt notatæ.

Quam egregie autem V. Cl. in edendis his apologiis versatus sit, ex forma libri subiecta facillime perspicere poterit.

Prima huius libri dos est præfatio Viri Cl. qua commendat lectionem Iustini, & omnium patrum, ad historiam dogmatum & fata christianæ religionis cognoscenda maxime necessariam: quarum cognitio sane lubrica & incerta erit ex compendiorum rivulis hausta; adeoque assuescendi sunt iuvenes lectioni scriptorum ecclesiasticorum, ad quos sæpe græce bene doctis non patet aditus, ne iis quidem, qui legendis interpretandisque veteris Græciæ scriptoribus multum operæ impenderunt, nedum iis, qui nullum scriptorem legere, nisi novum, ut aiunt, Testamentum suum, atque hoc non nisi e Psalmo, vel alio minuto Lexico, interpretari possunt. Cum enim scriptores ecclesiastici, de religione christiana differentes, scribant de rebus novis, veteri Græciæ incognitis, adeoque nova verba, aut novas verborum significationes, adhibere necesse habeant; nemo potest Patres intelligere, nisi qui eorum loquendi consuetudinem cognoverit, atque imberbit.

Iam vero ex nullo alio scriptore, quam e Iustino, vera veteris ecclesiæ ratio melius cognosci potest; quam cum in omnibus suis libris, tum in Apologiis optime exponit, & indubiis argumentis confirmat. Est enim scriptor antiquissimus ecclesiæ nondum corruptæ, quem virum apostolicum dicas, qui sua vel ab Apostolis, vel saltem ab iis hausert, qui ab ipsis Apostolis edocti fuerunt; idemque fide dignissimus, quod apparet cum ex scriptis ipsius, tum ex libera christianæ religionis professione, a qua mortis supplicio deterri non potuit: cui adeo facile condonari possunt peccata exegetica, & historica, etiam dogmatica, quæ in eo vulgo repre-

hendi solent, utpote qui non iis quibus nos instructus præfidiis fuit, multa vero e paganorum disciplina, e qua prodit, retinuerat, ideoque proclivis quidem erat ad errores, ad summam doctrinæ christianæ tamen non pertinentes. In primis autem Apologia prima est quasi armamentarium, e quo tela contra adversarios religionis nostræ peti possunt, v. c. Socinianos & Arminianos, nam sæpe ibi de λόγος divinitate agitur, quam ipsi in antiquiori ecclesia non creditam somniant. Inprimis autem contra Pontificios, qui, quum nobis potissimum auctoritatem Patrum iacent, suis armis conficiuntur, atque optime ex Iustino, a veteris ecclesiæ ratione declinasse convincuntur. Nihil subsidii inde habent ad defendenda sua superstitiosa & abominanda dogmata, de quibus altum Iustino est silentium; vel quod sibi ibi invenisse videntur, circumspèctis attente omnibus rebus, ad nihilum plane redigitur: qualis est locus Apol. I. n. 6. ubi Martyr dicit: Christianos profiteri patrem & filium διδάξαντα ταῦτα ἡμᾶς καὶ τὸν τῶν ἁγίων ἐπομένον καὶ ἐξομωμένον ἀγαθῶν ἀγγέλων στρατὸν, πνεῦμά τε τὸ προφητικὸν σεβόμεθα; ubi Pontificii & nominatim Monachus Benedictinus, post ταῦτα male ponunt comma, ut inde evincant, Iustinum, cum S. S. Trinitatis cultu, etiam angelorum cultum professum esse; quod tanto est absurdus, cum Angeli Spiritui S. præponuntur, & virgo Maria, de cuius cultu hic commodissimus dicendi fuisset locus, a Iustino omittitur, nec iungitur iis, quos a Christianis colligit. Sic & locus I. 85, 86, 87. e quo volunt probare transubstantiationis commentum, quod nuper a V. Cl. *Io. Aug. Ernesti*, Collega nostro, in *Anti Muratorio* plane est profligatum.

In ipso libro autem edendo hæc fere V. Cl. sequitur, Paulo inusitatus & durius dicta, non semper cum aliis Iustini editoribus emendat, sed, quod & optimi Critici faciunt, & facere debent, lectionem receptam MSS. auctoritate corroboratam, si defendi potest, retinet. Ut I. 28. ubi Iust. dicit, Christianos communia quædam cum gentium poetis dicere: ἔνθα δὲ καὶ μεσζόνως καὶ θεῖως; ubi plerique legi volunt θεοσώτως: sed non videtur Iustinus paganorum philosophis ali-

quid

quid *θεός* concedere; illud *θεός* est explicatio τῷ *μεζόνως*; hoc ipso quod *θεός* loquebantur scriptores sacri, etiam *μεζόνως* loquebantur. Ap. I. 60. Iustin. dixit, Deum propter homines probos nondum *ἐκπύρωσιν* facere; Billius in obs. & Grab. putant legendum *ἐκπύρωσιν*, quia sæpe Iust. isto verbo utatur. Sed defendit V. Cl. vulgatam lectionem; est enim *ἐκπύρωσις* decreti consummatio, perfectio, de reditu Christi ad iudicium. Huc pertinet I. 10. ὅπερ ἐκ ἡδυνήθησαν οἱ ἀνθρώποι νόμοι πρᾶξαι, ταῦτα ὁ λόγος θεὸς ἀνείργασατο. Grab. cum Perionio legi vult τῷτο, ut respondeat singulari ὅπερ. Mon. Ben. pro *θεός* reponi vult *θεός*. Neutrum vero opus, sed pro *ἀν* legi *ἀν* id vero necessarium Editori Cl. videtur.

Sed tamen ubi prior ratio teneri non poterat, felici successu ipsum textum emendat & restituit; ex quo numero placebant I. 3. ubi dicitur: Christianos debere omnibus facere copiam, cum doctrinæ, tum vitæ inspiciendæ, quibus additur: ὅπως ὑπὲρ τῶν ἀγνοῦν τὰ ἡμέτερα νομιζόντων, τὴν τιμωρίαν ἀν' ἀν' πλημμελῶσι τυφλώττοντες αὐτῶν, αὐτοῖς ὀφλήσωμεν. Locus valde vexatus, & haud dubie multipliciter corruptus. Bill. in obs. f. post ὅπως addendam putat particulam *μή*, & delendum αὐτῶν post τυφλώττοντες; Grab. reponit pro αὐτοῖς, αὐτοί, quod exigit verbum ὀφλήν, sed ne sic quidem locus sanatus: forte itaque sic legendum dicit V. Cl. ὅπως μὴ τῶν α. τ. ἡ. ν. τ. τ. ω. α. π. τυφλώττοντες, αὐτοὶ ὀφλήσωμεν, facili sane sensu. Sic I. 25. Iustinus dicit resurrectionem mortuorum propterea a multis non credi, quia nondum facta sit, id quod ab exemplo generationis humanæ illustrat; nam si nos tales non essemus, & aliquis ostenderet semen humanum, & pictam hominis imaginem, quam ex isto semine fieri posse affirmaret, addit Iustinus: πρὶν ἰδεῖν γινόμενον, ἐπιστεύσατε; ἐκ ἧν τις τολμήσειεν ἀντειπεῖν; sed græci non interrogant περὶ ἐπιστεύσατε num credidissetis: Thirlb. & Davis pro ἀντειπεῖν legunt ἀνείπειν, ut sæpe hæc confunduntur, sed neque sic locus est bene curatus. Ergo Cl. Thal. coniicit legendum: ὅτι ἐπιστεύσατε, ἐκ

ἀν τις τολμήσειεν ἀν εἰπεῖν; vel sic: ὅτι ἐκ ἀν ἐπέευσάτε, ἐκ ἀν τις τολμήσειεν ἀντεῖπεῖν; sic enim Iust. paulo post loquitur. In II. 11. ubi est: quod multi Christiani facti sunt, effecit *δυναμὶς τῆ ἀρετῆς πατρὸς, καὶ ἐκ ἀνδρωπέως λόγου τὰ ἐκείνη*, ubi τὰ ἐκείνη corruptum videtur Viro Cl. κατασκευῇ, quod orationis humanæ artificium est, & bene opponitur τῇ δυνάμει θεῷ.

Deinde & interdum elegantes simas observationes & explanationes aspergit; v. c. ad I. 5. ubi, ut & alibi, a Iustino Ἕλληνες & βαρβάρων opponuntur; Ebræi autem & Christiani apud Patres dicuntur barbari, & Christianismus dicitur barbarismus: ergo in isto verbo olim nulla turpitudine fuit, v. Io. Tob. Krebsii observ. in N. T. e Iosepho ad Rom. I. 14. Idem Apol. I. 17. Iustinus dixerat: Nos Christiani precibus & gratiarum actionibus laudamus deum, ἐφ' οἷς προσφέρομεθα πάσιν, quod Mon. Ben. vertit, in his omnibus quæ offerimus, & frustra Gravius accipit de oblationibus eucharisticis; at προσφέρειν quidem de his dicitur, sed προσφέρειν semper est vesci & bibere. I. 70. ἐμφορῆσά τι πιεῖν durum videtur heic loci V. Cl. cum solempne eain re verbum sit ἐμποιῆσαι. II. 4. φήσαντος λυκίῳ μάλισσα, i. e. cum sateretur Lucius; sufficiebat φήσαντος, ut Xenoph. & Plut. Elegans etiam est coniectura II. 12. ubi κακία Herculi obvia dicitur habuisse πρόσωπον ἐρωτοπεποιημένον, at V. Cl. se vereri ait, ne legendum sit χρωματοπεποιημένον, quod convenit Xenophonti M. S. II, 1, 22. qui κακίαν dicit fuisse fucatam, κέκαλλωπισμένην τὸ χρῶμα. Ex quo observationum genere, si V. Cl. plura addidisset, vel etiam in Indicem coniecisset, non tam ipse satis doctus græce doctis scripturus, quam tironibus & theologiæ studiosis gratum facturus fuisset, a quibus facilius intelligeretur scriptor ecclesiasticus sine versione editus, uberius illustratus. Sed facilem præbet excusationem Viri doctissimi consilium; edendi Iustini prælectionibus Academicis & parabiliiori pretio destinati. Multum sane ex iis, quæ congeessimus, laudis deberi Thalemanno nostro facile apparebit, qui, & alii eadem doctrinā instru-

instruisti, ut patrum scriptis minore forma & pretio edendis
dent operam, vehementer optamus.

Theologische und philologische Abhandlungen.

h. e.

*D. IOH. DIETERICI WINCKLERI, ECCLESIA-
rum Silesiensium Superintendentis, Exercitationes
theologicae & philologicae.*

Partes II.

Brünsvigæ, sumtibus hered. Schroederi, 1755. 8.

Alph. 2. plag. 1.

Exhibentur in hac sylloge ab Auctore minutiora scripta,
quæ vel seorsim olim, aliquot plagulis foras
dedit, vel quas nonnullis variarum symbolarum erudi-
tarum collectionibus, cuius generis magnus hodie numerus
conspicitur, inferi passus est, a collectionum talium editori-
bus rogatus. Cum prioris classis scriptiunculæ facile se ma-
nibus ac bibliothecis virorum doctorum subducant, variæ
autem illarum repetita vice desiderarentur: hanc Auctor syl-
logen ut adornaret commotus est, singulis denuo curis se-
cundis emendatis, accessionibusque amplissimis auctis.

Prima Pars decem continet commentationes, in tractan-
dis sequentibus momentis lectu omnino dignis occupatas.
Prima, in *Luc. II. 9.* conscripta est, estque *refutatio anonymi* Pag. 1.
cuiusdam Critici, qui per personam ibi loquentem personam ali-
quam SS. Trinitatis, & imprimis deum patrem, intelligere
amavit. Exposuit hanc suam sententiam laudatus vir doctus,
anonymus, in sylloge observationum exegeticarum, Ienæ Ao.
1740. sub titulo: *Ausübung exegetischer Regeln*, editarum.
Quæ in medium is attulit stabiliendæ suæ explicationis argu-
menta, singula & enarrantur & resutantur a S. R. *Wincklero*.
Primum est, quod *Malach Iehovah* in sacris literis personam 8.
Trinitatis indicet; ad quod respondetur, neque illud dubio
carere, neque *ὁ θεὸς τῆς ἐκκλησίας* deum ipsum denotare, verum
potius

potius splendorem maiestatis virtutumque divinarum, prouti hoc loco nihil aliud significari patet. Alterum eiusdem ex-

- pag. 14. positionis fulcrum ab anonymo in *commate* 15. quæritur, quod ibidem angelus, qui pastoribus apparuit, ab iisdem *u-
gios* vocetur. Negat hoc *Wincklerus*, docens contra, a pa-
storibus dominum innui, qui per angelum nativitatem serva-
toris manifestaverit. Tertium anonymi argumentum, quod
15. apparens pastoribus angelus *comm.* 13. a ceterorum angelorum
choro distinguitur, eadem ratione enervatur, ostenditurque,
angelum hunc a ceteris non alio modo distingui, quam
quo solet, qui iam adest, distingui a reliquis deinceps adven-
tantibus. Patet iam ex his argumentis, quam fœculnea sit
anonymi istius nova interpretatio; ut igitur reliqua a *Winckle-
ro* V. Cl. allata eiusdem atque refutata argumenta sicco possimus
33. pede transire. *Secunda* disquisitio, quid per *וְהָיָה מִתְחִילָא*
Prouerb. XXX. 31. intelligendum sit, exponit, addito commer-
cio epistolico, quod olim super ea re Iob Ludalfo cum
*Matthæo Leydecker*o, coetus Reformati sacerdote in Batavia,
intercesserat. De animali isto larga fuit intra eruditos disputa-
tio. *Leydekerus* putavit nullum aliud esse posse, quam
Abyssiniorum Zecora, quod ab ipso eleganter copioseque de-
52. scribitur. Addidit *Wincklerus* noster nonnulla, quæ ex *collectio-
ne itinerariorum* novissima hanc in rem cum cura sunt conge-
61. sta. *Tertia* diss. exhibet *examen hypotheseos Fosterianæ*, per
Dominum, nos redimentem, 2 *Petr. II. 1. Deum Patrem in-
telligendum esse*, adiecta explicatione duorum locorum biblio-
corum, *Epist. Iud. comm. 4. Et Deuteron. XXXII. 6.*
Coetus Mennonitarum Londinensis doctor, *Iacobus Foster*,
in sermonibus sacris, part. 1. pag. 262. seq. suam illam hypothesis
proposuit, hoc ipso probans seu confirmans mentem in So-
cinianorum errores pronam, quam illi iam ven. *Frid. Guil.
Krafftius*, in *bibliotheca theol. part. LIV. p. 358. seqq.* expo-
bravit. Locum Petrinum curatius peruestigandum sibi sumisit
Wincklerus, & in illo de ipso Servatore agi dilucide demon-
stravit, *Fosteri* argumentis enumeratis ac refutatis. Quæ
in subsidium vocare conatur, *Fosterus* loca, *Iud. comm. 4. &
Deut.*

Deut. XXXII. 6. pariter contra ipsum genuino sensui restituantur. Quæ quarto loco legitur, exercitatio, locum *Iesa. Pag. 87.*

II. 6. 7. 8. multa opera illustrat, triplex Iudaici populi peccatum, hic descriptum, propius investigans, astrologiæ item iudiciariæ superstitionum studium, immoderatam divitiarum cupidinem, & idololatriam domesticam. Quinta est de vestigiis providentiæ divinæ in sorte, circa munera publica adhiberi solita, 123. novis honoribus Hamburgenfis reipublicæ Senatoris, Io. Lud. Winckleri, congratulandi causa, exeunte anno 1750. ab Auctore conscripta. Historice primum antiquitas sortilegiorum sistitur exposita, deinde quæstio de licito istorum usu, & divino in eo usu concursu, amplius sub examen vocatur, neque tamen negatur, sed potius affirmatur utrumque: Sexta commentatio cogitationes exhibet de 185. summo pacis ecclesiæ pretio, ad verba *Psaln. XLVI, 9. 10. 11.* illustranda. De statu ecclesiæ veteris testamenti haudagere hanc cantilenam sacram, contra Rintelenfis Academiæ Theologum, cel. Guil. Christi. Iustum Chrysandrum, prævie ostenditur. Tum ex antecedentium verborum collatione docetur, de pace ecclesiæ comm. 9. 10. 11. intelligenda esse, quæ cum cura & secundum singula verba enucleantur, facta tandem ad pacem Westphalicam, cuius in memoriam A. 1748. hanc exercitationem Wincklerus ediderat, applicatione. Septima, 247. quæ sequitur, illustratio est status ecclesiæ Corinthiæ, a Paulo apostolo 1. Corinth. III. 1. 2. descripti. Non externus est, sed internus, qui hic depingitur, ecclesiæ istius status, quem ad instar infantum imbecillum comparatum fuisse, verba Paulina comprobant. Octava inscribitur exegetica inquisitio loci 281. *Exod. XXXIV. 5. 6. 7.* E textus *συνάφεια*, præcipue exegetico sacre adminiculo, quo Auctor in scriptis suis exegeticis ubivis primo loco niti amat, demonstratur, Deum filium fuisse personam coram Mose prætereuntem; Deum patrem vero de Messia verba, ibi commemorata, exclamasse. De modo prætereundi, quem hic observaverit filius Dei, Auctor statuit, sine dubio id factum fuisse assumpta hominis specie; 305. riamque, de hoc modo differens, in medium profert notatu digna,

quæ nos, ob brevitatæ studium, hæc loci non iam describimus. *Nona* disquisitione *cogitationes* in 2 *Petri* I, 4. continet, Auctori subnatas, cum in *animadversionibus* suis philologicis & criticis, pag. 225. seqq. contra beatum *Ge. Guil. Poetzingerum* vindicare Petrinum locum necesse haberet. Commemorata a divo Petro *Deiæ Quæst.*, a quibusdam Theologis accipitur de proprietatibus divinis, quatenus abstrahendo a divina essentia format sibi istarum ideam seu notionem humanus intellectus; participem autem istius fieri, illi de assimilatione interpretantur, quam assequantur in renovatione fideles. Per se hanc explicationem non reprehendendam esse, Auctor concedit: id vero a Petro innui negat, quem de *coniunctione fidelium cum Deo* commentari pluribus evictum dat, verba apostoli multa luce collustrans.

Fig. 347.

Decima, quæ primæ partis ultima est, observatio *visionis*, *Ioanni Apocal. V, 8. quæ obtigit, perspicua expositio* inscribitur. Quatuor hic animalia, immediate a Deo illuminatos viros sanctos, prophetas & apostolos, ex Auctoris mente representant, prouti *seniores viginti quatuor ecclesiæ capita*, duodecim patriarchas sub veteris oeconomiae tempore, & duodecim apostolos in ecclesiâ Christiana. Venerantur hæc *agnum*, mundi redemptorem, procumbendo & precibus laudibusque colendo. Haud defuit singulis visionis huius *Ioannæ* circumstantiis cum cura enucleandis atque determinandis, Auctor: ut nobis adeo in interpretanda hac Apocalyptica pericopa, neque festinante calamo usus esse, neque ob *Bengelium* haud allegatum vituperandus videatur, quod nuper Censor aliquis iniquus reprehensione dignum iudicavit. Ad calcem primæ partis occurrit *Mantissa*, supplendæ primæ observationi dicata, qua *Luc. II. 9.* per angelum, pastoribus apparentem, *spiritum sanctum* intelligens *Io. Tilemannus*, dictus *Schenck*, refutatur.

359.

Alterâ harum disquisitionum *Part.*, decem pariter completitur argumenti similis commentationes, adiecta duplici *mantissa*. *Prima* earum inscribitur *Curatior Determinatio, quinam per iustos, poenitentia non indigentes, Luc. XV. 7. intelligendi sint*. Docet Auctor, innui a Salvatore veros iustos in hac

hac vita adhuc degentes, qui iustitiam fidei suam fecerunt, ideoque poenitentia lapsum opus non habent, quamvis, ob infirmitatis sibi adherentis *παρορμηματα*, poenitentia quotidiana utique se indigere probe agnoscant. Hanc explicationem textui sacro ex asse convenire, dein probatur, singulis illius momentis sive circumstantiis ad eius trutinam examinatis, optimeque quadrare percommode iussis. *Secunda observatio est illustratio Quaestionis: Num obvia in veteri Testamento vox קריב hodie usitata fabas*, Pag. 13. *Coffe dictas, denotet? addito commercio epistolico duorum olim celeberrimorum Philologorum, Iobi Ludolphi, & Matthaei Leydeckeri, super eo argumento. Vox ista hebraea legitur in sacro Codice, Levit. XXIII. 14. 1 Sam. XVII. 17. XXV. 18. 2 Sam. XVII. 28. Ruth. II. 14. Pro fabis nostris, Coffe dictis, habuit fruges isto vocabulo indigitatas, Ernestus Fridericus Geierus, in singulari dissertatione hoc de argumento Wittembergae A. 1740. habita, Cap. II. Sect. I. pag. 20. sqq. Quos in tuenda illa sententia is antecessores habuerit, Auctor §. II. huius commentationis refert. Eidem se fautorem aliquamdiu praebuit Iobus Ludolfus, qui dein mutavit sententiam, a Matthaeo Leydeckero monitus. Utriusque viri docti meletemata excerpta exhibet ex eorum epistolis mutuis Ven. Wincklerus §. IV-VIII. aliorum praeterea 19. mentione facta, qui super ea re disseruerunt data occasione: ipse vero iis accedit, qui hodiernas nostras fabas, Coffe dictas, intelligunt, quod iam in Hypomnematibus suis philologicis & criticis, pag. 317. sequ. monuisse se refert. Observatio tertia agit de קריב, cuius Exod. X. 13. mentio fit, & de duobus 29. cornubus animalis Indici, Rhinoceros dicti, una cum commercio literario duumvirorum laudatorum, Ludolfi atque Leydeckeri. In litteris his Leydeckerus variam significationem vocabuli קריב, secundum varios terrarum situs, enarrat. Placet Wincklero eorum sententia, qui Euromotum intelligunt, cogitationibus beati Iusti Martini Glaseneri hanc in rem commendatis. Quod ad קריב attinet, aliam epistolam Leydeckeri, 38. scriptam ad Ludolfum, Lectori exhibet, qua per id animal*

- Rhinocerotem* intelligendum esse probatur. Quoniam vero τῷ ΔΝΓ duo cornua tribuuntur, singulare quoddam Rhinocerotis genus illo indicari, demonstratur a *Leydecker*. Sequitur quarta exercitatio, *Enodatio* nempe *arduae doctrinae de peccato in Spiritum sanctum*. Data opera hic enumerantur variae de isto argumento interpretum & theologorum sententiae. De ipsa vero huius descriptionis summa diximus iam in *supplementis ad Novam hanc Erud. Acta, Tom. V. pag. 238*: ubi excerptam Lectoribus dedimus, cum primum Hamburgi 1724. 4. prodisset. Valde locupletatam, annotationibusque multis auctam, recudi eam hic Auctor curavit. Ob-
143. servatio quinta est *explicatio verborum Salomonis Cohel, VII. 2. 9.* Postquam in vituperium sexus feminei illa nequitiam trahi posse demonstravit Auctor, de peccato originali agi docet, ita ut Salomon, inter millia multa virorum unum se deprehendisse testetur, peccato originali non commaculatum, Christum nempe, ex mulierum vero sexu nullam se invenisse asserat. Contextu hanc explicationem confirmari, monere
163. non dememinit *Winklerus* noster. Sexta continet *examen publice nuper propositae sententiae, Servatorem in extremi iudicii die humanam naturam depositurum, & propria personalitate donaturum illam esse*. Publice hanc paradoxam sententiam proponere non dubitavit Anonymus quidam, in *liberis iudiciis & relationibus*, Hamburgi, sermone Germanis vernacula produntibus, *A. 1754. pag. 66. seqq.* ex loco Paulino 1 Corinth. XV. 8. eandem confirmare annisus. Quam absorta vero, & ipsi incarnationis Servatoris nostri mysterio repugnans sit haec sententia, probatur a *Winklero*, qui & loci Paulini genuinum sensum pluribus demonstrat, eo tendentem, ut finem regni
189. gratiae Apostolus indigitare doceatur. Septima, quae succedit, exhibet *cogitationes de septuaginta hebdomadibus, Dan. IX. 24. 27.* commemoratis. Singula ab angelo indicata intervalla determinare hic studet Auctor. Octava inscribitur
213. *perspicua demonstratio, a tribus Evangelistis Matth. XXIV. 29. seqq. Marc. XIII. 24. seqq. & Luc. XXI. 25. seqq. de nullo alio Christi adventu, nisi ad extremum iudicium visibili, agi.* Nec de hoc

momento exegetico una fuit eademque interpretum sententia. Varias illas enumerans Auctor, historiam litterariam eius controversiae critico-exegeticae praemittit; deinde, tum ex antecedentium & consequentium verborum nexu, tum ex collatione locorum istorum cum aliis, in quibus de adventu Servatoris ad iudicium extremum sermo est, tum ex necessitate, proprium hic significatum retinendi, tum ex consequentiarum incommodis, dilucide interpretationem suam confirmat. Disquisitio nona in locum *Coloss. II. 3.* commentatur. Subiectum Pag. 231. hic esse Christum, & quidem secundum utramque naturam, docetur, id quod scopo Pauli quam maxime respondeat, qui Colossenses, ut a falsis doctoribus sibi caveant, monet. Decima tandem est *sufficiens demonstratio, in ecclesia Romano-Catholica* 243. *Christo unico mediatori alios mediatores iungi Et ad latus poni.* In notissima, quae Hildesiae, anno 1745. sequentibus, magno aestu agitata fuit controversia, hanc commentationem luci publicae A. exposuit, cordatioribus lectoribus singulis probatam. Demonstravit hanc suam assertionem *Wincklerus* ex ipsis pontificiae ecclesiae theologis, ac libris symbolicis aequae liturgicis. Inde a salutaris Reformationis tempore, doctrinam istam, tanquam in qua diversi a nobis toto coelo sint Pontificii, habitam a nostratibus theologis esse, ex ecclesiae nostrae libris symbolicis, & theologorum nostrorum scriptis, praemonendum esse e re sua Auctor duxit. Iuncta Parti huic secundae *Mantissa duplex est, quarum prior exhibet fragmenta* 293. *commercii literarii, haecenus inediti, variorum quondam celeberrimorum Philologorum, Iobi Ludolfi, Gisberti Cuperi, Sam. Andreae, Io. Geo. Graevii, Guil. Ernesti Tentzelii, & Godofredi Guil. Leibnitii, ad varias res historicas & litterarias spectantis: posterior epistolam continet pariter ineditam* 319. *Enmanuelis Hofmeieri, Ecclesiae Reformatae olim sacerdotis Annisdorfenensis, ad Iacobum Fridericum Reinmannum anno 1712. datam, qua sequentia quatuor explicantur argumenta historico-ecclesiastica: 1) quis inter Reformatae ecclesiae doctores Seculo XVI. & XVII. optime contra Lutheranos & Romano-Catholicos stinxisse dicendus sit?*

2) an symbolum fidei, in Synodo Dordracena conscriptum, differat a confessione fidei ecclesiarum Belgicarum, correcta A. 1619. & in Bibliis Gallicis exstante? 3) an non detur in ecclesiis Reformatis scriptum symbolicum, ubique & omnibus ecclesiis, Anglicanis etiam, receptum? 4) cur Theologi Anhaltini non interfuerint Synodo Dordracenæ? Ad singula hæc momenta docte respondet *Hoffmeyerus* laudatus, variaque affert notatu dignissima, vix alibi obvia.

Præfationis, utrique Parti præmissæ, ut tribus verbis mentionem iniciamus opus esse videtur. Emendatur ab Auctore in præfatione, primæ parti præfixa, error, quem ipse olim, sed duces secutus duumviros celeberrimos, *Burchardum Gott-helf Struvium*, & *Christianum Lunckerum*, commisit, *Leideckerum* illum, cuius commercium litterarium ab ipso in *Partis primæ commentatione secunda*, & in *partis secundæ exercitatione secunda tertiæque*, exhibitum fuit ante ineditum, pro *Melchior Leideckero*, Theologo Batavo notissimo, habens; quem *Matthæum Leydeckerum*, sacerdotem ecclesiæ Reformatæ in Batavia fuisse, dein ex beati *Io. Christoph. Wolfii*, Theologi Ham-burgensis, conspectu supellestilis epistolice, pag. 130. didicit. Cum præterea in sylloge hac scriptiunculas suas recusas atque emendatas Lectori exhibeat *Wincklerus*, olim iam publici iuris factas, rationem reddit in eadem præfatione, cur non indicaverit, quo tempore, sive in qua collectione, singulæ commentationes prima vice publicæ luci sint expositæ; ad Cl. nuper Gymna-sii Osnabrugensis doctoris, *Ioannis Christophori Strodtmanni*, provocans novam *Europam Eruditam*, in cuius parte III. pag. 785. seqq. vita scriptaque *Winckleri* legantur enarrata, duabus exceptis exercitationibus, nimirum primæ Partis tertiæ, & secundæ Partis sextæ, illa *Helmstadiensibus eruditis plagulis heb-domadalibus*, A. 1753. pag. 129. seqq. 137. seqq. & 145. seqq. hæc vero Nienburgensi sic dicto Theologo, a Cl. *Rathlesio* edito, A. 1754. pag. 337. inserta.

ΑΙΣΩΠΟΥ ΜΥΘΟΙ. *FABULAE AESOPICAE*
Græcæ, quæ Maximo Planudi tribuuntur. Ad vet. Libb.
fidem emendatas, cum Ioach. Camerarii interpret. lat. Io.
Hud.

*Hudsoni suisque annotat. & Indice omnium verborum,
edidit IO. MICH. HEUSINGER.*

Henac. & Lips. sumtu Mich. Gottl. Griesbach. 1756.

1. Alph. plagg. 2. octon.

Tabulis Aesopis, utilissimo iuventuti libello, non super-
vacaneam sese, neque infructuosam operam praestit-
urum ratus est editor doctissimus, iamque aliquot
veterum scriptorum libellis editis de iuventute meritis, &
praemia iam doctrinae suae satis ampla adeptus, si post Camera-
rii & Hudsoni editiones, mendis ac vitiis nequam purgatas,
immo scatentes, nonam ipse, plurimorum veterum exemplo-
rum apparatu instructus, editionem nobis exhibuisset. Et sane
magnum editionum, quibus usus esset, indicem, fabulis ipsis
praefixit. Gothanae quoque Bibliothecae Codice Mito, Venetis A.
1482. exarato, usus est: cuius tamen deteriores sere vulgatis lecti-
ones: veluti F. 135. αἰῶνος, ἰάσασθαι σαυτὸν δὲ οὐκ ἰάσω, rotun-
dior vulg. αἰῶν, ἰάμενος, σαυτὸν οὐκ ἰάσω: F. 137. ἐν σπηλαίῳ
κατακλιθεὶς de leone agrotante, male pro vulg. κατακλιν-
θεὶς: F. 138. ἔλθῃ ἐν ταῦθα ὁ λύκος, ἵνα φονεύσωμεν αὐτὸν
τέκνον, vulg. ἐὰν ἔλθῃ δεῦρο ὁ λύκος, φονεύσωμεν, ὃ τέκνον,
αὐτόν. Et si illud defendi possit, maioremque pene vim habere
videtur: nisi quod ἐν ταῦθα de adventu in locum non bene dici-
tur. Sed in epimythio eiusdem fabulae melius idem Cod. τὰ
ἔργα κατὰ τοὺς λόγους, pro vulg. τὰ ἔργα τοῖς λόγοις, ἑ-
μοί, uti & F. 10. πᾶσιν πρὸς τῶν ἀλεκτρυόνων, pro vulg.
ὅς. Fab. quoque 18. extr. a vulgato multum discrepat. Au-
gustano quoque codice cum ante aliquot annos ad Iuliani Cae-
sares usus esset recensendos, Fabulas a 63. ad 68. a filio
tunc descriptas, a vulgatis aliquantum diversas, suo loco ex-
hibuit. In eo codice depravatum fabulae 64. epimythion,
cum ita habeat: ἐνιοι τῶν διὰ φόβον ἐλάττονα κινδύνον ἑαυ-
τοὺς εἰς μέγιστα κακὰ εἰσίσασιν ipse refinxit, ἐνιοι τῶν ἀνθρώ-
πων διὰ φόβον ἐλάττονα κινδύνον κ. τ. λ. Sed non assequi-
mur, quid sibi velit ἐλάττονα, fortasse ἐλαττόνων voluit.
Nam operarum vitiis tota non caret editio. Emendavit etiam
fab. 140. ubi mulus iactat se πατρὶ similem, cum conslet,
semper eos matrem sequi. Ipse per totam fab. legendum

cenſet μήτηρ: ſed cum illud πατήρ, cum pronominiſ
relativis per totam ſuſum ſit fabulam, maiorque etiam & fre-
quentior a patribus iactantia ſit, poſſumus etiam mulum equo
& aſina ortum intelligere, ſtulte patris genus oſtentantem.
In primis veremur, ut conſentientes lectores habeat in pro-
banda Cod. Goth. lectione, fab. 11. de perſona & vulpe,
ubi in epimyth. pro vulg. μεγαλοπρεπὲς τῷ σώματι, κατὰ
δὲ ψυχὴν ἀλογίſτους, Cod. habet αἰδοκότες, quod ipſe am-
plexus, nullo exemplo allato, eſſe dicit, portentofos, monſtri
ſimiles: quod ut fieri poſſe concedamus, fabulæ ſenſus utique
reſpuit. F. 16. εἰ μετὰ χεῖρα φέρω, recte quidem corri-
git pluralem, cum & antea fuerit ἐν χερσί: ſed debebat doce-
re, μετὰ, cum quarto caſu, valere &. Sicut nec ad fab. 18.
σεατίους βούς, probavit eſſe farinaceos, cum εἶας pin-
guedinem fere ſignificet. ſατίνας legendum, ex Herodot.
II, 47. qui Aegyptiorum pauperes dicit πλάζεν ſατίνας ὕς,
quo ipſo loco ad rem illuſtrandam uti poterat. Ex Aphtho-
nio quoque fabularum diverſitatem afferre non neglexit.
Voſſiano Codice, de quo tamen nihil monuit, uſus nonnun-
quam eſt. Camerarii latinæ interpretationi, Appendicis lo-
co adiectæ, ex aliis ſcriptoribus, ubi extabant, verſas, nec
non ex Miſto Abbatie ſ. Galli veteres quarundam interpreta-
tiones, inferuit; indice denique, auditorum nonnullorum
opera concinnatum, opus clauſit. Vitia priorum editionum
in textu quidem correxit, ſed in notulis monere nonnunquam
omiſit. Ex Notis excerptere nil admodum potuimus, cum in
tironum gratiam pleraque appoſita, ab aliſque
fere ſint obſervata.

NOVA LITTERARIA.

Die XVI. Auguſti, proxime ſequentis, in aedibus Oertelia-
nis in urbe noſtra, Bibliotheca ſelectiſſima, ad elegantiores litte-
ras pertinens, auſtionis lege divendetur. Sunt in ea Libri, &
varitate inſigner, &, quod pluris eſt, notæ optimæ, quos heic lo-
ni enarrare ſupervacuum eſt. Catalogos enim non deſcribimus.
Exteris, officia ſua, coemendis libris, offerunt, Chriſtius, Erne-
ſtius, Maius, bonarum litterarum in academia noſtra Profeſ-
ſores.

NOVA ACTA ERUDITORUM,

publicata Lipsiae

Calendis Iunii Anno MDCCCLVI.

Pars II.

BATAVIA SACRA, SIVE RES GESTAE APOSTolicorum virorum, qui fidem Bataviae intulerunt, in duas partes divisa. Prima continet gesta XX. Praesulum Ultraiectensium, qui fere Sanctis adscripti, aut habiti sunt, aliorumque istius aevi patriae caelitim, ex coaevis scriptoribus deprompta, insertis ad res dubias, vel obscuras, dissertationibus. Reliquorum dein Pontificum Traiectinorum, eorumque Suffraganeorum, Vicariorumque, gesta & sanctiones sacras nunquam editas, vel oblitteratas, prodit, ad erectionem usque novorum per Belgium Episcopatum; praemissis prolegomenis ad res patriae illustrandas.

Altera a F. SCHENCKO orsa, traditis diplomatibus circa limites sedium, Metropolitanae Ultraiectensi suffraganeorum, habitisque iis in locis conciliis, res gestas, decreta fidei-morumque, ac scripta Praesulum, Vicariorum, Pastorum, aliorumque, una cum recensione Ecclesiarum locorumque sacrorum, ad nostrum usque seculum perduxit. Cum figuris aeneis. Omnia industria ac studio T. S. F. H. L. H. S. T. L. P. V. T.

Bruxellis, pro Francisco Foppens, & Ultraiecti apud Hermannum & Io. Besseling, 1755. fol.

Alph. 7. plag. 22.

V v

HISTO.

HISTORIA EPISCOPATUUM FOEDERATI Belgii, utpote metropolitani Ultraieſini, nec non Suffraganeorum, Havlemensis, Darentiensis, Leovardienſis, Groningenſis, & Middelburgenſis. In qua ſingulariter eminent provinciarum antiquitates, urbium & pagorum incrementa, Eccleſiarum, Abbatiarum, ac Coenobiorum Origines, Fundatores, Patroni, Iuriſdictiones, Privilegia, Iura, & poſſeſſiones, Tabulaeque, quibus ea firmantur, innumera, quarum plurimae haecenus ineditae. Itemque Praeſulum, Abbatum, Abbatiffarum, Rectorum, Virorum tum eccleſiaſticorum, tum poliſicorum, vitae, geſta, lucubrations, aliaeque ex Eccleſiarum monumentis, Monafteriorum codicibus, Bibliothecarum archivis, Authenticiſ annotatiſ, Patriiſque ſcriptoriſ, eruta ac publici iuriſ facta, per H. F. V. H. Sac. T. L. Vic. Tr. Opus omnibuſ antiquitatum intra & extra Patriam ſtudioſe diu deſideratum ac neceſſarium, cum multiſ figuris aeneiſ, & iconibuſ virorum illuſtrium, praecipue qui in Belgio primi Evangelium annuntiarunt.

Antverp. apud Io. Bapt. Verduffen & Ultrai. apud Herm.
& Io. Beſſeling, 1755. fol.
Voll. II. Alph. 14. plag. 14.

Quantum ad hiſtoriam generalem rerum, in civitate chriſtiana geſtarum, ſupplendam perficiendamque faciat accuratior Episcopatum, ſive maiorum dioceſium deſcriptio, inter omnes conſtat; maxime ubi inde a primis originibuſ ſuiſ repetantur. Intelligere inde licet, a quibuſ lux doctrinae ſalutaris huic vel illi terrae primum illata, per quos & quibuſ viiſ ipſa illa propagata; qui errores & ritus ſuperſtitioſi cum tempore irreperſerint, qui ſe iſtiſ oppoſuerint, qui ex illiſ, qui coctibuſ chriſtianis praefuerunt, aliis doctrinae gloria, & virtutiſ ac ſanctimoniae decore, praecelluerint. Quae ubi cum inſigni eccleſiae utilitate coniuncta eſſe, viri quidam erudiſ animadverterunt, nulli operae pepercuerunt, quo diverſarum regionum antiquitates eccleſiaſticas e tenebris

bris eruerent, easdemque illas in clariori luce locarent. Sic *Ughellius* dedit Italiam sacram, *Sannarthan* fratres Galliam christianam, *Io. Buzelinus* Gallo-Flandriam sacram & profanam, *Anton. Sanderus* Flandriam & Brabantiam sacram & profanam, ut alios taceamus. Horum exemplo excitatus Auctor, Bataviam sacram adornare instituit. Iam quidem ante ipsum Belgis non defuerunt, qui res illorum sacras attigerint. Sunt in his *Io. de Beka*, *Wilhelmus Hede*, quem utrumque accurate illustravit *Arnoldus Buchelius*; *Bosshartius* de primis Frisiæ apostolis est commentatus; *Io. Lindenbornius* episcopatus Daventriensis historiam sive notitiam paravit. Sed qui historiam totius Belgii foederati sacri, a primis suis natalibus ad recentioretem ætatem, continuo filo perextam concinnaret, præter Auctorem nostrum inventus est adhuc nemo. Usus est, quos habere potuit, scriptoribus coævis & fide dignis, bibliothecarum angulos excussit, tabularum curiarum, templorum, monasteriorum, aliorumque collegiorum publicorum perquisivit. Ex quibus, uti & propria suppellectile litteraria, ingentem admodum numerum documentorum, diplomatum, litterarum typis nondum exscriptarum, vel lingua vernacula, vel in latinum conversarum, stupenda industria protulit. Auctor litteris initialibus tantum proditus, est *Hugo Franciscus van Heussen*, S. Theol. Licent. ecclesiæ Traiectinæ vicarius, familia amplissima & opulenta, sacris Romanensibus addicta, oriundus, Hagæ Comitum natus, quem *Io. van Neercassel*, episcopus Castoriensis, & per foederatum Belgium Vicarius apostolicus, tanti fecit, ut in administratione muneris sui perpetuum comitem, & adiutorem sibi adiungeret, eundemque moriens successorem sibi destinaret. Etiam illo fatis functo, publicis litteris ecclesiæ Romanæ purpuratis impense fuit commendatus, Ao. 1686. natus tum admodum annos 33. Sed enim æmulatorum studio res aliter evenit, præterito quippe Heussen, *Petrus Coddaeus* supremus sacrorum & ordinis ecclesiastici per foederatum Belgium antistes est designatus. Fuit Heussenus vir doctrina, pietate, animi moderatione, inter suos insignis, qui, cum multis opibus abundaret, munificus

admodum in egenos & fidei socios existit. Vid. T. I. P. II. p. 504. 511. Opus hoc non nunc demum prodit, Tom. I. iam a. 1714. lucem adspexit, T. II. a. 1719. est editus. Suo tamen modo novum videri potest: casus enim intervenit, qui fecit, ut pauca exempla, potissimum T. II. in vulgus dimanare passus est. Quod cum nonnulli bibliopolæ Belgici exiguo tempore ante redemissent, illud novo titulo insignitum, & quibusdam iconibus ac tabulis æneis exornatum, iam venum exponunt.

Sed ad descriptionem præstantis operis huius nos convertimus. Tomus I. in duas partes tributus, complectitur historiam episcopatus Ultraiektini, a primo tempore christianismi, in Belgium foederatum introducti, ad recentiora usque tempora deductam. Inscriptis *Bataviam sacram*, eo nomine comprehendens, quidquid foederati Belgii terminis includitur, atque olim *Frisiae Belgicae* nomine venit. In prolegomenis monet quædam generatim de Batavis, Frisonibus, ac Frisia, quæ olim spatiosorem tractum ac nunc effecit, Hollandia item, eius etymo, & Comitibus illius; inde memorat, qua via & per quos doctrinæ christianæ semina ibi fuerint sparsa. Factum id nonnulli perhibent iamdum Nerone imperante. D. Petrum scilicet eo ablegasse *Aegistum* quendam; sed quoniam huius rei apud probatæ fidei scriptores nulla inicitur mentio, merito exploditur. Videntur autem Frisones non uno eodemque tempore ad fidem in Christum adducti fuisse. In illis erudiendis, adque præcepta Christi conformandis, diverso tempore occupati fuerunt *Eligius*, Tornacensis & Noviomensis episcopus, mortuus circa a. 658. *Wilfridus*, Anglus, præsul Eboracensis, *Wulframus*, Senonensis episcopus, cui, quod vulgo de Radbodo, duce Frisæ, circumfertur, evenisse narrant. Horum vitæ, & item aliorum, qui conversionis focii fuerunt, & post in sanctorum seriem sunt relati, *Gangulphi* nempe, *Egberti*, *Wigberti*, sive *Wicherti*, vitæ & res gestæ enarrantur. Maiori in Frisonibus doctrina salutari imbuendis fortuna usus est *Wilibrordus*, Anglus, cui Sergius P. R. nomen *Clementis* dedit, quemque X. cal.

Dec.

Pag. I - 29.

30-35.

Dec. a. 696. Romæ, Pipino petente, Archiepiscopum Traiectinum consecravit; qui tamen titulus ad ipsius successores non transit. Eius vita ex *Mabilionii* annalibus Benedictinis eum maxime refertur. Loquitur hinc de sanctis, *Suidberto*, *Adalberto*, *Acca*, *Tilmone*, *Engelmundo*, *Werenfrido*, qui omnes Angli fuerunt, & *Willibrordo*, in sermone divino annuntiando operam sociam præbuerunt. Num *Bonifacius*, archiepiscopus Moguntinus, Willibrordi in sede Traiectina successor fuerit? quæritur. Ipsum a. 703. d. 23. Maii Lullo sedem celsisse, & episcopatum Traiectinum adisse, ferunt. *Ca-* 57-70.
nones conciliorum, ipso auspice celebratorum, adducuntur. 71-78.
 Nec reticentur socii ipsius, qui post fata sanctorum coetui fuere adscripti, & certorum locorum patroni tutelares sunt constituti, nimirum *Adolphus*, *Eobanus*, *Adalaricus*, *Wiro*, *Plehelmus*, *Willibaldus*, *Wunobaldus*, *Willehadus*, episcopus Bremensis, & *Walburgis*, quorum descriptio quædam datur. 78-87.
 Tertius episcopus a nonnullis ponitur S. Gregorius, regia Francorum progenie oriundus, qui, uti vivo Bonifacio adhæsit, ita, eodem mortuo, curam ecclesiæ Traiectinæ, non tamen ut episcopus, sed ut abbas suscepit. Sequitur vita S. 88-90.
Marcellini & S. *Liesuini*, sive *Lebui*. Inde ordine percen- 91-94.
 sentur antistites Traiectini, quos memorare prolixum nimis foret. Illorum tantum mentionem faciemus, qui virtute pietateque eminuerunt, quique laude dignas actiones ediderunt. Memorandus præ aliis *Fridericus*, cui postea nomen sancti est datum, qui omni fervore id egit, ut, qui deorum cultui adhærebant, de veritate christianæ religionis convincerentur: multo etiam studio contendit, ut Ariani & Sabelliani, quorum haud exiguus numerus in Frisia erat, suis erroribus expedirentur, adque ecclesiæ consortium reducerentur. Cæsus tandem a. 838. d. 15. cal. Aug. est, cum ad altare sacra face- 99-104.
 ret. Huius ætate, miraculis ac prædictionibus innotuisse dicitur S. *Odolphus*. *Eginhardo*, qui apud Carolum magnum 104-108.
 summa fuit auctoritate & dignitate, postquam muneribus se suis exuisset, locus inter episcopos Traiectinos datur, quoniam vicem antistitis, vel absentis, vel mortui, per tempus ad-

- Pag. 109. ministravit. *Adelboldus XIX.* episcopus primus fuit, qui
 110. arma tulit, bella gerens adversus Theodoricum, Hollandiæ
 comitem, sed infelicitèr admodum; fufus quippe ac fugatus
 125-126. vix naviculæ beneficio evasit. Priores episcopi numero 20.
 omnes in sanctorum cælitum, sive beatorum concionem sunt
 adlekti; sed ab eo tempore a pietate maiorum suorum mul-
 131. tum deflexerunt. *Guilielmus XXI.* episcopus varias in Pa-
 læstinam expeditiones suscepit, sed multis vulneribus male
 132-133. multatus, nudus scire ab Arabibus est relictus. Cum primi
 episcopi se scriberent episcopos *Dei gratia*, vel *misericordia*,
 inde a sæc. XIV. se episcopos *Dei gratia*, nunc *apostolicæ se-
 137. dis gratia*, scribere coeperunt. *Godebaldus* a Calixto pontifice
 139-143. impetravit, ut mitra & insula episcopali uti sibi esset inte-
 grum. *Conradus III.* Imp. capitulo concessit ius eligendi epi-
 scopum. Diploma Augusti & pontificis Eugenii integrum ad-
 ducitur. Inde factum, ut, quoties novus episcopus eligendus,
 lites orirentur, principibus vicinis & maioribus vassallis, re-
 145-147. petimus verba Auctoris, certatim suos obtrudentibus. Ao.
 1291. episcopo *Ioanne de Zyrich*, statuta synodalia sunt pro-
 mulgata, quibus emendatio vitæ clericis imperatur, ne,
 vino, crapulæ, aliisque gravioribus vitiis, se dedant, concubi-
 nas missas faciant, in illis locis, quibus munia sua adstricta
 sint, resideant, ab armis abstineant, ludis theatralibus ne in-
 terfint, & quæ huius generis sunt alia. De baptismo præci-
 pitur: *statuimus, quod caput ter in aqua ponatur, nisi fuerit*
debilis, vel infirmus, vel frigidum tempus; tunc aqua per ma-
num sacerdotis super caput pueri profundatur, ne propter sub-
merfionem, vel frigiditatem, seu debilitatem, puer exstinguatur &
 168-171. *moriatur.* Memorabile exemplum monachi, cui nomen *Ioan-*
nis de Iuliac, qui falso se pro episcopo gesserat, & munia epi-
 scopalia administraverat, legimus relatum p. 203. 204. cui,
 omnibus sacerdotalibus vestibus exuto, digiti, quibus corpus
dominicum tractare consueverat, vitro offensus sunt lacerati.
 Cum episcopatus præfisset *Henricus*, ex comitibus Palatinis, re-
 bus Traiectinis insignis mutatio supervenit. A ducibus Geldriæ
 multum infestabatur *Henricus*, terræ ipsius crebris invasio-
 nibus

ribus expilabantur ac vastabantur. Intelligens igitur, sibi satis virium haud esse ad hostem adeo validum repellendum, ex consilio & consensione senatus sacri, civilem in urbem Traiectinam, & quidquid ad illam spectabat, iurisdictionem, solenni pactione transcripsit in Carolum V. Imperatorem, contentus iurisdictione ecclesiastica: quod tamen pactum non omnibus probabatur. Monumenta, quæ ad hanc rem spectant, itemque litteræ Clementis VII, ex antiquo cod. MS. exhibentur. Pag. 240. 244.

Pars II. progreditur ad erectionem novorum in Belgio episcopatum. Doctrina religionis purior per Belgium passim invalescebat, & plures admodum eidem adstipulabantur: huius igitur incremento ut obex poneretur, Carolus decreverat plures constituere episcopatus. Quod ille, fato præpeditus, exsequi non potuit, id filius Philippus II. effectui dedit, episcopatum Ultraiectinum in Archiepiscopatum extulit, cui tanquam Suffraganei adiuncti sunt episcopi, Harlemensis, Medioburgensis, Daventriensis, Leovardiensis, Groninganus. Sententiam hanc suam Rex pontifici Paulo IV. significaverat, qui decretum satis prolixum, quo singulorum dioecesium limites accurate designat, publicavit. Editum illud est a. 1559. idque integrum, ex tabulato ecclesiæ Ultraiectinæ depromptum, exhibet. Aliud dedit Pius IV. a. 1565. speciatim respiciens sedem Traiectinam. Regia igitur voluntate d. 20. Sept. a. 1560. *Fridericus Schenckius* archiepiscopus est nominatus, confirmatus a Pio IV. d. 28. Maii 1561. Animadvertens elerus, per hanc novam constitutionem, iuribus, ac privilegiis suis non leve damnum illatum iri, intercessit. Schenckius d. 10. Oct. 1565. concilium provinciale in urbe Traiectina indixit. Scopus erat, fidem firmare, corruptelas morum e medio tollere, inprimis vero concilium Tridentinum omnibus commendare. Quæ heic reliqua fuerint tractata, ex actis concilii huius, quæ integra præsentantur, cognosci possunt. Mortuo Schenckio, & rebus in Belgio mutatis, nominati sunt vicarii generales, quorum erat, nutanti religioni pontificiæ succurrere, rerum sacrarum curam gerere, in omnes

- omnes ecclesiasticos regimen administrare. Ex his præ aliis memorandus *Sasboldus Vosmerus*, qui, quoniam Hispanis favere accusabatur, iussu Mauritiæ Arausiæ, criminis læsæ maiestatis d. 30. Maii 1602. postulatus, & omnibus ipsius
- Pag. 45-51. bonis, quæ satis ampla erant, publicatis, proscriptus est. Fuit apud suos in magna exultatione, quod testantur oratio funebris, itemque elogia, quæ integra hic legenda dantur:
- 52-73. representantur etiam quædam ipsius decreta & statuta. In eius locum successus est *Philippus Rovenius*: sed quoniam auctoritate regis Hispaniæ munus suum administravit, ipsiusque rebus favere iudicabatur, sententia in curia Ultraeclina d. 10. Mart. 1640. pronuntiata, idem, quod antecessor Vos-
- 74 84. merus, fatum subiit. Subiiciuntur ipsius statuta, in usum ecclesiarum catholicarum foederati Belgii, item constitutio Alexandri VII. de missionariis. Vicarius Rovenii
- 85-109. fuit *Io. Wachtelaerius*, *Vigilius* alias dictus, qui quod eiusdem cum Roverio sententiæ esset, Belgio excedere est coactus, omniaque ipsius bona arario sunt adscripta.
- 110-112. Sequuntur descriptiones ecclesiarum, monasteriorum, abbatiarum, ædium hospitalium, tum in urbe Traiectina, tum extra illam, ad sedem Traiectinam spectantium, quibus singulis brevem relationem historicam A. præmittit, fundationumque litteras ac alia diplomata adduxit. Inscenam producit omnes illos, qui eisdem præfuerunt, ac sacris ministeriis sunt perfuncti, non omisis, quæ passim memoratu digna contingunt.
- 113-456. Sub finem recensentur vitæ ac res gestæ postremorum vicariorum apostolicorum *Iac. de la Torre*, *Zach. de Mez*, *Baldini Catzii*, *Io. van Neercassel*, *Petri Coddæi*, *Gerardi*, 457-532. *Potkampii*, & *Adami Daemii*. Singulari ornamento sunt charta geographica antiquæ sedis Francorum, effigies antistitum, sanctorum, ac virorum præclare meritorum, delineationes templorum & monasteriorum, itemque insignium gentilitiorum episcopaliū n. 97. quæ vel in ipso textu, vel seorsim habentur.

Tom. II. sex partibus constat, quarum quæque certo episcopatuui destinata. Initium facit A. a sede Traiectina, cuius quidem

quidem satis amplam descriptionem Tom. I. dederat; quoniam vero post id tempus multa documenta in ipsius manus inciderant, consultum duxit, eandem novis accessionibus locupletare. Diffidendum quidem non est, haut pauca recurrere, quæ in I. Tomo adfuerunt; multa tamen etiam nova in medium adducit. Idem ordo, qui in superiori, servatur. Inter viros insignes, quorum vitas sistit, eminet *Adrianus VI.* P. R. cuius effigies affabre picta conspicienda datur, & aliquot ipsius litteræ ad Traiectinos exhibentur. Pars II. episcopatum *Harlemensem* describit. Primus illius episcopus, iussu Philippi II. inde ab a. 1560. fuit *Nicolaus Niculant*, qui alias *de Nova Terra*, sive *Novaterranus* dicitur; quem excepit *Gottofredus Mierlo*. Historia episcopatus Daventriensis, quæ tertiam partem efficit, est *Io. Lindenbornii*, cuius *historiam* sive *notitiam episcopatus Daventriensis*, quæ Colon. 1670. 8. lucem adspexit, integram inferendam curavit, ita tamen, ut quæ *Iac. Revius* in *Daventria illustrata* observavit, in usum suum converterit. Quarta pars occupatur in recensenda historia episcopatus *Leovardienfis*. Primus antistes fuit *Remigius Dirutus*, qui tamen munus sibi a. 1565. creditum, quoniam proceres erectioni episcopatus obnitebantur, adire non potuit. Eius successor *Cunerus Petri*, qui a. 1569. est designatus, non meliori sorte usus est, tandemque terra Belgica emigravit. Inter alios refert A. vitam *Viglii Zuichemii*, cuius epistolas quasdam ad *Erasinum*, *Alciatum*, *Beium*, *Perenottum*, *Melanchthonem*, adhuc ineditas, item aliquas Erasmi, quæ in præstantissima editione Lugdunensi non comparent, operarum formis describendas curavit. De *Zuichemio* hæc habet verba: *Guilielmus Bataviae*, (procul dubio legendum *Bavariae*,) dux 1537. *Academiae Ingolstadiensis professorem* (constituit), postquam similem conditionem sibi antea in academia *Regiomontana* a *Ioachimo II. Marchione Brandenburgico*, oblatam recusasset. Academia *Regiomontana* demum a. 1544. ab Alberto duce est condita; itaque intelligi hoc debet de Academia *Francfurtana*. In V. parte descriptio episcopatus *Groningani* datur. Primus episcopus a rege de-

nominatus, est *Ioannes Knyff*, qui obiit a. 1578. Huic successor est destinatus *Arnoldus Nylen*, qui tamen ob sacrorum emendationem initiari haud potuit. Communicat A. vitam *Ioannis Wesseli* manu exaratam. Auctor natalem ipsius illigat a. 1400. mortuum esse scribit a. 1459. d. 4. Oct. atque de eo pronuntiat, quod cum *Luthero* & *Melanchthone* commercium aluerit; quorum ille tamen tum in prima pueritia constitutus, hic ne quidem natus erat. Indignatur ampliss. *Heussenus*, *Wesselum*, *Lutheri prodromum* nominari, de eoque adseverari, ipsum multas ecclesiae Romanae doctrinas & ritus supersticiosos notavisse. Sed quæ in contrarium adfert, tam frigida & iciuna sunt, ut quisque facile imbecillitatem argumentorum ipsius animadvertere queat. Effugia illa solide excussit. *cel. Gerdesius*, hist. reformat. T. I. p. 41-43. & T. III. p. 13-16. Coronidem P. VI. imponit historia episcopatus *Medioburgensis*. Huic tres præfuerunt præfules: *Nicolaus de Castro* ab a. 1573. qui vero non ita multo post vivis excessit; *Ioannes van Streyn*, & *Carolus de Rodan*, qui vero ob mutationem religionis, & motus bellicos, muneribus suis neque initiari, neque fungi potuerunt.

Ex brevi igitur operis huius præstantissimi recensu, utilitas illius abunde adparet: non tamen negamus, illi nævos quosdam, qui ob eiusdem molem evitari minus potuerunt, inesse. A moderatione etiam animi A. est commendandus: ubi enim ad reformationis tempora pervenit, non conviciis emendata sacra sequentes exagitat, sed satis habet, ipsos *acatholicos* adpellare. Scriptor *historiae de rebus ecclesiae Ultraiectionis, a tempore mutatae religionis in foederato Belgio*, *Colon. Agripp.* 1725. 4. passim sugillat *Heussenium*, adfirmantem, post obitum *Schenckii*, *Sasboldum*, *Vosmerum*, & *Phil. Rovanium*, archiepiscopali dignitate eminuisse, & penes *canonicorum collegium* ius eligendi antistitem resedisse; monet etiam *Heussenium* subinde diplomata non optimæ fidei in medium adducere. Verum enim vero (1) notari velimus, *Heussenium* non diserte dicere, ipsos archiepiscopos fuisse, sed tales dictos & habitos fuisse a suis, & ab exteris, & ab ipsis etiam principibus viris, quin & ab *acatholicis*:

T. I.

T. I. P. II. p. 49. T. II. P. I. p. 43. (2) Collegio canonicorum, vel illorum, qui cum vicario ecclesiæ Traiectinæ res eurabant, ius eligendi vicarium competere, non Heussenius solum, sed & alii bene multi adfirmarunt: loquimur autem de iure; pontifex enim omnia iura constituendarum ecclesiarum invasit, sibi que soli adseruit. Et siquidem *Carolus V.* eiusque filius *Philippus II.* iure nominandi episcopos sunt gavisi, illud ius ad supremos foederati Belgii ordines cum summa iurisdictione territoriali postea devolutum esse tuto adfirmare licet, qui illud collegio ecclesiastico concedere potuerunt. Quare in eorundem edicto 17. Aug. 1702. expressis verbis dicitur, *quod nullus vicarius agnosci poterit, nisi qui secundum modum, in his regionibus usitatum, debite fuerit electus.* Habetur illud c. l. p. 139. Quod autem (3) anonymo aliquando duriora verba exciderunt, procul dubio ex imprudenti fervore provenit; Iansenismi enim suspectus erat Heussenius. *Hominis fama, inquit, haut incolumis est integra. Arguebatur, quod novis, quæ tunc gliscebant, opinionibus impense faueret: quod in Arnaldi, aliorumque Ianseniani æroris alumnorum familiaritatem se demersisset: quod de indulgentiis minus recte sentiret, ut colligi poterat ex eius libello hæc de re edito, p. 56. 67. Accedebat, quod in publico cultu, contra morem ecclesiæ romanæ, quædam mutare religioni sibi haut duceret: sacramenta baptisimi, matrimonii, ac extremæ unctionis, vernacula lingua administrare, et ecclesiasticas preces tumulandis fidelibus eodem idiomate adhibere palam, et in frequenti catholicorum corona veritus non est, p. 58.* Quæ crimina! Chartæ topographiæ, ichnographiæ urbium, icones virorum insignium, episcoporum, sanctorum, delineationes templorum, monasteriorum, armorum gentilitiorum, insunt 93. Charta & typorum elegantia, potissimum Tomo II. se facile commendabunt. Mendæ typographiæ a perito lectore haut difficulter animadverti poterunt. Unicuique parti index est subiectus, qui in tali Opere, quod a capite ad calcem vix duo aut tres legerint, nonnisi magno lectorum incommodo desideratur.

HISTOIRE CIVILE, ECCLESIASTIQUE, ET LITTÉRAIRE de la Ville de Nîmes, avec des Notes & les Preuves,

i. e.

HISTORIA URBIS NEMAUSI, CUM ADNOTATIONIBUS, & actis facta comprobantibus. Per Dom. MENARD, ibidem iudicii praesidialis consiliarium, academiae regiae Inscriptionum & optimarum litterarum adscriptum.

Tomus III.

Parisiis, 1752. apud Hugonem Danielem Chaubert, & Claudium Herissant. Cum approbatione ac privilegio Regis.

3 Alph. 7 plag. in 4.

Volumine hoc III. comprehenduntur memorabiliora historica, ad urbem Langedociae, Nemausum, referenda. Exordium Auctor duxit ab a. 1378. telamque suam ad finem usque anni 1481. pertexuit, nulli operae parcens, ut fidem, diligentiam, & historici mensuram imple-ret. Pleraque proxime faciunt ad historiam Galliae politicam, cuius supplementa haec exhibentur, nec tralatitia, nec rara. Insignis pars geographiae Galliarum medii aevi hinc hauriri potest. Historiam ecclesiasticam, & fata Iudaeorum, Auctor ita ob oculos habuit, ut utrique notitiae passim faciem accenderit. Sed nequidem res potiores, ad notitiam numariam & oeconomicam referendas, neglexit. Consulum & Seneschallorum munia, statumque provinciae Langedociae, ac regionum circumvicinarum, ex oculis suis haud dimisit. Nobiles, Nemausi commoratos, a. 1390. recusasse partem tributorum ferre ad summam argenti exsolvendam Anglis, quibus ea erat tradenda ex pacto, ut urbes Galliae bene multas praesidiis suis nudarent, refert. Mirum est, Canonicos basilicae episcopalis Nemausi a. 1394. noluisse moveri e templo suo celebrationem festi stultorum, & alio transferri: quod festum vetusta simplicitas pepe-

pepererat, religiosis locis, ob ridiculos vestium ac ceremoniarum modulos, prorsus indignum. Ioannes de Blauiac, Episcopus Nemausi, postea ecclesie Romanæ Purpuratus, Episcopatu dimisso, ab Urbano V. cum Aegidio Aicelino a. 1362. Parisios, ut academiam ibi reformaret, missus fuit. Avenione a. 1379. 8. Iul. subito expiravit, ante-
 quam institutum suum perficeret, condendi collegium Tolosie, *Nemaufense* adpellandum, in quo ex sumtibus corrogatis pauperes adolescentes alerentur, & litteris scientisque imbuerentur. Rex Carolus VI. a. 1380. Gallias levavit onere contri-
 buendi numos subsidiarios, bello propulsando antea destinatos. Clemens VII. dat negotium administratori Episcopa-
 tus Nemaufensis, ut disquireret indolem miraculorum, quæ corpori vel umbris Urbani V. in templo S. Victoris Massiliæ sepulti tribuebantur, fama vulgante. Nutum Ducis Bituricensis secuta fuit omnis Langedocia, postquam copiarum eius ad Nemausum de reluctantibus victoriam reportarunt. In-
 valuit prædatorum colluvies nova, dicta *Touichins*, Langedociae & præcipue Nemaufensibus admodum molesta. Sene-
 schallus Nemaufensis Provinciales compescuit, Aquis Sextiis expugnatis. Ao. 1383. Bernardus de *Bonneval* electus fuit Episcopus Nemaufensis. *Tuchinatus* conquiescit tandem Nemausi a. 1384. enatus nuper ex dissidiis mutuis nobilium ac civium. Anno ineunte 1386. Rex Carolus VI. iussit suos conferre pecuniam subsidiariam, prætexens expeditionem cruciatam, re ipsa bellum in Angliam translaturus: concessit tamen, ut, qui in promptu eam non haberent, fumerent a templo-
 rum & domuum votivarum antistibus, aut aliunde, mutuum eam argenti summam, quæ esset, iussu Regis, pendenda. Angli incursionibus ac deprædationibus meridiionalem vexabant Galliam, ad Nemausum fere excurrentes. Anno 1387. Rodæ transactio Anglos inter & Gallos 6. Iul. sancita, qua cautum fuit, ut Angli relinquerent urbes, quas in Langedocia occupassent. Carolus VI. venit Nemausum, comitatus fratre Duce Turonensi, ac consanguineis & primoribus. Duci Bituricensi administrationem Langedociae Rex ademit, & Aven-

nione rediit Lutetiam, tribus ad res Langedociæ & Aquitanizæ
 Pag. 70. reformandas antistitibus designatis: inter quos erat Archiepi-
 scopus Rheimensis, paullo post Nemausi veneno extinctus.

Eruperunt denuo dissensiones inter nobiles civisque
 Nemausi. Regi visum, castrum ibi construere, ut immo-
 rigeri facilius coercerentur. Papa Episcopos recens electos
 nonnumquam repudiavit, & administratores constituit Episco-
 patuum, Rege nihil contra monente, licet unus Papa Ro-
 mæ, alter Avenione commoraretur. Ut Deus hoc schisma

88. Deum deprecati sunt. Eandem paullo post repetunt, ut Regi
 Carolo VI. ægrotanti sanitatem pristinam exorarent. Votis
 respondit eventus. Ut igitur Deo gratias agerent, tertium
 processerunt religiose per urbem. Exinctum fuit a. 1394.
festum flutorum in ea urbe. Celebrabatur id per orbem occi-

93. dentalem christianum propemodum omnem, natalitio Iesu die,
 ac uno alteroque postero, in ipsis templis. Gaudebant homi-
 nes de Iesu nato, ut scilicet solebant gaudio colorem dare.
 Saltabant & profanabant tum mores, tum loca, tum haud
 raro corpora. Clerici solebant interesse saltationibus, easque
 ardentius sæpius cum Laicorum feminis frequentabant, ne
 scilicet viderentur odisse feminas. Anno 1399. Nemausi,
 lucta, in festum Ludovici sancti diem fuit constituta, & victori

III. præmium ex pacto datum. Xenodochium, leprosis excipien-

118. dis dicatum, dictum fuit *domus S. Lazari*. Ludovicus II.

Rex Neapolitanus, & Carolus Nobilis, Rex Navarra, a. 1408.

Nemausum venerunt. Suum cuique honorem Nemausen-

128. ses habuerunt, in eo positum, quod mensuram vini cuivis,
 sex faces, sex item ceræ libras, obtulerint. In secessum eremiti-
 cum, ad Nemausum, se abdidit vetula, cui mortuæ substituta
 fuit altera.

Consules suppeditarunt impensas, ut illa redde-
 retur particeps unctionis extremæ, ac sepulturæ. Episcopus
 Nemausensis Aegidius *de Las-cours* interfuit a. 1409. Conci-
 lio, quod in basilica Pisfis celebrabatur ad schisma Papale

131. extinguendum, indictum ad d. 25. Mart. Uterque Pa-
 pa, Gregorius XII. & Benedictus XIII. pro hæretico & schif-
 matico fuit publice reputatus, ac dignitate sua orbatus.

Lucas

Lucas d'Achery acta publicavit *Spicil.* To. VI. p. 225. Concilio illo electus fuit in Papam Ioannes XXIII: Benedictum XIII, qui cum suis Avenionem tenuit, Carolus VI. Rex iussit per Seneschallum Belloquartensem obsideri in palatio, ac renuntiare Pontificatui. Bello mox intestino flagrare coepit Gallia. Dux Bituricensis cum Ducibus Britanniae & Pag. 133. Aureliae foedus inierunt adversus Burgundiae Ducem, Regi fidum. Rex igitur Duci Bituricensi ademit Langedociae administrationem: tum ad comitia Parisios iussit coire proceres universos. Nemaufenses cives armis instruebantur. Bituricensi, qui noluit dignitate sua cedere, non defuerunt sectatores, qui loca quaedam occuparunt, praedasque in omni circum agro egerunt. Qui Regi savebant proceres, consularunt Nemausi & Montepessulano. Pax tandem 1412. 13. Iul. coaluit in campo Biturici, inter Regem & rebelles. Super- 138. erant socii Comitibus Armaniaci, qui adhuc tumultuabantur. Urbs *la Mothe* ad Rhodanum eis fuit a regis adempta. Benedictus XIII. recusavit dignitate Papali decedere, schismati continuando intentus. Ioannes XXIII. iussit Langedocienses, Regi pendere rogatam argenti summam, ad statum publicum defendendum, & componendum. Regi convenit 141. tandem cum Duce Bituricensi, transactione nova 1413. 10 Aug. qui gubernationem Langedociae recepit 21 Oct. Duci vero Burgundiae, cui culpa rebellionis fuit tributa, bellum Rex indixit a. 1414. 10 Febr. Dicebantur tum Angli Langedociam invasuri. Summas pecuniae Langedocienses Regi ingentes pendebant; etsi Burgundus eis denegationem solutionis, passim suffragatores nactus, suaderet. Castellum Nemaufense a Seneschallo Belloquartenfi armis praefidiisque munitum, quo cives in officio retenti sunt. Carolus VI. convocavit Galliarum Clericos Lutetiam 1414. 1 Oct. ut ex eis deligeret adfessores Concilii Constantiensis, schisma Papale extincturi. Obiit Dux Bituricensis a. 1416. 15 Iun. Rex, Langedociam ditioni suae iam iungere 144. penitus, decrevit. Regis filius natu maximus obiit, post Ludovicum. Supererat tamen Carolus, Comes *de Ponthieu* dictus, minimus natu Regis filius, qui etiam Carolo patri successit.

Duci

Duci Burgundiæ hæc non poterant probari. Interea Rex Carolus fato concedit. Isabella Bavaria, regina, gubernacula regni, magnis ausibus, capeffit, & in confortium sibi deligit Ducem Burgundicum a. 1417. ineunte Novembri, in urbe Carnoti. Carolus, filius Caroli, secus sensit, ipse populos Galliarum rectorus. Regina ei a consiliis dedit Ludovicum Cabillonensem, Genevæ Comitem, filium natu maximum Principis Arausicensis, 1418. 30 Ian. aliosque. Languedocienses sensim Ludovico se dedunt. Carolus vero, se rectorem Galliarum esse, declaravit, ac Proregem suum per Langedociam constituit Archiepiscopum Rhemensem, armis auctoritati Regis consulturum. Regina & Rex Carolus, consilio

- Pag. 150. coniuncto, statuunt Comitem, *de Foix* dictum, gubernatorem Langedociæ, obnitente Principe Arausicensi, & arma capeffente. Inde bellicæ dissensiones intestinæ. Comitem Rex iussit muniis suis discedere, Langedociensibus, qui Comitem secuti fuerant, in gratiam receptis. Nemaufenses Rex ipse ad officium redire coegit, urbe & arce expugnatis. Pars moenium tunc deiecta. Rebelles gravissimis
153. suppliciis adfecit. Dum hæc ita aguntur, Regina foedus init cum Rege Angliæ, eumque Galliarum Regem declarat, pactione Trecenti a. 1420. 11 Maii, quamprimum Carolus Rex obiisset, & Rex Angliæ in uxorem duxisset Catharinam, filiam Regis Galliarum. Carolus demandavit Langedociam tuendam, & porro coercendam, Carolo Burbonio, Comiti Claremontano, profecturus Parisios. Princeps Arausicensis tentavit adhuc nonnihil ad Rhodanum contra Regem. Carolo VI. Regi, 1422. 21 Oct. mortuo, successit filius Carolus VII. Pictavii coronam regni nactus, in Langedocia iusiurandum fidelitatis passim a *Vasallis* exegit.
157. Nemaufensium imposuit præsidia, ad prædones arcendos, & ad urbem pacandam. Comitibus dein celebrat Turoni 1428. 18 Iul. ad quæ proceres regni certatim convenerunt. Rex a. 1429. solennissime Rhemis fuit coronatus. Sed Regnum in duas factiones abiit non ita multo post; quarum una Carolum, altera matrem Isabellam & Regem Angliæ, venerabatur.

Latro-

Latronibus inde occasio, infestandi provincias, versus Pag. 173.
meridiem sitas. Carolus VII. eiusque filius natu ma-
ximus, Ludovicus, 1437. 21 Febr. Nemaufum lustrant.
Eugenius IV. Episcopatum Nemaufensem vacuefactum uni ac
alteri, ex dilectis suis, in administrationem tradidit. Nobil- 191.
les Nemaufenses Rex a lege pendendi partem pecuniarum
subsidiarum exemit. In Langedociam venit deinceps, & 195.
multum inde argenti collegit 1439. Ludovicus, Regis filius,
transegit cum latronibus, in eadem provincia exercitum con-
tra Anglos collegit, & plerisque nobilibus vacationem a
bellica expeditione indulgit. Nemaufi anniversaria & festa
processionis sacre cerimoniam a. 1450. decreta, ut Deo
gratie agerentur, de Anglis ex Normandia exturbatis, 209.
& de *Cherburgo* ad 12 Aug. a Carolo VII. expugnato. Pes-
tis Nemaufum inde a Maio anni 1450. ad finem anni 1451.
ita adfluxit, ut nequidem ius dici posset in tribunalibus. Ter-
ra motus luem haud ita multo praecesserat. In tractibus
Guiennensibus *Seneschallus*, *Raimondus de Villa*, Anglis mul-
tum intulit detrimenti. Nemaufensium haud pauci anno 213.
1452. a lepra fuerunt tentati: nonnulli eorum a sanis
disiuncti: pestis denuo vires recuperare visa. Obiit
Rex Carolus VII. 1461. 22 Iul. Ludovicus XI. filius ipsius, 232.
consecratus ac coronatus fuit Rhemis 1461. 15 Aug. Epi-
scopus Nemaufensis sese iureiurando devinxit ad fidelitatem,
Regi praestandam. Exstat iurisiurandi formula memorabilis.
Ioannes II. Rex Arragoniae, Perpigniacum, urbem Ruffilion-
ensis Comitatus, ditioni suae submiserat. Helvetiorum XII
millia alique adversus eum moverunt expeditionem armatam. 253.
Princeps Tarentinus a. 1476. 16 Aug. invisit in itinere Ne-
maufum, nec non Alphonsus V. Rex Lusitaniae, ad Kal. Sept.
Ludovicus XI. in Flandriam exercitum ducit, ac a. 1477. reci- 259.
pit Atrabaturp, rebellionem antea intentum. Incolas plurimos
veteres per Gallias deduxit, colonos novos adscivit in eam ci-
vitatem, qui a defectione essent alieni. Carolo VII. & filio
Ludovico haud bene convenit. Principi Tarentino, Ne-
maufum venienti a. 1479. honos vino donato habitus fuit. 261.

Yy

Nemauf.

Nemaufenses in honorem Baudilii extra urbem sacellum *Trium fontium* struunt. Galli *Baufilum* vocant eum, tradentes, eum hoc loco ultima perpeffum esse, eiusque caput cervice amputatum bis subfiliisse, ac in locis, ubi humi cecidit, scatuille fontes. Falsam esse eam narrationem, significavit

Pag. 265. Auctor *Tom. II. pag. 229 seq.* Rex Galliarum continuavit bellum adversus Maximilianum, Mariæ Burgundicæ maritum. Intercesserunt a. 1480. induciæ utrinque. Ludovicus XI. volebat Atrebatum vocari *Franchise*; sed nomen vetus exstingui non potuit. Iussit etiam Rex mercatores sex urbium, Tolosæ, Albi, Mendarum, Pezenaci, Nemausi & Pontis S. Spiritus fisco communi inferre Atrebatu 500000 scutorum aureo-

270. rum, ad commercia communiter inde exercenda. Aerarium id, cui quæstor præesse iussus, vocatum fuit *bourse commune*. De morte Ioannis de Blaufac, Purpurati Nemaufensis, Avenione extincti 1379, qui Clementi VII. adhæserat, nonnihil Auctor adfert, S. Antonini Archiepiscopi Florentini fidem sollicitans. Differit idem de *sece præfidali* Seneschallatus Nemausi & Bellicadri seu Belloquartæ. Seneschallus dictus fuit

Pag. 7. Not. præfes provincie. Henricus II. a. 1552. constituit sedes hist. *præfidiales* in urbibus primariis, ubi erant Seneschalli, seu Præfecti. Differunt illi a præsidalibus, ad curiam præsidis spectantibus. De *rege mercerorum* Nemausi ad a. 1593. paucula restant. Ipse in mercatu publico festas exhibuit cerimonias. Mercatus ille quotannis ad 20 Maii, Baudilio fe-

10. stum ac sacrum quotannis, celebratus fuit. Prior S. Baudilii tunc significavit publice, ne quis emeret venderetve merces, quam in prato definito ac consueto, nisi 25 marcarum argenti multam mallet incurrere. Religiosi illius Prioratus excreverunt sæpius ad 45, seculo XI. At seculo XIV. monasterium id

13. aluit modo XII religiosos. Templum Nemausi gavifum fuit iure asyli. Ob usum autem præposterum, a templis Gallie ius illud fuit detractum. Advocati regii, Ioannis de *Terra rubea*, sepulcrum & epitaphium eo memorabilius est Nemausi, quo acrius Ioannes ille vindicias iurium filii Regis Caroli VI. propugna-

17. vit. Libro eius hæc erat inscriptio seu titulus, *Ioannes de Terra rubea*

rubra contra rebelles suorum regum. Iacobus Bonaud, qui librum edidit, titulum amplificavit. Recentiores cum ita inscripserunt: *De iuribus & praeseminentiis delphini Franciae.* Ad-diderunt hi tractationem *de potestate Papae*, quæ alio Auctore videtur orta. Chronica, Acta & Diplomata, ac Indicem diligenter concinnatum, iam adtingere haud licet. Glossario adiecto Auctor Ill. lectoribus, Acta evoluturis, merito consuluit. Ex plerisque vocabulis patescit modus, quo exinde proceverunt vocabula gallica recentiora. En nonnulla. *Absoluta* significat preces pro defunctis (*absoute*), *affacharia* possessio fundi usufructuaria cum cultura, unde dominus percipit fructuum dimidiam partem, *almorna* (aumône) eleemosyna, *anbe* cum (*anben*), *annata* decursus unius anni, *argente-* Pag. 347.
rius aurifaber, *arrasare* cumulare, *aurelha* auris (oreille,) *taborellus* tympanum minus, *tencha* atramentum scriptorium, *valve* æstimatio, *villanus* agrestis homo, *parlamentum* sermones tumultuarii, *pavalhonus* vexillum, *perforfar* vim adhibere, *pigio* columba, *pilla* ampulla olei, *polassus* gallus gallinacæus *tener*, *polomarium* filum crassum, *prezionarius* captivus in carcerem datus, *raubare* spoliare, *regatare* redimere interposito lytro, *romancium* lingua vulgaris Langedociæ, ex veteri romana superstes, quæ vicit linguam Francorum germanicam, ac novam gallicam progeniuit pæne universam.

DISPUTATIONES CHIRURGICAE SELECTAE.

Collegit, edidit, praefatus est ALBERTUS
HALLER.

Tom. I. Lausannæ, sumptibus Marci Michael. Boufquet & sociorum, 1755. Alph. 3. pl. 7.

Tom. II. ibid. Alph. 3. pl. 7. in 4.

Magnam, omnes, qui artem salutarem vel docent vel faciunt, Celeberrimo Collectori, pro novo hoc munusculo habent gratiam. Gratia quoque illi habenda est pro pietate, qua Celeberrimorum Virorum scripta cæteris, uti fieri solet, fatis dispersionum obnoxia, vindicare

ab interitu voluit. Quodsi post hos Tomos, reliquos acceperit respublica literaria, quos propediem apparituros legimus, Bibliothecam Chirurgicam novam & Systema Chirurgiæ locupletissimum illa habitura est: Nunc morbi capitis, speciatim oculorum, deinde colli & pectoris, gravissimorum Virorum schedis academicis, tam superioribus annis, quam recenter evulgatis, traditos habemus. Expectamus reliquos titulos: namque novimus magni Halleri in servandis promissis fidem, dexteritatem, industriam.

I.

Dissertatio Medico-chirurgica exhibens casum de Vulnere Fronti inflicto, quam pro gradu Doctoris defendit IO. ANDREAS CONRADI, Osteroda-Hannoveranus. Lugduni Batavorum, 9 Ianuarii Anno 1722.

Cum miles vulnus sclopetarium, minimis globulis ad frontem adactis, tota anteriore parte cerebri, acceperisset, nec mentis impos exinde factus fuit, nec alia, quæ vulneribus cerebri accidere solent, symptomata exinde habuit; vulneris tamen profunditas, ossium destructorum ratio, & effluens ex hiatu vulneris materies, cerebrum tactum esse, abunde ostenderat. Convaluit ager, cum vulnus ex imo ad summum repurgatum, partim sponte natura, partim medicamentis, esset. Nec quidquam opus modiolò esse iudicatum fuit, cum depressam aliquam ex ossibus partem & cerebro alte infixam esse, nulla signa proderent. Hac occasione de lethalitatis vulnere ad cerebrum abeuntium, limitibus, de usu Trypani, de cerebri actione ad actiones vitales non necessaria, de vulneratorum regimine, multa proponuntur quam curiosissime.

II.

Dissertatio Medica de Contrassura, quam, Præfide GEORGIO WOLFGANG. WEDELIO, pro Doctoratu obtinendo defendit RUDOLPHUS CHRISTIANUS WAGNERUS, Matheos Professor. Ienæ, mense Decembris Anno 1708.

Non

Non tantum duris partibus & ossibus, maxime Calvariae, hoc ita evenit, ut in averſa parte illatæ iniuriæ, loco in quem ictus cecidit ſalvo manente, oppoſita dividatur regio, ſed molles quoque partes, Hepar, Lien, hoc experiuntur, ut in fragmenta diſcedant, cum locis; ſub quibus ſunt, aliqua violentia facta eſt. De oſſibus in oppoſito loco ſiſſis hic erudite agitur. Hæc *Συμφορη*, veluti Hippocrates hunc eventum nominat, diſſicillimus ille caſus, variis modis accidit: Interior oſſis tabula diſſilit, externa manente; fiſſura per futuras ex uno oſſe tranſit in vicinum: ex uno oſſe, intermedio manente ſano, veluti tremore aliquo, in tertium oſ ſiſſura datur, ut, ſi oſ frontis percuſſum eſt, occipitis oſ diſſiliat: in eodem oſſe, qua parte læſio eſt, fiſſura non eſt, uti cum oſ frontis a dextris iniuriam accepit, ſiniſterior eius regio diſſilit. Occulta ſæpe rima in baſi Calvariae eſt. De hiſce omnibus, erudite agitur, ſigna, quibus contraſſura intelligi poſſit, eruuntur, & ſanationis media proponuntur.

III.

Diſſertatio de Tumore capitis fungoſo, poſt cariem cranii exorto, quam, Praeſule IO. FRIDERICO CRELLIO, defendit IO. PHILIPPUS KAUFMANN, Lunenburgenſis. Helmſtad. 6 Decembr. 1743.

Cum de profundis oſſium calvariae locis tumor enaſcitur ex carne laxa, atque ille ſubinde magis atque magis excreſcit, Fungum appellant, quem fibræ ipſorum oſſium, membranis diſſepientibus intertextæ, & a malo humore totius corporis ſubinde auctæ, hinc valde dilatæ, efficiunt: ſi quis tumor parum profundus eſt, ut tabulam oſſium bregmatis, in quibus potiffimum ille morbus exiſtit, nondum perforet, extirpationi locus eſt prope ab origine, ſi quoque iam caries ſupremam oſſis tabulam pervasiſt, poteſt illud, decerpta vitioſa carne, crebris perforationibus, ad frugem redire. Sed immedicabile malum eſt, quodſi & interna tabula exefa fuit, & vel dura mater, quod CELSVS vidit, excreſcit, vel, quod peius, ipſum cerebrum ſua parte corticali intumuit, & in tumorem exter-

num sese immiscuit. Casus præsens ex ultimo ordine est: pessima occasio ægritudinem fecerat, contagium scilicet galli- cum, quod, cum in tenuem ab initio excrecentiam erupisset, eo usque auxit morbum, ut, etiamsi tumor apertus caustico esset, nihil tamen exinde commodi nasceretur, & convulsus æger periret, nisi sanationis modos, certe morbi historiam suo fato illustrans.

IV.

Dissertatio Medico-chirurgica de Exostofi cranii rariore, quam pro Doctoratu obtinendo tuebitur, IO. CASPART CANTSTAD. Wirtemb. Suevur. Argentorati, mense Decemb. 1730.

Exostosis in tantum differt a carie, in quantum abscessus ab ulcere. Est enim exostosis occultus ossium tumor, qui nondum erupit, cum mala materies ex toto corpore ad os- sium diploen, lege circuli, translata fuit. Caries autem, se- cundum varias, quibus differt, species, ossium carcinoma & veluti cancerum apertum sistit. In hoc casu tumor ossis ostenditur, qui sub periosteo ossis temporis ex tabo venereo na- tus sensimque auctus est, eo plus, cum soluta vivendi penes ægrotum ratio pravi humoris affluxum subinde augeret. Tu- mor intra diploen ossis illius, etiamsi illa non admodum am- pla est, natus, internam quoque tabulam distenderat menin- gē, cerebrum presserat, inde dira symptomata, mors. Pro- ponuntur ossium carie occulta affectorum cause, signa, auxi- lia. Oportet enim tumores eiusmodi detegere, oportet etiam os radere, & ad sanam usque partem illud destruere.

V.

Diff. med. exhibens casum memorabilem de Carie Cranii, quam pro Aggregatione obtinenda defendet IO. HADRIA- NUS SLEVOGTIUS. Ienæ, 27 May 1695.

Caries ulcus ossis est ex morbida parte procedens in sanam. Hæc quandoque ex occulto ossium tumore nascitur, ali- quando statim germinat, cum alicui ossi periosteum vi demit- tur, a quo tempore nutriri illud desinit & putrescit, quod
πύκνεν,

πύσιον, in pus vel ichorem verti, Hippocrati dictum est. Præsens casus levem cariei ossis sincipitis occasionem discutit. Ex ictu ad os sincipitis inflicto puer, cuius ossa *ἐναιμότερα* Hippocrati, id est *rara & succulenta*, hinc ad cariem proclivia, dicuntur, ex hac iniuria externa, sanguinem sub pericranio effusum habuit. Aliquo post tempore pus sub eodem loco natum est; sero incisus tumor, cum pus partem ossis extremam iam devorasset, ostendit internam quoque tabulam destructam, per quam dura meninx cum pulsu articularum conspiceretur, perque eius foramina ichor efflueret. Frustra tentatis omnibus, inter dira symptomata æger extinctus est, atque, de carie ossium differendi, amplam materiem suggessit.

VI.

Quæstio medico-chirurgica, an post gravem, ab ictu vel casu capitis percussione, non iuvante etiam iterata terebratione, dura meninx incisione aperienda? quam Præfide M. GASP. COCHON DUPY, tuebitur BARTHOLOMAEUS MURRY, Laonensis Hybernus, Baccalaureus. Lutetiae Parisiorum 16 Febr. 1736.

Postquam ex gravi ictu capiti illato æger decumbit exanimis, si vomit, si illi sanguis ex ore fluit, meningas ipsumque cerebrum, ex osse læso, vel a collecta sub illo materia, affligi, percipimus. Etiam si quoque statim illi effectus sese haud ostendant, securos tamen chirurgos esse propterea haud oportet; iam sexto septimove die, hæc ita, post vulnus, evenire possunt. Igitur si vulnus iam est, vel si vulnus hunc in finem excitatum est, specillo, quid ossibus evenerit, disquirendum est sedulo: moram morbi haud fert atrocitas: via aperienda est, qua ad interiora perveniri & sanguis, aut post plures dies pus, educi possit. Igitur modiolus iuxta fractum os sistitur, & orbiculus exciditur, nisi ossis fragmentum aliquod iam separatum, & hiatus spontaneus factus fuit, qui ad inspiciendum cerebrum satis esse possit. Etiam si autem os excisum fuit, propterea tamen sæpe non conquiescunt symptomata,

ptomata, si forte sanguis sub dura matre collectus fuit, id quod ex eius tumore percipimus: qua de causa incidenda dura meninx est, ut via sit, per quam humor effluere possit. Hoc ita fieri oportere & posse, usus docuit.

VII.

Dissertatio medica inauguralis, exhibens rarissimam sanationem cerebri quassati, cum notabili substantiae deperditione, quam Praefide DAN. HOFFMANNO, defendet IO. CHRISTOPHORUS CAMERARIUS. Tubingæ, mense Augusto 1719.

Non omnia, etiamsi graviora fuerint, cerebri vulnera, lethalia esse, argumento puer est, cui tegula ex alto labens, sinistri scincipitis cutem os & cerebri partem una abstulit, ut encephali portio ex vulnere prodiret. Convaluit puer, postquam sanguis substitisset, & benefica suppuratio non levem cerebri quassati partem expurgasset. Dextrum latus fuit paralyticum, etiamsi vulnus a sinistris esset. A decimo sexto die, sequentibusque, paulatim actiones animales ad se reversæ sunt, nec quidquam virium animi puer sibi demptum esse postea intellexit: oportuit omnino vulnus sero claudi, quo effluenti materiae iter pateret. Demum post longum tempus ossis laminae morbidæ secesserunt sponte, & vulnus ex toto clausum fuit: qua materie autem substantiae cerebri iactura suppléta fuerit, quo callo, qua cicatrice eius hiatus fuerit clausus, arduum est explicare.

VIII.

Dissertatio Medico-chirurgica de vulneribus cerebri non semper letalibus, quam Praefide ANDR. ELIA BUCHNERO pro Doctoratu consequendo tuebitur, IO. CHRISTOPHORUS TEUBELER, Riga Livoniarum. Halæ 10 Iulii 1750.

Vulnera tantum illa sanari recusant, & mortem ex ἀνάγκη ex necessitate afferunt, quibus sanguinis & spirituum iter ad partes penitus intercipitur, & vitæ leges evertuntur. Etiam si autem

autem nullum ex capitis vulneribus leve censeatur esse, sunt tamen haud pauca ex illis, quæ nequiquam occidunt, illa scilicet, quæ viam una habent patentem, qua humor effluere possit; nec illa mortem necessariam faciunt, quæ in solo cerebri cortice subsistunt. Sed servari nequeunt, quibus vasa cerebri maiora destructa sunt, quibus in ventriculos cerebri & basin calvariae sanguis confluxit. Docuerunt morbi in cerebro & cerebello nati, docuerunt experimenta cum canibus instituta, docuerunt vulnera capitis profunda, non desperandum de salute eorum esse, quibus cerebrum patet.

IX.

Dissertatio medica de Fungo Cerebri, quam Praefide GOTHOFREDO SAND, M.D. & P. P. defendet GEORGIUS ALB. STOLTZ, Inslerburgensis. Regiomonti, 7 Decembris anni 1700.

Viro nobili, cum ille diu multumque de vertiginibus & doloribus capitis conquestus esset, tumor ad futurarum coronalis & sagittalis concursus, valde cruenus, natus est; perceperunt artifices, immisso per angustum ulceris sinum stilo, ad interiora cerebri malum procedere, & exeam carie esse utramque ossis tabulam. Igitur denudatum os, & totum, diversis in locis, tribus vicibus, modiolis usu perterebratum fuit. Ita non tantum caries ossis deleta, sed callo aut fungo cerebri sub ossibus nato locus concessus etiam est, quo, suppurando, exire malus eius humor posset. Feliciter cessit temeritas a Theologo exprobrata artificibus, namque, tres orbiculi terebrando excisi, cum in unum hiatum, effractis ferrula interstitiis, conversi essent, satis commoditatis dederunt, qua admoveri cerebro medicamenta ex melle, myrrha, herbis cephalicis, vino dulci parata, potuerint: si qua caro excresceret, causticis statim subacta fuit, & ager, omni morbo liberatus, arti trophæum statuens, salvus abiit.

X.

*GEORGI AUGUSTI LANGGUTH, Prof. Vitem-
ber-*

bergenfis, Programma de finis frontalis vulnere sine terebratione curando. 8 Octobris 1748. habitum.

Omnis omnino osium Calvariae locus terebrationi commodus haud est: omnium minime illam fert frontis os, qua parte excavatum illud est sinibus, quos frontales appellant; namque evitari nequit, cum modiolus ducitur, quin tunicae pituitariae illa progenies, quae sese per omnem frontis finum proiicit, irritetur vulnere, cuius rudi contactu oportet oriri symptomata varia, sternutationes, spasmos, convulsiones; nec opus quidem est in ista parte admoveere modiolum, cum, fragmenta ossis huius, ob intercurrentem finum, ad cerebrum usque non facile deprimantur: quid impedit externam ossis frontis tabulam ad usque finum, terebrando aperiri, ut locus sit, cui forceps applicetur.

XI.

Dissertatio medico-chirurgica, de morbis praecipuis finuum, ossis frontis & maxillae superioris & quibusdam mandibulae inferioris, quam Praefule FRANC. de ZIEGLER defendet pro Doctoratu consequendo LUDOLPH. HENR. RUNGE, Bremenfis, Auctor. Rintelii 10 Decembris A. 1750.

Organon olfactus late patet, estque tunicae pituitariae processus varius; alius enim ad ossis frontis, alius ad maxillae superioris cryptas pervadit. In istis propterea cavis varia nascipossunt incommoda, Polypus, ozæna, tumor cysticus, caries, sarcoma. De omnibus hisce, rarioribus sane, affectibus, singularia exempla excitantur, & methodus medendi exponitur.

XII.

Dissertatio medico-chirurgica de Fistula Lachrymali, quam pro Doctoratu consequendo defendet IO. CASPARUS SCHOBINGERUS, Sangallo Helvetur. Basileæ, 31 Augult. 1730.

Cum

Cum ossa, quæ canalem nasalem & lachrymarum vias constituunt, carie exesa sunt, fistula lachrymalis adesse dicitur, quæ aliquando occulta est, lata & veluti cæca, (*platte & borgne*,) aliquando aperto ad canthum oculi internum ulceri respondet: sub aliqua latitudine significatus, dilatatus quoque vel callo aut pure repletus lachrymalis sacculus, seu anchilops, nondum tamen ruptus, fistula dici posset. Oportet hæc omnia non ignorari; qua de re specillis & syringis ab Anellio inventis puncta lachrymalia sunt exploranda, sciendumque est, an sacculus penitus sit excoccatus, nec possit ille ullo modo aperiri: namque, si saltim expansus est, ob lachrymarum copiam & moram, potest comprimendo sanari. Ast ubi, pressio oculi angulo, sanies de puncto lachrymali effluit, atque illa talis est, quæ ossis vitium subindicet, aut nunquam sanabitur æger, aut oportet eius os unguium perfodi, omnemque cariem deleri, atque ita lachrymis novum iter ad nasum aperiri.

XIII.

Dissertatio epistolica ad clarissimum HEISTER. de singulari tunicarum utriusque oculi expansione, Auctore PET. CHRISTOPH. BURGMANNO. Rostochii, anno 1729.

Furi de fune pendenti, sub inchoante putredine, uterque intumuit oculus, ut tuberculum utrinque, dilatatis oculorum tunicis, ad usque labia, in longum propenderet. Phænomenon illud cerebro in putredinem evoluto tribuitur, cuius substantia per medium, quod in nervo optico est foramen, elisa & in oculum effusa, sub putredine esse dicitur; uti enim illa in cadavere miros quandoque effectus edit, ut ex eodem sanguis fluat, postquam putredo inchoans vasa rupit, ita hoc ipsum in cadavere furis factum est. Hac occasione de putredinis effectibus in cerebris animalium, quæ, illustrandi huius phænomeni causa, vasis clausis tenebantur, multa disseruntur. Tanta enim est salis volatilis sub putredine geniti efficacia, ut vitrea quoque vasa disiciat.

XIV.

*Dissertatio medica de Ectropio, quam Praefide IO. ZELLERO, M. D. & P. P. pro Doctoratu defendit Au-
gustor EGIDIUS CRATO KECK, Heydenh. Tubin-
gæ, die 17 Octobr. anno 1733.*

Varia de causa palpebræ evertuntur, atque illud morbi genus tam inferiori quam superiori palpebræ evenire solet, ut, margine earum evoluto, tunica eas succingens cum tumore, rubore, dolore, calore, in conspectum ducatur. Hinc illachrymatio chronica. Inferior palpebra huic morbo plus subiacet, si vulnus accepit, si tuberculum sub illa nascitur, si ulcus tendinem orbicularis destruxit. Equidem Lagophthalmos, quem dicunt, cum palpebra superior in se contracta oculum non claudit, similiter ab everfione succingentis tunicæ nascitur; est tamen ille morbus non semper ab ectropio. Ad interiora si margo palpebrarum revolvitur, entropium appellant; & cum pili ciliares albugineam ea de causa compungunt & irritant, phalangosin. Tumor adeoque, qui palpebras avertit, excindendus; vel, si possit, emolliendus est.

XV.

*Dissertatio medico-chirurgica de Tumoribus cysticis palpebrarum, & singulari steatomatico scirrhuso tumore, e palpebra superiori excisso, quam Praefide BURCARDO DAVI-
DE MAUCHART, M. & Chirurg. D. & P. P. pro Doctoratu consequendo defendit. CHRIST. THE-
OPH. WEBER, Micro Botto. Tubingæ, mense
Novembr. anni 1750.*

Quidquid tumorum in folliculo natorum, quos cysticos appellant, alibi in corpore oritur, ut passim erumpant melicerides, atheromata, steatomata, sarcomata: id omne quoque sub palpebrarum integumentis provenire potest. Abinde in superiori palpebra *πρωϊς*, ad inferiorem ectropium vel entropium, uti tumor intus vel foris iacet. Hunc oportet, ne revertatur, radicitus excindi una cum folliculo. *Saint Yves* transvexit setaccum, & hac ratione materiam evocavit, iussit-
que

que illud ad perpendicularum ducere, ne noxa inferatur eleva-
toris tendini. Sarcoma tale, quod totam palpebram superio-
rem occultaret, qua ratione excisum sit, exponitur.

XVI.

*Dissertatio medico-chirurgica de ὀφθαλμοῦσι nov-antiqua,
seu Woolhufiano-Hippocratica, quam Praefide BURC.
DAVID MAUCHART, P.P. defendet IO. GEORG.
GMELIN, Tübing. Tübingæ, mense Iulii, anno 1726.*

Hippocrates in suo περὶ ὀφθαλμοῦ libello modos exposuit, qui-
bus concidenda est tunica palpebris succincta, & ad co-
ronam τὴν τεψάλην usque excurrens, namque pupillæ margi-
nemita vocat: cardui aculeus, quem atriactylida appellant, huic
labori inservivit. Aliud instrumentum de chalybe, quod coch-
learis speciem habet, aculeis minutis oblitum, propositum est
a Paulo: Woolhousius ξύσρον vegetabile ex glumis secalinis
confecit, inter arcana habitum, quod primus divulgavit no-
ster PLATNERVS. Hanc Chirurgiam exercuerunt Arabes,
nunc exerceri de novo illa coepit: ὀφθαλμόξυσιν, Ζύσιν, ap-
pellant, oculi scarificationem quoque dicunt, salutarem visam in
magnis ophthalmiis, cumque sub tunica, quæ veluti albugineæ
epidermis est, alius humor malus colligitur. Hippocrates iam
monuit, cavendum esse, ne lædatur corona oculi & palpebra-
rum margo. Adeo parum novi nunc dicitur, quod non di-
ctum sit prius!

XVII.

*Dissertatio medico-chirurgica de maculis corneæ, earumque opera-
tione chirurgica, Αποτριψι, quam Praefide BURC.
DAVID MAUCHART, P. P. defendet IO. WIL-
HELM. BOURG, Ihringo Marchicus. Tübingæ, die
29 Aprilis anno 1743.*

Inter corneæ pellucidæ laminas varia visus impedimenta oc-
currunt; scilicet maculæ ab intercurrente materia per ca-
lorem inspissata natæ, hinc papulæ, parva ulcera, & cicatrix.
His varia indita sunt nomina græca, σπίλος, κηλίς, ἐξάνθη-

μα, ἔλῃ, λευκῇ, νεφελῇ, αἰγίς, παρὰλαμψις. Auferendum itaque eiusmodi impedimentum visionis vario modo est; si macula intercurrit corneæ laminis, nec adest inflammatio, eodem modo, quo vitra poliuntur, opaca hæc materies delenda est frictione. Hunc laborem τριψιν, ἀπότριψιν, græci appellant: Aliquando, si pus intra corneæ laminas hæret, illæ compunguntur instrumento, quod κατάντρον dicitur: detersioni opportuni sunt pulveres subtiliter triti, ossis sepia, Ireos Florentinæ; ex aromatibus laudantur caryophylli, amomum, quæ manducata salivam aliqua acredine imbuunt, ut, cum illa corneæ admota fuit, leniter exedere possit.

XVIII.

Tobiae Leucomata, dissertatione medica dilucidata, quam Praefide BURC. DAVID. MAUCHART, P. P. defendit CAROL. DAV. BRECHT, Thailfingensfr. Tubingæ, 24 Maii anno 1743.

Antiquus libri Tobiae græcus textus, morbum, qui eius oculis caligine obduxerat, λευκωμας appellat, quod ex stercore τῶν στρουθίων, passerum, illapso natum esset. Neutiquam autem aliud illud potuit esse vitium, quam quod ex inducta superficiei corneæ opaca lamina natum est: namque rediit Tobiae visus cum squamæ, applicatu bilis ex pisce, emollitæ caderent.

XIX.

De ungue oculi, seu pure inter lamellas corneae. Dissertatio medica, quam Praefide BURC. DAVID. MAUCHART P. P. defendit CAR. FERDIN. BILGER, Esslingensfr. Tubingæ, mense Iulii anno 1742.

Et medicos, & illos, qui græcarum literarum significatus curiosius evolvunt, scire refert, quid sit unguis. Confundi enim facile poterunt hæc: πτερόγιον seu Alula, Hypopyon seu pus sub cornea, unguis seu ὄνυξ, qui pus intra lamellas corneæ esse dicitur: ideoque, quam diu pus, ex phlyctæna aut pustula variolari intra laminas corneæ adhuc hæret, unguem dicen-

dicendum esse, Auctor putat: tunc demum ὑπόπυσς est, cum pus, peresis corneæ lamellis, in anteriorem cameram erupit, veluti διαπύσσις est, cum pus ex lamellis in cameram posteriorem effusum fuit: neutiquam πτερύγιον unguis est, etiam si Celsus ita acceperit, sed parvam alam dicunt, cum ex cantho oculi interno alba membrana ad marginem usque corneæ & desuper excurrit. Unguis, qui pus sub cornea est, iisdem, quam quibus abscessus maior aliquis, sanatur legibus, ratione subducta ad oculum.

XX.

Dissertatio de ulceribus corneæ, quam Praefide BURC. DAVID. MAUCHART, P.P. defendet CHRISTOPH. FRID. GIFFTHELL, Marbacensis, Tubingæ, mense Septemb. anno 1742.

Ulcera, quæ ubique sunt, suum quoque in minimo, quod inter corneæ pellucidæ laminas est, spatio, sedem inveniunt. Habent autem ἐλκύνθρια seu ulcera minima omne id, quod in ulcere magno & fistula alia maiore est, ostii angustiam, tubi callositatem, ichorem, morbi longitudinem, ipsamque curationem: specialis tamen ulcerum minimorum istorum, quæ oculis accidunt, debet esse observatio. Aliqua ex illis lata & superficialia sunt, sub extimis corneæ lamellis abscondita, ἀχλὺς, νεφέλη; alia angusto canali procedunt, in circulo Iridis, ἄργεμον, quod angustum & rectum est, in cornea βόθρον, quod sinuosum & veluti excavatum; alit latum καίλωμα, apertum & superficiale ἐπίκαιμα, apertum & profundius ἐγκαιμα, rodens νόμη & καρκίνωμα dicitur: est quoque ulcus in caruncula lachrymali, quod περιβρωσιν dicunt: nec ductus Meibomiani impunes abeunt, quin ulceribus excaventur, unde varia morborum genera, ophthalmia, illachrymatio. Horum methodus medendi eadem est, quæ omnium: callus educendus, pus movendum, humores avertendi, liquidorum, quæ in toto corpore sunt, procuranda est puritas.

XXI.

Dissertatio medica de Fistula corneæ, quam Praefide BURC. DAVID.

DAVID. MAUCHART, P. P. tribuitur MATTH. ABR. MART. GEIGER, Augustanus. Tubingæ, mense Nov. 1742.

Speciaticim fistulæ aliquæ intra laminas Iridis occurrunt. Hæ aliquando completæ sunt & utrinque patent, atque ad usque choroideam sæpe abeunt, ex cuius per fistulæ ostium egressu *μυοκίφαιλον* & *staphyloma* oriuntur; namque uti ex omnibus fistulis, earumque callo, ita ex his quoque minimis, fieri possunt *ἔλκεα ὑπερασπεκτῶτα*. Hinc quoque fit, ut Iris adnascatur corneæ, fiatque synechia & synizis. Post alia, quæ eiusmodi minutis corneæ fistulis apta sunt, remedia, Woolhousen acum invenit, cuius oræ asperæ sunt, qua inducta possunt parietes fistulæ eiusmodi callo obductæ vulnerari, cruentari, & ad unionem novam hoc ipso adaptari.

XXII.

De Synechia seu præternaturali adhaesione cum iride, dissertatio, quam Praefide BURC. DAVID. MAUCHART, P. P. defendet pro Doctoratu consequendo PHILIP. THOM. BETER, Reuttlingsis. Tubingæ, 26 Febr. anno 1748.

Spatium illud, quod corneæ & iridi oculi intercedit, haud raro deletur, ut Iris adnascatur corneæ, hoc synechiam dicunt, veluti prophythis aut ancyloblepharon est, si quando palpebræ adnascuntur epidermidi illi, quæ super albugineam est. Neutiquam autem ille coalitus visum penitus delet, sed saltim mutat, dummodo perforatio Iridis sit integra: potest ista synechia essetotalis, partialis, lateralis, complicata cum ulceribus cumque myoecephalo. Woolhousius *διακρίσις* seu concretæ iridis solutionem docuit; anceps isthæc chirurgia est, fibræ concretæ, acu, quæ in apice cultellata deinde rotunda est, separandæ sunt, ut sui iuris fiat iris: satius tamen est tolerare hunc morbum, cuius tentata medela visionem laesura est. Aliquando salutarem hanc adnascentiam esse posse, Celeberr. Auctor docuit.

XXIII.

Dissertatio medico-chirurgica de Pupillæ Phthisi ac Synizesi f. an-

angustia p. n. Et concretionem, quam Praefide BURC. DAVID. MAUCHART, P. P. defendit CHRISTOPH. FRIDER. FRAAS, Kircho-Tecensis. Tubingæ, 29 Decembr. 1745.

Cum pupillæ, qua radii luminosi ad obscuram oculi cameram demittuntur, diameter minuitur, ut minima eius sit perforatio, & fenestræ lucem admittentis morbosa angustia; istud morbi genus phthisin pupillæ & στενωπρίαν appellant. Iridem, ut sana sit, oportet ad luminis & umbræ varietatem invicem dilatari atque contrahi. In hoc autem pupillæ statu immutabile manet ostium, Iris apparet rugosa; namque orbiculares fibræ Iridis, illis radiatis valentiores, sese diduci tunc non patiuntur, & ad axin diametri properant, ut Iris haud raro penitus in se recurrat, & pupilla clausa sit, quod est synizefis. Iris enim, uti musculus, musculorum quoque affectiones patitur: convellitur in Heppo; in obliquum ducitur in παραστροφῇ; vulnus aut rupturam habet in ῥωγμῇ. Locum ergo, cum pupilla angustata est, habet diæresis Woolhousii, & pupillæ artificialis elaboratio.

XXIV.

Dissertatio de Staphylomate, quam Praefide D. IUSTO GOTHOF. GVNZ, P. P. pro Doctoratu obtinendo tuebatur IO. MICHAEL BARTH, Schkeudiz. Lipsiæ, 27. Feb. 1748.

Cum choroidea, cuius confinia cum margine tendineo cornæ uveam & σφαύλην appellant, ex sede sua mota est, & intumescit ac eminent, staphyloma dicunt. Inter plurimos casus pauciores sunt, in quibus destructa sit cornea, ut ad eius latus elabi uvea possit, nec, nisi ex vulnere prope cornæam inflicto, hoc ita evenire potest. Frequentius autem accidit, ut, cum cornea, aliquo ad latus loco, debilitata est, si fibræ eius, veluti in aneurismate, diductæ ab invicem fuerint, humore malo telam eius cellulofam occupante, oriatur laxitas, contra quam erigitur uvea, & pressu humoris aquei in debilem

A a a

cor-

cornæ locum adigitur. Tunc staphyloma, quod herniæ etiam imaginem habet; namque veluti intestinum in sacco herniali, ita uvea in sacco corniæ dilatatæ continetur, & illi sæpe, uti hernia, accrescit, sæpe strangulatur: staphyloma vetustum similiter, uti hernia vetusta, reprimi nequit; nec curatur septicis, quin his irritatur & gangrænam concipit. Si quid auxilii est, illud in filo transvecto, inque scalpello ponitur.

XXV.

Dissertatio de Staphylomate, quam Præfide BURC. DAVID. MAUCHART, P. P. pro Doctoratu obtinendo tuebatur PHILIP. FRID. BENI. HOELDER, Stuttg. Tub. 18. Decemb. 1748.

Staphyloma vel cornæ est, vel sclerotiæ: mox unus, mox uterque oculus hoc malo afficitur; aliquando unum, aliquando multiplex est tuberculum: clausus quandoque est tumor, & sclerotiæ tantum aneurisma; aliquando rumpitur staphyloma, effluente humore aqueo. Minimum, Myocephalon dicunt; medium Staphyloma audit; grandius Melonem & Malum vocant; si eminent & in callum induruit, Clavus erit. Reliqua, cum illis, quæ in antecedente dissertatione extant, conveniunt.

XXVI.

Programma de oculo ulcere cancroso laborante feliciter extirpato, adstringentibus antea intempestive adhibitis, a CAROLO FRIDR. KALTSCHMIED. Facult. Med. Ienensis Decano. Ienæ, 26 Septembr. anno 1748.

Solet haud raro evenire, ut, sub inflammationibus oculi tam humidis quam siccis, ex abusu reprimentium & desiccantium, peccata committantur, quæ morbum in peius vertunt. Namque, nisi inflammatum discutitur, oportet oculum vel in pus verti, vel indurari: hinc Xerophthalmia, Sclerophthalmia, tandemque Carcinoma, quo totus perit oculus, & in tumorem excrevit fungosum, qui successu temporis, veluti omnes scirrhii, corrumpitur. Hoc ipsum in præfenti casu evenit; namque ex malo sacchari Saturni usu ophthalmia, quæ poterat venæ sectione, scarificatione, aliisque auxiliis

auxiliis ex natura inflammationum fluentibus sanari, ita degeneravit, ut oriretur ulcus cancriforme, quod ferro deleri tunc oportuit.

XXVII.

De Mydriasi, seu praeternaturali dilatatione pupillae, dissertatio medica, quam Praefide BURC. DAVID. MAUCHART, P. P. tuebatur PHIL. IAC. NEUFFER, Stuttgartens. Tubingæ, 29 Martii 1745.

Cum fibræ orbiculares iridis suo naturali motu privantur, ut versus axin diametri efficaciter haud contrahantur, nec finant se invicem superari a fibris radiatis, oritur illa *ἀνωσία* & immobilitas, quæ in paralyti ponitur. Tunc pupilla ampla est, ad conversionem capitis versus lucem & umbram parum vel nihil movetur, eademque apertura manet. Si penitus suo vitali tono sphincter ille pupillæ privatur, visio perit; si debilis ille est, visio est dubia, & omnia se ipsis minora apparent. Huius mali causæ allegantur variae: pressio, humiditas, congestio, infarctus vasorum, quæ sunt inter fibras motrices iridis; ad quarum causarum differentiam varia quoque attemperanda sunt consilia.

XXVIII.

De Hydrophthalmia, Dissertatio medica, quam Praefide BURC. DAVID. MAUCHART, P. P. tuebatur CHRISTOPH. PAUL. BEGER, Reuttlingsen. Tubingæ 14 Febr. 1744.

Ubiunque fines arteriolarum, vel in superficiem tunicarum cava cingentium, vel in telam cellulosa, quæ sub cute est, terminantur, adeoque etiam in oculo, ex catathesi serosa humorum atque ex singulari partium vitio, quo reclusus sanguinis in venas interceptus est, fieri possunt omnes hydropis species: qua de re etiam datur anasarca palpebrarum oculi; est & ascites oculi, siquando in variis eius cavis colluvies serosa oritur. Humor vitreus in corpore suo, suæque tela cellulosa, a serosa colluvie sæpe augetur eo usque, ut totum oculi schema abinde mutetur, & bulbus extra orbitam promineat, quod *πρόβυον*, & Buphthalmum, & Exophthalmum appellant: nec

minus potest in sola anteriore camera, in sola capsula crystallinum corpus amplectente, humor colligi, qui, etiam si limpidissimus, copia tamen sua leges visionis intervertit. Eadem medicamenta, quæ omni hydropi, proderunt etiam Hydrophthalmi.

XXIX.

De Paracentesi oculi in Hydrophthalmia & Amblyopia senum; Dissertatio medico-chirurgica, quam Praefide BURC. DAVID. MAUCHART P. P. tuebatur THEOPH. ANDR. SARWET, Chaeropolitano. Tubingæ, 28 Sept. 1744.

Nisi humores in cava delapsi ad circulum revocari possunt, opus est, illos per vulnus educi, quod paracenthesin appellant: haud enim alius modus tunc est, quo metuenda humoris quiescentis putredo averti valeat. Id ipsum quoque chirurgiæ genus exercetur in Hydrophthalmi, ut acus triquetra intra cannulam argenteam occultata, & pro oculi ratione exilis, deducatur ad aquæ sedem, quo illa effluere ex vulnere possit: compungitur etiam & vellicatur oculus, cum nervus ex senectute debilis est, hinc nova vis, non aliter ac per flagra languens venus, excitari potest.

Tom. II. XXX.

De Hypopyo Dissertatio medico-chirurgica, quam Praefide BURC. DAVID. MAUCHART, P. P. defendebat PHIL. FRID. GMELIN, Tubingenfis. Tubingæ 1742.

Multum discriminis est inter το υπάριον, per ω & ι, & το υπόριον per ο & υ. Apud veteres omnis materiæ sub cornea colluvies, υπάριον, aut specialius, pus intra laminas corneæ hærens, υπόριον dictum esse videtur. Nunc autem pus, quod sub cornea, inque oculi cavo anteriore est, hypopyon dicunt: sed pus inter laminas corneæ unguis erit: diapyresin autem & empyema oculi pus vocant illud, quod in posteriori oculi camera colligitur, veluti hypohæma sanguinum sub cornea, hyposphagma eundem, intra tunicas oculi externas, notat. Cum pus post iridem esset, ocularius aliquis

IUSTVS

IVSTVS, Galeni tempore, caput ægroti valide concutere solebat, quo pus subsideret. Potest quoque cataracta purulenta seu lactea pus sub oculo dici. Hypochyma autem semper de materia post iridem collecta prædicatur.

XXXI.

De Empyssi oculi, seu pure in secunda oculi camera, dissertatio medico-chirurgica, quam Præside BURC. DAVID. MAUCHART P. P. tuebatur GEORG. FRIDER. SEIZ, Schondorffensis. Tubingæ, 10 Novembris 1742.

In illa regione, quæ post iridem atque inter hanc & capsulam lentis est, ex inflammatione choroidæ, pus oriri potest: hoc malum *διαπύσιν* dicunt, alii *εμπύσιν* & *εμπύημα* oculi vocant: adesse pus, ostendunt, progressa inflammatio, materia fluctuans, pruritus, coloris in iride mutatio, eius immobilitas. Celer morbus præceps auxilium postulat: compungendus oculus est ea in parte, qua acus pro deprimenda catarrhacta immittitur, evocandum pus; in hoc casu extremum auxilium setaceum est, quod per transversum bulbum adigitur. Iubent etiam syringa anelliana uti, & prævia punctura pus eluere, vel suctu educere.

XXXII.

De Catarrahcta Dissertatio medico-chirurgica, quam Præside BERNARDO ALBINO, tuebatur LEOP. DIETER. GOSKY. Francofurti ad Viadrum, 11 Octobris 1695.

Ad mentem eorum, qui catarrhactam ex tela membranea sensim compacta nasci putant, dissertatio scripta est. Disuaderi enim sibi, eo tempore, non sinebant eruditissimi Viri, membranam esse, quæ de obscurato sensim humore aqueo compingeretur, & impedimentum visioni sisteret. Neque omnino negandum illud est: & casus, qui in hac dissertatione sistuntur, vere ita evenire possunt, ut opacitas, vel ante iridem, vel post illam, a concrecente velo membraneo nascatur, quod acu tolli oporteat.

XXXIII.

De Cataracta Dissertatio medica, quam Præside IO. BOECLERO

CLERO P. P. tuebatur IO. HENR. FREYTAG,
Tigurinus. Argentorati, 7 Febr. 1721.

Iam aliquantulum plus ad veræ cataractæ indolem conscripta est dissertatio; multum tribuitur membranæ iridi præfixis, & radiorum introitum impediens. Illo tempore CL. HEISTERVS de cataractæ crystallinæ veræ indole iam multa tradiderat; sed eruditi Viri adhuc hærebant ancipites, nec pauci, membranam deleri, cum cataracta deponitur, putabant: cum autem nunc melior lux affulgeret, & in conspectum venissent oculi, quos lens opaca excoecaverat, in cadaveribus visi, cum etiam lentes induratae sub infelicibus depositionibus in anteriorem cameram delapsæ essent, sensim intellectum est dari cataractas, easque plurimas, quæ sedem in lente haberent.

XXXIV.

De Cataracta Crystallina vera, Dissertatio medica, quam Praefide IO. FRID. CARTHEUSER P. P. tuebatur IOACH. FRID. HENCKEL, chirurgus. Francofurti ad Viadrum, 27 Iunii 1744.

De cataracta, quæ intra lentem ponitur, nunc longe expeditius scribitur, postquam experimentorum multitudo, crystallinum humorem obscurari frequentius, docuit: nequitiam autem cataractas ex membrana contextas omnino nullas esse ophthalmiatri asserunt; namque existunt illæ frequenter; aliquando membranæ & crystallina cataracta sunt synchronæ.

XXXV.

De Suffusionis natura & curatione animadversiones, quas Praefide IO. GODOFR. GUNTZ, defendit IO. PHIL. SCHNITZLEIN, Pappenheimensis. Lipsiæ, 26 Iunii 1750.

Omnium clarissime hac de re exposuit, Lipsiæ quondam decus, beatus GUNTZIVS: veteres, cum lens obscurata esset, glaucoma morbum appellabant; cum autem impurus humor inter iridem & lentem concreveret, hypochyma & hypochysin dicebant. Igitur vere distinxerunt illi utramque

que

que cataractam, tam veram illam & crystallinam, quam spiram & membraneam. Cumque *diatosis* & *extrasis* seu compactus humor post iridem legitur, sine dubio caro intelligitur, quæ ex choroideæ fibris excrefcit, quam cataractam corneam dici fas est. In vera cataracta variae obscurationes obveniunt; mox tota lens cum suo involuero vitium habet, mox saltem nucleus albescit, atque vel indurefcit penitus, vel mollescit & in saniem diffluit. Potest etiam velamentum lentis, maxime id quod retro est, obscurari, sed antierius raro crassescit, nisi cum purulenta materia illud exasperat.

XXXVI.

Quaestio medico-chirurgica, an deprimendae cataractae expectanda maturatio? quam Praefide ANTONIO LE MOINE D. Reg. tuebatur I. BAPT. BOTER, Massiliensis, Parisiis, 11 Martis 1728.

Longum est expectare, donec lens eo usque induretur, ut album vel griseum colorem, qui maturitatis signum est, ostendat. Non semper adfunt artifices, quibus fidem habere possis, & tædiosum ac triste est, maxime, si uterque oculus hoc malo afficitur, in longum differre depositionem. Nihil autem referre dicitur, vetusne an recens cataracta sit, dummodo ophthalmoiatæ artis suæ probe gnarus. Namque & in lente sana satis est duritiei, quæ pressionem ferat, multo maior, cum iam ex parte obscurari incepit. Suadet igitur Auctor, non differendum esse auxilium, etiamsi lens nondum penitus indurata sit.

XXXVII.

Quaestio medico-chirurgica, an oculi punctio cataractam præcaveat, quam Praefide PET. LE HOC, Medico Regis, tuebatur ABR. FR. LEO Col. de Villars, Parisiis, 27 Februarii 1740.

Cum visio sensum obscurari incipit, cum veluti pluviae cadunt, cum muscae obvolitant, & nebula præ oculo est, multa quidem tentari solent, quibus imminens cataracta averti, & humoris concretio plenaria impediri possit. Laudantur setacea in cervice, scarificationes, ex internis millepedae

de sylvestres; expeditissimum esse putat noster corneam perfodi, ut spurcus humor, sensim deinde in cataractam compingendus, effluat, succedat novus, quem surrogari in veteris locum facile posse, experientia docuit. Et posset omnino inventum laudari, si omnis cataracta membranacea foret: sed non apparet, quid commodi resultare possit ad lentem sub suo involucrio latentem, si aqua educta per compunctionem fuit.

XXXVHI.

Quaestio medico-chirurgica, quam Praefide M. ANTON. DE IUSSIEU, P. P. tuebatur IO. BAPT. THURANT, sub hac verborum serie: an in cataracta, potior lentis crystallinae extractio per incisionem in cornea, quam depressio per acum. Parisiis, 14 Martii 1752.

Iam Arabes noverunt, effluere lentem obscuratam, quam albugineam seu cataractam albam dictam illis fuisse legimus, quando cornea ante iridem perforaretur. Nemo autem adhuc nova isthac via cataractam crystallinam educere ausus est. Tentavit Taylorius per Angliam, sed de successu experimenti nihil edidit. Nunc autem Praeclarissimi Chirurgi Parisienses, *Daviel & Moreau*, frequenter incidunt corneam in ima sui parte: inter pupillae ostium dimittunt acum, vulnérant capsulam lentis, lentem, pressu tunicarum oculi, propellunt, quae, veluti sponte, tunc cadit, hanc educunt tenaculo. Clarissimus Auctor huius novae educationis cataractae, discrimina & laudes æquo exponit iudicio.

XXXIX.

Quaestio medico-chirurgica, quam Praefide FRANCISC. POUSSE tuebatur CLAUD. IOS. GENTIL, Bifuntinensis. An in deprimenda cataracta ipsius capsula interne Et postice imprimum secanda est. Parisiis, 23 Martii 1752.

Cum, vetusta methodo Celsiana, lens obscurata ex sede sua depellitur, multum interest, scire locum, cui acus immergenda sit: namque occurrunt in transitu, per membranas oculi, vasa, quae evitari oportet; procul a ligamento ciliari

liari abesse oportet acum, ne illud vulnus accipiat: opus quoque est, ne capsulae lentem coercentis superficies incidatur: hanc fas est manere integram: namque ex illa nucleus lentis obscura, in depositione, educitur, & in humoris vitrei telam cellulosa absconditur: qua de re, ne qua pars ex adductis laedatur, ita regenda acus est, ut partem vitrei pervadat, capsulam lentis a tergo vulneret, quo fit, ut, levi pressu, lens illa, in sinum exculpum vulnere, descendat.

XI.

Oratio in famam meritaque D. D. Taylor Angli, publice habita a BURC. DAVID. MAUCHART, P. P. Tubingæ 1 Maii 1750.

Artifex ille oculus qui totam Europam celebritate nominis sui, qualiscunque illa sit, replevit, meruit a laudato Viro laudari, quod illi in laudem cedit: virtus etiam in hoste laudanda. Potissimum Clari Viri dexteritas, in amavrosi seu, gutta serena sananda, celebratur, cuius morbi ille XXVIII species existere arbitratus est: fortasse pauciores sufficiunt. Valsalva quoque noverat, frictione convocari spiritus profugos, & ad nervum opticum vitali liquido de novo replendum, excitari posse. Nova igitur Taylorius haud attulit, sed ante se facta tentamina, uberiore modo tantum excoluit.

XLI.

Dissertatio chirurgica de Extractione cataractae ultra perficienda, quam, pro aggregatione capeffenda proponebat GEORG. FRID. SIGWART, M. D. respondente DAVID. MAUCHART, Med. Candidato. Tubingæ, die 22 Decemb. 1752.

Nova methodus cataractam per vulnus corneae pellucidæ educendi, in utramque partem expenditur. Infelix eventus depositionis veteris, qua sæpe factum est, ut lens, rupto involucro, elaberetur in cameram anteriorem; novæ huic viæ plenius elaborandæ, quam Arabes non ignorabant, occasionem dedit. Videbatur etiam vetus ista depressio multis subesse periculis, ne vasa destruerentur, nervi ciliares læderentur, atque hinc essent inflammationes, immanes dolores, Hy-

popia. Minus discriminis in hac nova methodo esse, dicitur, qua cornea inciditur, humor aqueus emittitur, capsula lentis imo loco vulneratur, ea, faciliter elabens, arripitur, educitur, vulnus glutinatur.

XLII.

Dissertatio medico-chirurgica de Setaceo nuchæ, auricularum, ipsiusque oculi, quam Præside BURC. DAVID. MAUCHART, P. P. tuebatur CHRISTOPH. DAVID. ZELLER, Tubingensis. Tubingæ, 10 Decembr. 1742.

Setonem trans cutem nuchæ, trans auriculæ lobulum duci, & ulcere per artem excitato, revelli malos humores a capite & oculis posse, securum remedium est, etiamsi auxilio semper esse nequeat. Ast crudele est, & Japonensibus ac Sinenfibus, inventoribus, relinquendum, cum seto trans bulbum oculi ducitur, evacuandi puris causa, quod post iridem confluit.

XLIII.

Dissertatio medico-chirurgica de Amavrosi, quam tuebatur IO. BENED. GODOF. OEHME, Servesta Anhalt. Lipsiæ, 22 Novemb. 1748.

Amavrosis, quam & guttam serenam appellant, est visio ablata ob spectatoris spiritus in oculo, etiamsi ille ceteroquin secundum machinam sanus est, absentiam. Namque in illo morbo nervus opticus suis spiritibus haud est pervius, varia de causa. Si nervorum primordia callo indurantur, si humor malus, ex scabie vel tinea capitis retroacta, prope nervorum origines figitur, si vitreus humor, intumescens, medullam nervi, quæ in retinam expanditur, premit, si homo ex hæmorrhagia debilis est: morbum adesse discimus, ex pupilla penitus soluta, ut perforatio eius sit amplissima, motus adit nullus. In curatione ideoque ad humorum vitiosam diathesin respiciendum est, quam oportet mutari medicamentis, quæ ex indole prioris morbi fluunt: excitandus est torpens nervus, frictionibus, quæ albugineam vellicare, & nervos proritare possint: opportunum est transvehere ad nucham setaceum; sunt, qui internum millepedarum sylvestrium usum commendant.

XLIV.

XLIV.

*Quaestio medico-chirurgica, quam Praefide M. IULIANO
BUSSON. M. D. palam tuebatur ALEX. DIONT-
SIUS DIENERT, Meldensis, sub hac verborum serie:
An absque membranae tympani apertura topica iniici in
concham possit? Parisiis, 4 Aprilis anno 1748.*

Si quando pus intra cavum tympani colligitur, quod ita factum esse, ex subitanea auditus abolitione, post inflammatorios dolores, coniecturae locus est, cumque ex tuba eustachii ad fauces humor manat, quem pus esse, ex sapore percipimus; tunc vero proxima ad concham via ipse meatus auditorius internus est, per quem, ad interiora auris, suscepta faucibus remedia immitti possunt gargarismis penitus ad fauces demissis, quorum halitu evocari materia possit, ne illa sibi ipsi, perrupta tympani membrana, iter, cum auditus plenaria destructione, aperiat.

XLV.

*Dissertatio medico-chirurgica de Epulide & Parulide, quam
Praefide I. C. SCHELHAMMER P. P. pro Doctoratu
consequendo tuebatur G. FRID. FRANCUS,
Argentoratensis. Ienæ, 22 Martii anno 1692.*

Tumor ad gingivas nascitur duplex, alius, qui pus in se comprehendit; hic *παρῶλις, παρὰ τὰ ἄλλα ἐμπύησις*, dicitur, & ex inflammatione ortus, in abscessum erumpit; huius occasio quandoque dentis, vel ipsarum mandibularum est caries. Ast epulis tuberculum notat ex carne gingivarum luxuriante nascens, quod in immanem molem quandoque excrescit, & cancerum alit: *παρεδεντιδης* appellasse CELSVS videtur. Abscessus gingivarum molliendus, incidendus, purgandus est, dente evulso, cuius caries malo nascenti occasionem dederat. Sed epulida oportet subsecari, & subligando auferri. Nocent caustica, & carcinoma excitant.

XLVI.

*Dissertatio medico-chirurgica de Hernia Cerebri, quam pro
Doctoratu consequendo palam tuebatur IO. FRID.
Christ.*

CHRIST. CORVINUS; *Weslerburgensis.* Argentorati, 23 Septemb. anno 1749.

Erumpere cerebrum, suaeque ossa effringere, duplici modo solet. Aut enim puero, nondum satis obfirmata ossium calvae compages est, & imperfecta eorundem ossificatio; tunc cerebrum, veluti fieri solet ut viscera erumpant qua parte minor est resistentia, sese quoque effert atque intumescit, vel solum vel aquis una turgidum, laxatis scilicet commissuris ossium calvariae, quae tunc membranaceo nexu solo ad invicem coherent: aut debilitantur ossa carie, eorum tabulae praefanie mollescent, & per hiatus dura mater, in carnem fungosam excrescit, atque ipsum quoque cerebrum una evolvitur & intumescit. Ad prius exemplum cerebri de sede sua moti, referri potest medulla spinalis sub finem ossis sacri in tumorem elevata, si processus vertebrarum spinosi in puero ante laxati fuerunt, quod malum spina bifida abinde dicitur.

*Dissertationum Chirurgicarum selectarum, pars secunda.
De morbis Colli.*

XLVII.

*Dissertatio chirurgica de Luxatione Nuchae, quam Praeside B.
D. MAUCHART, P. P. O. tuebatur THEOPH.
ERHARD. SCHMID, Tubingensis. Tubingae,
27 Septembris anno 1747.*

Ita quidem coherent inter se os occipitis cum prima vertebrarum, quae Atlas dicitur, & ita quidem altera, quam epistrophæum vocant, primae vertebrae atque ipsi occipiti innectitur, articulis mutuis, hinc ligamentis, ut luxationem capitis fieri, inter rariora numeretur: adducuntur tamen luxationes eiusmodi, at semper lethales. Res ad forum applicatur, monenturque medici, ne inspectionem vertebrarum, si quando de causis mortis violentae disquiritur, negligant, a quarum emotione, etiamsi ceteroquin capitis laesio nulla animadvertatur, haud raro momentum decisionis forensis petitur. Spontaneas emotiones vertebrarum, hinc cypnachen, ortam ad-
ducit.

ducit Hippocrates, possuntque ex rhachitide puerili, in spinæ colli vertebribus, oriri eadem vitia, quæ in dorso occurrunt, κύρσις, λόρδωσις, σκολίωσις, σείσις.

XLVIII.

Dissertatio medica de Capite obliquo, quam Praefide B. D. MAUCHART P. P. publice defendit GEORG. FRID. LAEGER, Schorndorffensis. Tubingæ, 14 Decembr. anno 1737.

In latus flectitur collum, sitque λοξὴν καίη varia de causa; obveniunt enim torticolles ex osium vitio, ex glandularum, quæ musculis interiacent, tumoribus, ex musculorum denique rigiditate, tam perpetua aliqua, quæ ex callo nata, quam brevi, mutabili, & per vices revertente, ex spasmo solo: tentanda sunt mitissima; laudantur thermæ, cataplasmata: intus exhibenda sunt, quæ sanguinis immunditiem corrigere possint: summum autem remedium est, rescicare mastoideum, cumque a clavicula solvere, si, hunc in se contractum esse, cognoscitur, quod lente, *Cautico*, subito, *scalpello*, effici solet.

XLIX.

Dissertatio medica de struma oesophagi, huiusque coalitu, difficilis ac abolitæ deglutitionis causis, quam Praefide B. D. MAUCHART P. P. tuebatur PHIL. HENR. BEUTTEL, Blaisfontanus. Tubingæ, 29 May 1742.

Unaquævis glandula, si quando humorem atrabiliarium & tardum in se recipit, intumescere potest: abhinc vicinarum partium pressio & ὀλψις, pressarum autem partium imminuta vel penitus abolita actio. Ad descensum Oesophagi, prope dorsum, adiacent glandulæ folliculose, quæ sua de se nascentia vasa lymphatica in vicinum ductum thoracicum proiciunt: hæ possunt indurari, hinc strumæ oesophagi, quibus auctis deletur oesophagi cavitas, & descensuris alimentis, maxime solidioribus, impedimentum insuperabile nascitur. Hoc ita esse, docet alimentum, non statim ab initio, sed in progressu subsistens: consultum est, in re desperata, vim experiri mercurialium.

L

Epistola medica GEORGII DETHARDING, ad DD. Luc. Schroeckium, de Methodo subveniendi submersa per Laryngotomiam. Rostochii, 8 Maii anno 1714.

Si qui submersi in aquis pereunt, visi sunt multis ab inducta in pulmones aqua suffocati esse. Potest omnino aqua subintrare pulmones aut ventriculum, postquam submersus vita privatus nunc est. Sed natura, individuum, quousque licet, servatura, statim a demersione glottidem spasmo claudit, ut, si qui recenter merisi extrahuntur, aquam in se receperint nullam. Moriuntur autem submersi exinde, quod, sub ultima inspiratione, aerem clausum ex ga sanguinis pulmonici massam valde habent renitentem. His, subito extractis, prodest nova glottis artificialis, vulnere per tracheotomiam facto, tum quo respirent hac nova via, tum quo in se receptum ante aerem hoc vulnere emittant.

LI

Quaestio medico-chirurgica, quam Praeside M. ANT. BERGIER, D. M. tuebatur IO. BARBEU DU BOURG, sub hac verborum serie: an Tracheotomiae nunc scalpellum, nunc Trigonus mucro. Parisiis, 8 Februarii anno 1748.

Si quando necessitas imperat, ut imminens suffocatio praeventur, nova glottide per vulnus excitata, quandoquidem vetus obstructa nunc est, tunc, pro casuum diversitate, aliter aliterque tracheotomia seu bronchotomia suscipitur. Namque, ubi peregrina res illapsa in glottidem inque asperam arteriae caput est, ut illa eximi possit, opus est, vulnus amplum excitare, cutem ad iugulum, longe, & ad sternum usque, specie, cartilagine per longum diffindere, non difficulter coalituras, etiamsi cartilagineum uniri posse negetur, & illapsam rem eximere. Cum autem ex cynanche, vel ex suffocatione sub aquis, respiratio desiit, sufficit mucronem trigonum in cannula absconditum, sine alio vulnere, designere.

*Disputationum chirurgicarum selectarum pars tertia.
De Morbis Pectoris.*

LII

Dissertatio medico-chirurgica de Cancro mammarum, eumque nova extirpandi methodo, quam Praeside D. IO. SERRURIER, P. P. tuebatur GERARD TABOR, Moeno-Francofurtensis. Traiecti ad Rhenum, 19 Maii anno 1721.

Scirrhus in mammis mulierum frequentior, quamdiu illi vitalis humorum circuitus penitus ablatus haud est, vivit ex parte, nec statim putrescit, nec a spe alienum est, illum, externis internisque medicamentis, discuti, vel in laudabile pus verti posse, si corpus

pus

pus bonis cateroquin succis est præditum. Verum, ubi omnis vita scirrho perit, etiam si ille, vicinarum partium adhuc integrarum vasis collateralibus, utcumque nutriatur, incipit nunc sensim in acre virus solvi, quod cancer est, ab initio occultus, integro hæcenus folliculo eum includente. Cum autem folliculus ille ruptus est, graffatur sanies in vicinas sanas partes, estque cancer apertus; hunc extirpandi ratio traditur in tantum, in quantum tenaculum, mammam comprehendens, vulgari apparatus additur.

LIII.

Dissertatio medica, de Nociva canceri inveterati Extirpatione, novis exemplis demonstrata, quam Praefide DAN. WILH. TRILLERO, tuebatur CAR. CHRISTIAN. TITIUS, Rosvino-Misnicus. Wittenbergæ, 28 Octobris anno 1752.

Carcinomata sæpe curatione irriantur: namque cum cancer vultus est, cum ille musculo pectorali iam adhæret, cum præterea glandulæ, quæ sub axillis sunt, intumuerunt, cumque mulier est tenuis, vel febre lenta detinetur, satius est non attingere morbum, quem sanare non possis: in votis est, limites suppuratione statuere, ultra quos cancer abire non possit. Sed vana est expectatio, & soli palliativæ curationi, ut morbus trahatur, dolores leniantur, tribui aliquid potest.

LIV.

Dissertatio medico-chirurgica, de optima cancerum mammarum extirpandi ratione, quam Praefide DN. LAUR. HEISTER, tuebatur OT. PHILIP. VIRDUNGUS ab HARTUNG, mense Martis anno 1720.

Chirurgiam, qua cancerem mammarum auferunt, sua experientia multiplici edoctus, CLARISS. AUCTOR sistit. An possit res effici primo dispiciendum est; deinde, si possit, subsecandus tumor est, nec quidquam illius relinquendum, ne ex residuo contagio novum carcinoma exfurgat. Vasa sinantur suo sanguine fluere, ut vires ferunt, hinc compescantur acu, quam fila armant. Sinus vulneris repletur filis carptis ficcis. Reliqua ex indole vulnus perficienda sunt.

LV.

Dissertatio medico-chirurgica, sistens Historiam Vulneris thoracici, & in eam commentarium, quam Praefide IO. NICOL. PECHLINO P. P. O. tuebatur MUMMIUS LUDDENS, Eidersted. Cimber. Kiloniæ, 24 Febr. anno 1682.

In vulnus sanationibus sæpe fiunt, quæ fieri posse vix sperares: occurrunt vulnera per medios ventres, per medios thoraces transacta, ut sæpe admirationi locus sit, quibus subsidiis usque natura hoc efficere potuerit, ut homo servaretur. Simile exemplum

plum nunc proponitur iuvenis, qui inter quintam & sextam costam totis pulmonibus vulnus angustum receperat: sanguis ab initio fluxit parvus, deinde eius tenuior & serosa pars tussi eiecta est, mox ex vulnere vis sanguinis maior sponte erupit, ut vulnus dilatari oporteret: successit suppuratio; nova febris ex absorpto pure nata, qua purpura rubra in cutem eiceretur, agrum in vitæ periculum adduxit, qua mitescente, penitus convaleuit, etiam si peripneumonia, ex rubore faciei iudicata, intervenisset. Sanguis de vena frequenter missus fuit.

LVI.

Dissertatio medica de Emphysemate, quam Praefide IO. HENR. SCHULZE, P. P. tuebatur CAR. CHRISTOPH PUSCH, Li-gnicensis. Halæ, mense Septemb. anno 1733.

Aer vario modo sub cute intra adipis cellulas diffunditur. Aut enim vulnere vel ulcere admittitur, quos tumores proprie emphysemata vocant, quæ potissimum vulneribus thoracis iugulique sunt familiaria; aut sua sponte aer gignitur oriturque tympanias & sarcites flatusosus, si quando serum tenue, ex mora, putrescit, inque aerem evolvitur. Nemo forte inter tumorem eiusmodi flatusosum & serosum oedematosum ambigit: namque si aer sub tumore est, sonitus ab undulatione contenti liquidi percipitur; solus tumor aquosus impressionem digiti recipit & tenet.

LVII.

Dissertatio medica de Aneurysmate vero pectoris externo Hemiplegiacæ sobole, quam tuebatur IO. IACOB. WELTINUS, Forobiberiensis. Basileæ, 18 Augusti 1750.

Distenta a suis liquidis vasa tam arteriosa, quam venosa, elevantur in humores. His, cum vena dilatata fuit, *varici*, cum arteria, *aneurysmati* nomen est: satius foret aneurysma spurium, si quando arteria vulnus accepit, inque vicinas adipis cellulas vel sub latis tendinibus sanguinem effudit, ecchymosin appellare; namque nihil est in illo tumore, quod aneurysmatis voci respondere posset. In hoc exemplo arteria mammaria expansa, thoracico aneurysmati opportunitatem dedit. Postquam ægrotus ex hemiplegia laborasset, intumescere repente coepit arteria illa, quæ sub pectorali musculo excurrit: cuius eventus ratio in eo ponitur, quod, cum ex hemiplegia arteria subclavia per spasmum compressa esset, vis sanguinis maior in thoracicas arterias externas irrueret, atque aliquam ex illis distenderet.



NOVA ACTA ERUDITORUM,

publicata Lipsiæ

Calendis Iulii Anno MDCCLVI.

IOSEPHI ALEXANDRI,
S. R. I. PRINCIPIS IABLONOVII
Operum recensio.

Et si verum est illud *Quintilian*i, nihil præcepta atque artes valere, nisi adiuvante natura: tamen, si ad naturam eximiam atque illustrem accesserit ratio quædam & conformatio doctrinæ, tum illud nescio quid præclarum ac singulare solet existere. Non quod natura, sine doctrina, numquam valeat ad laudem; sed quod hoc maior laus est, quo plus tuo sis studio, tuæque opera consequutus. Hoc si ita est, uti profecto est, neminem unum, credimus, qui melioribus litteris animum imbuerit, carere laudibus oportere; omnium minime eos, qui ad nobilitatem generis, & nascendi felicitatem, etiam litterarum amorem, & quod maius est, copiam doctrinæ, adiunxerint. In ea quidem fortuna homines, si, quas amare non possunt, saltem non oderint, litteras, contenti sumus. Si vero prodeat ex iis aliquis, qui se ad meliorum litterarum culturam quasi demittere, atque inter primas curarum hæc ipsa studia habere videatur; qui velit inter Musas non degere solum, sed etiam, neque aliter iucundius, consensescere; qui denique hæc sacra Musarum colentes diligat, iisque, intercedente quasi aliqua animorum coniunctione, cum voluptate utatur: hunc talem nisi elogio prosequamur, omnique posteritati commendemus, ostentemusque exemplum posteris, inepti simus. Est hæc celsissimi *Iablonovii* Principis imago, quam hic exprimimus, amice Lector,

Ccc

ctor,

Etor, non ea quidem talis, qualem amor litterarum, & copiosa doctrina, quibus ad miraculum excellit atque eminet, iure suo deposcant; sed qualem, ne in Optimi Principis modestiam peccare videamur, nonnisi primis quasi lineis adumbravimus. Erit tempus, quo hunc Poloniae suae Varronem, hoc litterariae reipublicae, & in Eruditorum, & in Mæcenatum ordine, ornamentum, grata prædicabit posteritas, dicetque nepotibus, quam magna sint, quamque præclara in omnem eruditionem, Iablonovii Principis non intermoritura umquam merita. Nos Ei vitam & valetudinem, crudamque senectam, bono rei litterariae, ex animo precamur: iam, quæ suae doctrinae atque eruditionis monumenta proflare voluerit, recensituri. Sunt igitur hæc:

I.) *Ustawy y zdania*; seu Apophthegmata ac sententiae, promptæ ex variis fontibus, &c. Varsoviae, typis Patrum Scholarum piarum, 1741. in 8. editio altera. Flores sunt, ex Ameloto de la Houllaye, Oxenstierna, aliisque decerpti, lingua vernacula, Polonica, eleganter redditi; quibus tamen multa etiam de suo addidit Auctor celsissimus, qui hunc librum Consanguineo & Socero suo, Duci in Wiszniowiec, dicavit, eaque occasione usus est ad Genealogiam & Historiam celsissimæ huius gentis, qua fieri potuit accuratatione, exponendam. Quam avide fuerit exceptus liber, etiam hoc documento est, quod exempla iam frustra quaeruntur.

II.) *L'Empire des Sarmates*; idiomate gallico, cuius neque Gallum indigenam poeniteat, scripta Sarmatarum historia. Opus egregium, iam tertium editum est, Halis propter Salam, anno exeunte 1755. 4. posteaquam primum Halis 1741. dein Norimbergæ apud Lochnerum 1748. prodierat. De gente Sarmatarum, nemo unus adhuc, vel uberius, vel exactius commentatus est, quam hoc libro a celsissimo Principe Iablonovio factum ex vero prædicamus. A Scythiæ Sarmatis Slavos, a Slavis Polonos descendisse, tam egregie, tamque luculenter docuit, ut ea omnia, quæ apud Auctores in universum omnes, de hoc argumento, dispersa legimus, in eius opere, ad temporum ordinem exacta, coniunctim exposita videas; eoque in labore, profecto non tenui,

rui, an magis laudare Auctoris solertiam, an acumen iudicii, debeamus, certe ambigimus. Addita est, non Poloniae solum, sed & Magni Ducatus Lithuaniae, geographica & topographica descriptio, cum chronologia Regni elaboratissima.

III.) *Ofada Kleynotow Rycerskich*, i. e. Heraldica, seu scientia stemmatum vel insignium Familiarum illustrium Poloniae, cum nonnullis eo pertinentibus supplementis atque additamentis, magnam partem non solum e tabulario Regni & M. D. Lithuaniae, sed etiam ex chartophylaciis diversorum Regni tribunalium, praefectarum, & familiarum illustrium, defunctis. Leopoli, typis Collegii Soc. Iesu 1743, in 4. & cum accessionibus, iterum, ibidem 1752. cum tabulis aeneis quamplurimis, assidue sculptis. Lingua vernacula scriptus liber est, qua nemo adhuc, quod sciamus, eam artem expressit; quid quod Heraldica, paucis Polonorum cognita, fere ibi locorum in contemptu fuit. Vindicavit eam a civium suorum socordia, cellisissimus Iablonovius, deditque Poloniae primus praecipua artis, quam ignorare Polonos, nobilitate conspicuos, & splendore imaginum praeter reliquis Europae incolis florentes, omnium minime decebat. Est locus, ubi etiam de originibus Poloniae, magni Duc. Lithuaniae, & Prussiae, Auctor disseruit; quemadmodum & appendiculae loco, de successione, ex iure Polonico, commentatus est: quam iuris Regni particulam, nondum scimus exacte definitam antea fuisse. Dedicatio, origines Principum Radiviliorum, & Comitum Sapieha, ita illustrat, ut simul eruditionem Auctoris, & amorem patriae, luculenter testetur.

IV.) *Histoire ancienne, par Rollin*, &c. Historia antiqua est, a cellisissimo Principe, Polonico sermone, e Rollini Gallico, redita. Laudant in eo libro praeclarum linguae patriae nitorem, quo effectum est, ut iam exempla desiderentur. Prodiit Lublini, typis collegii Soc. Iesu, 1744. in 4.

V.) *Tabulae Iablonovianae*, &c. Amstelredami partim, 1744. partim Norimbergae 1748. in charta regia maxima, foliis integris, typis excusae sunt. Genealogiam inclutae Gentis Suae his tabulis proposuit Auctor cellisissimus, inque eo opere viginti quinque annis integris defudavit, effecitque

pertinaci industria, magnisque sumptibus, ut, in quo plurimum doctorum virorum societas vix profecisset, id iam uni ipsi debeatur. Quam, in Viro Principe, laboris patientiam, hoc magis suspicimus, quo est, etiam in iis, qui omnem ætatem in litteris terunt, infrequentior. Alteram editionem parat Auctor cellissimus, novis accessionibus, atque emendationibus quibusdam, locupletatam.

VI.) *Vita & Martyrium d. Eustachii*, carmine heroico Polono, Leopoli, typis Collegii Societatis Iesu, plag. 50. In eo opere, Vita Martyris ita exposita est, ut simul præclara inde doctrinæ moralis præcepta depromantur. Sed etiam carminis ipsius elegantia, laudem apud omnes meruit, quotquot sermonis Poloni ita gnari sunt, ut etiam de poetæ Poloni exacte iudicent.

VII.) *Descriptio foundationis arcis & Capellæ Lachoutensis*, 1751. in 8. Lingua vernacula scriptus liber est, qui præter istius arcis, quæ est in dominio Cellissimi Principis, habitum, egregia multa, neque alibi obvia, de Ducatu & Palatinatu Volhyniæ, magna lectionis copia, complectitur.

VIII.) *Pars Scripturæ Sacræ, cum Psalterio*, lingua Polonica reddita, 1752. in 4. Operam dedit Auctor celliss. ut quam exactissime posset, sensum Scripturæ Sacræ adsequeretur, quare etiam versionem suam, ad aliam Kochanowskii, & metricam Saronskii, exegit. Quo studio id consequutus est, ut patriæ linguæ perfectam scientiam, quæ in hoc opere imprimis enitet; simul vero pietatis præclarum specimen, quod in tractandis sacris litteris ediderit; & Cives Poloni, & exteri, agnoscant atque suspiciant. Opus matri dicatum est, dedicatoria Epistola, etiam pietatis in Parentes indice.

IX.) *Musæum Polonum*, Leopoli 1752. 4. Est recensio Scriptorum Poloniæ, rariorem potissimum, interposito Auctoris, de cuiusque præstantia, iudicio. Prostant quidem varii variorum, de Scriptoribus Polonis, commentarii; quales est *Sam. Ioach. Hoppii*, Gedani 1707. 4. editus, quem
deus

deinceps observationibus *Gabriel. Groddeck & Valentin. Schlieff* auctum, novæ editioni Dlugosfi Lipsienfi Tomo I. præmissum videas; quo etiam referendus egregius liber *David. Braunii*, Coloniae 1723. 4. de Scriptoribus Poloniae & Prusiae, tam impressis, quam manu scriptis; *Starovolscii* item centum illustrium Scriptorum Polonicorum Elogia & Vitæ, Francos. 1625. 4. in quo tamen libro diligentiam desiderant, & iudicii acumen, peritiores; quod etiam pretium levi libello *Varsevicii*, de Regibus, Sanctis, Bellatoribus, & Scriptt. Polonis, Romæ 1601. 8. Posnaniae 1629. 8. statuendum est. Sed omnem horum Virorum diligentiam, eruditionem, iudicandi peritiam, longe superavit cellissimus Iablonovius, qui, de quibus libris iudicium tulit, eos non legit solum, sed etiam, absque odio, aut gratia, quo quisque loco habendus sit, ingenue & ex vero professus est.

X.) *De Progressu Artis Poeticae*, Dissertatio, Leopoli 1753. fol. Manuductionem continet ad poeticen, sermone Polono; appendicis loco Index Poetarum Polonorum additus est, qui aliquod quasi Musæi Polonici supplementum dici poterit.

XI.) *Trigonometria*, 1753. 4. Liber itidem lingua vernacula scriptus, atque usui potissimum Officialium Regni Poloniae destinatus, quorum intererat, habere aliquem de suis civibus trigonometram, qui exactius Grzebscio & Solscio eam Mathematicum particulam traderet. Quæ adiunctæ sunt tabulae, partim problematibus trigonometricis illustrandis, partim vero mensuris atque ponderibus explicandis, inserviunt.

XII.) *Podhorecensia*, liber Gelliana diligentia congestus, ex omni re litteraria, selectas animadversiones exhibet, typis excusus Leopoli 1754. 4. Nomen a castro cellissimi Principis fortitus est, cui etiam originem debet. Addita sunt quædam a nobilissimo Anglo, *Georgio Scop*, quæ ad elegantiores litteras æque pertinent.

XIII.) *Dodecas Ducum Martis Poloniae & Magni Ducatus*
Ccc 3

tur Lithuaniae, seu classis in Sarmatiae, Tomus I. typis Ioannis Filipowicz, Leopoli 1754. in fol. Istius operis hanc esse rationem Auctor cellissimus voluit, ut tribus Tomis omnia ea complecteretur, quæcunque ad artis militaris in Polonia historiam pertinent. Primo igitur Tomo, post Præfationem, quæ omnem Libri oeconomiam succinctè exponit, quinque Dissertationes sunt, nisi malis Sectiones dicere. *Prima*, belli ducum in Polonia originem, muneris rationes, prærogativas denique, reique adeo bellicæ Polonæ historiam, proponit. Quibus ut fidem conciliaret Auctor, addidit, quæ huc pertinent, magno a se labore conquisitas, Regni constitutiones. Quo effecit, ut primus argumentum hoc tractasse, eique præclaram lucem adfuisse, merito censeatur. Sequitur series ducum belli, qui fuere in Polonia inde ab anno Christi 1000. ad nostram usque ætatem; qui labor, dici nequit, qua solertia fuerit, a cellissimo Auctore, quave accurate, argumento dicatus, quod nemo adhuc Polonorum occupaverat, etsi esset Patriæ perquam gloriosum. *Dissertatio altera* exhibet vitam & res gestas belli ducum militiæ regie, quam Domum Regiam, solemnî vocabulo, adpellant. *Tertia* ad Regimentarios, (vulgo, sed barbare, Generalissimos dicunt,) qui & supremorum ducum munere fungebantur, pertinet. *Quarta* de illis exponit ducibus, qui omni vita sua exercuerunt militiam. *Quinta* denique vitas ducum quorundam, sermone Polono, ad fidem historiæ, complectitur. *Tomus II.* continebit aliorum VI. Ducum vitas; *Tomus III.* qui & ultimus, fata reliquorum, eodem ordine, proponet, eritque, quemadmodum opus universum, exemplo ducibus, qui sunt, quique futuri sunt impofterum, qua fide & alacritate, qua fortitudine & constantia, sit rebus Patriæ, bono rei publicæ, a bonis civibus, belli ducibus, invigilandum.

XIV.) *Anecdota Iablonoviana*, ad antiquissimæ & inclutæ gentis Iablonovæ Historiam pertinent, cuius immunitates & privilegia concinno ordine recensentur. Varsoviæ, typis Schoenii piarum, 1754. in 4. Præclaro operi, ultimam manum adiecit Illustriss. *Zaluskius*, Comes, Supremus Regni

Referen-

Referendarius, Vir, & amore litterarum, & præstantia doctrinæ, a nobis sæpenumero iam laudatus. Hic igitur, quidquid erat in incomparabili litteraria suppellectile sua, quod ad ornamenta cellissimæ Gentis Iablonoviæ pertineret, id omne, ultro lubensque, amplificandis exornandisque Anecdotis Iablonovianis suppeditavit. Est vero etiam propterea liber hic magnificandus, quod multa ei insunt ad historiam antiquam Prutheno-Polonam spectantia, non facile alibi explicatius tradita.

XV.) *Nagody, seu Nuptiæ Cananeæ*, Lipsiæ, typis Langenhemii, 1755. in 8. liber devotioni sacer, in sectiones quinque tributus. Prima, de Summi Numinis existentia præcipit; reliquis, preces varias, & supplicationes, pias meditationes, aliæque istius generis, Auctor exhibet.

XVI.) *Bibliotheca Iablonoviana*, Lipsiæ apud Breitkopfium, 1755. Voluminibus IV. in 4. Egregium hunc instructissimæ Bibliothecæ Iablonovianæ catalogum, congregavit M. Frieder. Sigismundus Witzleben, Vir doctissimus; qui etiam, additis, ubi necessum videbatur, observationibus, cavet, ne vel præstantia libri, vel raritas, vel quidquid ad litterariam historiam pertinet, ignoraretur. Qua diligentia effecit, ut Catalogi istius lectio, magnam sit utilitatem omnibus iis, qui cognoscendæ rei litterariæ desiderio ducuntur, allatura. De ipsa, hoc Catalogo descripta, librorum omnis generis præstantissimorum copia, dicere propterea superfedemus, quod, qui eam maximis sumptibus, magnoque delectu, congregavit, Cellissimus Iablonovius, non solum qui libri boni sint unus omnium optime intelligit, sed etiam iis legendis tantum temporis & studii impendit, ut Suo eum merito ambulanti Bibliothecam dixeris. Ex quo, qualem ipse sibi Bibliothecam instituerit, facile intelligitur. Postremus Catalogi Tomus, Codices Bibliothecæ Iablonovianæ membranaceos recenset. Gratulamur Poloniæ litteratæ, eique perpetuum precamur, hunc talem bonorum librorum amorem, quo in spem adducimur, fore, ut redeat omnino bonarum litterarum in Sarmatis cultu-

ra, cessetque tandem aliquando inveteratus ille, & exitialis artibus omnibus, error, nullam esse ex litteris, omnem ex bellica virtute, gloriam.

Atque hæc quidem sunt celsissimi Iablonovii opera, exscripta typis: reliquorum, quibus faventem Lucinam adprecamur, titulos adponemus. *Prima* omnium futura est, *de origine, progressu, cultura, perfectione denique, litteraturæ Slavo-Poloniae*, Dissertatio historico-critica. Argumentum a nemine occupatum.

II.) *Ephemerides peregrinationum Iablonovianarum*, sermone Gallico.

III.) *Astronomia*.

IV.) *Repertorium Historiæ*.

V.) *Collectanea poetica selecta*.

VI.) *Orationes Iablonovii*, comitiales, nuptiales, funebres, vernaculo sermone habitæ, & uno volumine exhibendæ.

VII.) *Vindiciæ Poloniæ contra Bohemiam*, seu Scriptores Bohemos, qui putant, S. Adalberti ossa, quæ Gnesnæ adferantur, esse in Bohemia.

VIII.) *Tabularium locupletissimum Gentis Iablonoviæ*.

IX.) *Diarium obsidionis Gedanensis*.

X.) *Tabula Geographica Regni Poloniæ*, a Dom. S. Hilaire delineata, a celsissimo Iablonovio Principe instituta, atque ad omnes artis regulas, ex vero proposita.

XI.) *Duodecim orationes Ciceronis*, emendandæ Eloquentiæ inservituræ.

Interest rei publicæ litterariæ, vivere & valere Auctorem celsissimum, quod una nobiscum omnes ii exoptantur sunt, qui amant litteras, & qui, quantum ad earum gloriam, tam præclarum, tanti Principis, exemplum, conferat, intelligunt.

Johann

Johann Lorenz von Mosheim, Erklärung der beyden
Briefe des Apostels Pauli an den
Timotheum,

i. c.

IOHANNIS LAURENTII MOSHEMII, *ACADE-*
miae Georgiae Augustae Cancellarii, in utramque D.
Pauli ad Timotheum Epistolam Commentarius.

Hamburgi, 1755. Alph. 4. pl. 3. in 4.

Sunt iam inde a compluribus annis perinsignia eius faculta-
tis, quæ in Moshemio, Theologo nuper coetus nostri
summo, iuxta cum aliis scientiæ copiosæ utilisque dotibus,
erat, divinum codicem interpretandi, in eruditorum hominum
manibus documenta. Nam cum ille frequentius plerisque inge-
nii, doctrinæ, & gesti præclare muneris, quæ edebat, monumen-
tis, ad sanctissimos libros, sacrorum nostrorum auctores & vin-
dices, sibi recurrendum videret, tum ex instituto diligentissi-
meque eam rem egit, peculiaribus talis argumenti scriptis
evulgandis, ut Observationum SS. ut Cogitationum in Novi
Foederis loca diversa, libellis, ut denique eximia prioris ad
Corinthios epistolæ, perscriptæ illius a D. gentium Apostolo,
eregesi. Quæ omnia pulcherrima & digna huius virtute
viri habita semper fuerunt: nunc nos novo isto commenta-
rio nisi superata credimus, at æquata certe, &, augente nec-
opino adventu doni gratiam, magno virorum doctorum
adensu, amplificata. Negat ille se ingressurum hanc palæ-
stram fuisse, ni morbi, qui etiam fatalis illi postea fuit, aspe-
ritate retentus a gravioris doctrinæ genere, talem sibi per-
spexisset occupationem suscipiendam, quæ animi corporisque vi-
res roboraret potius, quam adstringeret, sibi que non minus pro-
desset atque aliis. Itaque hunc dicit fructum senectutis suæ, &,
quibus illa premitur, molestiarum. Possis hic illud peropportu-
ne, quod nobilissimus olim poeta tragicus pro se ipso dixit, muta-
to admodum uno verbo, in Moshemium dicere: num hic,
quem cernitis, labor, ægroti vobis videtur & deiecti viribus ho-

Ddd

minis?

minis? ita in eo sana, firma, lucida denique & egregia sunt omnia. Sed hoc ut lectores quoque nostri intelligant, explicata operis totius compage, propositisque speciminibus quibusdam, adsequemur.

Iam in dirigendis rebus & explanandis, hanc tenuit Noster rationem, ut in particulas omnem epistolam tribueret breviores, harum argumenta, adiectis græci textus verbis, concise proponeret, dein vocabulorum omnisque vim & nexum orationis declararet adcuratius, superadderet postremo vitæ morumque regulas, ex eis, quæ præcesserant, quasi provocatas & elicitas. Hoc vero consilio ait se ad operam istam accessisse, ut doctis pariter indoctisque, imo quicunque quodam legendi talia studio capiuntur, certam daret, perspicuam utilemque utriusque ad Timotheum epistolæ explanationem. Hinc, prætermisissis subtilium litterarum formis, certe leviter duntaxat delibatis, quò spectant critices & philologiæ lumina, etiam interpretum loca rarius excitans, ad id unice animum oculosque intendit, ut, quam posset paucissimis ambagibus, in divini scriptoris mentem penetraret, clavis rectisque continuo præceptis erudiret lectores, & gravi oratione ac luculenta commoveret.

Ventum est ad exempla interpretationis Moshemii, quam a nobis, felicem, doctam & acutam esse, facile doceri posse, quis dubitet? Adhibendus autem hac in opera modus tanto magis nobis erit, quo habemus certius, hbrum qui in manu nostra versatur, versaturum etiam eorum omnium in manibus, imo in sinu gestatum iri, qui sacras litteras aliquanto cariores habent, & quibus sermone uti nostro licet. Sed a principio ordiamur, hoc est, a præparatione scitu necessariorum, priori præmissa epistolæ. In ea primum negat Moshemius dubio carere, quæ de patria Timothei vulgo ponuntur. Lystram dicunt ex Act. XVI. 1. qua in urbe ille ibi solum dicitur quodam tempore adfuisse. Tamen hæc sententia præferenda aliis est, neque movere nos Act. XX, 4. debet, ut Timotheum, certe maiores eius, Thessalonica facimus oriundos, veluti movit Grotium, sed præcipitanti.

hcd

Mul-

Multo incertior est de patre Timothei vulgaris opinio. Pag. 5.
 Quem cum Lucas Act. XVI. 1. Græcum, hoc est, pro scrip-
 tionis in N. F. genere, ethnicum adpellet, non patiuntur
 interpretes, eum talem semper fuisse, sed *profelytum* postea
domicilii egisse volunt. Frustra. Nam loco excitato id
 agitur, ut Timotheum nondum fuisse circumcissum probetur.
 At unde hoc? ex eo, quod patrem habuit ethnicum. Itaque
 fuit ille sine dubio non natiuitate solum ethnicus, sed vita
 etiam reliqua. Quod dicitur Timotheus 2. Epist. III, 15.
 a pueris sacras didicisse litteras, poterat illud, amisso forsitan
 maturius parente, poterat infcio, poterat connivente ob uxo-
 rem, fecisse. Deinde, quando vertunt Act. XVI. 3. *sciebant*
omnes, patrem Timothei aliquando ethnicum fuisse, id tam futi-
 le est, prorsus ut abiici debeat, tanquam cum totius consilio
 orationis pugnans. Est etiam illa mala defensio, quæ duci-
 tur a matrimonio, ethnicum inter & Iudæam initi, ratione, legi-
 bus Iudaicis votita. Recte hoc quidem; sed in ethnicorum
 terris frequenter est licentia in hanc legem grassata. Quod-
 si denique ipso Timothei nomine utaris, cultorem illud
 unius Dei designat, neque credibile putes, id ei a patre eth-
 nico inditum, est in promptu quod respondeatur. Videtur
 scilicet id nominis, conversus demum ad sacra Christianorum,
 accepisse. Quid dico: videtur? immo accepit. Qui cir-
 cumcissus a Paulo, secutus est procul dubio Iudæorum con-
 suetudinem, mutandi post peractum religionis suæ ritum pri-
 marium, nomina sua. Iam Lystrensium & Iconiorum de 10.
 Timotheo pulchrum testimonium, Act. XVI. 2. ab ipso D.
 Paulo credibile est expetitum fuisse. Admotus enim homo
 iuuenis, non ad regendam ecclesiam, sed, quod maius est,
 ad salutaris doctrinæ commendationem publicam, in comitatu
 Apostoli, tali eorum, inter quos versatus adhuc fuerat, iudi-
 cio contra obtreptiones muniendus erat. Non contentus 12.
 autem Grotius, Timotheum, tertia Paulli Lystram profe-
 ctione, amicum illi & socium Evangelii præconem fuisse ad-
 iunctum, contendit præterea, eum multo ante in divini viri ar-
 ctius consortium pervenisse. Reddit enim verba 2 Tim. III. 10.

- παρηκολούθηκός μιν τῇ διδασκαλίᾳ, hoc modo: *adfuisti vel*
 Pag. 14. *ut testis docenti mihi, estque ibi de rebus ante gestis sermo,*
 sqq. quam Paullus Lystram accessisset. At hæc si vera est explicatio, cur Paullus dicitur Timotheum Lystræ tertio demum suo ad urbem illam itinere invenisse, eiusque sibi iungendi tum cepisse consilium, cur tum denique circumcidisse, cur ille significatur habitasse Lystræ & Iconiū, earumque urbium amplissimo præconio mactatus? Quod ad vaticinia, quæ de Timotheo prolata publice adserit Paullus 1 Tim. I. 14. videntur prophetæ, quales eo tempore habebat ecclesia, allocuti Timotheum in concione fuisse, nuntiasseque illi, futurum munus, charismata polliciti esse, & de obeundis recte officii
 18. sqq. partibus commonefecisse. Circumcidit autem Timotheum Paullus, aliorum usus opera. Sed cui bono? ais. Ut Iudæos, qui Lystram, Iconium, vicinaque illis incolebant, tanto facilius, mores & opiniones eorum recipiendo, ad ample-
 25. sqq. ctendam Christianorum doctrinam concitaret. Quæ in laudibus Timothei occurrit Phil. II. 19. sqq. aliorum accusatio, ut *qui sua quærant, non quæ I. C. sint*, ea ita videtur mitiganda, ut hic doctores reliqui dicantur, præter celebrandum Servatoris honorem, etiam de tuenda incolumitate sua & vi-
 35. ta laborasse, passique adeo aliquid in eo humani fuisse. Nunc sequentes proficiscentem cum Apostolo Timotheum, Troæ cum nobis eripi videmus Act. XX. 4. 5. 6. Est vero probabile, illum Hierosolymas usque pervenisse, secessisse postea a Paulo, Cæsareæ per biennium captivo, eiusque adeo ipsius iussu, verentis videlicet, ne quid absentia sua detrimenti ecclesia Christiana caperet. Sunt præterea, qui Timotheum Ro-
 36. sqq. mæ una cum Paulo in captivitate fuisse colligunt ex Hebr. XIII. 23. quod ibi *ἀπελευμένος* adpellatur. Ac habet ea sententia aliquantum verosimilitudinis; sed profecto tantumdem dubitationis. Tempus scriptæ ad Timotheum prioris
 45. sqq. epistolæ, & utile fuerit indagare, nec difficile, modo quæ illa tradit de habitu Ecclesiæ Ephesinæ, &, qui illi præfectus erat, Timothei, diligentius inspicias. Illam facile adparet tota epistola ut recens constitutam, ut nondum firmam satis
 omni

omni ex parte, legibusque necessariis valentem, sisti; hunc ut imperitum adhuc regendi coetus vixdum coacti, consilii-que plurimi expertem. Scilicet, iactis ægre huius ecclesiæ fundamentis, in Macedoniam sibi discedendum videt Paulus. Illius, se absente, curam Timotheo mandat. At iste, cum varia subnasci sentit ad Christianos Ephesiacos pertinentia moderandos, sibi quidem obscuriora, super iis Apostolum scripto consulit. Cuius hæc prior epistola adeo nulli adstricta est ordini, penitusque respondentis formam habet, ut credere nos necesse sit, ea quæstiones a Timotheo propositas fuisse dilutas. Commoratus autem tunc in Macedonia Paulus tertiam fere anni partem videtur. Nam quod Act. XX. 31. profitetur, se integro triennio Ephesi habitasse, non est hoc de continuo domicilio capiendum, monente nos Luca Cap. XIX. 8. 10. qui duos duntaxat annos & tres menses ponit. Epigraphæ epistolæ, quæ illam dicit Laodiceæ in Phrygia exaratam, omnino fallit. Laodiceam enim Apostolus prima Ephesiæ Ecclesiæ ætate, prioris item tempore captivitatis suæ, nondum viderat, Col. II. 1. Ceterum fide carere, quæ de Timotheo, primo Ephesi Episcopo, imo Pag. 56-71. omnis Asiæ Archiepiscopo, quæ porro de morte eius cruenta, in Christianorum quibusdam scriptis antiquis tradita leguntur, doctissima oratione convicit Moshemius; usus inprimis silentio epistolæ Ignatianæ ad Ephesios, magisque etiam Chrysostomi, cuius supersunt viginti octo in utramque ad Timotheum epistolam homiliæ.

Post hanc longiusculam præfationem, ad ipsam epistolam priorem lustrandam accedamus. Igitur primum *Capite primo* v. 4. nos detinent γενεαλογίαι, quas caveri & reiici a 96. sqq. Iudæis conversis apud Ephesios iubet Apostolus. Non hic Iudæorum studium; origines familiarum suarum & incrementa cognoscendi, notatur; non Theogeniæ gentilium; non Sephiroth Iudæorum, nec originationes verborum, ut sint quasi γενέαι λόγων, quod Harduino placet. His omnibus vis vocis & reliqua orationis series adversatur. Rectius nos Gnosticorum, quæ de vero Deo sinxerant, genealogias heic

protulerimus. Tum amice conspirabunt inter se, quæ hoc versu leguntur, omnia. Nam Genealogias quidem illas non dicit Paulus ab ipsis condi Iudæis doctōribus; neque ad ipsos, hoc est, ad gentem & familias ipsorum, spectare propius; addit porro, esse earum rationem cum religionis natura coniunctam, planeque non prorsus discriminis expertem gravioris. Quibus quid ad designandas celebratissimas Gnostico-
rum genealogias dici potuisset aptius? Accedunt alia. Habemus enim consentientes in explicando loco nostro non solum primævæ patres ecclesiæ, sed Gnosticos ipsos, qui cum se hac epistola, præsertim Cap. VI, 20. 21. ubi clare exstat vox *γνώσις*, oppugnari senserint, eam igitur una cum altera reiecerunt. conf. *Clem. Alex. Stromat. L. II. C. XI.* Etiam illud dogma, quod ex amore genealogiarum natum dicitur C. I, 19. 20. 2 Epist. II. 17. negandi futuram aliquam mortuorum resurrectionem, Gnosticis fuisse proprium novimus. *Ἀπέθαντα*, adpellantur eadem illæ genealogiæ, hoc est, incertæ, & stabili destitutæ fundamento: initio profecto & fine non

- Pag. 127. carebant. Qui autem v. 9. *δικαίω νόμος ἔ κεῖται?* Nimi-
sq. rum pro eo quod vertimus: *lex nulla data est iusto*, ponendum erat: *lex ista* (quam ante tractaverat Paulus, quæ prohibendis vitiis constat) nihil ad hominem iustum. Patet autem ex iis, quæ sequuntur, sceleratorum generibus, *iustum* hic dici, qui quæ natura suadet iuris capita atque honestatis. observet. Tales Rom. II, 14. pinguntur, tales prima propriaque decalogi vis spectare non potest, tales denique cum fuerint primævis christianorum coetibus adscripti, vita illi honesta, & virtuti consentanea, num illis acclamandum erat:
152. sq. Nolite furari; item: Nolite cædem committere. De acuta in vocem *πάρους* ad v. 15. disputatione nihil sumimus, quam vindicatam illi potestatem, ut sit: *unus ex præcipuis atque primariis.* *Περί τῆς πίστεως ἐκκαυχῆσθαι*, v. 19. non est, de fide Christo data omnino deficere, sed, in pravās incur-
173. sq. rere de religione opiniones; confirmante hanc glossam 2 Tim. II, 18.

Ne in limine epistolæ diutius, quam par est, hæreamus,
iam

iam *Caput II.* adspicimus. Eius primi continuo versus de precibus publicis, a Christianis etiam pro magistratu ethnico, solo tamen virorum ore, peragendis, præcipiunt. *Πρώτων* Pag. 185. πάντων utrumque notare potest, & : primo loco atque principe eas preces fundendas esse, & : adhortationem Apostoli nequaquam infimo loco habendam. Lapsi ad v. 1. sunt interpretes, quando in eo precum in univrsum omnium genera constitui existimarunt. Imo vero solius ille deprecationis, quæ sunt preces pro aliis, classes edisserit. Quarum priores duæ generales, tertia & quarta speciales sunt. *Δησεις & προσεύχαι* cum pro incolumitate imperii & civium, tum pro avertendis ab utrisque calamitatibus, supplicationum ope, adhibentur; verum utra vox hanc speciem aut illam designet, non definit Moshemius. *Εντεύξεις* recte hic dixeris vehementes apud Deum intercessionēs, ut alius præsentī malo liberetur. Ita Eusebius H. E. Lib. IV. C. XII. Iustini Martyris apologiam pro Christianis ad Antonium *ἐντεύξιν* adpellat. *Ευχαριστίας* denique ut certa bona in alios collata memori grataque ad Deum voce nostra celebrari adderemus, vix necessum erat. V. 5. *ἡς γὰρ Θεός* non designat essentiae divinæ, prout elo- 197. quuntur, unitatem, sed illum Dei erga omnes homines agendi modum uniformem, sibi que perpetuo similem. Quod mox verbis: πάντων ἀνθρώπων, declarat Apostolus, quando addit, esse etiam unum totius humani generis eundemque *μεσίτην*, I. C. hominem illum verum, secus quam opinabantur Gnostici. Ad v. 6. negat Noster *ἀντίλυτρον* plus esse quam *λύ- 201.τρον*, contenditque adeo, eam vocem tantundem valere, ac illa: *ἀντι λύτρος*; lectum sibi locum Chrysostomi, qui ita interpretetur *ἀντίλυτρον*, sed iam non obvium. Illud: *ἐν πάν- 206.τι τόπω*, quo preces virorum publicæ dicuntur peragi posse, innuit forte tollitque morem Iudæorum, Hierosolymas 220. versus orando respiciendi. A v. inde 11. duabus rebus prohibentur foeminae, publice docendi facultate, & imperio in maritos, isto scilicet hæcenus, ut ex illa potestate consequi poterat: reliquarum enim rerum dominatum concupivisse mulieres, non est probabile. Confer, ut mittamus alia,

Pag. 226. 1 Corinth. XIV, 34. In illa elliptica dicendi ratione v. 14. sqq. Ἀδὰμ ἐκ ἡπατῆθης, non inferendum est πρῶτος, sed ἀπὸ τῆς διαβολῆς, & quæ sequuntur: ἐν παραβάσει γέγονε, vertenda: *caussa migrandæ legis marito fuit.* Confirmemus hæc perpendenda universa Paulinæ disputationis ratione. Vetuerat Apostolus foeminas se supra viros efferre. Iam causam addit, quæ hoc postulet. Non Adam, inquit, circumventus est; sed uxor eius. Male hic vox prior omissa creditur. Eam enim si addas, debilem fingas oportet demonstrandi formam, qua usus est scriptor divinus, nimirum huiusmodi: Prior peccavit Eva, itaque æquum est viros a foeminis dominos agnoscî. Rectius, quod iam diximus, suppleveris: *a Diabolo.* At ne in hac quidem περιστάσει causa, quam

quærimus, latere potest. Superest ut eam nobis aperiant quæ sequuntur: *fuitque illi violandæ legis causa & incitamentum.* Iure vero mulier, quæ aliquando voluntati viri infelicissimè imperaverat, eique Auctor & suasor facti fuerat longe perniciosissimi, iussa est in posterum ei semper parere obsequi. Sed enim ad se nos vocat v. 15, qui feminas salvatum iri adserit διὰ τῆς τεκνογονίας, *per liberorum procreationem.* Omnes huius loci difficultates recte ad particulam διὰ refert Noster, probatque eos, qui illam in vel circa, reddunt, ad stipulante præsertim loco, 1 Petr. III. 20. διεσώθησαν δι' ὕδατος, *in aqua servati sunt.* Appendix autem ista cur addita? cur edoctæ mulieres, nequaquam se parienda sobole in discrimen salutis venire? Factum id Gnosticorum causa. Hi quidvis materiale, aut si mavis corporeum, exosi, corporaque hominum tradentes animæ ergastula esse, matrimonium, quod nimirum generandis corporibus humanis suscipitur, vehementer detestabantur. Hinc dubitationes foeminarum, quas isti perveræ γνώσεως amici nugis suis imbuerant.

Ad Caput tertium progredimur. Ubi primo atque inprimis 245 sqq. commemorandum est sapiens Moshemii super intelligendo hoc capite præceptum. Scilicet Paullus in eo non ex instituto officia doctoris ecclesiastici exponit; qua tamen opinione decepti permulti, omnem Theologiam pastorem, quam

quam vocant, hoc ex loco eruere conati sunt. Sed docet ille duntaxat Timotheum, quales esse habitu externo debeant, quos Ecclesiæ Ephesinæ vel præficere antistites, vel diaconos posset adiungere. In his horum eligendorum regulis sunt quædam, quæ valere, dum res Christiana stabit, debent; quæ scilicet vel credendorum homini Christiano, vel agendorum, particula aliqua continentur, v. c. ut *ἐν ἐπίληπτος* sit episcopus, h. e. coetus sanctioris doctor, ut *κῆρυξ*, ut *διδάκτικος*; aliæ temporariæ, bonæ illæ & prudentes, non tamen ad omnes sacrorum administratos accommodandæ, illis quidem primis rei Christianæ temporibus, vel utiles singulari ex causa, vel etiam necessariæ, v. c. ea, quæ episcopum atque diaconum vult unius esse uxoris maritum. Hanc autem ipsam, quæ est Pag. 255. v. 2. iuvat attentius contemplari. Non iam queritur, siue illa quacunque ecclesiæ Christi ætate observanda? id enim recte negavimus; sed de ipsa, mirabile dictu, vi atque potestate huius legis, gravior dubitatio movetur. Quid illa præcipit? ut doctores sacrorum pluribus una eodem tempore uxoribus abstineant? an, ut omnino ad secunda vota nunquam transeant? simultaneamne prohibet polygamiam, (utimur sermone philosophorum nostrorum,) an successivam? De ea quæstione post lectu dignissimum eorum, quæ in utramque partem disputari possunt, examen, pronuntiat Noster, utramque hic polygamie speciem coniungendam videri. Nam formulam *unius uxoris maritus*, pari facilitate in hanc partem flecti, qua in illam. Esse vero sani interpretis, ubi definiri nequit, quænam ex pluribus phrasibus cuiusdam explicationibus recipiendæ sit, universas adoptare: quod scriptor non erat neglecturus, si unam vellet præferri reliquis, id quidem clarius significare. Nunc a primis Cap. versibus illico ad ultimos, ad v. 15. 16. controversæ illos lectionis & interpretationis, transilimus, 326. Postrema quidem verba v. 15. *ὅλος καὶ ἐδραϊώμα τῆς ἰσῆς ἀληθείας*, rectene a v. 16. divulsâ? Adfirmant plerique; quia elogium hoc ecclesiæ tribui autumant. In quo illos errare iam non pauci agnoverunt, neque tamen conficerunt argumentis idoneis. Quod enim primum monent, abso-

Ecc

num

num fore, ecclesiam ab Apostolo *domui*, deinde continuo *columnas & fundamenta domus* comparari, id levi opera repellitur. Domus similitudinem habet ecclesia, si dominum eius, Deum O. M. respicias, columnarum autem & fundamenti, habita veritatis, quam illa profitetur, ratione. Pergunt, Iudeis præcipua religionis capita *columnas & fundamenta veritatis* appellari. Sit ita. Ergo Pauli hoc loco verba pari modo intelligenda: id vero inde non consequitur; intra verosimilitudinem duntaxat subsistit. Utilius omnino urgent coniungendi particulam καί, quæ phrasin, de qua disputamus, commati 16. annectat; licet negare nolumus, superesse hic refugium, variam τῷ καί potestatem. Iam autem quæ Mosheimius, ut σύλον καί ἐδραίωμα τ. ἀληθ. elogium doceat esse doctrinæ de Christo, proponit, evolvamus. Duas vult a nobis res attendi, quarum altera probabilis est, altera certa, & omnem dirimens contentionem. Dixerat Apostolus v. 15. ecclesiam ὄκον Θεῷ, adpellatione non obscura. Tamen veretur, ut eam Timotheus recte capiat, additque: ἥτις ἐστὶν ἐκκλησία Θεῷ ζῶντος. Tum illa: σύλος κ. τ. λ. subsequuntur, & ipsa ecclesiæ Christianæ, ut putant, cognomen; quamvis non adiecta explicatione ulla. Quis vero credat, planam illam & apertam denominationem indiguisse declaratione quadam; hanc metaphoricam, nec dubitationis expertem, non item? Quis non potius, quando ἐξήγησις Pauli deficit, quando videt difficultates suboriri, si verba toties nobis recitata referantur ad ecclesiam, quis non ab illis potius initium v. 16. duxerit? Maius est quod secundo loco ponit Noster, & gravius, sed idem omnibus neglectum loci nostri interpretibus. Ecclesia, quam existimant tantopere ornari ab Apostolo, non est illa disiecta per omnem terrarum orbem Christum sectantium multitudo; sed *unicus apud Ephesos coetus*. In hoc ἀναστρέφεται scribit Timotheum. De *representativa* autem loqui Paulum *Ecclesia*, h. e. de Clericis solis, nemini in mentem veniat, cum hanc ecclesiæ formam penitus nesciverint primi illi Christiani. Ast vero Στύλος κ. ἐδραίωμα τ. ἀληθείας dicetur exilis hæc ecclesia, vix-

dum

dum coacta, legum penuria laborans, & dignitatis prope nullius? Hoc uno animadvertendo, (at illud sponte attentos in oculos occurrit,) omnis uno velut ictu conficitur, quam adhuc tractavimus, disceptatio. Primis vero his v. 16. verbis Pag. 337. longius immorati, de conatu doctorum quorundam, movendi loco suo vocem Θεός, brevissimis dicemus. sqq.

Anni præterea vix duo sunt, quod Theologus Halensis clarissimus, S. I. Baumgarten, vir in honorem & commoda ecclesiæ nostræ natus, peculiari scripto & doctissimo, Vindicias huius vocabuli Θεός, felicissime propugnavit. Etiam Moshemium hoc movit, ut hic vela in dicendo contraheret. Ergo vocem illam ait quinque potissimum rationibus defendi: 1) quod eam tanti Codd. habeant; 2) quod primarii Ecclesiæ doctores ad Sec. usque IV. eam item adprobaverint; 3) quod, demta illa, simul lux omnis huic loco detrahi videatur; 4) quod v. 16. addiscendum necessario sit unum ex his tribus vocabulum, vel *Deus*, vel *Christus*, vel *filius hominis*; 5) quod facile intelligi possit, qui pro Θεός librarii εός, ac postea εδiderint: alterum ex compendio scribendi ΘΣ (Θεός) fluxit, alterum ex conatu sermonem Apostoli cum legibus Grammatices conciliandi. In hac causa præcipue impugnari *Wetstenii* temeritatem, facile omnes prospicient. De eo viro, multis nominibus memorabili, quidni sententiam Moshemii proferamus? Est autem illa talis. *Vidit harum difficultatum* (quæ proveniunt ex mutatione τῷ Θεός in εός vel εδ) *aliquas Wetstenius: non omnes.* Nam in acutissimis quidem censendus ille non est. Fidem his, quæ pono, faciunt scripta hominis, inprimisque enarrationes eius in N. Fœd. libros, perpetuum illæ angustii ingenii atque impediti, quin hominis legendo & colligendo quam meditando aptioris, documentum. Ac de tribus prioribus huius Epistolæ capitibus hætenus.

Impetrabit autem, credimus, apud æquos lectores veniam, quod de omittendis reliquis prioris epistolæ capitibus, imo de tacenda omni Epistola posteriore, cepimus consilium. Quid enim attinet, exempla interpretationis plura proponere, cum ad comprehendenda singula cognitu digna, non rela-

tione opus sit, sed libello peculiari? Laudare velle edifferendo, quæ nisi legendo satis laudari numquam possunt? Hoc tam suave negotium quicumque adgressus fuerit, ille iunctam hic perspicuitati, quanta fingi potest, maximæ, firmam stabilemque veritatem deprehendet; ille Moshemium intelliget, declaranda connexionione orationis Apostolicæ, explicandisque, remota adfectione omni, vocibus plurimum dubitationis habentibus, plus proficere, quam alios summa doctrinæ varietate congerenda; ille eloquentissimo viro etiam quæ possit negare, non tamen velit. Profecto, nisi tu hic, Lector, scriptorem acutum, doctum, candidum atque disertum agnoscas, eum quidem in omni omnis generis scriptorum segete frustra quæsieris.

Atque hic tantus vir, tam insignis doctrinæ & meritorum gloria, gratiaque inter nos excellens singulari, diem nuper obiit (Nonis Septembr. A. 1755.), annos natus sexaginta & unum. Erant sane in eo summa omnia. Ingenium mirifice foecundum, & ad arripienda optima quæque versatile; iudicandi acris & promptissima facultas, felix etiam memoria, in primisque phantasie vis & heuristica præclara. Christianorum historiam sacræ, inde ab eo tempore, quo illa divini Servatoris beneficio constituta accepimus, ad ætatem usque nostram, qui rectius pleniusque tenuerit Moshemio, qui tractaverit subtilius, fuisse nostra memoria non videtur. Qui de moribus hominis Christiani regundis, præcepta sacri codicis luculentius graviusque edisseruerit, nos item hac tempestate alium ignoravimus. Porro, auspiciis maxime curis diviniore scripta interpretatus est; philosophorum veterum placita penitus cognovit, neque minus eleganter philosophatus ipse est. Certe multas ille, neque vulgares, Græcorum Romanorumque litteras doctus erat. Sed in quo Noster omnes sine dubio huius ætatis Theologos longissime victor post se relinqueret, excellens quædam, quæ in eo erat, in dicendo venustas, copia, atque gravitas, non illa verbis solum spectabilis, sed ore omnique corpore, quamvis pusillo, habebatur. Nam ad oratoris munus, & quasi excessam dignitatem tuendam,

dam, magis profecto natura factus erat, quam arte qualicumque & exercitatione eruditus. Itaque vere de eo, summoque omnium, qui coram intuiti sunt, (& nos quoque horum in numero fuimus,) adsensu, hoc clari rhetoris usurpamus, sermonem eius ab ipsis fuisse Gratiis fictum, & quod de Pericle veteris Comoediæ testimonium est, in labris eius sedisse quandam persuadendi Deam. Quid nos scripta viri commemoremus? ac ea præsertim, quæ lingua patriæ vulgari exaravit: quibus illa nervis numericisque, quo ornatu, quanta denique gratia, commenduntur? Sunt ea omnino clarissimo civium nostrorum iudicio talia, ut qui sermone nostro probabilia conati sunt, eorum imitati fuerint exemplar; qui posthac eodem ore bene atque belle dicere velint, Mosheimio ut iis viæ duce opus sit, Sanctissimis autem omni vita moribus, eximie ante omnes modestiæ, honestique pudoris, apud doctos laudem retulit. Raro igitur de suis narrans, & si faceret, leviter atque tenuibus verbis, in alios comis & humanus, tribuens unicuique dignitatem suam lubenter & ultro, nec indigne tulit contradicentes, passusque adeo non refragando est veritatis causa, quippe pacis & tranquillitatis unus omnium longe studiosissimus. Quibus rebus omnibus intelligitur, quam & vita eius iucunda honestæque laudis plena, nobis mors acerba fuerit. Cuius dulcissimæ nos quidem hoc loco memoriæ, ut erat æquum, quodammodo parentavimus.

CHRIST. EVERH. DE LILLE, MED. DOCT.

Traçatus de Palpitatione cordis, quem præcedit præcisa cordis bistoria physiologica, cuique pro coronide addita sunt monita quædam generalia, de arteriarum pulsus intermissione.

Zwollæ, 1755. ap. Andream Voyer, pl. 19 $\frac{1}{2}$. 8.

Postquam eruditissimus Auctor cordis structuræ descriptionem anatomicam, eamque succinctam & accuratam, deinde explicationem physiologicam functionum

num eiusdem quoad motum ipsius, quem a nervis arteriam pulmonarem & aortam inter decurrentibus, & per vices ab iisdem mox pressis, mox vero iterum liberis, dependere assumit, & postmodum locum, situm, cumque aliis partibus connexionem in statu naturali, eleganter exhibuit: ad morbum ipsum, quem describendum sibi sumpsit, pergit, & palpitationem cordis definit per *præter naturam violentam & perquam molestantem musculi cordis contractionem, una cum magna resistētia cruoris a corde pulsī, ab inordinato & impetuosiori spirituum vitalium per nervos in fibras cordis influxu, & cruore iusto maiori copia in ventriculos eius impulso, ita, ut manu superimposita pectori, ipse aeger impelli valide cor & pectus extrorsum trudi sentiat.* Palpitatio hæc fit, si quando cerebrum & cerebellum in nimiam liquidi sui expressionem in villos cordis agunt, vel cordis nervi irritantur aut stimulantur, vel denique sive cor ipsum, sive arteriæ eius interiorius vel exteriorius sanguine gravantur, premuntur, & obruuntur. Ne autem quis palpitationem cordis cum tremore confundat, utrumque affectum ex causis & signis accurate distinguit Auct. quo facto ipsum morbum sic tractat, ut respiciat primo ad affectum ipsum, deinde ad subiecta, quæ huic præ aliis obnoxia sunt frequentius, tertio ad causas varias, quæ cor ad palpitationes proritare possunt, & denique ad rationem diversam, qua singulæ id efficiunt. Affectum ipsum considerat vel prout idiopathicus, sympathicus, hereditarius, connatus, adventitius, mitior, gravior, periodicus, continuusve est, vel secundum ea, quæ ipsum antecedunt & concomitantur. Morbo huic valde obnoxii præ ceteris deprehenduntur, qui habitus strictioris & corporis animique sensibilioris, ætate autem iuniores sunt, quique succis turgent, horumque excretiones suppressas vel neglectas patiuntur, & denique illi, quibus thorax contractus est. Causæ hunc morbum producentes, vel intra & circa cor ipsum hæere, vel in partibus a corde magis remotis residere deprehenduntur. Ad priores pertinent polypi, calculi, pili, vermes, excreſcentiæ carnez, osseum quid aut cartilago,

omnia

omnia in cordis vel substantia, vel cavitatibus, invenienda; posteriores constituunt animi pathemata, passio hysterica & malum hypochondriacum, & cum, & sine materia dictum, obstructions denique quæcunque maiores viscerum, hinc acria quævis undelibet in sanguinem deducta, evacuationes sanguineæ, aliæque consueta, cohibita vel neglecta, lumbrici in ventriculo & intestinis stabulantes, pectoris hydrops & empyema, asthma flatulentum & spasmodicum, omnesque nimie sanguinis commotiones, quas causas morbum hunc produxisse, vel propriis, vel fide dignorum virorum experientiis, comprobant. Cum autem non sufficiat rei historicam dedisse descriptionem, verum medicum potius deceat modum ostendisse, ut a data causa effectus ita nec aliter fiat, utque hic, si iam productus est, cum ipsa causa vel removeri vel corrigi possit: docuiss. Auctor ab hac etiam parte suo satisfactorio officio, utrumque præstitit, dum secundum ordinem causarum, mox recensitarum, & quidem iuxta duas illas, ad quas retulit classes, singulam morbi indolem sic pertraxit, ut ostenderet rationem, qua morbus tum fiat, tum cognosci, dignosci, & curari possit. Hic denique adnectit huius causas, quæ vel in solius cordis aut pericardii, vel corporis totius habitu, tum respectu solidorum, tum fluidorum, consistunt. Tandem monita quædam generalia, de pulsus arteriarum intermissione subiungit, atque illam ab iisdem, quæ cor ad palpitationem sollicitare possunt, causis, aut modo violentius vel diutius agentibus, gigni contendit, præterquam quod pulsus intermittens a defectu spirituum & sanguinis oriri quoque possit, palpitatio non item. Ubique *Clariss. Auctor*, diligentia, in observando æque ac legendo, eruditionis haud vulgaris, & styli cultioris documenta edidit, & exempla suis Commentationibus subiunxit. Poterat in his, uti nobis quidem videtur, egregia multa recensere, observata summis quibusque medicis, nisi potiore theoriarum rationem, quam experientiarum, habere voluisset. Sed sufficiant hæc.

Mathesis forensis: worinne die Rechenkunst, Geometrie, Baukunst, Mechanik, und Hydrostatik, wie auch Chronologie, abgehandelt wird &c.

i. c.

MATHESIS FORENSIS, QUAE ARITHMETICA, Geometria, Architectura civilis, Mechanices & Hydrostatices, æque ac Chronologia principia theoretica succincte tradit, usumque harum scientiarum practicum, in diiudicandis quamplurimis causis forensibus, solide demonstrat &c. cum figg. & indice instructissimo, Auctore D. IOAN. FRID. POLAKIO, Iur. & Math. Prof. P. Ord. Facultatis Iuridicae Assessore in Francofurtana ad Viadrum, Societatis Regiae Borussiae scientiarum membro. Editio tertia, diligentissime emendata, multisque novis accessionibus aucta.

Lipsiæ, in bibliopolio Lankisiano, 1756.

4 Alph. 19 plag. & 4 $\frac{1}{2}$ plag. fig. æn. 4.

De prima huius operis egregii brevi delinatione, An. 1734. in 8. edita, quædam a nobis commemorata *Tomo I. Supplem. ad Nova Acta Sect. IV. p. 153. sqq.* meminimus. Cum autem in editione iam secunda, quæ An. 1740. 4. publicata est, & in hac tertia, pristinum fere mutaverit omnis hic liber habitum: non dubitamus uberius dare iudicium de eo, quid Cel. Auctor præstiterit. Primus ille fuit, neque adhuc alter inventus est, qui, editis de *Medicina forensi* commentariis insignium in ea scientia doctorum motus fuerit, ut eosdem æmulans, principia Matheseos ita exponeret, ut eorum in causis dicendis eximius pateat usus. Nemo vero negaverit, *Polackium* nostrum ex eo de re litteraria, & de iis in primis, qui iuri dicundo præsunt, insigniter meritum esse. Facile illis in *Mathesi forensi* paravit viam, ad dirimendas eas etiam lites, quarum rationes decidendi fundamentis nituntur mathematicis. Cum eiusmodi causæ, tam in iudiciis inferioribus, æque ac superioribus collegiis, quam in Facultatibus iuridicis & Scabinatibus, admodum sint frequentes,

quentes, usus huius libri, & necessitas Mathesi forensi operam dandi, perspicue inde adparent.

Libello huic præmissa est tractatio præliminaris, de Mathesi forensi in genere. Ipsum opus quinque absolvitur sectionibus principalibus, quarum, uti iam titulus prodit, prima *Arithmetican*, secunda *Geometriam*, tertia *Architecturam civilem*, quarta *Mechanicam & Hydrostaticam*, quinta *Chronologiam* edocet. Cuiuslibet sectionis duo sunt generaliora capita, quorum primum fundamenta tradit *theoretica*, alterum *practica*. Cuiusvis sectionis caput alterum practicum, peculiaribus dissertationibus, adplicationem Matheseos in causis forensibus dilucide ostendit.

Ut innotescat, quæ sint tractata in partibus practicis, breviter ea tanto magis referre lubet, quanto maius iis, qui aut in addiscendis, aut in adplicandis Iurisprudentiæ capitibus sunt occupati, sperare licet commodum. Sectionis igitur primæ caput alterum, de adplicatione *Arithmetices in Iurisprudentia*, septem complectitur dissertationes: 1) de *divisionibus iustitiæ in commutativam, distributivam* &c. quarum nullus plane in iure est usus, ad Tit. ff. de Iust. & Iure: 2) de *divisione hereditatis, computatione legitimæ* &c. occasione Titt. ff. de inoff. test. it. famil. hercisc. atque de hered. instit. 3) de *computatione haurariæ*, ad Tit. ff. ad leg. Rhod. de iactu: 4) de *contractu societatis*, ad Tit. ff. pro socio: 5) de *computatione graduum affinitatis*, ad Titt. ff. de ritu nuptiar. & de gradibus: 6) de *concurso creditorum, & de calculo Interusurii*, ad Lib. 42. ff. 7) de *tutela & eius gestæ rationibus*, ad Libb. 26. 27. ff. Sectioni primæ adduntur Ge. Bern. Billfingeri *Appendix de calculo Interusurii*, & Gottfr. Aug. Hoffmanni *Demonstrationes de eodem*. Sectionis secundæ caput alterum, *usum sistens Geometriæ in causis forensibus*, sequentia habet: 1) de *servitutibus itineris, actus, & viæ, de divisione item insulæ in flumine natae*, atque *alvei derelicti*, ad illustrandos Titt. ff. de servitut. P. R. it. de acquir. rer. dominio: 2) de *modo fines constituendi ac diiudicandi*, occas. Titt. ff. fin. regund. 3) de *divisione prædiorum geometrica*, ad Titt. ff. famil. herciscundæ,
Fff

dæ, it. communi divid. 4) *de novo opere, Et inquirendo præiudicio, quod tali facto alteri oritur*, ad Tit. ff. de novi operis nunciat. 5) *de redditibus prædiorum æstimandis, ad contractus tam locationis quam venditionis, taxationibus ædificiorum ac prædiorum, nec non inspectionibus ocularibus*. Sectionis tertiæ caput præcticum, *de applicanda Architectura civili ad causas in foro obvenientes*, sistit tractationes: 1) *de servitutibus ædificiis adhaerentibus*, ad Lib. 8. ff. 2) *de muris, an sint cuidam proprii, an pluribus communes*: 3) *de damno ex ædificiis præsertim ruinosis imminente, atque de moenianis, (Erfern,) suggrundiis, Et aliis proiecturis*, ad Tit. ff. de damno infecto, & de suggrundiis & protectionibus: 4) *de ædificiis ad æmulationem*. Accessit huic sectioni appendix *de æstimandis expensis in ædificium exstruendum faciendis*. Sectionis quartæ caput alterum, *de usu Mechanices atque Hydrostatices in applicatione ad iuris principia*, agit: 1) *de servitutibus fluminis, aquaeductus, Et fossie, (Canal,)* ad Lib. 8. ff. de servitutibus, & Tit. ff. de aqua & aqua pluvia arcenda: 2) *de molis Et litibus inde proficiscentibus*. Appendix nomine constitutiones quædam molinariæ, Et consultationes lites circa rem molinariam exortas componentes, additæ sunt. Sectionis quintæ caput alterum, sequentibus tractationibus usum Chronologiae ostendit: 1) *in explicandis legibus*: 2) *de computatione anni Et diei in iure civili diversa*, ad Tit. ff. de feriis, it. ad mater. præscript. & usucap. 3) *de Indictione Romana, eiusque usu hodierno in instrumentis Notariorum*. Quædam denique sub finem, ad illustranda problemata nonnulla partis Geometriæ practicæ, comparent.

Parti theoreticæ, in secunda iam, & præcipue in nova hac editione, plura accesserunt. *Arithmeticæ* initia, permittente & iubente Cl. Auctore, methodo synthetica adhibita, integriora atque perfectiora reddidit I. V. C. solertissimus, *Georgius Fridericus Thiermann*, ipsius Auctoris in præfatione iudicio, non minus in Mathesi, quam in Iuris scientiis versatissimus. Studio & opera ipsius Auctoris, caput de progressionem arithmetica, præsertim in æstimandis impensis laboris in altitudinem aut in profundum aucti, e. g. in fuscitando & eliciendo fonte, amplificatum est. *Geometriæ* theoremata atque

que problemata quædam utilia noviter inserta sunt, inter quæ theorema Pythagoricum, quod vulgo Magister audit Mathematicos, & problemata de ratione explorandi magnitudinem triangulorum, commetiendi dolium mensura cubica, præcipua sunt. *Sectioni quartæ*, in editione iam secunda, de molis addita est succincta expositio. Prima *Hydrostatices* fundamenta, in novissima editione plane mutata, exemplisque declarata sunt: in secundo eorum theoremate demonstrando usus est Cel. Auctor experientia, qua nituntur *Hermannus* & *Belidor*; ista autem confirmat contrarium eius, quod in demonstratione sua ex *Mechanica* mutuavit *Lib. Baro a Wolff* in principiis mathematicis.

Non minus in capitulis practicis permulta sunt suppleta. *Arithmetica* augmentum cepit ex computatione legitimæ in feudis, atque ex eo, quod filiabus, secundum constitutiones Marce Brandenburgicæ electoralis & novæ, ex feudis competit. Tractationi quintæ cap. II. Arithmetices additus est modus, quem iudex in distribuendis inter creditores massæ concursus opibus, secundum regulam in sententia classificatoria constitutam, observare debet. In concinnum ordinem eum redegit, exemplo, & distributionis schedulæ forma adiectis, optime illustravit, laudatus nobis *Thiermannus*. In *Geometriæ* capitis secundi tractatione quinta, materia de redditibus prædiorum magis est amplificata; novo etiam exemplo prædii alicuius reddituum ideo addito, ut de pretio eius constet. *Architectura* quoque civilis, in appendice, circa mercedem opificum est adaucta, novumque exemplum conspectus ædificii alicuius exstruendi editum. *Mechanica* iam in editione secunda, circa molas litesque inde manantes, multa quam maxime necessaria accesserunt. In *Chronologia* autem nihil fere immutatum est, si exceperis pleniorcm notitiam eorum Scriptorum, qui usum *Chronologiæ* in interpretandis legibus, præcipue Romanis, scriptis suis comprobaverunt, hæcque via ipsi incedentes, legibus magnam lucem affuderunt.

Quantopere autem novissima editio anteriori præstet, vel ex eo intelligitur, quod Cl. Auctor nos monet, illam non

tam novis supplementis adjectam, quam correctam atque emendatam plane esse. Maior quam antea perspicuitas stili ubivis observatur. Assiduam diligentiam & curam, in emendanda atque corrigenda nova hac editione, adhibuit *Thiermannus*, præclaris ideo laudibus ab Auctore Cl. in præfatione cumulatus. Enixe ille, ut accuratissime omnia, signa tam & termini, quam numeri, quantum fieri potuit, typis exseriberentur, curavit; indiceque uberrimo confecto, usum huius libri lectoribus faciliorem & magis gratum reddidit. Nova plane, facillimaque ratione, iste etiam in Additione prima ostendit, quomodo insula in flumine nata, ex dispositione legum Romanarum, absque omni necessitate eius magnitudinem mensura explorandi, inter accolentes distribuatur. Non testimoniis solummodo Cl. Auctoris innixi, sed ipsis editis speciminibus convincimur, iuvenem hunc optimæ esse spei. Et cum nemo adhuc nobis innotuerit, si forte quis esset, qui modum insulæ dividendæ, cuiuscunque sit corporis & figuræ, tam planum, omnibusque evenientibus casibus aptum, publice ediderit: minime dubitamus gratum fore, si integrum heic exhibeamus.

Inter præstantissima alia, a sæpius laudato Cl. Auctore in utilissimo hocce libello tractata, eminere nobis videtur doctrina de calculo *Interusurii*. Inde quoque vidimus, ingenuis eum accensendum esse eruditis. Nam cum in prima delineatione, *G. G. L. Meditationem iuridico-mathematicam de Interusurrio simplice*, Actis nostris An. 1683. p. 425. seqq. insertam, non ex mente ipsius *Leibnitzii* interpretatus, sed sententiam celebrium Ictorum secutus esset, qui rem ac minus tetigerunt; in secunda editione ingenue professus est, se in eare errore abductum fuisse. Ita neque dubitavit, *Bisfingeri*, Professoris tunc in academia Tubingensi acutissimi, super hac re transcripta sibi monita, libro suo An. 1740. iterum excuso appendicis loco inferere, quamvis a sententia illius & *Leibnitzii* in calculo ipso recederet, de quo rationes adduxit sufficientes. Sequitur Auctor noster calculum a *Gottfr. Aug. Hoffmanno* in prima parte libri, qui inscribitur *Haushaltungskunst*, publici iuris

iuris factum, siquidem ita ille est comparatus, ut legibus Romanis, apud Germanos in materia usurarum receptis, satisfaciatur: minime autem est a partibus *Leibnitzii*, qui usuras usurarum, a momento in momentum, computat in calculo suo, qui fortasse in statu quidem naturali adplicari possit, in statu autem civili non habet locum. Solertius in calculum Interusurii inquisivit Auctor noster *Hoffmanno*, qui neglexit modum computandi Interusurium in emtionibus in diem factis, quæ frequentes admodum sunt in subhastationibus. Quem cum solide & accuratissime edocuerit *Polackius* V. Cl. omnes, qui hucusque calculum Interusurii explicandum sibi sumserunt, longe superavit. Maior inde rei iudiciariæ profluet utilitas, quam ex constituto calculo, quantum Interusurii nomine subducendum sit a summa ad certum tempus una solvenda, si ea anticipetur. Multum de Interusurii calculo inter homines eruditos fuit disceptatum, *Hoffmanni* de eo demonstrationes, contra *Clausbergium* inprimis scriptas olim, separatim excusas, suo inferuit tractatui Cl. *Polackius*. Nondum conveniunt inter se, qui hac de re scripserunt. Non ita pridem *Programma pro iustitia calculi Interusurii Leibnitziani* edidit *Abrah. Gotthelf Kaestner*, Professor Mathematicum tunc in academia nostra, nunc Goettingensium, celeberrimus. Quum sæpius eveniat casus, ubi calculus Interusurii est subducendus, exoptandum omnino est, eam controversiam firmis tandem stabiliri principiis.

RATIO INSULAM IN FLUMINE NATAM
secundum dispositionem Iuris Romani inter accolentes dividendi. Auctore GEORGIO FRIDERICO
THIERMANN,

I. V. C. Bonfideliensi Franco.

De insula in flumine nata, quo modo sit inter eos, qui flumen ab utraque parte accolunt, dividenda, Ius Romanum ista habet l. 7. §. 3. ff. de acquir. rer. domin.

F f f 3


| Insula

Insula in flumine nata, si quidem mediam partem fluminis tenet, communis est eorum, qui ab utraque parte fluminis prope ripam praedia possident, pro modo latitudinis cuiusque praedii, quae latitudo prope ripam sit: quod si alteri parti proximior sit, eorum est tantum, qui ab ea parte prope ripam praedia possident.

Quæ Tribonianus totidem fere verbis transtulit in §. 22. *Inst. de rer. divis.* Prima, si vim atque sententiam legis assequi studeamus, in dividenda insula cura nobis erit, ut inquiramus, utrum ea mediam fluminis partem teneat, i. e. medium fluminis utrinque excedat, an illa alteri parti seu ripæ proximior sit, i. e. medium non excedat fluminis. De eo quidem, quo modo id mensurando perscrutemur, Icti Romani minus fuerunt solliciti. At rationem universalem ex duobus istis insulae dividendæ casibus, lege cit. determinatis, colligere licet. Ex illis enim apparet, medium fluminis cum esse terminum, quo definitur, utrius insula sit, aut quanta eius ad utrumque pars pertineat. Id quod non nisi per lineam, iuxta decursum fluminis, supra insulam, aut ex illius regione, ita transductam, ut quælibet eius pars, seu, ut Mathematicorum vocabulo utar, quodvis eius punctum, ab utraque ripa æquali spatio distet, exacte indagari poterit. Quia autem plerumque fluvii in linea recta non decurrunt, sed sæpius cursu deflectunt, linea illa per medium transducta non esse poterit una, sed tot rectæ, quot modis utraque fluminis ripa deflecta. Præterea, cum non eadem ubivis fluminis sit latitudo, inveniendæ partis in illo mediæ, facillima & aptissima ratio hæc erit. Iuxta alterutram fluminis ripam, e regionibus insulae secundum longitudinem extremis, defigantur baculi in *a* & *g*, æquali ab alveo distantia, nec non ex altera ripæ parte in *b* & *h*, eadem qua *a* & *g* ab alveo distantia, ita, ut si ex *a* in *b* & *g* collinees, ad *a* formetur angulus rectus. Idem fiat ex *g*, & ibi etiam constructo angulo recto, ducatur ab *a* ad *g* linea subsidiaria recta, ad quam *ab* & *gh* sint perpendiculares. Erigantur porro supra insulam, ab altera ripa ad alteram, tot perpendiculares ad *ag*, quot aut flexibus decurrit flumen, aut quot modis

Tab. V.

TAB. V. ad Nov. Act. Crui 414. seqq.



modis ipsius alveus vel explicatur vel contrahitur, & quoties insulæ corpus ita formatum est, ut aliquo loco medium fluminis non excedat, uti in figura nostra per lineas *cd* & *ef*, factum est, quarum quæque ab altera ripa eadem alveum longitudine excedat, qua ab altera parte alveum ad subsidariam *ag* excurrit. Lineæ *ab*, *cd*, *ef*, & *gh*, continent latitudinem alvei, quam ille in diversis regionibus habet; nec non longitudinem linearum alveum excurrentium, utrinque sibi æqualium. Invenio igitur medio earum linearum puncto, habebis quoque partem in ipso flumine mediam. Detrahis enim æqualibus ab æqualibus, remanent æqualia, uti ex princip. Arithmet. liquet. Medium istud punctum, si accessu difficile sit, per triangulum invenire licebit. Assumtae e. g. basi ab *a* arbitrariæ longitudinis ad *c*, & constructo triangulo rectangulo *abc*, latus *ab* erit latitudo fluminis cum longitudine illa, qua linea *a b* alveum utrinque æqualibus partibus ab *i* ad *a*, & a *b* ad *b* excedit. Dimidiam lineæ *ab* partem explorabis triangulo, cuius basis *a i* est dimidium baseos *ac*, anguli autem ad basin æquales sunt angulis ad basin trianguli maioris. Ubi linea ex *i* transducta, lineam *ab* in *o* tanget, ibi erit illius, & ipsius fluminis medium punctum. Quæ clare patent ex princip. Geometr. Cum enim per constructionem triangulorum $ao = bo$, porro $ao = io + ai$, & $bo = ko + bk$, ai autem $= bk$, ergo $io = ko$. Itaque *o* est medium punctum latitudinis alvei, ab altero extremo ad lineam *a b*. Hoc toties repetito, quoties latitudo fluminis lineis est explorata, habebis in exemplo nostro media latitudinis alvei puncta, in *o*, *u*, *x*, & *y*. Ab uno medio puncto ad alterum proximum, producantur lineæ rectæ, ab *o* ad *u*, ab *u* ad *x*, ab *x* ad *y*. Lineæ itaque *ou*, *ux*, *xy* continuæ, nisi linea dicenda est potius, aut terminum constituunt, quo bifariam insula regionibus dividitur, & utrobique fines adeo præscribuntur, aut designant, insulam inter eos tantum, quibus ab una parte prope ripam prædia sunt, esse distribuendam. Quo facto, absque ullo negotio, divisio insulæ inter eos, qui aut ab una, aut ab utraque fluminis parte, prædia habent, fieri poterit. Ait lex supra excitata, *insulam, si mediam*

diam partem fluminis teneat, communem esse eorum, qui ab utraque parte fluminis prope ripam prædia possident, pro modo latitudinis cuiusque prædii, quæ prope ripam sit: quod si autem alteri parti proximior sit, eorum esse tantum, qui ab ea parte prope ripam prædia possident. Hoc quale sit, planius intelligi potest ex l. 29. §. 3. ff. de acquir. rer. domin.

Inter eos, qui secundum unam ripam prædiæ habent, insula in flumine nata, non pro indiviso communis fit, sed regionibus quoque divisa: quantum enim ante cuiusque eorum ripam est, tantum, veluti linea in directum per insulam transducta, quisque eorum in ea habebit, certis regionibus.

Igitur, si prædia secundum unam ripam plura sunt, insula divisionem tot aliis quibusdam regionibus in latitudinem recipit, quot contra fundi sunt ad ripam proiecti. Unaquæque autem regio latitudinem habere debet eandem, quæ cuiusque fundi prope ripam, sive ad oram fluminis dicas, deprehenditur. Eam regionis latitudinem pro modo fundi quæ sit, posteaquam linea illa per partem fluminis mediam est ducta, facili negotio designabis. Ab utroque limite, qui agrum in eius fronte, seu ad ripam, definiunt, lineæ in directum lineis *ab, cd, ef, gh*, parallelæ, ad mediam vel medias *ou, ux, xy* traducantur, quæ ad subsidiariam *a g* productæ, perpendiculariter illi insisterent, id quod etiam in media ista, si ab *o* ad *y* una tantum esset recta, obtineret. In exemplo itaque figuræ nostræ, ii, qui ab una parte prope ripam prædia habent, & quidem *Iavolenus* nullam plane insulæ partem, *Modestinus* regionem signatam *M*, *Neratius* regionem *N*, *Labeo* regionem *L*, ii autem, qui ab altera parte prope ripam fundos possident, *Caius* nempe regionem *C*, *Sempronius* regionem *S*, *Ulpianus* regionem *V*, *Titius* denique regionem *T* signatam, acciperent.

Hanc esse legum Romanarum sententiam veram & apertam, ne illi quidem negare poterunt, qui alia omnia hucusque statuerunt. Sentient expediri se multis difficultatibus, quibus obstructa est altera illa minus quidem apta ratio. Ut mensura insulæ magnitudo exploretur, eo certius supersedere nos posse cõsidimus, quod insulæ vel per alluvionem aliquid accrescit, vel

vel vis fluminis partem aliquam ipsi detrahit: præterea ex sensu legum nunquam insula accurate dividi poterit, si mensuræ ratio habeatur. Si describere in charta insulam velis, exacte illud peragere non poteris, nisi eius ab utraque ripa ubivis distantia sit cognita, quam modo iam demonstrato facile denotabis. Ne quid dicam, quo iure, quaque iniuria, tantundem singulis partes assignentur. Quod multo secus est: ut mirari nos subeat, qui latere illos legum Romanarum sententia tam facilis potuerit, quæ iure optimo, sed etiam æquitate summa nititur. Sed nec illud coniectura assequimur, quid sit, quod tantopere inter se de fronte agri dissideant. In verbis enim legum obscuri nihil est. Aut iis tenebræ sunt, ubi clare admodum cernunt alii. Porro hæc, qua insulam dividi Ius Romanum sapienter præcipit, ratio, universalis, & quodammodo absoluta est, quæ valet in omnibus omnino insulis, qualicunque fluminis tractu atque fluxu, & quibuscunque tandem corporum velut figuris illæ sitæ sint. Dicat aliquis: in quem privati usum ista convertimus? nam principes in eiusmodi possessionem insulæ, quæ publica censetur, veniunt. Nos vero, quæ proposuimus, non, quasi omnino necessaria essent, sed doctrinæ causa disputavimus. Quanquam nos non fugiat, nonnullis in locis Germaniæ, præsertim in Suevia, forte & alibi, uti exemplis & constitutionibus hæc de re extantibus, a Cl. D. *Ioh. Frid. Polackio* in *Matthes. forens. Sect. II. Cap. 2. Tract. I. §. 45. p. 219. edit.* a nobis paucis retro plagulis declarata, & alibi edocemur, hoc insulæ dividendi ius etiam inter privatos obtinere. Deinde non est dubium, quin usus in Iure publ. vel gentium potius, appareat. Verbi causa, si quis ab altero populus flumine separatur, quo in flumine nascatur insula: nullam uterque populus, aut ambo principes, hac dividendæ ex æquo & bono insulæ commodiorem sequi rationem poterunt. Conf. hæc de re Ccl. *Ioh. Jac. Moser*, in *Comp. Iur. publ. L. IV. c. 20. §. 19. p. 551. edit. An. 1748.* Quæ tamen ibi profert, maxime de fluminibus maioribus, uti Rheno, & in Saxonia Albi, sunt intelligenda. Doctrinam Iuris Romani, de insulis in flumine natis, quid circa eas iustum

G g g

fit,

fit, uberius & apte admodum exponit, casibusque singularibus probe illustrat, præclarus interpres, *Arnold. Vinnius* in *Comment. ad §. 22. Inst. de rer. divis.* item *Bergerus* in *Oecon. Iur. L. II. T. II. §. 15. n. 4. & not. 1. 2.*

SYMBOLAE LITTERARIAE, OPUSCULA VARIA philologica, scientifica, antiquaria, signa, lapides, numismata, gemmas, & monumenta mediæ ævi, nunc primum edita, complectentes. Volumen III, ornatum Tab. V. ære, aliisque pluribus buxo incis.

Florentiæ, 1749. 16 plag. in 8.

Quod in illustrandis veterum gentilium monumentis adhuc posuit indefessum ac nobile studium, in postscripta maximam partem edendis Antiquitatibus Christianorum impendere constituit *Cel. Gorius*. Atque hanc viam ingressus est, edito tertio Volumine symbolarum, quo non nisi eiusmodi monumenta sacra continentur & explicantur. In præfatione huius Voluminis, spem *Martyrologii Lapidarii*, e sepulchrorum & cryptarum titulis eruendi edendique, fecit laudatus *Gorius*, Martyrologium Romanum hac ratione insigniter aucturus. Nos Viro doctiss. auctores sumus, si coepta persequi velit, ut per Italiam, in primis Romam, iter faciat ipse, lapides inspectum ac descriptum, quo marmora Christianorum veterum sine mendis & accuratius edita habeamus, quam quidem ab *Aringhio*, *Boldetto*, *Bottario*, aliisque Romanæ subterraneæ editoribus, factum. Prolusionem Gorianam excipiunt *Anselmi Costadoni*, Veneti, Monachi Ordinis S. Benedicti, e congregatione Camaldulensi, ac eiusdem Monasterii Bibliothecarii, *Observationes in graecam pervetustam iconem ligni SS. crucis, in monasterio S. Michaelis de Mariano adservatam, ad amplissimum Senatorem Flaminium Cornelium*. In medio tabulae huius eburnæ, cuius descriptionem cum edtypo

Pag. 7. ære inciso cap. I. dedit Rev. Auctor, ab artifice græco anaglypho opere sculpta est crux, in qua reposita dicitur particula ligni, ex quo Optimus Salvator noster pependerit.

Luata

Iuxta crucem, a dextris Constantinus M. a sinistris Helena Augusta conspiciuntur, quorum nomina adiecta inscriptio græca, eademque perpendiculariter exarata, declarat. In explicando digrammate **A** quod voci *Constantinus* præpositum, multus in primis est Cl. Auctor cap. II. Putaverat initio, græcum calatorem, quum lineola transversa inclusa litteræ A pæne invisibilis sit, signum triangulare pro spiritu articuli O sculpsisse, quemadmodum etiam in antiquis Codicibus MSS. Bibliothecæ Venetæ S. Marci animadverterat: postea vero, mutata ea opinione, rectius contendit, littera A *Ἀγίου* denotari, ut adeo **A** explicandum videatur O *Ἀγίος*; id quod auctoritate veterum Codicum, numerum, & operum musivorum, egregie confirmatur. Hac ratione Cl. Auctori præbetur occasio, tum de titulo *ὁ Ἀγίος* generatim, tum etiam de cultu Constantini M. cap. III. differendi. Ecclesia orientalis Constantinum cum Helena Augusta, com-Pag. 15. muni consensu, in sanctorum numero reposuit, cultu utrique tributo, ut ex Menæis & Menologiis græcis, ad d. XXI. Maii, vel maxime apparet: latina vero ecclesia illum fastis sanctorum adscribere hucusque recusavit, ob Arianismi notam, quam ei inusserunt Hieronymus, Lucifer Calaritanus, alique; quamvis vestigia cultus Constantini deprehendantur in Anglia, ubi vulgo ortus creditur. Argumentum sanctitatis Constantini, a nimbo ductum, qui caput eius in icone circumstat, cap. IV. infirmatur, siquidem Imperatores, aliosque viros illustres, haud quamquam vero sanctos, hac nota cōhonestare consueverant Romani, teste *Servio in Aeneid. III. 590*. Præterea quatuor prioribus a C. N. sæculis, usum nimbi, ad or-21. nandas sanctorum imagines, Cl. Auctor vindicare studet ex monumentis superstitibus vetustis, sed perquam rarum fuisse; Sæc. vero V. frequentiore fieri coepisse, ac tandem post tempora Iconomachorum, præcipue post mortem Theophili Imperatoris, a. 842. restituto per Theodoram Augustam imaginum cultu, ad sanctorum imagines reservatum fuisse, ait. Hinc nonnisi rarissime, & ex adulatione artificum duntaxat, nimbo redimitas cerni effigies Imperatorum subsequen-

- tis ætatis. Corona, qua Constantinus in icone decoratur,
 Pag. 26. Cl. Auctori cap. V. videtur esse camaleucium, simile ei, quo Iustinianus usus est, quod Procopius κατ' ἐξοχὴν *Iustinianum* nominavit. Auctor quidem Chronici Paschalis seu Alexandrini, ac Cedrenus, diadematis inventionem & usum Constantino adscribunt; sed verba eorum de camaleucio proprie intelligenda sunt, quum Imperatores iam ante Constantinum diadema gestaverint. Trabea, quam Constantinus in icon-
29. ne indutus est, erudite cap. VI. exposita, Cl. Auctor ad map-
31. pam, illud consulare insigne, cap. VII. progreditur, manibus Constantini & Helenæ inditam. Apostolos quoque, aliosque Sanctos, immo ipsum Salvatorem nostrum, eiusmodi volumen, quod fortasse Evangeliorum librum denotet, leva manu ferentes, conspici in antiquis monumentis, a Ciampinio editis, adnotat. Præter mappam, manibus Imperatoris globum & sceptrum indere, quum cælatori iconis minus conveniens videretur, insignia hæc imperialia posuit in manibus angelorum, in margine adstantium. Pictoribus quippe frequens mos fuit, ea quæ in tabulis absque confusione describere non possent, in ornamentis adicere. Cum eruditionis apparatu Cl. *Cosiodorus* cap. VIII. commentatur super globo Imperiali, qui mox nudus, ut in hac icone, mox ita, præsertim in numis, conspicitur, ut super eum vel Victoriola, lauream coronam Imperatori porrigens, vel crucicula emineat. Primus, qui in Byzantinis numis, erecta cruce parvula supra globum usus, apparet Valentinianus, apud Nicæam Imperator adlectus a. 364. Sæc. vero VI. frequentior coepit esse usus globorum crucigerorum in Byzantinis numis. Quatuor Evangelistarum symbola in angulis extremis iconis, sub animalium Ezechielis specie exstant, quibus simillimæ imagines in antiquis operibus tessellatis, a Ciampinio editis, repræsentantur.
40. Quapropter Cl. Auctor cap. IX. in exterum vulgus invehitur, quod Venetorum Leonem alatum, nimboque redimitum, ludibrio habeat. Scilicet ex vetustissimo Ecclesiæ ritu, symbolicum animal Marci Evangelistæ, Venetæ reip. patroni, hac eadem forma pictum fuisse, variis ex operibus per-
- anti-

antiquis mulvis evincitur. Dissertationi denique Costadoniae cap. X. obiiicitur forma crucis, cuius stipes duplici ligno decussatus est, uti in icone spectatur. Eiusmodi crux dicitur vulgo *Patriarchalis* seu *Hierosolymitana*, quippe Hierosolymitanis aliisque Patriarchis gestari solita. Crucem ita auxerunt Patriarchæ, ex mente Auctoris nostri, ut ab aliis inferioribus Episcopis semet distinguerent. Nec minus hæc gemina crux nuncupatur *Apostolica* a Scriptoribus Rerum Hungaricarum, quippe qui huiuscemodi crucem, tamquam Apostolatus insignem, una cum corona a Pontifice Romano transmissam Stephano, Hungarorum regi & Apostolo, commemorant, potestate ei data, ad posteros reges illam transferendi, veluti Apostolica legatione effulgentes. Geminæ crucis formam primum reperit Cl. Auctor in numis Leonis Isaurici. Explicato monumento suo, in ætatem eius diligentius cap. XI. inquit, & ex imaginibus duriusculis ac rudibus, nec non litteris quadratis & rotundis, in eo obviis, antiquitatem eius probare studet. Speciatim vero id sæculo X. adscribere nullus dubitat, quum schemata huius tabulæ simillima sint iis, quæ aliis in monumentis dicti Sæculi, præcipue in Menologio Basilii Porphyrogennetæ, ceteris Menologiis præstantiori, conspiciuntur. Verus huius Menologii auctor, variis ex rationibus, statuitur Imp. Basilii iunior, adversus Baronium, qui ad A. 886. Basilio Macedoni id tribuit. Quæ Cl. Auctor, sub finem Dissertationis, de mirabili iconis translatione in Monasterium Murianense Venetum, & cultu & miraculis portionis S. Crucis in icone reconditæ, ac de multiplicatione enormi huius S. ligni, per totum quasi orbem facta, tradidit, merito omittimus, quippe pro vulgo credulorum scripta. Ceteroqui observationibus distincta est hæc Diatribe, quibus eximia Cl. Auctoris notitia rerum antiquarum, præsertim Byzantarum, proditur. Dissertationi Costadoniae adiectum est opusculum, quod inscribitur: *Crux e vitali ligno Sanctæ Crucis, in qua sculptus Iesus Christus Nazareus, capite mitrato, quæ adservatur in thesauro Basilicæ Baptisterii Fiorentini, Commentario illustrata ab Antonio Francisco Gorio, eidem Basilicæ Præ-*

posito. Præstantissimus huius opusculi Auctor, de patria sua, æque ac de omni re litteraria, optime promeritus, cui Florentia grata statuum honoris causa poneret oppido dignus, quamvis tot tantisque præclaris ingenii monumentis editis iam immortalis sit, cimelia sacra Basilicæ Baptisterii Florentini, cuius præsidio cum summo honore fungitur, edere atque illustrare aggreditur, ex quibus in medium profert pervetustam crucem, quam e ligno crucis dominicæ confectam nobis persuadere conatur. Anaglypho opere, mox depressiori, mox eminentiori, sed admodum rudi, sculptus in ea cernitur Christus, quatuor clavis adfixus, ab umbilico pæne ad genua usque femorale seu subligaculum indutus, & quod maxime commemorandum est, mitra seu tiara pontificia ornatus. Monumentum illud, cuius altitudo paullulum excedit uncias quatuor pedis Romani antiqui, latitudo vero tres uncias æquat, crassitudo quo-

Pag. 82. quoversus unciam fere unam complectitur, a Cel. *Gorio*

101. prioribus Dissertationis huius capitibus copiosius describitur, & imago in æs incisa repræsentatur. Primis quatuor a C. N. sæculis haud obtinuisse morem, in picturis, vel sculpturis, Christum cruci adfixum repræsentandi, variis ex rationibus, & illis quidem valde probabilibus, ingenue fatetur eru-

102. seq. ditissimus Auctor cap. V. confutata eorum sententia, qui ex verbis Paulli: κατ' ὀφθαλμοὺς Ἰησοῦς Χριστὸς πρόεργάφη, ἑσταυρωμένος, ad *Gal. III, 1.* simile quid exsculpere annisi sunt. Symbolicistamen imaginibus, Christum, vel sub specie *Pastoris boni*, vel *Agni immaculati*, vel *Evangeliolorum voluminis*, vel *Monogrammatæ*, proponendi, primævos Christianos omnino fuisse usos, evincere studet ex vitreis eorum pateris & vasculis, lucernis, sarcophagis, sepulcris, tribunalibus Ecclesiarum antiquis, triumphalibus arcubus, musivo opere pictis, ingenti copia a *Ciampinio in Vet. monument.* editis. Invehitur propterea *Gorius* noster in *Sam. Barnagium*, qui cuiusmodi argumenta vitrea dixerit, & ornamenti tantum gratia picturas sculpturasve vitreis calicibus & pateris olim additas, adeoque sacrarum imaginum numero eiiciendas esse adfirmaverit. Nos quidem medii sumus, & neutrius partis studiosi: putamus

tamus tamen, Ven. *Gorium* nondum satis probasse, quod imagines istæ adorationi & cultui fidelium, in sacris veterum Christianorum synaxibus, expositæ fuerint; hoc enim est, quod *Basnopius* cum ratione negasse videtur. Lectu vero sane quam dignissima, quæ cap. VI. de monogrammate Christi, referente eius nomen & crucem, itemque cap. VII. de ritu pervetusto, elevandi, & in sublimioribus Ecclesiarum locis, nempe triumphalibus arcubus, apsidibus, tribunalibus, thronis, ac Ciboriorum verticibus, gloriosa monogrammata ista ponendi, haud sine suffragio veterum monumentorum allata sunt. Ex locupletissimis Adversariis suis quum porro Cel. *Gorius* cap. VIII. ea supplevit, quæ Auctores de Cruce partim prætermiserunt, partim non satis accurate exposuerunt, ad imagines crucis cum Christo suspenso propius accedit cap. IX. quarum vestigia, vergente demum Sæc. VII. & ineunte VIII. invenire potuit. Neque tamen ante Sæc. XI. imagines Christi cruci adfixi opere anaglypho elaborari coeptas, sed graphio duntaxat cælatas, vel pictas esse, primus fortasse observat doctissimus Auctor. Tandem incausam, quamobrem in monumento suo, quod illustrandum suscepit, mitrato capite sculptus sit Christus, cap. X. inquit, verolimillime coniiciens, Redemptorem nostrum, tamquam Sacerdotem & Pontificem Ecclesiæ summum, ita fuisse adumbratum. Quæ hac occasione de *mitra*, Pontificis insigni, eiusque varia forma & ornatu, secundum seriem temporum, tradidit, rerum antiquarum studio non possunt non esse iucundissima. Tertio symbolarum volumini coronidem imponit Paulli Mariæ Paciaudii, *Cler. Reg. Presbyteri, de veteri Christi crucifixi signo, & antiquis Crucibus, quæ Ravennæ sunt, Diatribe, cui accedunt monumenta alia nondum edita*. Antiquissimam Crucem Ravennatensem, cum adpena imagine Christi, panno lineo contecta, §. 1. descripsit Cl. Auctor. Neque tamen crux hæc est immissa, nec conmissa, nec decussata, sed lignum bifidum & furcatum, quod figuram litteræ T repræsentat. Hanc enim veram veteris furcæ speciem fuisse putat, quam subobscurè definivit Suidas: Φάρκα παρὰ Ῥωμαίοις ξύλον διδυμον. Mirum est, Lipsium dixisse, furcæ formam in veterum

terum scriptis parum dilucide traditam: fugisse eum videtur locus *Varronis de L. L.* IV. ubi de vallo, quod extrema bacilla furcillata figuram habeant litterae *Y*. Plus firmamenti sententiae suae ex aliquot Plutarchi locis dedit Cl. Auctor, confutatis iis, qui furcae speciem ad litteram *Π* constituerunt. Furcam quoque pro crucis genere habet, ac servos fugitivos, latrones, sicarios, aliosque ex facie plebis morte damnatos, non modo illam ad locum supplicii deportare debuisse, sed in illa ipsa furca, veluti huic fini aptissima, etiam suffixos fuisse, opinatur, auctoritate potissimum Callistrati *Icti l. 28. §. 15. D. de poem.* suffultus. Per iniuriam itaque *Ravardo & Schultingio vapulat Tribonianus*, quod in excitata lege pro cruce posuerit furcam. In idem crucis genus ipsum Salvatorem nostrum fuisse actum, ad maiorem ei inurendam infamiam, insuper coniicit Cel. *Paciaudius*, additque, quosdam Aescetas scripsisse, crucem Christi in hunc modum fuisse conformatam, ut vaticinium impleretur: *Filius hominis non habet, ubi caput reclinet.* Nec sententiae suae obverti posse credit Cl. Auctor noster, quod crucem in littera *T* praesignaverit divinus vates, *Ezechiel*. Sat enim est, si symbola aliquid similitudinis praese ferant. Equidem nos putamus, sub signo *Ezech. IX. 4.* eodemque haud definito, nequaquam esse figuratam crucem Christi; sententiam quoque *Paciaudianam* super forma crucis Christi, aliis rationibus verosimiliorem reddi posse: nisi forte quis existimet, eam conciliatu difficilem esse cum *Matth. XXVII. 37.* Denique adnotat Cl. Auctor, crucem hanc *Ravennatensem* esse sine ligno arrectario, quo cruciarii quasi vectabantur & insidebant, atque etiam sine suppedaneo, quod plerumque est commentum sequioris aevi. De huius simulacri aetate vero, quod multa iam tulit saecula, nihil certi statuere audeat. Reliqua crucis simulacra, ut & antiquitatis monimenta profana, quae *Ravennae* & in vicinia exstant, haud minus eleganter quam docte descripsit & explicavit Cel. *Paciaudius*, ex quibus pro specimine adferimus gemmam, quae exstat *Ravennae* in sacrario *S. Vitalis*. Gemma, quae ex veteri encausto bicolori est, cinctum quadrinodem & ma-

num

num repræsentat, auriculæ summis digitis attrectantem & vellentem, cum lemmate: MNHMONEYE MOY. Similem in Museo Florentino Tab. XXII. 1. 2. prolatam Ven. Gorius ita explicaverat: *adhortatio est ad amasium, amasiamve, ut mutui amoris recordaretur.* Cupidinem vero, Deorum natu minimum, negotiis suis ritum vellendi aurem accommodasse, negat Cl. Paciaudius, gemmamque potius referre asserit pestiferum illud veterum dogma, & perditissimum morem, quo mortis memoria sese ad voluptates excitabant, & huius recordatione in Venerem & Bacchum siebant effusiores. *Virgilius* sub finem poematii, quod *Copa Syrisca* inscribitur:

Pone meritum & talos; pereat, qui crastina curat;

Mors, aurem vellens: vivite, ait, venio.

Cinctus vero quadrinodis Cl. Auctori *ἀφροδίσιον σχῆμα*, & fortasse fascinus esse videtur, quo in re amatoria veteres turpissime usi sunt. *Tibull. I. 9.*

Ipsa Venus, magico religatum brachia nodo,

Perdocuit multis non sine verberibus.

ORATORUM ET RHETORUM GRAECORUM,
quibus statuæ honoris causæ positaæ fuerunt, decas, edita a
a FRID. GOTTHILF FREYTAG, I. C. & Societ.

Ienens. Lat. pariter atque Teuton. Collega
honorar.

Lipsiæ, sumtibus hered. Lankisianorum, 1752. in 8. pl. 4½.

Tantum quod Auctor doctissimus *analectis suis litterariis* orbi erudito coeperat innotescere, Eminentissimus nuper R. E. Purpuratus *Quirinus*, qui quicquid ubique ingeniorum est, liberaliter amplectebatur prolixèque fovebat, voluntatem ipsi suam litteris, humanissime scriptis, peramanter significavit. Cui Viro summo ut gratias, quas deberet, ageret, hanc oratorum, positis statuæ quodam tempore cultorum, *decadem*, ab se collectam, in eius nomine apparere voluit. Totius vero disputationis summa quæ sit, ex indice illius intelligi facile potest. Quam uni nempe oratores ita quondam in laude §. I.

Hhh

omnium

- omnium ac prædicatione, vivi adhuc spirantesque, essent, quod ne poetis quidem, saltem horum paucissimis, contigit; atque ipsa eloquentia, aiente *Pacuvio* apud Cic. L. II. de orat. c. 44. *flexanima* haberetur, & *omnium rerum regina*: utrisque maxima erant exposita præmia, vel ad gratiam, vel ad opes, vel ad dignitatem. Cuius generis erant insignes *tituli, stipendia, acclamationes, plausus, coronae, signa, statuae*. Atque illa quidem quum ab aliis iam diligenter pertractata sint, ut a *Cl. Grosæo de Boze* in academiarum regiarum inscriptionum commentariis & S. R. Io. *Georg. Walchio* in diatriba de præmiis veterum *Sophistarum, Rhetorum, atque Oratorum*, Ien. 1718. aliisque:
5. ipse de *statuis* tantum exponendum sibi putavit, quæ oratoribus, neque omnibus illis, sed decem tantum, decretae olim
 6. fuere. Eos, servato temporis ordine, quo quisque floruit,
 7. ita enumerat, ut primo loco ponatur *Pericles*, Atheniensis, & novem tropæis clarus, & eloquentiæ laude tam conspicuus, ut in eius labris leporem habitare dicerent. Duabus itaque statuis, virum, qui urbem patriam inaurare pulcrioremque reddere (*καταχρυσούν και καλλωπίζειν*) dicebatur, merito suo colebant; quarum altera in templo *ἱερατομπέδω*, Minervæ sacro, altera in arce Atheniensi, haud procul a statua Minervæ *πολυάδος*, posita erat. *Pausan.* in Atticis p. 23. 26. ed. Wech. Plutarchus tradit, eas, quum oblongo ac plane deformi capite natus ipse esset, unde poetæ illum *σχινοκέφαλον* dicerent, omnes galeatas fuisse. Alter, eodem honore
 8. conspicuus, fuit *Andocides*, bellica virtute non minus, quam pacis artibus, eloquentia potissimum, illustris. Cui statuam fuisse positam ex *Fulvio Ursino* discimus, qui Hermam aere exprimendum curavit, cum hoc titulo: *ΑΝΔΟΚΙΔΗΣ ΛΕΩΓΟΡΟΥ ΑΘΗΝΑΙΟΣ*. Quod quum nemo veterum scriptorum memoriam prodiderit amplius, ambiguit admodum
 9. dictum nobis quidem videtur. Tertius est *Gorgias* Leontinus, Siculus, cuius admiratione quum insanirent propemodum ætatis eius homines, in templo Apollinis Delphici, statua solido ex auro, ab universa Græcia, ei ponebatur, eaque ipsius personæ similis atque *ἱσομέτερος*. Eumolpus, Deicratis pronepos,

nepos, eidem, Olympiæ, aliam dedicavit statuam. Quartus §. 10. *Isostrates*, cui, quum inter parietes aleret eam gloriam, quam nemo quidem postea, Cicerone iudice, consecutus est; *Timotheus*, Cononis filius, æream, *Alphareus*, ipsius filius adoptivus, item æream, posuerunt. Alia porro, eundem adhuc puerum, cum equo singulari certantem, referens; alia denique in sepulcro eius, triginta cubitorum altitudine, columna, cui septem cubitorum *Siren* imposita erat, erigebatur. Quintus est *Lycurgus*, cui statua, ex ære conflata, publico decreto, in *Ceramico*, item alia lignea collocabatur; post mortem autem columna a filio *Abrone*, ante palæstram, quam ipse exstruxerat, erigebatur, cui omnia, quæ gesserat, facinora inscripta erant. Sextus, statuarum honore decorus, *Iphicrates* est, cuius duæ commemorantur orationes, altera *περὶ τῆς εὐνομίας*, seu *πρὸς Ἀθηνάσιον*; altera *περὶ τῆς πειθοῦς*. Statua vero illius ad ingressum arcis conspiciebatur. *Demosthenes* septimus est, cui, summo merito eius, hunc honorem detulerunt Athenienses, sed post mortem demum, maiore sui dedecore, quam divini oratoris culpa. Accepto enim de illius obitu nuntio, non solum in foro, iuxta duodecim deorum aram; statuam æream ei decreverunt, sed ei quoque, qui natu maximus e *Demosthenis* familia erat, victum in *Prytaneo*, & primum in certaminibus locum, concesserunt. Octavo loco commemoratur *Demades*, in nullo schola rhetoris, remigando inter maris fluctuantis tumultus, naturæ solius instinctu, ingeniique beneficio, factus orator & demagogus Atheniensium, qui cum *Demosthene* adeo de principatu contenderet. Cui, quamquam republicam eius eloquentia & consiliis corruptam & proditam iudicaret *Plutarchus*, cives tamen, tamquam optime de se merito, statuam æneam in foro collocarunt. Sequitur *Phocion*, cuius eloquentiam vel ipse reveritus est *Demosthenes*, cui viro egregio necato, ut nefarii sceleris ab se commissi quasi maculam abluerent Athenienses, æneam statuam posuisse feruntur. Ultimus est *Demochares*, cui mortuo ænea statua, sub ingressu in *Prytaneum*, decreta est, ita quidem, ut gladio cinctus, & cum veste, primus effingeretur. Singulorum

lorum vero vitas simul eleganter tradit doct. *Freystagius*, de orationibus eorum exponit, dicendi formam, *χαράριτες* Græci dicunt, breviter adumbrat, magnamque lectionis copiam ubique prodit.

DISSERTAZIONI SOPRA LE ANTICHITA ITALIANE.

i. e.

DISSERTATIONES DE ANTIQUITATIBUS Italiae, olim latino sermone composita ac publicatae, cura Auctoris LUDOVICI ANTONII MURATORII, ab eodem postea in compendium & linguam Italianam redactae. Opus posthumum, luci datum a IOANNE FRANCISCO SOLI MURATORIO, eius nepote.

Tom. I. Alph. 3. plagg. 11. Tom. II. Alph. 3 plagg. 10 $\frac{1}{2}$.
Tom. III. Alph. 3. plagg. 11 $\frac{1}{2}$.

Mediolani, 1751. 4. Apud Ioannem Baptistam Pasquali.
Cum licentia Superiorum.

Ededit Lud. Anton. Muratorius, cuius merita historica nullum exedet vel obliterabit tempus, Tomis VI. forma chartæ maxima, *Antiquitates Italicae mediæ ævi, sive Dissertationes de moribus, ritibus, religione, regimine, &c.* in urbe Mediolani. Prodierunt in lucem Tomus I. anno 1738, Tomus II. 1739, Tomus III. 1740, Tomus IV. 1741, Tomus V. 1741, Tomus VI. 1742. Diximus de summa Tomi I. in his Actis ad a. 1741, p. 1. de Tomo II. ad a. 1742, p. 241. de Tomo III. ibidem p. 625. de Tomo IV. ad a. 1744. p. 577. de Tomo V. ad annum 1745 p. 433. Quanta fuerit in Muratorio notitia rerum Italiæ mediæ ævi, ex opere ipso satis elucet. Postularunt igitur Itali merito, ut illud etiam sermone Italico compendiose exhiberetur. Adnuit postulatis eorum, ac amicorum precibus, haud immerito, nec inivitus. Perduxerat

rat

rat id anno 1748. fere ad umbilicum, cum vergente anno cum defluxu humorum conflari coepit ita, ut per aliquot menses proximi inde anni dextram scribendo inhabilem sentiret. Restabant pauca, nempe finis Dissertationis LXIX. & tota Dissertatio LXX. Ultima igitur perfecit addiditque *Petrus Hercules Gherardi*, Probibliothecarius Estensis, ac Linguarum hebraicæ & græcæ Professor academiz Mutinensis. In interpretatione hac operis compendiarie omissum est nonnihil. Huc refer *documenta* latina, & varia *Chronica*, Italo lectori haud profutura. Nihilominus Muratorius passim correxit alia, alia supplevit, pro uti visum fuerat. Dissenuerat Virille doctiss. de *Servis Libertis veterum*, opere peculiari, quod insertum adparet Tomo I. operis, cui titulus est: *Memorie della Società Colombaria di Firenze*, anno 1747. Hinc Muratorius non pauca in Dissertationis XIV. initio huc transtulit. Superfunt in latino Dissertationes V, quemadmodum videtur, in compendium haud missæ. At earum in compendio utique habita fuit ratio. Pasqualius recudit, certe constituit recusa dare, opuscula Muratorii, forma chartæ maxima. Epistolæ Muratorii variz conspiciuntur in ipsius *Vita*. Reliquæ edentur uno eodemque Volumine. Præfationem præmisit Muratorius compendiaris suis Dissertationibus, qua de instituto ac adminiculis historiæ mediæ ævi exposuit. Ultima desiderantur. Nepos igitur ipsius suam addidit præfationem, qua Muratorium suum, eiusque merita in historiam Italiz mediæ ævi, merito laudavit, & Dissertationes patru Principi Plombino, D. Caietano Boncompagno Ludovisio, consecravit, quod in eius prædio, dicto di *Vignola*, L. A. Muratorius primam lucis usuram suscepserat. Ex Diss. XIV. liceat pauca cum Lectoribus ad gustum communicare. Omittimus conditionem servorum, apud Romanos nondum Christianos tritam. Quamprimum Itali doctrinam Iesu receperant, *excommunicationi* vel *poenitentiz* biennii fuerunt illi subiecti, qui Tom. I. *servum proprium sine conscientia iudicis occiderant*. Rex Liut. Pag. 144. prandus vetuit, servum ex templo christiano per vim extrahi,

statuens, ut sacerdotes, vel administri iustitiæ, profugum servum cum domino reconciliarent. Si dominus eum invitasset & recepisset, veniam pollicitus, nihilominus tamen in illum animadvertisset, ob illam culpam postea, obnoxius erat multæ XX. auri solidorum. Carolus Magnus edixit, *nemancipia venderentur, nisi in præsentia Episcopi, vel Comitis, aut Archidiaconi & Centenarii, aut Vicecomitis - - aut ante bene nota testimonia.* Ius, quod in servum erat domino, dictum fuit *mundium*, & is, qui eo erat instructus, *Mundius*. Inde intelligitur potestas & compositio genuina vocabuli nostri *Vormund*, seu *vicius domini*, illiusque potestatis, quæ erat domini. Rotharis Rex lege 223. confirmavit dominis facultatem, servos servasque manumittendi, seu *thingare per garinthe*. Muratorius vocabulum hoc postremum interpretari omisit. Servis Monasteriorum sæpius erant feminae seu uxores *liberae*,

- Pag. 147. quarum liberi manserunt ex iure natalium liberi. Servi nati habebantur ad instar boum & vaccarum, nec non equorum, ob numorum penuriam. Signum servitutis *iunctæ manus*. Servorum genealogiæ adservatæ, ad statum eorum servilem comprobandum. Domi habebantur *servi ministeriales*; foris & ruri *servi casati*. Ex his *servi beneficiati* exorti sunt, quorum primus adpellatus fuit *maior*, unde nostrum vocabulum *Maier* profuxit. Maior olim dictus *massarius*, qui & servus & liber esse poterat, adpellatus ex massa, manfa, manfo agrorum. In Legibus Langobardorum indicatur *servus rusticanus, qui sub massario est*. Servi, qui fisco regio
150. serviebant, dicti fuerunt *fiscales, fiscalini, camerae servi*. Operas servientes, massarium adjuvantes, vocare solebant *angurias* Itali ac Franci, immo *succidiales* i. e. subsidiales, *Unterfassen*. Agros, ecclesiis monasteriisque donatos, eosque remotiores, habuerunt servi, censum annuum solventes, partim proventuum, partim pecuniæ. Hæc fuit origo elocationum agrariarum, *Verpachtungen*. Muratorius docet, Ludo-
152. vicum III. Imperatorem a. 902. ex Provincia in Italiam fecisse expeditionem, ac rediisse a 905. qui in quodam diplomate ipsius dicitur *annus quartus Caesaris*. Servi casati di-

Et fuerunt *condomae*, genere masculino. Du Cange & La Cer. Pag. 154.
 da hoc vocabulum misere interpretati sunt, per *domum cum*
curia, per locum laxationi corporis destinatum. Si, Domi-
 no qui appellatus fuit *patronus*, sciente, servus militiam se-
 queretur, hoc ipso servus erat liber. Servi saeculo X. in Italia, 156.
 & sermone latino corrupto, dicebantur *homines de Masnada*,
societas servorum calatorum Masnata; quisque autem
 eorum *homo de masnada, masnata, maxinata, maxinata*.
 Nomen hoc iis quoque inditum, qui erant vasalli; hi mili-
 tiam sequi, ita volente domino, debebant. *Fidae*, seu li-
 tes armatae, heris isthaec suaserunt, & haec officia servis impo-
 nere docuerunt. Solent etiam *homines de masnada* distingui a mili-
 tibus, mercede olim non conductis; nam illi erant pedites,
 hi equites. Peditibus nomen erat *la masnada, manentes, tri-*
butarii, mansionarii, alloderii, adscriptitii, servi glebae. Nole-
 bat Carolus Magnus servos servasque amplius tonderi, vel
 velari, seu ordini ecclesiastico monasticove tradi. Monuerat
 iam Canon IV. Concilii Chalcedonensis, *fastidium sacerdotii*
non bene componi cum servili vilitate. Idem senserunt Impera-
 res alii. Servus manumissus nomen habuit *amund*, id est
 expers mundi, *ane mund*. Secundum legem Salicam, patronus 165.
 vel hera, servum pronuntiaturi liberum, manu sua ex manu hu-
 ius excusserunt denarium, & ire ipsum, quo vellet, permise-
 runt. Solemnis manumissio in templis eorum Episcopo, sa-
 cerdotibus, & populo, plerumque ob *animae remedium* circa
 altare, *ante sacri altaris cornu*, peracta saepius a domino; ser-
 vis, qui in libertatem erant adferendi, interea praefertibus manu
 candelam. Manumissi per denarii excussonem, dicti
 fuerunt *homines denariales*, & a *charta*, libertatis indice, *char-*
tularii, chartulati, cartulati. Commendati vero, *Cominen-*
diti, Commendatarii, erant homines liberi, qui se patrocinio
 potentioris, hoc est *mandiburdo*, seu patrono, commendave-
 rant, ut ab aliorum infestationibus tuti essent. *Aldiones*, seu
Aldii Langobardorum, erant non quidem servi, sed inanimissi
 potius, nec tamen ab omnibus servitiis, patrono praestandis, 170.
 liberi. Isti in Gallia, imperante Carolo Magno, vocati
 fuerunt

fuerunt *fiscalini*, *hidi*, *servi glebae*. Manumissa eiusmodi dicta
 fuit *Aldia*, quæ per legem 218. Regis Rotharis libertatem
 amittebat, si ad maritum in domum alienam intrasset. *Litis*
 seu *Litonibus* fuerunt proprii agri, propriæ domus, propria
 supellex. Saxones, qui erant divisi in Nobiles, Ingenuos ac *Litos*,
 iussit Carolus Magnus templis christianis novis dare servos &
 173. ancillas, nec non decimam partem opum. Litorum fuit, ec-
 clesiis vel Nobilibus quasdam singulis annis operas præstare,
 cum peculii possessione coniunctas. Ex quo coeperunt nu-
 mi ac pecuniæ servorum sec. XIII, XIV, XV, augeri; ipsi autem
 dato pretio, vel reluctando, in libertatem pervenerunt. Usuras
 pecuniarias Florentini seculo XII admodum diligenter urse-
 runt, ac circa a. 1226. mercaturam iam per Gallias & Ger-
 maniam exereuerunt, dicti *Lombardi* & *Caorsini*. Hi vero
 erant proprie incolæ civitatis Cadurcii in Gallia, unde omnes
 usurarii dicti fuerunt *Cadurcini*, *Corfini*. Suffecerint
 hæc speciminis loco.



NOVA ACTA ERUDITORUM,

publicata Lipsiæ

Calendis Augusti Anno MDCCLVI.

NOUVEAU TRAITE' DE DIPLOMATIQUE, &c.

i. e.

NOVI COMMENTARII DE ARTE DIPLOMATICA, cuius fundamenta expenduntur, regulæ documentorum distinguendorum constituuntur, & characteres bullarum Pontificalium æque ac diplomatum omnium seculorum exponuntur, cum illustrationibus quamplurimarum rerum historicarum, chronologicarum, & criticarum, ac defensione tabulariorum celeberrimorum contra varias obreclationes, editi a duobus Monachis Ordinis Benedictini Congregationis St. Mauri.

Tomus II.

Parisiis apud Guiliclmum Desprez, 1755. 4 Alph. in 4.
cum tabb. æn. 33.

Pergunt igitur monachi Benedictini e congregatione Sti Mauri in Gallia, orbem litteratum, quem præstantissimis patrum ecclesiasticorum editionibus iam illustrarunt, rei diplomaticæ itidem explicatione ditare, & hoc pacto, famam, quam immortalis gloriæ eorum socius, Io. Mabillonius, ordini ipsorum conciliavit, conservare & augere. Cum nimirum unus ex eorum familia, Carolus Franciscus Tustinus, in eo esset occupatus, ut novam operum Theodori Studitæ editionem adornaret; cui quidem negotio nostram Academiam codicem MStum insignis pretii commodasse novimus:

Iii

vimus:

- vimus: quem *Cel. Boernerus* quondam noster, in peculiari recitatione coram *Serenissimo Principe Regio Saxonici Electoratus herede*, in atrio bibliothecæ Paulinæ habita, eleganter descripsit, quæque inter orationes eius iunctim editas p. 233. compareret: cum igitur in eo *Tuissinus* elaboraret, liber quidam *Rothomagi* excusus, fidem chartarum cuiusdam monasterii in dubium vocans, ab isto labore eum retraxit, effecitque, ut in libro eo confutando omnem poneret operam, imo, successu temporis, suasu patris ordinis sui *generalis*, una cum alio ordinis & doctrinæ socio, *Renato Prospero Tassino*, ad præfens opus, in quo plurima *Mabillonio* nondum observata suppleret, compilandum animum appelleret. Prior eiusdem tomus, fundamenta artis diplomaticæ tradens, ac varia tabularum & tabulariorum genera, chartæ itidem & atramenti diversas species exhibens, deque antiquissimis litteris nonnulla disputans, a quodam e nostris a. 1754. mense Decembre descriptus est; quem, quo minus alter hic, cuius notitiam nunc damus, illico exciperet, & paulo serius evulgaretur, tam laboris magnitudo, quam superveniens *Tuissini* mors effecit, cuius vitæ descriptio, una cum elogio sepulchrali, eius memoriæ dicato, in præfatione huic tomo præmissa comparet. Telam vero in præcedente volumine coeptam, hic pertexunt Auctores Celeberrimi. Tertia etenim sectio, quæ totum volumen occupat, in origine, figura, & mutationibus litterarum *latinarum* edilserendis occupata est. Origines harum litterarum a Græcis derivandas esse, pro certo
- Pag. 9. sumunt, multisque argumentis confirmant. Antiquissimas Græcorum litteras latinorum litteris fuisse similes docent, ac dubia, contra moveri solita, confutant. Historiam alphabeti latini & græci texunt, ac observationes notatu admodum dignas, multamque lectionem spirantes, afferunt quam-
32. plurimas. Notabilis est *Gregorii Turonensis* locus, quando
51. *Hist. Franc. L. V. c. 45. de Chilperico Rege* narrat: *Addidit autem & litteras litteris nostris, id est ω sicut Græci habent, æ, the, vni, quarum characteres subscripsimus. Hi sunt Ω, Ψ, Ζ, II, & misit epistolas in universas civitates regni sui, ut sic pueri*

pueri docerentur, ac libri antiquitus scripti planati pumice rescriberentur. Varias doctorum hominum sententias circa hunc locum Cell. AA. afferunt, *Eckardi & Schoepflini* observationes in primis valde perstringunt. Suam deinde opinionem adden- Pag. 55.
tes, ope MSti cuiusdam Cameracensis, ex quo & figuram harum litterarum afferunt, ω, exemplo Græcorum, ut o longum & breve distingueretur, ab eo esse introductum, contendunt; Ψ diphthongum ac exprimere iudicant; Z idem valere ac th, ex figura 7 & 7 veluti compositum, statuunt; Δ ex V efforma- 64.
tum hodiernum W efficere, dicunt. De veritate istorum doctorum ipsimet lectores iudicant: nos, multo cum ingenio & doctrina hanc defendi ab AA. Cell. sententiam, ingenue fatemur. Litteras græcas apud Latinos, & latinas apud Græcos, sæpius usurpari in monumentis publicis fuisse, haud difficile credimus. Litteras *Ephesiæ & Thraciæ* in Græcis occurre- 66.
re, & usibus magicis inservisse, existimant. Per litteras *ecclesia-* 67.
ficas, maioris molis chartas, in certos tomos digestas, & a voluminibus, quæ quidem complicabantur, diversas intelligunt. Litteras hebraicas olim per Galliam usurpari fuisse, contra 69.
nonnullos negant. Litteras quasdam Etruscas, noviter, & post 70.
editionem prioris tomi inventas, supplementi loco afferunt. De fatis Runicarum litterarum quoque disputant. Alphabeti *Irlandi-* 71.
dici antiquitatem suspectam videri, non dissimulant. Hierogly- 72.
phicas Ægyptiorum figuras, nomen litterarum non mereri cen- 74.
sent. Quamplurima de diversis veterum scribendi rationibus, de materia cui litteræ inscribebantur, atramento, & hisce si- 88. seq.
milibus, coarcent: ubi nobis argumentum, in prioris operis tomo iam tractatum, repetiisse videntur, prout ex iis, quæ unus ex nostris loco supra citato p. 683. disputavit, intelligitur. De *chrysographis, calligraphis, & tachygraphis*, quorum artes vel ex ipsa illorum compellatione intelliguntur, disputant. Integros libros rubris characteribus quondam describi fuisse, 106.
contra *Siruvium* negant. Usus vero rubri characteris, qualis 110.
revera fuerit, operose ostendunt. Litteras initiales, quibus imagines ornamenti causa sunt inditæ, inde a seculo sexto introduci & effingi coepisse, contendunt. Alia porro littera- 118.

- rum ornamenta seculo octavo & decimo usitata, describunt.
- Pag. 119. Animalium etiam figuras litteris appingi seculo septimo & octavo
 121. fuisse, narrant. Seculo postea decimo tertio, usque ad decimum quintum, figuræ absurdæ atque monstrosæ characteribus litterarum adpingebantur, ex quibus nescimus quod ornamentum codicibus accedere, delirum librariorum sibi persuasum
 123. debat ingenium; usque dum successu temporis picturæ, non ipsis litteris, sed fronti chartarum inditæ, ornamenta illa, quæ
 124. Galli *Vignettes* dicunt, exhiberent. Varios Scriptores, qui varia
 126. collegerunt alphabeta, deinceps commendant AA Cell. eaque de re in priori iam volumine varia se attulisse profitentur. *Baringii clavem diplomaticam* in hunc censum referentes, plurima eius compilatorem, ex Mabillonio, aliisque descriptisse, observant. Immo vero totum hoc, quod in forma alphabetorum describenda occupatur, negotium, neutiquam ad
 139. huc esse perfectum, & consummatum, contendunt. Præcepta circa ætatem veterum monumentorum, e modo scribendi, & ductu litterarum cognoscendam, afferunt quamplurima, variosque Auctores, ac sigillatim *Scipionem Maffæum*, & Io.
 169. seq. *Harduinum*, corrigunt. Litteram H, quibusdam nominibus præfixam, uti est in *H Carolus*, *HLudovicus*, certum genuini
 203. diplomatis characterem non constituere, contra *Papebrochium* urgent. Antè seculum decimum quartum, litteræ i nullum
 210. imponi fuisse punctum observant: unde monumenta, antiquitatem seculo isto maiorem iactantia, in quibus i puncto instructum compareret, ipsis adulterina videntur. *Caroli M.* nomen, antequam imperiale fastigium conscenderet, per C, postea vero per K scribi fuisse, dixerat *Mabillonius*: id quod falsum esse, exemplis quamplurimis Cell. AA. ostendunt; alium præterea Scriptorem, *Blancum* nomine, qui in tractatu *de nummis Caroli M.* sententiam Mabillonii prave retulit, ex merito castigant. Successorum *Caroli M.* nomina, per C & K promiscue scribi, largiuntur; *Mabillonium* autem, qui litteram K unice usurpatam hic fuisse censuit, corrigunt, & Cl. *Eckardi* sententiam, qui *Mabillonium* eo nomine iam reprehenderat, novis exemplis
 222. confirmant. Sententiam *Baringii*, qui in *clave diplomatica* figuram

guram s inde a seculo duodecimo indolem litteræ finalis induisse contendit, profligant; siquidem variæ seculi duodecimi & *Pag. 265.* decimi tertiæ deprehenduntur chartæ, in quibus s oblongum finalis litteræ vicem obtineat. *Germonium* quoque ex merito castigant AA. Cell. quod ex ductu litterarum neutiquam certo constitui posse, an monumentum aliquod genuinum sit, nec ne? pronuntiavit. Ignoscendum tamen est monachis, quando *incredulos*, quo nomine dubio procul omnes a sacris pontificiorum alienos intelligunt, hanc Germonii sententiam adoptare, eaque mirifice delectari, somniant. Fontes postmodum illi, *302.* ex quibus figuras alphabeti latini, æri incisas, inque certas series distinctas, hausserunt, indicant: undè illos, non modo omnis generis libris, qui monumenta & inscriptiones antiquas continent, & quorum insignem numerum afferunt, excussisse, *306.* verum etiam infinita pæne manuscripta, in bibliotheca Regia Parisiensi partim, partim alibi asservata, in usus suos convertisse, clarum est. Hisce subsidiis instructi, immenso sane labore, quo tempore quævis litterarum figuræ in usu esse coeperint? quando fuerint immutata? quando novam litteræ figuram induerint? quomodo una figura ex altera fuerit prognata, ostendunt. Multis inde modis contra Pyrrhonismum historicum disputant. Sententiam eorum, qui documenta antiquissima inprimis suspecta esse censent, tanquam absurdam, profligant; immo diversitatem scripturæ unius cuiusque seculi & nationis efficere, ut, an codex quidam genuinus sit, an minus, satis certo possit constitui, evincunt. Plurima, quæ *347.* *Harduinus* & *Germonius*, ad fidem veterum documentorum labefactandam in medium protulerunt, magno labore confutant. Merita eorum, qui hoc artis criticæ genus illustrarunt, recensent, & prædicant. *Scipionem Mosseum* quoque reprehendunt, *358.* qui ex ductu litterarum illico cognosci posse, quo seculo quæque charta fuerit perscripta, iactaverat. Sententiam quoque *Cel. 377.* *Pfaffii*, qui de antiquissimorum codicum ætate nihil certi posse constitui existimat, reprobant. Notas chronologicas, *382.* quæ codicibus addi nonnunquam solent, non sine examine & cura assumi, & ad ætatem codicum definiendam adhiberi de-

- Pag 385. bere, urgent. Mox Præcepta, ætati codicum cognoscendæ in servi-
 386. entia, proponunt. Codicum antiquorum lectionem iam olim
 410. admodum fuisse difficilem, inde probant, quod verba, non uti
 hodie fieri assolet, fuerint rite distincta, sed integra pagina
 unam constituere lineam videretur. Plurimos inde errores
 in descripta codicum exemplaria irrepisse, imo ipsos nonnun-
 quam codices a scribis, verba, ut commodius ea possent le-
 411. gere, signis distinguendis, fuisse corruptos dolent. *Mabil-*
 415. *ionium*, omnium primum lectionem diplomatum alios docuisse,
 contendunt. Artem scribendi, aiunt, apud veteres Romanos
 417. summo in honore fuisse, & admodum diligenter colit fuisse, se-
 quiori autem ætate usque adeo coepisse negligi, ut vel ipsi
 Principes sæpius essent ἀναλφάβητοι. *Carolus M.*
 artis scribendi ab initio rudem omnino fuisse, postea operam
 ei arti dedisse, minus perfecte tamen didicisse, recte ad-
 421. firmant. Neque summam clericorum eius temporis igno-
 423. rantiam, hac occasione data, dissimulant. Quam incertam ea
 427. res artem diplomaticam reddat, egregie ostendunt. Seculo
 decimo quarto in usum revocari, & studiosius tractari ars
 scribendi demum coepit. Præcepta critica, quorum ope
 genuinæ chartæ a supposititiis discerni possint, quamplurima
 440. & egregia proponunt, dignissima certe, quæ attente perlegan-
 tur. Diversa hinc scribendi genera, apud Romanos quondam in-
 troducta, in scenam producunt, *Leonem Allatium* confutantes,
 qui litteras unciales, quales in nummis & marmoribus visun-
 480. tur, Romanis unice familiares fuisse putaverat. Distinctionem
 inter characterem *Gothicum*, *Longobardicum*, *Saxonicum*, &
Franco-Gallicum, neutiquam esse reiiciendam, contra *Maffium*
 484. ostendunt. Optimam interim, & in primis commodam
 characterum divisionem eam esse, quando in lapidarem, me-
 tallicum, eum qui in Codd. MStis regnet, & qui in di-
 488. plomatibus usurpetur, in universum omnes dispescantur. Litteras
 unciales & maiores, usque ad seculum decimum quar-
 tum, in nummis, marmoribus, tabulisque æneis, unice usur-
 497. pari fuisse, observant. Dicunt, in codicibus MStis initiales pri-
 mo litteras, & librorum titulos, ita efformari, postea, usque ad
 seculum

seculum decimum, integros nonnunquam libros ea forma describi solitos. Varias deinde litterarum maiuscularum affe- Pag. 498.
runt species, proutratione figuræ variant. Historiam artis scri-
bendi apud Latinos texunt: quamvis primas nonnisi lineas
se duxisse, neque opus perfecisse, profiteantur. Seculo potif- 514. seq.
simum tertio, scripturam latinam a prisca elegancia, quam sub
Augusti imperio obtinuerat, deficere coepisse, comprobant.
Quintum vero seculum, queruntur, artem scribendi in primis cor- 528.
rupisse, & litteras, barbaris familiares, repente introduxisse. Sub 529.
Carolo M. antiquum scripturæ latinæ splendorem, veluti post-
liminio rediisse, prædicant. Scripturam in nummis & inscrip- 530.
tionibus usurpari solitam, in rei diplomaticæ studio probe in-
telligendam esse, cum sæpe actus publici eiusmodi monu-
mentis insculpi sueverint, recte monent. De his ipsis igitur scri- 535.
pturæ characteribus, quos æri incisos, & in certas classes di-
uisos lector inueniet, operose itidem agunt AA. Cell. De Go- 537. seq.
thicis postea litteris disputant, quarum originem a seculo duo-
decimo repetunt. Quomodo, ex immutato litterarum lati- 659.
narum ductu, Gothicus ille character surrexerit, ostendunt. In
Italia, circa annum 1430. iam in desuetudinem abiisse istum cha- 660.
racterem, in Gallia diutius perdurasse, tamen etiam Henrico II. 664.
ibi regnante oblivioni penitus esse datum, monent. Germanos
inde ab anno 1470. nuntium misisse huic litterarum figuræ,
quantum ad latina scripta attinet, coniiciunt. Cum tamen 665
hodiernum in scriptis theotisco idiomate compositis iste chara-
cter regnet, eam rem efficere, ut externos tædium linguæ istius
capiat, & libros Germanicos illi fastidiant, autumant. Chara- 666.
cterem insuper Gothicum, qualis in nummis ac marmoribus
visitur, in maiorem & minorem, ratione moduli litterarum ha-
bita, dispescunt, in certas classes itidem digerunt, quæ æri
incisa comparent, & quarum explicatio usque ad finem huius
voluminis producitur. Nos, egregii operis continuationem
vehementer optamus.

**CONJECTURA PHYSICA CIRCA PROPAGA-
tionem soni ac luminis, una cum aliis Dissertationibus
analyticis &c. Auctore LEONH. EULERO.**

Beroli-

Berolini, sumtibus A. Haude viduæ & I. C. Speneri Bibliopol.
Reg. & Acad. Scient. privil. 1750. pl. 21.

Tab. æn. unica. in 4.

Pag. I. **A**lter hic est *Tomus Opusculorum* Cel. Euleri, quorum *præ-*
mus in lucem prodit a. 1746. *Primum* in eo locum
occupat *Coniectura* in Titulo notata. Iam satis ex iis,
quæ in *Dissertatione de Luce & Coloribus* (dicto *Tomo I.*
contenta) disseruit. V. C. patet, qua ratione in definiendo
motu soni versari conveniat. Cum enim motum fluidorum
intestinum nondum perfecte ad leges mechanicæ revocare li-
cuerit: coactus fuit *Newtonus*, in determinanda propagatione
pulsum per medium elasticum, hypothesin, experientis ta-
men confirmatam, de propagatione soni uniformi, in sub-
sidium vocare; quæ quidem hoc magis ei condonanda est, quod
in fine ipsa e calculo abeat. Fit vero exinde, ut theoria eius
experientiæ adversari videatur, cum vi illius pulsus sin-
gulis minutis secundis spatium 979 ped. Lond. conficiat,
quod per hanc repertum est 1140. ped. Causam huius qui-
dem in natura particularum aeris positam esse arbitratus est;
sed nimis magnis premitur hæc sententia difficultatibus. Po-
tius itaque statuit *Eulerus* V. Cl. nullum esse verum theoriæ ab
experientia disensum; sed casum, ad quem theoria est ac-
commodata, prorsus differre ab eo, ad quem experientia.
In illa enim unicum tantum pulsum considerari; in hac vero
celeritatem soni, hoc est ingentem pulsum se insequentium
seriem, quos eadem celeritate per medium elasticum propa-
gari debere, nullibi in theoria probatum est; quin potius vero-
simile, velocitatem istam accelerari debere. Hinc elicit, ma-
iorem illam celeritatem, quam experientia ostendit, ipsi pul-
sum frequentię tribuendam esse, & generatim affirmat,
quo maior sit pulsum sonum quempiam constituentium fre-
quentia, hoc celerius cum per aerem propagari debere: quam
tamen sententiam non pro veritate apodictica, sed tantisper
pro coniectura saltem physica venditat. Duæ sunt rationes,
quæ pro ea inprimis militant. Primo, quod aeris particule a
pulsibus

pulsibus antecedentibus iam sint in motu constitutæ, adeoque pulsus sequentes inde accelerationem nancisci debeant; dein quod in quolibet pulsu, particulæ aeris, motu reciproco agitentur, quo ipso in particulas pulsus antecedentis vim quandam exerant, eamque hoc maiorem, quo pulsus sint magis frequentes, unde propellantur magis pulsus præcedentes a sequentibus, sicque augeatur soni celeritas. Obstant hic quidem experimenta *Derhami*, qui omnes sonos, sive debiles, aut vehementes, sive graves, aut acutos, eadem velocitate propagari reperiit; cum secundum coniecturam hancce acutiores celerius propagari debeant, quam graviores. At regerit *Eulerus*, nec in sensus incurrere posse discrimen illud, nec vespisam observationem, in rigore, ab omni errore penitus esse posse immunem. In dubio itaque videri manere, quod celerius soni acutiores propagentur, quam graviores: cum nec per theoriam definiendum esse videatur, nec & per experimenta; nisi forte id tentetur ab auribus, acutissimis in concentu musico, ubi nempe, vi coniecturæ allatæ, Bassus paulo tardius e longinquo exaudiri deberet vocibus acutioribus. Sed fortius nunc argumentum, pro adstruenda ista sententia, in medium profert *Cel. Auctor*, e congruentia propagationis soni ac luminis desumptum. Cum enim in huius per ætherem propagatione, celeritas pulsuum ab eorum frequentia pendeat: verosimillimum iudicat, idem in sono per ærem propagato fieri. Illud autem probat e diversa refractionis ratione, in radiis diversicoloribus obvia. Cum enim, vi theoriæ suæ lucis, colorum varietas in nulla alia re poni possit, quam in varia pulsuum, quibus quisque color repræsentatur, frequentia; sit vero, (vi ibidem ostensorum), in transitu lucis ex uno medio in aliud, semper sinus anguli incidentiæ, ad sinum anguli refractionis, in ratione celeritatis pulsuum in medio priori, ad eam in posteriore; quæ ratio pro variis coloribus constanter est varia: sequitur exinde, celeritatem istam pulsuum variam, a varia eorundem frequentia debere proficisci. Hisce præmissis, iam ad ipsum calculum progreditur, quo celeritatem istam pulsuum determinare conatur. Si qui-

dem unicus sit pulsus, qui a nullis sequentibus acceleratur, eius celeritas per quodvis medium elasticum haud difficulter definitur. Si vero sint plures se insequentes, disquisitionis hæc est maxime ardua, cum non constet, quenam hypothesis pro augmento celeritatis secundum frequentiam pulsuum statui debeat. Varias igitur hypotheses simpliciores assumit, & quomodo eæ ad phænomena accommodandæ sint, ostendit; quæ cum iam absque ipso calculo intelligi non possint, in his amplius sequi non licet Auctorem celeberrimum.

Pag. 23. Sequuntur tres *Dissertationes analyticae*, & quidem 1) de *Numeris amicabilibus*, maximam huius *Tomi* partem occupans. Numeros amicales constat esse par numerorum, ita comparatorum, ut summa partium aliquotarum unius æqualis sit alteri numero, & vicissim summa partium aliquotarum alterius priori numero. Hos primo detexit *Stifelius*, sed forte fortuna tantum ad binos eiusmodi numeros 220. & 284. deductus esse videtur; cum ipse *Analysin* ineptam putet, cuius ope plura eiusmodi numerorum paria inveniantur. *Cartesius* dein *Analysin* ad hoc negotium in usum vocare est conatus, regulamque tradidit, qua tria talium numerorum paria elicit. Eodem tempore multum in hac investigatione defudasse videtur *Schatenius*; sed præter hæc plura eruere non valuit. Post id tempus neglecta est ab *Analystis* hæc quaestio. Cum tamen ex eiusmodi disquisitionibus, etsi in se haud adeo magnam utilitatem habere videantur, in *Analyseos* tamen incrementum fructus quidam semper redundet: non abs re fore putavit *Cel. Eulerus*, si hanc quaestionem denuo resumeret, methodumque traderet, plura id genus numerorum paria inveniendi. Facile patet, illius resolutionem pendere ab indole divisorum & partium aliquotarum; adeoque huic doctrinæ novam hic lucem accendi. Primo *Lemmata* proponuntur varia circa summam divisorum numerorum. Numeri vel primi vel potestatis cuiusvis summam divisorem facile invenire docet, tabulamque exhibet, qua idem pro numeris primis, millenario non maioribus, sistitur, quæque utilissima est in quaestionibus circa divisores & partes aliquo-

tas resolvendis. Eius enim ope, non solum talium numerorum, sed generatim numeri cuiusvis propositi, summa divisorum facile potest colligi. Regula hæc est: Resolvatur numerus in suos factores primos, horumque ii, qui inter se sunt æquales, coniunctim, h. e. per potestates, exprimantur. Sit itaque numerus huius formæ: $m^{\alpha} \cdot n^{\beta} \cdot p^{\gamma}$. &c. existentibus m , n , p , &c. numeris primis: erit summa divisorum numerorum m^{α} , n^{β} , p^{γ} , &c. Tabula dicta depromendis. Quod iam ad ipsam quæstionis palmarie indagationem attinet, fatendum est, generalem eius solutionem vires Analyseos adhuc superare; contentosque nos esse debere regulis particularibus, pro eiusmodi numeris inveniendis. Formulas itaque varias speciales, etsi in se adhuc magno gaudentes ambitu, pro expressione talium numerorum considerat Cel. Auctor. Ante omnia nempe ponit, numeros istos habere inter se factorem communem, adeoque quæstionem hanc iam satis restringit. Hic iterum variaz formæ expressiones pro eorum alterutro assumit, atque e singulis varia eiusmodi numerorum paria elicit.

Facile iudicabunt Lectores, methodum ipsam, qua in hac investigatione utitur Cel. Auctor, nos hic exhibere non posse, nisi transferibere velimus integram fere Dissertationem, Præterea, cum disquisitio numerica adeo particularis ad paucorum Lectorum palatum futura sit, nobis suffecerit, quid hic querere debeant curiosi, indicasse. Monemus itaque saltem, variis artificiis analyticis elicuisse cum tandem 60. paria numerorum amicabilium, quorum & tabulam exhibet.

Offert sese iam 2) *Demonstratio gemina Theorematis Newtoniani, quo traditur relatio inter coefficients cuiusvis æquationis algebraicæ, & summas potestatum radicum eiusdem.* Satis celebre est inter Analystas Theorema, a Newtono in *Arithm. Univ.* traditum, quo, in æquatione quavis algebraica rationali, summa potestatum omnium radicum, pro quovis ordine, definitur per summas potestatum ordinum inferiorum, & per coefficients æquationis. Cum ab ipso Auctore absque demonstratione sit propositum, hanc concinnare conati

sunt varii, sed illæ plerumque regulis combinationum, adeoque inductione saltem fundatæ deprehenduntur. Exhibet itaque Cel. *Eulerus* duplicem hic demonstrationem, non ex inductione ulla petitam: alteram quidem principiis Analysis infinitorum, alteram ipsi Theoriæ æquationum superstruetam. Prior huc potissimum redit. Posito $x^n - Ax^{n-1} + Bx^{n-2} \&c. = Z$, æquatio $Z = 0$ conflata concipitur ex æquationibus radicalibus $(x - \alpha)(x - \beta) \&c. = 0$. Hinc sumendo logarithmos, & dividendo per dx ,

$$\text{fit } \frac{dz}{zdx} = \frac{1}{x - \alpha} + \frac{1}{x - \beta} \&c. \quad \text{Convertendo nunc singulas}$$

has fractiones in seriem infinitam, harumque omnium summam

$$\text{capiendo, habetur } \frac{dz}{zdx} = \frac{n}{x} + \frac{1}{x^2} \int \alpha + \frac{1}{x^3} \int \alpha^2 \&c.$$

(ubi $\int \alpha$ denotat summam radicum, $\int \alpha^2$ summam quadratorum earundem, &c.) Sed differentiando $Z = x^n - Ax^{n-1}$

$$\&c. \text{ habetur } \frac{dz}{zdx} = \frac{nx^{n-1} - n - 1, Ax^{n-2}}{x^n - Ax^{n-1} \&c.} \&c. \quad \text{Aequando}$$

igitur duas has expressiones ipsius $\frac{dz}{zdx}$, & multiplicando

utramque per $x^n - Ax^{n-1} \&c.$ habentur duæ series, quarum terminos binos quosvis, eandem ipsius x potestatem gerentes, inter se comparando, eliciuntur totidem æquationes, quibus statim ipsissima relatio, a *Newtono* indicata, exprimitur, & lex progressionis earum sponte est manifesta. Sed cum hæc demonstratio, etsi mira se simplicitate commendans, e principiis tamen haud penitus genuinis, utpote differentiatione in subsidium vocata, deducta videri posset: aliam, e sola natura radicum petitam, subiungit Cel. Auctor, priori elegantia nequaquam cedentem. Ad eius vim clarius perspicendam, eam statim ad æquationem determinati gradus accommodat. Assumendo nimirum æquationem quinti gradus $x^5 - Ax^4 + Bx^3 \&c. = 0$, substituendo successive radices $\alpha, \beta, \&c.$ habentur totidem æquationes particulares $\alpha^5 - A\alpha^4 \&c. = 0, \beta^5 -$
 $A\beta^4$

$A\beta^4$ &c. $= 0$, &c. quas omnes in summam coniiciendo, habetur statim summa potestatum quarumarum, per summas potestatum tertiarum, secundarum, &c., & coefficientes æquationis, expressa; adeoque patet veritas Theorematis, pro hoc casu æquationis quinti gradus. Sed non minus, multiplicando eam successive per x , x^2 &c. elicietur summa potestatum sextarum, septimarum &c.; & vicissim dividendo eam successive per x , x^2 &c. emerget summa potestatum quarumarum, tertiarum &c., sed per potestates simul negativas expressa. Ut ergo hæc expressiones ad illas Theorematis reducantur, sequenti artificio utitur cel. Auctor. Format, retentis coefficientibus æquationis assumptæ quinti gradus, æquationes inferiores $x - A = 0$, $x^2 - Ax + B = 0$, &c. Harum radices, etsi inter se maxime discrepantes, tamen in singulis constituunt eandem summam A , eandem summam productorum e singulis binis B , &c. Ergo & eandem constituent summam quadratorum; & simili argumento, eandem summam cuborum. Sed, per præcedentia, habebatur summa radicum in æquatione $x - A = 0$, summa quadratorum in æquatione $x^2 - Ax$ &c. unde, substituendo hosce valores, habebuntur expressiones propositæ pro æquationibus illis inferioribus. Eodemque ratiocinandi modo facillime patet Theorematis veritas, pro æquatione cuiusvis gradus.

Ultimo loco comparent 3) *Animadversiones in Rectifica-Pag. 121. onem Ellipsis*. Constat, rectificationem Ellipseos indefinitam nondum eo usque esse perfectam, ut arcus elliptici cum rectis, imo saltem cum arcubus circularibus aut parabolicis, comparari, seu, quod idem est, ad quadraturam circuli, vel hyperbolæ, reduci queant. Exinde tamen non sequitur, arcum quandam definitum, e. g. totam perimetrum, cuiusmodi comparisonem non admittere; id quod in innumerabilibus curvis potest fieri. Missa itaque rectificatione ellipseos indefinita, satius duxit Cel. Auctor, definitam tentare, ac experiri, annon tota perimenter possit ad mensuras cognitatas, quo & comprehenduntur logarithmi & arcus circulares, per expressiones finitas revocari. Quem scopum etsi non attingit,

hac tamen in disquisitione deductus est ad varia, quibus theoria curvarum haud parum promovetur; prætereaque insignia quædam invenit artificia analytica, tam in calculo integrali, quam in doctrina serierum utilissima. Totam itaque hanc investigationem hic distincte exponere, haud abs re fore iudicavit. Initio concipit, super data recta, tanquam semiaxe descriptos infinitos quadrantes ellipticos, & e singulis horum extremis erigi alteri axi normales, longitudine ipsis quadrantibus respective æquales; & curvæ sic oriundæ naturam considerat. Ad inveniendam nempe eius æquationem, exprimens est quadrans ellipticus e datis semiaxibus per seriem infinitam. Resolvendo itaque differentiale arcus elliptici in seriem, quærendum est singulorum terminorum integrale, non indefinitum quidem, sed id solum, quod prodit, ponendo ordinatam semiaxi dato, id quod eo redit, ut inveniatur ge-

neratim $\int \frac{y^m dy}{r(1-yy)}$, posito post integrationem $y = 1$. Hoc

invento exprimitur ordinata curvæ ex abscissa ope seriei infinitæ, quæ quidem satis convergit posita abscissa valde parva, sed nimis lente posita hac paulo maiori. Varia itaque, circa summam huius seriei, tentavit Auctor artificia. Verum enim vero parum hoc modo ad cognitionem curvæ perveniri, inficias iri nequit; cum nequidem æquatio elementaris, idque saltem circa initium eius, exhiberi queat. Aliam ergo viam elegit, quærendo æquationem finitam, sed quam differentialia secundi gradus ingrediantur. Notatu hic dignum, regulas ordinarias, pro diiudicanda forma seriei, in quam æquatio differentialis transmunda sit, neutiquam in præsentī casu usuvenire. Patet deinde ex ea, curvam quæsitam eius esse indolis, ut ne minima quidem eius portiuncula cum curva quapiam algebraica comparari possit; sed ad logarithmos redeat. Eo itaque rem reducit, ut ope logarithmorum inveniatur seriem satis convergentem, pro æquatione dictæ curvæ. Hinc tandem, e datis axibus ellipseos, exprimere docet perimetrum eius in numeris quamproxime.

GEORGII

GEORGHII DAVIDIS KYPKE, Philosophiae & Linguarum orientalium Profess. Extraord. in Academ. Regiomont. Observationes sacrae in Novi Foederis libros, ex auctoribus potissimum graecis, & antiquitatibus.

Tom. I. quatuor Evangelistas complexus, Alph. 1. plag. 6.

Tom. II. Acta Apostolorum, Epistolas & Apocalypsin complexus, Alph. 1. plag. 8.

Wratislaviae, 1755. in 8. mai.

Quo tristior imminere videbatur Theologiae, quae ab interpretandis illustrandisque sacrae Scripturae libris nomen Hermenevticae tulit, quaque nihil potius antiquiusque esse potest illi, qui nomen sacrarum litterarum studiosi vel saltem aliqua ex parte tueri cupit, calamitas; eo, quod philologica esse desinat, & cum, posthabita optima quae a grammaticis praeceptis petitur interpretandi ratione, neglectis optimis interpretandi subsidiis, relictis denique optimorum, quae nobis ad imitandum praeterita dies proposuit, interpretum exemplis, variis potius iisque praedudicatis opinionibus suscipiatur, & studio quodam ex arbitrio quaevis coniiciendi, & de significato vocum phrasumque graecarum philosophandi, plane ita corrumpatur, ut ne vestigium quidem illius superesse videatur: hoc praestantior, utilior, & si quoque ex temporum nostrorum ratione addere liceat, rarior eorum videtur opera esse, qui non, ut malorum medicorum mos est, solum affirmant & obtestantur rem ad summum discrimen esse perductam, nihilque salutis & spei superesse, ut scilicet gloria eo maior ipsos, si res prospere supra omnem expectationem cesserint, maneat; sed quoque in eo elaborant, & in illud studium omni qua par est diligentia incumbunt, ut huic malo medeantur, & faciem pristinam Hermenevticae sacrae, situ quasi deformem, instaurare & repurgare allaborent. Anno, qui praeteriit, tam felici inprimis esse contigit, cuiusmodi interpretes S. S. & praecipue N. T. nancisci,

qui

qui antiquiorum eorumque præstantissimorum interpretum vestigia secuti, optimam libros novi foederis interpretandi rationem eligerent, & difficiliora loca explicarent, ex aucto-ribus optimis græcis illustrarent, & hoc modo, qua via illi calamitati optime obviam iri, & illa depelli possit, demonstrarent. Insigni prorsus & eleganti conatu non minus, quam lætissimo successu, inprimis hoc in se suscepit munus Clarissimus Kypke, Professor Regiomontanus doctissimus, (cuius iam ante duos, & quod excurrit, annos, labores Grammaticæ ebræo Chaldaicæ Danzii illustrandæ & perpoliendæ impensi, orbi litterario tantopere se probarunt, ut desiderium excitarent, eiusdem Viri doctissimi opera etiam interpretem Danzii ebræo chaldæum tam egregie illustratum videndi,) elegantissimo suarum observationum sacrarum in N. T. libro, in quibus ita versatus est, ut quamvis ex auctoribus græcis libros N. T. illustrandos sibi sumeret, tantum tamen absit, ut profanus nimisque temerarius esse videatur interpret, ut potius has, quas sacras appellavit observationes, ob insigne & maximopere laudandum summi numinis & domini nostri Iesu Christi gloriæ promovendæ studium, quod ubique elucet, iure meritoque suo hoc nomine appellandas esse publice profiteamur necesse sit; si vero sive divitias doctrinæ, sive observationum copiam, sive modestiam, egregiam interpretis virtutem, sive denique integritatem animi admodum sinceri spectes, reliquis, qui hoc anno eo in genere clari prodierunt, quibus tamen nihil de sua laude & publicis præconiis detractum volumus, palmam præripuisse videatur. Quo certius itaque est, Clarissimum Auctorem, orbem eruditum, inprimis vero Hermeneuticæ sacræ studiosos, beneficio magno demereri, eo gratius nobis erit, si muneri, quod iam in nos recepimus, ita satisfacere possimus, ut in publicum quasi utilitas & præstantia huius libri prodeat, in pluribus autem cupido illum perlegendi incendatur, iis denique, quæ iam diximus, fides sua constet. Consilium, quod in observationibus suis secutus est, ipse in præfatione, doctè conscripta, & priori Tomo præfixa, aperit. Nimirum, se offerre dicit observationes philologicas in N. T. libros

libros, in quibus quid agere voluerit, satis quemque intelleturum esse, si quid Lamb. Bosius, Hombergius, Raphelius, Elsnerus, & Io. Alberti, in observationibus suis in libros N. T. præstiterint, meminisse voluerit. Quantum vero laudis huic consilio sit tribuendum, & quam præclara sint illa quæ hoc nomine studium Hermenevticum ab hoc viro sibi polliceri debeat, quilibet perspicere poterit, qui quantum laudis & gloriæ magna illa interpretum & philologorum nomina ab erudito orbe iam dudum reportaverint, cogitaverit. His tamen consilium suum limitibus circumscripsit, ut, cum sibi subiceret, & apud animum proponeret, ingenii sui monumenta in publicam lucem emittere, & gratiam ab orbe literario inire, lectoribusque suis prodesse, in id quanto posset opere incumberet, ut perspectum sibi redderet, quid in eodem argumento ab aliis iam occupatum, quid contra suæ industriæ sit relictum, ne sexcenties dicta repetiisse, & e centenis veteribus scriptis novum aliquod procudisse videatur. Rationes instituit, quod in his observationibus persequitur, inprimis eo spectant, ut maximam & præcipuam industriam in voces & phrasas N. T. impenderet, inprimis rariores & difficiliore, & earum veros significatus, vim atque emphases, e scriptoribus græcis curatius exponeret. E vocabulis rarioribus illorum præsertim curam habuit, quæ ἀπαξ λεγόμενα dicuntur, & in quibus interdum hæsitant & laborant interpretes. Operam deinde navavit locutionibus infrequentioribus, earumque rarioribus significatibus, imo & iis vocabulis, quæ ut satis crebro in N. T. libris occurrunt, in scriptoribus profanis tamen rarissima sunt. Cum etiam non ignoraret, quantam vim, & quam egregium ornatum secum ducant græcæ linguæ particulae, & quæ dicuntur ellipses, ideo significatibus quoque harum eruendis, & ellipsis notandis & confirmandis, navasse operam dicit, ita ut multis in locis Bosii libello de ellipsis non exigua accessio facta esse videatur. Nec perperam cum, aut temerario vanoque consilio rem aggressum fuisse, ex iis exemplis, quibus singulas partes consilii eius illustraturi & confirmaturi sumus, apparebit.

rebit. Elegimus tantum quædam exempla, in quibus recensendis nostra versabitur opera, quoniam fieri non potest, ut singulas præstantissimas observationes, quæ ubique eminent, & quarum optio difficili opera instituitur, describamus. Rariorum vocum & locutionum inprimis, per totum librum, a Cl. Auctore rationem habitam fuisse constat, v. c. *μετριοπαθείη* Ebr. V. 2. quam vocem nondum ex profanis produxisse alios dicit, significare moderate se gerere, moderatione uti, iram continere, alterius malis & infirmitatibus addici, adeoque non immodica severitate uti. Confirmat hoc, quod dixit, ex Ioseph. Ant. l. 12. c. 3. ubi, cum Iosephus Vespasianum & Titum laudasset, quod quantumvis Iudæis ob pertinaciam & rebellionem irati, tamen iis Antiochiæ & Alexandriæ ius civitatis non ademerint, addit: *Ουεσπασιανῶδ' αὖ τις καὶ τίς τὴν μεγαλοφροσύνην εἰκότως ἐκπλαγείη, μετὰ πόλεμον καὶ τηλικύτους ἀγῶνας, ἔς ἔσχον πρὸς ἡμᾶς μετριοπαθεσάντων*, h. e. nihil immoderate in nos statuerunt: ita apud Appian. bell. Hisp. p. 529. ed. Tollii quærent Numantini obsecrari ex Scipione, *εἰ μετριοπαθῶς σφίσι χρήσεται παραδόντων αὐτοῖς*, an clementer, si sese dederent, ipsos accepturus sit. Generatim *μετριοπάθειαν* moderationem & continentiam affectuum animi notare: hinc apud Stobæum serm. 1. Porphyrius asserit, virtutem politicam niti *μετριοπαθείᾳ τῷ ἀλόγῳ, & τὰ μέτρα τῆς ἀλογίας*, affectuum incontinentiam, opponit τῇ *μετριοπαθείᾳ*.

Phrasin 1 Cor. VIII. 10. ἡ συνείδησις ἐκκοδομηθήσεται significatum adeo rarum hic plerisque habere videri, ut etiam nonnulli locum ipsum medicina indigere putaverint; eam igitur interpretatur ita: incitatur, seu impellitur conscientia ad comedenda idolis immolata. Phrasi similis uti dicit Iosephum, Ant. lib. 16. c. 6. de Herode narrantem, quod ad coercendum fastum filiorum Mariamnes Antipatrum honoribus exexerit, non quod omnia in illum conferre vellet, sed potius *εἰς νεθεσίαν τὴν ἐκείνων ἐκκοδομῶν αὐτὸν*, ut ad castigationem seu afflictionem eorum illum incitaret, seu impelleret. Sed, quoniam ipse fatetur, locum hunc Iosephi sua obfuri-

obscuritate laborare, quin etiam vocem *ἀκοδομεῖν* de ipsius Antipatri in statum meliorem evectione accipi posse: dubitamus, an solus hic locus sufficere possit interpretationi Cl. Auctoris stabilien- & confirmandæ, præsertim cum ex Grotii opinione ad h. l. optime & huic loco frequentior illa huius vocis vis ac significatio, qua Paulus in suis epistolis, quod veluti inductione quadam, ut dialectici dicere solent, plane ostendi potest, notione confirmandi uti solet, accommodari possit.

Verba 2 Petr. II. 3. *ἀργεῖς & νυσάζες* notionem habent rariorem & emphaticam. Hoc loco dicit Cl. Auctor τῷ κρίματι καὶ τῇ ἀπωλείᾳ tribuuntur prædicata, quæ Deo iudicii proprie competunt. Sensus horum verborum hunc esse: perniciem his hominibus non solum dudum ac certo a Deo destinatam esse, sed & prope iam imminere, & Deum eandem dudum molitum, & in inferenda illa veluti occupatum fuisse. Confirmat hunc sensum auctoritate scriptorum græcorum, qui iisdem verbis hoc sensu utantur, ut Polyb. l. 3. c. 5. de labore suo historico cum dicit, ἥ αὐτὸς ἀργήσῃ τὴν ὑπόθεσιν, non neglectum iri hoc argumentum, etiamsi morte impeditus illud absolvere nequeat: Plut. in Numa p. 63. ed. Xylandr. Qui excitat, neque obsolescere patitur, καὶ ἀργεῖν τὴν ἐν σοὶ τοσαύτην δικαιοσύνην, neque otiosam esse tantam tuam iustitiam. Phrasi posteriori νυσάζειν, hoc Euripidis in Hecuba ἀντίτυπον est, ὡς ἔπειθ' εὐδαίμων λαοὶ σὺ κηρύγματα, ut nunquam dormiunt tristitia tua præconia. Miramur autem, Cl. Auctorem, tam in græcis auctoribus versatum, αἰτιτύπω tantum fuisse huius vocis contentum, cum tamen, sicut apud latinōs dormitandi verbum, pro negligentem esse, neque attendere, sumitur, ita quoque apud Platonem de Leg. l. 5. ubi de scientia numerorum agit, eadem vox, eodem sensu, quem Petrus ei tribuit, deprehendatur: τῷτο δὲ μεγάλῃ, ὅτι τὸν νυσάζοντα καὶ ἀμαθὴ φύσει (quæ vox priorem explicat) ἐγείρει; & Plut. Symp. lib. 5. καὶ πολυμαθεὶς καὶ ἐν νυσάζοντος, (quod prius ex oppositionis lege illustrat,) ἐν τοῖς ἑλληνικοῖς πράγμασιν ἀνθρώπος.

Eadem quoque via procedit Vir Cl. in expediendis explicandis-

candisque vocibus difficilioribus; v. c. vox Matth. XIX. 28. ἡ παλιγγενεσία, quæ longo iam abhinc tempore doctissimorum interpretum ingenia ita exercuit, ut mirum in modum a se invicem discederent, sic ab Autore Cl. explicatur, ut, posteaquam varias species vel μεταμεσώσεως Pythagoricæ, vel instaurationis mundi Stoicæ, postillius exultionem futuræ, vel restitutionis reipublicæ Iudaicæ, quæ apud Iosephum occurrit, vel resurrectionis hominum & reditus in vitam, recensuisset, & auctoritate scriptorum græcorum roborasset, quæ cunctæ sub παλιγγενεσίᾳ tamquam suo genere continentur: tandem ipse quid intelligat, aperiat. Nimirum in verbis Christi intelligi per παλιγγενεσίαν, ait, 1) totam mundi, seu rerum omnium mutationem & instaurationem, 2) resurrectionem hominum ad vitam futuram. Per hanc vero rerum omnium redintegrationem & instaurationem, hominumque resurrectionem, non tantum ipsum actum, sed & inprimis totum illum statum, intelligendum esse, qui resurrectionem sequitur, in æternum usque duraturum. Sententiam rationibus quibusdam confirmatam, Cl. A. loco quodam Ciceronis Ep. ad Attic. l. VI. ep. 6. illustrat, ubi Cicero omnem conditionem suam, & statum, qui revocationem ab exilio excipiebat, παλιγγενεσίαν suam vocat. Sed tantum abest, ut Ciceronis locus sententiæ Cl. A. quam de παλιγγενεσίᾳ amplectitur, confirmandæ ac illustrandæ, patrocini atque lucis aliquid afferat, ut potius contrarius ipsi videatur, & aliam potius sententiam, quæ omnino vera & accurata est, confirmet. Perplacet enim Collegæ nostri, V. Cl. Ernestii, huius vocis & nostri loci explicatio, quam in indice græco latino, Clavi Ciceronianæ adiuncto, voce παλιγγενεσία, affert. Dicit nimirum, se non dubitare, quin eadem vox, quæ hic apud Ciceronem occurrat, παλιγγενεσίας, qua dignitatem suam, quam revocatus ab exilio, recuperaverat, præconsulari etiam imperio suscepto, appellat, ita quoque apud Matthæum capienda sit, ut instaurationem & recuperationem pristinæ gloriæ, quæ ei contigit cum a morte in vitam revocatus, & in coelum sublatus esset, indicet; quoniam Christus ipse τὴν παλιγγενεσίαν explicat, ὅταν καλῶς ὁ υἱὸς τοῦ ἀνθρώπου ἐπὶ θρόνον δόξης αὐτοῦ. Hoc enim

tem-

tempore discipulos Christi, Sp. S. repletos, auctoritatem consecutos, quid credendum sit, nec ne, quid bonum, iustum, Deo iucundum, nec ne, definiendi.

Nec minus eleganter quoque versatur Cl. A. in explicandis difficilioribus verbis. Matth. XXIII. 15. *ποιεῖτε αὐτὸν υἱὸν γεέννης διπλότερον ὑμῶν*. Hæc verba nimirum ait vulgo verti: facitis eum filium gehennæ duplo magis, quam vos; h. e. ut duplo gravior eorum sit poena, qui decipiuntur & pervertuntur, quam qui alios decipiunt & pervertunt. Hanc vulgarem sententiam, ait, vel ex hoc capite sibi non probari, quoniam in nulla lingua eiusmodi numeralia multiplicativa & proportionalia, vi significationis suæ, gradus comparationis admittere certum sit. Non dicere latinos, duplex, duplicior, triplex, triplicior; nec græcos, *τριπλότερος, τετραπλότερος*. Et si hic sensus subesset, dicere debuisset Mathæum, *διπλὴν ὑμῶν* s. *διπλῇ ὑμῶν*, duplo magis, quam vos: quid hoc autem sit, se non intelligere. Numeralia vero, si in aliam transeant significationem, per gradus comparationis omnino flecti posse. Sic dici: secundior, secundissimus, pro felicior, felicissimus. Ita si *ἀπλῆς* sincerum hominem denotet, dici posse *ἀπλότερος, ἀπλότεστος*. Hoc se in eam trahere sententiam dicit, ut putet, vocem *διπλότερος*, quæ in comparativo nusquam apud profanos comparet, & in N. F. quoque *ἁπαξ λεγομένη* est, denotare hominem fallacem, simulatorem, hypocritam. Multis deinde profanorum scriptorum locis, hanc huic voci subiectam vim stabilit, & illustrat. Rationes tandem suas ad hunc modum colligit: quemadmodum *ἀπλῆς* est simplex, sincerus, & *ἀπλότης* simplicitas, sinceritas; ita *διπλῆς* fallax, simulator, & *διπλή* hypocrisis, fraudulentia. *διπλότερον* esse adiectivum in accusativo, & ita interpretandum, facitis illum filium gehennæ, qui fraudulentior, imo insignior sit hypocrita, quam vos estis. Hanc quoque, addit, interpretationem eleganter respondere nexui & consilio verborum Christi.

Eadem diligentia, parique ingenio, versatur in explicandis verbis *ἁπαξ λεγομένοις*; usum enim vocis eiusmodi constitutum, & locis ex Auctoribus græcis confirmatum, ad lo-

cum N. T. in quo illius mentio fit, refert, illumque breviter explicat. Ita v. c. *Φυλακτήριον* Matth. XXIII. 5. ex usu vocis græcæ, re ipsa ut satis nota supposita, explicat: notare enim dicit 1) munimenta, quibus scilicet animus hominis ita muniatur, & in tuto collocetur, ut simul ac ipse eadem conspiciat, cavere discat a peccando. Sic Iudæos ἵππην gestasse, ut ea conspicientes memores essent mandatorum Dei: 2) amulæta, qualia e collo aut alibi suspendere solebant gentiles, ut mala a se amolirentur. Idem de ligamentis suis precatoriis credidisse Iudæos, inesse illis vim ad mala quævis propulsanda, & ad dæmones fugandos: 3) quamlibet tutelam & præsidium, quo se quis tuteatur. Hunc significatum generalem reliquos comprehendere; ita & Iudæos sua precantium insignia robur & munimentum vocare, quo & hostibus sint formidandi.

Verbum *Φρυάσσειν* Act. IV. 25. de equis proprie adhibetur, cum illi collo altius sublato hinniunt & ferociunt. Sic Callimach. hymn. in lavacr. Pallad. v. 2. τῶν ἵππων ἄρτι Φρυασσομένην τῶν ἱερῶν εἰσάκυσσα. Ad homines deinde si hoc vocabulum transferatur, significat inflatum esse, & ob animi fastum, verbis vel factis insolenter agere. Ita quoque Philonem de charitate p. 716. ed. Gelen. hominem superbum ita vivis quasi coloribus depingere: incedere in summis pedum digitis, καὶ τὸν ἀνχένα μετέωρον ἐξαίρει Φρυαττόμενος, cervicem in equi morem erigens ferocit. Ἰσορῆσαι Gal. I, 18. reddit, ut Petrum cognoscerem, ut notum mihi redderem. Hanc enim esse notionem verbi, quod de rerum insignium & memorabilium contemplatione & notitia præcipue occurrit. Sic Iosephum B. L. I. VII. c. 7. Iulianum quendam centurionem, ut virum fortissimum laudare, & de eo dicere: ἐκ αἰσῆμος ἀνάνηρ, ὃν ἐγὼ κατ' ἐκείνον ἰσόρῆσα τὸν πόλεμον, qui mihi in isto bello innotuit.

Quam doctè in particulis græcæ linguæ explicandis versatus fuerit, vel ex his quæ adducemus exemplis clare demonstrabitur. Ita v. c. Luc. XIX. 42. ὅτι εἰ ἐγὼ εἶπα, voculam εἰ per utinam esse vertendam, egregie admodum loco quodam Plutarchi, ubi de notione hac particulæ εἰ apud Delphos p.

386. ed. Xyl. agit, confirmat: ἔχ ἥττον δυνάμει τῆς πειστικῆς τὴν ἐκτικὴν τὸ γράμμα περιέχειν δύναμιν. εἰ γὰρ ὅφελον φησὶν ἕκαστος τῶν ἐνυχομένων. καὶ Ἀρχιλόχος, εἰ γὰρ ὥς ἐμοὶ γένοιτο χεῖρα Νεοβύλης θίγειν, καὶ τὸ εἶδε τὴν δευτέραν συλλαβὴν πάρελκε. Δαί φησιν: ita & Ioseph. Antiquit. l. XLIX. c. 8. εἰ γὰρ ἀφίκοιτο ποτὲ ἡμέρα, utinam veniret tandem illa dies. Versu 43 καὶ περιβαλῶσιν οἱ ἐχθροί σου, voculam καὶ per quum, sive relative quibus interpretatur, & confirmat elegantem huius particula vim, partim ex locis parall. Matth. XXVI. 45. Marc. XV. 25. partim profanis Scriptoribus, ut Xenoph. Exped. Cyri l. 2. erat iam circa tempus pleni fori, καὶ ἐρχονται παρὰ βασιλέως καὶ Τισσαφέρνης κῆρυκες, cum a rege & Tissapherne legati venirent. Ad Act. I. 1. τὸν μὲν πρῶτον λόγον, observat, particulam μὲν eleganter a Scriptoribus grecis poni, si in libris posterioribus, ad libros priores a se scriptos provocent, eorumque summa capita breviter repetant. Fieri hoc ab Herodiano, initio singulorum sere librorum, & a Philone, de vita Mosis, initio libri II. & III. & ubi librum, quod omnis probus liber, his inchoat verbis: ὁ μὲν πρότερος λόγος. Act. XVI. 37. σύ γὰρ ἀλλὰ particulas, explicandas esse, non sane, minime vero, & asseverationem in se continere, qua ad quaestionem quandam responderi solet; ut apud Lucian. dial. mort. Men. & Aeac. annon amplius aureum illud femur habes? Pyth. ὃ γὰρ, ἀλλὰ φέρε ἴδω, non sane, sed age videbo, Rom. V. 3. σύ μόνον δὲ ἀλλὰ καὶ καυχώμεθα, &c. formulam hanc connectendi Paulo solennem esse, & Rom. V. 11. IIX. 23. IX. 10. occurrere, indicare autem, adiectum iri aliquid apriori diversum, idque vel cum gradatione quadam, vel sine illa: in hoc loco gradationem adesse, & verti posse, quinimo, quod maius est. Similiter Philo de vita Mosis p. 625. ed. Gelen. Hebraeos asserit, cum affligerentur Aegyptii, nonnisi calamitatum alienarum fuisse spectatores, καὶ ὃ μόνον ἀλλὰ καὶ μαθημάτων τὸ κάλλειον καὶ ὠφελιμώτατον, ἀναδιδασκομένους ἐν σέβειαν, imò quod maius est, etiam tales, qui doctrina pulcherrima & utilissima pietatis eruditi essent.

In locutionibus ellipticis sive confirmandis, sive notandis, ita quoque versatus esse videtur, ut multis locis N. T. illustrandis eximia prorsus lux sit allata. Ita Matth. XIV. 13. vocabulum *πεζῇ*, quod elliptice pro *ἐν πεζῇ ὁδῷ* positum sit, a plerisque *pedibus*, *pedestri itinere*, verti ait, quod tamen huic loco non satis accurate quadret, potius illud iter terrestre denotare, sive pedibus aliquis incedat, sive curru vel iumento vehatur. Usam huius ellipticæ locutionis confirmat ex Demosth. orat. 2. in Philipp. nunquam Philippus classe in Atticam venisset, *ὅτε πεζῇ βαδίζων ὑπὲρ τὰς Πύλας καὶ Φωκέας*, neque pedestri itinere supra Pylas & Phocenses pervasisset; & Xenoph. Cyrop. I. IIX. p. 159. ed. Bas. de itinere Persarum, quod equis per stationes dispositis fiebat, dicit: *ὁτρυγῶν τῶν ἰθρυπῶν πεζῇ περὶ αὐτῆς ταχίστη τῷ τοῦ εὐδῆλον*, manifestum est, hoc iterum, quæ terra homines suscipiunt, velocissimum esse. Phralis Magc. VII. 4. *ἀπὸ ἀγορᾶς* - - - *ἐκ ἐδῶσι*, elliptica, neque ab omnibus intellecta, varietatem lectionis pariens, per participium *ὄντες* s. *γινόμενοι*, quæ subaudiatur, explicatur, uti apud Aristot. Problem. Sect. V. *διὰ τί τοῖς ἐκ τῶν γυμνασίων καὶ φαρμακοποσίων ἐκ ἐνδύς προσφέρουσι τροφήν*, cur iis, qui ab exercitationibus aut potu medicamentorum veniunt, non statim cibum adserunt? Aristoph. in coniconatr. p. 745. ed. Port. Genev. *προσπίπτουσαι τοῖς ἀπὸ δείπνου*, ad genua cadentes iis, qui cenarunt. Aelian. var. hist. I. XII. c. I. *ἔτυχεν μὲν ἀπὸ δείπνου ὧν*. Locus Luc. XXIV. 47. non mediocriter interpretes vexavit, inprimis lectio, explicatio, & constructio participii *ἀρξάμενον* scrupulum iniecit, ut plerique censerent *ἀρξάμενον* construere debere cum verbo *κηρυχθῆναι*, ita ut illud veluti *ἀπὸ τοῦ κοινῆ* repetendum sit: sed CL. A. hoc loco putat cum Lamb. Bos in ellipsis, subintelligi posse vocabulum *πράγμα*, ita ut *ἀρξάμενον* in appositione positum censetur cum vocibus *μετανοοῦσαν καὶ ἄφεσιν ἁμαρτιῶν*, hoc sensu: necesse erat prædicari poenitentiam & remissionem peccatorum, quæ res incipere debebat Hierosolymis. Participia enim & adiectiva quælibet neutro genere, voce *πράγμα* subintellecta, cum substantivis

stantivis diversi generis coniungi solere, iam ad Matth. VI. 34. pluribus exemplis confirmavit; & locum Athenæi l. 3. p. 103. ed: Casaub. ex Platone Comico affert simillimum nostro: *πότες ἐωθίνες πίνει διὰ σε νῦν, πρότερον ἐκείθισμένον* (sc. *πράγμα*), potus matutinos propter te nunc bibit, rem ipsi antea non solitam. Verba Rom. I. 15. *τὸ κατ' ἐμὲ πρόθυμον* plerique per duplicem ellipsin supplenda explicant, ita ut plene dicendum fuisset: *τὸ κατ' ἐμὲ (ἐν) πρόθυμόν (ἐστί)*, quantum in meis viribus situm est. Sed hic verba impeditius fluere sibi videri, ait, & in tam paucis vocibus duriores esse & duplicem ellipsin; credere se potius, apostolum, si hic esset sensus, saltem perspicuitatis gratia dicturum fuisse: *τὸ κατ' ἐμὲ πρόθυμός εἰμι*; simplicius esse, ut nonnisi unicum verbum *ἐστί* subaudiatur, & artic. *τὸ* referatur ad vocem *πρόθυμον*, eo sensu, ut *τὸ κατ' ἐμὲ πρόθυμον* idem sit ac *τὸ πρόθυμόν μου*, quod substantive adhibitum, idem ac *πρόθυμία*, promittitudinem, desiderium significet, præsertim cum præpositio *κατὰ* cum Accus. sæpe ponatur pro genitivo, ut *εὐαγγέλιον κατὰ Ματθαῖον* pro *Ματθαῖα*. Notissima omnibus S. S. studiosis res est, quanto studio interpretum opera atque meditatio in explicando loco Paulino Rom. III. 25, & imprimis vocabulo *ἱλαστήριον* versata fuerit; & quantum præsertim in eo elaborarint, ut, quæ sit vox per ellipsin omissa, voci *ἱλαστήριον* supplenda, docerent. Lamb. Bos, sedulus atque doctissimus ellipsium indagator, tria potissimum subaudienda esse censet vocabula, quibus sensus suppleri commode possit, *ἀνάθημα*, *θῦμα*, & *πῶμα* vel *ἐπίθεμα*: ita tamen, ut si *ἱλαστήριον*, quod natura sua adiectivum est, pro sacrificio propitiatorio, ut nostro loco, sumatur, subaudiri debeat *θῦμα*, ut *χαριστήριον*, *ἐπινίκιον*, *σωτήριον*, apud exteros scriptores; si vero operculum illud propitiatorium denotet, ut Hebr. IX. 5. tunc supplendam esse vocem *πῶμα* l. *ἐπίθεμα*. Ex parte sequitur Lamb. Bosum Cl. Auctor, (cui quoque locum ex Dionis Chrysostomi orat. XI., ubi *ἱλαστήριον* pro dono propitiatorio usurpetur, aperte militare proficitur,) quando in explicando nostro loco ad Romanos, vocem *ἱλαστήριον* de sacrificio expiatorio se intelligere ait, ita ut *θῦμα*, *ιερεῖον*, aut

M m m

simile

simile aliquid, subaudiatur; illam enim interpretationem, quæ ad operculum arcæ foederis alludi putent, subtiliorem & obscuriorem videri, nec, ob varia incommoda, quæ secum ferat, eam interpretandi rationem admittendam esse. Auctor sine dubio Cl. Kypkio, ut in eam iret sententiam, fuit Io. Clericus, qui in suis annotationibus, quas Hammondianis adiecit, & iterum Bibl. Sel. Tom. XIII. Art. II. p. 121. opinatur, nullam in oratione Paulina allusionem esse ad operculum arcæ, sed ἱλαστήριον dici, subintelligendo ἱερεῖον, aut θύμα, victimam, quod illico mentio fiat sanguinis, cui nulla sit cum operculo affinitas; eoque nomine Lockium suum reprehendit, quod Grotium secutus, hoc vocabulum de propitiatorio arcæ operculo explicarit. Tantum vero abest, ut, quod pace Viri Cl. fiet, huic sententiæ, quam cum Clerico amplectitur atque tuetur, subscribamus, & rationibus ab illo allatis persuasi credamus, non sub ἱλαστήριον πῶμα subintelligi debere, sed θύμα: ut potius, gravissimis argumentis induti, credamus, eam sententiam interpretum, quæ πῶμα f. ἐπιθεμα subintelligi vult, & gravitate, & perspicuitate, quam maxime se nobis commendare. Illud, quod docti desiderabant, ut ex Auctore quodam ostenderetur, ἱλαστήριον significare sacrificium expiatorium, nec a Cl. Auctore ex Chrysostomi loco effectum esse videtur; ubi, ipso Lamb. Bosio teste, sub ἱλαστήριον non θύμα, sed ἀνάθημα subintelligendum est. Subtiliorem autem & obscuriorem nostram huius loci explicationem esse, si cum ipsis LXX. interpretibus, qui Exod. XXV. 17. ΠΡΕΣ per ἱλαστήριον ἐπιθεμα interpretantur, eandem vocem supplendam esse dicimus, veremur an cuiquam persuadere possit: præsertim si cogitet, egregie comparisonem institui posse inter typum & antitypum; communem hanc fere omnium veteris ecclesiæ christianæ interpretum, eorumque optimorum, teste Suicero in Thef. Eccles. T. I. f. 1449. explicandi hunc locum rationem fuisse; antiquissimos Iudæos hanc occultam significationem non negavisse; egregie denique consilio Pauli eam satisfacere; cruentam Christi satisfactionem, & meritum, verum esse nostrum propitiatorium, sanguine

guine olium a sacerdote versus arcæ operculum sparso adumbratum; & quemadmodum ἱλαστήριον arcæ ἐπιθεῖται, tabulas legis, minas item ac maledictiones, violatoribus eius intentatas, ita tegebat, ut in nullius unquam venirent conspectum, ita Christus, merito suo, maledictionem, quam tabulæ legis arcæ inclusæ minabantur, ita textit ac sustulit, factus pro nobis ἑμπαράφτοις κατάρτα, ut Deus ea respicientibus & in Christum credentibus imputare, & in futuro iudicio in conspectum producere nolit, quemadmodum egregie docet S. V. Deylingius, ὁ μακαρίτης, obs. Sacr. T. II. Obs. XLI. Eleganter quoque acutissimus P. Jurieus, in Hist. Critiqu. P. II. c. I. p. 235. ea de re disserit: Pourquoi le couvercle de cette Arche étoit-il appelé propitiatoire? c'est par ce qu'il couvroit la Loy, en quoi il étoit figure de la mort & de la satisfaction de Iesus Christ, qui couvre les pechés, que nous commettons contre la Loy, & c'est pourquoi il s'appelloit le Propitiatoire. Par allusion à cela St. Paul dit, que Dieu a mis Iesus Christ pour propitiatoire par son sang; c'est à dire, qu'il l'a ordonné pour la couverture des nos pechés par son sang.

Opera hæc, quam secundum instituti sui rationes in se suscepit, quantam utilitatem ad iuvandam librorum N. T. interpretationem afferat, neminem fore dicit Cl. A. qui non intelligat. Lectorum enim multum interesse, qui & suos & aliorum animos cognitione salutari ex his sacris litteris imbuerent velint, ut non solum verborum locutionumque sacrarum accurate cognitos sibi ac perspectos reddant significus, sed ut quoque de perspicuitate & certitudine interpretationis quam maxime persuasi esse possint. Hæc enim duo sartam tectamque tueri codicis sacri integritatem. Non itaque ultima laus, sed omnino palmaria debetur interpreti S. S., si muneri suo, quod in se suscepit, obeundo satisfaciatur, hoc quoque nomine, ut religionis christianæ, quæ S. S. tanquam firmissimo fundamento nititur, stabiliendæ, confirmandæ, ac defendendæ auctor sit egregius. Hæc laus nostro imprimis debetur Kyphio, qui in his observationibus ita versatus est, ut in defendendis oraculis divinis, & in univer-

sum veritate religionis christianæ propugnanda, tantum omni occasione præstiterit, quantum illi, qui ex instituto præstantiam librorum N. T. & veritatem ex his libris demonstrandam sibi sumserunt, vix præstitisse videantur. Nocerī enim putabat causæ Reip. Christianæ optimæ, illique detrahi, tantum abest ut illius patrocinium suscipiatur, si eiusmodi interpretationibus oraculorum divinorum utaris, quæ, quoniam optimis interpretandi litteras sacras regulis non respondent, profus nihil prosunt, immo irrisoribus & veritati christianæ adversis calumniandi & scommatibus eam proscindendi copiam atque occasionem præbent. Ideo quoque proficitur, se in maculis sordibusque, quas Lucianus, Phrynichus, aliique græcitatē magistri, his & ætate & auctoritate inferiores, multis N. F. vocabulis phrasibusque, sub Barbarismorum & Soloeisismorum nomine adperserint, eluendis & abstergendis, pro virili elaborasse. Ne vero temere hæc affirmasse videatur, exemplis quibusdam confirmare, quæ dixit, volumus. Contra Phrynichum v. c. Barbarisimi N. F. libros accusantem, defendit Matth. XV. 16. voculam ἀκμὴν, adhuc, ut non satis elegantem hoc sensu; cum tamen sit apud Ioseph. Ant. Iud. I. XVII. c. II. τῆς πολιτᾶς ιδιώτην ὄντα ἀκμὴν, σφάζει ἐν ἱερῷ μὴ ἀποτετραμμένον, qui cives, cum privatus adhuc esset, in templo mactare non dubitaverit; & I. XIX, c. I. λαμβάνοντες ἀκμὴν κακῆ, ignoto adhuc malo. Occurrit & apud Polybium. I Thess. IV. 11. πράσσειν τὰ ἴδια, agere quod suum est, quod sui est officii, nec se aliorum immiscere negotiis, quod opponitur τῷ περιεργάζεσθαι 2. Thess. III. 11. a Demosthene simili modo adhiberi exord. orationum p. 143. ed. Wolfii Frf. ἂν δ' ἔχεν ὑσυχίαντις παραλῆ, καὶ τὰ ὑμέτερα αὐτῶν πράττειν, si quis moneat, ut quieti simus, & nostra agamus negotia; & item a Lysia orat. 18. ἐκείνῳ μὲν γὰρ ἦν τὰ αὐτοῦ πράττειν, Ἀριστοφάνης δὲ ἔμμόνον τῶν ἰδίων, ἀλλὰ καὶ τῶν κοινῶν ἐβύλετο ἐπιμελεῖσθαι. Notari posse hunc locum, ait Cl. A. contra Phrynichum, qui Atticos præcipiat dicere, τὰ ἐμὰυτὲ πράττω, non vero τὰ ἴδια πράττω. 2. Petr. II. 6, ὑπέδειγμα, exemplar, perperam damnari a Phrynicho

nicho, ostendit locis quibusdam, v. c. Ioseph. Bell. Iud. I. II. c. 28. ἀλλ' ἐλ' εἰς ὑπόδειγμα τῶν ἄλλων ἐθνῶν καταφλέ-
 ζειν μὲν τὴν ἱερὰν πόλιν, quod non in exemplum aliarum
 gentium urbem hanc combusturi sint. Contra Lucianum
 defendit 1 Cor. XVI. 9. verbum ἀνέωγε, quod neutraliter ac-
 ceptum in Soloecismis ponitur, apud Lucianum in Soloecista
 p. 984. ed. Salmur. Usus tamen esse illo ipsum Lucianum
 satis frequenter. Sic dial. Merc. & Charont. τῷ σκαφιδίῳ
 τὰ ἀνεωγότα, navigii rimas; Strabonem Geogr. I. V. p. 357.
 ed. Amstel. ἀνέωγε τ' ἐντὺθεν σπήλαια ὑπερμεγέθη, atque
 inde ingentes aperiuntur speluncæ; Iosephum Ant. I. VI. c. 14.
 σπήλαιον βαθὺ καὶ κοῖλον εἰς πολὺ καὶ μῆκος ἀνεω-
 γὸς καὶ πλάτος. Contra alios græcitatæ magistros, Soloec-
 ismi maculam libris N. T. adspergentes, tuetur v. c.
 Matth. XIV. 10. contra Salmasium, vocem ἀποκεφαλίζειν,
 quam ille ut plebeiam & nemini veterum usurpatam vellica-
 verat, vindicans eam loco quodam, (præter illa loca quæ Ra-
 phelius inannot. Polyb. & Cel. Alberti ad h. l. adduxerat,) Dion. Cassii Excerpt. Val. p. 717. ὥς ἀποκεφαλίζεντος,
 εἰς τὴν κεφαλὴν αὐτοῦ εἰδὲν ὑπέμενεν, ut nec præcisum eius ca-
 put intueri sustinuerit. Vocabulum Ioh. XII. 6. γλωσσόκομον, lo-
 culum, arculam ad recondendam pecuniam, contra eundem Sal-
 masium defendit, qui illud plebeium & idioticum dicit: occurrit
 tamen apud Ioseph. Ant. I. VI. c. I. qui cistulam illam, in quam
 Philistæi aureos mures & quinque icones coniciebant, γλωσ-
 σόκομον appellat; & apud Arrianum in Peripl. mar. erythr. p.
 159. ed. Blanc. ubi in insula Dioscoridis testudines reperiri scri-
 bit, e quibus γλωσσόκομα καὶ πινακίδια, loculos & ta-
 bellas pugillares confecerint. His autem loculis inprimis ad
 recondendam pecuniam usos fuisse, probare Plutarchum in
 Galba p. 1060. ubi de hoc dicat: ἐκέλευσεν αὐτῷ νομι-
 θῆναι τὸ γλωσσόκομον, καὶ λαβὰν χρυσῶς τοὺς ἐπέθηκε τῷ
 Κανῷ, Messen soloecismorum Act. XV. 22. 23. 25. reperisse
 sibi visi sunt Viri eruditi non pauci, sed in lectione græcorum
 aut non satis versati, aut non satis attentī. Verba sunt: τότε
 ἰδοὺ τοῖς ἀποστόλοις καὶ τοῖς πρεσβυτέροις. ἐκλεξομένους
 ἀνδρας

ἀνδρας ἐξ αὐτῶν πέμψαι. Ἐκλεξαμένους hic & v. 25. ἔδοξεν ἡμῖν γενομένοις ἐκλεξαμένους ἀνδρας in Dativo putant poni debuisse, ut cum verbo ἔδοξε, & dativo præcedente, construat. Fuisse quidem ait nonnullos, qui huic loco, ne Soloecismi vitio videretur laborare, medelam allaturi, dicerent: ἐκλεξαμένους cum ἀνδρας construendum, & passivè vertendum esse, viros electos. At cum rarius sit, tempora mediè significationem habere passivam, ostendendum antea fuisse, etiam hoc ipsum ἐκλεξαῖν in mediè significatione passivà occurrere. Tutius se Soloecismum posse amoliri hac regula credit Cl. A.: Si verbum aliquod finitum cum infinitivo iungitur, casus nominis adiecti, mox tempori finito, mox infinitivo respondet. Potuisset tribus modis constructio formari: 1) cum dat. quod usitatissimum, ἔδοξε τοῖς ἀποστόλοις ἐκλεξαμένοις; 2) cum nominativo, ἔδοξε τοῖς ἀποστόλοις ἐκλεξαμένοι, uti statim v. 23. occurrit γράψαντες. Nominativus hic etiam multos male habuit; putabant, quoniam præcedat ἔδοξε τοῖς ἀποστόλοις, etiam scribi debuisse γράψαι. At pro accus. cum infin. græcos æque frequenter ponere nominativum, multis locis ostendit Auctor adhuc versum, neglectis aliis quæ afferri potuissent exemplis, addit tantum ea, ubi similiter adest δοκῶν. Lucian. in Encom. Demosth. sub initium, p. 915. ed. Salmas. αὐρὶ γὰρ τοῖς τῶν νυκτῶν ἐξανασταῖς ἔδοξε μοι χρῆναι τοῖς Ὀμήρῳ γενεθλίοις τῆς ποιητικῆς ἀπαρχαῖαν, visum est mihi intempesta nocte surgenti, Homeri die natali poeseos primitias offerri debere. Ubi pro ἐξανασταῖς poni potuisset ἐξαναστάντι. Thucyd. l. III. p. 68. ed. Basf. Hervag. ἔδοξεν αὐτοῖς, . . . ἐπικαλῶντες τὴν τε ἄλλην ἀπόσασιν, decretum fecerunt . . . quum & ipsam defectionem incusarent; ἐπικαλῶντες pro ἐπικαλῶσι. 3) Accusat. ἐκλεξαμένους πέμψαι, ut eligentes mitterent. Accus. ponitur, ut apud latinos, cum infinitivo, pro ἵνα ἐκλεξαμένοι πέμψωσι. Eadem construendi ratio occurrit Luc. VI. 4. ὅς ἐκ ἐξέτι φαγεῖν εἰ μὴ μόνες τῆς ἱερῆς pro εἰ μὴ τοῖς ἱερεῦσι μόνις. Sic Xenoph. Cyrop. l. VII. p. 125. ed. cit. ἐξέτι δέ σοι ἰδόντι ταῦτα, ἐλθόντα ἐπὶ καὶ περὶ τῆς ἀρπαγῆς βυλεύσασθαι; & Thucyd.

1. I. non longe ab initio, ἔδοξεν αὐτοῖς ἐλθῆσθαι ὡς τῆς Ἀθηναίης συμμαχίης γενέσθαι. Auctor. XV. 28. occurrit πλήν τῶν ἐπ' ἀνάγκης τῶν, præter hæc necessaria; quam constructionem neque græcam esse, neque tolerabilem, asseruit Salmastius, qui proinde ἐπ' ἀνάγκης legere iubet. Miratur Vir Cl. tam præclarum virum, in græcis litteris, quamprimum de verbis disceptetur, tam se hospitem ostendere. Ἐπ' ἀνάγκης adverbium est, & idem valet ac necessario. Multis huius adverbii usum exemplis, ex optimis quibusque Græciæ Oratoribus, Demosthene, Aeschine, Andocide, confirmat Auctor; v. c. Demosth. adv. Macart. p. 665. αὐτὸς δὲ περὶ τῆς προσήκοντος ἐπ' ἀνάγκης, quæ cognatos oportet necessario facere. Nonne vero hæc interpretandi ratione, qua utitur Cl. Auctor, & cuius exempla ubivis in his observationibus prostant, integritatem codicis sacri, imprimis N. T., fartam tetamque defendit, & ab impetu atque insultibus hostium veritatis tuetur?

Communis fere omnium irriforum hæc fuit conviciandi ratio, qua libros N. T. proscindere tentarent, ut puritatem græci sermonis, simul vero eius integritatem, hoc imprimis nomine sollicitarent & impugnarent, quod eiusmodi voces & phrasæ rariores, adeoque plebeie, in iis ab rudibus & illiteratis illis hominibus usurpatæ occurrant, quas nupiam in scriptis veterum græcorum, eodem modo, eodemque sensu se legisse meminerint, & quæ, tantum absit ut ex iis illustrari possint, ut potius conviciendo vim atque significatum earum ut plurimum assequi oporteat. Insultibus hisce hostilibus, quibus integritas S. S. petitur, obviam ire Cl. A. suarum etiam partium esse duxit, suis observationibus ostendens, librorum sacrorum vocabula, vocabulorum notiones, constructiones, & genera loquendi, non ita ex infimæ plebis, ut aiunt, circulis petita esse, ut non aliqua saltem illorum vestigia in Scriptoribus Græciæ florentis & liberæ antiquis, aut potius in auctoribus, qui & tempore & loco viris θεοπνεύστοις propiores erant, prostant, ex quibus luce iis affusa, puritati quoque eorum consuli possit. Libros quidem sacros

N. T.

N. T. non opus habere, ut nitidioris sermonis cultu & ornatu se commendent, multum potius interesse, ut sensus eorum sit perspicuus, & ut accuratior eorum intelligentia firmo nitatur fundamento. Perplacet nobis illa observatio Cl. Auctoris, qua simplicem illum & popularem, cum nativa quadam pulchritudine magis quam exquisitiori ornatu coniuatum sermonem, a sordido & plebeio illo loquendi modo, ex infimæ plebis circulis servorumque pistrinis petito, probe distinguit; nec contra magni esse videri momenti dicit, utrum scribendi genus, quo uti sunt viri *Θεόπνευστοι* ad veterum græcorum, e. g. Demosthenis, Xenophontis, aliorumque nitorem & elegantiam assurgat, (quæ ornamenta nullus in græcis hospes omnibus N. T. scriptoribus tribuat,) an potius ii vocibus & locutionibus ex usu potissimum vulgari petitis, doctrinas sacras exposuerint, iis loquendi generibus non plane fastiditis, quæ in vitio ponebant homines, qui pluris facerent gratiam atque vences sermonis, quam veritatem explicandam gravitatem & pondera. Hæc duo sedulo admodum interesse sunt distinguenda; neque dici satis potest, quantum damni confusum illud cum populari sermone sordidum dicendi genus rei christianæ attulerit. Auctoritas & reverentia, quæ verbo divino, ab Apostolis litteris consignato, tribuenda est, haud permittit, ut barbarismos, soloecismos, aliaque frequentiora plebei sermonis vestigia, in stilo sacro admittamus; perspicuitati enim & sanctitati librorum N. T. hoc modo insidias strui, & damnum irreparabile fieri, tam certum est quam quod certissimum. Experientia enim constare magistra, asserit Cl. Auctor, sermonem plebeium & barbarum angustis plerumque limitibus contineri, ita ut in singulis regionibus, quin fere singulis urbibus, plebs in sermone vulgari aliquid sibi ita vindicet, & proprium reddat, ut illud aliarum regionum incolæ intelligere nequeant; cultiorem vero linguam & curatiorem, singulis regionibus communem, non eruditis solum tritam, sed & plebi in pluribus locis intellectu faciliorem esse solere. Cogi ex his dicit, quanto plura libris sacris insint barbara, soloeca, & idiotica, hoc magis eos lectoribus, in tam disitis orbis terrarum partibus, obscuros fuisse; quin etiam

etiam tempore Apostolorum, quo græca ubique legebantur, libri N. T. ab Apostolis conscripti, nec ab hominibus græcis, siue genere, siue institutione, siue conversatione iis, intelligi potuisse. Accidere deinde graviolem illam rei christianæ & libris N. F. calamitatem, ut admissis illis sermonis vitiis, omnis librorum sacrorum interpretatio incerta & ambigua reddatur, & sic demum frequens illa, cuius tamen tanta sit necessitas & utilitas in exegesi sacra, ad regulas grammaticas provocatio sit exulatura.

Multum quoque Cl. A. in his observationibus, eradicandis opinionibus præiudicatis, quibus nonnulli interpretum tenentur, operæ impendisse, cuius accurate eas legenti apparebit. Talis est v. c. Philosophismus exegeticus, quo capti sibi persuadere conantur, tunc se optime interpretis munere functos, ubi de voce & phrasi græca, non ex indole linguæ & usu loquendi disputent, sed philosophentur; & coniectura sua id, quod mente præconceptum fuit, assequi, refragante licet totius græcæ linguæ indole, contentur; dicentes, non adeo rigide exigendum esse sermonem sacrum ad regulas Grammaticorum, & usum loquendi græcum, notiones vocabulorum ex coniectura interdum esse petendas, nec debere mirum cuiquam videri, si sermo græcus N. T., quoniam sit plebeius, in aliis Græciæ elegantioris scriptoribus non reperiatur. De Hebraïsmorum, ubi vis præter necessitatem effingendorum obtrudendorumque, pruritu, ita præcipit: non parum in eo se studii & industriæ posuisse, ut tot hebraïsmos sermoni sacro infusos profligaret. Facile se quidem largiri, non omnes N. T. voces & locutiones, ab hebraïsmi aut alterius alicuius linguæ idiotismi suspitione posse purgari: attamen de eo quoque certum se esse, multas peperisse peregrinitatum accusationes, vel græci sermonis imperitiam, vel in versandis Græciæ scriptoribus negligentiam. Sed, quod pace Viri Cl. dixerimus, quamquam ii nequaquam sumus, qui omnium omnino Hebraïsmorum, quos nimium sedula interpretum *Philologorum* ubi vis deprehendit indagatio, patrociniū adfectemus: tamen fateamur, Cl. Auctorem nobis, multis in locis, ni-

mio græcarum litterarum studio, profanos auctores iudices vocum sacrarum constituisse, videri; quid quod parum abfuerit, quin hebraicum loquendi idioma, quo sapientissimo Dei consilio Scriptores librorum N. F. θεόπνευστοι uti debebant, & quod ipse Cl. A. interdum concessit, ad soloecismorum aliorumque sermonum peregrinorum vitia referret, & errores eorum interpretum, quos sibi evitandos proposuit, (quosque interdum nimis magnifice de illis antiquitatis reliquiis sensisse, & ad eas tamquam ad regulam voces & locutiones N. T. græcas exegisse, constat,) ipse imitaretur. Quamplurima possemus afferre exempla ex observationibus hîscæ, ea singula quæ diximus confirmatura: tamen sufficere adduxisse pauca, ut dictis nostris fides sua constet. Proscribendum itaque hebraïsmum censet v. c. ex Matth. XX. 12. ubi verbum ποιῆν laborandi vim habet; XXI. 5. ὁὐδὲν ὑποζυγίῃ, de pullo asini; XXIII. 15. ζῆρα, terra; Luc. II. 38. verbo αἰδομελογίζεσθαι, laudandi gratiasque agendi notione, & v. 8. φυλάσσειν φυλακῆς; XXI. 19. verbo κηρύσσειν τὰς ψυχὰς, conservare animam; Ioh. V. 27. κρίσιν ποιῆν, iudicium exercere; VII. 24. κρῖν κατ' ὄψιν, quod idem est ac κατὰ προσωποληψίαν κρῖν; Act. II. 1. phrasi, ἐν τῷ συμπληροῦσθαι τὴν ἡμέραν; XIX. 21. phrasi, εἶδετο ὁ Παῦλος ἐν τῷ πνεύματι; 2 Petr. II. 7. ἡμέραν ἐξ ἡμέρας; Iacob. V. 11. ἀκούειν, notione legendi, seu quocunque modo aliquid cognoscendi, (ubi Cl. A. non opus habebat, hunc tam late patentem significatum, e more veterum, quo non solum Auctor libri, scripta sua recitans, a pluribus audiri solebat, sed & doctores iunioribus scripta veterum prælegere & explicare sueverant, repetere); 1 Cor. XI. 23. verbo παραλαμβάνειν, παραδόναι, vi discendi, docendi. In his, & quamplurimis aliis locis, negat Vir Cl. Hebraïsmum esse, quem tamen Grotius, alique eximii interpretes, non solum admittunt, sed quoque ex instituta cum hebraico sermone collatione probant & confirmant.

Tantum tamen absit, ut, quia non ubique Cl. Kypkii sententia accedimus, propterea detractum de eius laudibus quidquam velimus: ut potius nimio quodam græcarum litterarum,

in quibus veratissimum esse cognovimus, studio quasi abreptum exculemus, & profiteamur ingenue, cum optimi interpretis N. T. partes, & in hoc egregie tueri, quod sensum grammaticum, ex indole linguae & usu graecorum depromptum, non autem ex arbitrio & cerebro cuiusque interpretis excogitatum, commendet; quod ex LXX, illis Alexandrinis interpretibus oracula N. T. illustraverit; quod ex ritibus antiquis Iudaeorum non magis quam graecorum, multis S. S. locis lucem affuderit. qua in re provide cavit, ne singula, quibus similitudo aliqua cum ritibus sacris esse videretur, ea absque selectu congereret; quod in hoc doctrinae genere multa sint, quorum maior sit pompa quam fructus. Abstenuisse quoque se, ait, ab attexendis narrationibus mythologicis, in quibus alii commentatores copiosi sint; sibi enim talia cumulare non modo parum utile videri, sed interdum quoque, plus quam reris, periculosum. Interpretis grammatici munere functum esse illum, apparet ex multis locis; v. c. ex Act. X. 36. τὸν λόγον, ὃν ἀπέστειλε τοῖς υἱοῖς Ἰσραὴλ, εὐαγγελιζόμενος. ἐβλήθη διὰ Ἰησοῦ Χριστοῦ, ὅτός ἐστι πάντων κύριος. Multa in hunc locum interpretes commentati sunt. Omnes omnium explicationes, & sua simplicitate, & perspicuitate, vincere videtur, ea quam tradidit Cel. Heumannus. Construit ille τὸν λόγον cum verbis versus 37, a nostro commate non avellendis, ὑμῖν διδάσκει, ita: verbum quod misit filius Israel... vos nostis, utigitur verba: ὅτός ἐστι πάντων κύριος, pro parentheticis habeantur. Videtur tamen haec vox κύριος, ob nexum inter versum 35 & 36 obscurum, immo nullum, & ob du-riorem hanc parenthesin, Cl. Auctori adiective intelligenda, & ad vocem λόγος referenda esse, hoc sensu: verbum, quod misit filiis Israel, pacem per Iesum Christum annuntians, illud in omnes habet potestatem. Sic omnia arte coherere dicit Cl. A. cum antecedenti & sequenti versu. Observandum tamen esse, λόγον sequi casum relativi ὃν, & pro λόγος positum esse; deinde vocem κύριος adiective de personis & rebus dici, quae valorem, potestatem, & auctoritatem habeant: quod pluribus ex scriptoribus graecis confirmat. Ebr. XII. 1. τὴν εὐ-

περίσπτον ἀμαρτίαν, interpretatur peccatum impeditissimum five calamitosissimum. Explicandam censet hanc vocem ex cognatis *περίσπαις*, *ἀπερίσπτος*, *περίσπαιος*. *Περίσπαις* haud raro impedimenta notare, difficultates, molestias, pericula denique & adversitates, variis veterum Græciæ Philosophorum locis probat; putare se igitur, *ἀμαρτίαν ἐνπερίσπτον* esse *περίσπαικην*, *περίσπαιων γέμεσσαν*, cum multis impeditis & molestiis coniunctam; hanc igitur si homo retinere velit, non posse expedito ad metam properare cursu. Optime igitur vertendum esse, peccatum perquam impeditum, eo sensu, quo locos impeditos, iter impeditum vocant, ea quæ homines impediunt: *ἐν* autem augere significatum, ut in *ἐνμεγέθης* permagnus, *ἐνμάκης* perlongus.

Magno quoque commodo, LXX. interpretes, in explicandis illustrandisque N. T. oraculis consuluit. Ita v. c. Matth. XVI. 22. phrasis *ἰδεὸς σοι κύριος* egregie ex LXX interpretibus illustratur, qui hebræam particulam *הַלֵּלָהּ*, absit, interpretantur *ἰδεὸς μοι*, vocem *Deus* subintelligentes, nimirum hoc sensu, propitius mihi sit Deus, & eam avertat a me mentem, ne hoc vel illud faciam. Phrasin hanc ellipticam apud LXX. ait multis locis occurrere, ut 1 Sam. XIV. 46. 2 Sam. XX. 20. XXIII. 17. Porro phrasis Matth. XVI. 23. *ὑπάγε ὀπίσω μὲ*, explicatur ex Ies. I. 4. ubi interpretes Alexandrini *ἀπηλλωτριώθησαν εἰς τὰ ὀπίσω*, & Ier. XV. 6. *ἀπεσπάρφης μὲ, ἐπίσω πρὸς ἑσέα*, interpretati sunt. Ita quoque Matth. XXII. 9. *διέξοδοι* illustratur per Numer. XXXIV. 4. Ps. LXIIX. 21. ubi *οἱ ὁ δὲ δὲ δὲ* per *διέξοδοι* interpretantur. Verbum *ἀθετῆσαι* Marc. VI. 26. vertitur, noluit fidem datam illi fallere, seu periurus contra illam esse, ut idem sit ac *πίστιναθετῆν*: quod confirmatur præsertim testimonio interpretum Alexandrinorum, qui voce *ἀθετῆν* utantur, varia verba hebræorum transferentes, idque cum Accusativo personæ, vel nude, vel cum præpos. *εἰς*. Exempla sunt: *עַשׂוּ* Dan. 9. 7. & *עַשׂוּ* Ies. I. 2. *נָבַח* Ies. XXXIII. 1. & *קָרַח* Ies. LXIII. 8.

Quanta denique industria, in ritibus Iudæorum explicandis,
omni

omni in his observatt. data occasione versatus fuerit, vel ex Matth. VI. 16. apparet, ubi ὑποκριταὶ συθετοῦσι ἀφ' αὐτῶν τὰ πρῶτα αὐτῶν, egregie ex ritibus ieiunij iudaici illustrat. Similiter locus Matth. VIII. 21. ex officio filiorum apud Iudæos & Græcos, parentum sepeliendorum curam habendi, illustratur. De osculatione pedum apud hebræos, disse-rit ad Luc. VII. 38; de ritu adorandi apud eosdem, exponit locum Ioh. XX. 17.

Tres sibi potissimum tulisse leges, quæ in hoc opusculo elaborando oculis obversarentur, affirmat Cl. Auctor: primum, ut omnia quæ scriberet, ad summi Numinis & domini nostri Iesu Christi gloriam; ad tuendam diligentissime verbi divini maiestatem; & ad promovendam veritatum sanctio- rum, in his libris contentarum, ampliorem & pleniorum intel- ligentiam, tenderent. Non id quidem se egisse, ait, ut præcep- ta moralia, & doctrinas ad pietatis cultum pertinentes, e li-bris sacris proponeret: sed in inquirendo solo litterali, qui dicitur, sensu substituisse, hoc enim ad emendationem animi nostri plurimum conferre. Non capi se illa ad pietatem institu- tione, quæ sacris effatis nitatur perperam intellectis; quasi- bet enim S. S. interpretationes satis pias esse, quæ satis sint ac- curata. Deinde cupide elaborasse, ut quam paucissima dice- ret, quæ essent dicta & trita ab aliis; & ut libellus, quem ede- ret, suus, non aliorum, esset. Nova igitur non pauca lecto- ribus pollicetur, eaque ad accuratorem librorum sacrorum intellectum profutura: & si non adeo frequentes explicatio- nes protulerit, quæ prorsus novæ esse videantur, sæpe tamen & veteres sententias argumentorum quadam novitate defen- disse, & novitates ab aliis tentatas refellere studuisse, haud raro etiam voces & phrasas, ab aliis iam enodatas, diversis tamen exemplis & probationibus illustrasse, ita ut vel hoc etiam nomine, quæ dixerit, nova esse dici, & se rerum non minus gravitate & dignitate, quam novitatis gratia com- mendare possint. Denique, ut brevis esset, elaborasse, & ab excursionibus consulto abstinuisse; cum etiam erudite dicta non magnopere placere soleant, si loco minus idoneo sint.

Virtutes, quibus doctrinam suam insignem excellentiorem reddidit, ita sunt comparatae, ut non modo ubique appareant, sed eum quoque hoc magis commendent, quo rariores illae plerumque apud eruditos huius generis esse solent: nimirum, modestia singularis, & animus sincerus; quibus factum est, ut hominem se esse, & lapsum in hoc negotio, ubi saepe in distinguendis vocum notionibus maxime vicinis cardo rei vertitur, admodum facilem esse agnoverit; a doctis viris si dissentire coactus fuerit, id semper studuisse, ut reverentiam illis debitam servaret, nec ullo modo læderet, nemini vero, quod hominem se esse prodiderit, dicam scripsisse. Nec etiam diligentia & arte sua defuit his observationibus in lucem proferendis, Bibliopola, Vir honestus; ut etiam, si typorum & formae elegantiam chartaeque nitorem spectes, se omnibus vel ex eo quoque capite probare liber videatur. Sufficiat, hæc ad commendandas Cl. Auctor. observationes attulisse, ex quibus satis superque, ut confidimus, intelligetur, quantum huic egregio labori pretium sit statuendum: estque omnino optandum, ut multi sint, qui huius vestigia sequi, & de litteris sacris recte interpretandis præclare mereri cupiant.

DE MENIDE SACRO ANTIQUORUM CODICUM Ornamento, Commentarius criticus; cui accessit de Lunulatis veterum Gentilium Insignibus Exercitatio parergica, Auctore IO. CONRADO STIGLIZIO.

Erfordia, impensis Tob. Henr. Schroederi, 1747. in 4. pl. 8.

Quamquam serius ad manus nostras pervenerit eruditus hic libellus, commemorabilis tamen vel maxime visus est nobis propterea, quod *Menis* in lucem e tenebris, ubi adhuc latuit, a nemine antehac protracta sit, aut satis exposita; quin vetustate etiam plane interisset hoc monimentum, nisi nominis eius memoriam unus ille prodidisset Ausonius, *Epigr. in Profess. Burdig. XXV.*

Quos

*Quos legis a prima deductos Menide libri,
Doctores patriae scito fuisse meae.*

Atque adeo locus ille Aufonii classicus est huius materiæ. Explicata *Menidis* originatione, interpretatio lunæ istius monimenti Barthiana §. III. in medium profertur, sed & refutatur. Scilicet, *menides* pro *uncis* librorum habuit C. Barthius. At esto, veteres voluminibus suis, ad lora inferenda & alliganda, *uncos* addidisse: de qua re probabilibus ex rationibus dubium est: mutatio tamen distichi illius Epigrammatis Porphyrii Optatiani:

*Purpureo fulgens habitu, radiantibus intus,
Ut quondam, scriptis ambitiosa tuis:*

quam præsidio sententiæ suæ conciliando tentavit Barthius, τῶ intus resecto, & pro eo *uncis* posito, tum sensui Optatiani contraria, tum inanis prorsus videtur esse. Adhæc, κορώνις, quæ, teste antiquo Aristophanis interprete ad *Plut. II. 1. 253. γραμμὴ βραχέια, καμπὴν τὰς ὑποκάτω ἔχουσα*, puta *unci* figura fuit, & Menidi, auctore Hesychio *Voc. κορώνιος*, respondit, ex eadem, qua Barthius nititur, ratione, pro instrumento haberi posset, cui lora, libros constringentia compescentiaque, fuissent annexa: quod tamen manifesto falsum est. Potius in litteris librorum primis, seu *capitularibus*, ut latinitate media dicuntur, quæ iam Aufonii ætate admodum amplificari, & variis picturis ornari coeperunt, lunæ corniculantis imaginem fuisse depictam, ac proinde *primam Menidem* Aufonio dictam, §. IV. Cl. Auctor contendit. Quum Bibliothecas suas, Deorum simulacris, tanto studio excoluerint veteres gentiles, ac Iudæorum volumina avide arripuerint, species numinum suorum in iis expressum, prout videre est ex Hasmonæorum libro *cap. III. com. 48.* nullum superesse potest dubium, quin, religione ac suo apte ingenio adducti, libros quoque Deorum imaginibus insigniverint, servis *exornatoribus*, qui librariorum nomine comprehendebantur, operas eam in rem Romæ-conferentibus. Atque eo referenda in primis videtur *Menis*, tamquam symbolica Minervæ imago; siquidem Minerva olim eadem forma finge-

- gingebatur, ac Luna, h. e. sub symbolo Lunæ repræsentari & coli solebat, proinde *Σεληνάια* Ἀθηνᾶ dicta; id quod copiose satis §.
- Pag. 15. VII. ostenditur. Hinc etiam ratio impositi Minervæ cognominis *Tritogeniæ*, seu *Tritoniæ*, §. VIII. traditur, testimonio Val.
19. Harpocratonis Voc. *τρυτομῆς* potissimum firmata, confutatis iis, qui a Tritone, amne Libyæ, vel Tritonide lacu, cognomen hoc arcessiverunt. Cognitionem ac scientiam litterarum, donum esse Deorum, in primis Minervæ, eruditæ antiquitatis consensus est, immo præcipuum poematum homericorum argumentum: hinc ad fidem maxime probabile red-
21. ditur §. IX. monimentum nostrum *μενοειδὲς*, ex voto Palladi ab eruditis fuisse dicatum. Quum porro sapientioribus veterum gentilium, qui in Deorum rerumque divinarum naturam, præeuntibus antiquissimis Græciæ Theologis, paullo magis vulgo penetraverant, nonnisi ipsa supremi Numinis divini Providentia esse videretur Ἀθηνᾶ, quasi ἡ Θεονόη pro-
26. pterea Platoni dicta: symbolicam Minervæ imaginem sine dubio in libris ea quoque mente ponendam curarunt, ut quasi sub umbra huius Deæ tuti laterent libri, & perpetuo conservarentur, quo nil magis interfuisse constat veterum Βιβλιοφίλων. Causam vero, propter quam Aufonius *Meniden* dixerit pro initio libri, derivavit El. Vinetus a primo Iliadis Homeri commate. *Μῆνιν ἄειδε, θεά.* Vossius *Etymolog. L. L. voc. Alenis* reponit: *μῆνις facete μῆνιος.* at *Aufonius non menie, sed menide dixit, ut adeo puerilis sit error iste.* Quid enim? neque Vinetus rem acu tetigit, nec Vossius Vineti mentem penitus perspexit; quin illi ipsi Vossio *πᾶ- 30. ῥόρμα* grammaticum §. XII. tribuitur, fictum auferendi casum *menie* a *μῆνιος* deducenti. Nempe, potius scribere debuisset *meni* pro *menie*, si rationem grammatices habuisset; nec vocabulo *μῆνις* genitivum impurum *μῆνιδος* denegare, quod propterea fecisse videtur Vossius, quia in Homero accusativum *μῆνιν* observaverat: utrique autem genitivo voculæ *μῆνις* nihilominus locus esse potest, etsi neuter in ullo scriptorum veteris Græciæ deprehenditur, si fides habenda Cl. Auctori. Quod ad Vineti sententiam, prima Iliadis dictio non

non nisi integram Homeri Iliadem improprie olim significavit, quemadmodum ex Aristotelis loco in *Sophist. II. 4.* & illo quidem admodum depravato, sed §. XIII. emendato & restituto, intelligitur. Atque adeo ad *Menidem* illam Aufonianam haud quaquam applicari potest τὸ Μῆνιν αἶεθε, θεοί; nec eo indicari cuiusvis libri initium, id quod sibi perperam persuasit Vinetus. Sicuti vero *Coronis*, signum illud in calce librorum appingi solitum, ac *Menidi*, ut in confesso est, tantum non congruens, in Martiale *X. Epigr. I.* aliisque, *finem* libri verosimillime denotat: ita *Menidem*, in fronte librorum, quæ splendida & ornata, auctore Pindaro *Olymp. Od. VI. 4. 5.* esse debebat, & sequiori præsertim ævo in litteris initialibus collocatam, Aufonius μετονομαζὼς pro initio libri, & lepide quidem, usurpasse videtur. Accedit, quod omne principium, Minervæ iuxta ac Iano fuerit sacrum; quæ §. XIV. copiosius exponuntur. Meminimus Cl. Auctorem Pag. 34. in *Fontibus Iuris civilis Romani Spec. I. p. 99.* lexicon linguæ Deum ac hominum promittere & spondere, ubi plura expectamus super ipsa voce μῆνι, quam Orpheus ad linguam mortalium retulit. Tandem §. XV. contra Turne-38. bum & Hermannum Hugonem adstruitur, Martialem aliosque, per *cornua librorum* neutiquam designasse *Menidem*, sed *umbilici* extremitates, vel *umbilicum* ipsum. De usu lunatorum insignium apud veteres Madianitas, Hebræos, Arabes, ac Saracenos, potissimum vero apud Græcos & Romanos, Cl. Auctor erudite disserit in præfati adiuncta, unde specimen quædam observationum excerpto delibabimus. Origo consuetudinis, cingendi *meniscis* capita statuarum, quæ Deos & Heroes referebant, §. XVI derivatur ex illo Home-41. ri loco, ubi aurea nube, h. e. fluido lumine, caput Achillis circumsepsit Pallas. Atque hinc eiusmodi tegmina capitis dicta videntur *nimbi*. Quia inopertum caput olim fuit humilitatis & servilis conditionis signum, quod proinde ab excellentiæ Deorum Divorumque abhorruit; idcirco capita eorum oportebat quomodocunque esse testæ, & quasi pileata. Arnobium vero & alios per plures, qui umbellas lunatas ar-

- cendis avium sordibus perhibent accommodatas, eoque religioni gentilium illudunt, fefellit Aristophanis locus in *Avib.* *iii. seqq.* ubi ridicula hac ratione morem illum magis perstrinxisse videtur Comicus, quam veram rationem indicare voluisse. Hac occasione, differentia traditur inter statuarum genera, quæ *εἰδωλα*, *ξόανα*, *βρέτεια*, *εἰκελα* & *ἀνδριάντες* dicuntur. Statii interpretibus, qui in trinoctio Iovis, cum Alcmena peractō, invenisse sibi videntur caussam, cur Alcmena Statio *VI. Thebaid.* 229. dicatur *tergemma crinem circumdata luna*, §. XVIII. opponitur Propertius II. XXIII. 25. 26. Lo-
- Pag. 47. cus Plauti *Epid.* *V. l. 33. 34.* super *lunulis*, Lucinæ imaginibus, quas natalitiis diebus mutuo misitare consueverant Romani, per interpunctionem emendatur, & hac ratione interpretum lis facili negotio componitur §. XIX. Luna Patriciorum calceis adsuta, proprie litteram C. repræsentari constat: neque tamen centenarii numeri nota, ut eruditi hucusque putarunt, verum *Consulatus* insigne fuisse videtur, secundum §. XX. Consulere enim, teste Fabio l. 6. verbum perantiquum est, quod idem ac *ius dicere*, *iudicare*, significavit; qualis potestas, ex instituto Romuli, penes Patricios fuit. Plura aliatacemus. Cognitio insignis rerum antiquarum, & græcarum litterarum, quibus, raro inter ictos exemplo, tinctus est Cl. Auctor, undique etiam proditur in hoc libello, quem consecravit Ant. Franc. Gorio, Viro Cel. quippe qui in edendis *sacris & profanis antiquorum codicum ornamentis & picturis* versatur, ut ex perelegantibus litteris Cl. Auctoris ad laudatum Gorium, huic Diatribæ præmissis, intelleximus.

NOVA LITTERARIA.

Quem nuper, edendis *Rudawskii* Annalibus Poloniæ intentum, in his Actis nostris debita laude ornavimus, *Laurentius Mizlerus*, de *Kolof*, Med. Doct. & Aulæ Consiliari. Vir Clarissimus, egregium opus, quale nuper *Schwandtnerus* V. Cl. opitulante b. *Matthia Belio*, Viro summo, & de Patria sua immortaliter merito, Hungariæ illustrandæ instituit, molitur.

litur. Scriptores nimirum, de rebus Poloniae & Magni Ducat. Lithuaniae, quotquot sunt, emendationibus atque observationibus suis, forte & aliorum doctorem virorum, ditatos, XIII. circiter Voluminibus, prodire in publicum iubebit; daturus operam, ut ea ratione, qui adhuc plerumque, ob raritatem, paucis legebantur, rerum Polonicarum Scriptores, sint imposteriorum in omnium manibus, adeoque ad illustrandam Regni Poloniae Historiam hoc facilius transferantur. Quod consilium, etsi honestum in se, & Viro docto, patriam amante, omnino dignum est, adeoque nostra commendatione non eget: tamen laudari a nobis propterea debet, quod, qui Editoris diligentiam sustentant, *Zaluskius & Malachowskius*, Comites, bonarum litterarum amore ducti, quam dudum Poloniae litteratae gloriam tuiti sunt, præclaro isthoc consilio pergunt tueri. Ut igitur lectoribus nostris, qualem *Misleri* V. Cl. institutum sit, innotescat, quæ edito Programmate ipse ad Eruditos, utinam latinius, scripsit, heic anneximus. Sunt autem huiusmodi. *Ardum, tandem, & diu iam ante meditatum opus aggredior, editurus brevi Scriptorum historiarum Poloniae & magni Ducatus Lituaniae, quotquot ab initio reipublicae Polonae ad nostra usque tempora extant, omnium, ordine chronologico digestam, collectionem magnam, partim ob exemplarium raritatem, cum annotationibus meis & correctionibus, iterum impressorum, partim ex autographis celeberrimae bibliothecae Zaluskianae, primum nunc editorum, cum copiosissimis indicibus. In Tomo primo continentur Scriptores topographici omnes, nempe sequentes: I. POMPONIVS MEIA de Sarmatia, cum commentariis IOACHIMI VADIANI. II. AENEAEE SYLVII, postea summi pontificis PII II, relatio de Polonia, Lituania, & Prussia. III. ERASMI STELLAE, Libanothiani, Libri duo, de Borussiae antiquitatibus. IV. ALEXANDRI GVAGNINI, Veronensis, seu potius STRIGOVII, Poloni, (Guagninus enim fuit plagiarium,) Chorographia totius Poloniae, Lituaniae, Prussiae, & Livoniae. V. MARTINI CROMERI, episcopi Varmiensis, Polonia, sive de situ, populis, moribus, magistratibus, & republica regni Poloni, Libri duo. VI. MATTHIAE & MICHOVIA, Med. Doct. & canonici Cracoviensis,*

ſis, de Sarmatia Aſiatica & Europaea Libri duo: VII. SIGISMUNDI lib. Bar. in HERBERSTEIN, deſcriptio Lituaniae. VIII. HARTMANNI SCHEDELII commentariolus de Sarmatia. IX. STANISLAI SARNECII deſcriptio veteris & novae Poloniae, ut & Ruſſiae ac Livoniae. X. IOAN. CRASSINII Polonia, Bonnae 1574. Liber rariffimus, qui duodecim aureis numis faepius fuit emtus. XI. SIMONIS STAROVOLSCII Polonia, cum addita nentis & annotationibus Martini Boehmii, Prof. gymnaſ. Thorunenf. ex autographo bibliothecae Załuſcianae. XII. SIGISMUNDI SWIENCICII deſcriptio ducatus Maſoviae, ad Stanislaum Lubienſium, epiſcopum Ptoceſem, miſſa, ex autographo bibliothecae Załuſcianae. XIII. ANDREAE CELLARII noviffima deſcriptio regni Poloniae, magnique ducatus Lituaniae, omniumque regionum iuri Polonico ſubiectarum, una cum regni huius geographica delineatione. XIV. LVCAE OPALENII Polonia deſenſa contra Barclaium. XV. DAVIDIS CHYTRAEI Vandalia, regionum ad mare Balticum, Pomeraniae, Pruſſiae, Livoniae, Moſcoviae, Poloniae principes, & ſtatum reipublicae & eccleſiae, ſummatim exponens. XVI. Deſcriptio ſuccincta regni Poloniae, una cum ducatibus eiufdem, palatinatibus, atque regionibus, ex Germanica lingua translata. XVII. Deſcriptio Ukrainae, auctore de BEAVPLAN, ex Gallico translata. XVIII. MARTINI ZEILERI deſcriptio regni Poloniae & Lituaniae. XIX. CAROLI OGERII, Galli, iter Polonicum. XX. BERNHARDI CONNOR, Angli, Med. Doct. antiquus & praefens Regni Poloni ſtatus hiſtoricus, geographicus, phyſicus, politicus & eccleſiaſticus. XXI. IO. BAPT. PACICHELLI, Itali, de ſtatu ac finibus Poloniae, ex hiſtoria itinerum per Europam chriſtianam, (memorie de viaggi per l'Europa). XXII. AVGVSTIN. lib. Bar. de MAYERBERG, de Polonia, ex libro qui inſcribitur: iter in Moſcoviam. XXIII. LAVRENTII CORVINI ode Sapphica de Polonia, & eius metropoli Cracovia. XXIV. CONRADII CELTIS carmen ad Viſtulam fluvium. XXV. Eiuſd. Salinaria. XXVI. ADAMI SCHROETERI, Sileſii, iter Salinarium Sarmaticum. Tomus ſecundus huius collectionis Scriptores omnes genealogicos comprehendet, de quibus, tomo hoc primo abſoluto, differe-

differemus. In tertio Tomo ipsa historia Polona ordine chronologico sequetur, adiectis semper variis annotationibus, correctionibusque, ut in locis, ubi scriptores Poloni manifesto hallucinati sunt. Unusquisque tomus novem alphabetis in folio, seu ducentis plagulis, totum autem opus circiter tredecim tomis constabit, qui Varsaviae omnes, mea sub inspectione, typis novis typographiae Mizlarianae, cum Serenissimi Regis privilegio exacte erunt Et nitide, iisdem, ac hic leguntur, typis impressi. Forte Polonia nunquam tam magnum, tam utile, tam sumptuosum opus speravit, neque sperare potuisset, nisi tria feliciter simul extitissent. Primum est alina pax, qua Polonia ultra viginti annos iam gaudet, musis litterisque arridens. Secundum bibliotheca Zalusiana, quae omnia ad hoc opus congerit, Et in patriae usum benigne suppeditat. Tertium, vir talis, qui tam magnum laborem in se suscipere posset Et vellet, simulque sumtus ad tam magnum opus imprimendum inveniret. Primum Polonia debet Serenissimo Regi, divino nostro AUGUSTO III, alterum celsissimo episcopo Cracoviensi, Et illustrissimo regni Referendario, Zaluscius fratribus, bibliothecae publicae gloriosissimis fundatoribus, tertium non tam mihi privato, quam potius illustrissimo supremo regni Cancellario, IO. MALACHOVSKIO comiti, adscribendum. Hic enim Maecenas in Poloniam me adduxit, in eaque me sustinens haec otia dedit, Et praeter ea, in erigenda typographia, ad imprimendum hoc magnum opus, singulari ex gratia adiuvit. Quartum nunc Vestrum est, ut alacriter subscribendo, omni modo hoc institutum promovere simul velitis. Si verum est, quod historia salutaria consilia ad juvandam rempublicam suppeditet, si verum, quod ea prudentiam civilem administret, si verum denique, quod illa commodum publicum augeat, per reipublicae salutem, per Vestrum posterorumque Et publicum commodum vos rogo, obtestorque, ut in Poloniae honorem, Vestrorumque nominum gloriam, ad hoc opus, Vobis posterisque Vestris utilissimum, contribuere recto tempore haud recusetis. Cum Rudawskii annales, regnante Io. Casimiro, Pol. rege, nuper a me editor, nec non acta litteraria regni Poloniae, benigno animo acceperitis, spero fore, ut hoc opus maioris longe momenti Et utilitatis, eadem benigni animi testificatione accipia-

tis, cum illa levia tantum specimina fuere, me ad hunc maiorem laborem non plane esse ineptum. Ratio mihi nunc danda, cur primus tomus scriptores topographicos, secundus genalogicos contineat, & cum tertio demum ipsa historia ordiatur. Rerum ordo, qui omnia gubernat, hoc exigere videtur. Certum enim est, lectores, qui exacte, regni vel populi cuiusdam historiam cognoscere in animo habeant, hoc melius intelligere eam & in luce versari ubique, si prius mores regionum, divisiones, urbium maiorum descriptiones, viros illius populi magnos, familiasque illustres, cognoverint generatim. Utrunque docet geographia & genealogia, historiae oculi: quique Chronologia, manu quasi historiae dextra, ducitur, ubique apertis oculis firmo pede incedit, omniaque accurate circumspectans, non facile a veritatis via aberrat. Ad opus ipsum quod attinet, varii de rebus Polonis scriptores, ex Polonorum, Gallorum, Germanorumque idiomatibus, Latinitate erunt donati, ita ut haec collectio magna, scriptores alicuius pretii, de rebus Polonis, comprehendat ad unum omnes, exceptis tamen Rudavskii annalibus, quos nuper edidit quorumque sufficiens adhuc exemplarium prostat Lipsiae & Varsaviae copia. Neque Zaluscii epistolae, pluribus tomis in folio comprehensae, huc pertinent, licet sint historicae, quia facile acquiri adhuc possunt, ipsa autem facta ex iis erunt extracta, suo loco & ordine proposita. Etsi autem iam aliqui Vestrum varios rerum Polonarum scriptores possideant, haec tamen collectio magna Vobis prae illis commoda erit utilissimaque, quia scriptores non solum correctiores erunt in paucis melioris notae excusi, eorumque loca obscura enodata, sed indices etiam copiosissimi, qui in antiquis editionibus omnibus fere deficiunt, unicuique tomo adiecti, ita ut omnia, quae desiderantur, sine temporis dispendio, statim inveniri possint; ne quid dicam de scriptoribus, primum nunc ex autographis editis, quique separatim haberi haud poterunt. Si praeter omnem spem autographa quaedam alicuius pretii, in bibliothecis invenirentur, de quibus nunc non constat, tunc ea materiam ad supplementa, absoluto opere, dabunt. Tabulae etiam aeneae variae, in quibus monumenta publica repraesentantur, numeri etiam, tam antiqui, quam recentiores, in hac collectione, ad illustrandam

frandam historiam reperientur; in summa, omnem movebo lapidem, ut hoc opus tam absolutum ac utile sit, ac fieri per diligentiam potest. Supereſt, ut conditiones pro iis, qui pro toto opere simul subscribere haud possunt, proponam. I. Impresſio huius operis incipiet hoc anno, medio Novembris, quem in finem omnia praeſeparantur, Et typi novi iam fuſi ſunt. Abſolutus erit tomus primus circa feſtum S. Michaelis anni futuri, Et ſubſcriptoribus diſtributus. Quicumque igitur nunc uſque ad d. 16. Novembris ſolvit aureum numum, quem ducatum dicunt, iuſti ponderis, ſeu duos imperiales viginti groſſos Saxonicos, tomum primum huius collectionis magnae accipiet dicto tempore, ea conditione, ut recipiendo tomum primum ſolvat aureum numum pro tomo ſecundo, recipiendo tomum ſecundum, iterum aureum numum pro tertio, Et ſic porro, in cuius fidem datur Syngrapha. Qui vero pro duodecim exemplaribus ſubſcriptiones colligit, Et pretium duodecim aureorum ſimul numerat, is tredecim accipiet exemplaria, id quod ad bibliopolas externos etiam extendimus. II. Nullum exemplar, neque unicum, poterit acquiri, niſi ſubſcriptione, Et qui emere velit tomum primum iam impreſſum, ſine ſubſcriptione, hac conditione emet, ut pretium ordinarium, quatuor imperiales, pro tomo primo numeret, Et ſimul aureum numum pro tomo ſecundo ſubſcribendo ſolvat, Et ſic cum reliquis. Exactius valde ero in obſervanda hac lege, ne, ut aliquoties fieri ſolet, mihi obiici poſſit, alios etiam non ſubſcribentes, operibus iam impreſſis, eodem ac ſubſcriptores pretio, acquirere ea poſſe. Qui unicum exemplum in contrarium adducere poſteſt, ei debeo integrum exemplar totius operis, ſine ulla ſolutione. III. Ii, qui in charta ſcriptoria hoc opus impreſſum habere volunt, ſolvunt praeter aurum numum adhuc tres tyſones Et duos ſextarios, ſeu 18 groſſos Saxonicos, id quod ſubſcribendo ab initio tantum locum habere poſteſt, quia plura, quam deſiderantur, in charta ſcriptoria non erunt impreſſa. IV. Omnium ſubſcribentium nomina, una cum dignitatibus, ordine alphabetico tomo primo erunt praefixa, nominibus procerum ſeorſum poſitis. V. In Polonia ſubſcribitur apud me Varſaviae, in ſic dicta platea cereviſiae: Gedani apud ſpectabilem Dom. 10. NICOLAVM OEMCHEN, meritiſſimum civitatis Geda-

Gedanensis Scabinum, & I. C. Schusterum, bibliopolam: Thoruni apud nobilissimum Dom. GILLER, civitatis Thorunensis Secretarium: Elbingae apud nobilissimum Dom. Sigism. Mich. SIEFFERT, civitatis Elbingensis Secretarium: Lipsiae apud Io. Friedr. GLEDITSCH, bibliopola, & Heinssi heredes, apud omnes denique in Germania bibliopolas, qui commercium cum his Lipsiae habent. Ubi quis subscripsit, ibi etiam syngrapham & exemplar recipit, sine ullis expensis. Varsaviae, pridie Id. Augusti A. R. S.

MDCCLVI.



NOVA ACTA ERUDITORUM,

publicata Lipsiæ

Calendis Septembris Anno MDCCLVI.

Pars I.

*Historische Beschreibung der Chur- und Mark
Brandenburg,*

i. e.

*ELECTORALIS MARCHIAE BRANDENBUR-
gicae historica descriptio, collecta atque adornata a IO-
ANNE CHRISTOPHORO BEKMANNNO, olim D.
& Prof. Theol. in Acad. Francof. Sod. Societ. reg. Sci-
ent. Berolinensis: suppleta, continuata, & edita, a BERN-
HARDO LUDOVICO BEKMANNNO, Prof. Gymnas.
Ioachimicae vallis ac Sod. Academiae reg.
Berolin. Scient.*

*Vol. I. Berolini, apud Christianum Fridericum Voss. 1751. fol.
3 alph. 5 plagg. cum Tabulis XX. æri incis.*

Operosa Cel. *Bekmannorum* diligentia, in usus publicos,
ac gloriæ Brandenburgicæ monumentum perenne, ad-
ornavit hoc opus, cuius Volumen I. salivam nobis
movet evolvendi, quæ restant, partes reliquas. Docemur inibi
Marchiæ Electoralis originem, incolas, statum naturalem,
aquis, provincias, oppida, monasteria, ecclesias potiores,
Domínos, eorum acta politica æque ac religiosa, insignia,
figilla & numos, progenies celebriores, tum nobiles, tum in-
genuas, incrementa scientiarum atque artium. Auctores profe-

Ppp

cerunt

cerunt e fontibus, haurientes ex observationibus tum suis, tum aliorum, ex libris, ex tabulariis, ex diplomatibus editis ineditisque. Volumen hoc I. Regi *Augustissimo Friderico II.* Artium Protectori, est consecratum. Distributum fuit id in Partes quatuor. Parte prima disseritur de Marchia generatim; secunda de Marchiae antiquitatibus; de Marchiae historia naturali, tertia; quarta de fluviis ac lacubus stagnisque Marchiae, nec non de commerciis terrarum Marchicarum. Coeperat iam D. Ioannes Christophorus Beckmannus hanc telam, ex quo *Historiam principatus Anhaltini* a. 1710. evulgaverat. Perplacuerat hanc historiam Regi Borussorum *Friderico I.* qui deinceps voluit, ut idem Beckmannus, eodem servato modulo, historiam Brandenburgicam elaboraret, quippe iam instructus copiosa rerum Brandenburgicarum notitia ex diplomatibus, tabulariis, scriptisque Anhaltinis. Adiit igitur ille per indulgentiam regiam tabularium Berolinense augustum, itinera suscepit per singulas Marchiae urbes, obtinuitque magistratuum ac ecclesiastiarum notitias qualescunque, de eventis ævi transacti literis mandatas. Invigilavit Auctor huic instituto perficiendo ad annum usque 1717, quo ipso ad 6. Martii vitam cum morte commutavit, relictis novem fere Voluminibus, multisque iconibus curate delineatis. Insertum fuit id opus paullo post Archivo regio Berolinensi. Quievit ibi, donec *augustissimus Rex Fridericus II.* illud a. 1740. 9. Nov. iussit, Beckmanni sepius laudati ex fratre Friderico abnepoti, Bernhardo Ludovico Beckmanno, perficiendum atque edendum tradi. Editori huic istud perutile fuit, quod ipsi inservirent summates, magistratus, ac viri docti certatim. Mylii *Corpus constitutionum Marchicarum* ei commoda bene multa præstitit, nec non viri summi, de *Compagne*, *Pelloutier*, *Renuard*, *Gleditsch*, & *Hornhart*, archiater Ducalis Meklenburgicus. Quid igitur de Voluminibus reliquis sibi promittere debeant lectores, hinc facile est divinatu. Parte huius Voluminis prima exponitur de Marchiae nomine, origine, finibus, ac fati communibus: de incolis Marchiae ad Alberti Urli ætatem usque, de Suevis ac Semnonibus, de Longobardis, de populis

pulis minoribus, de Francis, de Vandalis, de Venedis, eorumque gentibus: de Marchiæ post Albertum Ursum incolis: de pagis Marchicis: de Reformatorum e Galliis in Marchia perfugio: de colonis Lotharingis, Wallonibus, Hollandis, Helvetiis, Valdensibus, ac iis quos Rex *Fridericus II.* suscepit: de Iudæis Marchiæ: de fatis Marchiæ, ordine chronologico, per secula aliquot: de incolis, 80. ætatis annum supergressis: de urbibus: de historicis, qui res & historiam Marchiæ tractarunt. Parte II. edisseruntur Marchiæ antiquitates, speciatim lapides & urnæ sepulcrales, sepulcrumque & numismata Remi ex commentis aliorum. Parte III. illustratur status physicus Marchiæ, ita ut agatur de aere & meteoris, de aquis acpiscationibus, de piscibus & bestiis aquatilibus, de thermis & acidulis, de salinis, de iis fontibus, in quibus saxeam materiam induunt iniecta; nec non de terræ eiusque fructibus, cultura agri & horti, de vineis, herbis, silvis, venationibus, de re pecuaria, avibus, metallis, lapidibus. Parte IV. disseritur de Albi fluvio, fluvisque, ex veteri & Prignicensi Marchia, sese Albi infundentibus, de Havela, de Sprea, de Odera eiusque adminiculis ac incrementis, de Warta denique. Stagna exhibentur per ordinem Marchiarum quinque. Commerciorum fata traduntur chronologice. Accedit expositio de re numaria, vectigalibus, & de viarum militarium commoditate.

Obsequemur iam mori nostro, & nonnihil guttarum ex oceano hoc cum Lectore communicabimus. Marchia, Marchia, Marca, apud Germanos veteres nihil aliud est quam limes, sive Pag. 3. is fuerit castellum, sive fossa, sive aliud monumentum. Iam Carolus Magnus Venedis, ad Salam & Albi, duo castella opposuit, pontibus vicina. Qui limiti huic tuendo præerant, dicebantur *duces limitum*, duces limitanei, præfecti Marchiæ, 7. & iam Caroli magni ætate *Marchiones*, teste Aimoino. Rex idem iam Anno 789, Slayos persequens, in Marchiam mediam Brandenburgum penetravit. Videtur ipse extruxisse Brandenburgum, Soltwedelam, Havelbergam, & Arneburgum, quod apud Ditmarum appellatur *Bernaburg*. Regio,

urbi eiusmodi circumiecta, dicta fuit *Marcha* seu *Marchia*. Aetate Ottonis I. innotuerunt *Marchia orientalis*, & *Marchia septentrionalis*. Coepit paullo post huic tantum adherere

Pag. 10. *Marcae*, seu *Marchiae* nomen. Id ipsum patet ex Annalista Saxone ad a. 983, 1011, 1106, 1112. Mirum sane, Sabinum ac Albinum, natales nominis ex *naumarchiae* vocabulo deduxisse. Originationes alias, aequae fictas, libentes prae-mittimus.

- Marchiae istius partes fuerunt tres, septentrionalis Marchia, Marchia orientalis, & Marchia occidentalis.
13. Prima, partem Saxoniae, Lauenburgi, & Holsatiae complectebatur. Secunda sita fuit inter Havelam, Albim, & Oderam; quae etiam terra Slavorum dicitur, & Sclavia orientalis. Tertia continuit partem Saxoniae trans Albim, seu Nordthuringiam. Henricus Auceps, devictis A. 928. Venedis, iuxta Albim copias & Marchionem iis opposuit. Otto I. A. 946. memorat Geronem ducem, & Marchionem suum in castro Havelberg, in Marchia illius sito. Seculo 11 & 12. fit mentio Marchionum de Brandenburg. Hoc nomine se appellavit
17. Albertus Ursus ad A. 1144. Deinceps Marchiae fines sensim ad Seculum usque 13. extendebantur, donec tandem ad fines Poloniae excurrerent. Wenceslaus, Caroli IV. filius A. 1374. voluit Marchiam Bohemiae regno inferere: at recusarunt consentire eius fratres, Sigismundus & Iohannes. Sigismundus, post haec Imperator, pecunia ad bellum Hungaricum
22. profigandum destitutus, Marchiam oppignoravit consanguineis suis, Iodoco & Procopio, Moraviae Marchionibus, A. 1338. Fridericus, Burgravius Noribergensis, & Comes Hohenzolleranus, emit Marchiam a Sigismundo, partesque oppignortas aere suo redemit. Uladislau Jagello, Rex Poloniae, Marchiam novam, per nuptias filiae cum Marchione Friderico II, Poloniae adiungere voluit: sed eventu caruit consilium, Fridericus I. Rex A. 1710. eiusque filius, Fridericus Wilhelmus A. 1713. statuerunt, ne quis successorum partem ullam
25. terrarum alienarent, vel divellerent. Gubernatio Marchiae semper fuit tantum una, numquam divisa, licet particulae quaedam

quædam Seculis 13 & 14. usque ad Marchionem Woldemarum fuerint separate, diversisque dominis subiectæ. Marchia inde a 400. annis caruit tutore. Unde natum proverbium: Marchia non habuit tutorem. Olim eas terras habitarunt Suevi, pars Scytharum qui ad Imaum incoluerant. Strabo iis sedes in Germania tribuit, a Rheno usque ad Albim. Pto-
 lomæus protrahit usque ad Suevum seu Oderam. Tacitus eorum terminos extendit per oram maris Balthici, usque ad Sinum Finnicum. Inter Suevos excelluerunt Semnones, ab Albi usque ad Suevum. In veteri Marchia habitarunt Longobardi. Credit Auctor Suevum flumen nunc dici Spream. Videtur tamen adversari Tacitus, qui mare Balthicum, Oderæ subiectum, appellavit mare Suevicum. Romanos in terras usque Semnonum penetrasse, negamus merito cum Auctore, rati, etiam Gallos Senones a Semnonibus fuisse diversissimos. Suevorum plures in Hispaniam migrarunt. Remanserunt multi, qui in Marchiam veterem, in terras Luneburgicas, & ad Unstrutum progressi sunt. Slavi videntur eos sibi subiecisse. De Longobardis ne quidem repetimus. Francos in Marchiam usque venisse, falsum est. Vandali tenuerunt oram maris Balthici, Pomeranicam & Mecklinburgicam, & partes Marchiæ confines, atque Seculo 4. per Sarmatiam in terras imperii orientalis, ac inde in Gallias, Hispaniam & Africam dilatati sunt. Venedi, seu Slavi, quos Tacitus iam Sarmatis adiungit, terras, a Vandalis Semnonibus, Burgundionibus, & Longobardis derelictas, occuparunt Seculo 5, & progressi sunt ad mare Balthicum usque, & flumen Eydoram. Eis accensendi sunt Wagrii, Polabi, circa Ratzeburgum, Obotriti, a Trava usque ad Warnow flumen, Redarii, aliique; Schmeldingi in Prignizia, Linones inter Hevellos & Warnabos, Warnabi, Wilzi ad Oderam, Lebusii circa Custrinum, Staderani ad Havelam, Bri-
 zani ad Oderam, Lufizi in Lusatia. Laudi iis ducitur, quod terras strenue excoluerunt, & religioni christianæ se tandem permiserunt. Henricus Leo, & Marchio Albertus Urfus, Venedis iugum imposuerunt. Ex quo tempore nulla fuit amplius Venedorum

- dorum in Germania potestas. Sermo patrius ipsis in Lusatia, & circa Luchoviam, ad nostram fere ætatem usque fuit servatus. Litteræ Venedorum primæ dicuntur ab Hieronymo fuisse profectæ. At Illyricis illas novinus inservisse. Cyrillicæ & Glagoliticæ, a Frischio descriptæ, huc potius sunt referendæ. Glagoliticis utuntur Russi & Venedi, per Carinthiam, Styriam, Carnioliam, & Marchiam Venedorum incolentes, Poloni utuntur litteris latinis, Venedi autem in Germania commorantes, Germanicis, Dialectis & subdialectis gavisos esse Venedos, intelligitur ex eorum varia interpretatione precum Domini, quarum est initium, *Pater noster*. Venedi ad Cöbusium ornatissime loquuntur. Ii, qui Lüneburgicis in terris superant, vernaculo sermoni multa vocabula Saxonica immiscuerunt. *Venedorum Reges* sese adpellant Reges Danorum & Suecorum; *Duces* eorum nunc sunt Electores Brandenburgici; latine *Vandaloruss*, per quos designantur Venedi, siquidem illis videmus nonnumquam substitutos esse *Slavos*. Slavis, Marchiam habentibus, Saxonas profligantibus, & ab Alberto Urso labefactatis, passim substituti sunt ab eo Hollandi, Seelandi, Flandri, teste *Helmoldo* I, 89. Venedi, his permixti, nomina familiarum ad posteros transmiserunt. Bellis, rusticorum & Smalcaldico, sævientibus, multi salutem in Marchiam quæsierunt. Inde ab a. 1300. lingua Franconica coepit in diplomatibus Marchicis adhiberi, & post a. 1500. latina cessavit. Ante Lotharium Saxonem, pagi per Marchiam extiterunt varii. *Bardengow* ad occidentem Albis, veterisque Marchiæ, fuit. Pagus *Belkesheim*, *Belisem*, *Balsemerlande*, nomen traxit ab amne *Balsam* dicto, qui ad civitatem *Arneburg* & confinia conspicuus fuit. Pagus *Hellin* fuit circa urbem *Feerbellin*. *Brizani* partem maximam Prignitiæ continuit. *Chozimi* in Marchia media fuit inter *Trebbin*, *Belitz*, & *Kötzin*. *Zerwisti* fuit circa *Zeruestam*. Pagus *Cidenfis* apud *Ditmarum*, videtur situs fuisse in tractu *Sternbergico*. *Darlingow* ab occasu ad ortum usque processit, diversus a pago *Hardaga*. *Doxani* fuit pagus exiguus, circa flumen *Doxam*. *Flamingow* a *Flamigis* dictus,

dictus, fuit circa Arneburgum, Zerveſtam, Iuterbocam, & Wittebergam, poſt abitum Slavorum. *Friſaci* pagus fuit probabiliter inter regiunculam Bellin, & Havelam. *Grotwin* ad Anclamum & Penam flumen exiit. *Helingen* pagus circa Wolfsburgum, ubi ſupereſt villa Helingen, videtur fuiſſe ſitus. *Heveldun* ab origine Havelæ, ad Doſſan, & in Prignitiâ procurrit. Provincia *Iuterbok* ad oppidum eiſdem nominis eminit. *Leubufi* fuerunt ad utramque Oderæ ripam, inter Pag. 105. Francofurtum & Cuſtrinum. *Linaga* fuit pagus Linonum circa Lenziâ in Prignitiâ, & circa Rupinum. *Lizici* provincia fuit ſita inter Albim & Havelam, in tractu Ierichovenſi. Omittimus pagos *Luitici*, *Lufici* in Luſatia, *Marziæ* ſeu Moriziani iuxta Magdeburgum, pagum *Mizeretz* ad Penam & Friedlandiam Mecklenburgicam, *Murizzi*, *Niſe* in Luſatia ſuperiori & fortaiſſe inferiori, *Niletizi* ad Havelbergam, & alium ad Salam circa Gibichenſtein, *Norturingiam* ad utramque Ohre ripam, *Nuthici* circa Nutæ amnem iuxta Mittenwalde, pagum *Oſterburga* circa Oſterburgum veteris Marchiæ, *Ploni* circa Brandenburgum, *Ploth* circa Havelbergam ad locum Klempenau, pagus *Redariorum* circa Radegaſt in Uerorum Marchia, & fortaiſſis iuxta Stargardam Mecklenburgicam, *Riazani* circa Ratenoviam, *Selpuli* circa Luckenwaldam, uſque in Luſatiam, & pagum *Serimunn* ultra Salam, in principatu Anhaltino, & ad Roſinburgum, pagum *Zpriawani* monſtrat Sprea, ad pagum Heveldum uſque. Pagus *Sueva*, Suave, Suabe, inter Oham & Bodam fuit. Pagus *Tholenſi*, Tholenſani, fuit circa lacum Thollenſee. *Unimoti* ad Oham & Calfordiam ſitum fuit, ubi ſunt Ottinga ſive Ethingen, & Uthmoeden. *Uchri* pagus fuit in Marchia Ukeranorum. Provincia *Wanzlow* & pagus *Woſtze* fuerunt in Inſula Uſedom. Pagus *Wiemodi* fuit ultra Albim, iuxta terminos Meklenburgicos. De reliquis pagis ipſe conſeratur Auctor. Fridericus Wilhelmus recepit Reformatos a. 1685. & ſequentibus, e Gallia expulſos, ſublato per Ludovicum regem ediſto Nannetenſi. Eiſdem multum gratiæ indulſit ^{123.} Fridericus III. conſtituitque tribunal ſeu collegium reſiſionis

nis actorum, & alia collegia minora, quæ amplificavit beneficiis Fridericus Wilhelmus. Status eorum ecclesiasticus scholarum, nec non militaris & politicus, ab Auctore exponitur copiose. Urbes Brandenburgicæ exinde florem haud exiguum, & artium, & commerciorum, & amplitudinis, nactæ sunt, haud secus ac ex adventu reformationum, a. 1688. e terris Metensibus, Tulli, & Virduni, per Gallos eiektorum, atque in vallibus Pedemontanis graviter vexatorum. Accurrerunt præterea reformationum multi ex Palatinatu Rhenano,

- Pag. 166. arma Gallorum sibi adversa experti. Hi culturam herbæ Nicotianæ in Marchiam intulerunt. Helvetiorum repurgatæ religionis haud pauci, a. 1693. quo ab Abbate sancti Galli ob religionem fuerunt male habiti, in Marchiam profugerunt. Ad Waldenses usque a. 1686. severitas Gallorum regis penetraverat, qui, Duce Sabaudia non auso refragari, effecit ut eiicerentur reformati Waldenses plurimi.
174. Profugos exceperunt a. 1688. terræ Brandenburgicæ. Fridericus Wilhelmus, Rex, recreavit Hussitas Bohemos, &
185. Salisburgenses Lutheranos. Friderici II. quanta nuper fuerit clementia in colonos, ex Palatinatu Rhenano, terris Würtembergicis, & ex Languedocia terras ipsius petentibus, in recenti memoria est. Iudæis iam patuit Marchia Seculo 13 & 14. Homines illos non esse perdendos rati Electores, eis passim privilegia & Synagogas indulserunt. Purgarunt se illi a. 1703. a suspitione, quasi precibus quibusdam suis in Christum iactent convicia. Profuit ipsis responsum D. Ioh. Henrici Michaelis, Prof. Halensis. Edicto tamen regio eo tempore cautum fuit, ne Iudæi inter verba suarum precum, quæ
203. in libellis solent omitti, Christo maledicant, aut expuant, reliqua. Idem edictum fuit exasperatum a. 1710. & renovatum annis 1716, 1717, 1730. Iudæis, ob librum Rabboth, circa a. 300. per Rabbinum Bar Nachmoni compositum, in quo dicebantur inesse multa religioni christianæ probrosa, nonnihil incommodi creatum fuerat. Re curatius pensitata & examinata, Iudæi Brandenburgici declarati sunt innocentes. Postea Iudæus, ad christianam religionem aggrega-

aggregatus, Christianus Wilhelmus Christlieb, a. 1745. edidit librum, quo ex precibus Iudæorum poenitentialibus, *Seli-choth* dictis, demonstratum ivit, illis inesse quæ christianam religionem lacefferent. At teli huius insufficientiam ostendit D. Christianus Benedictus Michaelis, in libello, *Bedenken über Christian Wilhelm Christliebs kurzen Auszug aus den Selichoth oder Jüdischen Bugebeten, betreffend die von diesem Verfasser angegebene grobe Lasterungen gegen Christum und die Christenheit, die sich in solchen Gebeten befinden sollen*, Halis 1745, 4. edito. Tranlit igitur in auras illa accusationis nubecula. Nec tamen negandum est, exstitisse passim exempla Iudæorum, e baptismo suscepto, ac male repetito, lucra captantium, nec veram animi emendationem ullam prodentium. Numerus familiarum Iudaicarum 50. crevit deinceps in Marchia, partim immigrationibus, partim novis privilegiis invitatus. Terminos iurium, quibus illæ coereantur, Auctor edisserit distincte. Marchiæ statum emendarunt Marchiones, Anhaltina stirpe procreati. Iis extinctis, Marchionibus Bavaris tricas creantur Pontifices Romani: Poloni ac Lithuani irruerunt in Marchiam, Papa, per Episcopum Lebusiensem, suadente: Ludovicum, quem Ludovicus Imperator a. 1320. Marchiæ Brandenburgicæ possessione ornaverat pater, Papa, haud secus ac Marchiam Lusatiamque, interdicto ecclesiastico perculit. Excepit eas turbas bellum Woldemaricum, quod Carolus IV. Rex Bohemiæ accendit, & clanculum protulit, eorum luero, qui bonis Marchicis inhiabant. Idem ille Carolus, Imperator, iura possessionis Marchiæ tandem feliciter in domum suam intulit. At Bohemiæ Reges id spectarunt unicum potissime, ut ex Marchia numos corraderent. Ipse Fridericus I. Elector incidit in calamitosa Marchiæ tempora, quibus Hussitæ in eam fecere impressionem, nobilium autem plurimi recusarunt domini sui Imperata facere, nemine non prædis agendis dedito. Ioachimus I, Joachimus II, & Iohannes, res Marchiæ collapsas pro viribus restituerunt. Bello triennali, Marchia, multis calamitatibus obruta, & exhausta, Friderico Wilhelmo Electo-
234.
243:

- ligentiam occuparunt, terrarum Marchicarum commoda. Mitimus eam, quæ de proVectis ætate, & longum vitæ tramitem emensis Marchiæ hominibus, haud paucis differit, tractationem. De vetustiorum oppidorum initiis, eorumque munitionibus, quibus extra Marchiam veterem passim nonnulla fuerunt circumdata, nihil certi adfirmatur. Urbes primariæ hoc collocatæ sunt ordine, ut Brandenburgum primas teneat, eamque excipiat Berolinum, Colonia, Stendalia, Prenzlavia, Perleberga, Ruppinum, Francofurtum, Cüstrinum. Scriptores de rebus Marchicis celebrantur: *Iohannes Schöfferus, Georgius Seifridus, Wolfgangus Iustus, Christophorus Enzelt, Reinerus Reineccius, Andreas Angelus, Nicolaus Leutingerus*, cuius exstant Commentarii de Marchia Brandenburgensi, eiusque statu, *Engelbertus Wusterwizius, Paulus Praetorius, Laurentius Pekkenstein, Balthasar Menzerus, Augustinus Brunnius, Christianus Theod. Schöfferus, Gotfredus de Warnstätt, Iohannes Cernitius, Caspar Helmrucus, Henricus Sebalus, Martinus Schockius, Georg. Christoph. Renschei, Iohannes Melchior Wildeisen, Christophorus Hendreich, Iohannes Wolfgangus Rentsch, Gregorius Leti, Zacharias Garcaeus, Caspar Sagittarius*, in Historia Marchionum & Electorum Brandenburgicorum, *G. Cosp. Kirchmaier, Ulricus Pregitzer, Carolus Ferdinandus Jung, Ioannes Henricus de Falkenstein, Iacobus Paulus Gundlingius, Paulus Iacobus Marperger, Caspar Abel, Paulus Creusing, Hastitius, Elias Lokelius, Ioachimusz Zwanzig*, & ante ducentos annos *Georgius Sabinus*, quibus Cel. *Gebhardius*, Luneburgicus, ob genealogiam Marchionum aquilonarium adnumerandus erat. Plures enumeravit Cl. *Küsterus*
344. in *Bibliotheca historica Brandenburgica*, a. 1743, 8. Wratislaviæ publicata. Vitarum singularium Scriptores indicantur suo loco. Antiquitates Marchiæ supersunt omnino multæ. Superant heroum lecti lapidei, aræ sepulcrales, tumuli, urnæ. Lecti illi, in silvis agrisque solent a Nostris adpellari
347. *Hünenbette*, quæ vox fortassis ex *Hunne*, id est demortuus, derivari potest. Figuris, in æs incis, hæc monumenta distincte satis hic sunt exhibita. Loca, *Hunnerrücken* dicta, fuisse

fuisse videntur tractus eminentes, cadaveribus sepultis oppleti. Vulgus, seriem vastorum saxorum in orbem dispositorum Pag. 350.
 vocat *Heidenkirchhöfe*, cetera gentiliū. Christiani primi in Marchia, morem vetustate familiarem imitati, saxorum seriem ad formam crucis videntur disposuisse. Superiunt eiusmodi tumuli. Saxa minora, & in proximo posita, christiani incolæ tandem ædificiis, stratis platearum, aliisque usibus adhibuerunt. Vastissima illa tumulorum saxa per gigantes huc illuc fuisse gestata, nemo sibi facile persuaserit, licet Saxo Grammaticus, & Iohannes Piccard, in stulta ea opinione fuerint. De urnis sepulchralibus, ac cinerum myrmecis inter lateres defossis, non est quod huc transcribamus multa. Procellæ enim & aratra, ac fodientium labores, detexerunt dudum multiplices harum rerum adparatus. Nec defuerunt iis illustrandis Scriptores. Inter saxorum vastorum, de quibus diximus, strues, raro reperiuntur urnæ. Quisque suorum urnas, in agris suis, vel ubicunque licuit, recondere consueverat. Rarissime inveniuntur conflatae vel compositae ex metallo. Annuli metallici, cunei item ex metallo facti, passim quoque circa urnas fuerunt reperti, haud secus ac globuli, forcipes capillorum, fibulae, acus, hastæ, lapides iaculares, vulgo *Donnerkeile*, spicula sagittarum, calcaria, cultri seu pugiones, icones aprorum, congruenter Tacito de M. G. c. 45. nec non instrumenta sacrificiis convenientia. Huc referimus secesspitæ, pyritasque. Ornamenta hominum & bestiarum, atque instrumenta bellica, reddidit passim, & in apricum protulit, casus & diligentia per omnem fere Marchiam. Huc refer & vasa, sacris propria, armillas ferreas e tumulis erutas, cotes, colicum feminis simul combusti reliquias. Linei certe amictus erant feminis familiares, teste Tacito de M. G. c. 17. Tintinnabula & crepundia, ac crepitacula infantum, tali, dentes luporum, sæpius ossibus infantum adiecta eruantur. Arma virorum, equorumque ornamenta & freni, ungulae atque ossa, in tumulis Marchicis crebro inveniuntur. Ita constat fides Tacito c. 27. *Tabula XI.* exhibet gladios principum, & hastas. Illorum longitudo ad 26 pollices excurrit. Rarum

hoc est spectaculum. Nam prisce Germani, gladiis, aut maioribus lanceis, raro utebantur, teste Tacito c. 6. Capuli & gladii ipsi, acuminato mucrone insignes, ex eodem metallo adparent conflati. Pugionibus manubria lignea, vel metallina, per clavos fuerunt adfixa. Figuram pugionum & manubrii oculis offert Tabula XI. Materia est ex metallo mixto, quod nostri vocant *Erz*, Latini aes. Ferrum enim rubigini citius est obnoxium, nec perpetuitatis imaginem refert satis, alioquin antiquissimi usus, quod Tubalcaini machinationes, & Goliathi arma, comprobant. Repræsentat Tabula XII. lanceam, pilum, cuneum lapideum, malleum præliarem faxeum unum atque alterum, quæ in tumulis sepulchralibus inventa sunt. Examinat Auctor fabulam nonneminis, qui credidit, Remum, Romuli fratrem, profugisse in Marchiam, eiusque tumulum exstare in

Pag. 422. insula ad Reinsbergam, quam adpellavit ingeniosissimus homo *Remi castrum*, cuius est Liber, Iusto de Bredow olim inscriptus: *Remi, fratris Romuli, in Monte Remi, vulgo Remsberge, monumentum nuper detectum, erutis binis marioribus, uno vetustissimo, altero recentiore, quibus pervulgatus ille error de Remo a fratre interfecto confutatur, addita loci topographia & chorographia, in aes incisa, opera E. H. L. F.* Recusus est hoc loco liber, addita etiam topographia & chorographia, Tab. XIII. Mirum sane, quod sex vultures,

430. & inscriptionem passim deletam, Remo dicatam, ingeniosum caput in marmore deprehendit. Scriptum id iam Christophorus Pylus inseruerat *Miscellaneis Lipsiensibus* 1717, p. 296. Vulgo, Eilhardus Lubinus putatur fuisse commentarii Auctori. At omnia de auctore sunt in incertis: res ipsa autem lepida fictio est. Dolendum, quod numi prisce, passim in Marchia eruti, magnam partem usui eorum, qui antiqui-

434. tatibus eruendis student, haud fuerunt oblatis. Subdixerunt sese pauci aurei argenteique, Iudæorum manibus, omnia captantium, & studiorum expertium. Unus, in antica Aureliani, corona radiata insignem, refert, addita perigraphæ, IMP. AURELIANUS AUG. In postica sunt duo milites hastati, subscriptis ad oram verbis: RESTITUTOR EXER-

CITUS.

CITUS. Infra adparet numerus XXI. Bandurius hunc nummum aureum inter aureos Aureliani suos non numerat, T. I, p. 366, argenteum tamen eundem exhibet p. 370, & aeneum p. 381. Maiori cura definiendum est, quid sibi velit numus aureus, in quo insula & lituus Episcopum ornant, cum epigraphe: *Conradi Arc. pi. Ma.* atque in postica sese offert figura trifoliata, referens rotam Moguntinam, & epigraphen, *Moneta nova Hos.* Media littera in vocabulo *Hos* non est satis distincta. An forte idem est ac *Homburgensis*? an *Hamburgensis*? Hamburgum certe obtinuit ius cudendi numos aureos anno 1435. Videtur tunc Conradus Archiepiscopus vixisse Moguntinus, & vicarium Imperatoris Sigismundi egisse. Argentei numi, passim eruti, exhibent monumenta Iulii Cæsaris ac Imperatorum Romanor. ad seculum usque quartum. De-
 Pag. 442.
harius Macrini atque Volusii, raritate se commendant. Ad
Potitium a. 1728. in urna sepulchrali effossa, visitur chaly-
bea imago, eaque fusa, referens virum, in feminæ amplexus
ruentem, stantem a dextris. Vestitus attentionem spectato-
ris invitat. Scripsit de hac imagine G. S. Treuerus Diss. cui inscri-
ptio, Anastasis veteris Germani Germanæque feminae, cum integro
vestitu comparentis. Nostro videtur vestitus prodere mores
Vandalorum, in Hispanias propagatos. Oppidulorum & ca-
stellorum reliquias describere nolumus. In urbibus, quæ Ele-
ctores stirpis Anhaltinæ iudiciorum capitalium potestatem in-
dulserant, visuntur Statuæ Rolandinæ, civium sumtibus erectæ. 450.
 Historia naturalis Marchica exhibet etiam Cometarum, a. 1664, 1680, & 1743. conspectorum, mentionem, solis deliquia, parhelios, soles rubore obductos, deliquia lunæ, nec non adulterium solis ac lunæ ad 1707, 7. April. irides lunares nocturnas, & alia phænomena ad lunam referri solita. Observatio certe haud magis ad Marchiam spectavit, quam ad terras alias. Anglici sudoris contagio a. 1529. pervasit Marchiam. Anno 1587. malum, quod adpellatum fuit *Pip Hispanicum*, Marchiæ incubuit. Descriptio auroræ borealis ad a. 1580, 10. Sept. est memorabilis, siquidem lumen illud boreale tunc existimatum fuit *charma epidemiale*. Catarrhi epidemici
 Qqq 3 demici

- demici fuerunt insignes a. 1580, & 1732. ut fere per omnem Europam. Nova stella visa fuit in Cassiopea ad biennium, inde a fine anni 1572. sine parallaxi, ideoque fixa. Crux fuit circa lunam, in centro locatam, visa, & in apicibus
- Pag. 475. crucis iucunda iris apparuit, a. 1711, 2. Apr. Lunam a. 1684, 16. Dec. visam caudatam instar comete, spectavit, memoriaeque prodidit *Christianus Menzelius*. Luminis borealis ex prisco, mediò, & recentissimo ævo exempla, *Becmannus* diligenter collegit. Collectionem tamen ampliorem scripto singulari evulgavit Prof. Helmstädiensis, Cl. *Probesius*, cuius
479. summam suo loco exhibuimus. Globos meteoricos ignitos, passim delabi visos in terram, omittimus, æque ac nimborum
490. recensionem, qui Marchiæ graves fuerunt. Terræ motus Marchiæ fere sunt ignoti, saltem rarissimi. Fulminum exitiosa materies ibi crebrior. Qui per exempla ire amant, eorum copiam penes Auctorem deprehendent. Procellarum grandinumque incommoda idem copiose pertractavit. Etiam pluviae sanguineæ memorantur, natæ ex vaporibus aquarum quæ ex succo adiectarum vel adstantium alnorum ita tinctæ sunt. Eodem refer hiemes graviores, præcipue annorum 1709.
539. & 1740, nec non clementiores, vel nivium divites. De piscationibus Marchicis, de earum incrementis atque decrementis, de piscibus ipsis, ita exponitur, ut nihil facile desideret lector. Ad quæstionem, cur piscium numerus in dies fiat rarior, varie responderi potest: optime respondent ii, qui norunt, lacus passim & piscinas in agros converti, piscibus haud satis ad propagationem atque iustam ætatem parci, numero invalescere qui piscibus vescuntur, immo annis inesse differentiam, nec ex querelis piscatorum de numero piscium immutato fieri iudicium posse. Murænæ Marchicæ a Græcorum Romanorumque differunt murænis, siquidem hæ squamis & pelle caruerunt, anguillis similes, Plinio teste. Reliquos Marchiæ pisces egregie hic Auctores descripserunt, haud ignari locorum, quibus proveniunt atque inprimis capiuntur; prædiorum Dominis, suis & colonorum commodis egregie
585. invigilantibus. Fibri, hoc demum sæculo in Albi fuerunt reperti,

reperi, Americanis maiores, & inde aliorum in colonias ducti. Acidulas Freienwaldenses, copiosa oratione ornatas, indicatas prætermittimus. Exstiterunt passim aliæ. Salinas habent Soltwedela, Osterburga, Selblang, vicinia oppidi Beliz, quas tamen omnes antecellunt Hallenses & Grossenfalzenses Magdeburgicæ. Fontem lapidificum ostendunt Francofurtani, bolarem Berolinenses. De terræ proventibus, & inter hos de torfa, terra porcellanica Plawensi, margâ, calce, gypso, fodina aluminis, sale, nitro, lithanthracibus, ferro, argento, cuprò, osteocolla, nihil huc transferre licet. Collectionem herbarum, usus medici, in terris Marchicis, adornavit Prof. Gleditschius, ad modum botanicæ peritiæ recentissimæ, huc traductam ex omni parte. Conferri digna est D. de Bergen *Flora Francofurtana* a. 1751. publicata. Ex *linagrestis* coepta est texti tela. *Ductus serpenti* in foliis deprehensi, videntur erucæ rodentis esse vestigia. De arboribus selectissimis egregia commentatur Auctor, ut de tiliis, quercubus, pinu, populis, betulis, palmis, camphoris, persicis, moris ad bombyces alendos. De ferici Marchici fabricis adiunguntur memorabilia, nec non de vitriariis officinis, de ferarum generibus, de animalibus aliunde inductis, de armentis, de pecudibus, de peste bestiarum ad Oderam a. 1711. quam intelligentes contagionem ad rorem malignum referunt. De avibus non est quod repetamus. Partus hominum singulares etiam omittimus. Neque de arboribus, uno anno bis fructiferis, libet differere. Aristas extraordinarias, monstrosos partus, argillas terrasque varias, quibus volupe est cognoscere, Auctorem ipsum consulant. Succinum fossile non est Marchiæ alienum. Superfunt ibi plura diluvii universalis, ut aiunt, monumenta. Exstant alibi ferri mineræ, osteocolla, echinites, alique lapides figurati, tabulis expressi ope figurarum in aes incisarum. De fluviis ac lacubus non vacat dicere, sed neque de commerciis, & piscationibus, interventu illorum fieri solitis. Lectoribus enim iam in propatulo est, ex iis quæ dicta sunt, quid potissime hoc Volumine contineatur.

EXPLA

EXPLANATIO NOVAE RATIONIS, ANGULOS, sub quibus obiecta in telescopiis spectantur, metiendi, a V. Cl. IO. DOLLONDO inventae. Excerpta ex Transact. Philosoph.

Vol. XLVIII. p. 551. sq. & ex Anglico sermone translata.

Antequam ea, quæ ad hoc Micrometrum attinent, sigillatim exponam, conducet præmittere quasdam de natura lentium vitrearum sphaëricarum observationes, quæ ad sequentem explanationem facilius intelligendam necessaria videntur.

Observ. 1. Omnium lentium vitrearum, sphaëricam convexitatem habentium, hæc est indoles, ut radios lucis per eas transmissos refringant hac lege, ut, qui ex uno obiecti lucidi puncto emanaverant, omnes colligantur in quodam alio puncto, cuius a lente distantia præcipue tum ab eius convexitate, tum a distantia obiecti pendet.

Observ. 2. Punctum in quo sic colliguntur radii, spectari potest instar imaginis eius puncti, ex quo emanaverant. Si enim cogitamus diversa puncta radios ex se emittentia, qui virtute lentis in totidem aliis punctis colliguntur refracti: facile intelligemus, quomodo una quævis pars obiecti sic revera repræsentetur. Cum hæc lentium sphaëricarum virtus apud omnes Auctores, qui de Optica commentati sunt, explicata & demonstrata reperitur, quippe quæ huius scientiæ basis est & fundamentum: nuda huius rei mentio ad scopum nostrum sufficit.

Observ. 3. Attamen hoc præterea necesse habemus observare, quod lineæ rectæ, singula obiecti puncta cum respondentibus in imagine punctis iungentes, se invicem omnes interfecent in certo puncto axis, seu rectæ per lentis polos, ubi ambæ lentis superficies ad se mutuo parallelæ sunt, ductæ, quod punctum *centrum lentis* proprie potest appellari. Ex quo manifestum est, angulos ad illud punctum æquales esse, quos obiectum & imago eius subtendunt; & propterea diametrum obiecti, & diametrum imaginis, eandem ad se invicem habere rationem, cum distantis eorum ab illo puncto.

Observ.

Obſerv. 4. Cum formatio imaginis per lentem vitream tota pendeat ab ea proprietate, quam ſupra commemoravi, & quæ in hoc conſiſtit, ut lens talis omne lumen, e diverſis obiecti punctis in ipſam incidens, in totidem aliis punctis in foco ſuo colligat; ſequitur, a quolibet huiusmodi lentis ſegmento itidem formari imaginem æqualem & omnino ſimilem ei, quam tota lens formare poterat, neque differre inter ſe has duas imagines, niſi gradu claritatis; quippe eo minorem claritatem habente illa imagine, quo minor pars totius lentis eſt illud eius ſegmentum.

Obſerv. 5. Axis lentis ſphæricæ eſt linea recta iungens centra ſphærarum, ad quarum ſuperficies ambæ lentis ſuperficies formatæ ſunt; & ubi hæc recta ſuperficiebus lentis occurrit, ibi hæc ſuperficies ad ſe invicem ſunt parallelæ. Si vero contingit, rectam illam, per ipſam lentis materiam non tranſire: tunc talis quidem lens centro interno carere dicitur, at tamen centrum eius intelligitur exiſtere in ſeſſione quadam lentis, ad occurſum uſque axis producta. Et hoc punctum imaginarium, etſi extra lentem cadat, tamen tam vere eſt eius centrum, & tam fixam habet poſitionem reſpectu lentis; ac ſi intra ipſam lentis materiam caderet.

Obſerv. 6. Si lens ſphærica, quæ centrum vel polum ſuum prope medium punctum, ſive centrum circumſerentiæ ſuæ, habet, recta per medium ſecetur: centrum in altero duntaxat ſegmento exiſtet. Nam quamvis ſolicitam curam aliquis adhibere fingatur, ut lentem per centrum eius ſecet, tamen vix intelligi poteſt, quomodo punctum mathematicum biſariam poſſit ſecari. Ergo centrum in altero ſegmento, & extra alterum, exiſtet. Pauillum vero de utriuſque ſegmenti ſuperficie plana deradendo efficiamus, ut utrumque ſegmentum centrum ſuum habeat extrinſecus poſitum, & ſic ambo centra facilius ſibi invicem tam prope admoſveri queant, ut alterum in alterum incidat.

Obſerv. 7. Si hæc ſegmenta in eo ſitu iuxta ſe invicem teneantur, ut ambo centra in unum punctum incident: imagines, quas ambo ſegmenta exhibent de aliquo obiecto, itidem

unientur. Hoc accidit, cum planæ segmentorum superficies sic iunguntur, ut simul lentem quasi integram forment. Quodsi autem segmenta utrunque sint disiuncta, imagines etiam erunt discretæ, & utrumvis segmentum exhibebit peculiarem ac distinctam imaginem eius obiecti, cui ambo simul exposita sunt.

Observ. 8. Etiamsi centra segmentorum fieri possunt disiuncta, alterum segmentum ab altero in qualibet directione dimovendo: maxime tamen commoda via ac ratio hoc efficiendi est, cum segmenta ita moventur, ut plana alterius superficies superficiem planam alterius præterlabatur, donec in


Fig. I. talem situm delata sint, qualem schema ostendit. Sic enim mota lentis segmenta nulli peregrino lumini transitum inter se concedent. Præterea huiusmodi eorum motus commoditatem præbet, distantiam centrorum exacte metiendi, ope scalæ *Vernerianæ*, quam vulgo sed falso *Nonniam* dicunt, ad capsulam cupream, cui alterum segmentum insertum esse debet, affixæ, & iuxta scalam laminæ, cui alterum segmentum infixum est, huc & illuc mobilis.

Observ. 9. Quemadmodum unius eiusdemque obiecti imagines motu segmentorum lentis separantur: sic imagines diversorum obiectorum, aut diversarum eiusdem obiecti partium, in eum situm deferri possunt, ut congruant. Ponamus, obiectum esse solem, vel lunam, vel aliquem planetam: duæ eius imagines hac ratione eo usque separari poterunt, ut oppositæ limbi partes se mutuo tangerent. Quod cum fit, distantia centrorum utriusque imaginis diametri utriusvis imaginis æqualis est. Idem puta de quolibet alio obiecto.

Observ. 10. Huiusmodi lente dissectæ pro micrometro uti licet tribus modis. Primo, ea ad extremitatem tubi, cuius longitudo distantia foci lentis conveniens est, applicari potest ad instar lentis obiectivæ; alteri tubi extremo inserta lente oculari, ut fieri solet in telescopiis astronomicis. Secundo potest talis lens etiam applicari extremo tubi multo brevioris, si alia lens convexa post illam in tubo collocetur, cuius vi distantia foci lentis dissectæ brevior reddatur. Denique accom-

modari

TAB. VI. ad Nov. Act. Erud. A. 175498. 19.



modari potest extremitati apertæ telescpii catadioptrici, sive *Newtoniani*, sive *Gregoriani*, sive *Cassegraniani*. Quorum modorum extremus etiam omnium optimus sit ac convenientissimus, tamen, cum primus & maxime naturalis sit, & intellectu facilissimus; convenit, hunc modum enodatus explanare, & principia, iuxta quæ hoc micrometrum construitur, in modo primo demonstrare. Quo factò, facile intelligetur applicatio demonstrationis ad reliquos modos.

Postquam itaque in præmissis demonstrationibus generatim exposui naturam ac virtutem lentis obiectivæ, pergo ad demonstrationem principiorum, ex quibus angulorum dimensio huius instrumenti ope haberi potest. Quod in sequentibus propositionibus fiet.

PROPOSITIO I.

Sit lens obiectiva dissecta in extremitate tubi modo primo collocata, Et tubus sit directus versus obiectum mensurandum; sint præterea segmenta e primitivo suo situ sic dimota (modo in Observ. 8. dicto), ut oppositæ partes limbi utriusque imaginis se mutuo contingant in foco lentis ocularis: dico fore sibi invicem æquales angulos ad focum lentis ocularis, quorum alterum distantia centrorum utriusque segmenti, alterum diameter obiecti subtendit.

Demonstr. Referat recta AB diametrum obiecti metiendum, Fig. II. & sint C, D, centra segmentorum lentis, G autem sit focus, ubi imagines extremitatum obiecti in se mutuo incidunt. Perspicuum est per observ. 3. rectas AG & BG, quæ extrema obiecti puncta & ipsorum imagines iungunt, transire per centra C, & D segmentorum. Quare cum & diameter obiecti, & distantia centrorum, inter has rectas interposita sit: necesse est ut ambæ eundem angulum subtendant, cuius vertex est in puncto occurfus earundem rectarum G, — Q. E. D.

Distantia foci GC vel GD variabilis est, pro distantia obiecti a lente, & minuitur crescente distantia obiecti. Si obiectum adeo remotum sit, ut distantia foci nullam habeat assignabilem rationem ad distantiam obiecti a lente, foci distantia erit minima, velut CF vel DF; & punctum F appellabitur

R r r 2

focus

focus radiorum parallelorum. Alius quicunque focus, veluti G, qui pertinet ad propius obiectum, dicitur *focus respectivus*, quia peculiarem distantiam respicit. Sed focus parallelorum radiorum omnia obiecta respicit, quæ valde longinqua sunt, qualia sunt corpora cœlestia cuncta.

PROPOSITIO II.

Distantia HE obiecti a lente est ad EF distantiam foci parallelorum radiorum, uti distantia HG obiecti ab sua imagine, ad EG distantiam imaginis a lente; h. e. HE: EF = HG: EG.

Cuius Propositionis demonstratio ex quolibet libro Dioptrica tractante peti potest. Est enim præceptum generale, quo invenitur focus datam distantiam respiciens, ex dato foco radiorum parallelorum.

PROPOSITIO III.

Angulus, qui a diametro obiecti subtenitur, & verticem in lente obiectiva habet, æqualis est angulo, quem intervallum inter centra segmentorum subtenit, & cuius vertex est focus radiorum parallelorum; h. e. angulus AEB = CFD.

F. II. *Demonstr.* Apparet intuenti figuram, esse AB: CD = HG: EG. Et per præcedentem propositionem est HE: EF = HG: EG. Ergo ob rationem extremam his proportionibus communem, ceteræ erunt æquales, h. e. erit AB: CD = HE: EF. Unde manifestum est, veram esse propositionem.

Ex hac propositione intelligitur, angulum a diametro obiecti subtensum, cuius vertex est in lente obiectiva, inveniri, nulla ratione habita distantie obiecti, aut distantie foci respectivi, in quo imago cernitur. Nam mensura non pendet nisi a foco radiorum parallelorum, & ab intervallo inter centra segmentorum. Similiter hinc derivare possumus præceptum pro cognoscenda quantitate anguli, haud considerata distantia foci principalis lentis obiectivæ. Collocetur enim obiectum, cuius nota sit diameter, in aliqua cognita distantia: & angulus, sub quo eius diameter e medio lentis obiectivæ visa apparet, per trigonometriam poterit inveniri. Mensuretur idem per hoc genus micrometri: & intervallum inter

inter centra segmentorum, per scalam supra commemoratam definitum, constans erit mensura eiusdem anguli in omni alio casu; propterea quod distantia obiecti non variat mensuram anguli, ut demonstratum est. Et postquam sic inventum est intervallum inter centra segmentorum, dato angulo conveniens, alius quilibet angulus *) computari potest per regulam trium.

Quæ hæcenus dicta sunt, referuntur ad primum modum utendi hoc micrometro, applicando illud ad extremitatem tubi, cuius longitudo distantiaæ foci principalis lentis dissectæ accommodata est, & adspiciendo imagines per lentem ocularem convenientem, more consueto in telescopiis astronomicis. Verum hoc modo longitudo tubi admodum incommoda erit; & propterea expedit alios modos considerare, qui praxin commodiorem præbeant. Progrediar itaque ad secundum modum, cuius mentionem feci in *observatione* 10. & qui in hoc consistit, ut alia lens obiectiva addatur, per quam focus eius lentis, quæ pro micrometro inservit, propius ipsi admoveatur. Quo facilius intelligatur hæc methodus, opus erit, sequentem observationem præmittere.

Observ. II. Radii lucis, qui tam convergentes redditi sunt, ut imaginem obiecti delineent, postea progrediuntur divergentes eodem modo, quo emanantes ex obiecto ante progrediebantur, quam per lentem transmitterentur. Hinc iterum possunt colligi per aliam lentem sphericam, ut forment novam representationem eiusdem obiecti; id quod repeti potest ope tertiæ lentis, &c. Quare prima imago considerari potest tanquam obiectum secundæ lentis, secunda imago tanquam obiectum tertiæ lentis, & sic porro. Licet hæc imagines inter se multum differre possint magnitudine: similes tamen erunt cunctæ, quippe eandem rem vere representantes. Quin hoc idem verum etiam erit, si secunda lens tam prope primam collocetur, ut radios ante excipiat, quam imago ab ipsis for-

Rrr 3

mata

*) In Anglico contextu leguntur verba, *all other Distances, alia qualibet distantia*; sed hæc contra mentem Auctoris posita videntur.

mata sit. Cum enim radii ad occursum mutuum in certa distantia tendant: secunda lens eos excipiet in hoc convergentiæ gradu, & sic ipsi nova refractione ad propiorem quidem focum inflectentur, sed imaginem non formabunt nisi similem illi, quam formassent, primæ lentis ope, si secunda non fuisset subiecta.

Ad hoc principium cuncta telescopia refringentia construuntur, quorum quædam e quatuor, quinque vel sex lentibus coniunctis constant. Prima lens format obiecti imaginem, secunda repetit imaginem a prima acceptam, & sic porro, usque dum ultima lens veram obiecti representationem oculo exhibet. Idem de telescopiis reflectentibus dici potest. Nam hoc respectu speculum sphericum perinde agit atque lens spherica.

Applicemus hæc ad rem præsentem. Ponamus lentis obiectivæ dissectæ distantiam focalem esse quadraginta circiter pedum, & intervallum inter centra segmentorum tantum esse, ut oppositæ obiecti extremitates in contactu appareant. Nunc alia lens obiectiva integra intelligatur in tubo collocata, quæ eam habeat convexitatem, ut focus primæ lenti quantumlibet propius admoveatur, puta ad distantiam duodecim pedum. Per ea, quæ modo diximus, constat, hanc lentem ambas imagines exhibituram esse similes illis, quas lens dissecta exhibuisset, si secunda non fuisset addita. Etsi enim imagines nondum formatæ sunt, quando secunda lens radios excipit: tamen, quia illi radii versus eam convergunt, necesse est, ut imagines per secundam lentem delineatæ eandem positionem inter se habeant ac figuram, quam tendentia radiorum requirit. Nam quamdiu lentis segmenta positionem eandem servant, imagines eorum etiam fixæ erunt positione; & quotiescunque ex iterentur vel refractione per sphericas lentes, vel reflexione a speculis sphericis, positio earum inter se nullam variationem pati potest. Hac ratione longitudo telescopii multum potest imminui, eadem manente scala pro metiendis angulis. Unum tamen incommodum brevitatis telescopii parit, scilicet idoneæ distinctionis defectum; quo ipso observa-

tio minus exacta redditur, quoniam extremitatum contactus tam accurate determinari nequit, quam id quidem in longiori telescopio fieri potuisset.

Hæc difficultas omnino tollitur, lentem dissectam extremo telescopii catadioptrici applicando. Namque reflexiones & refractiones, quas radii subire coguntur in hoc telescopio, nullo modo variabunt mutuum situm imaginum, ad quas formandas radii per segmenta lentis transmissi tendunt. Utenim iam monuimus, repetitio imaginum per quotvis refractiones & reflexiones facta, magnitudinem quidem imaginum mutare potest, sed mutuum earum situm non variat.

Quapropter hæc ratio applicandi lentem dissectam ad telescopium catadioptricum, quæ modorum prædictorum tertius erat, omnium longe optima est. Huiusmodi enim telescopia, modicæ & tractabilis longitudinis, si bene fabricata sunt, obiecta admodum amplificare, & egregium spectaculum exhibere possunt. Quod autem hoc micrometri genus cum tanta certitudine ad telescopia catadioptrica adhiberi queat, res est non spernendæ utilitatis. Nemo enim non intelligit, ad diametrum planetæ exacte mensurandam necesse esse, ut planetæ imago amplificata & distincte representata exhibeatur, quod vulgari via ac ratione assequi non licet absque prælongis tubis, quibus accurata dimensio valde difficilis, nedicam impossibilis, redditur. Accedit, vulgare micrometrum hoc respectu alio laborare incommodo. Diameter enim planetæ mensurari per illud nequit, nisi totus planeta in campo telescopii cernatur; quo ipso virtuti amplificandi arctiores limites ponuntur: contra nostro modo nihil requiritur aliud, nisi ut extremitates in contactu videantur, id quod virtutem amplificandi pro lubitu intendere permittit.

In vulgari micrometro obiectum inter duo fila comprehendere oportet, adeo ut contactus inter fila & ambas extremitates imaginis uno eodemque intuitu observari non possit; & si interea dum observator oculum ab altero filo ad alterum vertit, minima telescopii accidit commotio, repetenda est observatio: contra ea in nostra methodo, telescopii commotio observando con-

con-

tractui extremitatum ambarum imaginum non officit. Comparantes itaque hoc novum micrometrum ad vulgare, videmus, alterum requirere magnam stabilitatem telescopii, neque tamen applicari posse nisi talibus, qualia admodum difficulter stabilia redduntur, alterum tantam tubi stabilitatem haud requirere, licet applicari possit ad breves tubos, qui facile tractabiles sint.

Hiscæ commodis non solum certiores redduntur observationes, sed etiam admodum expeditæ. Nam observatori licet viginti observationes hac ratione peragere interea, dum vulgari micrometro usus unam moleste satis peragit, de qua vix certus esse potest. Et satendum est, expeditam observationum facilitatem magni momenti esse in hoc Climate, ubi ob tempestatis inconstantiam astronomicæ observationes tam precariæ sunt, ut cavendum sit, ne ulla opportunitas, vel maxime transitoria, elabatur. Cuius rei exemplum societati regiæ nuper exhibitum est in relatione eclipsis solis, mense Octobri factæ.

Sicuti telescopii commotio observatori, nostra methodo utenti, parum molestiæ parit: ita nec ipsius obiecti motus ullo modo observationem turbat: talem puta motum, qualis est corporum coelestium. Ergo & licet diametrum planetæ in quacunque directione metiri, vel intervallum inter duas stellas fixas, quemcunque erga se invicem habeant situm. Quo respectu vulgare micrometrum manifesto incommodo laborat, quippe quo metiri non licet magnitudinem apparentem, nisi perpendicularem directioni motus: quanquam multum opus sit diametros planetarum in aliis quoque directionibus metiri. Nam tum ex legibus motus, tum ex observatione Iovis, admodum verisimile est, planetarum, qui circa axes rotantur, diametros, per polos ductas, breviores esse diametris æquatoreis.

Distantiæ satellitum Iovis a corpore Iovis, vel inter se, satis certe mensurari vulgari via haud possunt, propterea quod earum positio semper inclinata est ad directionem motus. Quid quod lunæ diameter, inter cornua interiecta, vix unquam ista ratione capi potest: cum rarissime accidat, ut diameter mensuranda directioni motus lunæ ad rectos sit.

Quod

Quod idem de intervallo inter duas stellas fixas dici potest, ad novum micrometrum angulorum mensuram in quacunque directione pari facilitate & certitudine concedit; & observatio in instanti peragitur, absque ulla observantis molestia. Cum enim nulla fila in campo telescopii adsint, nulla opus est eorum illuminatione. Præterea amplitudo scalæ novi micrometri etiam digna est consideratione, quippe quæ fere ad lubitum extendi potest, pro parvitate obiecti. Aliud incommodum cum vulgaris micrometri usu coniunctum est, variatio scalæ pro diversa distantia obiecti. Quia enim tubus longior reddi debet, pro minori distantia: scala, quæ semper longitudini tubi accommodata esse debet, etiam maior sumenda est; quæ re dimensio anguli satis incerta redditur. Contra in novo micrometro omni distantia una scala convenit, adeo ut certissima angulorum dimensio institui possit, non habita ratione distantia obiecti.

Ad summum evictum est, hoc micrometrum esse instrumentum in suo genere absolutum, quod multa præ vulgari habeat commoda, & incommodorum, quibus huius usus prematur, expers sit. Neque dubium est, quin, si ad præxin illud adhibeatur, multum de eo ad Astronomiæ incrementum liceat sperare.

*DE LEGIBUS MOSAICIS, CIRCA SACERDOTES
vitio corporis laborantes, in Ecclesia Christiana emenda-
tis, liber singularis, Auctore IOANNE RUDOLPHO
KIESLINGIO, S. S. Theol. D.*

& Prof. P. Ord.

Lipsiæ, sumtibus Caroli Ludovici Jacobi, 1755.

plag. 17. in 8.

Dignum scriptione, suisque humeris æquum fuisse Plur.
Rev. Auctor, hocce in libello, argumentum. Quam-
vis enim passim auctores, e quibus nominamus *Sau-
bertum*, Sacerdotum V. T. vitio corporis laborantium fece-
rint mentionem; nullus tamen est, quantum novimus, qui

S s s

hanc

hanc tractationem hunc in modum digesserit, & cum facie antiquioris ac recentioris Ecclesiæ Christianæ tam eleganter & accurate comparaverit. Omnis libellus in tres divisus est Sectiones, quas paucis commemorabimus lineis. Sectio prima tradit leges divinas per Moysen evulgatas, de Sacerdotibus vitio atque labe corporis affectis, iisdemque a sacris faciundis prorsus arcendis. Respublica Israelitarum, post exitum ex Ægypto, novam recepit formam, non solum qua statum politicum, sed etiam qua cultum religiosum Deo præstandum. Illa ipsa mutatio Sacerdotes, qui sacra tractare debebant, potissimum attinebat, quo gentes, quas inter hæcenus dispersi fuerant Israelitæ, luculentius intelligerent, quantum cultus divinus a Gentilium differret superstitione. Eligebat Deus familiam Aaronis, & tribum Levi, cui, posthabitis reliquis tribubus, totam provinciam sacram & peragendam, & dirigendam, sapienti consilio demandabat. Legibus tamen cautum erat, ut omnes Sacerdotes, & Levitæ vitio corporis & macula carerent. Recensentur ipsæ leges divinæ, Lev. XXI. traditæ, & corporis defectus ex illis eruuntur. Maxime vero credibile est, postea Iudæorum doctores nimis rigidos fuisse illorum vitiorum macularumque censores, ita quidem, ut vel minimas observarent labe, & ob easdem homines, a sacris in tabernaculo & templo peragendis, fortiter repellerent. Augentur hic illæ leges Mosaicæ commentationibus eruditis & acutis. Etenim non nudis verborum significationibus dextre indagandis, ac explicandis inhæret Auctor, sed in causas quoque harum regularum divinitus datarum excurret, & illas expiscatur penitus. Docet *primo*, hæc mandata divina sensu literaliter esse interpretanda, quod validis argumentis adversus *Philonem Iudæum*, *Theodoretum*, & recentiores Philologos, inprimis *Cremerum*, demonstrat. Tuetur *secundo* suam sententiam, ipso cultu ceremoniali, qui in sacrificiis perlustrandis, macrandis, necnon offerendis, insignes requirebat corporis vires, omniumque partium integritatem. In vado enim est, infirmos, debiles, cæcos, & alio vitio corruptos, ad sustinendas has officii partes minus idoneos fuisse atque aptos

aptos. Voluit *tertio* summum Numen his legibus dignitati & præstantiæ ordinis sacri consulere, ne sacerdotes mutili & deformes, inter res sacras tractandas, contemptui exponerentur. Observat *quarto*, hanc sanam integramque corporis habitudinem simul tacite involvere animi mentisque castitatem. Deo enim indignum erat, habere arcanorum divinorum ministros, sano quidem & recto corpore præditos, sed qua animi indolem, spurcos, & minus verecundos. Casta mente Deum esse colendum, vel prudentiores Gentilium magistri dixerunt. Ipsa *quinto* divini Numinis sanctitas his institutis illustratur. Quod si enim animalia impura & vitiosa a sacris aris essent repellenda, multo magis sacerdotes, ad intimiorem Dei adspectum accedentes labe carere debebant, quo Gentiles Dei maiestatem in externo quoque cultu conspicerent. Nec *sexto* prætermittendum est, his in mandatis latere typum Christi, Pontificis N. T. Optimi Maximi, qui sanctus & a peccatoribus segregatus celebratur Hebr. VII. 26. ff. Delineata *septimo* est his imperatis Ecclesiæ & fidelium N. T. conditio. Constat, sublata V. T. oeconomia, omnes in universum fideles, divinos esse sacerdotes, sacrificia spiritualia, preces nimirum, & laudes Deo offerentes. Commendant divi Apostoli Christianis hanc vitæ sanctimoniam, quorsum facit oraculum 1. Thess. V. 23. Quæ meditationes in has leges Mosaicas prolatae, ingenii iudiciiue acumine instructæ sunt, ipsamque tractationem nullo modo siccam & lentam, sed doctam reddunt atque utilem.

Sectio secunda ad Ecclesiæ N. T. progreditur formam, & demonstrat, quas ob rationes hæ leges Mosaicæ partim sunt extinctæ, partim vero emendatæ. Mutatum esse horum institutorum rigorem in N. T. constat, causas autem huius mutationis haud proletarias fuisse, verbosius exponitur. *Primum* inter illas locum occupat cultus levitici & ceremonialis abolitio. Sequitur *secundo* finis umbrarum typorumque. Succedit *tertio* ministrorum Ecclesiæ, primis rei Christi temporibus, inopia, qua factum est, ut dotum animi potius, quam corporis haberetur ratio. Quid? quod ipsa cultus religiosi N. T. in-

doles hanc suaderet mutationem. Nam cessabat sacrificiorum, oblationum, & fertorum cultus, qui insignes postulabat corporis vires. Civitas autem Christiana his oneribus satis molestis vacua, a ministris sacris animi dona, in prædicatione sanctioris doctrinæ, & sacramentorum administratione posita, imprimis requirebat. Non igitur mirari subit, divum Apostolum Paullum in Epistol. 1. ad Timoth. 10. & ad Tit. 1. corporis præteritis præstantiam, & animi potius a futuro Ecclesiæ ministro postulassee dotes. Quod argumentum diligentius traditur, & multis observationibus lectione dignis illustratur. Excurrit hic loci Auctor in primæ Ecclesiæ decreta & consuetudines. Movebatur illo temporis tractu quæstio, quid sentiendum statuendumve esset de consiliorum divinorum nuntiis, vel a Gentilibus, vel Iudæis, Christianæ religionis hostibus, parte aliqua corporis vitiatis, & misere dilaceratis, utrum illi ad ministerium sacrum essent admittendi, nec ne? Laudati Conciliorum canones iustam pronuntiarunt sententiam, viros vim & iniuriam, citra ipsorum culpam, a persecutoribus passos, si sacra adhuc tractare possent, non esse reiiciendos, quod exemplis *Paphnutii, Aurelii*, aliorumque virorum vitiatorum, docetur. Contrarium autem isti canones tulerunt iudicium de illis, qui vel religionis, vel castitatis studio, se cum *Origene*, & *Leontio*, nervo virili privarunt. Ridiculum porro & absonum erat, *Ammonium*, aliosque viros religiosos, eo processisse levitatis, ut quædam corporis membra destruxerint, ne sacra in Ecclesia obirent munera, fallaci ducti persuasione, viros mutilos, ex legibus Mosaicis, in ordinem sacrum non esse adoptandos. Quas consuetudines omnium turpissimas solidius commemorat Auctor, & Ecclesiæ antiquitatisque documentis multum lucis affundit. Addit tandem commentationem de Romanæ Ecclesiæ institutis, de sacerdotio N. T. satis concinnam, & aculeatam, docetque, Romanenses suo in iure canonico temere inherere V. T. oeconomix, & eandem cum recentioris Ecclesiæ Christianæ statu turpiter confundere. Quo nomine Concilii *Tridentini* canones castigat, atque demonstrat,

sacer-

sacerdotium N. T. proprie & striete sic dictum, iam defuisse; Romanenses autem eo potissimum consilio pro eo, tanquam pro aris ac focis pugnare, ut suum sacrificium Missaticum & ordinem sanctiorem defendant.

Sectio tertia de sobrio & legitimo harum legum Mosaicarum, circa sacerdotes vitioso corpore instructos, in Ecclesia Protestantium, agit usu. Belle Auctor distinguit corporis defectus in *totales*, & *partiales*. Si se totalis defectus in corpore obtulerit, in viro ad sacrum munus promovendo, ipsi provinciae sacra denegari potest & debet, ne salus animorum ab eo procuranda, negligatur. Quales defectus sunt, oculorum caecitas surditas, & reliqua huius generis vitia, totum corpus attinentia. Partialis defectus est, qui in uno alterove corporis conspicitur membro. Huc spectant, si futurus Ecclesiae minister altero oculo caecus, vel altero pede claudus sit, aut quaedam deformitas in vultu deprehendatur. Dispiciendum hoc in casu est, utrum etiam illud vitium ita sit comparatum, ut oratorem sacrorum in rebus sacris peragendis prorsus impediat, nec ne? Leviores esse iuris Ecclesiastici Protestantium canones, circa hos corporis defectus, demonstratur, quia in Ecclesiae ministris animi potius decora, quam corporis venusti, atque robusti ornamenta, sunt indaganda. Commendamus hunc libellum rei Philologicae, historiae sacrae, & iuris Ecclesiastici amatoribus, quippe qui selectarum rerum doctarumque copia prodest, & delectat.

DELLA LINGUA PUNICA PRESENTEMENTE USATA da Maltesi, ovvero nuovi documenti, li quali possono servire di lume all' antica lingua Etrusca.

h. e.

DE VETERI LINGUA PUNICA, QUAE HODIE apud insulae Maltae incolae in usu est, & nova documenta illustrandae linguae Etruscae suppeditat, exercitationes duae; item Grammaticae institutiones eiusdem

SSS 3

linguae

*linguae Maltenfis, auctore IO. PETRO FRANCISCO
AGIUS de SOLDANIS, Canonico.*

Romæ, 1751. 8. plagulæ 12.

Quum hac ætate literati Itali magna contentione id agant, ut dudum deperditam Etruscarum literarum cognitionem restituant, & quæ magno numero supersunt, monumenta Etrusca illustrent, iique maxime placeant, qui conatus hos consilio novisque inventis promoveant: venit in eam opinionem Agius de Soldanis, veterem Etruscum sermonem cum Punico aut eundem aut cognatum esse, eique opinioni speciem veritatis conciliare hoc opusculo voluit. Quamvis autem, id quod volebat, demonstrasse censendus non sit, non caret tamen hoc opusculum dotibus & novitatis, & elegantiae, quibus se commendat. Semina profecto sparsit novi studii, quod æque acriter, æque utiliter, studiosos antiquorum monumentorum homines exercere potest, atque Etruscum. Supersunt enim adhucdum, cum in numis, tum in faxis, monumenta Punica; et p. 26. recenset Auctor aliquot eorum, in faxis, utroque sermone, Punico simul & Latino, item Punico & Græco, exarata, ab aliquot annis in Malta reperta. Iucundum præterea est, linguæ Maltenfis vel Melitenensis, hætenus perparum cognitæ, indolem propius cognoscere. Sive Punicaea sit, sive Arabica, sive utrumque simul, (Punica enim aut mater est Arabicæ, aut ab eadem cum hac prognata est matre) poterunt, utcumque res habeat, orientalium literarum amantes novum suis studiis præsidium, neque contemnendum in cultura linguæ Melitenensis habere, optandumque est, ut docti Itali, & Melitenenses, in Italiam Maltamque ultro citroque commeantes, linguæ huius, in orientis & occidentis confinio positæ, ampliores deinceps opes in publicum proferant. Haud parum ea res, cum illustrando sacro codici V. T., tum historiæ Saracenicæ mediæ ævi, favet. Bene profecto de patria meritis in eo fuit Auctor, quod gentilem sibi dialectum notiores doctis hominibus fecit et commendavit, quod alphabetum, quo, post vetus perditum, carebat hæte-

haecenus, ipsi dedit, a se excogitatum, quod linguam hanc in formam artis redegit.

Constat opus hoc, ut vel ex inscriptione patet, duabus exercitationibus, quæ tres ferme plagulas implent, & Grammatica ipsa, quæ reliquas occupat. Illarum prima in eo est, ut demonstrat, linguam Maltensem esse Punicam, fixam & depositam in Malta & Gozo, (seu Pantallarea) a Phoenicibus, inde a Poenis seu Carthaginienfibus ibidem continuatam, indeque usque ad nostram ætatem fuisse propagatam, eodemque modo adhuc hodie ab incolis ruris, seu *villanis*, vulgo dictis, pronunciari, (nam Italica in capitali insulæ urbe obtinet) quo pronunciata olim fuit. Qua in re demonstranda multum ipsi laborandum esset apud eos, qui forte, ut in re non perspicua, negent Arabicam & Punicam eandem esse. Nam illa profecto, quæ hodie Melitenfibus colonis in usu est, hoc libello tradita, mera est vulgaris Arabica, miscela quadam Italici & Turcici sermonis inquinata, ut e sequentibus constabit. De lingua Melitenfi varii, sed imperfecta, tradiderunt, quos Noster p. 22. nominat; cum Maio facit, cuius libellum de lingua Punica laudat & commendat, eiusque sententiæ subscribit, linguam Melitensem eandem cum Punica facienti. Vtèris illius Punicæ alphabetum adhuc hodie superest, sed ignoratum, in duabus inscriptionibus Punico-Græcis, quarum unam Guyot de la Marne in diss. Academ. Cortonenfis T. I. p. 25. & Michael Fourmont ibid. T. III. p. 19. alteram Gruterus Syntagmatis p. LXXXVI. & Spon. Miscell. Erudit. Antiqu. p. 1. exhibent. Linguam Punicam in patriam insulam introduci potuisse & introductam fuisse, ex eo concludit Melitenfis noster, quod ea in medio inter Asiam, Africam & Europam posita, neque a Phoenicibus, in Galliam, Hispaniam, Mauritaniam colonias emittentibus, & mercaturam exercentibus, neque a Poenis in Græciam & Italiam traicientibus, præteriri potuerit. Illis, qui forte scire velint, qui factum sit, ut Punica lingua per tot secula apud Melitenfes se conservaverit, in Sicilia vero, cui multo plus negotii cum Poenis fuit, pedem figere, sedesque tueri nequiverit, respondet: Romanos
in

in Siciliam, exactis Poenis, utpote victores, sermonem suum intulisse, ad Maltam vero non penetrasse. Quo factum, ut Carthaginensrs ibi liberi, sui iuris & quieti manserint. A Saracenis porro, qui diu insulam tenuerunt, passam Punicam fuisse nihil asseverat, cosque errare, qui linguam, de qua controversia est, Arabicam esse, non Punicam, existiment. Saracenos enim insulæ non dominatos fuisse, sed velut amicos infedisse. Inesse quidem huic dialecto voces & Arabicas, & Hebræas, Syriacas quoque & Ægyptiacas; sed omnes illas dialectos ab una Punica manasse vult; quam in tanta rerum fortunarumque vicissitudine, totque seculorum per decursum, linguarum unam (nulli enim alii id contigit) sustinere se potuisse, admirationem mereri. Potuisse id, quod sancti, contingere, Equitum Hierosolymitanorum exemplo demonstratum it, qui quamvis per duo iam secula insulæ imperent, & in urbem quoque capitalem Italicam introduxerint, extinguere tamen veterem linguam, seu Punicam, seu Arabicam, nullo modo potuerint.

Exercitatio secunda usum monstrat, ab huius lingue exercitio cum ad universam rem litterariam, tum ad Melitenfes præcipue redundantem, qua occasione ad etymologiam nominis Melite vel Malta delabitur. Improbata etymologia, a quibusdam tradita, quia ab Hebræo מילדת *Militta*, *Iunone Lucina*, nominis repetunt originem, ipse Auctor aliam suggerit. putat nempe insulam sic dictam fuisse a saxo, quo ea abundat, molli, ferro cedente, sed cum tempore indurescente. *Maltam* nempe esse argillam; & proinde saxum friabile quoque significare posse. Adiunctæ insulæ, hodie Gozo, olim Pantallarea dictæ, in qua sermo Melitenfis quoque viget, derivat nomen ab antiquo item nomine *caudex*, cuius productum medio mutilatum sit. *Gaudisum*, *caudex*, *codex*, invenitur item apud Arabes غودش *Godesch*. Id si fuit antiquum nomen, corrupti sunt Græci codices veterum auctorum, qui ΓΑΥΛΟΣ habent. Quod si vero hæc proba est lectio, debet recentior appellatio ΓΑΥΛΟΣ ex illa antiquiore γαῦλος corrupta esse. Quod omnino potius esse, evincere videtur ipsum

ipsum nomen *Gozo*, quod Arabice *كوز* notat *poculum*, ut Græcis *γούλος* notat, p. 55. instituit Auctor usum linguæ suæ Punicæ in illustrandis monumentis Etruscis, & ambarum veterum dialectorum convenientiam monstrare. Comparat voces aliquot tabularum Eugubinarum cum vocibus Melitenensibus eiusdem aut similis soni. Sed parum ea quidem, quæ profert, præsidii scrutatoribus antiquitatum Hetruscarum afferrent. Denique nominat aliquot numero viros illustres, qui linguam Melitensem addiscere dedignati non fuerint, neque, exemplo quorundam, pro barbara habuerint, præcipue duos laudans, Xeberras unum, & alterum Tournon, illum Episcopum Epiphaniæ, hunc Gallum natione, militem Hierosolymitanum, qui ambo Grammaticam Melitensem aliquando meditati, sed absque effectu, fuissent edere.

In Grammatica primo loco dat Alphabetum 26. litteris constans secundum ductum Alphabeti Arabici, quod etiam præfixum est, cum additis Latinis literis æquivalentibus. Hoc ob rei novitatem, & ut constet, quomodo vulgus Arabum Arabicas literas enunciet (nam ea in re vehementer a traditionibus grammaticarum nostratium Arabicarum discrepat) deinceps reddemus, declinationum autem, coniugationum, formularum salutandi, condolendi, colloquendi, aliarumque observationum ad geographiam Melitensem, ad rem vestariam, alia, pertinentium, nihil, brevitatis studio, attingemus. Finem faciunt duo non magnæ molis lexica, unum in quo voces Punico-Maltenses Italice explicantur, & earum origines ab Hebræa aut Ægyptiaca lingua aut aliunde arcessuntur, rarissime ab Arabica, quum tamen pleræque omnes ibi propositæ, quod parvo specimine demonstratum deinceps dabimus, mere Arabicæ sint, & in toto acervo vix viginti non Arabicæ occurrant. Hanc linguam si calluisset Auctor, potuisset operosis multis argumentationibus & longe arcessitis admodumque improbabilibus coniecturis superfedere. Agnoscas tamen in Viro sedulitatem, lectionis copiam & amorem literarum.

Alphabetum itaque Maltenſe a Noſtro excogitatum hoc eſt. ا a ٤ b. ٤ t ٤ th, t durum & adſpiratum, ut [ثلاث] *thielet. trin.* ٤ g. de hac litera monet, nunquam eam perdere naturalem ſuam pronuntiationem & vim, ſive ſit cum vocali, ſive cum conſonanti. Hoc ut Italus ſcripſit, non ut Germanus. Vult nempe dicere g etiam ante a ut Germanorum *Tsch* efferri. Addit: „v. g. *Gannari*, & non *Gkamri*, *Ioannes Maria*, *Gibli* [جبلي] & non *Ghibli*, tantum modo notandum, hanc literam cum puncto ſupra impoſito, debere pronuntiarī ut Italicum v. g. *Gignu*, *Giugno*. Arabica uncis inclufa addimus. Nam in hoc libro nuſquam, præter Alphabetum Arabicæ literæ comparent. ح Hh. v. g. [حائط] *Uhait murus*. H cum puncto ſupra poſito adhuc fortius debere adſpirari monet, ut [حمام] *Hhamar, aſinus*. ٤ ch. ut *chait filium*. [خي٤ط] ٤ d. In hanc unam literam quatuor Arabicas colliquavit *Agius*, ٤ Dal, & ٤ Dzal & ط Tha & ظ Thza. ut patet ex duobus, quæ allegat, exemplis. *Dana*, *queſto*, vel ille eſt Arabicum دان unde دانك & ٤ نالك; alterum autem *Del, umbra*, eſt ظل Literas ٤ ن & ط prorsus non adſcripſit. Tunc addit ٤ ز r. ٤ z, cum puncto ſuperſcripto. ut *zest pix*. [زفت] dein habet ٤ s, ٤ ش sc. ut *Scarara, Scintilla* [شركة] ٤ sd. omiſit. ٤ pronuntiat ut ts. ſed erravit in appingendo charactere & debuerat pro ٤ quam ibi ſcripſit, figuram ط exarare; quod exemplum ab ipſo allegatum monſtrat. nam vox *Ghatſa ſternutatio* non عضة ſed عطسة ſcribitur. ٤ reddit per gh, monetque eſſe literam pronuntiati difficillimam, eodemque modo a Maltenſibus efferri, atque ab Arabibus, graviter & media in gula, ut *Ghain oculus* [عين] ubi ſuper gh ſcripſerit punctum, ibi pronuntiationem debere fieri profundiore, ubi duo triaſve puncta, ibi creſcere adſpirationem. ut *ghar, grotta, ghar, vergogna, ghar, invidia*. ſed conſudit literas ٤ &

c & è nam quod secundo loco posuit exemplum, ad illam, quæ primo & tertio loco, ad hanc pertinent. & per f reddit & allegat exemplum, *ferqun, piccol demonio, demonietto*. volebat *ferghun* scribere فرعون id est *Pharao*. Arabes enim ferocientes & rabidos omnes homines & insanum in modum arrogantes *Pharaones* appellant. & ipsi est q subtile, acutum in summa gula formatum, ut *quolla, giarra*, seu [جرّة قلّة] Ambæ voces, tam *qolla*, quam *giarra*, sunt Arabicæ. ك ut k. ut *Kaus, arcus*. [Sed Arabes قوس scribunt, non كوس] & *Kera*, locatio aedium, [كرّة] ا. م. ن. h. & ubi fortius, non tamen asperere, effici debet, punctum superscripsit. c apud ipsum æquale est Turcico *Cim*. [Arab. جيم] ut *Caula* non *gaula, cœiqer, parvus, cumb'lor*, non *qumblor, parvum lumen*. gh æquivalet penes ipsum Græco γ & germanico g, ut *ghriezem*, fauces. z ut Latinum z, v. g. *Qoz, domenico* [sacerdos قس].

Dictionarii Maltenfis voces præcipuas nunc reddemus, addita a nobis Arabica seriptione, quam Auctor, ut dictum, ubique omisit, & ignoravit. Corriget hæc opera erroneas eius & inutiles derivationes, & Maltensem linguam demonstrabit nihil aliud quam vulgarem Arabicam quodammodo corruptam esse. *Ach frater*, ergo est أخ. *alla Deus*, الله.

neque curamus Auctorem nostrum id a voce *Baal* derivantem, *anmen* aut *emmen* credere امرن. ara vide, ار. ardu, *suppellez* عرض. *artay liquidum* ارطب. *baghda abominatio*, بغضة. *vallut, quercus* بلوط. *bagra vacca* بغرة. sub qua voce etiam affertur *ghogiol, vitulus* شجل. *fahhal taurus* فحل. porro *barra foris*, بررا. *basc infra*, præter rem Arabibus tribuitur. *bedni, villanus, campestris* بدني. *beit, tectum, rectius domus*, بيت. *ghorfa superior contignatio*, غرفة. *Sitakh, ballatojo, tectum aedis* سطح. *bethha, cortile, cortis, aula*, بطحة. *ben ghammi, consobrinus*, ابن العم. *bieb aut'biep porta* باب. Ttt 2 bir

bir cisterna, دبیر. *briet filiola* بنية. *bu* aut *abu* أبو. Memorabile est quod hac de voce Noster habet. *Voce*, ait, ammirativa, Et indica la grandezza d'una cosa, onde Bu hha-giar gran pietre, Bu ghaddam sparviere, uccello tutt'ossa. Solent Arabes Abu & Omm, pater & mater nominibus præponere, quando relationem, communionem aliquam significare volunt. أبو حجر Abu Hagiār pater saxi est ὁ τῆς πέτρας nempe βῆρος, vel τὸ τῆς πέτρας nempe ὄρος der [Berg] mit dem Steine, mons saxeus, أبو عظم pater ossis, τὸ τῆς ὀσῆς sc. ἐνύμφιον avis ossis, avis cum ossē, ossēa. Non ergo admiratur, neque auget molem rei hæc vocula. *challa* laxare, mittere, خلي. *challini*, sine me, mitte me, خاليني. *chafir* ignoscere, غفر. *chaless*, liberatus electus خالص. *cherza* collum putei est خرقة. Altre volte, addit, se prestiam fiducia al Magri Maltese Hjerolexis, v, Erza era quella tavola attaccata al muro, che oggi diciam charriegga, diggiena, sqassa, supra di cui i villani pognono la roba usuale di casa. La voce è Punica. Voces quas hic affert sunt Arabica: نكارة, خراجة & سقافة Pergit ciarcir scaturire aquam. Est شرشر. *Da* fra plexus crinium ضفر. *daqqa*, ictus, „colpo, suono. In „Ebræo uniliarfi. Adducimus hæc in specimen etymologiarum, quas Agius de Soldanis profert. Est Arabicum دقة. *dar* domus. دام. *dair* monasterium دبیر Ibidem videtur vocem Turcicam *Dervisch* a vetustis *Druidis* derivare velle. Commemorat quoque monasterium in insula Goro, *ta uyet bin* gemma dictum. In hoc nomine præter *tu*, genitivum Melitenfis dialecti, ab Italico *da* transumptum, cetera sunt Arabica دابة. *debba* equa. وادي بن. Ait eius pluralem esse *Dujeb* aut *dujep*. دباب unde patet Arabes vulgares literam verborum medix radices geminatæ, quæ iteranda fuerat, in ي convertere دباب pro دباب Demonstrat id quoque استحببت *estahhbaito*, pro استحببت *estahhbaito*

estahhabto (v. p.) *Dem, Sanguis*, دم. *deep, aurum* ذهب. *donni, mea quidem ex sententia* ظني. *estahh aperi*, افتح. *emma aut inna, sed*, اما. *engkara impositio iniusta, obligatio, extorfo*, انكره. *Esquar se dice, ait, l'huomo ch'ha il color rosso delicato, & la femmina scaqua, derivata da schachar, nero, benche diverso nel significato suo. Alterum specimen etymologiarum nostri Melitenfis. Est Arabice اشقر & اشقر* cum quo confundit Hebraicum שחר. *Esma, ausculto* est اسمع. De verbo *far* annotat: *Far, trasportato dalla voce pharas, cioè extendere. — Bollendo l'acqua si stende, indi forte ed allora dicono i Maltesi l'elma far. el borma faret, cioè la pignatta manda fuori l'acqua dal troppo bollire. Non opus erat istis ambagibus.* فار notat bullire. *Far, pergit, significat ancora il forcio* [فار est mur] *e nel numero del plurimien* [فبران] *forci, Con altra voce si chiama giordien & grieden forcio e forcj. id est جردان giordien, mustellae, & grieden ex Nostri pronunciatione, mustellae. farac, alacritas, hilaritas, فرح. faraq dividere فرق. feqrana, testudo. Si Arabes eodem nomine id animal designarunt, est procul dubio a فخر testa factum, quia sub testa habitat. filsa piper est فلغل. fuq supra, super, فوق. geua intra, جوا gadira stagnum, غديرة. ghana cantare, غني. gharm, cumulus frumenti, & similia, عرمة. ghaqual, iudicium, intellectus, عقل. ghaqqa, prostibulum, foemina vilis عاقه. In Ghazel confudit Auctor Arabica verba عزل separare, & غزل filare. ghenep, uva est عنب. Sub hac voce notat vitem Maltenfis appellari Dieglia. Est Arabica vox دالية quæ quamvis in Gollii lexico hoc significato non existet, occurrit tamen pro vite in Chronico Siculo Arabice ab Assemano edito in Carusii Bibliotheca Sicula, ad A. C. 936. gherq sequens, fungus, عرق. potestque ea quoque significat.*

ficatio Lexico Goliano addi, Hac occasione de *Gherq el General fungo Melitensi*, seu *typhoide coccinco* pluribus agit *Auctor* eiusque mirabilem in minima dosi vim adversus dysenteriam vehementer laudat, *gihu*, *cedo mihi*, est جيد ex vulgari Arabico verbo جاب dare afferre. *gineina*, *hortulus*. جنينة *Hhabba granum*, حبة. *Hhabib حبيب* amicus. *Hhadar حضر* adesse sponsalibus aut nuptiis. *Mahldar* ait esse la *duranza de'sponsali*, la quale sempre interviene a cosa de' genitori. *Hhai حي* vive. *Hhaja حباة* vita. *Hhami*, *calidus* حامي Sub eadem voce ait, Da questa voce nacquero li altri *Hhammiema colomba*, perche da se è piena di calore, *Hhamnemiet حمامية* appellari la festa dell' Epifania del Signore a cosa delle colombe. Harum etymologiarum prior frigida est; altera longe arcessita. Non enim ob conspectum in Christi baptismo spiritum S. in forma columbæ descendentem, dixerunt festum Epiphaniæ حمامية columbarium, sed balneare, festum balneare, plane ut Græci τὰ Φωρα, quia Christus ex opinione ecclesiæ orientalis in eo ἐφωρίσθη id est ἐβαπτίσθη, balneatus fuit. *Hhemet* quietus, quieti datus fuit est a خمد *Hhabs*, *carcer*, حبس. *Hhaqem حاكم*. *Hhara حارة* platea. *tricq & tricqat طريق* et طريقة via. *Harra*, *stercus humanum* خربة. *Hhatein خاتم* annulus. *Hhaten ختن* cognatus, *foer*, *gener* &c. *Hhtent ختنة* cognata. De verbo خرن hæc notat: *Hhazen*, fece la provisione del grano per un anno, chiamato ancora *Muna* [مونة]. La voce e *pura*, derivata da *Hhazer* o *Hhazri*, atrio o ingresso. Rursus specimen etymologiarum, quas ingenium nostrum Melitense peperit. *Hhniena حنانة* misericordia. *Hhosprien حسيبان* & *Mahlsep محاسب* ratiocinatio. *Hhlar*, خلاص liberatio, evasio in libertatem; addit in insula ecclesiam esse tal *hhlar* dictam, della liberazione per il parto, ad quam muliercule frequenter accurrant. *Hhsiep* aut *Hhasba حساب* & حسبة reputatio, quam vocem ab Hebraica *Chissibonoth* derivat; non male. Est certe חשב & حسب eiusdem originis. *Ighasfe* expo-

exponit per *rannichia*, sese contrahere in minutum, quem ad modum aves solent, nido sese abdentes; est ab عَشَش in octava coniug. اعشش. *It يد manus. Idein يدید manus in duali. Itgatta est ab عَتَق fuit liber, ingenuus, & in secunda Coniug. attaza, misit in libertatem.* Itzahar *florere, nitere, ازهر. Kadiin, antiquus est قديم. Kares reddit per agro, aigre. Arabicum est قارص aciditate pungens. Quod autem addit Arabice eam vocem significare periculosum, eius auctorem idoneum non habuit. Kafina crepatura, est قصمة. Kau, fortis, robustus, قوي. Kaura interpretatur „luogo maritimo, o „literale, cosi detto in Malta e Gozo. significa Ponente.* „*خوي est Geographis Arabicis sinus maris. Kficiur reddit scorza del grano o altri simili. cortex & gluma est قشور quæ vox Arabice tantum cortices notat, quales sunt pomorum, pyrorum, nucum, item gluma, quatenus adhuc granum in calamo vestit. Sed surfures appellant Arabes نخالة Nochalah. Confudit hæc Noster quando addit. Quesia scorza in Roma chiamasi semola, in Malta Nochala. Il Du Cange e Furetiere la vogliono derivato dalla Germanica voce Gruseli e Kruseli; surfurem significante &c. Iterum specimen etymologiarum ex hoc libello depromptum. Leil notte ait [ليل] detto pure Dlam. Hoc est ظلام. Levi torquere est لوي. Lghap saliva, لعاب Libien لبنان. Logina tozzo di pane chiamato dalli Ebrei lathme. Non est ab Hebraico לחל sed ab Arabico لقمه bucel-la, non panis tantum sed etiam carnis. Magghad locus sessioni aptus, sedes. مقعد. Marclu, vestinavi مشطت Matmura repositoryum, apotheca, cavea. مطبوعة. Mdina مدينة urbs. Medd prolongatio, extensio. Medien مدين debtor. Meli ملي implere. Melqi, receptus, exceptus, ملقي *ὑπαναρώμενος; cuius vocis en argutam derivationem. La voce, stimo, che sia derivata da Molochus, detto dagli Ammoniti Molech, ch'è**

un idolo così chiamato, perchè fu da loro accolto ricevuto e venerato. Meri, contradicere مري derivat ab Hebraico מריה Merihh, alacer, gestiens, tripudiabundus, مرح. Messu tacitus, مس. Mgiar, scala, litus, ubi ascenditur e navi, ἀναβαθμια, مسجى Multa ad hanc vocem aliena habet. Id unum suffecerit tenere, litus tale, ubi appellunt naves, ab Arabibus appellatum fuisse مسجى locus tractionis a جر traxit, quia naves ibi solebant in terram trahi, & in sicco collocari. Patet id ex eo, quod Noster ait in insula Gozo, locum aliquem appellari Mgiar i Scini scala della galera. مسجى الشوانى Addit in fine non omnino male. in tale caso la parola vien ad esser composta da due sillabe Me, luogo, giarr, portare, trasportare, quia nempe homines & merces ibi extrahuntur. Misum forte vitium typographicum, aut corruptela dialecti est pro Misghum مزعوم reputatus. Misqta ta sciagra aut ta scieuq est massliche spinarum seu campestris. Sciagra est Arab. شوكى arbor, & scieuq شجرة. Mramana interpretatur aedificium rusticum, tugurium. In Arabico مرمة est domus vetus putrida, cariosa. Nadur est collis in insula Malta, Arab. ناطور. Nati, do, ناتي est ab اني. solent enim Malenses pro prima persona singulari praeteriti aut praesentis eam formam, quae Arabibus aliis, Grammaticis certe, prima persona pluralis futuri est, adhibere. dabimus, pro do, aut dedi; ita paullo ante p. 163. est ننشر nonscior expono, explico: nonseru ننشرون exponemus. & paullo post nemset penetro, ننغذ, & nemfdu penetrabimus ننغدون Nghama confusus sermo, est vel نغامة vel نغامة vel نهامة Ad vocem Nofr hac affert: „Nofr che l'Arabo dice nosf è „metà. ma la nostra voce è meglio detta, essendo divenuta „da noph posta tra le voce Egiz. & Ebreë da Passeri. „ Confudit Nofr نفس anima, & Nofr نصف dimidium. O sci ahha interpretatur, o quanto siamo fortunati, o dissaventurati.

turati. Si hæc vera sunt, deberent hæc vulgariter detorta
 esse ab Arabico *أي شيء* *quanta vel quaks res su-*
mus! quo evasimus! sed non facile est hæc cum sequentibus
 conciliare. *Per salvarsi di qualche pericolo dicono i Maltesi o*
fci ahhna angustiați salvateci, ajutateci. Respondet ergo Ara-
 bico *أوسعنا* *Psciara, nuntius felix est* *بشارة*. *Qala velum na-*
vis, قلعة. qali, frigere, affare, قلي. qam, resurrexit, قام.
qammasa, saltatrix, قماصة. qara, legit *قرا. qara & qargha, cucur-*
bita *قرع. qarahh, mortificavit, iniuriis affecit, coegit invitum* *أكراه*.
qatta, fasciculus, manipulus, قطعة. qbir, grandis, كبير ubi
 hanc addit observationem: *Cabir reputato per dio dagli Anti-*
chi, e da Maltesi per il demonio. *Mur ghand daq el qbir.*
vattene da quel gran demonio. Melitenfes *عند* *من عند* pro
dicunt. *عند* *مر عند* *ذاك الكبير*. *qebrit, sulfur, كبريت. qelp, canis, كلب. qghat sedit*
قعد. De voce *Qoccia* quæ frumentum coctum, item panem
 benedictum notat, habet scitam observationem hanc. „Voce
 „forse lasciata dagli Saraceni e Siri, i quali dicono *Codcia*, da
 „*Cadise*, sacrificiò. Il pane veniva distribuita in chiesa ne
 „funerali de' morti, in suffragio dell' anime loro. Il frumen-
 „to cotto si distribuifce oggi nell' aniversario giorno de' bam-
 „bini. „*qolla, hydriam & verticem significans est Arab. قلعة.*
 In insula Gozo duo sunt promontoria, unum *qolla el baida*
قلعة البضا *promontorium candidum dictum*, alterum *qolla*
e siffra *قلعة الصغرا* *promontorium flavum*, item tertium
qolla el hhamra *قلعة الحمرا* *promontorium rubrum olim ibi*
erat. de *qoton* *قطر* *bombyce vel gossipio notat gossipium*
tirato dalla rodella, da loro chiamata Raddiena [رانة] *appel-*
lari Maghzul, مغزول *cioè filato, & applicato in tele scioqqa.*
[شقة] qronfol *قرنفل* *χαιρόφυλλον*, unde *girosfe. qtiép, li-*
ber *كتاب. qul, comede, كل* *ab* *اكل*. *Rakep monachus, sa-*
cerdos, راهب. Ras caput *رأس. rmied* *رماد* *cineres.*
Romblu est a *ρόμβος, ῥομβάιον*, ludus ille, qui nostratibus
 V v v *Kegel*

Kegel, Gallis *aux quilles* appellatur. Vox itaque Græcæ originis. *Saba*, ventus, præsertim eous, صبا. *Saumi*, jejunium, صوم. *Sabaq*, praeire, سبق. *Safa*, purus, nitidus, limpidus صفي. *Sajet*, piscator, صبيان. *Sajet tal ghafar*, auceps صياد العفاسير. *Saqar*, obice claudere سكري. *Sarra* aut *Effara*, luctare, in imperativo, اصرع aut صرع vel اصطرع. *Satar*, abscondere, ستر. *Sciaghar*, capillus شعر. *Sciehkh*, senex, شيخ. *Sciahkh*, avarus fuit, شح. *Sehmu*, portio eius سهمة. *Seqer* سكير ebrius. *Sequia*, canalis, aquaeductus ساقية. *Sghir*, parvus صغير. *Sidi*, mi domine سيدى. *Sliema*, salutatio, سلامة. *Sliema ghaliqom achua* سلام عليكم *pax vobiscum, fratres. merhhba bigom achua*, bene veneritis fratres, مرحبا بكم اخوة. *Tabria*, vel potius *ta bria*, de deserto, bria enim est البرية. *takap*, perforare cum tono & contentione, ثقف. *ta la haun*, veni huc, تعالي هنا. *ta la haun*, aut طلع هنا. *tarra*, tener, recens, طري item humidus, succidus.

Abstinemus a pluribus excerptis, quum praesentia sufficere possint ad id, quod volumus, obtinendum. Volumus autem specimen dare linguae Melitensis, rei oppido raræ; dein demonstrare, eam metam Arabicam vulgarem esse, cum exigua labe aliarum gentium, quæ insulam hanc cingunt; & cum ea versantur; tandem quoque Arabicæ linguae amantibus & ex Grammatica eam callentibus, exemplis monstrare, quantopere vulgaris Arabice pronuntiandi ratio ab illa distet, quam Grammaticæ inculcant. Tanta autem est ea diversitas, ut mirum non sit, si neque Arabice docti Europæi Arabice pronunciantes Arabes intelligant, neque vicissim ab his intelligantur.

DISSERTATIONES DUAE CRITICAE HISTORICAE, una de XXV. annis Romane Petri cathedrae, adversus utrumque Pagium, altera de actis SS. martyrum Cosmae & Damiani, nec non de monumentis basilicae, ipsis in urbe

urbe erecta. Auctore Fratre BERNARDINO MEZ-
ZADRI, tertii ordinis S. Francisci, Illustrissimo & Ex-
cellentissimo Principi. IO. BAPTISTAE de ALTE-
RIIS, Equiti & Commendatori Hicofoly-
mitano, dicata.

Romæ, excudebat generosus Salomoni, in foro S. Ignatii, anno
iubilæi 1750. superiorum permissu, 4. plag. 15. c. fig. æn.

In I. differt. A. in arenam reducit decantatam illam & toties
tractatam quæstionem, de XXV. a. cathedræ Romanæ Pe-
tri. Ubi enim cl. Auctor sæpius cum amicis disseruisset, de
primordiis ecclesiarum, Ravennatensis, Nepesinæ, Fesulanæ,
Lucentis, Ticinensis, & aliarum, harumque primam originem,
ex *Baronii* sententia, ad discipulos Petri, a. C. 46. ordinatos,
retulisset, eos sibi contradicentes habuit, qui auctoritate utrius-
que *Pagii* ducti, 10. a. ad summum, quos cathedræ Petrus insi-
dens exegerit, supputaverant. Visum igitur est ipsi, *Pagiorum*,
simulque suas rationes proponere, quo lector iudicare possit,
utræ præponderent. *Franc. Pagii* sententiam in breviario
rom. pontif. c. 3. & seqq. exhibitam breviter repetit,
eaque huc erit: Petrum, non imperante *Claudio*, sed Nerone
ad imperii clavum sedente, Romam venisse, quod cum con-
tingerit post a. C. 54. quo Nero imperium adiit, & Petrus
sub eodem, propter causam Christi, mortem violentam subie-
rit, nonnisi 10. a. eidem dandos esse contendit; opinionem
autem, quam *Baluzius* iam proposuerat, de 25. annis a Pe-
tro administrati episcopatus romani, ortum suum ducere a
Lactantio, qui de M. P. c. 2. prædicationi singulorum apostolo-
rum ad Neronis imperium usque, 25. a. adscripserit. Hanc *Pa-
gii* sententiam impugnatur, (1) auctoritatibus, *Irenæi* L. III. c. 3. Pag. 7-9.
Eusebii in chronicis, *Theodoreti* in c. I. ad Rom. aliorumque
adseverantium, Petrum primum evangelii doctrinam Romæ
annuntiasse, & primum pontificem ibidem egisse. Equidem
L. I. Recognitionum adfirmatur, Barnabam prima christianæ
fidei semina Romæ sevisse: sed cum hoc cum temporum
rationibus in concordiam mitti nequeat, & Recognitionum libri
dubiæ sint fidei, adversus *Pagios* ita argumentatur: aut *Bar-
nabam*, aut *Petrum*, romanam ecclesiam instituisse, quæ ante im-
perium

- perium Neronianum florentissima iamdum fuerit. Quorum primum cum diffiteantur, alterum pro certo habendum esse decernit, adeoque Petrum ante Neronis imperium Romam profectum fuisse autumat. (2) Argumentum ducit ex epistola Paulli ad Romanos, ubi clare satis indicetur, coetum Christianorum, ante eius ad urbem accessum, Romæ, & numerosum, & florentem fuisse, c. I. 8. 13. 15. XV. 15. 16. Facessere igitur iubet *Lactantium* de M. P. c. II. qui scribat, *Nerone imperante, Petrum Romam venisse*. Quem ne sibi adversum habeat, adducit sententias illorum, qui libellum hunc *Lactantio* abiudicaverunt; opponit testimonia *Eusebii* & *Hieronymi*; porro, ipsum potuisse primum Petri in urbem ingressum reticendo præterivisse, quale quid etiam in ipsis sacris deprehendatur litteris, quoniam ingressus sub *Claudio* magis fuerit privatus & occultus, ille sub Nerone publicus & illustris; denique hunc memorare, quoniam in eo erat, ut describeret vexationem Neronis, sub quo & Petrus veritatem christianæ religionis sanguine suo obsignavit. Ipsum denique Romæ ante Neronis imperium fuisse, & quidem *Claudio* imperante, probare satagit ex I. Petr. V. 13. ubi per *Babylonem*, ex sententia *Papiae*, *Hieronymi*, *Oecumenii*, *Bedæ*, & multorum aliorum, Romam tropice significari opinatur. Stabilita igitur, uti sibi persuadet, sententia sua, examinare adgreditur obiectiones. Notaverant *Pagii*, ex iis, quæ *Valesius* ad *Eusebium* L. II. c. 16. observaverat, adparere, Petrum, si *Lucam* in apostolorum actibus sequi velimus, anno 2. *Claudii* Romam venire non potuisse: ipse regerit, neque etiam in illis aliquid huic sententiæ adversum haberi, potuisse illum, carcere liberatum, Romam abire, inde *Hierosolymam* regredi, ac primo Concilio *Hierosolymitano* præesse; qui duplex adventus Petri a *Theodoro* L. I. hæret. fabul. agnoscatur, cum dicat,
- 17-19. ipsum rursus venisse, Romam scilicet. Inde infirmare nititur confectarium, quod *Pagii* ex duplici profectione romana duxerant, inde consequi nimirum, etiam duplex Petri cum *Simone*
- 19-21. ne magis certamen statui debere. Tandem inquit, quid censendum sit de sententia illorum, qui XXV. a. Petro in episcopatu romano datos, ex XXV. a. prædicationis apostolorum
21. 22. accessunt. Nullus fere dubitat cl. *Mezzadri*, sententiæ suæ plures

plures esse accessuros, quod innotatur non modo scriptoribus celeberrimis, sed & scripturae sacrae, adeoque solidam habeat veritatem. Sed enim, quantum nos iudicamus, argumenta dudum refutata modo repetiit, ut leguntur apud *Salmasium*, de primatu papae, *Spanhemium* diss. de temere credita Petri in urbem Romam profectio, commentatores *Lactantii*, potissimum *Baluzium* & *Paullum Bauldri*. Est etiam illa ita comparata opinio, ut, nisi quis veritati historicae vim facere velit, ne quidem probabilis reddi queat: quae ratio fuit, cur & ex pontificiorum grege plures viri eruditi, & illi quidem acris ingenii iudiciiue, eam prorsus reiecerint, ex quibus nominare licet *Valesium*, *Baluzium*, *Papebrochium*, *Pagior*. Neque inde, si Petrus munus episcopi Romae 25. administravit annis, ipsorum causae quidquam praesidii accedit. Primatum sedis romanae arcessunt a mandato & constitutione Christi, qui Petrum apostolorum principem declaraverit, eique & successoribus sui loco curam universae ecclesiae demandarit: hoc igitur ius, si unquam datum fuit, adharet cathedrae romanae, etiamsi per exiguum tempus sedi romanae praefuit. Ex verbis *Theodoreti* plus efficit Auctor, quam ex illis secundum iustas ratiocinationis leges sequitur. Verba in ed. Romana 1547. habent: αὐτὸς πάλιν ὁ Θεὸς ἀφικόμενος Πέτρος ἐγύμνωσεν, κ. τ. λ. Sed de adventu Petri in urbem, vel primo, vel secundo, nihil quidquam in antecedentibus aut consequentibus habetur, & sensus planus evadet, si subintelligas verba εἰς πάλιν, Petrum secundo, iterum in certamen cum Simone descendisse. Sed satis de his. Progredimur ad reliqua.

Dissertatio II. duabus absolvitur partibus, quarum prima ea referuntur, quae ad sanctos hos spectant, secunda de templis, sanctis his martyribus Romae consecratis, disceptatur. Prima VII. complectitur capita. C. I. coniunctim exhibet illa, quae apud scriptores antiquiores, ante Saecl. X. de illis repertiuntur; eademque, quo mutua adpareat consensio, cum illis confert, quae in breviario romano habentur. C. II. disceptatur, cum tria eiusdem nominis paria, eiusdem professionis, medici sc. qui religionem christianam, diverso licet tempore, sanguine suo confirmarint, memorentur, quid de illis censendum, & qui factum fuerit, ut templum fratribus gemellis, Arabibus, Romae fuerit excitatum? cum tamen in ora ab ecclesia romana longe distita, nec ad illam spectante, vitam egerint, atque amiserint. C. III. sermo integer encomiasticus *Georgii*, 9-14.

chartophylacis ecclesiæ magnæ constantinopolitanæ, post metropolitæ Nicomediensis, clari sæc. IX. de S. Martyribus Cosma & Damiano, quem latine loquentem fecit *Combesfilius* & *Wagnercebius*, repetitur; quo adpareat, in illo nihil de contentione trium ovorum, nihil de locutione cameli, nihil denique de multitudine parium haberi. Hunc sermonem plurimi facere Combesium, testatur

- Pag. 15-32. Auctor. Verum, si quis illum absque præiudicio attentius legerit, comperiet, inconsideratum panegyristen heroas suos immodicis tollere laudibus, ipsorum virtutes longe anteponeere fidei ac virtutibus Abrahami, ipsi, in cælo versantibus, tantam vim tribuere, ut mala omnis generis a clientibus suis depellere possint, plus etiam dare Mariæ, quam humana conditio, quam tamen nunquam est egressa, patitur. C. IV. disseritur de sanctorum martyrum translationibus. Corpora illorum ex Ægeæ Ciliciæ delata fuisse dicuntur Cyrum, Comagenes metropolin, ibique deposita in templo, sanctis his dicato, quod, cum ruinam minaretur, imperator Iustinianus, ob sanitatem illorum beneficio recuperatam, in ampliorem formam edificasse & exornasse fertur. Inde reliquias circa exitum sæc. XII. sedente Alexandro III. in Gallias deportatas, alii Venetias demissas tradunt: quoniam vero hæ translationes cum temporum rationibus in concordiam redigi nequeunt, probabilius esse conicit, Romam, & quidem iam ante Sæc. VII. devenisse. C. V. cultus illis proprius, ex antiquis missalibus edisseritur. C. VI. nominantur templa illis excitata, in urbe sc. Cyro, Byzantio, Roma, item altaria & sacella, & quæ Ravennæ in templo S. Michaelis effigies Cosmæ & Damiani visitur. C. VII. occupatur in miraculis illorum recensendis, de quibus tempore concilii Nicæni integrum existisse librum memorat, quo patres huius concilii adversus iconomachos usos fuisse indicat, qui forsitan liber perierit, quorundam miraculorum descriptionibus, in codicibus bibliothecæ Vaticanæ, adhuc obviis.
41. 42. Pars II. describit XII. cap. templum, sanctis his Romæ sacratum, & quidem C. I. disseritur de litu & origine illius. In clivo, ante Palatinum montem, iuxta viam sacram est erectum, quod primis Romæ conditoribus constitutum fuisse videtur, inde profana repurgatum superstitione, sanctis his consecratum; quod num factum fuerit a *Felice* II. an IV. qui etiam aliis III. esse putatur, discutitur. Posterior tamen sententia c. II. ex inscriptionibus probabilior redditur, ut hinc consecratio ad sæc. VI. sit referenda. C. III. exponuntur nomina, quibus secuto tempore insignitum fuit. Adpellatum est in *tribus foris*, quia propinquum erat foris Cæsaris, Augusti, & Nervæ; in *silice*, forte a templo, quod Paullus I. Petro & Paulo condidit, in quo, referente *Anastasio*, lapis *siliceus* adservatus fuisse creditur, in quo impressa genuum vestigia, quæ illi in certamine cum Simone mago posuerunt, conspiciantur; porro *basilica diaconalis in foro romano*; denique *prope*
- 52-54. *templum pacis*, quoniam illi quasi coniunctum. De muneribus in illud

illud, successu temporis a pontificibus collatis, honoribus item, quibus idem mastraverunt, processionibus denique ad illud institutis, sermo sit C. IV. Cultus templi huius concessus est Fratribus Pag. 55-59. religionis ordinis S. Francisci, quod ostenditur c. V. Templum, 59-60. vetustate labefactum, Urbanus VIII. in eam reduxit formam, qua in praesentia conspicitur, atque aræ maiori beneficiunt indulgentiarum est elargitus C. VI. Ornamenta altaris, eiusdem 61-62. que effigies delineantur C. VII. ac earundem explicationes adiunguntur; quæ imagines tabulis æneis repræsentantur. Reliqua 62-66. ornamenta, quæ interiorē huius templi partem splendidiorem reddunt, itemque sacella, describuntur, & inscriptiones quædam 67-71. referuntur. Altaria, imagines, & inscriptiones, quæ in loco templi huius inferiori, seu ecclesia subterranea, animadvertuntur, describuntur & exhibentur C. IX. De indulgentiis, multa munificentia huic templo concessis, verba facit C. X. de reliquiis, quæ partim in vase capaciōri, partim in aliis capsulis & urnis adservantur, C. XI. Tandem C. XII. ordine diaconi omnes, qui huic templo præfuerunt, quique dignitate cardinalitia eminuerunt, inde ab a. 1106. ad præsens ævum, sollicitè enumerantur. 81-88.

NOVA LITTERARIA.

ELISABETA AUGUSTA, Scientiarum atque Artium Promotrix, Optima, Maxima, in legibus Academiæ Imperialis Petropolitanae, a Se instaurata, clementissime prudentissimeque iussit, ut Praefes publicari quotannis curet problema erudito orbi solvendum, praemio centum aureorum proposito illi, qui feliciorē prae caeteris solutionem illius argumenti exhibuerit. Huic munificentiae, Scientiarum incremento insigniter profuturæ, ea, qua solet, solertia respondens Excellentissimus Academiae Praefes, Praepotens minoris Russiae Hetmanus, AUGUSTAE Camerarius ordinarius, Legionis Praetorianae Ismailovicae Protribunus, Ordinum Equestrum S. Andreae, Aquilae albae, S. Alexandri & S. Annae Eques, CYRILLUS COMES A RASUMOWSKI, post adiudicata superiori anno duo praemia, duas iterum quaestiones curavit proponi, has nempe:

In annum cło lccc lvi.

Quaenam sit causa proxima mutans corpus foetus, non inatris gravidæ, huius mente a causa quacunque violentiori commota, Et quidem, cur id fiat in ea parte corpusculi foetus, ad quam in suo corpore mater manum adplicuit? Ubi illorum quoque cogitata ad certamen de praemio admittentur, qui contrariae sententiae adducti argumenta verosimilia in medium proferent.

In

In annum clb lccc lvii.

Motus diurnos planetarum circum axes proprios, inprimis Veneris vertiginem, cuius commodissime determinandae copiam annus 1756. facit, accuratius observare; Et inconcussis observationibus, iisque novis, una cum positione aequatorum, demonstrare atque definire.

Nunc autem, eiusdem Excellentissimi Praesidis auctoritate, Academia declarat, quod ex plurimis de priori quaestione ad se misissis dissertationibus, unam selegit praemio statuto centum aureorum condecorandam. Quae cum in fronte gerat lemma: *Oscitante uno, oscitat Et alter*; auctoris nomen & conditio, post resignatam publice schedulam, sub eodem lemmate dissertationi additam, ita patent: *Carolus Christianus Krause, Phil. & Med. D. in Acad. Lipsiensi.* Quoniam autem in hac dissertatione, affirmativa quaestionis pars, originem mutationum in foetu ab imaginatione materna repetens, stabilitur: non ingratam eruditae operam se praestituram Academia arbitrat, dum unam quoque ex iis, quae negativam defendunt, sibi quidem optimam visam, simul typis curabit exscribi. Hec lemma adscriptum habet: *Nunquam natura aliud docuit, aliud experientia*, eiusque, ut ex addita schedula cognoscitur, auctor est D. Io. Georg. Roederer, Med. & Anat. Prof. in Acad. Georgia Augusta.

In annum clb lccc lviii. proponitur quaestio:

1. *Qua praerogativa constent magnetes artificiales prae naturalibus?*
2. *Quae sit optima eos conscribendi methodus?*
3. *Utrum phaenomena nova per magnetes artificiales detecta theoriae magneticae adhuc propositae satisfaciant? si minus, ut quis novam eorum phaenomenorum explicationem suppeditet.*

pro cuius solutione optima, praemium centum aureorum promittitur, sub iisdem conditionibus, quae adhuc obtinebunt. Invitantur ergo omnium gentium Viri docti, ut aequae de hac, ac de proposita in annum clb lccc lvii. quaestione, cogitata sua atque observata ante diem I. Iunii cuiusque anni cum Academia communicare velint. Publicatum *Petroli*, in conventu Academiae sollemni, die vi. Septembris, clb lccc lvi.



NOVA ACTA ERUDITORUM,

publicata Lipsiæ

Calendis Septembris Anno MDCCLVI.

Pars II.

METHODUS IURISPRUDENTIAE EX PROPRIIS & peregrinis iuribus Germaniæ receptæ, aliquibus monumentis anecdotis illustrata, cum indicibus suis commodis. Opus HENRICI CHRISTIANI BARONIS de SENCKENBERG, Consil.

Imper. Aulici.

Francof. ad Moenum, ap. Varrentrappium, 1756.

pag. 32. in 4.

Hod ego opus esse iuris studioſo nemo negaverit. Nec defunt, qui viam monſtrare conati ſunt ſcriptis de Methodo libellis: ſed coeci coccos ducunt, aut per ambages ſalebrosas ac devia ad ſcopum tendunt, aut quod ſulliceret non præſtant. Plenius rem tractat ill. Auctor. Præſatione & capitibus quatuor opus abſolvitur. Illa inſtituti rationem reddit, atque adoleſcentes futuros Ictos, quibus imbui a puero iuvet, exponit. Hauſtis ſcilicet legendi literasque pingendi arte, patriæ, Latine, Græcæ, linguarum, Theologiæ etiam rudimentis, anno ætatis octavo Hiſtoriam catholicam; nono Hiſtoriam præcipue Romanam; decimo eadem quidem, ſed non grammatice tantum, potius philoſophice, inprimis autem ethice ac politice repetita prælectione; undecimo ex Scriptoribus Romanis potioribus, ea quæ ad Rhetoricen, eius genus iudiciale potiſſimum, ſpectant, ſimilia; duode.

X x x

duodecimo, Poetica resque gestas Germanorum; decimo tertio Historiam Ecclesiasticam & literariam eos doceri fas esset.

Capite primo generaliter de Methodo Iurisprudentiæ Germanicæ discendæ præcipit. Anno ætatis decimo quarto ad Præcognita & Adminicula Iurisprudentiæ accedat adolescens. Est autem ius, quo utimur, Germanicum, adfatis licet peregrinis haud paucis laciniis. Hæc enim Germanica fuerunt donata civitate, & frustra sunt, qui Quirites nos effe-ctos ridiculo errore contendunt. Potest nihilominus Ius nostrum distingui in triplex: a) Iustinianæum nempe, cui accedit Longobardicum, b) Canonicum, & c) Germanis patrium. Singula ex suis haurienda fontibus, secus ac faciunt suadentque Usuum Modernorum confarcinatores. Futuro Icto opus est 1). *Præcognitis & Adminiculis Iuris*, de quibus Auctor Capite II. 2). *ratione iuris discendi*, de quo Cap. III. 3). *modo reliqua agendi & iurisprudentiam adpli-candi*, de quo Cap. IV.

Ad Præcognita & Adminicula referuntur: 1). Historia literaria Præcognitorum Iurisprudentiæ, comparanda le-ctione librorum eam exponentium, etiam catalogorum, Ephe-meridum eruditarum, bibliothecarum & bibliopoliorum frequentatione, colloquiis cum eruditis, cet. 2) Studia, quæ humaniora vocantur, quo spectant artes Heraldica, Thea-trica, pictoria, Grammatica, Rhetorica, oratoria, Poe-sis, Critica, linguæ Italica, Gallica, Anglica, Germanica vetus & hodierna, Græca, Latina casta & barbara. 3) Phi-losophia, & instrumentalis quidem cum theoretica vel saltem vulgari via persequenda; practica diligentius tractanda, præ-ferentim Politica: Ius Nat. ex Pufend. Off. aut Schmausio dis-cendum forte. Ius Publ. Univ. nomen insectum adpellat Ill. Auctor; rem negat, eique Politicæ Architectonicam substituit. 4) Historia civilis & ecclesiastica, & civilis qui-dem Græca, Romana, & Germanica: hæc amplissimo studio indaganda. In Historia Eccl. singularum Ecclesiarum Ger-manicarum origines, & fata, diligenter eruenda. Nec insuper habendæ Antiquitates, sive civiles, sive sacrorum.

Tertio

Tertio capite, initio, de iuris studio generaliter, ac deinde sectionibus VI de iure Iustiniano, Canonico, Germanico privato, Feudali, Germanico publico, & de institutione ad praxin, ordine præcipitur eo, quo hæc fere in Academicis disci solent. Non quod probetur Auctori; multa enim contra monet: sed quod hæc uno impetu corrigi nequeunt. Initium studii iuris faciendum ab Historia iuris, quæ tripartita: Iuris ipsius five Legum, dein Iurisprudentiæ, ac tandem exercitii Iurisprudentiæ, five ordinis negotiorum civilium gerendorum. Ius ipsum univrsum discendum systemate uno, aut, si occasio desit, via trita. Institutionibus Iustinianæis surrogandum censet Auctor Ill. *Corpus Legum*, cui minimum Iustini II, Aug. & Longobardorum temporibus in Italia legis fuerit auctoritas. Editum illud ab Auctore Francof. & Lipsi. 1734. in 4. Quoad lectiones in Pandectas placet Methodus Paratitularis, sed magis placet tamen Methodus naturalis, qua iam multi satis DD. ambitum Iuris Iustiniani tradere allaborarunt. Ius Canonicum pariter simili methodo naturali potius, quam ex ordine Decretalium, addiscendum. Negliguntur male iura Ecclesiæ Germanicæ pecuniaria, eaque tum Publicatum Privata, Catholicorum & Evangelicorum. Ius Germanicum privatum diu sepultum, nunc reviviscere, artusque denuo movere incipit. Fontes eius hic indicantur perspicue. Dividendum illud in Universale & Particulare. Nec differt ab hoc Ius principum Germaniæ privatum, quod primus fabricavit Gribnerus. Desideratur Corpus Iuris Germanici Privati, quod si concinnaretur, divitiæ nostræ adeo forent conspicuæ, ut alienis diutius vivere nemo facile cuperet. Ipsa interpretamenta prudentum nostrorum, & rerum iudicatarum auctoritas, quam miseris etiam rationibus fulsiantur, ut plurimum tamen sunt soboles legitima Iuris Germanici, quæ passim oberrando matrem delitescentem quæsitat anxia. Iura Feudorum ex Longobardicis & Germanicis sunt conflata. Longobardicis hodie fere illustrationis saltém loco utimur, nec disparitas ulla inter *Capitula Ordinaria* & *Extraordinaria* statuenda. In studio Iuris

Germ. Publ. iuventus mature ad fontes ducenda, nec insuper habendum Ius Publicum particulare *Territoriorum*.

Praxis Iuris, docendo, scribendo, causis agendis, consulendo & respondendo, iudicando, negotiis in *Cancellaria* aut legationibus agendis, fere absolvitur. De singulis quædam monet Auctor.

Capite quarto melioris cultus causa commendantur Collegia disputatoria, examinatoria, peregrinationes Academicæ, conversatio cum viris eruditis, commercium epistolicum, peregrinationes, collectiones Actorum, Diplomatum, cet. Si bene præparatus ad Iuris studium accesseris, Auctor suadet, ut primum quidem annum Præcognitis & Adminiculis, secundum Iustiniano & Canonico Iuribus, tertium Iuri Germanico, Privato, Feudali, quartum preparationi ad praxin, & quintum denum perpoliendæ arti legitimæ impendas.

In notis continuis, auctores cuiusvis disciplinæ ac quæstionis præstantissimi larga feruntur manu, passimque observationes rariores occurrunt. Placet & nervosum, strictum, ac masculinum dicendi genus.

Nitido huic opusculo subiiciuntur Excursus sex, silentio nequaquam premendi. Primus inscribitur: *Notitia Iuris literaria, brevissima Et selecta, ut Et de officio Auctoris*. Dissertitur initio de necessitate cognitionis librorum, modisque eius acquirendæ. Libri vero distinguuntur in 1) Generales, 2) speciales & singulares, 3) subsidiarios, 4) Voluptuarios, & Collectiones MSS. Ad subsidiarios referuntur a) fontes Iuris, b) Acta publica, c) Diplomata, d) Lexica, e) Consilia, Responsa, Decisiones, f) Observationes, Epistolæ, Ephemerides eruditorum, g) Disputationes & Deductiones, h) Opera, eorumque Collectiones. Copiæ hic educuntur Auctorum, addita plerumque crisi aut nota, monstrato item potiori usu. Sectio posterior de officiis auctoris exponit. Monita præcipua huc redeunt, ut auctor famæ consulat decenter, libertate sentiendi utatur, nec temere nec timide, lectoris simul & bibliopolæ habeat rationem. Optat Ill. Auctor, ut

cen-

censores publici librorum constituantur docti, ac sapientes. Theologos vero hinc abesse iubet.

Appendix II. est *de Methodicis Iuris Scriptoribus*. Ius in artem redigi posse, Auctor nullus dubitat. De methodo si quæras, naturalem identidem laudat. Præstitum id olim in *Corpore Legum*, de quo & supra, Referuntur huc Guil. Duranti Speculum, Rogerii Magistri Wacarii Libri IX., Sebastiani Derreri Iurisprudentia, Io. Bodini Iuris universi distributio in Tabulas, Tengleri, Brantii, Gobleri conatus. Secuti hos multi, qui aut Ius Iustinianicum solum, aut simul Ius Germanicum, aut aliud Positivum Privatum, aut Canonicum, aut Feudale, aut Publicum Germaniæ, aut denique omnia hæc Iura Positiva simul, tractarunt, & in unum, quod vocant, systema coegerunt. Recenset hic Auctor omnes, quos in scriptis habet suis. Cum tamen nemo adhuc arcem expugnasse ipsi videatur, subiungit distributionem Systematis Iuris Universi, quod in quatuor Dissertationes Præliminæres, & Libros V. partitus est. Horum primus de Personarum, secundus de Rerum, tertius de Obligationum, quartus de Successionum iure, ac quintus tandem de ordine administrandi exequendique res Iuridicas, inscribitur. Singuli libri in Partes, & hæ in capita seinduntur. Hoc ordine, uno & opere, exponi ac comprehendendi optat, quicquid in publicis & privatis, aut etiam sacris, apud Germanos vim legis obtinet. Ad calcem Pufendorffii institutum perstringitur, utpote qui operis sui libris VI. prioribus systema Iuris Civilis Romani, posterioribus vero Politicam Architectonicam potius, quam Ius Naturæ & Gentium, tradiderit. Locus lectu dignissimus.

Tertia digressio est *de receptione Iuris Romani in Italia & Germania*, eique accedunt *Chartæ anecdotæ octo*. Hæc tractatio, an plura huedum vix non ignorata exhibeat, an potius perperam admissa proferibat, difficile est dictu. Hinc maxime commendanda est iis, quibus Iura mediæ ævi curæ cordique sunt. Absolvitur introductione, ac Sectionibus tribus.

Accepimus ab Italis Ius Iustinianicum, summo quidem nostro malo. Hinc enim Doctorum factio rempublicam inva-

fit, omnem fere iuris condendi ac dicendi potestatem rapiens ad se: mos maiorum proscriptus, eiusque adfectores diris fere devoti: scilicet crumena illi consultum ibant fuisse. Medicinam parabat Maximilianus I. Aug. sed fero. Destitutum se videbat viris, qui id agerent: creverat litium multitudo: confusa iam erant iura patria cum peregrinis, neutra intellecta satis: utrisque vis facta: mirabatur orbis Germanicus, se Romanum factum esse. Inde multi cordati ius istud patria nostra exturbatum iverunt; ausu tamen imprudenti, immo temerario: admissus & receptus est hospes in civitatem, & probatus palam. Quis cum nunc sine fraude depellat loco? Ferendus itaque, sed sic observandus, ut ne ultra fas & rationem dominetur. Hæc Introductio perorat.

Sectione prima ostenditur: *Ius Romanum Iustinianæum, semper a Iustiniano inde usque ad Lotharium II. vel III. Imperatorem Italie esse excultum.* Probatur id per partes, & argumentis haud poenitendis. Iustinianus, subacta Italia, ius suum in eam apud Romanos & Gothos introduxit: Longobardi succedentes veteribus illud reliquerunt colonis. Errant, qui sub *Lege Romana* Theodosii Codicem intellectum volunt. Contrarium probant Codices & Chartæ istius avi, utpote in quibus codicis Theod. nulla, Institutionum contra, Digestorum, Novellarum Iustiniani, non rara mentio. Fuit autem Longobardis *Lex Romana brevata & contracta*, eaque, ut videtur, nec ab exemplari Institutionum ad Mare Balticum invento, nec a *Corpore Legum* iam laudato, diversa. Carolus M. nihil in iure privato Italorum mutavit, immo potius illud æque ac posteri eius studiose servavit. Ottones similiter iura liquerunt intacta, immo forte Academiam Iuris Iustiniani Ravennæ habuerunt. Henricus S. iisdem usus fuit rationibus. Conradus III. Romanis usum iuris istius iniunxit plane Seculo XIII. Dein Longobardicarum legum usus rarior factus, crebrior tanto Romanarum, cum & præcipue Pontifices his velificarent.

Sectione II. probatur: *nec Lotharii, nec sequiorum Imperatorum tempora, Italiae aliud quid tulisse, nisi id, ut ex moribus antiquis*

antiquis, sine nova lege, Ius Romanum Clericis & fisci iuribus applicaretur, in ceteris autem esset fere subsidii loco. Ius Rom. itaque tunc saltem consuetudinis vim habebat. Nec Lotharius istud diserte confirmavit, qui tamen Bononiensium Academiam privilegiis ornavit. Mox vero, privata Doctorum solertia, docendi ratio mutata, locoque *Corporis Legum*, ipsæ Iustiniani leges prælegi coeptæ. Nec fabulæ de Pandectarum Amaliphitana inventione quicquam veri inest. Conradus III. Aug. una cum Pontificibus sui temporis, Academiæ & Ictorum Bononiensium celebritatem mirifice adauxit. De Friderici I. in promovendo huius iuris cultu & usu constat satis. Ast non poterat ille, etsi voluisset, salvis pactis, iura mutare Italici usu probata. Immo invalescente magis magisque Iuris Rom. auctoritate, Itali ægrius id ferentes, patriisque iuribus metuentes, hæc scripta facere, statutaque, quæ dicuntur, coeperunt condere. Mansit tamen Iuris Rom. usus, sed subsidiarius. Cum & Henricus VI. Otto IV. & Frider. II. tutelam illi præstarent suam, evenit, ut brevi per totam doceretur Italia. Eadem ætate & Glossa publice fuit probata, populo saltem Bononiensium; & Iura Feudorum collecta, nec tamen, ut opinantur quidam, a Friderico II. confirmata.

Tertia Sectione demonstratur, luculentius quam adhuc factum, *Receptionem Iuris Iustiniani in Germania, post interregnum inprimis, sensim sensimque per partes contigisse, nulla unquam publica lege, sed quasi in subsidium.* Volunt plurimi, ait Auctor, hoc Ius a Friderici II. ævo inde receptum, & varia legum & Diplomatum loca allegant- ... Generalem vero regulam constituo, quæ hæc est: si nos, ut id omnis rerum gestarum series docet, libera voluntate, Italorum ductu, Iustinianea sensim sensimque receperimus, nos non peiore, atque illi sint, loco esse posse. Hi vero ita receperunt, ut patria instituta sibi salva vellent, istaque præferrentur: ergo & nos Romanum ergo Ius, subsidiarium tantum, idque in casibus habitibus, ubi mores patrii non supersunt.

Ante, & per Carolidarum tempora, nihil nobis rei cum
Roma-

Romanis, ne cum Codice Th. quidem fuit. Loca ideo conferribillata ad Galliam saltim spectant. Seculis XIII. & XIV. floreculi & locutiones Iuris Roma ii quidem sepe occurrunt, sed verbis istis Romanis, res & iura Germanica induta fuere a Notariis & Legistis in Italia enutritis, indeque advenis. Sic v. c. *auxilium Iuris Canonici & civilis* non aliud tum significant, quam *Forum Ecclesiasticum & Civile*. *Ius Civile* & nonnunquam denotat *Iudicium oppidanum* (*Stadtgericht*), prout *Plebesitum* notat *Iudicium Provinciale* (*Landgericht*). Ita & Nobilitas Superior & Inferior Quiritium nomine venit. Usus potius continuus fuit Iuris Cæsarei, scilicet nostri, & utriusque Speculi, Alemannici & Saxonici, quæ utique Ius nostrum commune continent, additis saltim differentiis quibusdam Saxonis & Suevicis. Hinc & Constitutiones Rudolphi I. Alberti, & Ludovici IV. hisce speculis insertæ aut subiectæ, iussu quidem Imperatorum, notanter Friderici II. Videntur autem ista Specula longe antiquiora esse ac vulgo creditur, immo & publice probata, licet postea interpolata passim. Carolus IV. is est, cui Ius Romanum plurimum debet. Tunc enim Iustinianus, antecessor in imperio nominatus, tunc demum eius Ius Cæsareum vulgo dici coepit, tunc Academiæ conditæ, in iisque Doctores Iustiniani constituti. Et Clerici de opprimendo iure patrio haud parum cogitarunt, nec tamen in eo multum profecere. Mansit iuri patrii suus honos, mansit & usus eius in foro, pernegatus licet in cathedra. Nec Maximilianus I. Ius Romanum lege introduxit: nec Fridericus III. ei iuri nãmium est patrociniatus. Manserunt ergo Iura nostra hætenus salva, adscitis in subsidium saltim Romanis, quod & chartis additis illustratur, quippe quæ usum iuris patrii eius ævi, quo scriptæ quæque sunt, abunde evincunt. Sunt autem sequentes:

I. *Programma Uberti de Lampamiano, qui primus Iuris publici capita aliqua in Germania praelegit, de Lectionibus suis, & quibusdam capitibus Iuris Publici. Pragae 1580.*

II. *Ex Authentico: Urthel des Kayserl. Hofgerichts, in Sachen Heinrichs und Johann Meinhards, Grafen zu Gortz, und Johann*

Johann Burggrafen zu Maidburg oder Magdeburg, die Herrschaft Kirchberg betreffend, de anno 1315.

III. *Ex orig. perg. Sigismundus Processum criminum, Weisenburgi in Norica, ex Jure Germanico tum consueto in meliorem formam restituit. A. 1431.*

IV. *Ab Auth. Sigismundus Senatui Knaufourano, adversus facinoris suspectos, siue omni ulteriori inquisitione, iuramento Senatorum praevio, ad poenam mortis, uult corporis adflictivam, procedere statim permittit A. 1418.*

V. *Ab orig. Albertus II. Ratisbonensium in gratiam, proscriptionem, cui a iudicio Provinciali Norico innodati erant, dissolvit. 1439.*

VI. *Ex orig. perg. Fridericus Imperator in Iudicio suo camerali de lite quadam per interlocutoriam decernit, 1457.*

VII. *Ab origin. chartaceo. Praefectus Weisenburgensis per Maximilianum I. in causis Capitalibus iis adstringitur, quae Norimbergae consuetudinis morisque sunt, 1512.*

VIII. *Venditio pagi Tengenhausen per Senatum Ulmensem 1512. facta, ubi sollemnis traditio, & reliqua omnia Germanica, non nisi renuntiatione unius Exceptionis Romanae admixta, & vi simul reservata propria.*

Quarta additio inscribitur: *Maestas Imperii, & libertas Nationis Germanicae in sacris, subiuncto Codice Probationum, omnis aevi memoriam conservante, cum figuris aeneis, addita introductione, & Bibliotheca scriptorum Maestatis ac Libertatis, annexis Indicibus plenissimis.*

Sequitur conspectus totius operis, quod elaborandum sibi proposuit illustr. Auctor, & libris VI. absolvendum: quorum primus introductionem generalem, secundus iura totius Ecclesiae Germanicae, tertius iura Imperatoris circa sacra Privativa, quartus iura Territoriorum Germaniae, quintus iura Pontificis reservata, eiusque obligationes, & sextus ius & Interesse Dissidentium a fide Catholica, circa conservationem iurium Ecclesiae Germanicae, exhibebit. Hunc conspectum excipit praefationis pars prior, ubi Auctor scopum lucidius exponit suum. Scilicet conqueritur, iura Ecclesiae Germanicae a nemine adhuc pro dignitate, aut iusto, systema-

te fuisse exposita. Præstitisse tamen Protestantes plus quam Catholicos. Se vero hunc supplendum sibi sumxisse defectum. Peccatum fuisse hætenus utrinque, Catholicis Pontifici, Protestantibus Principibus suis, in sacris tribuentibus nimis. Oportere esse caput Ecclesiæ, & esse vero legitimum successorem Petri ac Vicarium Christi Pontificem Romanum. Hunc semper æquum se Christianis populis ac principibus præstitisse, nisi quid per temporum iniuriam factum. Nec vero esse illicitum, iura imperii ac Sacerdotii trutinare. In latissima hac provincia, & Populi, & Maiestatis, & Pontificis iura in concordiam esse redigenda. Pontificem patris universalis, Reges filiorum: illum solis, Imperatorem lunæ loco non inepte haberi. Præsidia huius Iurisprudentiæ varia colligenda & adhibenda. Nec negligenda esse adminicula, ex rebus gestis vicinorum regnorum, præsertim Franco-Gallicis, petenda. Esse enim Christianis systema quoddam rerum publicarum, quod Monarchiam systematicam dicas. Laudandos Imperatores libertatis studiosos, venerandos Pontifices, iis optimo sensu, etiamsi forte non rite obnitos. Non alium regnis, nisi privilegii, in sacris esse titulum. Ceterum operi subicietur Codex Probationum, iuxta seriem capitum ac rerum concinnatus, & index, qui Lexici ac Glossarii vicem sustinebit. Librorum selectus præfaminis partem alteram constituet. Non est dissimulandum, Auctorem Pontificiorum causam hic agere tanto studio, ut nequeat quiscunque demum maiore.

Appendice V. Auctor disserit de Corpore Iuris Germanici a se edendo, cuius rei consilium tamen mutatum ex parte fuit. Exponit autem hic amplius 1) de Iure Cæsareo Germanico, eiusque Codices, originem, auctoritatem, et usum, luci restituit. Mirandum sane, hæc tanta fuisse vix non ignorata, semperque fide bona creditum, non aliud quam Iustinianum nobis esse Ius Cæsareum: 2) de Speculo Alemannico quædam singularia adfert: 3) de Speculo Saxonico, Weichbildo, Cautela, Premitz & Glossa, quæ itidem editurus erat, nisi Grupenii labor a consilio dimovisset: 4) de ordine iudiciorum Germanicorum, descripto libellis binis *Richtstig* dictis,

dictis, quorum alter ad civiles, alter ad feudales spectat causas: 5) de Iure Bavarico, tum provinciali, tum oppidano: 6) de Codice Regularum Iuris Germanici, qui est seculi XIV. item de codice verborum iuris Germanici significationem sistente, & Luneburgi seculo XV. confecto. Tandem promittit editionem Iuris illius Cæsarei Germanici, nec non Ordinationum Iudiciorum mediæ ævi: quod opus omnes eruditi Germaniæ cives sine dubio cum plausu excipient.

Excursus VI. exhibet Supplementa ad Historiam Iuris Publici (Germ.), eiusque Iurisprudentiæ. Accedunt Chartæ anecdote tres. Breve hic Auctor sistit historiam iuris nostri publici, ita quidem, ut non nisi singularia, eaque per lancem quasi saturam, depromat, viam tamen simul monstret, aliis amplius in eo negotio versaturis ineundam. Indigitat facta publica, leges, ordinem rerum publice gerendarum, rerum gestarum monumenta, claros auctores, modum iuris discendi docendique, familias Ictorum recentiorum, & id genus alia. Periodos constituit sex, quarum prima est a Carolo M. ad Henricum III: secunda ab Henrico IV. ad Henricum VII: tertia ab hoc usque ad obitum Friderici III: quarta a Maxim. I. ad Maxim. II: quinta a Rudolpho II, ad initia Ferdinandi III: & sexta a pace Westphal. ad nostra usque tempora. Literæ anecdote subiectæ inscribuntur:

I. *Ex Auth. Ludovicus IV. Rex Romanorum, Friderici Severi sociæ, Filiae suæ Mechtildi, dotem X. Mill. Marc. argenti, ex bonis Imperii, pro observantia dicat, 1323.*

II. *Ex Auth. Mandatum ad Muhlhusinos & Northusinos, quibus ius dotandi filias ex bonis Imperii pluribus explicat, & ut pignori se submittant iubet, 1329.*

III. *Ex Auth. Ludovicus IV, Friderico Severo X. Millia Marcarum, dotis nomine, in Muhlhusa & Northusa assignata, & pignore ulterius stabilita, denuo auctoritate Imperatoria confirmat, 1329.*

Ad calcem leguntur hæc verba: NB. Diese Briefe sind in neueren Zeiten durch den Probst des Augustiner Klosters in Leih-zig vidimirer worden, und liegen noch so zu Weimar.

A SET OF ANATOMICAL TABLES &c.

i. e.

*FASCICULUS TABULARUM ANATOMICA-
rum cum explicationibus, & epitome praxeos artis obste-
triciae, una cum conspectibus ad illustrandum tractatum
huius materiae & collectionem casuum spectantibus, editis
per WILLHELMUM SMELLIE M. D.*

Londini, 1754. plag. 61. icones 31. in fol. reg.

Quo maioris momenti est natalibus hominum prospicere, eo plus laudis merentur, qui artem obstetriciam ad summum, qui concipi potest, perspicuitatis gradum evehunt. Inter hos facile princeps est *Clar. Auctor*, qui, cum ætatem in isthoc negotio, quod partum procurat, transegisset, doctrinæ illius, quam tanto cum studio excoluit, expositionem uberiolem dare in animum induxit. Namque, cum iam artis obstetriciæ theoriam & praxin duobus voluminibus anno 1752. edidisset, tertium propediem editurus, ea quæ ante magna cum cura descripsit, nunc iconibus illustrat. Triginta novem imaginibus, iustam, quæ a natura est, magnitudinem sistentibus, artem universam illustravit. Facilius enim est, cuiusmodi res oculis usurpare, quam legendo percipere. Laudantur artifices, qui auctorem adiuverunt; namque, quotquot tabularum vel a claro *Rynsdykio*, vel *Campero* Professore Medicinæ in Academia, quæ Franequæræ Frieslandiæ est, delineatæ fuerunt, has æri insculpsit Crignionus.

Tab. I. sistit pelvis femineæ compagem totam, una cum V. vertebribus lumbaribus.

Tab. II. Pelvis eadem ad perpendicularum dissecta, divisæ una vertebribus, ossæ sacro, & ossæ coccygis, ostenditur:

Tab. III. Pelvis habetur, cuius ossa distorta sunt, additurque in expositione, quam plena periculi res sit, viam partus hoc modo impediri.

Tab. IV. Pinguntur muliebria femineæ, cuius uterus est vacuus, ea facie ut perinæum sistatur.

Tab.

Tab. V. Ad horizontem divisa pelvis est, quæ uterum vacuum in situ naturali, cum simbris & ovariis, sistit.

Tab. VI. Segmentum utero, qui altero mense gravidus est, ablatum fuit; qua icone habetur & embryo eiusdem ætatis, simul & substantiæ aut parietis uteri augmentum, pro ratione incrementi foetus, sistitur.

Tab. VII. Exhibetur uterus gravidus, uti sexto vel septimo mense in cadavere visus est, qua ratione ille ultra pelvis marginem multum eminet, & intestina in utrumque latus dimovit.

Tab. VIII. Ille ipse uterus apertus, cum foetu, placenta, & funiculo ostenditur, & una ostii uterini mensura atque eminentia, qualis illa ætate esse potest, depingitur.

Tab. IX. Habet dissectum uterum, cui foetus inest octavum vel nonum mensem agens. Observamus hic, quod Auctor ubique, cum foetuum naturalem situm sistit, caput declive & ostio uterino propius exhibuit. Hac icone, ostii uterini apex iam maiorem partem deletus est.

Tab. X. Gemelli apparent, quorum cuique sua placenta est, altero caput, altero pedes prope ostium uteri habente: una ostenditur ostium, quale prope a partu solet, planum, subapertum, aquis in folliculum collectis, rupturæ proximis, esse.

Tab. XI. Uterus ita sistitur, ut chorion una cum placenta in toto suo appareat ambitu, nondum ruptum & aquis distentum, transparente simul amnio.

Tab. XII. Uteri iam ad partum laborantis diversus diameter exhibetur; namque ille eandem amplitudinem non servat, sed pro eo ac caput infantis plus descendit, ita quoque ille, aquis ad uteri ostium ruentibus, versus axin suæ capacitatis plus nititur, suamque rotunditatem plus amittit.

Tab. XIII. & XIV. Eadem mutatio, qualis proxima ad partum est, ruptis iam aquis, delineatur.

Tab. XV. Ostendit puerperam ea facie, qua perinæum conspici potest, apparetque caput foetus suo vertice prominens.

Tab. XVI. Exhibet partum difficilem, qui forcipe ad utramque aurem infantilis capitis applicato iuvatur.

Tab. XVII. Eundem laborem sistit ductibus linearibus.

Tab. XVIII. Forcispis Smelliani effectum depingit in caput infantis, quando illud faciem versus os coccygis directam habet.

Tab. XIX. Ille ipse labor linearibus ductibus depingitur.

Tab. XX. Exhibet partum difficilem, cum occiput infantis intra Sacri curvaturam, frons autem prope os pubis, sistitur.

Tab. XXI. Laborem sistit forcispis, quando caput foetus in oblongam compressum est formam, oportetque caput versus ossis sacri curvaturam reprimi.

Tab. XXII. Depingit foetus caput ita collocatum, ut occultetur fonticulus, toto foetu in latus procumbente, ut, nisi pedes arripi possint, forcipe opus sit.

Tab. XXIII. Ostendit foetum, cuius corpori uterus, effusis antea aquis omnibus, proxime accumbit, funis autem umbilicalis foetui circa iugulum contortus est.

Tab. XXIV. Ostenditur foetus, capite prægrandi, qui tota facie sua ostium intercludit, forcipe iuvandus.

Tab. XXV. Depingitur partus laboriosus, quo mentum foetus ossi sacro, vertex ossi pubis, innititur, aquæ autem elapsæ vias siccas effecerunt.

Tab. XXVI. Ille ipse situs, cum forcispis usu.

Tab. XXVII. & XXVIII. Distortæ pelvis, uti partus difficilis causâ, exempla proponuntur.

Tab. XXIX. Foetus clunibus ad ostium est, funiculus autem circa iugulum, brachia & dorsum cum nodo versus est.

Tab. XXX. Habetur foetus clunibus imminens, aut supinus.

Tab. XXXI. Foetus pedem & manum exserit de ostio, ipse transversim iacens.

Tab. XXXII. Foetus dorsum ostio obliquit, sinistro brachio exserto.

Tab.

Tab. XXXIII. Abdomen foetus præ ostio iacet, propendente funiculo.

Tab. XXXIV. Pectus, cervix, & scapula sinistri lateris, ante ostium sunt.

Tab. XXXV. Postquam foetus toto corpore natus est, qua ratione caput parum obsequiosum forcipe longiusculo curvo iuvandum sit, explicat.

Tab. XXXVI. Ostendit modos, quibus caput avulsum, in utero remanens, educendum sit unco defixo intra fonticulum. Notari hic oportet, utrum eousque in se contractum tunc esse, ut ille inter se & caput nihil sinat interesse spatii.

Tab. XXXVII. Depingit instrumenta in partibus laboriosis utilia, forcipes scilicet; accedit uncus, cuius alter finis angustior, alter plenior est, abortui educendo commodus.

Tab. XXXVIII. Sistitur instrumentum flexile ex balena, quod est specillum lineo involuero obductum, ad arripienda capita loco forcipis, accedunt catheteres seminei cum pefariis.

Tab. XXXIX. Ostendit uncus, tam solitarius, quam coniugatus, si quando caput infantis obest, quo minus pedes inveniri possint, aut illud aperiendum & cerebrum educendum est; accedit forfex, cuius usus ad calvam aperiendam tunc est, ubi pelvis obliquata, & via proinde angusta uncus non admittit.

LA FIGURE DE LA TERRE,

i. e.

FIGURA TERRAE, DETERMINATA OBSERVATIONIBUS BOUGUERIS & de la CONDAMINE, Academiae Regiae Scientiarum Soc. qui iussu Regis in Peruviam, ad observandum ibidem circa aequatorem, missi sunt; una cum narratione succincta huius itineris, quae descriptionem regionis, in qua factae sunt operationes, continent. Auctore BOUGUERO.

Parisus,

Parisiis, apud Iombertum. Itinerarium continet plag. 14. Tab.
unam. Figura Terræ. Alph. 2. plag. 4.
Tabb. 8. in 4. reg.

Missos esse a Rege Christianissimo, ad figuram telluris curatius determinandam, eodem tempore, partim polos versus, partim sub æquatorem, lectissimos quosdam Academiæ regis socios; egregiosque illius itineris polaris fructus, luci iamdudum expositos, nemo est qui ignoret. Cum itaque horum ex observationibus, summa cum cura institutis, constiterit figura terræ sphaeroidica, & exacta quantitatis eiusdem determinatio: procul dubio diu multumque desideratum fuit ab iis, quibus huius inquisitionis veritas curæ cordique est, cognoscere, quid ex alterius quoque partis observationibus resultet; ut, quæ a remotis adeo a se invicem observatoribus eruta sunt, an secum congruant, exinde pateat; & cum veritas sibi ipsi semper constare debeat, ea mutuo, (quem sperare licebat,) consensu, hoc magis corroboretur. En igitur, hocce desiderium penitus expleturam, præsentem alterius itineris Peruviani, factarumque ibidem observationum, expositionem satis amplam, eamque a doct. Bouguero, aliis egregiis prorsus ingenii monumentis iam claro, concinnatam. Etsi vero circa figuram terræ potissimum versetur præfens labor; non ad solos tamen Astronomos aut Geographos pertinet, sed & ob additam ipsius regionis descriptionem, rerum notatu dignissimarum simul & iucundissimarum copia plenam, Physicos omnes, & historię naturalis amatores, imo quosvis exterarum regionum gentiumque cognoscendarum cupidos, ad legendum potest allicere; prætereaque Physicis non poterunt non sese commendare, quæ in fine, de attractione, in superficie terræ conspicua, per experimenta proponuntur.

Itinerarium, primo sese offerens, continet præter narrationem suscepti itineris, descriptionem partis Peruvix inter mare & magnos montium anfractus, sub nomine *la Cordelière* cognitos, comprehensæ; descriptionem amplam istius tractus

tractus

tractus montium, & regionis, quam circa Quito includit; denique reditum Auctoris a Quito ad mare Atlanticum, per fluvium Măgdalenę. Observationes exhibentur multifarię de rebus, illic memorabilibus, spectantes tam ad historiam naturalem, ut gradus caloris & frigoris, tempestatem, meteora, naturam soli, strata sub eo varia, montium altitudinem, habitum externum, observanda in iis circa aeris subtilitatem & effectum in corpora humana, barometrum, nubium altitudinem & crassitiem, gradum frigoris, ipsos montes ignivomos, terrę motus, fluvios, inundationes, cataractas, fossilia denique, inprimis lapides & aurum, plantas, insecta, reptilia, aliaque animalia, interspersis ubique doctis annotationibus, ad Physicam generalem pertinentibus; quam ad ipsos incolas, eorum habitum corporis, victum, habitationem, ingenium & mores, tenuem artium apud eos progressum, monumenta veterum Indorum, & id genus alia. Ex his, floriferis ut apes in saltibus, delibabimus quędam, quę singularitate sua inprimis se commendare videbuntur: etsi difficile fateamur esse, et tanto rerum egregiarum apparatu quędam seligere. In omnibus regionibus calidis zonę torridę, Pag. 16. arbores radicem suam non ultra superficiem soli extendere, notatur, quinimo in pluribus palmis eam ex ipsa terra exire, & imam trunci partem exurgere successive, prout arbor ætate procedit, adeo ut sæpe 6 aut 7. pedibus in aere sit elevata hæc pars, & radices inde exeuntes forment quasi speciem pyramidis. In Peruvia inveniuntur pleraque insecta Europęa, 19. sed comuniter multo maiora nostris, & sæpè magnitudinis monstrore. Regio ista in medio zonę torridę, & fere in eodem cum maris superficie horizonte, sita est, ut facile conici poterit, omnium calidissima. Attamen thermometrum *Reaumurianum* post meridiem nunquam usque 26, vel 28, gradus ascendit; mane vero paulo ante solis ortum ad 19, 20, vel 21. Est itaque caloris continuitas, quę tantum apparere facit æstum zonę torridę; profecto enim thermometrum in Gallia sæpe multo altius ascendit. Vires nimirum, perspiratione violenta, & sudore, exhauriuntur continuo, & calo-

re noctu parum diminuente, iam a prima luce earum sentitur deiection, animo non minus quam corpore. Sed, quod mirum videbitur, in terris istis, ultra modum calidis, non minus ingens regnat humiditas, idque ita se habet cum omnibus locis inter utrumque tropicum, ubi sylvæ extant. In ipsiis locis altioribus, ubi aqua defluere alioquin solet, limo ad pedem usque dimidium immerguntur viatores. Omnia fere utensilia brevi humore & putredine consumuntur. Sed statim ultra fretum Guayaquil, meridiem versus, diversissimæ indolis incipit regio. Non nisi sabulum est, sylvæ nullæ, & (quo maxime a præcedenti discrepat), nulla unquam pluvia, etsi coelum sæpe nebulosum. Problema hoc est physicum, notatum sane haud indignum, etsi solutione admodum difficile, utpote a penitiori nubium cognitione pendens. Phaenomenon enim utrumque est prorsus regulare, & constans, nec angustis limitibus circumscriptum. In qua pluit, regio, ultra 300. milliaria protenditur longitudine, sed pluvia adeo forti & continua infesta, ut vix habitari possit, etsi vis auri, in terra reperiunda, avidos homines alliciat. Alter tractus, in quo nunquam pluit, ultra 400. mill. longus est, & 20 vel 30. latus; nulla ibi unquam exaudiunt tonitrua, nullas unquam tempestates metuunt, adeo ut etiam domus Limæ, & alibi, nullis tectis operiantur, sed tegminibus solum iunceis. Ex hoc certe patet, qualitatem atmosphæræ & naturam soli multum in se invicem influere. In sylvis enim regionum calidarum aer semper crassus, etsi coelo extrorsum

- Pag. 36. sereno, aereque puro; cuius & ratio physica in propatulo est. Provincia Quito adeo supra maris superficiem eminet, ut eius incolæ tuto prædicari possint mortalium editissimi, & aerem respirantes plusquam tertia parte rariorem: est enim altitudo supra mare 14. aut 1500. hexap. & barometrum ad 20. poll. consistit. Insignis est ille montium tractus, quem
38. supra nominavimus, præ omnibus totius orbis terrarum montibus, ambitu & altitudine. Inter maximos est mons *Pichincha*, quem conscendit Noster, tresque ibi septimanas commoratus est. Violentissimum in eo frigus dominatur. Barometrum constitit ad 16. poll. & adhuc inventæ sunt elasticitates aeris exacte proportionales condensationibus, prout alibi
semper

semper observatum est. Hac occasione regulam tradit Au- Pag. 39.

Etior, ad mensurandas per barometrum altitudines, valde simplicem: „ Altitudines mercurii pro duobus locis, in lineis expressæ, quærantur in tabulis logarithmicis vulgaribus; capiatur horum differentia, eiusque pars trigesima ab ipsa auferatur: tum sumendo cum characteristica quatuor primas figuras eam sequentes, habebitur in hexapedis expressa altitudo relativa utriusque loci. Sit e. g. pro uno locorum altitudo barom. 21. poll. $2\frac{1}{2}$ lin. = $254\frac{1}{2}$ lin. pro altero 15 poll. 11. lin. = 191. lin. horum logarithmorum differentia est 1250, unde demta trigesima parte, restat 1209. numerus hexap. quæsitus. Ibidem pendulum, singula minuta secunda oscillans, repertum est brevius $\frac{16}{100}$ 40.

lin. quam ad ripam maris. Singulare prorsus phænomenon 43. opticum quotidie apparet in montium horum cacuminibus, etsi a nemine adhuc ante Nostros observatum: congregati erant forte omnes, cum id primo conspicerent, in montis quodam vertice. Nubes, cui involuti fuerant, se dissipans, conspectum admittebat solis, tum orientis, clarissimi; mox nubes ad alteram partem secedebat; vix ad 30. passus remota, nimis parum adhuc distabat, quam ut sub consuetâ nubium forma candida apparere posset. En subito quivis in eam videt projectam umbram suam, sed non nisi suam quisque, nube superficiem haud unitam offerente. Distinctissime in parva adeo distantia discerni poterant partes corporis omnes. Sed mirum præsertim visu, caput ornatum apparebat nimbo, e tribus quatuorve coronis concentricis formato, coloris vividissimi, quavis eadem colorum variegatione insigni, ac iris primaria, rubro inferius posito. Intervalla coronarum æqualia; ultima maxime debilis. In magna denique distantia videbatur circulus amplius candidus, omnia cingens. Erat istud quasi apotheoseos spectaculum, hoc inprimis mirabile, quod eo quivis gaudere sibi videbatur solus, reliquorum coronis haud apparentibus; prout id reapse pariter contingere solet in iride vulgari. Iridum harum diametros dimensus est Auctor, quæ singulis mutabantur instantibus, servatis tamen

semper intervallis æqualibus. Caterum phaenomenon hoc semper apparet saltem in nubibus, in iis adeo, quarum particule congelatæ sunt; nunquam vero, iridis instar, in guttis aqueis. Forſan idem observari poſſet apud nos in turribus altissimis. Eiusmodi ſane nebulae interdum conſpiciendæ, aliquot tantum paſſibus remotæ; reſtat ut eodem tempore ſol appareat in horizonte, in plaga oppoſita. Quin &, poſtrema hacce circumſtantia nequidem exacte locum habente, ſubinde ſe diſcernere potuiſſe portionem circuli candi-
 Pag. 48. di, aſſerit Noſter. Dum æterna nive operiuntur montium horum iuga, ad generalem inde ideam deductus eſt de termino inferiori conſtanti nivis, per totum terrarum orbem.

Altitudo conſtans nivis hic ſemper obſervata eſt 2434. hexap. ſupra maris ſuperficiem. Non itaque parallela erit illa linea ſuperficiæ terræ ipſius. Sub Zonæ torridæ medio transibit in diſtantia 2434. hexap.; ſub temperatarum initio circiter tantum 2100. hexap. (tanta enim fere obſervata eſt altitudo Pici Teneriffæ); in Gallia, aut regione Chili, ſaltem 15 aut 1600. hexap.; ſicque continuo accedet terræ, donec ipſam contingat ultra polarem utrumque. Exiſtere debet verosiſimiliter alius eiſmodi terminus nivis conſtans ſuperior, ſed celſiſſimi quique terræ montes eo non pertingunt. In tali faſtigio regnaret perennis & perfectæ ſerenitas, qualem in Olympo ſinxerunt, etſi perperam. Videtur diſtantia utriuſque termini in zona torrida eſſe ad minimum 11.
 50. aut 1200. hexap. Notabimus hic, omnium, quos obſervavit, imo vidit A. altiffimum eſſe montem *Chimboraco*, 3217. hexap. ſupra mare elevatum, parte autem nive obducta præ-
 51. ditum plusquam 800. hexap. Hac occaſione de cauſa phyſica frigoris continuo increſcentis, prout a ſuperficie terræ re-
 53. ceditur, peringenioſe diſquirit Auctor. Dignum eſt obſervatu, in omniſibus locis harum regionum editioribus, maximam ſentiri temperiei variationem, ſtatim, ac modo ex aprico in umbram ſeceditur, ita ut æſtuante ibi ſole, hic fere ſentiatuſ frigus. Ratio hic aſſertur, cur ſæpe thermometrum indicet gradum multo minorem, quam qui pro temperie aeris expectari

Etari possit. Crassitiem nivis in his montibus, micrometri Pag. 58.
 ope dimensus est Auctor, 54. ped. & alia vice 76. ped. Re- 64.
 gio hæc salibus adeo abundat, ut omnibus fere diebus, mane,
 nitrum, forma florum levissimorum, in plateis & viis appa-
 reat; id quod procul dubio debetur maxime cinerum, a mon-
 tibus ignivomis eructatorum, copiae, ubique cum terra mix-
 ta. Haud pauci enim horum montium sunt flammivomi,
 vel tales se fuisse luculentis testantur indiciis. Ubique in- 65.
 signia eiusmodi incendiorum conspiciuntur rudera; aliqui
 ipsorum montium ad satis magnam profunditatem constant
 nonnisi scorius, pumice, fragmentis lapidum ustorum; ipsa
 forma eorum idem prodit, quæ e. g. in monte Cotopaxi est
 coni truncati perfecti, parte eius inferiore prorsus regulari
 facta, repansa undique materia eiecta. Idem docent strata ter-
 ræ, ubi plurimum sabuli nigri, aliarumque materiarum, ignis
 vim passarum, reperitur. Eiusmodi incendia ingentes simul 68.
 solent inundationes producere, liquefactione nivium, unde tor-
 rentes nascuntur ad 60. ped. quin ad 120. interdum assur-
 gentes, quos 17. aut 18. milliaria tribus horis percurrisse
 compertum est, & lapides magnitudinis 10 aut 12 ped. ad
 14 vel 15. hexaped. distantiam horizontaliter fere provexisse.
 Horrendos quoque terræ motus subinde consequi, quibus ur- 71.
 bes, pagi, immo integra montium cacumina evertuntur, mirum
 amplius videri nequit. Notatu autem dignum est, terribiles 74.
 istos casus plerumque accidisse postremis anni mensibus. Sed
 nulla fere non septimana, (leves quidam ad minimum succus-
 sus,) terræ motus percipi solent. De eruptionibus eiusmodi 77.
 montium ignivomorum observatur, eas semper fieri repeti-
 tis vicibus, quarum intervalla sunt admodum æqualia. Sed
 mittimus complures circumstantias, de montibus hisce eorum-
 que phaenomenis, Physicorum attentione longe dignissimas.
 Addimus adhuc, in stratis terræ, hinc inde ad sat magnam 65.
 profunditatem aperte conspiciendis, ne minimum quidem
 maximarum inundationum, uti in reliquis fere omnibus terræ
 regionibus, reperiri vestigium, petrefacta prorsus nulla; sed
 omnia videri hic igni potius ortum debere, quam aquæ.

Pag. 84. In urbe Quito, varia circa magnetem experimenta instituit Auctor. Cum nempe constet, acus magneticas dirigi versus polos terræ magneticos, non aliam ob causam, quam utramque earum extremitatem ab his attractam; de eo autem lis sit, an non alter polorum terræ altero fortius attrahat, locum dictum omnium credidit ad decidendam hanc quæstionem accommodatissimum. Usus est hunc ad scopum acu cuprea longa, fulcro, ut acus magneticæ, imposita, super quo libere esset mobilis; altero autem extremo cuspidē instructa, cui imponebatur acus magnetica vulgaris: credidit enim, si maior esset alterius poli attractio, fore, ut acus magnetica paulatim ipsam cupream secum deferat versus polum illum, donec utraque in directum iaceat. Sed nil tale consecutum est, acu cuprea in quovis situ quiescente. Concludit igitur exinde, duos terræ polos magneticos æquali gaudere attrahendi vi.

89. Cum extra regionem, tractumque illum montium, de quibus hætenus diximus, profectus esset Noster, singulare notavit, montes tunc forma præditos a priori longe diversa, aliamque prorsus originem arguente. Sunt enim strata eorum fere semper horizontalia, latera autem fere murorum instar verticalia & abrupta; adeo ut solum undique subsedisse videatur, remanentibus istis montibus, solidiori basi innixis.
95. In hisce terris reperiuntur araneæ, quarum venenum perhibetur longe perniciosissimum; sed horrendum inprimis est antidotum. Aegrum, nudum, in terra extensum, stramine operiunt, idque accendunt. Sunt, qui nec veneno, nec remedio, perirent; alii autem inde quidem, sed mente capti, evaserunt. Incolæ harum regionum satis inter se differunt, ingenio & moribus. Omnes quidem satis desides, summo calore non vigorem ingenii, sed tarditatem inducente; aliqui, cetera boni, sociabiles, fallere, imo falli, prorsus nescii: alii prorsus stupidi, ultra modum pigri, integros dies uno eodemque loco sedendo, absque ullo motu, ulla loquela, transigunt.

Verum enim vero, instituti ratio avocatur nos quasi invitos ab amoenissimarum rerum suppellectile, ad alteram & palmariam *Operis partem*, in qua totum de dimetienda terræ figura negotium

negotium fufe exponitur; sed & hic emicantibus ubique egressiis multis mathematicis physicisque disquisitionibus. *Prima* Pag. 1.

Seſſio a principio repetit totam de figura telluris perveſtigationem, ſupponendo, id agi, ut inter plurimas vias, hunc ad ſcopum ineundas, ea potiſſimum arripiatur, quæ, perpenſis omnibus, videretur optima. Verum quidem eſt, non fuiſſe omnino in Academicorum noſtrorum arbitrio, quam ſibi eligerent obſervandi rationem; ſed iuſſos fuiſſe, determinationi graduum meridiani ſeſe potiſſimum applicare, cum paulo aliud primo cepiſſent conſilium. Sed qualiacunque iſta ſint, aſſumit hic Auſtor, liberum proſus eſſe, qualis, aut quæ primum inſtituenda ſit operatio; de eo tantum ſollicitus, quænam præ reliquis præſtantia ſe commendet. Ante omnia patet, ad definiendam terræ figuram, idque methodo ab omnibus aliis obſervationibus independente, neceſſe eſſe, ut menſurentur gradus aliquot cum æquatoris, tum meridiani, quorum e variatione & relatione mutua colligi poſſit, an illa ſit ſphærica, an ſphæroidea, & qualis. Sed, ſi ſolius aut æquatoris, aut meridiani gradus menſurare, res exigat, adeoque alienas ſimul obſervationes aſſumere: in eo verſatur negotium, ut, utrum horum ſuſcipere expediat, decidatur. In dimetiendo gradu meridiani, per obſervationes aſtronomicas, non intra 4" aut 5", de vera eius quantitate nos certos eſſe poſſe, etſi ſcrupuloſa omni attentione adhibita, Auſtor aſſerit. In menſuram contra gradus æquatoris irrepere poſſunt errores, e correctione horologii non ſumme exacta, ex ipſa obſervatione momenti temporis, ex ipſius quoque vel minimo horologii defectu; adeo, ut ex omnibus his reſultare poſſit error 2" pro toto arcu, hoc eſt $\frac{1}{250}$ arcus 2 graduum, ſex aut ſeptem vicibus maiore errore, in arcu latitudinis 3 graduum, committendo. Nihilominus tamen, inquirendo, quam exacte methodo una vel altera definiri poſſit ipſa ratio inter utrumque telluris axem, longe alius deprehenditur utriusque effectus; quippe cum dimenſio graduum æquatoris, relinquat problema adeo indeterminatum, ut per hanc ſolam ſphærois prodire poſſit, modo maxime depreſſa,
modo

modo protracta. Accedunt & aliæ circumstantiæ, tam externæ, quam ex ipsa rei natura petitæ, quæ mensuræ graduum meridiani, præ altera graduum æquatoris, palmam longe præripiunt. Auspicato igitur accidit, ut, quam sequi iussi essent Viri egregii methodum, eandem ipsa natura & ratio suffragio suo maxime confirmaret. Age itaque, sequamur eos in Peruviam, ipsam meridiani dimensionem actu instituentes. Fieri id debuisse per seriem plurium triangulorum secum connexorum, satis liquet. Triangula hæc, absolute, seu in ipsis suis planis diversimode inclinatis, considerata, *Sectio II.* perhibet. Basis prima electa fuit 6274. hexap. gall., in planitie Yarouqui, inter catenam duorum montium, singulari quodam naturæ beneficio relicta. Facta est hæc dimensio, summa eum cura, ab omnibus huius itineris sociis, in duas partes divisis. Ea, nonnisi multa cum molestia, ad finem perducta, deprehensa est inter utramque partem differentia 3 saltem pollicum; qualis sane rigor, in linea adeo longa, vix maior desiderari poterat. Exstructa dein est, in æternam rei memoriam, in utraque lineæ extremitate, pyramis, cum inscriptione, ab Academia regia elegantiorum litterarum concinnata. Quæcunque hac in operatione adhibitæ sint praxes, & cautelæ perquam variæ, sollicitè a Nostro exponuntur, ut, quantum liceat verbis eius fidere, ad oculum pateat. Cum autem omnes lineæ, inter binas extremitates actu mensuratæ, diversissima inter se gauderent positione, elicienda dein fuit peculiari methodo ipsa longitudo rectæ, inter illas extensæ. Assumta iam & determinata basi, pergebatur porro ad construenda & mensuranda triangula, pro ipsius meridiani dimensione. Hic iterum integrum examen, cum quadrantibus tribus, duorum triumve pedum, hunc in finem adhibitis, ad eos verificandos, institutum; cautelas item omnes, in eorum usu observatas, sigillatim describit Auctor. Præterea exhibet methodum, angulos ad ipsum cuiusvis stationis centrum reducendi; quæ quidem attentio in re tanti momenti est summe necessaria, etsi haud adeo facilis. Porro, quid observandum sit in dimetiendis quadrante angulis, qui in planis

planis valde inclinatis sunt positi, edocet. Sequitur disquisitio generalis perquam elegans, & in integra Gæodesia utilissima, de eligendis triangulis, ad mensurandam, quantum fieri potest exactissime, lineam quandam, ut hic meridianam, maxime accommodatis. Spectat hæc ad materiam de quantitate errorum, in quæsitis ex erroribus, qui in datis committi possunt, oriundorum; haud adeo excultam adhuc, exceptis, quæ in *Appendice ad Harmoniam Mensurarum*, titulo *Aestimationis errorum in mixta Mathefi*, de ea proposuit Cotesius, quæque in aliquo recentiorum *Commentariorum Acad. Paris. Tomorum* leguntur. In omnem nimirum dimensionem anguli irreperere potest error, præter divisionem instrumenti non summe exactam, tam e verificatione eiusdem, quam ex ipsa observatione, vel non exactissime collimando ad obiectum, vel numerum graduum & minutorum non perfecte discernendo. Hic non pendet ab ipsius anguli quantitate, adeoque assumi potest pro constanti, e. g. unius minuti. Dum itaque in triangulis ex angulis supputantur latera, errores horum erunt ut errores sinuum, quorum anguli respondentes assumpta illa quantitate a veris discedunt. Hinc facile patet, errores istos variæ esse magnitudinis, pro variis angulis, horumque sinibus, mutata non solum ipsorum quantitate absoluta, sed & relativa, dum nempe idem error in minori sinu commissus maioris est momenti, quam in maiori. Horum omnium theoriam hic generalem tradit Auctor, Geometrarum attentione omnino dignam. Demonstrat, errores in calculo laterum trianguli committendos, esse, ut cotangentes angulorum respondentium, seu quoque ut differentias logarithmicas sinuum eorundem. Hinc conditione datorum trianguli eligendorum, ut quæsitæ minimo cum errore prodeant, eruit. Ita, si quæraturs longitudo lineæ mensurandæ ope basis, ab altera illius extremitate incipientis, & positione datæ, optima hæc erit, si assumatur magnitudine æqualis ipsi lineæ quæsitæ: quare, hac primo tantum circiter cognita, vera eius longitudo dein exactissime definiri potest. Porro eiusmodi conditiones in pluribus triangulis, secum

Aaaa

con-

connexis, investigat. Ita ad mensurandam lineam prælongam ope seriei triangulorum, expediet, ea facere rectangula, similia, & latera in progressionem geometricam habentia. Denique in errores quoque inquirat emergentes, si longitudo mensuranda permagna dividatur in plures partes, harumque singule determinantur per seriem triangulorum semet insequentium, & quando, vel plura, vel pauciora eiusmodi assumere triangula conveniat, definit. Absolutis his, pergit ad describendum processum integrum mensuræ triangulorum, ad determinandam meridianam institutæ, addito omnium angulorum & laterum in singulis catalogo.

Pag. 116. Horum reductionem ad planum horizontale, & comparisonem laterum cum directione meridianæ, pertractat *Seç. III.* Primo huc pertinet determinatio altitudinis relative stationum singularum. Dein reductio laterum triangulorum ad planum horizontis. Postea projectio angulorum in idem planum, pro qua, ad evitandum tediosum calculum, usus est methodo singulari, rem ad trigonometriam sphericam reducendæ. Concipiendæ nempe, productum ad spheram coelestem usque utrumque crus anguli, & ex zenith ducendo duos verticales per extrema istorum: patet, in triangulo spherico, inter zenith & utrumque hoc punctum oriundo, dari tria latera, ob datam altitudinem utriusque, & angulum inter ea conclusum, & querendum esse angulum ad zenith, qui erit ipse angulus in horizontem projectus. Qualis hac ratione committi possit error, Noster determinat. Porro exponit directionem laterum, ad meridianam relatam, hinc definitam ipsius meridianæ longitudinem 176940. hexap. gall.; reductionem eius ad superficiem maris, una cum aliis circumstantiis huc spectantibus. Denique determinationem altitudinis montium variorum, pro stationibus usurpatorum, ab Auctore, data opera, barometri adminiculo, susceptam legimus.

Peractis ea ratione operationibus geodeticis, pergit ad observationes astronomicas, pro determinanda nimirum amplitudine arcus meridiani, institutas. Et primo 172. quidem *Seç. IV.* versatur generatim circa cautelas omnes, in

in hac praxi in usum vocatas, vocandasque. Facile patet, amplitudinem hanc determinari per distantiam astri a zenith in utraque arcus extremitate. Ad evitandos autem, quantum fieri potest, errores, tam e refractione, quam e divisione instrumenti in limbo maiori, oriundos, eligenda est fixa, parum a zenith remota. Nullis quidem fere hæc res prenitur difficultatibus, si astrum sit distantie mediocris, & haud summus desideretur rigor. Multo adhuc facilius idem expeditur, si de sola agatur variatione distantie astri a zenith; cum palmarium & unicum fere instrumenti requisitum tunc eo redeat, ut perfecte sit stabile. At contra, periculose plenum opus aleæ est, & e difficillimis Astronomiæ praxibus, si quæratür ipsa distantia astri a zenith, idque in rigore summo, adeo ut utendum sit sectore prægrandis radii. Merito itaque grates debet Auctori Astronomia, quod caput hoc, parum adhuc pervestigatum, singulari disquisitione persecutus est. Est itaque *Sectio* hæc instar tractationis generalis, de methodo optima perficiendi observationes astronomicas, pro definienda distantia zenith inter, & astrum, ei valde propinquum. Plures hic occurrunt circumstantiæ, ad quas sollicite attendendum est, & quæ pro minutiis haberi possent a iudice nimis præcoci, nisi summa eas commendaret necessitas. Antequam disquirat de forma sectoris, hunc in usum adhibendi, limbo perexiguo, filo cum pendulo & telescopio muniti, deque eum suspendendi mechanismo. Porro materiam, e qua consciendus sit, examinat; ubi experimenta de dilatatione metallorum, & quantitatem erroris hinc emergentis, exponit. Hinc de longitudine telescopii est sollicitus, quam radio sectoris esse debere æqualem, & vitrum obiectivum ad summitatem radii statuendum, demonstrat. Axem opticum telescopii, accurate parallelum plano sectoris reddendum, edocet. Methodum, fila micrometrica exacte in foco telescopii collocandi, ostendit. Considerat hic variationes, quibus subiicitur focus telescopiorum magnorum, & errores inde resultantes. Variat enim focus iste, non solum pro constitutione oculi observatoris, &

pro spatio, quo oculare plus minusve immittitur; sed & pro conditione atmosphaerae, dum nempe aer, in telescopio conclusus, medium praebet, radios diversimode transmittens noctu inprimis, quo fit, ut locus imaginis ambulare videatur, adeo, ut ipse Auctor, hanc aberrationem in telescopio 12 pedum, ad 20" seu 25", imo ulterius assurgere, observavit. Quomodo cavendum sit ab effectu omnium harum variationum noxio, fuse persequitur. Posthac ad instrumentum ipsum reverterus, limbum in gradus dividendi rationem describit. Denique usum quoque eiusdem monstrat, modum nempe, id exacte in planum meridiani collocandi, quo facto, & probe observatis omnibus praecedentibus, non poterit non tutissima prodire observatio. Quales vero exoriantur errores, si, vel manente adhuc sector exacte in plano meridiani, parallelismus telescopii negligatur; vel ipse sector, momento transitus atri per meridianum, non in ipso hoc plano sit constitutus, ultimo loco determinat.

Expositis his omnibus, velut principiis, sequitur iam Pag. 227. iparum observationum, a Viris doctiss. institutarum, recensio, *Seff. V.* Et si obliquitas eclipticae non immediate ad scopum itineris huius pertinere videatur; eam tamen, cum per se haud exigui sit momenti, & optime in zona torrida observari queat, ob minorem effectum refractionis, favente itineris hac occasione non negligendam existimavit Auctor. Primo itaque sese hic offerunt observationes huius obliquitatis, solstitiis, hiberno a. 1736, & aestivo a. 1737, instrumento 12 pedum, in quina minuta secunda diviso, factae. Prodit autem exinde obliquitas eclipticae $23^{\circ} 28' 32''$, & latitudo urbis Quito, ubi factae sunt observationes, $13^{\circ} 7\frac{1}{2}''$ australis. Sequuntur observationes, in utraque extremitate meridiani, ad determinandam eius amplitudinem, peractae, reluctantibus coelo terraque, illo nubibus & pluvia fere continuis, hac motibus nimis frequentibus. Ingenue eas omnes hic exponit Auctor, veritati unice litans, neglectis nequidem iis, que paulo longius a reliquis secedunt. Primo anno eas instituit variis temporibus, in una extremitate, dein quoque, ne obici possent aberrationes fixarum, insequenti anno uno

uno eodemque tempore cum *Condaminio*, in altera extremitate. Elegit hunc in usum fixam *Orionis* & *Bayeri*. Resultat vero ex his omnibus amplitudo arcus supra mensurati $3^{\circ} 7' 1''$; inde, post reductiones debitas, longitudo primi gradus meridiani, ad horizontem maris relati, 56753 hexaped. gall.; hinc minuti proxime $945\frac{5}{16}$ hexap.; unde, assumendo rationem *Metianam* inter diametrum circuli & circumferentiam, erit radius curvedinis meridiani prope æquatorem 3251707 hexap.

Absoluta iam sunt omnia, ad ipsam mensuram propositam peragendam spectantia. Ut ergo ex iis elici possit quæsitæ telluris figura, necesse est, ut inventa gradus meridiani magnitudo comparetur cum reliquis, in aliis superficiei terrestris locis mensuratione detectis. Theoriam hanc exponit Auctor *Scet. VI.* omniumque problematum, *figu- Pag. 276.* ram terræ e variis datis determinandi, solutionem generalem tradit. Fundamenti statim loco ponit methodum, e qua patet, quomodo figura terræ a magnitudine particulari numeri cuiusvis diversorum meridiani graduum pendeat. Quod cum eo redeat, ut determinetur curva e lege radiorum osculi, ideoque ad methodum tangentium inversam spectet, ubi quidem occurrunt differentialia variorum graduum, inter se permixta: disquisitionem hanc multo simpliciorē reddidit consideratione curvæ, quam *gravicentricam* adpellat, hoc est eius, quæ concursu omnium verticalium in quovis terræ puncto efficitur, verbo: evolutæ curvæ telluris. In huius itaque curvæ naturam curatius inquit, & imprimis relationem inter coordinatas eius, & excessus variorum meridiani graduum supra primum, atque latitudinis sinum vel cosinum, detegit: id quod facile præbet medium, pro lege quavis latitudinum, ea quæ quærentur determinandi. Hoc stabilito, varios casus speciales examini subiicit, ubi ponuntur incrementa graduum meridiani ultra primum, vel ut quadrata sinuum latitudinis, vel ut cubi, vel ut biquadrata. Horum ultimus imprimis apprime convenit variationibus, quæ in curvatura meridianorum actu observatæ sunt. E præsentibus enim observationibus, erat gradus meridiani primus prope æquatorem 56753 hexap.; ex iis, quas in Gallia instituerunt

Maupertuis, Clairaut, Camus, le Monnier, de Thury, & de la Caille, in latitudine $49^{\circ} 23'$ inventus fuit gradus 57074 hexap.; ex iis denique, quæ in Lapponia institutæ sunt, sub circulo polari, prodit gradus, (facta quadam reductione,) 57422. hexap. Duorum posteriorum excessus supra primum 321, & 669, sunt proxime ut biquadrata sinuum latitudinum respondentium $49^{\circ} 23'$, & $66^{\circ} 19'$. Hinc ergo prodiret ultimus gradus sub polo 57712 hexap., excedens primum 959 hexap.; ratio gradus æquatoris ad primum gradum meridiani ut 112 ad 111; ipsa denique ratio axium telluris ut 179: 178. Alias dein eiusdem problematis solutiones proponit Auctor; ubi vel gradus meridiani comparantur, non cum sinibus latitudinum, sed cum latitudinibus ipsis; vel quoque variæ aliæ assumuntur relationes inter gradus meridiani, eorumque distantias ab æquatore. Generatim enim fatendum est, problema de telluris figura, definienda e mensuratis tribus illis gradibus meridiani, manere adhuc indeterminatum; quippe cum ex iis consentiant tantum tria curvæ puncta, quæ quidem limites inter præcipuas terræ dimensiones satis determinant, eamque esse sphaeroidem notabiliter depressam arguunt, attamen curvaturam totius meridiani adhuc in dubio relinquunt. Varias itaque hypotheses assumpsit Auctor, easque cum mensuris inventis comparavit. Omnia hæc tentamina, eo ordine, quo successive in ea incidit, ingenue hic exponit Auctor. Tandem vero nullam conditionibus rei melius respondere invenit, ea, de qua iam supra mentionem fecimus; quippe cum quatuor datis, tribus illis gradibus meridiani, & gradibus longitudinis, in parte Galliæ maxime meridionali mensuratis, prorsus congruat. Huic itaque acquiescere non dubitavit. Computavit exinde tabulam pro magnitudine singulorum graduum, nec non pro coordinatis tam meridiani, quam gravicentricæ. Dimensionibus supra allatis addimus, diametrum æquatoris fieri 6562026 hexap. & axem 6525377, quarum differentia est 18324. Subiunguntur aliæ quædam disquisitiones, circa proprietates geometricas figuræ telluris variæ, ut: rectificationem

tionem meridianorum: magnitudinem graduum terrestrium, consideratorum ceu gradus circulorum magnorum in directionibus a meridiano diversis, vel normali, vel obliqua: magnitudinem graduum parallelorum: constructionem tabularum laxodromicarum, & latitudinum crescentium seu redutarum.

Hæc omnibus coronidem imponit *Sessio VII.* Pag. 327.

ad conditionem totius massæ terrestris pertinens. In ea animirum observationes circa gravitationem exhibentur. Nimis iactata est illa a *Richerio* detecta gravitatis in superficie terrestri variatio, quam ut in eam sub æquatore porro inquirere non sit operæ pretium. Multa itaque cum pendulo experimenta, variis sub latitudinibus, variisque supra mare elevationibus, instituit Auctor. Circumstantias eorundem, nec non reductiones postea cum iis factas, hic ample exponit. Exinde primo deducit comparisonem, gravitatem inter & vim corporum terrestrium centrifugam, a rotatione telluris ortam. In effectum utriusque inquirendo, detegit, variationes illas, in longitudine penduli observatas, non posse derivari a sola vi centrifuga; sed ipsam gravitatem primitivam prope æquatorem iam esse debere minorem, antequam a vi ista adhuc aliquid ei detrahatur. Videri posset primo intuitu, hoc oriri ex eo, quod maior sit sub æquatore distantia a centro, quam polum versus; gravitas autem decrescat cum distantia: sed accuratius re examinata, palam fit, diminutionem illam gravitatis fieri debere, etiamsi eadem foret distantia, e sola directionum diversitate; id quod ex æquilibrio columnarum fluidarum, a superficie terræ ad centrum pertingentium, demonstrat Auctor. Quæ lex, non minus ac altera de directione gravitatis superficiæ eius semper normali, hinc non ad centrum unicum tendente, proprietates duas palmaris gravitatis primitivæ constituit. Porro aliam conclusionem ex observationibus illis derivat, de diminutione gravitatis, pro varia altitudine supra maris superficiem. Deprehenditur ea sequi quamproxime rationem duplicatam distantiarum a centro; ideoque satis conformis est legi cognitæ de viribus centripetis. Levem tamen differentiam,

tiam, qua gravitas in monte altissimo inventa est haud prorsus adeo diminuta, quam deberet, a fortiori gravitatione, propter ingentem ibi montium catenam, derivat. Aliam nunc, eamque singularem & curiosam subiungit disquisitionem: an a montibus attractio fieri queat sensibilis, & qua ratione ea possit observari? Hoc enim, si ullibi, fieri deberet prope enormes illos Peruviae montes, quos tantum nostros Pyrenaeos, Alpes, rel. superare pronuntiat Auctor, quantum turres urbis tecta vulgaria. Etsi nimirum massa vel maximi montis negligendam prorsus partem massae totius terrestris efficiat; tamen multo maior proximitas centri montis quam terrae, aucta attractione in reciproca duplicata distantiarum, id quodammodo compensaret, ita ut pendulum e directione verticali paululum declinare posset. Exempli loco sumit montem *Chimborazo*, 3200 circiter hexap. supra mare altum, basi autem 10 aut 12 mille hexap. & in altitudine 850 hexap. adhuc diametro 3500 hexap. praeditum. Huius soliditatem statuit circiter 20000 million. hexap. cub. quae licet a soliditate globi terrestris 7400 million. vicibus superetur, tamen, posita distantia a montis centro gravitatis 17 aut 1800. hexap. hoc est circiter 1900 vicibus minore quam a centro terrae, augetur effectus plus quam 3600000 vicibus, ut adeo tantum 2000 circiter vicibus minor maneat. Hinc directio gravium montem versus a verticali deduci posset angulo $1^{\circ} 43''$. Ad methodum quod iam attinet, eiusmodi deviationem actu detegendi, vix apparet, qui id fieri possit ullo modo per obiecta terrestria, & quascunque mensuras circa ea instituendas; vel quod ipsa non minus eadem attractione afficiantur, vel quod alii errores irrepentes quantitatem adeo exiguam certe cognoscere non sinant. In coelo itaque quaerendum subsidium. Statim enim patet, perquam simplex fore medium, si e statione, meridiem aut septentrionem versus a monte posita, & tam parum quam fieri potest a centro gravitatis ipsius remota, observetur latitudo. Attractione enim locum habente, perpendicularum instrumenti infra a verticali versus montem declinabit, hoc est, tantundem zenith

supra

supra ab eadem ad alteram partem recedere videbitur. Assumatur dein alia statio, & quidem in eadem linea orientem vel occidentem versus, (hoc est in eodem parallelo, quod obtinebitur observato azimutho solis,) ac in distantia a monte satis magna, ut nullus amplius attractionis effectus metuentus sit, ibidemque eodem instrumento pariter observetur latitudo. Inventa enim, si quæ sit, utriusque latitudinis differentia, erit ipsissimæ attractioni debita. Alio modo idem obtineri posset, observando saltem utrinque altitudinem astri cuiusdam meridianam. Vel quoque, sumendo duas stationes, alteram meridiem, alteram septentrionem versus; quo facto altitudines stellarum hinc augerentur, inde minuerentur, sicque duplicaretur effectus, fieretque magis sensibilis. Simili ratione plures excogitari poterunt methodi. Acquiescit Auctor primæ, eique simplicissimæ, de latitudinibus; & ita quidem, ut instrumentum verificetur simul eodem tempore, quo ipsa instituitur observatio. Hoc nempe fit, observando æqualem numerum fixarum, utrinque a zenith meridiem & septentrionem versus iacentium; sic enim attractio afficiet non summam, sed differentiam saltem altitudinum utrinque sumtarum; ideoque eius effectus distinguetur facile ab eo qui ab instrumenti erroribus orietur. Hanc methodum actu applicavit ad montem *Chimboraco*, de quo supra mentionem fecimus, & comite *Condaminio*, permultas observationes instituit. Circumstantias omnes, tam itineris longe molestissimi quam ipsarum observationum, ample exponit. Misissis his, sufficiet lectoribus indicare, quid ex iis resultaverit. Sumendo nempe medium inter omnes observationes, prodiret effectus attractionis circiter $7\frac{1}{2}$ minutorum secundorum. Hunc an pro explorato habere liceat, ipse lectoris iudicio, perpen-sis omnibus observationum momentis, ingenue relinquit. Fatendum est enim, eum prodire multo minorem, quam expectari poterat. Tamen id mirum videri nequit consideranti, quam parum constet nobis, ne dicamus de intestinis moatibus, sed inprimis de integra totius terre massa, & densitate interiori; unde effectus attractionis esse poterit longe

Bbbb

alius,

alius, quam qualem supra coniectura affecuti sumus. Quicquid sit, certe tamen ex istis observationibus satis constat, attractionem magnorum montium producere posse effectum quendam sensibilem: quæ veritas sane haud exigui in Physica momenti est. Sed dies, & commodior observandi locus, forsitan plura hac de re, nos olim docebunt.

EPICTETI ENCHIRIDION, GRAECE ET LATINE, cum scholiis graecis, nunc primum e bibliotheca Regia Dresdensi vulgatis, & novis animadversionibus.

Dresdæ & Lipsiæ, impensis Mich. Gröllii, 1756.
16 pl. in 8.

Cum libelli huius Epictetæ, quanquam ille vulgo omnium manibus teratur, ad artem criticam comparata editio, in qua, ad fidem MStorum & editorum codicum antiquorum, varietas lectionis notata, & accurate ad regulas suas exacta & diiudicata esset, haberetur nulla, Interpres subvenire publico usui voluit. Habebat ea res tantopius difficultatis, quod non qualiscunque cognitio græcæ linguæ, & antiquitatis, ut ad aliorum librorum interpretationem, sufficiebat: sed præterea subtilium & tenuium disciplinæ Stoicæ præceptorum cognitio non levis requirebatur, adeo ut personam plane Stoici induere, sensumque mutuare necesse interpreti esset. Quanquam ingressus ille eam viam est, qua ei non difficile esset, Stoicorum rationem accuratius cognoscere, & superiores interpretes aliquantum post se relinquere. Nam cum enchiridium hoc eundem Arrianum, cuius dissertationes Epictetæ supersunt, auctorem haberet; cumque illud iam olim a Simplicio, qui Iustiniani Imp. tempore vixit, commentario docto & diligenti, quanquam sæpe præter rationem Stoicam, ut Interpres passim notat, explanatum esset: ille utrumque diligenter, nec sine fructu, cum illo comparavit, & non pauca inde, tum ad interpretationem, tum ad emendationem enchiridii, decerpfit. Cumque illud
a chri-

a christianis monachis descriptum, & ad disciplinam christianam accommodatum, sub *paraphraseos* nomine circumferretur; & hoc adhibuit, & aliud a S. Nilo abbate interpolatum, necdum ulli interpreti usurpatum. Iam quicquid præterea variantis lectionis a superioribus interpretibus congestum esset, in usum suum convertit: tum vero ipse antiquas editiones diligenter inspexit; de quibus, ut & de ceteris adminiculis, in præfatione succincte disserit. In enchiridii autem verbis excudendis, Uptoni editionem, maximam partem ad Meibomianæ fidem expressam, sequutus est, nisi quod in nonnullis locis lectionem antiquiorem revocavit. Versionem ex Uptono Meibomianam retinuit, id quod factum nollemus; nam nimium illa *κατὰ πόδα* expressa, nec satis latina est, nec græcæ dictionis vim assequitur. In commentariis, non pauca disciplinæ Stoicæ capita, quædam etiam interiores græcarum litterarum rationes, v. c. voc. *ἐπιστρέφειν* ad c. 10, *περγίνεσθαι* ad c. 12, *συμπεριφέρειν* ad c. 16, *ὁφρὺς* ad c. 22, *περιγράφειν* ad c. 33. § 7. *ἀξία* & *ἀπαξία* ad c. 36. expositæ sunt: in verbis vero philosophi multa restituta. Sic c. 2. *ὁ μὲν ἐν ὁρέξει ἀποτυγχάνων* — *ὁ δὲ ἐν ἐκκλίσει περιπίπτων* reponit, ratione simul ex Arriano redita. Eod. cap. § 2. recte *ἀποτυχῆν ἀνάγκη* coniicit. C. 33. § 13. recte reponit *διαπεπληγμένον πρὸς τὰ ἐκτός*. C. 50. § 2. *προσέχειν* commode emendat. Contra C. 6. non necessarium erat, *ἐπὶ τοῦ ἵππου ἀγαθῷ* reponere; cum vulgata eundem sensum præstet. Sic & apud *Xenoph.* Mem. I. 6, 14. *ἵππῳ ἀγαθῷ ἥδεται*. In calce adiecta scholia non sunt adeo magni pretii; nec tamen in iis operam suam desiderari passus est Interpres. Ne autem ignorent docti homines, cuius hanc Epicteti editionem nitidam atque egregiam debeant, scire eos volumus, *Heynium* V. Cl. cuius *Tibullum* nuper admodum laudavimus, Editorem esse; a quo, qua est doctrinæ copia, multa sibi meliores litteræ, & præclara, pollicentur. Nos ei fortunam, quamcunque sibi optarit ipse, ex animo precamur, quin ominamur.

SYMBOLÆ LITTERARIAE, OPUSCULA VARIa, philologica, scientifica, antiquaria; signa, lapides, numismata, gemmas, & monumenta mediæ ævi nunc primum edita complectentes. VOL. IV. ornatum Tabulis III. ære incis.

Florentiæ, 1749. 13 plag. in 8.

Quam induerunt apud omnes & elegantiae & eruditionis gratiam Gorianæ symbolæ, ex ea nihil adhuc esse diminutum, facile adparebit libellos, quos hoc volumen complectitur, singulos perlustraturis. Statim post mantissam præfationis, in qua inscriptiones aliquæ Romæ haud ita pridem effossæ nunc primum proferuntur, hanc conspicimus commentationem, quæ inscribitur: IO. BAPTISTAE PASSE-RII, Pifaurenfis, protonotarii apostolici, ac regiae societatis Londinensis, Etruscae, Cortonenfis, & Olmucensis, membri, de hebraismo Aegyptiorum dissertatio, ad religiosissimum doctissimamque virum Paulum M. Paciaudium, clericum regularem Teati-

- Pag. 1. num. Primo statim libri capite in eo versatur doctiss. Auctor, ut, ad linguam Etruscorum explicandam multum facere doceat, non modo græcam linguam, verum etiam ebraicam; huius autem voces in lingua latina adhuc supersites, non
 5. aliunde, quam ex etrusca ipsi obtigisse, suspicari iubeat. Capite II. hellenismus Etruscorum non a Græcis, quod vulgo creditum, sed ab ipsorum potius origine natales suos repetere demonstratur. Ebraismo Etruscorum patrocinator caput III. atque ex eo totam græcam linguam ebraicis verbis abundasse, excitato insigni græcorum vocabulorum censu, ostendit. Ita v. c. *Achelous* a כַּחַל *torrens*, derivatur, unde etiam Nilus dicitur; *Aracne* ab אֶרֶן *texere*, unde latinorum *aranea*; *Salamina* a שָׁלֵם *salvus, sospes, pacificus*, ideo, quod primum ad eam adpellentibus salutem & requiem præstiterit.
 10. Capite IV. in eo totus est Auctor, ut, ebraïsmum Græcorum derivari, vincat, ab ipsorum ultima origine, quæ tum fuit, quum totus fere, qua ad orientem vergit, terrarum orbis, ebraicis vocibus personaret; id quod ostendunt nomina propria

pria locorum atque heroum, ebraicam indolem redolentia. Ita dictus videtur *Caucasus* a כוכב s. כוכבים, *stellae*, quarum indagandarum studium in montis huius cacumine frequenter usurpatum fuisse perhibetur; ita etiam *Cappadocia* a קפדרה, *divisio*, exstitisse dicitur, quod montibus altissimis descripta ac munita, a vicinis terris seiungitur; item *Caborus*, Armeniae fluvius, a כביר *copiosus, adfluens*; *Niphates*, Assyriae terminus, a נפת, *terminus, locus terminum constituens*. Quæ quidem vocum græcarum cum ebraicis adfinitas quum negari haud possit, profecta esse illa potissimum a coloniis Aegyptiorum in Græciam deductis (cap. V.), quas quidem multas Pag. 14. fuisse, ex Diodoro Siculo discimus; deinde etiam a studiis, artibus, & religionibus, quæ ex Aegypto in Græciam transmigrarunt, efficitur cap. VI. Spartanos necessitudine quadam attingere Ebræos, ex obvio in istorum vocabulis ebræi sermonis genio, cap. VII. demonstrat; eandemque adfinitatem in lingua Phrygiæ vestigiis deprehendit vener. Passerius. Propius ad id, quod instituerat, capite VIII. ita accedit eruditissimus Auctor, ut ipsas litterarum græcarum formas ebraismum olere, neque a Chaldaeis, sed ab antiquis Ebræis derivandas esse vincat. Ex hisce autem fontibus ebraismus in Græciam traductus, in linguam Etruscorum secessisse & confedisse perhibetur. Caput IX. Aegyptios ebræa lingua, vel alia eius non multum dissimili, esse usos, probatur ex ipsorum prima origine, & ex longa, quæ intercefferat, cum Ebræis consuetudine. Cui quidem sententiæ auctoritatem pondusque ita cl. Passerius conciliat, ut, Iudæos in captivitate ægyptiaca linguam patriam, eamque ab Aegyptiorum sermone multum discrepantem, conservasse, eo minus veri esse simile vincat, quo certius de linguæ domesticæ iactura, ex transmigratione babylonica a Iudæis facta, nobis constet. At existimari ita vix patiuntur non nulla sacri codicis, duo inprimis, effata: quorum alterum Genes. XLII. 23. filios Iacobi, cum Iosepho sibi tunc incognito loquutos, nescivisse narrat, quod intelligeret ipsos Iosephus, eo, quod per interpretem loqueretur; alterum vero, idque fortasse maius, Psalm. LXXX, 5.

Iosephum, quum exiret e terra Aegypti, linguam, quam parum cognitam habuisset, audivisse dicit; unde Chananæi, Aegyptiis ceteroquin vicini, diversa tamen lingua usi fuisse videntur. Verum hæc, quæ contra nituntur, cap. X. strenue concidit Auctor, linguamque chananæam ebraicæ admodum adfinem fuisse, adductis in testimonium luculentioribus exemplis, hoc pacto demonstrat, ut punicæ linguæ fragmenta, quæ ebraice loquendi rationem speciemque præ se ferant, excitet.

- Pag. 39. Omnia autem, quæ hucusque fuerunt disputata, excipit *Lexicon Aegyptio-Hebraicum*, nempe vocum Aegyptiarum, quæ ex hebraica lingua derivantur. In quo quidem libello, dici vix potest, quantum resideat eruditionis, & quam late pateat eius usus: ut qui inservire non intelligendis tantum & explicandis veterum scriptorum profanorum monumentis, sed illustrandis quoque haud paucis sacrarum tabularum locis, possit.
105. Socias sese adiungunt limatissimo huic commentario; eiusdem Io. Baptistæ Passerii *dissertationes binæ*, quarum prior agit
107. *de aeneo Iovis signo, duplici ferto coronato*. Cuius quidem conscribendæ commentationis opportunam sibi a venerando Gorio copiam eo factam fuisse, Auctor profitetur, quod signi imagunculam aeri incisam perlustrandam ipsi transmisisset. Refert autem illa hominem, proluxa ornatum barba, unico pallio vestitum, protensa dextera, pectore ventreque nudis, capite vero duplici corona redimito. Atque hunc quidem duplicis coronæ ornatum inprimis illustrandum in se suscepit Passerius. Quod ita facit, ut unam Iovi coronam propriam fuisse & debitam, ostendat, huic autem aliam aliquando superaddi ab eis, qui nacta victoria, gratum huic deo & devotum animum declarare cuperent, esse solitam, aperiat. In qua quidem re hic olim mos obtinuit, ut ista adventitia quasi coronæ, aut capiti Iovis imponeretur; aut, si forte nimis procerum signum esset, in sinu eius; aut denique, ubi ne id quidem liceret, in pedibus monimenti collocaretur: unde etiam evenire quandoque solebat, ut furto averterentur istæ, parum diligenter alligatæ. Posterior doctissimi viri dissertatio, de num-
118. *mo Ballæorum* est conscripta. Nummus hic, e museo Goriano

riano depromptus, oculis lectorum eleganter expressus subiicitur; in quo præ ceteris inscriptio, quæ unica voce ΒΑΛΛΑΙΟΥ absoluitur, digna visa est reverendo Auctori, quam pleniori disputatione prosequeretur. Advertit statim lectorem ea coordinandi litteras, quæ in hoc titulo cernitur, ratio, quæ a dextra versus sinistram eæ componuntur, adeo certe antiqua, ut, si a populis ad orientem spectantibus discesseris, non, nisi forte apud antiquissimos Græcos, servatum unquam esse hunc morem deprehendas. Quum vero hoc verbum ΒΑΛΛΑΙΟΥ, sive, quæ forma frequentior, adeoque magis vera esse Auctori videtur, ΒΑΛΛΑΙΟΝ, (postrema littera vetustate corrupta, Ο autem τοῦ Ω vicem sustinente,) urbem quandam, eiusque populum, significet; suo omnino iure in eo elaborat vir doctus, ut, cui tandem urbi nuncmus hic debeatur, aperiat. Vindicare autem sibi, inito quasi certamine, videntur urbes, *Balla* in Macedonia, & *Ba-* Pag. 119.
lis, in Lybia Cyrenaica sita. Isti favet illud *Stephani de urbibus*: ΒΑΛΛΑ, πόλις Μακεδονίως, ὡς Πέλλα, ὁ πολίτης; 120.
Βαλλαῖος. Huic autem fidem facere studet Auctor. Nec sane refragantur ea, quæ in nummo animadvertimus; quippe qui altera facie exhibet caput, quod Africam omnino olet, altera integram inaginem, quæ Balim ipsum, a quo hæc urbs nomen sortita est, sine ullo dubio refert. Hunc vero, licet, eundem esse cum isto idolo Baal, & ab Ebræorum בל
 nominatum fuisse, quidam existiment; magis tamen viro doctissimo eorum sententia arridet, qui Balim hunc fuisse co- 124.
 loniæ istius deductorem putant. Cui quidem sententiæ vel ex eo pondus conciliatur, quod Græcos, scimus, maximo in honore habuisse urbium suarum conditores: Africæ autem incolæ solitos esse reges suos in deorum numero ponere, ex *Strabone* discimus, qui lib. XVII. eos, inquit, a quibus beneficium acceperunt, & reges pro diis habent & putant, reges communes omnium custodes & servatores esse. Unum est illud, quod urgere maxime, qui contra nituntur, possunt, Africam propriis litterarum formis fuisse usam in obsignandis nummis, adeoque græcæ potius, quam lybicæ urbi, hunc esse num-
 mum

munum tribuendum. Sed hi fere erunt, qui non perpendant, Cyrenem, huic nostræ urbi propinquam, Græcorum coloniam fuisse, hinc autem perpetuam Cyrenensium cum Græcis amicitiam, immo legum, studiorum, & institutorum societatem communionemque esse natam. Pergimus ad reliquas, quæ hoc in volumine continentur, dissertationes. Sequitur

- Pag. 129. enim: *De crassitie laterum, quibus veteres in magnis molibus & substructionibus utebantur, epistola Iacobi Belgradi, Soc. Iesu Presb. in Academia Parin. Publ. Math. Prof. & Acad. & Instit. Hon. Soc. ad Ant. Franc. Gorium.* Architectonicæ artis haud exiguam, qua pollet, facultatem, eo confert doctissimus Auctor, ut ostendat, quid causæ sit, cur in magnis molibus cernamus adhibitos olim fuisse lateres, longe iis graciliores, quibus vel hodie utimur, vel etiam veteres in privatis ædibus, iisque parum amplis, extruendis, uti consueverunt. Quam quidem causam in eo ponendam esse, adductis haud levibus rationibus, pronuntiat, quod ædificio duraturo gracilioribus magis, quam crassioribus lateribus confutatur. Hæc vero omnia ita disputat venerandus *Belgradius*, ut lectæ huius commentatiunculæ poenitere non magis possit, quam elegantis istius alterius, ita inscriptæ: *Iacobi Belgradi, ad eundem Ant. Franc. Gorium epistola altera, qua basis Ariminensis inscriptio militaris recens inventa illustratur.* Brevis, sed non inerudite, lucem adfundit inscriptioni, tunc recens Arimini repertæ, quæ sic habet:

C. NONIO

C. F. AN. CAEPIAN

EQVO. PYBL. EX QV'N

DECVRIS. IVDICV

PRAEF. COH. III. BRITT.

NVM. VETERANOR

EQVITATAE. TRIB. LEG. I. AD

TRICIS. PIAE. FIDELIS. PRA

ALAE. I. ASTVRVM. PRAEPOS

NY

NUMERI. EQUI TVM. ELECTOR
BY ILLYRICO

C. VALERIUS. SATVRNINVS. I.

ALAE. I. ASTVRVM. PRAEF. OPT

L D D D

Quam hic repetivisse inscriptionem, eo magis iuvabit, quod Pag. 143.

in eadem explicanda versatur dissertatio, quæ sequitur: *Ad clarissimum Patrem Romualdum Rotam, Societatis Iesu, Ariminensis Collegii Rectorem, de inscriptione Arimini nuper reperi- ta, Francisci Ant. Zachariae, eiusdem societatis, epistola.* Con- sentit cum Belgradio doctissimus Auctor in eo, legendam esse inscriptionem hoc Pacto: *Caio Nonio Caii filio, Caepiano, equo publico, ex quinque decuriis iudicum; praefecto cohortis tertiae Brittonum veteranorum equitatus; tribuno legionis primae adiutricis, pia, fidelis; praefecto alae primae Austurum; praeposito numeri equitum electorum ex Illyrico, Caius Valerius Saturninus, decurio alae primae Austurum, praefecto optimo. Locus datus decreto decurionum.* Hoc autem sibi inprimis proposuit eruditissimus Auctor, ut, quæ de hoc lapide disputa- verat Ioannes Blanchius, in epistola, litterariis ephemeridibus Florentinis inserta, ea aut ulteriori disquisitione augeret, aut, si quid parum recte ab isto prolatum videretur, amice repre- henderet emendaretque. Hoc modo veriora multa, nec sane inutilia, de gente Noniorum, de equo publico, de cohorti- bus Brittonum, de vocabulo: *equitatus*, de equitibus electis, aliisque rebus huc pertinentibus, a rever. viro disputata legimus. Aetatem autem inscriptionis post Gaibæ tempora collocandam esse, non temere censet Auctor. Agmen clau- dit idem vir doctissimus, adiectis quibusdam epistolis, quarum 177.

hic est index: *Lettere di Franc. Antonio Zaccaria, della com- pagnia de Gesù, all' illustrissimo Sig. Onofrio del Mosca, Cava- liere di S. Stephano, e tra gli Arcadi della colonia Alfea Per- simbo Selleniano, Sopra alcune antichità di Pisa.* Ea se nobis hic sistunt antiquitatis monumenta, ut, potiora ex iis repetitu- ris difficilis videatur electio. Quo magis erit adculanda ce- leberissimi Montefalconii sententia, diar. ital. pag. 395. Pisana

Cccc

moni-

monimenta trita & vulgaria dicentis. Sed, ne longiores sumus, hic subsistimus, egregio venerandi Gorii, de his litteris præclare promeriti, consilio, felicem semper exitum perennemque gloriam precati.

HISTOIRE DE CLEMENT XI. PAPE &c.

i. e.

HISTORIA CLEMENTIS XI. P. M. AUCTORE
Dom. REBOULET, Seniore Primicerio Academiae
Avenionensis.

Avenione, apud Claudium Delomb, typographum sancti officii, & Franc. Girardum, typographum collegiorum pontificalium, 1752. 4. mai.

Tom. I. Alph. 1. plag. 15.

Tom. II. Alphab. 1. plag. 9½.

Memoria Clementis XI. digna omnino erat, quæ ad postremam ætatem transmitteretur. Excellentibus ingenii dotibus, doctrina atque virtute eminuit, eiusque studium, quo eruditus est profectus, erat plane singulare. Merita ipsius in ecclesiam romanam, quam omni ratione tutari ac ornare est adnissus, tanta fuere, ut non facile ulli antecessorum suorum cedat. Ea erant tempora, quibus sedi romanæ præfuit, ut modo his, modo illis partibus se addicere cogeretur, unde pro partium studio multæ ipsi molestiæ sunt creatæ. Ipso sedente, controversiæ Iansenisticæ recruderunt, quas cum publica quadam constitutione componere adlaboraret, tantum absuit ut litibus finem imponeret, ut potius accenderet discordiarum fomitem, qui proxima quæque corripuit, & cui extinguendo remedium aptum excogitari adhuc nullum potuit. Auctor, qui pluribus scriptis, potissimum historia regni Ludovici XIV. celebritatem nominis est consecutus, extremis vitæ annis totus in eo fuit, ut historiam Clementis XI. studiose consignaret; ei operi cum immoreretur, filius edendum curavit. Non videtur in illo exactas historiz leges

legēs sequi voluisse: modo enim facta, quæ tanti non sunt, vehementer extollit, modo errores ac male facta extenuat, imo virtutis colore infucat, & id quidem non alia de causa, quam ut heroem suum tanquam consummatum exemplar principis, ac supremi civitatis christianæ monarchæ nobis exhiberet. Representat illum tanquam supremum, nec ullis legibus circumscriptum moderatorem, qui de celsa specula, oculos lynceos, in omnes orbis, non christiani solum, verum etiam a christianismo alieni, partes, continuo despectat, & opportune, quid opus factu sit, decernat. Videas hic in scenam redire pontificem, qui tantam potentiam ac dominatum exerceat, quantam usurpabant, qui luctuosis illis temporibus suprematum, liceat uti vocabulo consueto, etsi non satis latino, in res omnes, & humanas & divinas ambitiose sibi adferebant, & quibus omni ex parte pontifici obsequi pium ac religiosum, eidem obniti profanum ac detestandum habebatur. Diximus, Auctorem aliquando historiæ leges migrare, ac eventus, qui nunquam contigerunt, fingere, modo ad herois sui gloriam faciant: documento esse possunt, quæ deinde in medium proferemus. Huc vel maxime spectat illud, quod P. II. p. 137. narrat, principes heredes, Borussiae ac Russiae, a. 1717. Romæ fuisse, interventu Clementis deinde parentibus suis reconciliatos: cum tamen prior tum temporis quinque tantum annos haberet, nec Italiam umquam adierit. Si ex hac relatione iudicium de reliquo operis ipsius historici contextu est ferendum, certe illud Auctori nostro parum favens esse poterit. Sed ad ea nos convertimus, quæ de vita ac rebus gestis Clementis memorat, etsi præcipua tantum momenta strictim exhibere nobis liceat.

Iohannes Franciscus Albani, (id quippe nominis ante pontificatum ei erat.) illustribus parentibus d. 21. Jun. a. 1649. in lucem hanc est editus. In eo educando & erudiendo sollicita cura fuit adhibita; & quoniam præclara erat indole, egregie profecit, doctrinaeque præmaturæ speciminibus editis, eruditissimorum & magnorum virorum, ipsius etiam *Christinae*, reginae Sueciae, gratiam consecutus fuisse dicitur. *Innocentius XI.*

- aliam itemque aliam dignitatem ecclesiasticam in ipsum contulit, eiusque successor *Alexander VII.* eum non solum in omnibus suis honoribus confirmavit, verum etiam d. 30. Febr. 1690. purpuratorum senatui adscripsit; quam tamen dignitatem supplicem deprecatum fuisse Albanum, Auctor adfirmat. Quanta cura ac sollicitudine munere hoc suo, difficillimis temporibus, quibus lites cum *Ludovico XIV.* de regalibus, uti adpellant, & legatorum immunitatibus, fervebant, fuerit ffectus; quanta benignitate fuerit persecutus litteratos, artifices, pauperes atque adstrictos; quanto denique ardore illos, qui ab ecclesia Romana secessionem fecerant reducere adlaboravit, amplis verbis dilaudatur. A cupiditate colligendarum opum alienus erat maxime, nec volebat cognatos suos ex ecclesie opibus ditescere; immo ipse effecisse dicitur, ut *Innocentius XI.* decretum contra sic dictum *nepotismum* promulgaret. *Joanne Sobieskio*, Sarmatarum rege, satis functo, multum contribuisset fertur, ut *Fridericus Augustus*, Saxonie princeps elector, rex crearetur. Magna in suspitione erat, pontifici suavisse, ut, posthabita domo Austriaca, *Philippus Andegavensis* successor regis Hispanie Caroli II. testamento declararetur; qua re in invidiam atque odium incurrit.
- 37-41. Mortuo pontifice, itemque rege Hispano, purpurati, praevidentes exoriturus tempestates, concordibus suffragiis Albanum elegerunt, qui post multam tergiversationem tandem dignitatem pontificiam accepit, d. 23. Nov. a. 1709. initiatus. Cognatis suis statim a primo pontificatus momento significavit, non habere eos quod sperarent, virtutibus ad honores viam
- 41-52. sibi munirent. Rem publicam salutaribus legibus instruxit, statum ecclesiasticum melius ordinavit, officio suo in cultu publico sedulo est functus, partes etiam episcoporum aliquando obivit, quin & pro concione sacra subinde verba fecit. Cum lites inter Imperatorem & Galliarum regem in apertum bellum erumperent, arbitrum sese interposuit, ac pacem reconciliare omnibus viribus est adnissus; sed cum nihil efficeret, neutri parti accedere consultum duxit. Sub idem tempus Imperator electorem Brandenburgicum, regem Borussiae agnovit, qua super re *Clemens* querelas ad Augustum detulisse perhibetur.

Ponti-

Pontificis sc. vicem Christi in his terris gerentis, esse, regna orbis terrarum dispensare, hoc igitur inscio ac invito, neminem sese pro rege gerere debere. Defuncto *Iacobo II.* luctum suum in publico Consistorio est testatus, simul vero lætitiā suā declaravit, quod *Ludovicus XIV.* filio eius natu maximo patrociniū esset largitus, eundemque regem Britannię pronuntiasset: purpuratos ille omnes, ut idem facerent, est exhortatus, operaniquē navavit, ut recte educaretur, inque religione pontificia obfirmaretur. Catholicis, qui in terris Turcici multum adflegebantur, per intercessionem Imperatoris, Galli, & Poloni, quietem & liberum religionis exercitiū restituit. Bello iam scēviente, pacis conditiones proponere non intemist. Videbatur in partes Gallorum inclinare; multas hinc a Cæarianis molestias perpeſsus est. Dum belli flamma latius per Italiam serperet, terras suas adversus hostilem impressionem firmare instituit. Motus Iansenistici in Gallia, itemque Belgio, multas ei molestias faceſſerunt. Certe Carolū Austriacū regem Hispanię agnoscere renuebat: qua re exacerbatus Imperator, belli incommoda sentire eum voluit. Classis Britannica & Belgica, mare mediterraneum ingressa, terris pontificiis minitabatur. Initium inde belli inter Augustū, Polonię regem, & Carolū XII. Regem Suecorū, quod quā perniciosū fuerit Augusto Regi, enarratur. Copię Cæſarię æque ac Gallicę terras pontificis multum infestabant. De progressibus religionis romanę in Africa & Asia, speciatim apud Sineses, sermo instituitur; qua occasione ad quæſtionem de cultu Confucii, & animarū demortuorū maiorū, A. delabirur. A Persarū rege per litteras obtinuit, ne christianis gravis eſſet, & ut libertatem religionem suā proſitendi iis concederet. Maronitas etiā iuvit. Controversiis Iansenisticis in Gallia recrudescētibz, constitutionem edidit celebratissimā, vineam Domini *Sabaotb.* rel. Catholicis in Syria & Palaſtina aliquid levaminis conciliavit. Legationes, in causā religionis, versus Africā & Asiā destinavit. Cum Imperatore litigavit de iurē primariarū precū A. 1706. d. 17. Maii 20. cardinales simul creāvīt. Irruptionem Caroli XII. in Saxoniam A. inde, & quas duras conditiones Augusto propoſuerit, atque Sileſiis multa templa ac scholas restituerit, describit. Cum Galli & Hispani ubique fere locorū infelicitibus cladibus adficerentur, Clemens iterum pacem reducere tentavit, frustra tamen. Compēndiarū litum ergo, ad Sineses miserat *Tournon* purpuratū: sed sine suo potius non est, potius contentiones sunt auctę, eidemque & missioni mala multa incubuerunt. Augustū R. animum reſumiſſe, ac bellum de novo instruxiſſe, cum Carolus impressione in Ruſſianiſeciſſet, ut Imperatorem de ſolio deiiceret, traditur. De ſcripto quodam theologorū Helmiſtadienſium, ſuper differentia inter confessionem Auguſtānam & religionem romanā, iudiciū fertur ab A. & quid circa abiurationem *Elisabethe*, ſponſę Caroli R.

- pag. 215- pania, fuerit actum, edisseritur. Rakortzianam seditionem per litteras sedayerat Pontifex, potuerat igitur gratæ mentis demonstrationem ab Imperatore expectare: sed cum bellum continuaretur, terræ pontificis miserum in modum expilatæ & devastatæ sunt, quin & ipsi urbi Romæ terror incussus. Quibus malis fractus Clemens, pacem cum Imperatore iniit, & Carolum regem Hispaniæ agnovit, ita tamen, ut iuribus Philippî nilquidquam derogaretur. Verum hac re ita offendit Philippum, ut is antistitibus Hispanis, & subditis suis, omne cum aula Romana commercium interdiceret. Fortunam Augusti post Suecorum cladem ad Pultravam a. 1709. reducem, A. recenset. Quantam curam in abusibus in Polonia emendandis, religione item romana in Saxonia & alibi locorum propaganda, impenderit, deinde memorat. De cardinali Bouilloneo, qui iram Ludovici XIV. incurerat, aliqua proferuntur. Contentio de Comaclo inter Imperatorem & aulam Romanam agitata, tandem sopita fuit. Furor Persarum in Christianos iterum fuit cohibitus. Tournonius in China, & vincula & dira tormenta est perpressus, cuius obitum in cardinalium confessu multum doluit Clemens.

- Tomo II. hæc sunt. *Iosepho* Imp. vivis excedente, in eiusque locum a. 1711. *Carolo* subrogato, Clemens vigilavit, ne quid detrimenti caperet ecclesiæ Romanæ. In Aethiopiâ aliquos, qui evangelium adnuntiarent, destinavit: hi quidem multos partibus suis adiunxerunt, sed ut ecclesiâ Aethiopicâ Romanæ adsociarent, hoc efficere non potuerunt. Morus inter Maronitas excitatos, sua auctoritate composuit. Contentiones, inter academicos Colonienfes enatas, ita terminavit, ut iura academiæ & sedis Romanæ salva conservarentur. Angli, insulas Maioricam & Minoricam tenentes, multa admisisse arguebantur, quæ in detrimentum religionis catholiciæ vergerent, pontifex igitur, interventu regis Galliæ, effecit, ut iussu *Annæ Britannicæ* conatibus his obex poneretur. Pax, de qua tum agebatur, multas Clementi curas dedit, ne quid, quod ecclesiæ esset novero, concluderetur. *Pium* V. d. 22. Maii, multa cum solemnitate, in sanctorum numerum retulit. In Sicilia de iurisdictione acriter contendebatur, quibus Papa contentionibus modum ponere haud potuit. Quid egerit in controversiis inter pagos Helveticos reformatos & catholicos, quæ in apertum bellum in detrimentum romanensium eruperant, indicatur. Cum deinde a. 1713. pax Ultrasiefti componeretur, per regem Galliæ id egit, ut articulus IV. pacis Rîsvicensis retineretur, ac de novo confirmaretur. Alia adhuc multa, commode ecclesiæ Romanæ, est molitus. Patriarcha Alexandrinus in communionem ecclesiæ Romanæ concesserat, quod largam lætitiæ materiam Clementi præbuit. In pace Badensi cavît, ne quid in ecclesiæ suæ damnum decerneretur;

retur; impedire tamen non poterat, quo minus quædam gererentur, quæ ipsi vehementer displicerent, v. c. Elector Brandenburgicus rex Borussia, dux Hanoveranus elector, Sabaudus rex Sicilia, se inconsulto, agniti. Venetis, qui bello petebantur a Tur-
 cis, auxilia submisit, eisdemque socios conciliavit. Controversiæ de
 iurisdictione Sicilia, maiori longe ac antea animorum motu fuere
 resuscitata. Occasione adnotationum moralium Quesnellii cum
 acerrime decertaretur, ut certaminibus illis finem imponeret, ac
 pacem restitueret, tandem 10. Sept. 1713. famosam illam, quæ
 primis verbis dicitur, *unigenitus Dei filius*, constitutionem publica-
 vit. Sed tantum abfuit, ut scopo responderet, ut potius conten-
 tiones inde augerentur. Rex Gallia, litium pertæsus, ad ultima
 descendit, concilium convocaturus: sed mors, quæ a. 1715. ei
 supervenit, destinata intervertit. Cum post obitum *Anne*, Bri-
 tannia reginæ, *Georgius* Hanoveranus solium regium conscende-
 ret, Iacobus competitor, a Scotis invitatus, opibus pontificis con-
 fisus, ius suum, quod mentiebatur, exsecuturus, insulam adiit,
 sed non ita multo post ingentem cladem passus, rediit unde venerat.
 Cum imperator Turcicus bellum prosequeretur, & a. 1716. Corcy-
 ram obsidione cingeret, pontifex Venetis auxilia tulit, & Imp. Caro-
 lum sollicitavit, ut Venetis suppetiās ferret, atque in Hungaria bel-
 lum adversus Turcas moveret. *Schulenburgius*, qui Corcyram præsi-
 dio tenebat, Turcis se fortissimè opposuit, ut prævalere non pos-
 sent; dum, po steaquam fortiss. *Eugenius* Sabaudus d. 3. Aug. incom-
 parabilem victoriam reportasset, obsidionem solvere cogerentur. Se-
 cuta est Temesvaria deditio; cuius victoriæ ergo Clemens sollempni
 cum pompa Deo publice gratias egit. Iacobus, ubi ausibus suis exci-
 disse, ad pontificem concessit, qui de necessario victu ei providit, ac
 Urbinum sedem adlignavit. A. 1717. *Eugenius* Belgradum obsidebat,
 & cum auxilio urbi venirent Turcæ cum numerosissimo exercitu, hunc
 ingenti fortitudine fudit. Belgradum, Turca fugato, in deditio-
 nis condiciones descendit. Veneti etiam felici successu gaudebant,
 locis, sibi in Peloponneso & alibi ereptis, recuperatis. Sub hoc
 tempus rex Hispania impressionem in Sardiniam fecit, ad quam
 consiliis Alberonii inductus fuisse censebatur. Ea multum in-
 vidia creabar regi, quod non deessent qui criminerentur, ac
 si contra datam fidem terras Imperatoris invaserit, atque ex pacto
 cum Turcis egerit. Sed & Imperator in regno Neapolitano multa
 moliebatur, quæ pontifici minus erant accepta. Controversia su-
 per constitutione unigenitus, Ludovico vivis exempto, aliam longe
 faciem induit. Ad *Philippum* Aurelianensem summa rerum devol-
 vebatur. *Noaillius*, caput collegii, quod res sacras dirigebat, consti-
 tuebatur; illi igitur, qui constitutioni adversabantur, animum reco-
 perunt. Equidem omnia tentabantur, quo pax tandem restitueret-
 ur, sed negotiationes felici successu carebant. Tandem Noaillius,

una

- una cum aliis quatuor episcopis, a pontifice minus informato ad
 Pag. 156- melius informandum, & ad futurum concilium provocabant. Philip-
 191. pus interea Sardiniam pariter atque Siciliam occupaverat, quo Impe-
 rator pacem cum Turcis inire cogebarur. Hoc facto, expeditionem
 contra Hispanos suscepit, eosque ex insulis occupatis eiecit. Molitio-
 nes Philippi minus placebant Clementi, quod Imperator victorias
 suas adversus Tureas longius prosequi potuisset; & quoniam Albe-
 ronius regem ad hoc bellum incitasse dicebatur, postulanti-
 bus paciscentibus, omnibus suis dignitatibus in Hispania excidit,
 & regno excedere iussus, sero tandem libertatem Romam eundi
 192-199. impetravit. A. 1719. pontifex decretum, quod dicitur *pastoralis of-*
ficii, in Galliam misit, eosque omnes, qui ulterius constitutio-
 nem *unigenitus* accipere detrectarent, ab ecclesiae communione se-
 iunxit: verum etiam ab hoc, qui in adversa erant parte, provoca-
 200-203. bant. Præceperat pontifex, superiore tempore, missionariis
 in Sinenfium imperio, ut recens conversos a superstitionis
 ritibus abducerent: cum autem mandato hoc parum effe-
 ctum esset, ad Imperatorem Sinenfem ablegavit *Carolus*
Ambrosium Mezzabarbam, tanquam vicarium apostolicum, &
 legatum a latere. In initio quidem benigne ab Imperatore fuit
 exceptus, sed cum finem legationis eius rescisceret, animum a
 mutationibus illis alienum satis ostendit, etsi bullam pontificiam
 207-220. Mezzabarba publicaret. Episcopi Galli tandem declaraverunt, qua
 222-227. via pax reduci posset: sed Noallius omnibus obstitit. Philip-
 pum Clemens induxit, ut Mauros, Ceutam obsidentes, adgrederetur,
 quod tam fortiter ab eo factum legimus, ut non multo post
 230-231. urbs ea libera esset ab hostibus. Tandem laboribus ac morbis fra-
 ctus Clemens, cum antea epitaphium breve ac simplex sibi scripsis-
 set, d. 19. Mart. 1721. de hac vita decessit, a. 71. m. 7. & 27.
 dieb. vivendo impletis.



NOVA ACTA ERUDITORUM,

publicata Lipsiæ

Calendis Octobris Anno MDCCLVI.

REMARKS ON ECCLESIASTICAL HISTORY

i. c.

OBSERVATIONES HISTOR. ECCLESIASTICAE.

Διὰ δύο Φημίας καὶ ἐν Φημίαις.

Londini 1751. III. Vol. Alph. 4. in 8.

Observationum historicarum copiam tantam nondum esse, ut addi illis nihil novi possit, præstantissimi operis, quod iam indicamus, exemplo evinci luculenter, aliaque omnia edoceri posse existimamus. Ea enim huius libri est conditio, ut multa exhibeat, quæ in re Christianorum antiqua, vel minus recte adhuc intellecta erant, vel non ita, uti par erat, explicata. Auctor harum observationum, *Iohannes Iortinus* est, qui Londini sacris curandis præest, aliisque doctrinæ speciminibus, ut Dissertationibus super religione christiana, & observationibus miscellaneis, anglico idiomate scriptis, celebre iam inter cruditos nomen nactus est. Non eo autem animo hæc conscripsit observationes *Iortinus*, ut in omnem coctus purioris historiam inquireret, sed ut ea potissimum exinde delibaret, quæ ad stabiliendam confirmandamque religionis christianæ veritatem facere inprimis viderentur. Hinc mira rerum hoc libro propositarum, omisso temporis ordine, enata est varietas, quæ ad præstantiam operis ipsius augendam multum conferre videtur. Quum itaque dignissimus omnino sit liber *Iortini*, qui curatius perpenda-

Dddd

penda-

- pendatur, faciemus iam periculum, & potiora observationum momenta indicabimus, ut, quantum huic operi statuendum sit pretium, a quovis intelligi facile ac diiudicari recte possit.
- Pag. 1. *Tomo I.* Cl. Auctor ipsa rei christianæ incunabula considerat, quantumque religioni propagandæ Imperii Romani conditio
3. tunc temporis profuerit, exponit. Tiberius enim Imperator, libidini aliisque sceleribus deditus, rem christianam parum curabat. Quare haud probabile videtur esse, quod christiani olim credidere, cum inter Deos referre Christum voluissent.
8. Suetonio enim teste, fuit *circa Deos negligentior: quippe additus mathematicæ, persuasionisque plenus cuncta fato agi, putabatur.* Nero quidem ex urbe christianos pepulit, sed propter eiusmodi crimina hoc fecit, quorum nulla in ipsis culpa deprehendebatur. *Malefici* enim a Suetonio appellantur christiani, quia, quæ de miraculis divinis forte audiverant gentiles, magicis tribuebant artibus. Hac occasione locus Iuvenalis, Sat. XIII. v. 64. a Iortino ita emendatur, ut pro *mirandis* sub aratro piscibus inuentis, ponatur *miranti* sub aratro; quemadmodum eadem Satyra talia occurrunt loquendi genera: irato fistro, & esuriens ramus olivæ: deinde pro gurgitibus *miris*, legendum putat Auctor gurgitibus *miniis*, i. e. sanguineis. Sed nondum probata satis hæc nobis videtur emendatio; neque enim, cur a recepta usulectione recedendum sit, adparet.
12. Anno post resurrectionem Christi quadragésimo excidium Hierosolymæ accidit, a cuius eventu veræ religionis auctoritas
20. omnis pendeat. Optimus enim Servator, factum illud, pro summa, qua pollebat, rerum futurarum scientia, prædixerat; quod si non evenisset, conclamatum esse de religione
31. videri potuerat. Sed bene se res habet. Omnia enim ita, uti a Christo pronuntiata sunt, evenisse novimus. Effata autem hæc, iam ante Hierosolymam excisam extitisse, libri Novi Foederis, ab Apostolis eorumque discipulis litteris consignati,
41. testantur. Quorum quidem Scriptorum & interna conditio,
43. & externæ etiam res circumstantes, satis superque indicant,
46. ea ab hominibus illis, quibus tribuuntur, profecta esse. Ex
- historia

historia enim ecclesiastica notum est, Iohannem, lectis tribus prioribus evangelis, & approbatis, supplementi loco suum addidisse. Doctores etiam, quos patres vulgo appellant, pri-
 mis post C. N. seculis, ad scripta N. F. provocant. Viri enim
 apostolici, Clemens, Barnabas, Hermas, Ignatius, & Poly-
 carpus, multa ex evangelis & epistolis loca saepenumero exci-
 tant. Immo hæretici v. c. Gnostici, Cerinthiani, Ebionita,
 Basilidiani, & Carpocratiani, plerisque N. F. libris assensum
 præbebant, iisque nonnunquam ad defendendos errores suos
 abutebantur. Quodsi quis contra veritatem vaticinii huius
 ex eo dubium moveat, quod non ad verbum evenerint, quæ
 Christus de lapide super lapidem non relinquendo prædixit:
 responderi recte potest, hoc ad figuratum pertinere dicendi
 genus; sed ne hoc quidem dubitantibus concedi opus est.
 Eusebius enim, scriptor fide dignissimus, affirmat, se oculis
 suis vidisse τὴν πάλαι βοαιμένην Σιών ζεύγος βοῶν ὑπὸ Ρο-
 μάων ἀνδρῶν ἀρριμένην, celebratam antiquitus Sion, iunctis
 bubus, a Romanis arari.

Iam ad vaticinia V. T. in universum pervenit Cl. Iorti-
 nus, quantoque ea humano generi emolumento fuerint, per-
 spicue docet. Deinde in ea præcipue inquit effata, quæ de
 Messia pronuntiata putantur. Quatuor horum genera esse
 affirmat Auctor: 1) meras accommodationes, quæ ab Apo-
 stolis factæ sint; 2) vaticinia expressa, quæ de Messia solo
 explicari debeant; 3) typos, seu eiusmodi facta V. T. quæ Ser-
 vatorem futurum respexerint; 4) eiusmodi vaticinia, quæ du-
 plicem patiantur explicationem, & typis fere adnumeranda
 sint, quale est Deut. XVIII. 18, ubi ex accurata Christi &
 Moſis comparatione, sermonem de Messia esse adparet.

In reliquis Tomi primi observationibus, constitutiones apo-
 stolicæ, scripta patrum apostolicorum, & libri Sibyllini exami-
 nantur, & quid sentiendum de his omnibus sit, erudite demon-
 stratur. Sed data opera de his dicere omittimus: tum quod
 nimis longum foret tradere ea, quæ ad diiudicandum suffi-
 cere possent; tum quod ita cohæreant omnia, ut ex illis depromi
 summa aliqua vix queat. Ad alterum potius harum obser-
 vatio.

- vationum volumen progredimur, & quæ memoratu digna maxime ibi reperiantur, dispiciemus. Primo loco de miraculis, quæ religionis veritatem insigniter comprobant, non-
- Pag. 3. nulla profert *Iortinus*. Potiora, quibus fides istorum miraculorum nititur, momenta, hæc sunt: 1) publicis in locis plerumque fiebant; 2) ab hostibus veritatis conspici poterant; 3) ad confirmandam doctrinam humano generi maxime proficuum peragebantur; 4) ingens eorum numerus erat; 5) multi-
10. que testes pro veritate mortem obibant; 6) neque ab ipsis Christi adversariis facta negabantur, sed malis tantum causis ef-
12. ficientia isthæc perperam tribuebatur, quæ tamen, ob doctrinæ præstantiam, nonnisi a spiritu perfectio proficisci poterat.
40. Miracula, quæ post Apostolorum ætatem producta perhibentur, eandem non merentur fidem. Multi inter eruditos, uti van Dale, Moylius, alii, de certitudine horum miraculorum
47. plane dubitarunt: sed frustra in eo esse videntur. Quod si primorum christianorum vita, mores, ac probitas considerentur, certe dubitari non potest, facta nonnunquam inter eos esse miracula, quæ fide digna sunt, nullamque fraudem
56. produunt. Quamdiu vero duraverint vera miracula, finiri curate non potest. Optima sine dubio eorum est sententia, qui, qua fidem, quam merentur, miracula, in quatuor ea
69. dissecunt temporum periodos, ita quidem, ut prima eorum
75. epocha verissima Christi apostolorumque complectatur miracula; secunda ad initium seculi II. pertingat, & eiusmodi
80. comprehendat miracula, quæ probabilitate summa adhuc gaudent; tertia vero horum periodus usque ad Constantini M. tempora sit proroganda, & nonnulla contineat miranda, quæ neque affirmari, neque negari in universum possunt; &
92. ultima denique miraculorum ætas nullis limitibus circumscribenda existat, ubi tamen fabulis ac fictitiis plerumque miraculis plena sunt omnia, fraudibusque ita scatent, ut, quid verum fortasse adhuc illis insit, reperiri nullo modo possit.
150. Ad legionem fulminatricem mox devenit Auctor, &, quid
163. sentiendum ea de re sit, luculenter enarrat. Inter omnes constat,

constat, Imperatorem Marcum Aurelium, in bello contra Quados gesto, tempestate aliqua præter expectationem exorta, ab hostibus esse liberatum. Gentiles quidem rem istam Pag. 176. magis suis, Christiani contraria ex parte precibus ad Deum O. M. missis, miraculum illud tribuere. Atque hac ratione historia de legione ista fulminatrice efficta videtur esse, de 189. qua Eusebius ipse scribit: ταῦτα μὲν ὅπη τὰς ἐθελαι τῆς ἐθελαι.

His enarratis, super Origene ac Gregorio Thaumaturgo non- 234. nulla disputat Iortinus, & in ea præsertim inquiri, quæ de his 246. summis viris, malo plerumque in eos animo, traduntur; ac deinde hæresin, quæ a Manichæis nomen sortita est, explicat, & 250. veram eius indolem, quantum sine partium studio fieri poterat, mirifice commonstrat. Difficile profecto est, de hæreticorum istorum sententiis & opinionibus recte iudicare, quum omnia, quæ de illis novimus, ab eorum adversariis profecta sunt, qui maximo & implacabili in eos odio incensi, in hoc potissimum omnem posuere operam, ut quibus possent modis, invidiam hæreticis istis pararent. Manes enim, Apostolum se ac Prophetam eo consilio a Spiritu S. 256. missum, ut religionis nævos emendaret, iactaverat. Hinc 260. divinam litterarum sacrarum originem negabat, aliosque eorum loco libros divinitus scriptos proponebat. Deum extensum putabat, ac præter eum principium aliquod malum, a quo omne malorum genus in mundo oriretur, statuebat. Malum autem principium non pro vero, ut a Christianis 267. perperam credebatur, habebat numine; sed unicum tantummodo colebat Deum, cultumque malorum dæmonum magno- 272. gnopere detestabatur.

Atque hæ sunt præcipuæ Tomi secundi observationes, præter quas, sub finem eius voluminis, variae atque lectissimæ reperiuntur accessiones & emendationes dictorum quorundam, quæ Tomo I. vel plane omissa, vel minus accurate erant prolata. At enim, mittamus de his dicere, quum brevissima plerumque omnia sint, neque ita comparata, ut decerpi ex illis aliquid apte possit: ad volumen tertium potius accedamus. Prima hoc loco observatio, apparentem Constantino M. crucis

- figuram spectat, super qua multa ab eruditis disputata sunt.
- Pag. 2. Nonnulli enim, inter quos Fabricius eminet, phenomenon naturale, halonem scilicet, crucis instar fuisse existimant. Hinc inscriptionem, qua insignita crux ista perhibetur, pro corona, victoriæ signo certissimo, habent, & vocabulum *γραφήν*, 3. quod ab Eusebio hoc loco adhibetur, non de vera explicant scriptura, sed meram designare rei cuiusdam imaginem ac 10. speciem putant. At enim in diversa ire videmus alios, qui verum fuisse miraculum pronuntiant, & *γραφήν λέγεσθαι* per litteras veras explicant. Quæ quidem sententia, quamvis habeat præ reliquis, quo se commendet; nondum tamen ita probata satis videtur esse, ut dici in contrarium nihil possit, nullusve dubitationi cuidam locus relinquatur.
30. Circa eadem Constantini tempora, hæresis Ariana, quæ per ecclesiam diu multumque grassata est, oriebatur, tantisque animorum motibus utrinque disceptatum fuit, ut componi lites 50. istæ nulla ratione possent. Imperator quidem Constantinus Concilium Nicænum eo consilio convocabat, ut, quid de Ariana sententia statuendum sit, recte pronuntiaretur. Sed non 61. respondit eventus, quin potius finito Concilio isto, maiora in dies 100. incrementa capiebat res Ariana. Hinc Cl. Iortinus, super conciliorum natura & effectu, multa lectu dignissima profert, quibus auctoritas eorum indubitata mirum in modum labefactari posse videtur.
139. Eodem modo miraculum illud, quod Constantini ætate accidisse fertur, detecta nimirum Christi crux, variis ansam præbuit fraudibus, cultusque huius ligni plane impius mox ita crevit, ut crassissima exinde idololatria oriretur. Præcipua itaque circa hanc rem quæstio in eo versatur, num crucis illius inventio aliquot post mortem Helenæ annis efflata demum fuerit, an Helenæ ipsi fraudis huius culpa sit tribuenda? 146. Horum certe prius maximam probabilitatis speciem præ se ferre videtur. Quodsi Helena crucem reperisset, Eusebius sine dubio factum tam insigne non reticuisset. quum inventum Christi sepulcrum ab eo prædicetur. Helena præterea, octogenaria fere, iter Hierosolymitanum suscepit, ideoque

si tunc temporis omnino evenisset, ab aliis facilius decipi potuerat, quam ut ipsa ad fraudem faciendam apta fuerit. Præter hæc, aliasque nonnullas super eiusmodi rebus dubiis observationes, de Scriptoribus etiam ipsis historiæ ecclesiasticæ, Eusebio nimirum, Socrate, Sozomeno, Theodoretto, Pag. 135. Evagrio, scriptisque eorum, multa erudite disputat, quidque 198-200. de uno quoque horum sentiendum sit, luculenter declarat lortinus. Ultimo denique loco, duæ in hoc opere præstantissimo occurrunt observationes satis prolixæ, quarum altera, 247. tristissima tyrannorum, qui religionem christianam infestarunt, fata, curatius describuntur; altera vero de Iudæis agitur, eorumque historia ad hunc usque diem deducitur. Inter alia, quæ hic a Iortino traduntur utilia, ea præcipue notanda videntur, quæ de causis proferuntur, cur Iudæi tam difficulter christianam amplectantur religionem? quamque ob rem, si effata Scripturæ S. recte explicentur, sperandum adhuc tempus sit, quo insignis emendatio, & felicior pertinacissimorum istorum hominum conditio, eveniet.

Atque hæc fere sunt, quæ super præclaro *Iortini* libro isthoc scribere, e re lectorum putavimus. Quibus quidem ex dictis quum aliquo saltim modo adpareat, quam mirifice rei christianæ hoc libro consuluerit Iortinus; ita speramus quoque, ac confidimus omnino, fore, ut finis, quem Auctor huius operis præfixum habuit, certissime obtineatur, omnesque exinde discant profani, quam vani eorum in rem christianam sint conatus, & quam firmo contra divina sacrarum litterarum auctoritas nitatur fundamento.

TRAITE DES ARBRES ET ARBUSTES QUI SE CULTIVENT en France, en pleine terre, &c.

i. e.

DE ARBORIBUS ET FRUTICIBUS,
per

*per Gallias libera solo vegetantibus, Liber, Dom.
du HAMEL du MONCEAU &c.*

Parisiis 1755. apud Guerinum & Delatour, cum Privil. Regis.

Tomi II. Alphab. 2. plag. 2. c. fig. xn. 139. in 4-

Arbores & frutices, corpus lignosum, & gemmæ e cortice erumpentes, tanquam foliorum florumque ovula aut involucria, definiunt, & a ceteris plantis, quas ob molitiem, & quod caulem hyeme deiciunt, herbas dicimus, distinguunt. Suffrutices denique vocant plantas, quibus corpus lignosum est, sed gemmæ adsunt nullæ. Excellens Auctor, arborum & fruticum, seu arbusculorum, veluti vox gallica sonat, seriem, in latum extendit, & plantas, quibus lignosior caudex est, etiamsi illæ gemmas haud ferunt, veluti absinthium, asparagum, abrotanum, chenopodium, atriplicem, sub arbusculis comprehendit. Igitur non potest non dicendorum numerus esse amplissimus: multorum annorum labor hoc libro sistitur, nec tantum de herbis, quas Gallia fert, lignosioribus, & arboribus, vere ita compellandis, sed & illis, quas, sub diverso coelo natas, solum Galliæ nutrit, nec solummodo eruditionis, sed & utilitatis causa scriptum est. Namque, si quæ ex arboribus ad rem nauticam, ad oeconomiam, ad horticulturam, faciunt, diversis contemplationibus sistuntur. Omnium ordines exponuntur quam curiosissime. Etli enim Liber alphabetico ordine concinnatus est, ut in ista serie, etiam plebei, qui methodum non capiunt, rem quæsitam invenire possint: attamen sub ipso operis limine, subtiliori characterum expositione, quæ philosophum delectare possint inveniuntur largiter. Namque tres potissimum sunt conspectus, sub quibus plantarum suarum assinitates Auctor considerat. Alter ex floribus, alter ex fructibus, ex foliorum specie tertius desumptus est. Primus ordo sistit arbores fruticesque, veluti florendi modo conveniunt. Ita autem natura sese in multiplicandis stirpibus, iisdemque propagandis, gessit, ut cau-

las

fas fructuum, flores, esse voluerit duplices, quorum alii agerent, paterentur alii. Illi masculi, hi feminei sunt: utriusque generis flores vel singulares sunt, vel invicem mixti, eidemque corollæ immersi; & feminei quidem flores ubique fructus rudimentum sistunt, scilicet *pistillati*, cum, qui masculi sunt, *staminei* dicuntur. Igitur arbores etiam & frutices hoc ita habent, ut, duplici de causa in diversis floribus vel florum partibus recondita fructificent: namque ex illis sunt, quibus flos masculus & stamineus atque flos pistillatus & femineus in diverso stirpis eiusdem loco collocatus est, quando aliis uterque flos in diversa stirpe sistitur; quo titulo, arbores quasdam, uti *Quercum*, *Lentiscum*, *Fraxinum*, *Hypophaen*, mares & feminas, appellare solemus, quandoquidem in una stirpe flos, in altera fructus est. Denique sunt arbores, quarum causæ fructificantes sub uno complexu hærent, ut eadem corolla utrumque florem comprehendat, quem propterea hermaphroditam dicimus: hac lege naturæ, ad ductum Celebris *Linnaei*, tribus classibus vegetabilia duriori compage prædita, non secus ac reliquæ plantæ, dispescuntur in familias, quas sistimus.

PRIMA CLASSIS

Arborum & fruticum floribus masculis & femineis, distinctis, uni vel diversæ stirpi in hærentibus.

SECTIO PRIMA.

In diversa stirpe.

I) Duobus staminibus.

uno pistillo, *Salix*.

II) Tribus staminibus.

uno pistillo, *Casia*, *osyris* LINNAEI.

III) Quatuor staminibus.

uno pistillo, *Rhamnoides*, *Hippophae* LINNAEI.

uno stigmate, *Viscum*.

duobus stilibus, *Gale*, *Myrica* LINNAEI.

E c c c

IV)

IV) Quinque staminibus.

Tribus stigmatibus.

Terebinthus.	} Pistacia LINNAEI.
Lentiscus.	

uno pistillo, Siliqua, Ceratonia LINNAEI.

V) Sex staminibus.

Smilax. 3 stilis.

Gleditsia. 1 pistillo.

Zanthoxylum LINN.

Fogara, variantibus staminibus, 5 pistill.
Asparagus, 1 pistill.

VI) Staminibus octo.

Populus, 1 pistill.

VII) Decem staminibus.

Coriaria. 5 pistillis.

VIII) Duodecim staminibus iunctis.

Juniperus.

Cedrus.

Sabina.

Taxus. 1 stigm.

Ruscus. 1 pistill.

Ephedra. 2 stil.

} Juniperus LINN. 3 stigm.

SECTIO SECUNDA.

Floribus masculis & femineis super eandem stirpem.

I) Staminibus quatuor.

Alnus.

Betula.

} Betula LINN. 2 stil.	Morus.
	Buxus.

II) Staminibus duodecim, pluribus.

Quercus.

Ilex.

Suber.

Nux, Juglans LINN. plur. stil.

Fagus.

Castanea.

} Quercus LINN.	Corylus. plur. stil.
	Carpinus. 2 stil.
	Platanus. 1 pistill.
	Liquidambra. 2 stil.
} Fagus LINN. 3 stil.	

III)

III) Staminibus unitis.

Pinus.	} Pinus LINN. 1 stl.	Cupressus. sine pistillo.
Abies.		Thuya. 2 stilis.
Larix.		

SECTIO TERTIA.

Floribus hermaphroditis, masculis, femineis, eidem stirpi, sed distincto loco, inhaerentibus.

Atriplex. 1 stl.	Fraxinus. 1 pistill.
Empetrum. 1 stl.	Celtis. 2 stl.
Acer. 1 stl.	Alaternus, Rhamnus LINN. 3 stigm.

CLASSIS SECUNDA.

Flore hermaphrodito unius petali.

SECTIO PRIMA.

Flore campanulato, vel Infundibuliformi.

I) Duobus staminibus, uno pistillo.

Lilac, Syringa LINN.	Phillyrea.
Jasminum.	Olea.
Ligustrum.	Chionanthus.

II) Quatuor staminibus, uno pistillo.

Burcardia, Callicarpa LINN.	Elæagnus.
-----------------------------	-----------

III) Quatuor staminibus, quatuor pistillis.

Aquifolium, Ilex LINN. 4 stigmata.

IV) Quinque staminibus, uno pistillo.

Azalea.	} Lonicera	Isaminoides.
Periclymenum.		Lycium LINN.
Xylosteum.	} Belladonna Atropa	Solanum.
Symphoricarpus.		Pervinca, Vinca LINN.
	LINN.	Nerium.
		Sideroxylum.

V) Quinque staminibus, uno pistillo.

Periploca.	Ulmus.
------------	--------

E e e e 2

VI)

VI) Quinque staminibus, tribus pistillis, seu tribus stigmatibus.

Tinus. 3 *stigm.*

Opulus. 3 *stigm.*

Viburnum. 3 *stigm.*

Sambucus. 3 *stigm.*

VII) Sex staminibus, tribus stigmatibus.

Yucca.

VIII) Octo staminibus, uno pistillo.

Thymelæa. 1 *stigm.*

Passerina.

Daphne.

} Thymelæa.	Erica.
	Vitis idæa, <i>Vaccinium</i> LINN.
	Guaiacana, <i>Diospyros</i> LINN.

IX) Decem staminibus, uno pistillo.

Chamærhododendron, *Rhododendron*.

Uva ursi.

LINN. Gualteria.

Arbutus.

X) Pluribus decem staminibus, calyci affixis.

Styrax.

SECTIO SECUNDA.

Flore Monopetalo irregulari, galeato, barbato, perforato.

I) Duobus staminibus, seminibus quatuor.

Rosmarinus.

Salvia.

II) Quatuor staminibus, duobus longioribus, duobus brevioribus, seminibus quatuor.

Teucrium.

Chamædrys.

Thymus.

} Teucrium LINN.	Lavandula.	} Lavandula.
	Stoechas.	
	Phlomis.	
	Hyssopus.	

LINN.

III) Floribus hermaphroditis irregularibus, 4 staminibus, duobus longioribus, duobus brevioribus, seminibus capsulæ inclusis.

Bignonia.

Vitex.

IV) Quinque staminibus, bacciferæ.

Caprifolium.

Chamæcerasus.

Diervilla.

Lonicera LINN.

SECTIO

SECTIO TERTIA.

Flore monopetalo regulari in caput collecto, flosculo vel semiflosculo.

I) Quatuor staminibus, uno pistillo.

Globularia. | Cephalanthus.

II) Floribus hermaphroditis & femineis, hermaphroditis, quinque stamina unum pistillum habentibus.

Abrotanum. } Abrotanum LINN. Baccharis, Senecio. TOURNEF.
Absinthium. }

Othonna.

III) Floribus hermaphroditis, solis, singulis quinque stamina unum pistillum habentibus.

Santolina.

IV) Floribus hermaphroditis, solis, staminibus duodecim, pluribus, uno pistillo.

Acacia, Mimosa LINNAEI.

V) Floribus masculis & femellis, sub involucri succoso occultis.

Ficus.

TERTIA CLASSIS.

Flore hermaphrodito polypetalo.

SECTIO PRIMA.

Flore regulari.

I) Tribus staminibus, uno pistillo.

Chamaelea, Cneorum LINNAEI.

II) Tribus staminibus, duobus stilib.

Arundo.

III) Quatuor staminibus, uno pistillo.

Cornus. | Ptelea.

Evonymus.

IV) Quatuor staminibus, duobus pistillis.

Hamamelis.

V) Quinque staminibus, uno pistillo.

Rhamnus.	Rhamnus LINN.	Vitis. 1 stigm.
Frangula. }	3 stigm.	Grossularia. Ribes LINN.
Itea.		Evonymoides, Celastrus LINN.
Hedera.		

VI) Quinque staminibus, duobus stilib.

Zizyphus, Rhamnus LINN.	Bupleurum.
Chenopodium.	

VII) Quinque staminibus, tribus stilib vel stigmatibus.

Paliurus, Rhamna LINNAEI.	I amariscus, decem quandoque staminibus.
Rhus. }	
Toxicodendron. }	Rhus LINN. Staphylodendron, Staphylaea LINN.
Cotinus. }	Granadilla Passiflora LINN.

VIII) Quinque staminibus, quinque pistillis.

Aralca.

IX) Sex staminibus, uno pistillo.

Berberis.

X) Sex staminibus, tribus pistillis.

Menispermum.

XI) Septem staminibus, uno pistillo.

Hippocastanum, Esculus LINNAEI.

Pavia.

XII) Octo staminibus.

Ruta.

XIII) Octo staminibus, tribus stilib.

Polygonum, Atraphaxis.

XIV) Novem staminibus, uno pistillo.

Laurus.

XV) Decem staminibus, uno pistillo.

Azedrach: Melia LINNAEI. | Ledum. LINN.

Clethra. | Molle.

XVI) Decem staminibus, duobus pistillis.

Hydrange.

XVII)

XVII) *Staminibus* duodecim, pluribus, calyci affixis, uno pistillo.

Myrtus.		Prunus.	} Prunus LIN- NAEI.
Punica.		Armeniaca.	
Perfica.	} Amygdalus	Cerasus.	
Amygdalus.		Laurocerasus.	
	LINN.		

XVIII) *Staminibus* duodecim, pluribus, calyci affixis, tribus quatuorve stilib.

Syringa, <i>Philadelphus</i> LINN.	Pyrus.	} Pyrus.
Cratægus.	Malus.	
Sorbus.	Cydonia.	
Mespilus.	Spiræa. 3 pistill.	

XIX) *Staminibus* duodecim, pluribus, calyci affixis, indeterminato stilorum & pistillorum numero.

Rosa.	Rubus.
Butneria.	Pentaphylloides, <i>Potentilla</i> LINN.

XX) *Staminibus* duodecim, pluribus, pistillo unico affixis.

Capparis.	Stewardia.
Tilia.	Grewia.
Cistus.	

XXI) *Staminibus* duodecim, pluribus, pistillo affixis, indeterminato pistillorum numero.

Tulipifera, <i>Liriodendron</i> LINN.	Anona.
Magnolia.	Clematidis.

XXII) *Staminibus* duodecim, pluribus, in unum corpus unitis, quinque stigmatibus.

Ketmia.

XXIII) *Staminibus* duodecim, pluribus, in plura corpora concretis, duobus stilib.

Androsæmum, *Hypericum* LINNAEI.

XXIV) *Staminibus* pluribus, duodecim, in plura corpora iunctis, quinque stilib.

Hypericum. | *Ascyrum*.

SECTIO

SECTIO ALTERA.

Floribus polypetalis, irregularibus, decem staminibus.

Spartium, Genista LINNAEI.	Pseudo Acacia. <i>Robinia</i>
Genista, <i>Spartium</i> LINN.	LINN.
Genista Spartium, <i>Ulex</i> LINN.	Coluthea.
Cytiso Genista, <i>Spartium</i> LINN.	Tragacantha.
Cytisus.	Barba Iovis, <i>Anthyllis</i>
Anonis.	LINN.
Emerus } LINNAEI.	Silicastrum.
Coronilla }	Amorpha.
Anagyris.	

Arboribus fruticibusque ita ordinatis, clarus Auctor paginam vertit, & naturæ opus sub alio rimatur intuitu, suosque ordines ex fructibus eorumque compage vel numero metitur. Namque quibus nuda sint semina, quibus eadem sint calyptris vel succosis vel membranaceis involuta, quot semina ex pistillo fiant, an unum an duo, an tria, an quatuor, an plurima, quot sint involucrorum semina in se comprehendunt sectiones aut vascula, describitur: qua in re Clarus Auctor Morisonum, Raium, Hermannum, Auctores habuit. Ne autem videretur ubique assentiri exteris, aut nimium Linneo in ordinibus florum stabiliendis tribuere, Summi Viri, Tournefortii, inter Gallos, interque omnes, qui illo tempore rem herbariam scriptis illustraverunt, facile principis, notiones ubique immiscuit. Denique foliorum formas singulariter intuitus Clarus Vir est, easque concinno ordine digessit, quæ simplicia, quæ composita, bifolia, trifolia, quinquefolia, quæ digitata, angulosa, coniugata essent, considerans. Etiam si enim foliorum contemplatio genera non definit, illa tamen haud obscure delineat, vel illustrat. Veluti igitur eruditioni satisfactum est, ita & utilitati: namque sub unius cuiusvis arboris titulo, qua re stirps aliqua rempublicam vel oeconomiam iuvare, atque vel commodo vel oblectamento esse possit, clare exponitur, & uniuscuiusvis Icon toto habitu, hinc floris & fructus character, sub fronte cuiuslibet tituli, imagine,

imagine, sistitur; dignus omnino liber, qui vel subtilitatem, vel ipsam rem in historia arborum sectantibus, inter familiares habeatur, maxime illis utilis futurus, qui, cum literati sunt, rure una vivunt, quibus lectione huius operis nihil esse poterit iucundius.

RECHERCHES SUR DIFFERENS POINTS IMPORTANTS du Systéme du monde, &c.

h. c.

PERVESTIGATIO GRAVISSIMORUM QUORUNDAM Systematis mundi momentorum, &c. Auctore
Dom. d'ALEMBERT, rel.

Parisiis, 1754. 4.

Tom. I. Alphab. 1. plag. 21. Tom. II. Alphab. 1. plag. 13.
cum 3 Tab. æn.

Celeberrimus Auctor, de omnibus Philosophiæ partibus, editis de Dynamica, de motu aquarum, de motu corporum in mediis resistentibus, de ventorum motu & causis, de æquinoctiorum præcessione, luculentis operibus, aliisque schediasmatibus, quibus vel commentarios academiciæ scientiarum regiæ, vel diaria eruditorum subinde exornavit, immortaliter meritis, hoc eruditissimo atque profundæ scientiæ præclaro documento, universam Neutoni philosophiam coelestem egregie illustrat, & amplificat. Tribus libris, quæ indefesso labore, atque incredibili sagacitate, de mundi systemate meditatus est, exponens, primum lunæ motibus tribuit, duobus reliquis præcipua scientiæ astrorum momenta complexus. Omnibus quidem reconditorum scientiæ astronomicæ capitum scrutatoribus constat, iam alios doctissimos mathematicos, post monstratam a Neutono viam, multa contentione ac studio in evolvendis atque accurate definiendis lunæ motibus occupatos fuisse: nemo tamen, ut doctiss. Alembertus, pressio pede Neutoni vestigia secutus, scientiæ incremento ita liberaliter consuluit; cum diversas vias, licet non

F f f f

im-

improbandas, alii atque alii ingressi, practicæ astronomiæ cultoribus, inventis ipsorum usuris laboriosam valde atque incommodam operam imposuerint. Doctissimus Auctor, in hoc primo de lunæ motibus libro, pergit, ubi Neutonus substituerat, sicut ipse hic summus Geometra, telam in geometria exorsus ubi Cartesius finierat, scientiam hanc ad illud fastigium evehit, quod multa admiratione iam suspicimus. Dignitatem argumenti commendare opus non est, cum a pluribus iam annis, primi ordinis mathematici, in perficienda lunæ theoria, inprimis Neutonica, unice occupentur, atque certum sit, accuratam longitudinum in ipso quoque mari inventionem, a lunarium tabularum præstantia ac virtute pendere. Quam igitur lectori nostro debemus, limatissimi huius atque reconditis geometriæ fulcris inædificati operis notitiam, non melius atque concinnius, quam ipsis acutissimi Alembertii verbis, ex præmisso præfamine impertiemus, quo instituti sui rationem & scopum, singulari sermonis nitore ac perspicuitate explicat. Hunc enim in omnibus, quæ evulgavit, supra laudatis operibus, morem semper tenet, ut præmissa diserta ac perspicua præfatione, liberali certe consilio, illorum quoque commodis & studiis inserviat, qui siderum motus observantes, aut scientiæ amore capti, non abditos tamen geometriæ recessus, quos cum Auctore nostro summi nostrorum temporum mathematici scrutati sunt, sibi familiares habent; aut quibus tædiosos, algebraicos imprimis, calculos tractare non vacat. Sic Neutonum quoque olim statuisse, æquum esse ut communi reipublicæ litterariæ commodo consulatur, meminimus, qui immortalis, de philosophiæ naturalis principiis mathematicis, operis librum tertium, methodo populari se primum scripserit, ut a pluribus legeretur, qui sacris his ob geometriæ scientiæ defectum prohibentur. Commendatur nostri huius operis præfatio, singulari maxime atque raro in summis mathematicis dictionis nitore ac venustate, quæ Cel. Auctori ita familiaris est, ut summa cum lectoris voluptate, abstrusa scientiarum adyta perspicue adeo & dilucide explicet, ut illustri Fontenelli commentarios nobis legere videamur, quibus

quibus historiam profundarum academix regix parisiensis meditationum inimitabili artificio olim exposuit. Nullum in styli exasciata elegantia ac leporibus discrimen deprehendimus, cum satis tamen appareat, quod rei litterariæ peritis abunde constat, si non verborum selectu atque apparatu, certe rerum scientia ac profunda doctrina hunc Gallorum Ciceronem a doctiss. Auctore nostro longe superari. Non modo copiosam argumenti, in quo versatur, atque inventorum ad hæc spectantium vicissitudinis historiam, præmissa hoc discursu exhibet: sed viam quoque assidue commonstrat, qua progrediendum est, non in indagandis tantum siderum motibus, verum in stabiliendo etiam & consolidando totius scientiæ naturalis ambitu. Quod primi ordinis philosophi faciunt, singularem erga incomparabilem Newtonum reverentiam prodit, longe ab illorum moribus alienus, qui summi viri famam timidiuscule ac tectè se fugillare posse sibi gloriæ ducunt. Propter scientiæ vero integritatem, atque illorum usum, quibus ulterius progredi propositum est, quæ imperfecta ille reliquit, aut ubi humani aliquid passus est, candide ac modeste fatetur & indicat. Incorruptus tamen iustitiæ censor, ut suum cuique tribuatur, illud monere æquum iudicat, si eruditorum omnium ævi posterioris labores ad investigandam huius universi structuram iusta lance expendamus, hoc facile inventum iri, astronomiam physicam Gallorum industriæ longe plura, quam aliorum populorum collatæ operæ, debere. Illi enim sui iuris tabulas exhibent: impigra, & pertinacissimo studio continuata, in boream, austrum, & ad Caput bonæ spei itinera, ut disputatam diu terræ figuram omni exceptione tandem maiorem stabilirent: subtilem admodum atque indefessam operam Gallorum nostræ ætatis Hipparchi, Cel. Monnierii, quam a multis annis in observandis lunæ motibus collocavit: profundas atque industrias disquisitiones summorum mathematicorum, Maupertuisii, Bouguerii, & Clairautii, quibus iure meritoque accensentur Cel. Auctoris de generali ventorum causa & motu dissertatio, summorum virorum suffragiis prædicata; præclaræ de præcessionis æquinoctiorum meditationes, cuius ar-

hui profecto problematis solutionem genuinam primus omnium exhibuit; & ipsum denique, quod loquimur, magna ingenii vi magnoque acumine elaboratum, multaque mathematica eruditione superbiens opus. Hoc certissimum, atque historiae rerum ab eruditis gestarum peritis exploratum esse arbitrat, debere systema Newtonianum solida illa atque inconcussa fundamenta, quibus nostra de nunc ætate fultum est, industris atque laboribus sociorum academiarum regiarum Parisiensis, Negari omnino nequit, mathematicas scientias singulis sæculis ita progredi, ut ultimis temporibus magis semper magisque illustrentur ac excolantur; cum patrum inventis nepotes nova subinde addant incrementa. Sed æquis rationibus eruditorum merita ita distinguere fas est, ne debita laude posterius defraudentur, qui relictas ab antecessoribus opes prudenter foenerati, suo ingenio ac solertia illas amplificaverunt. Nuperissime quidem primi ordinis eruditus, in commentariis academiarum reg. inscriptionum & elegantium litterarum, vindicaturus veterum scientiam & dignitatem a contemptu, quo nemo recte sapiens illis iniuriam fecit, omnem movit lapidem, ut nostrorum temporum inventa & gloriam pristinis sæculis adscriberet. Iam vero hac contentione, neque recentiorum laudi multum detraxit, neque veterum gloriam amplificavit, insignem potius famæ suæ atque eruditi nominis iacturam fecit. Cum itaque docti quidam vicini, gloriam Gallis debitam præter meritum imminuere moliantur, ipsique cives nonnulli intempestivo pruritu honori patriæ invidere videantur: in dubium profecto nequit vocari, nec omnia apud priores meliora, sed nostram quoque ætatem, quædam artium & laudis incitamenta posteris tulisse.

Quia vero ex instituti nostri ratione, non inferioris tantum classis mathematicis inservire, sed reconditos in ipso hoc opere uberrimos doctrinæ thesauros summis quoque viris invidere haud debemus, præscripta licet ingrata nobis, ob rerum quas præterire oportet dignitatem, brevitate, compendium eius concinnare conabimur. Capite primo Cel. Alembertius vires explicat, quibus secundum Newtoni systema, luna
in

in orbita coercetur: ubi, neglecta aliorum in lunare corpus planetarum actione, trium duntaxat corporum, Solis, Lunæ, atque Terræ, actiones in se mutuas examinat. Solem tanquam immotum considerat, licet in mathematico rigore, terra cum luna ipsum nonnihil ex loco suo deturbet. Exiguus tamen adeo vis illius effectus est, ut astronomi nihil adhuc de illo per experientiam statuere ausi sint. Tardissimi tamen motus apsidum eius ellipsis, quam circa solem terra describit, rationem in calculo habere Cel. Auctori visum est. Novo autem, & a nullo astronomo adhuc adhibito instituto, non ipsam absolutam lunæ orbitam, sed projectionem eius in planum eclipticæ investigat; cum hac ratione tabularum ope computum ineundo, locum lunæ in ipsa ecliptica confestim inveniamus, ut opus non sit, illum ex loco in orbita vera, cuius positio continuo mutatur, ad eclipticam demum reducere. Et cum hoc modo, Sol, Terra, & Luna, seu punctum in quo super eclipticam hæc proicitur, in eodem sint plano, calculus in solvendo problemate trium corporum, ut vocant, insigniter contrahitur. Hisce præmissis, potentiam, qua luna a sole trahitur, secundum notas resolutionis virium regulas, in duas dirimit, alteram ψ , radio vectori in orbita lunæ parallelam, alteram x , intervallo solis & lunæ in orbita lunæ projecta perpendiculararem. Hæc iam ante nota mathematicis theoremata, singulari tamen perspicuitate Cel. Auctoris, vestigiis Newtoni insistentis, atque concinnis formulis algebraicis illa exprimentis, commendantur. Ipsa igitur non addimus, sed litterarum valores, quibus infra utemur, præterire non licet. Vocat itaque T , L , & S , massam terræ, lunæ, ac

solis: intervallum solis & lunæ curtatum $x = \frac{1}{u}$: distantiam

solis a luna in plano eclipticæ Θ : distantiam lunæ a nodo in eodem plano V : tangentem inclinationis orbitæ lunæ ad eclipticam, eo quo calculus instruitur momento, M : intervallum solis & terræ B . Porro, in orbita hac, in eclipticam projecta, vocat intervallum puncti, a quo initium computi ducitur,

F f ff 3

a

a terra $a = 1$, celeritatem initialem g , sinum anguli sub quo initio motus corpus lunæ projectum fuit, h . Iam orbitam a duabus potentiis ψ & π descriptam, unius potentiae ae virtute describi potuisse sumit, atque porro loco ipsius ae definitum potentiarum ψ & π valorem substituendo, ipsam lunæ orbitam viribus ψ & π descriptam determinat. Si nunc dicatur arcus ab initio motus in eclipticam projectus f , celeritas in quovis eius puncto v , angulus a luna in ecliptica descriptus z , admirabili compendio calculi, sed accurate doctiss. Auctor demonstrat, æquationem orbitæ lunaris in eclipticam projectæ hac æquatione definiri:

$$dz = -dx \quad \text{vel, } ddu + u dz^2 - dz^2 \times \left[\frac{\psi - \pi du}{u dz} \right] \times \left[\frac{1 + 2f: \pi dz}{u^2 g^2 h^2} \right]$$

$$\frac{x^2 r}{h^2} - \frac{2 f: x dx}{g^2} - \frac{1}{x^2}$$

quam propterea adiicimus, ut intelligant eruditi, quam egregie cum editis ante a præclarissimis mathematicis formulis consentiant, quas concinnitate tamen, atque veritatum ab ipsis penduntium ubertate ac fertilitate, superare nobis videntur. Non alia nunc re, ut astronomicis usibus posterior forma adaptetur opus est, quam ut substitutis modo inventis ipsarum ψ & π valoribus, quantitas ae eliminetur. Sed hoc opus hic labor est, ut potentiae hæc ita definiantur, ut descripta modo orbita commode pro inveniendis numeris, quibus in loco lunæ inveniundo opus est, adhiberi possit. Nobis enim non monentibus apparet, substitutis istis valoribus, ingentem litterarum vel indeterminatarum, vel incognitarum, multitudinem, in formulam hanc ingredi, ut quod necesse est, neque integrari, nec sub forma differentiali, deducendis ex ipsa rebus apta reddi possit. In eo igitur inprimis negotio, perspicacissimus Auctor, ingenii vim & acumen demonstrat, ut, quis selectus inter quantitates illas habendus sit, accurate ostendat,

dat, ne vel quantitates, ob parvitatem merito reiiciendæ, & quibus sine fructu calculus molestus redditur, intempestive retineantur, vel aliæ, quæ primo intuitu minimæ videntur, sed suo cum aliis concursu & permixtione in non spernendam excrescunt magnitudinem, temere, & cum gravi deducendarum conclusionum iactura, omittantur. Dici non potest, quam incredibili prolixæ calculi molestia, præstantissimi quidam mathematici theoriarum lunæ phænomenis consentientem eruere instituerint: cum omnis rei cardo in eo vertatur, ne calculus nimia prolixitate tediosus, nihil præcticæ astronomiæ usibus inserviat, si quidem hoc lydio lapide dignitas & præstantia theoriæ diiudicari debeat. Hoc igitur sagacissimus Auctor noster consilium iniit, quod nemo commode adhibebit, nisi ut ille, cum singulari coelestium rerum peritia, subtilissimorum calculorum usum in promptu habeat, ut in certos ordines quantitates omittendas distinguat, atque ex calculo nonnisi quantitates infinite parvas eiusdem classis reiiciat. Singulari autem perspicacia & acumine opus est, ut ordo hic accurate definiatur, cum quantitates nonnullæ aliam classem mentiantur, quam cui omnino adscribendæ sunt. Sic concinnas admodum pro viribus ψ & π formulas assequitur, atque tum angulum, quem linea nodorum percurrit, tum inclinationem orbitæ lunaris ad eclipticæ planum, æquatione differentiali exprimit. Quibus præmissis, depromptum ex recondita geometria Lemma proponit, cuius auxilio ante allatam orbitæ lunaris æquationem differentialem integrare docet. Lemmate hoc demonstrat, integrale quantitatis huius omnino formæ: $ddt + N^2 t dz^2 + M dz = 0$ invenire, in qua N^2 coefficientem numerum constantem, M quancunque ipsius z functionem, denotat. Posito nunc $u = K = t$, ut t sit quantitas respec-

$\frac{T+L}{gg}$
ctu $K = \frac{T+L}{gg}$ admodum parva, atque n æquale rationi temporis periodici lunæ circa terram, ad tempus periodicum terræ circa solem, illam æquationi pro orbita lunæ formam conciliat,

ciliat, ut laudati lemmatis subsidio, hæc denique æquatio integralis prodeat :

$$t = S \text{ Cof. } Nz + H \frac{\text{Cof.}(NzH)}{NN} + D \text{ Cof. } (2z - 2nz)$$

$$+ M \text{Cof. } (2z - 2pz) - 2pz = 0 \text{ ubi } pz = \zeta \text{ angulum motus}$$

$$\text{nodorum denotat, } N^2 = 1 - \frac{3n^2}{2}, \text{ \& S, H, D, M, quan-}$$

titate constantes significant. Sic votis doctissimorum quorundam mathematicorum Cel. Auctor satis fecisse videtur, qui passim præceperunt, ut ex ipsa orbitæ lunaris definita formula, inæqualitates motuum potius repetantur ac explicentur, quam assumptæ seriei arbitrarie auxilio, radices æquationis differentialis eruantur. Non inficiatur, planam hanc atque expeditam viam esse, sed quam caute per ignes suppositos cineri doloso in illa incedendum sit, provide monet. Immo faciem hac via inaccessuram accendit, quia, ne in de-

via calculus aberret, cavetur. Valor $N = 1 - \frac{3n^2}{2}$ statim exhi-

bet motum apogei lunæ unius fere atque dimidii gradus per singulas lunæ revolutiones. Si enim $Nz = 360$, erit $z =$

$$\frac{360}{N} = 360 \left(\frac{1+3}{4.178} \right) \text{ q. p. } = 360^\circ + 1^\circ + 30', \text{ quod}$$

ab observato in coelis apogei motu, ubi trium graduum invenitur, admodum distat, cum quo egregie satis consentiret, si

theoria $N = \sqrt{1 - 3n^2}$ prodisset. Sequitur itaque, vel potentie legem a Newtono assumptam, & in astronomia physica ab omnibus fere hæcenus adoptatam, in ratione inversa duplicata distantie, ita iustam non esse, ut motui, de quo agimus, sufficiat, vel definitam modo orbitæ æquationem non satis accuratam esse. Hoc imprimis argumento inducitur, summi quidam nostræ ætatis mathematici, de irrefragabili theoriæ Newtonianæ certitudine dubitare coeperunt. Cel. Auctor, ut hunc nodum solvat, & Newtoni doctrinæ omnem incertitudinis

dinis labem abstergat, laborem, calculum denuo instaurandi, atque scrupulosius perficiendi, sibi imponit. Ante tamen ex laudata modo æquatione, motum nodorum, atque variationem inclinationis orbitæ, concinnis formulis explicat. Cum enim ex superioribus constet, esse $\zeta = -\frac{3n^2z}{4} - \frac{3n^2}{4}$

$$\left(\sin: \frac{(2z-2nz)}{2-2n} - \sin: \frac{(2z-2pz)}{2-2p} - \sin: \frac{(2nz-npz)}{2n-p} \right)$$

statim apparet, 1°. motum nodorum retrogradum esse; 2°. motum hunc ad solis motum quam proxime esse ut $-\frac{3n}{4}$

ad 1. hoc est, $\left(\text{quia quam proxime } n = \frac{1}{13\frac{1}{2}} \right)$ ut -1 ad $\frac{4}{13\frac{1}{2}}$

18. quod bene cum observationibus in coelo habitis conspirat. Sequitur porro esse $pz = -\frac{3n^2z}{4}$, adeoque p quantitatem

negativam; 3°. concludere licet, maximam motus nodorum æquationem esse $\frac{3n}{8} \sin: (2nz-2pz)$ sive q. p. 1 gradus &

30 minutorum primorum, quod observationes coelestes satis bene confirmant. Quod ad inclinationis variationem attinet, ex antea demonstratis Auctor repetit, esse $m = \mu - \frac{3n\mu}{4}$

$$\left(\text{Cof: } \frac{(2z-2pz)}{2-2p} + \text{Cof: } \frac{(2nz-2pz)}{2n-2p} - \text{Cof: } \frac{(2z-2nz)}{2-2n} \right)$$

ubi statim apparet, maximam inclinationis variationem esse $\frac{3n\mu}{8} \text{Cof: } (2nz-2pz)$ hoc est, octo quam proxime vel no-

8 vem minutorum. Quia vero hæc æquatio modo addenda, modo subtrahenda est, tota variatio intra limites 17 & 18 mi-

G g g g nute.

nutorum primorum coercetur, quod observationes egregie confirmant. Sic aliorum quoque variabilium motuum æquationes, ex superiori orbitæ formula inveniri possunt, quas tamen Cel. Auctor præterit, ad definiendum exacte apogei motum. ut cum observationibus coelestibus consentiat, properans, cum theoriæ Newtonianæ adversarii hoc inprimis ariete ipsam concuti & everti posse arbitrentur. Uberiorem igitur orbitæ huius formulam expositurus, de negligendorum in calculo infinite parvorum ordinibus, solerti acumine ante differit, quam ad ipsam rem accedat. Sicut priori loco calculum ita instruxerat, ut, reiectis omnibus quantitibus infinite parvis, præter illas primæ classis, lunæ orbitam definiret: ita iam redintegrato computo, orbitam inquirat, ut tertii ordinis quanta infinite parva retineat, illis quartæ classis tantum omittat. Sed licet singularibus artificibus calculum contrahat, rerum tamen ipsarum varietas & momenta adeo prolixum illum reddunt, ut uberrimas ab ipso inventas formulas, pro orbita lunæ, pro tempore quo arcum orbitæ quemvis percurrit, pro angulo quem dato tempore luna emittit, pro nova æquatione orbitæ lunaris, aliaque, quibus profundam astronomicam scientiam prodit, theoremata, excerpere, atque cum lectore nostro communicare, nequeamus. Quibus cura est, ut sua admirabili systemati Newtoniano dignitas & præstantia asseratur, illis uberrimum hunc Auctoris commentarium condigne commendare ac prædicare haud valemus. Ut illorum labori & studio consulat, qui siderum observationi vacat, & quibus molestum foret, prolixis nonnunquam formulis algebræ uti, ut cum Newtoni theoria, eiusque tabulis, habitas a se observationes commode comparare possint, tabulas ipsas Newtoni, seu potius ipsarum elementa, elegantibus atque concinnis formulis complectitur. Posita enim distantia media a , eccentricitate lunæ e , anomalia vera z , atque anomalia

$$\text{mædia } \zeta, \text{ demonstrat esse } z = \zeta - 2e \sin \zeta + \frac{e^2}{4} \sin 3\zeta : \zeta +$$

$$\frac{5e^2}{4} \sin \zeta - \frac{13e^3}{12} \sin 3\zeta; \text{ atque huius theorematis auxilio,}$$

omnes

omnes a Newtono partim demonstratas, partim sine demonstratione indicatas tantum motuum lunarium æquationes, concinnis valde algebraicis formulis induit. Ex quibus porro novas tabulas astronomicas, pro æquatione inclinationis orbitæ lunæ ad eclipticam, condit, quas adhibere iubet, postquam inclinatio, ope tabularum, quæ hætenus in usu fuerunt, iam inventa est. Omnes enim tabulæ, quæ in excellenti hoc de motibus lunæ opere occurrunt, novæ sunt, cum supervacuum esse duxerit Cel. Auctor, illas tædiose repetere, quæ in omnibus astronomiæ practicæ institutionibus fere occurrunt. Illæ igitur hoc loco tabulæ duntaxat habentur, quibus calculus, per vulgares tabulas institutus, limandus & corrigendus est. Meminimus, solertissimum Gallæ Hipparchum, Cel. Monnierium, in editis a se institutionibus astronomicis, cum aliis prudentissimis astronomis præcepisse, ne præter necessitatem tabulæ multiplicentur, editis subinde novis, quibus sub alia tantum forma, præcedentium calculi frivole repetuntur, non sine gravi astronomiæ studiorum molestia; sed illæ potius, quæ iam extant, sedulo paulatim exascientur, & corrigantur. Hoc consilium egregie secutum esse Cel. Auctorem nostrum videmus, dum positis fundamenti loco Monnierii tabulis, quas omnium quæ vulgatæ sunt præstantissimas esse astronomis constat, novis suis hoc opere editis tabulis, quod superaddendum illis esse putabat, comprehendit. Ita vero illæ inter se cohærent omnes, ut nec omnes, quod optaremus quidem, propter imperatam nobis brevitem; nec præcipuas, commodo Lectorum nostrorum, excerpere liceat. Ostendit præterea, quomodo tabulas novæ prorsus formæ theoriæ suæ superstruere potuisset, quibus locus lunæ verus in orbita, simplici quantitatibus nonnullarum additione invenitur; sed cum calculo secundum vulgares tabulas assueti iam sint astronomi, in molestiam ipsorum nihil temere innovandum esse censuit. Non ingrata tamen erit, practicæ astronomiæ cultoribus, methodus, quam indicat, qua novam hanc formam tabulis induere ipsi animus erat; cum in construendis etiam vulgaribus, & receptis, non spernenda subsidia commodare possit. Apparet autem ex formulis tabula-

rum Newtoni, abstrahendo ab orbitæ inclinatione, non multum illas differre ab æquationibus, quas Auctoris theoria sup-
 pedavit. Differentia enim trium vel quatuor minutorum,
 quæ nonnunquam se prodit, aut quantitatis male in calcu-
 lo neglectis, aut observationum errori tribuenda esse videtur.
 Certe apogei motus iam multo propius quam supra, ad obser-
 vatum in coelis locum, accedit, cum iam sit: $N^2 = 1 - \frac{3n^2}{2}$

$$- \frac{3n^2}{2} \left(\frac{15n, 10}{16} \right) \text{ quod non adeo multum ab ante deside-}$$

rato $1 - 3n^2$ distat. Dissentit tamen adhuc 30 fere minutis
 primis in una revolutione, a definito per practicam astrono-
 miam motu. Postquam igitur secundum Newtoni tabulas,
 variationem inclinationis, atque pendentes ab illa quantitates,
 motum deinde nodorum, aliaque, vero propius determinavit,
 novisque tabulis hanc astronomiæ partem locupletavit: tertium
 instaurato calculo ad apogei motum accedit, ut herculeo labore
 Newtoni theoriæ ab exprobrato a coelis dissensu vindicet.
 Refert, summum Geometram, Clairaltium, iam anno 1747.
 schediasma Academiæ scientiar. regiæ prælegisse, quo de-
 monstrare instituerit, motum apogei lunaris per theoriæ, non
 nisi dimidium eius inveniri, quem assidui coelestium motuum
 scrutatores ipsa experientia edocti sint. Hoc a coelis dissen-
 su demonstratum esse sibi persuadebat, quod vis gravitatis non
 sit in ratione inversa duplicata distantix, sicut communi con-
 sensu ab astronomis hæcenus creditum fuit. Fortissimum hoc,
 ut videbatur, ad debellandam Newtoni theoriæ, telum, cum
 per diaria erudita passim divulgaretur, clar. tamen Auctor,
 licet eodem quo Clairaltius tempore, illud methodo, cuius
 probitas suspecta esse haud poterat, invenisset, publice istud
 prodere opportunum non esse arbitrabatur. Sed in hac sen-
 tentia valde confirmatus est, postquam acceptis Cel. Mauper-
 tuisii litteris intellexit, summum Geometram, Eulerum, multo
 ante tempore, alia longe via, suis calculis rem eandem reperis-
 se. Cum igitur clar. Clairaltius rogatu suo ab Academia im-
 petrasset,

petraſſet, ut ſchediaſma, quod anno 1747. prælegerat, in coinmentariis anni 1745. qui tunc ſub prælo erant, evulgaretur: æquum noſter eſſe cenſebat, ut, quæ de hoc argumento diu ante conſcripſiſſet, feſtinanter autem expromere dubitaſſet, ea in publicum prodirent. Non alio conſilio hæc commemoramus, quam ut præcipitis erroris culpam deprecemur, cum Cel. Auctori, aliis negotiis occupato, non vacaverit, per moleſtos calculi labores, quos hoc opere ſubiit, in erroris cauſam profunde nimis abditam inquirere; maxime cum perſuaſum ipſi eſſet, novum hoc inventum tanti momenti non eſſe, quanti aliis illud viſum fuerat. Neque enim, Neutoni ſyſtema illo deſtrui poſſe cenſebat, neque fundamentalem ipſius legem eo concuti: ſiquidem ſatis appareat, partem motus apogei, virtuti potentiæ alicuius externæ tribui poſſe, quæ longe a gravitatione diverſa ſit. Significabat non ita multo poſt Clairaltius Academiæ, ſe argumentum hoc nova via meditatam deprehendiſſe tandem, obſervatum in coelis apogei motum cum Neutoni theoria egregie conſentire, nulla alia potentiæ ratione, quam inverſa quadrati diſtantiarum ſuppoſita. Ipſi vero Cel. Alembertio aſſerebat, rem acu ſe tetuſiſſe, cum omni animi contentione veram gravitationis legem expiſcicaretur, ad hoc neceſſariam, ut verum apogei motum calculus prodat. Hoc tamen noſter ſibi perſuaderi non paſſus eſt, ſiquidem vera hæc lex potentiæ quæſita, duobus ſaltim terminis comprehendi nequeat, adeoque problema neceſſario indeterminatum foret. Immo etiamſi non niſi duobus terminis illud conſtare ſupponamus, quia tum coefficientem, tum exponentem ſecundi termini ignoramus, unicum phænomenon, determinando ſimul utrique quæſito, haud ſufficit. Ex ipſo interea Clairaltio intelligebat, novam, qua reconditum hoc argumentum venatus ſit, viam hanc eſſe, ut ipſa lunæ orbita, multo quam ante factum fuerat maiori cura ac labore, veræ quantum fieri poteſt proxima, computetur, & inventum tandem a ſe eſſe verum apogei motum, ex terminis, in quibus ſin. ($2z - 2nz$) multiplicatur per ($G \text{ Coſ: } 2z - 2nz - Nz$). Hanc geſtarum rerum hitoriæ lectori nos debere exiſtima-

vimus, partim ut inventorum gloria æqua lance inter omnes acutissimos atque de astrorum scientia egregie meritos viros distribuatur, partim ut methodi non ubivis obviæ usus, posteris astronomiam olim amplificaturis conservetur, atque commendetur. Sagacissimus enim Auctor, vocatis in subsidium formulis suis, atque prolixiorum quam ante calculum instaurando, non omisis quas antea neglexerat quantitativis, alia longe quam indicata a Clairaultio via, sibi progrediendum esse perpexit. Ab initio exorsus calculum, non omisis nisi quantitativis infinite parvis septimi ordinis, atque laborioso valde immo periculi pleno computo subducto, voti denique compos factus est. Non modo prioris calculi defectus ingenue fatetur, sed, in exoptatos abstrusa hæc astronomiæ arcana meditantium & evolventium usus, & causas candide explicat, ex quibus hæc labes computo motus apogei adhæsit. Capite igitur decimo sexto, novam orbitæ & formulæ pro indagando lunæ loco correctionem molitur, atque summum ingenii acumen & sagacitatem in eo inprimis demonstrat, ut subtili artificio quantitativum infinite parvarum ordines curiose distinguat; quod non in præsentis tantum disquisitione necessarium, sed & in explicandis omnibus philosophiæ naturalis capitibus egregie profuturum est. Instructo ita sollicitè calculo, ad condendas novas tabulas lunares utitur, quas ea ratione construit, ut singulis primum tabulis, omnes quas theoria indicat inæqualitates complectatur, deinde in astronomiæ practiciæ usum Cel. Monnierii tabulis illas sic accommodet, ut nobilissimi supplementi illarum vicem præstare possint. Capite 19 parallaxin lunæ, atque a diametro apparenti pendentes novæ theoriæ formulas, indagat, & parallaxin horizontalem in distantia media, 57', 12'', determinat, quæ nonnisi parum ab illa Cel. Monnierii, curiosis observationibus, ut videtur, confirmata, differt. Propius adhuc illam accessuram fuisse animadvertit, si cum Neutono æquationem apogei $\frac{1}{29}$ statuisset, cuius dimidium in suo calculo assumpsit. Prodiisset enim quam proxime, 56', 58'', quæ nonnisi quatuor secundis ab illa Monnierii deficit. At cum in observata lu-

næ parallaxi, nemo de 15' differentia certissimus esse queat,
 satis apparet 57', 12'', non longius quam 56', 58'', a vero
 ipsius valore distare. Magis tamen Cel. Auctori valor 57',
 12'', probatur, quia æquatio apogei $\frac{1}{100}$, in observata accurate
 æquinotiorum præcessione, & axis nutatione, fundatur, cum
 adoptatus a Neutono valor $\frac{1}{10}$, ex observatis incertis valde ac
 ambiguis altitudinibus maris, in fluxu & refluxu, elicitus sit.
 Oblata hac occasione monet, quia error 15'' hoc est, $\frac{1}{270}$, in
 parallaxi lunæ observata, immanem errorem in definienda
 lunæ massa producat, neque radii globi terrestris, qui cal-
 culum hunc ingrediuntur, æquales censi possint, methodum
 hanc determinandi materiam lunæ prorsus abiiciendam esse.
 Lectoris industriæ ex ipso Auctore repetenda relinquimus, quæ
 hoc loco de prudenter seligendis, inter observationes coelestes,
 aliis astronomiæ physicæ elementis commentatur; ut brevi-
 bus commemoremus argumenta, quibus Neutoni causam
 agit, atque obiecta ipsi nonnulla oscitantæ exempla deprecatur.
 Demonstrat igitur, ex positis a se principiis sequi, si a
 correctionibus nonnullis perexiguus animum abstrahamus,
 orbitam lunæ per ellipsin commodè representari posse, cuius
 eccentricitas est variabilis, atque apogei motus non uniformis.
 Miratur itaque, cur docti quidam Geometriæ hoc Neutono
 exprobraverint, quod tum eccentricitatem orbitæ lunaris,
 tum motum apogei variabilem, statuerit. Certum est, utrum-
 que hoc elementum constans supponi posse. Sed quia luna
 non ellipsin invariabilem describit, plures termini æquationi
 lunæ adiaciendi essent. Ubi Neutonus asserit, eccentricitatem
 lunæ per theoriam variabilem deprehendi, nihil aliud sibi vult,
 quam differentiam maiorum & minorum diametrorum con-
 stantem non esse, quod revera ita se habet, & exquisitis astro-
 nomorum observationibus confirmatur. Neque observati
 motus lunares, alteri Neutoni asserto, motum apogei lunæ
 uniformem non esse, refragantur. Si enim, secundum rece-
 ptum ab astronomis verborum usum, per apogeeum illud or-
 bitæ punctum intelligamus, in quo longissime luna a terra
 distat: observationes æque ac theoria, motum huius puncti
 uni-

uniformem haud esse demonstrant. Concinno itaque, sed a nobis non transcribendo calculo, ostendit, æquationem huius motus, ubi maxima est, sex gradus non superare; modo addendam, ubi luna a syzygiis ad quadraturas pergit, modo subtrahendam, ubi a quadraturis ad syzygias progreditur. Hisce præmissis via sternitur, qua summorum nostri temporis mathematicorum votis expetita inventio veri motus apogei, ex theoria Newtoni, subtili calculo, non tamen supra modum prolixo, a Celeb. Alembertio eruitur, atque sic demum omnis, quæ systemati Newtoniano adhærere videbatur labes, felicissime abstergitur. Perducto enim ad finem calculo, invenit motum apogei una revolutione lunæ esse $3^{\circ}, 3', 37''$, nonnisi $1', 4''$ ab observato discrepantem. Ut vero geometrico rigore theoriæ Newtonianæ gloriam vindicet, neque levisimum hunc errorem, indulgentia, quæ condonari posset, tolerat, sed quomodo elementis quibusdam calculi adhuc limatis, nonnisi paucissimorum secundorum discrepantia relinquatur, ingeniose admodum ostendit. Pluribus autem rationibus evincit, etiamsi motus apogei, per theoriā inventus, non exacte prorsus atque scrupulose cum observationibus conveniret: hoc tamen argumento, stabilitam in systemate planetario attractionis legem, temere non abrogandam esse. Phænomena enim, ex quibus inversa quadrati distantiae lex deducta est, nonnisi proxime illam indicant, & alia quævis lex, non multum ab hac diversa, mathematice loquendo, eadem ratione definiendis motibus coelestibus satisfactura esset. Cum itaque incongruum sit, legem quadrati hoc prætextu cum alia permutare: temere profecto aliquis præsumeret, in unius phænomeni gratiam, cuius alia peculiaris causa esse potest, universum, & multis rationibus confirmatum systema, perturbare. Immo summus Newtonus non in ea fuit sententia, attractionem in inversa ratione quadrati distantiae, adeo unicam & solam esse potentiam, ut coelestia phænomena nullius præterea virtute efficiantur & producantur. Terræ vim magneticam inesse, quæ in lunam agat, sagacissimus hic philosophus suspicatus est; & non ex alia ratione ipsi in motuum lunarium calculis locum haud

haud concessit, quam propterea, ut ipse ait, quod neque legem, neque quantitatem potentiae huius, determinatam haberet. Si quis aliam functionem, diversam a quadrati distantiae inversa adoptaret, motus corporum coelestium forte satis apte eius auxilio applicaret: sed aliis phaenomenis, e. c. rotundae guttarum aquae figurae, ascensioni liquorum in tubis capillaribus, &c. haec non ut debebat conveniret. Si enim ponamus, attractionem veram horum experimentorum causam esse, lex eius ita comparata esse debet, ut in puncto contactus fortissima sit, adeoque in minima distantia longe a quadrati lege recederet. Formula igitur attractionis, quae in distantia lunae non multum a lege quadrati discederet, multis parasangis illam in superficie terrae post se relinqueret. Ipsis vero phaenomenis eiusmodi lex vehementer adversatur, cum a Newtono demonstratum sit, pondus corporum terrestrium ad pondus lunae in ratione quadrati distantiae decrescere. Evi-

dentissimum est formulam $\frac{1}{x^2} + \frac{b}{x^4}$ ad explicandam attractio-

nis legem adhiberi non posse, quia terminus secundus gravitatem in superficie terrae nimium magnam proderet. Sed

quemcunque terminum ad priorem $\frac{1}{x^2}$ addamus, formula

nunquam explicandis simul gravitati & attractioni corporum terrestrium apta erit. Illo enim casu, necessarium est, ut in ipso contactus puncto, alter terminus admodum parvus

sit respectu $\frac{1}{x^2}$, hoc vehementer magnus sit, oportet, in pun-

cto contactus. Si metaphysica argumenta problemati mathematico immiscere fas est, non incongruum Auctori videtur, cum Cl. Buffonio statuere, accipiendo attractionem pro qualitate physica, ut primordialis naturae lex sit, legem quadrati, sive omnem in universum legem, a simplicis distantiae potentia pendentem, cuilibet alii functioni algebraicae praefendam esse. Inesset enim necessario eiusmodi functioni quantitas aliqua constans, adeoque potentialiarum attractricum ratio,

H h h h

tio,

tio, in duabus quibusvis attrahendum corporum distantis, non distantiarum tantum potentia quavis, sed parametri alicuius virtute una coaceretur. Scopum vero aut rationem nullam deprehendimus, cur eiusmodi parametro sibi opus esse natura censuisset, inprimis cum obvia passim in aliis scientiæ naturalis capitibus experimenta, parametrum ullam haud exposcant.

Tradita hac admirabili lunæ theoria, Cel. Auctor in eo maxime occupatur, ut profundas suas disquisitiones, communi usui, practicæ inprimis astronomiæ felici incremento, adaptet. Laudatas igitur iam supra novas suas tabulas lunares promittit, quas non ipse tantum curioso examini subiicit, sed methodum quoque exponit, qua cum experientia, aut editis iam aliorum tabulis, scrupulose comparari possint. *Gregorius* in astronomia asserit, copioso observationum *Flamsteedii* numero confirmatum esse, tabulas lunares, secundum expositam a *Newtono* theoriâ computatas, rarius duobus secundis a coelo dissentire. Cum vero maiorem longe discrepantiam experti sint astronomi: quam meticulosa cautione eiusmodi tabularum virtus prædicanda sit, apparet. Certe evulgarum adhuc tabularum errores, rarius ad 6 vel 7 minuta ascendunt, quarum pars ancipiti observationum experientiæ non immerito tribuitur. Asserunt hanc tabulis recentioribus præstantiam astronomi, inprimis in tabulis lunæ ab *Halleio* computatis, freti comparatione, quam acutissimus hic *Geometra* cum observationibus suis, longa annorum serie habitis, instituit. Cel. itaque Auctor, collatis suis novis, quas in hoc opere evulgat, tabulis, cum aliis, quibus adhuc usi sunt astronomi, iisque præstantissimis, illas quoque nonnisi 6 vel 7 minutis primis discrepare deprehendit. Candide tamen monet, ne in hac re admodum momentosa, temere aliquid asseratur. Motus enim medius, in novis tabulis *Halleianis*, nimis lentus ipsi assumtus esse videtur. Ex numero 2000 observationum, cum quibus summus hic astronomus tabulas suas contulit, illarum numerus ubi in defectu tabulæ peccant, fere duplo maior est illis, ubi excedunt, cum admodum

dum vero ſimile ſit, numerum in exceſſu & defectu æqualem pro-
 dire debere, niſi motus medius nimium tardus ſtatuatur:
 Clar. *Mayerus*, in editis nuperrime commentariis ſocietatis re-
 giæ Göttingenſis, Tomo ſecundo, ſuas quoque lunares tabulas
 edidit, quas nonniſi duobus minutis primis a coelo diſcre-
 pare contendit. Haſ tabulas theoriæ inædificatas, ſingulari
 methodo a ſe conſtructas eſſe, aſſerit, quam prodere non
 conſultum eſſe exiſtimavit; neque ſatis ex verbis eius apparet,
 an ſuo Marte formulas inæqualitatum invenerit, an illas Cel.
 Euleri fundamenti loco poſuerit. Fatetur tamen Celeb.
 Alembertius, illas cum ſuis, quas hoc opere edidit, ſatis bene con-
 venire, & rarius ſupra minutum primum, ſæpiſſime multo mi-
 nus, ab illis diſcrepare. Dolet vero, plures inæqualitates
 a Clariff. Mayero prætermiſſas eſſe, quas in motu lunæ te-
 mere negligendas haud eſſe cenſet. Atque omnino aſtronomi
 propterea auctori noſtro plurimum debere videntur, quod
 non neglexerit, ſecundum ſingulas inæqualitatum formulas,
 ſingulares quoque computare tabulas. Etiamſi enim quædam
 illarum nonniſi pauca minuta ſecunda, vel addenda, vel demen-
 da ſuppeditant, quibus calculi labor fruſtra multiplicari, immo
 perturbari videri poſſet; cum per obſervationes de paucis mi-
 nutis ſecundis nemo tuto arbitrari poſſit: egregie tamen eius-
 modi tabulæ, primis calculi elementis accurate determinandis
 inſerviunt, cum illarum auxilio iudicare liceat, quo maxime
 loco aliquid emendandum ſuperſit, dum obſervationum in-
 dicio errorem ſubeſſe ſuſpicamur. Non ad inveniendam ſal-
 tim in ephemeridum gratiam locum lunæ, tabulæ Alembertii
 inſerviunt, ſed ad perpoliendam quoque, ope obſervationum,
 lunæ theoriā conducunt. Magnus Geometra, *Eulerus*, ſuas
 quoque novas tabulas lunares in opusculis edidit, partim theo-
 riæ, partim obſervationibus inædificatas; & in ephemeridibus
 academiæ regiæ Berolinenſis anni 1750. aliæ rurfus lunares
 tabulæ comparent, recentioribus ipſius calculis debitæ, atque
 multum a prioribus diverſæ, quas dubio procul illis meliores
 atque accuratas magis reputat. Differunt Euleri tabulæ tum
 inter ſe, tum ab illis Cel. Auctoris, non forma tantum, ſed &
 H h h h 2 numero,

numero, cum & diversus elementorum valor sit assumtus, neque eadem numero inæqualitates motuum lunarium hisce tabulis corrigantur. Proficuo itaque valde instituto Cel. Auctor, singulari tabula, elementa præcipua geminarum Euleri tabularum, Monnierii, atque suarum, exhibet, ut uno obtutu diversitatem, quæ inter illas intercedit, astronomi perspiciant. Monet, quam egregie aliquis in suos usus hanc tabulam convertere possit, qui laborem non fastidiat, & combinatis atque selectis ex hac tabula elementis, meliores omnibus novas tabulas lunares sibi condiderit. Cel. Auctor, in novis suis tabulis, clariss. Monnierii elementa, in institutionibus astronomicis edita, quas ex copioso & singulari industria comparato observationum suarum thesauro deduxit, interea adoptat. Afferit enim ipse Monnierius, suis tabulis errorem quinque minuta prima excedentem nunquam committi; quam virtutem ac præstantiam nullis aliis lunaribus tabulis experti astronomi tribuere ausi sunt. Clariss. Eulerus, Tomo primo novorum commentariorum academici Petropolitani, motum nodorum, atque variationem inclinationis, quæ multis ac variis calculis sæpe iam passim tractaverat, assumtis elementis, quæ ab illis quibus ante usus fuerat nonnihil diversa sunt, iterum inquisivit. Quæ in hisce nova occurrunt, Celeb. Alenbertius cum suarum tabularum numeris diligenter confert, atque ratione imprimis discriminis quod intercedit accurate quæsitæ ac detectæ, de omnibus candide sententiam suam dicit. Nobis vero, quia iam supra modum compendium nobilissimi huius operis, quo nemo, cui ardua geometriæ & philosophiæ naturalis momenta curæ sunt, carere potest, crevit, plura ex illo promere non licet; adeoque de secundo illius volumine alio tempore dicturi sumus.

*CASP. FRID. MUNTHE, PROFESSORIS GR. L.
in Universitate Reg. Hafniensi, Observationes philologi-
cæ in sacros Novi Testamenti libros, ex Diodoro Siculo
collectæ, una cum indice vocum Diodorearum, quibus
Lexica locupletari & suppleri possunt.*

Hafniæ,

Hafniæ & Lipsiæ, sumtibus Frid. Christ. Peltii. 1755.

Alphab. I. plagg. 14.

Inter eruditos, qui philologiæ Græcæ, a multis hodie negligenter satis habitæ, florem dignè tueri sustinent, nomen præclare tuetur doctiss. Libri Auctor, Clar. *Munthe*, academix Hafniensis ornamentum. Laudabili beati *Georgii Raphaelii*, Lunæburgensis quondam præfulis meritissimi, *Xenophontæ* & *Polybianæ* dictiones, sacris affines, excerpenti consilio & exemplo invitatum sese proficitur, ad simile quid tentandum circa *Herodotum*, celebrem in primis Græciæ antiquæ scriptorem. Specimen huius rei iam primum editum a V. Cl. fuerat, cum laudati *Raphaelii* annotationes in novum foedus *Herodotæ* publicæ luci exponerentur; quo ipso, licet spicilegia probe multa reliquerit aliis legenda *Raphaelius*, permotus tamen Auctor fuit, loco *Herodoti* ut *Diodorum Siculum* sibi sumeret eodem consilio pervolvendum, natumque inde opus, anniversariæ disputationis loco, per partes, usque ad primum epistolæ ad Romanos Paulinæ caput, ederet. Intermissus postquam aliquot annis iacuisset hic labor, denovo illum sub incudem vocavit, singulis diligentius recognitis, additis etiam, & ad umbilicum perductis, curis hæc philologicis. Orbem doctum sibi Auctor doctissimus vehementer obstrinxit, quod pluribus extra Danicas oras erudit in manus tradidit opus, plurimum quod desiderium non poterat non movere. Manet enim plerumque disertat. Hafnenses academias fors hæc tristis, ut paucis extra patrios lares innotescant, imo vix earum tituli perveniat ad nos Germanos notitia, nisi eam ex *Danica bibliotheca*, aut diariis eruditus istiusmodi, nonnumquam tardius quam oportebat, hauriamus. Cur *Diodorum Siculum* ceteris auctoribus prætulerit, hanc reddit rationem Cl. *Munthe*, quod ex scriptoris eius collatione plurimum accessurum esse lucis putavit sacro stilo: Apostolica quippe tempora proxime vivendo attingentis, scribendi rationem sectantis simplicem, ac de historica *Ænglæ* magis, quam de orationis cul-

Hhhh 2

tu

tu & nitore, fucatisque verborum illecebris, solliciti, perspicuitati autem cumprimis studentis, & populares seu ex communi usu petitas voces ac locutiones frequentantis. Quod cum & de sacris scriptoribus verum sit, vix in ullo alio scriptore Græco plura reperiri monet vocabula cum biblicis communia, vel phrasæ plures ad tabularum novi instrumenti phraseologiam propius accedentes. Ordinem librorum biblicorum Auctor sequitur, paginas autem *Diodori Siculi* secundum editionem *Rhodomannianam* numerat. En operis laudatissimi specimina quædam, Lectorem ipsius pretium edocitura.

- Pag. I. *Matth. I, II.* obvia vox *μετοικεσία* Græcis antiquis ignota fuisse videtur, iudice Auctore; eius tamen emphasis non nisi Græcorum scriptorum ope enucleanda est. Apud Athenienses scilicet *μέτοικος* dicebatur inquilinus, qui ex civitate sua in peregrinam habitatum migrat, ac quotannis incolatus vectigal solvit XII. drachmarum, quod a re ipsa *μετοίκιον* vocabatur, a *μετοίκις* quippe i. e. talibus peregrinis, qui rerum suarum domicilium Athenis constituerant, pendi solitum, uti refert *Harpocration* in *Lex. X. Oratorum*. Themistoclis deinde consilio illos hoc onere levatos fuisse, *Diodorus p. 264. D.* narrat, imo civitatis ius iisdem concessum esse, idem *pag. 383.* tradit. Ex quibus locis colligit Cl. Auctor, τὰς *μετοίκους* & ad solvendum τὴν *μετοίκην* tributum obligatos fuisse, & simul civitatis iure caruisse. Verbum vero *μετοικέω*, observat, denotare *sedes migrare, apud externos, vel in exilio degere*, prouti Iudæi tempore captivitatis Babylonice, patriis sedibus deturbati, per multorum annorum decursum, in Babylonia vicinisque provinciis fuerint commorati. *Matth II. 6.* commemoratus ἡγούμενος ipsum principem, penes quem summa potestas, non vero solum eius præfectum aut ministrum, indicat ex observatione Auctoris, ad *Diodorum* provocantis, 5. qui *pag. 46. D. & pag. 50.* promiscue hoc vocabulo utatur. *Cinnum. 8.* verbo ἐξετάζειν adverbium ἀκριβῶς additur, ad affectum & vehementia animi Herodis, rigidum examen requirentis, indicandam, quamvis præpositio ἐξ intendat simplicis significationem, ut in ἐξομολογεῖσθαι, ἐξαγγέλλειν, ἐξάγειν,

γορευεν, ἐξερευαν. Eadem ratione verbo ἐξετάζειν adici
adverbium ἀκριβῶς tum apud LXX. interpretes, *Deut. XIX.*
18. tum apud *Diodorum p. 25. C. pag. 61. D. & pag. 306. D.*
sed & sine addito isto adverbio *pag. 134. D.* verbum ἐξετά-
ζειν occurrere, Auctor observari iubet. De simplici verbo
ἐτάζειν, cuius a Lexicographis nullum exemplum afferri
Erasinus Schmidius in annotatis ad h. l. putavit, præterea probat,
vulgatissimi esse illud in Alexandrina versione usus, non
tantum quando in Hebræo textu est וְרָבָה, ut *Ezch. II. 25.*
sed & ubi habet וַיִּצַּד, affligere, vexare, ut *Gen. XII. 17.*
Quando *Matth. III. 17.* Christus, per coelestem vocem ὁ υἱὸς *Pag. 20.*
ἀγάπης a Patre nominatur, notanda commendatur em-
phasis vocis ἀγάπης, quæ non tantum amorem Dei in fi-
lium ardentissimum, sed & æternam generationem, tanquam
amoris fundamentum, infert; quemadmodum unicum filium
ἀγάπῃ compellare, & velut unicum domus fulcrum &
solatium, singulari amore deperire homines solemus. Inde est,
quod LXX. interpretes hebraicum illud וְיִי alternatim,
nunc per μονογενῆ, nunc per ἀγάπῃ, reddunt. Iudice
autem Cl. *Munthe*, non tam sacris paginis ita debetur hæc
observatio, ut ex profanis erui non possit, utque Hellenismis
patrocinetur, prouti sibi *Heimius* in *Exercitatt. S. ad Marc.*
I. 11. & in *Aristarcho sacro p. 762.* persuadere voluit.
Adest auctoritas *Diodori*, qui *pag. 46. B.* scribit: ἀλλὰ κα-
θάπερ ἀγαπῇ τέκνα τελευτήσαντος ἑκάστος, περιόδους
γινόμενος, ἐπένθει τὰς ἐιρημένους ἡμέρας. Advertenda hic
duo momenta esse monet Auctor doctissimus: a) quod osten-
dere *Diodorus* velit ἔνασιν populi in principes suos ex more
defunctos reges lugendi, cum luctu ἀγαπῇ collato; b)
quod felicius succedat comparatio, & propius scopum feriat,
si luctus, quem unici, non cuiuslibet filii dilecti desiderium
importat, significetur. Conferre insuper iubet *Diodori* hunc
locum cum *Zach. XII. 10.* Elegans quoque verborum, ἐν 22.
ἐνδοκίᾳ, nobis placuit ab Auctore instituta comparatio cum
phrasi *Diodori p. 587. B.* τὸ μὲν ἂν πρῶτον ὅτος ἐν-
δοκίᾳ τῷ ξένῳ κ. τ. λ. contra *Io. Croium* allata, qui
in

- in observationibus sacris & historicis in *N. T.* pag. 264. verbum *εὐδοκῶ* aliter a sacris, aliter a profanis scriptoribus accipi
- Pag. 39. pronuntiavit. Quæ *Matth. VI. 13.* præfcribitur a sanctissimo Salvatore precandi formula, liberationem a malo innuit inter alia a Numine supremo expetendam. Bene hic Auctor observat, τὸ εὖσαι talem involvere liberationem, quam ipsi nobis præstare non valemus, quia malum & periculum tantum est, ut ei expugnando propriæ haud vires sufficiant. Illustratur atque confirmatur hæc ἐξήγησις a *Diodoro p. 49. A.* scribente de homine in via publica vim patiente, quod sit μὴ εὖσαιτο δυνατός ὢν, quam eandem emphasin etiam in passionis Servatoris historia adesse observari vult Auctor, ubi Christo in cruce pendenti illudant pontifices Iudæorum, sic loquuti: πέποιθεν ἐπὶ τὸν Θεόν. εὐσάδω ὦν αὐτὸν, εἰ θέλει αὐτόν. *Marc. I. 4.* in verbis ἐγένετο βαπτίζων quod
101. Hebraïsmum *Wolffius* in curis suis admiserit, miratur Auctor, cum figura, quam analysin Atticam appellant, nulli non scriptori Græco familiarissima sit. Provocat ad *Diodorum*, qui pag. 152. C. ἐγένετο προσέχων τῶν ἄλλων, pro προσέχε τῶν ἄλλων, ponit. *Iacobus* & *Ioannes apostoli, Marc.*
105. III. 17. dicuntur υἱοὶ βροντῆς. Hac appellatione singularis dicendi vis & potentia, quæ fulminum instar in intimos hominum sensus & recessus penetrarent, &, velut tonitru, moverent atque percuterent animos, *Iacobo* atque *Iohanni, Apostolis*, vindicatur. Eadem prorfus ratione *Pericles*, Atheniensium orator, ἀλύμπιος dictus fuit, communi cum *Iove* Βρονταῖω nomine, *Diodoro p. 307. C.* teste. *Marc. V. 23.* obvia
110. phrasis ἐσχάτως ἔχει, non est idiotica, quod voluit *Olearius de stilo N. T. pag. 88.* nec barbara secundum *Salmasium de lingua Hellenistica p. 109.* sed maxime græca. Similis enim locutio *Diodori* illud probat, qui *Agathoclem*, morti proximum, *Ecl. XII. L. 21.* ἐσχάτως διακείσθαι scribit. Ad *Marc.*
121. XII. 38. notat ex *Diodoro p. 101. B.* & *p. 81. A.* moris fuisse in oriente, ut sacerdotes & principes, quo rudi plebeculæ se venerabiles redderent, stolis velut insignibus decorati incederent. Nihil ergo novi, aut Hellenistici, in eo latet, quod

quod *τολή* pro virili veste fumitur, quæ *Grotii* assertio est; contra quem Auctor etiam *Cap. XIII. 8.* per *ταραχῆς* non Pag. 122. indigitari iudicat *prodigia*, quæ *Lucas* *φόβητρα* vocat, sed *seditiones*, vel *bellicos tumultus*, consensu *Diodori* nixus, cui hæc vox in ista significatione tam frequens sit, quam quæ frequentissima, e. gr. pag. 302. A. pag. 327. D. pag. 324. B. & pag. 434. D. quo postremo loco *ἀποστάσεις & ταραχαί* iunguntur, uti penultimo *ταραχαί καὶ κινήσεις πολεμικαί*. Si sola *Palæstina* *Luc. II. 1.* per *πάσαν τὴν οἰκωμένην* intelligatur, 134. quæ, in oppositione ad vicina deserta, *οἰκωμένη* *Exod. XVI. 35.* audit: nonnihil luminis afferre observat Auctor loca *Diodori*, in quibus quælibet regio *culta, & incolis frequens*, in oppositione ad *ἔρημον*, vocatur *χώρα οἰκωμένη*, e. gr. pag. 618. C. pag. 581. D. 689. D. Sin ad totum Romanum orbem *ἡ οἰκωμένη* extendatur, pertinet huc, quod Romani a *Diodoro* p. 219. B. *οἱ τῆς οἰκωμένης σχεδὸν ὅλης ἡγεμόνες* salutantur. *Luc. IV. 18.* commemorati leguntur *οἱ συνετρεμμένοι τὴν 139. καρδίαν*. Similitudinem cum hac phrasi deprehendit Auctor noster in *Diodorea*, *συντριβεῖν τὰς ψυχὰς*, de *ultima animi perturbatione, demissione, & tristitia*, qua, qui vident se ad incitas redactos, nesciant quo se vertant, quidve consilii capiant. In hoc statu versabantur Carthaginenses, nuntio de clade, *sibi* a *Timolionte* in *Sicilia* illata; valde perturbati, de qua re *Diodorus* p. 552. C. ita: *συνετρίβησαν τὰς ψυχὰς οἱ καρχηδόνιοι, πυθόμενοι τὸ μέγεθος τῆς συμφορᾶς*. Ad *Luc. VI. 48.* de loquendi forma, secundum quam 148. duorum verborum, per copulam aliquam coniunctorum, prius nunquam circumstantiam posterioris exponit, & per adverbium vel participium latine exprimitur, Auctor differit; eam *Hebræis* quidem multum placuisse concedens, sed neque *Græcis* displicuisse; ideoque sine causa ad *Hebraismos* hic confugisse *Vorsium*, de *Hebraismis*, *Part. II. pag. 138.* atque *Leusdenium*, *diff. IV. de Hebraismis* N. T. §. 8. Affert *Diodori* locos aliquot in medium *Cl. Munthe*, qui hoc doceant: e. gr. pag. 7. D. ubi *καταπλεγέντας καὶ θαυμάζοντας* pro *καταπληκτικῶς θαυμάζοντας*; pag. 40. B.

- ubi τερατολογεῖν καὶ μυθεύεσθαι, pro τερατολογικῶς μυθεύεσθαι: item pag. 44. C. ubi ἐσχαδιακάσι καὶ συνεγράψαντο, pro ἐσχαδιακότες συνεγράψαντο. Locutio Ioann. I. 12. quæ legitur, εἰς τὸ ὄνομα αὐτῶ, pro αὐτόν, Hebraismo quidem, iudice cel. Auctore, propior est, quam Græcismo. Geminam tamen huic ex Diodoro promit, ubi pag. 58. B. καὶ διαβεβαίονται λέγοντες, ἐτι διαβαίνειν μέλει τὴν λίμνην τῷ ὀνόματι τῷ τετελευτηκότος. Nomen mortui, (i. e. mortuum, τῷ ὀνόματι τῷ τετελευτηκότος, pro τὸν τετελευτηκότα posito) paludem transiturem esse asseverant. Ita igitur interpretatur Auctor locum hunc, propterea, quoniam in paraphrastico loquendi genere multus esse Diodorus deprehenditur. Nullum vero aliud hyperbati aut synchysios exemplum in eodem se observasse, addit; quod præcipue in causa sit, cur in Rhodmani sententiam, hyperbaton hic admittentis, ire 200. non possit. Ad Ioann. X. 34. locum Diodori transcribit, in quo ratio redditur, cur Aegyptii olim, reges suos, deorum instar venerati fuerint, divinisque honoribus tractaverint. Ita vero ille pag. 57. B. ex versione Latina hac de re disserit: *Hysque de causis Aegyptii reges, non secus ac si veri essent dii, adorare & religiose colere videntur. Nam & non sine divina quadam providentia ipsos sumnam potestatem esse adeptos, & cum velint ac possint, maxima hominibus beneficia conferre, divinae* 230. *naturae participes esse arbitrantur.* Locum Aët. VII. 42. conferre Auctor iubet cum præcepto Mosæico Deut. VI. 19. & cum historica Diodori relatione pag. 7. C. quæ astrolatriam nimæ coelestium corporum contemplationi originem debere, eamque in Aegypto prima initia habuisse, doceat. Ex eodem enini fonte Diodorus illam deducit, ex qua divinus Mosēs, statuerit utroque scriptore, τὴν εἰς τὸν κόσμον live ὑρανὸν ἐνάβλησιν, & iusto maiorem siderum admirationem, hanc Θεοπόισιν, & foedam superstitionem invehisse. Vero inde simillimum est, iudice Cl. Munthe, Stephanum protomartyrem cit. Aët. loco superstitionem inprimis tetigisse. Effati 294. Paulini, Rom. I. 14. explicatio, monente Auctore, fundatur in veteri gentium in Graecos & Barbaros distinctione, scripto-

Scriptorum usu pervulgata, qui receptæ Græcorum consuetudini & arrogantæ eandem debent. Quam antiqua autem ista consuetudo fuerit, ex *Herodoto* discimus, qui *lib. I. cap. LX.* eiusdem mentionem fecit, & iam olim separatam fuisse scribit Græcum genus a barbarico. *Diodori* locos varios in medium Auctor noster afferi posse addit, in quibus eadem adhibeatur distinctio. Unum vero tantum producit, ubi in prooemio *Diodorus p. 2. C. τέτω οἱ μὲν Ἕλληες τῶν βαρβάρων, οἱ δὲ πεπαυμένοι τῶν ἀπαιδευτῶν προέχουσιν.* Locum hunc cum *Paulino* tanto magis conferendum esse iudicat, quod τοῖς Ἕλλησι καὶ βαρβάροις, tanquam per ἐπεξήγησιν quandam, proxime *Diodorus* subiicit τὰς πεπαυμένους καὶ ἀπαιδευτας, quemadmodum *divus Paulus* τὰς σοφὰς καὶ αἰσθητάς. Nec prætermitti vult, quod idem vocabulum ἀπαιδευτος sit ipsa *Hesychii* glossa, qua Βάρβαρον exponit. Non ergo ad solos Romanos restringi hic barbaros putat, sed omnes intelligi, Græci qui non sint generis. Quando *Paulo Apostolo Rom. pag. 300.*

III. 5. κατὰ ἄνθρωπον λέγειν idem est, ac *humano more*, vel ut homines solent, loqui, eundem sensum huic phrasi *Diodorus p. 21. D.* tribuit, ubi de crocodilo ita loquitur: καὶ μακρόβιον μὲν ἔστιν ὡς κατ' ἄνθρωπον. Locum hunc minus recte interpretatum *Rhodomannum* esse, vertentem: hominis respectu longam ætatem vivit, observatur. Si enim hunc sensum verba admitterent citata, homines longævitate superaret crocodilus: cum tamen ex *Plutarcho*, atque *Aeliano*, laudatis a *Wesselingio* in notis ad *h. l.* constet, crocodilum non ultra *LX. annos* vitam producere. Versio igitur, præcunte *Wesselingio*, sequentem in modum corrigenda est: vitam tam longæ, quam homo solet, producit. Vocabulum παρρησίαν, *Ephes. 365.*

III. 12. liberam & familiarem fiduciam indicare, tanquam filiorum & coheredum, Auctor cel. subindicat, coll. *Hebr. IV. 16.* eandemque δύναμιν voci huic *Diodorum pag. 34. B.* vindicare docet, cui sit παρρησία familiaris libertas, eaque in agendo loquendoque fiducia, qua amici & simul educati uti invicem soleant. Similem in modum *Hebr. V. 6. τὰς* notat a sacro scriptore, quemadmodum & a præstantissimis quibusque Au-

Oratoribus Græcis, usurpatam ita esse, ut *vicem, locum, instar, similitudinem* designet, probante id ex *Demosthene & Athenæo* summi quondam nominis viri, *Io. Grammio*, polyhistoræ Hafniensi, in *Diff. III. de veteris Testamenti versione Græca in novo Testamento allegatione*, pag. 60. Addit his nonnulla ex *Diodoro* etiam exempla Auctor. Nos plura ex eius libro Lectoribus proponeremus, nisi nos brevitatis ratio, & plagellarum angustia contineret. Legent librum & laudabunt, Eruditi. Patet ex iis, quæ dedimus, quam multum debeat viro celeberrimo forum sacrum philologicum, plures huic similes fruges sibi ab ipso deposcens avidè. Quod quam iustum sit desiderium nostrum & votum, declarat præprimis adiectum hæc Observationibus ab Auctore doctissimo *Specimen defectus Lexicorum in vocibus aut notionibus vocum Diodoreis, quæ Lexicographis, imprimis Stephano, vel plane præteritæ, vel nulla penitus, aut sequioris ævi auctoritate, stabilitæ sunt.*

PRINCIPES POUR LA LECTURE DES ORATEURS

i. e.

INSTITUTIO LEGENDIS ORATORIBUS accommodata.

*Tomis tres. Parisiis, 1753. eum approbatione privilegio-
que regis, 8.*

T. I. i Alph. 3½ pl. T. II. i Alph. i pl. T. III. i Alph.

Lectionis oratoriæ scopus singulari præfatione consideratur, & ad eum ipsum principia diriguntur, de eloquentia tractatione generali, qua simul illius fata breviter enarrantur. Eloquentia Græca licet antea iam mæcula & vigoris plena, non tamen perfecta fuit ante Demosthenis ætatem. Hac illud celeberrimum oratorum agmen comparuit, quorum nomina numquam fas est perire, licet operum plurima consumserit tempus. Ducit autem semper agmen ipse

ipse Demosthenes. Ad Romanos quod attinet, adsurgit noster iudicio *Quintiliani* X, 10. tribuitque Ciceroni minus quidem robur, maiorem autem æqualitatem, quam Demostheni. Mox utrobique secuta decrementa sunt. Ibi *Demetrius Phaleræus* affectationem stili floridi, & elocutionis ad pompam compositæ, *Demosthenis* illi solidæ, naturali, vehementi substituit. Hic *Seneca* gravibus, nobilebus, maiestate plenis ornamentis Tullii repudiatis, stilum abruptum, ludibundum, minoribus punctis, perpetuis oppositionibus nixum, invexit. Cum ergo iam idem decrementum oratoriæ rei quibusdam imminere videatur, tanto magis optimorum oratorum lectio iuvabit, quæque spectant eo regulæ sunt observandæ. Suppeditarunt has ex antiquis Aristoteles, Cicero, *Quintilianus*, quibus noster de fontibus hausit. Maxime tamen adhæret Aristoteli. Neque vero omnino spernit recentiores, ex quibus nominatim veneratur *Ænelonium*, *Gibertum*, *Rollinum*, *Lamium*, de *Colonia*, *Iuvenium* (*Iouency*). Divisit autem opus in sex libros, quorum primus generatim eloquentiam tractat, eiusque cum genera, tum formas. Alter agit de rhetorices origine, natura, fine, subsidiis, ad *Aristotelis* principia, cuius librum primum pressio pede sequitur Auctor, secundique partem adiungit, ita quidem, ut illustret obscura, quæque defunt ibidem exempla suppleat. Adiunxit autem aliunde rhetoricos locos inventionis. L. III. potiorem partem *Aristotelici* secundi resolvit, ubi quidem sese videtur superasse *Stagirita*. Subiecit his non solum ex oratoribus exempla, verum etiam e poetis scenicis Gallorum primariis, quorum gustus ad *Sophoclem* & *Euripidem* formatus, nititur *Aristotelis* de motu animorum præceptionibus, iudicio plenis, quæ *Racini* & *Cornelii*que genium duxisse videntur. Neque tamen mores oratorii negliguntur; sed librum III. Aristotelis excerpere Auct. non potuit, cum eloquentio perfectam linguæ Græcæ cognitionem requirat, & exempla comprehendat, quorum pulcritudinem eo minus sentire possumus, quo magis omnia fere fulciuntur historiis plane nobis incognitis ac minus perspectis, seu tam ad linguæ Græcæ genium accommodatis, ut gratiam

amittant in alia lingua; quod & Muretum, qui convertit antecedentes, ut eum relinqueret, commovit. Liber nostri quartus occupatur oratoria dispositione, nec amplificatione minus atque decoro: quintus stilo & ornamentis, quibus ideæ veræ, naturales, solidæ, grandes quoque nonnunquam ac nobiles quasi vestiantur, ut rerum sit, non modo verborum eloquentia. Nec hic oratores soli, quin simul poætæ, præbent exempla, cum harmonica sit eloquentia poësis, magis quidem adligata, sed excellentibus exemplis imitationis proponendis æque foecunda. Sextus demum liber eloquentiam corporis addit, sine qua muta solet esse reliqua. Cuncta similiter eloquentiæ sacræ civilique conducere merito iudicat Auctor, cum idem sit utriusque fundamentum, forma solum diversa. T. I. c. 1. eloquentiam in genere contemplatus artem vocat persuadendi, vulgari notione, sed, ut arbitramur, vaga nimis & virtuti cum contrario quodam vitio communi. Spectat eodem uberius definitio, qua dicitur *facultas loquendi, cum decoro, de cuiuscumque generis argumentis, ut persuasio fiat.* c. 2. de tribus generibus aut eloquentiæ characteribus agit; c. 3. de diversis eloquentiæ formis. Appellat autem hic eloquentiam politicam, militarem, forensem, sacram, academicam, & considerat seorsum. In eloquentia politica laudat præsertim liberas civitates, & exempli loco profert Philippicas *Demosthenis*, neque minus deliberationes quasdam historicorum. Militarem ad cohortandas copias adstringit, quo iam Homeri quasdam orationes retulit: cuius quidem heroas omnes admodum esse loquaces ait, sed si quid ad propositum spectans requiratur, nihil vulgo minus quam eloquentes. Forensem eloquentiam ad quæstiones de facto iureque refert, crimina non æque tractari commemorans. *Demosthenis* unam orationem pro Ctesiphonte hic nominat aliquatenus, licet potius ad politicum genus pertineat. Rationem vero *Demosthenis* & *Aeschinis* minus, ait, hodie merito suo placere, quam *Ciceronis*. Quamvis utriusque proponendi modus ac mores nimium sint a nostris seiuncti. Potius ergo laudantur *Patru* & *le Maître*, quæ vitia *Racinius* in satis nota comoedia castigat,

gat, feliciter evitantes. Vincunt autem eos enuntiandi modo *Errard & Gillet*. Eloquentiam sacram quæ spectant, satis sunt sanæ regulæ; nihil tamen omnino singulare comprehendentes, considerari simul decet, quibus sit auctor sacris addictus, *Massillon & Bourdaloue* sunt exempla, quæ laudat primaria, Singulare nectit genus, panegyricos sanctorum & orationes funebres. Ibi mores, hic motus regnare iudicat. Dicitur eo nomine, quod plus gravitatis habeat *Bourdaloue*, plus sententiarum & suavitatis *Massillonus*, elegantiam quidem & accurate, sed minus roboris, *Seguy abbas*. Accessit nuper *Trubletur*. Eloquentiam academicam ad societates literarias adstringit, quarum primos Auctores Gallos ipse suos nominat, easdem cum museo Ptolemæi Philadelphi comparans.

Tomum II. incipit L. II. cuius c. 1. originem & progressus rhetoricæ contemplatur. Iudicatur, ætate *Homeri* iam rhetoricen in artis formam esse redactam, quæ tunc etiam amplitudinem habuerit suam ac perfectionem. Quæ vero iam ultimum occupat locum, poësis, tunc erat stilus communis, quo leges, mysteria fabularum, præcepta morum, enuntiabantur. *Lycurgus & Draco* carminibus leges complectebantur, ac libera distinctio relegata videbatur, donec *Phercydes & Cadmus Milesius* circa olympiadem quinquagesimam, vel ultra 450. annos post *Homerum*, eam frequentarent. *Solon* vero, circiter annis quinquaginta post *Hecateum Milesium*, Attico stilo denique colores induebat eloquentiæ, & æqualis ipsi *Pisistratus* probabilis fuit orator. Interveniebant sophistæ primo laudabiles, hinc detestandi, falsi philosophi, moriones, qui per urbes cursabant, fiducia temeraria paradoxa, quin absurda, proponebant, perniciosissimasque sententias disseminabant. Nihil erat falsarum subtilitatum, quod non invehent artis eristicæ & antilogicæ peritissimi. Seria ludo vertebant; nec moribus nec religioni parcebant, fastu turgabant, & omnem nisum ad corrumpendam eloquentiam conferebant. Adduntur hiæ sophistæ *Zeno Eleates*, *Protagoras Abderitæ*, *Gorgias Leontinus*, *Prodicus*, *Empedocles*, *Tisias*, *Corax*, alique: quorum tamen de nonnullis certe, *Gorgia* nominatim, niñius sentiret, si quæ huc spectant legisset omnia. Cetera communia sunt ac strictim disputata. C. 2. agit de rhetoricæ partibus, & ad dialecticam respectu; c. 3. de inventionem subsidiisque persuasionis generalibus; c. 4. de tribus rhetoricæ generibus, & locis oratoris cuique propriis; c. 5. de subsidiis minus artificiosis, vel ad probationibus, quæ non pendent ab oratoris arte; c. 6. de communibus locis; c. 7. de forma probationum & amplificatione, vel arte, rem oratione nu-

norem

norem aut maiorem efficiendi. Quæ singula capita laudem accurationis merentur. Liber III. de motibus ac moribus habet c. 1. de motibus generatim, & eorum ad eloquentiam utilitate; c. 2. de iisdem singulatim, ad divisionem *Boetii de consol. phil.* L. X. singularibus sectionibus, contrario semper opposito, & c. 3. de moribus, secundum varias índoles, ætates, fortunas mortalium.

Tomum III. incipit L. IV. oratoria de dispositione proponendique ratione, cuius c. 1. est de partibus orationis generatim, ad mentem quidem veterum; c. 2. de exordio, quod cum prologis poetarum & conceptuum præludiis comparatur; c. 3. de propositione ac divisione, quarum ærtissimus nexus ostenditur, c. 4. de narratione, cui fabulæ haud minus Auctor adiungit; c. 5. de argumentis, in quibus numquam non adplicationes iungi & consecutiones ostendi debent; c. 6. de peroratione, cuius partes, fines, & regulæ proponuntur; c. 7. de decoro oratorio, quod in primis *Fabius* tractavit L. XI. 1. Libri V. c. 1. agit de stilo generatim eiusque materia, c. 2. de variis stili generibus, quæ tamen forsitan, vel relictis antiquis, proponi distinctius potuissent. Invenimus autem stilum simplicem, sublimem potissimum in rebus observandum, ac prudenter adhibendum, temperatum aut floridum, cuius cautiones ac regulas maxime *Rollinus* exhibuit, c. 3. de stili forma, quæ pendet a vocabulis, tamquam singularibus sonis in aures incidentibus; comprehendit ergo vocabulorum selectum, res quoque vividiores efficientem; harmoniam vocabulorum & iunctionem, quo numerus pertinet; circuitiones, cum secundum partes, tum species, c. 4. de figuris generatim, e natura rerum & animorum repetendis, hinc singulatim de figuris dictionis, quæ verbis mutatis perire solent, deque figuris sententiarum, quarum numerum vulgo nimis augent rhetores, quas autem noster tres distinguit in classes, in approbationibus accommodatas, in motibus animorum peculiariæ, quorum lingua præcipue sunt figuræ, & in figuris exornationibus nominatim convenientes. L. VI. membra minora XXXIV. complectitur, quibus eloquentia corporis, quam tanti *Demosthenes* fecit, prius generatim consideratur, & antiquorum ostenditur prærogativa, quorum hypocriticæ musicæ pars erat, oratoria modulatio; mox autem singulatim exponitur, ac regulis fulcitur accommodatissimis, quarum vero nullam fere non alibi quoque nos legeremur meminimus. Ut multa paucis complectamur, promissioni suæ satisfecit Auctor abunde: nobis autem observandum præterea reliquit nihil.



NOVA ACTA ERUDITORUM,

publicata Lipsiæ

Calendis Novembris Anno MDCCLVI.

IO. GEORGII LEBRECHT WILKII, PHILOS.
& I. V. DOCT. TICEMANNUS, *sive Vita illustris Principis Theodorici. quondam iunioris Thuringiæ Landgraviæ, Orientalis & Lusatiæ Marchionis, ad ductum Diplomatum & Historicorum optimorum conscripta. Accedunt CCX. Diplomata, maxima ex parte hucusque inedita, variis illustrata adnotationibus, & X. Sigilla aeri incisa.*

Lipsiæ, 1754. apud Bernh. Christoph. Breitkopf,
Alph. 3. plag. 19. cum tabb. æn. in 4.

Si nullo non tempore summa in laude positum fuit, magnorum virorum vitam scriptis celebrare, virtutesque illorum & fortia facta memoria recolere, non potest non maximam apud omnes gratiam inire doctissimus *Wilkii*, quod talem operam suscipere, & de vita illustris principis Theodorici, rebusque gestis, exponere voluerit. Vix digniorem Ticemanno personam invenire Cl. Auctor potuisset, in cuius laudibus celebrandis diligentiam poneret, maximæque, qua inter alia pollet, in re historica doctrinæ specimen ederet. Perennaturæ sibi famæ ianuam hac re patefecit Auctor doctissimus, & quamdiu Ticemanni gloria vigeat, *Wilkii* simul nomen cum laude celebrabitur. Partitus est opus suum Cl. Auctor in decem libros, quorum *primus* de Ticemanni natalibus, & genere, exponit. Natus est Theodoricus, sive ex Thuringorum loquendi more Ticemannus, patre Alberto, Land-

Kkkk

Land-

Landgravio Thuringiæ, & matre Margaretha, Friderici II. Imperatoris filia, anno MCCLX. in arce Warthurgo, prope Ilfenacum, quemadmodum Auctor, silentibus historicis, coniicit. Avum paternum habuit Henricum illustrem, Proavum paternum, Theodoricum afflictum, fratres autem Henricum & Fridericum admoſum, sororem Agnetem, Henrici Brunſuicenſis uxorem, patruum denique Theodoricum, Marchionem Landesbergenſem; quorum vitæ omnium ſingularibus capitibus hiftoriæ luce illuſtrantur. *Libro II.* de Ticemanni educatione, coniugio, & aliis rebus domeſticis, exponitur. Urbes, quas Ticemannus potiffimum inhabitaverit, Auctor præcipue memorat Altenburgum, Torgaviam, Luccaviam, Gubenam, Lipſiam. Uxorem habuit Iuditham, ex domo Hennebergica, ex qua tamen nullos ſuſtulit liberos. Eodem loco Auctor de aula quoque Ticemanni, amicis, miniſtris, militibus, notariis, & cancellaria exponit. *Libro III.* de inimicitiiſ & diſſidiis in familia Ticemanni diſſerit. Referuntur hic lites, quæ Henrico illuſtri cum Alberto filio, & Alberto cum fratre Theodorico, filiisſque Friderico & Ticemanno, interceſſerunt. Memoratur diſcordia Albertum inter & Fridericum, cognomine Tutam; porro lis, quæ Alberto eiusque filiis, & Friderico Tutæ cum Friderico Dresdenſi, fuit; & diſſenſio denique inter fratres ipſos, Fridericum admoſum & Ticemannum, orta. *Libro VI.* de Ticemanni expeditionibus bellicis ſuſius exponitur. Memorat Auctor initio generatim, Ticemanni ſcientiam & experientiam in re militari, mox expeditiones eius bellicas contra Adolſum Romanorum regem, nec non bellum ab Alberto I. Adolſi ſucceſſore, contra Ticemannum, eiusque fratrem Fridericum admoſum motum, ſimulque cauſas, fortunam, & eventum horum motuum, diligenter exponit. *Libro V.* Ticemanni merita in rem ſacram celebrantur. Etenim immortaliter Ticemannus non de Eccleſia ſolum terræ Plifnienſis, & orientalis, ſed de eccleſia quoque urbis Lipſiæ, beato Thomæ dicata, de eccleſiis Marchiæ Miſnenſis, Luſatiæ, Thuringiæ, de monaſteriis, Buch, Novæ Cellæ, aliisſque, meritis eſt. Ut de eccleſia tantum

tum Lipsiensi dicamus, Ticemannus ecclesiæ Thomanæ piscatum, cum omnibus iuribus annexis, donavit, constituitque, ut Canonici Thomani piscibus ex illo percipiendis non nisi in coenaculo, quod refectorium dicunt, una accumbentes fruerentur. Porro quoque domum, vulgo Suchus dictam, & ius patronatus in ecclesiam pagi Schoenefeld, prope Lipsiam sita, præposito & conventui ecclesiæ Thomanæ tribuit. *Liber VI.* de Ticemanni gestis in rebus politicis exponit. Docet cl. Auctor, Ticemannum omnia iura sublimiora, quæ quidem principibus imperii competeabant, e. g. ius belli & pacis, armandiæ, foederum, exercuisse. Mentionem quoque curiæ feudalis Ticemanni, feudorumque ab ipso concessorum, iniicit. Nec rei iudiciariæ, aut politiæ a Ticemanno ordinatæ, monumenta desiderantur. Quo pertinet lex piscatui in urbe Lipsia a Ticemanno scripta, cuius tabulas privilegii authenticas piscatorum tribus, cimelii instar, servat. Pertinent huc & privilegia civitati Torgaviensi, Gubenæ, Liberofæ, aliisque a Ticemanno concessa. De statu adeo camerali & steuerali Ticemanni, deque re monetaria, qualis eius tempore fuit, exponitur. *Libro VII.* de terris & provinciis, quas Ticemannus possedit, agitur. Primo loco hic nominatur terra Plisnensis, quidque ad eam pertinuerit, accurate monstratur. Oppidum Schmoellen pariter atque Roetha oppidum, quin terræ Plisnensis partes fuerint, nullum est dubium. De Altenburgo autem, Zwickauia, & Chemnitio, an idem dicendum sit, lis inter historicos maxima est. Cl. Auctor has urbes in terra Plisnensi sitas quidem fuisse, minime vero ad eam pertinuisse, sed ab imperio pendisse, arbitratur. Tenuit porro Ticemannus terras quasdam Marchionatus Misnensis, terram orientalem, monasteria plura in Osterlandia, dynastiam Groitzsch, Thuringiæ partem, & Lusatiam, cuius simul de finibus, Ticemanni tempore quales fuerunt, nec non de agris, dynastiis, oppidisque in illa, citra ultraque fluvium Spream sitis, exponitur. *Libro VIII.* de mutatione rerum Lusatiarum, a Ticemanno proveniente, tractatur. Scilicet A. MCCCII. de venditione Lusatiae, inter Ticemannum & Archiepiscopum Magdeburgensem convenisse, vulgo dicitur. At enun cl. Au-

stor docet, contractum illum, ob adnexas, sed non impletas conditiones, omni vi & efficacia destitutum fuisse, Ticemannum vero ipsum Lusatiam in domum Brandenburgicam, stirpis Alcaniæ, transfuisse, probatque, illud iam anno MCCCIII. factum esse; qua in re Cl. Auctor a sententia *Tentzelii* & *Schurtzschii* recedit, qui Lusatiam decem vel duodecim annis serius in potestatem domus Brandenburgicæ venisse statuunt. Eodem loco doctissimus Wilckius erudite exponit, quomodo Lusatia, post Waldemari Brandenburgici tempora, ab Electore Saxonie occupata, deinde domui Brandenburgicæ lineæ Bavaricæ cessa, porro Marchionibus Misnie tradita, denique a regibus Bohemie comparata, ac tandem iterum ad Electores Saxonie, Marchiones Misnie, reversa fuerit. *Libro IX.* de morte, sepultura, herede, & hereditate Ticemanni tractatur. Anno scilicet MCCCVII. in templo Thomano. Ticemannus, nefando facinore, a sicario quodam, pecunia conducto, inter sacra matutina, cultro vulneratus, tertio post acceptum vulnus die mortuus, & in æde divi Pauli sepultus est; hodieque monumentum, Ticemanno positum, omnibus, ædem Paulinam Lipsiensem lustrantibus, in oculos incurrit. Heres Ticemanno frater Fridericus admorsus existit, cui quoque cum Alberto, Romanorum rege, plures ideo intercesserunt lites, feliciter tamen maxima ex parte sopitæ. *Libro X.* de Ticemanni titulis, sigillis, & præcipuis animi dotibus, tractatur. Inter titulos præcipue ille Landgravii Thuringie refertur; & cognomen *iunioris*, non ad nomen Theodorici, sed ad ipsum titulum Landgravii Thuringie referendum esse, demonstratur. Subinde Ticemannus terræ quoque Plisnensis, Lusatie, Marchionis orientalis, domini in Groutachs & in Greutzsch, titulos sumsit. Sistantur porro diversa, quibus Ticemannus usus est, sigilla: & posteaquam loco postremo quædam haud vulgaria de virtutibus Ticemanni, inprimis de eius pietate, iustitia, fortitudine, temperantia, & constantia, in medium prolata essent, finis operi imponitur. Appendicis loco adiectus est *codex diplomaticus*, & decem sigilla aeri incisa. Prior continet *CCX. diplomata*, quæ Cl. Auctor vel primus, vel certe correctius, quam ab aliis factum est,

est, hic edidit, notisque illustravit locupletissimis. Qua re maximum pulcherrimo operi decus, *Wilnius*, Vir doctiss. conciliavit, cum diplomata quasi anima sint historiae, omnibusque historicorum narrationibus suo iure anteposenda. Nimis longum esset, singula referre. Operis tamen pretium erit, quadam speciminis loco proferre exempla. Sic numero CXLIII. occurrunt Ticemanni litterae, de piscatu Lipsiensi d. 1 Maii A. 1305. datæ. Numero CLVIII. occurrunt litterae Ticemanni, quibus ecclesiae d. Thomae Lipsiensi, casa Suchus, unum quotannis talentum solvens, assignatur; numero autem sequente, litterae, quibus eidem ecclesiae ius patronatus in vicum Schoenefeld confertur. Conspectus, codici diplomatico praemissus, non auctorem solum, sed materiam etiam cuiusque chartae, indicat. Notae numerorum, ad marginem diplomatum adscriptae sunt; quod ideo factum est, ut indicarentur verba diplomatis, quibus Auctor in ipsa commentatione, vel ad probanda, vel ad illustranda ea quae scripsisset, usus est. Rerum & verborum indicem, qui magno erat Librum lectoris commodo atque compendio futurus, adiecit nullum, quod putabat, conspectum ipsi Libro praemissum esse loco Indicis posse, siquidem ea omnia, quae singulis Librorum decem Capitibus continerentur, distincte exponit. Addidit tamen, coronidis loco, ad ordinem litterarum, excerpta e Diplomatis, 1) Nomina Comitum & Burgravorum: 2) Nomina Dynastarum, Nobilium, & aliarum celebrium familiarum: 3) Praenomina, quae circa Ticemanni aetatem fuisse in usu reperta sunt. Quibus omnibus, quemadmodum & observationibus, ad intelligenda diplomata conscriptis, hoc effecit Auctor, Vir doctissimus, ut Liber eius, geographiae, topographiae, genealogiae, chronologiae denique Misnicae, mediævi studiosis, acceptissimus futurus sit; ipse vero diligentiae, & praeclaræ eruditionis laudem, ab omnibus ferat.

*LEGUM MOTUS, IN COLLISIONE UNIUS
corporis cum pluribus, analytica investigatio. Auctore
G. F. BERMANNO.*

Kkkk 3

Quæ-

Quæstio de communicatione motus in collisu corporum tam late patet, & partes habet adeo difficiles explicatu, ut necdum tota sit enodata. Neque ego præ me fero, me velle in præsentî hanc quæstionem ultra eos limites extendere, in quibus maximorum Geometrarum, & nominatim V. Cel. *L. Euleri* (in Tomo IX. *Comment. Petrop.*) industria substitit. Considerabo tantum aliquam partem simplicissimi huius quæstionis casus, qui tunc obvenit, cum rectæ, iuxta quas fit impactio, per centra gravitatis corporum inter se collisorum transeunt. In quo casu, si duo duntaxat sint corpora, uti leges motus dudum a *Wrenno*, *Wallisio*, & *Hugenio* sunt ostensæ, ita elegantissimam & omnibus numeris absolutam earum analysin dedit V. Cel. *Eulerus* in T. V. *Comment. Petropol.*: Sin autem plura sint corpora, quæstio de communicatione motus inter illa nondum ita pertractata esse videtur, ut nihil in eius solutione desiderandum supersit. Qui enim primus pro hac hypothese leges motus protulit, *Io. Bernoullius* V. C. corpora posuit perfecte elastica, & eas leges pro casu tantum particulari, methodo indirecta, ex principio conservationis virium vivarum elicit. Post eum hoc problema doctissimus *Maclaurinus* (in *Treatise of Fluxions*) sic tractavit, ut generalem quidem eius solutionem dederit, sed constructioni geometricæ implicitam, & ex altioribus staticæ & Mechanicæ theorematibus deductam. Constructio autem illa, utut elegans & concinna sit, tamen est constructio geometrica, quæ in plerisque quæstionibus mathematicis, si recte iudico, cedere debet solutioni algebraicæ, præsertim si talis non fuerit, ut per eam facile pateat via ac ratio, rem a lineis ad numeros revocandi. Namque, ut alias huius sententiæ rationes taceam, si minutiarum in praxi quoque ratio habenda sit, quod non raro requiritur, possunt ex plerumque per solutionem algebraicam determinari, per constructionem autem geometricam eas assequi, ob instrumentorum imperfectionem, non licet. Talis autem est nostri problematis constructio *Maclauriniana*, ut nesciam, an cuiquam ex ea patere queat modus, quæsitæ ad calculos vocandi. Ergo cum post magnorum horum, quos modo laudavi, virorum operam

ram, huic problemati impensam, desiderari adhuc iure posse videatur solutio eius algebraica, eaque universalis, & ex primis Mechanicæ principiis directe ducta, qualem quidem nemo adhuc publice, quod sciam, exhibuit: haud inanem operam me sumturum esse existimo, si eiusmodi solutionem in hac dissertatione dare adlaboravero.

Ante vero quam ad eam me accingam, monere debeo lectorem, me hic corpora sumere figuræ sphaericæ, & massæ homogenæ, non quasi omnino nulla alia figura hypothese problematis conveniat, sed tantum exempli causa, cum figura sphaerica eiusmodi corporum talis sit, ut recta iungens centra gravitatis corporum plano contactus sit normalis; deinde, ne præter necessitatem solutio problematis nimis intricata & perplexa reddatur, poni omnium corporum centra gravitatis in plano uno eodemque, & intelligi corpus unum in recta huius plani uniformiter motum in reliqua corpora, aut quiescentia, aut in rectis, ex uno puncto divergentibus, uniformiter mota, sic incurrare, ut hæc singula uno eodemque temporis momento ab illo impellantur iuxta rectas cum directionibus eorum coincidentes. Quod si enim corpora in rectis aliter positæ moveantur, aut centra gravitatis eorum haud sint in uno plano, hosce casus ad illum posse reduci, haud difficulter intelligitur.

Quibus præmonitis, quæstionem sic restrictam in duas partes dividemus, eamque primo pro corporibus non elasticis, tum pro corporibus utcumque elasticis, solutam dabimus. Sit ergo

PROBLEMA I.

Si corpus sphaericum A in recta Aa uniformiter motum celeritate α , in quovis alia corpora sphaerica B, C, D, quæ in rectis B β , C γ , D δ , æquabiliter moveantur celeritatibus β , γ , δ , sic incurrat, ut ea simul seriat iuxta rectas AB, AC, AD, per centra omnium sphaerarum (in uno plano posita) transeuntes, Et cum directionibus sphaerarum impulsarum coincidentes: datis singulorum corporum massis, ac directionibus Et celeritatibus ante collisionem, invenire corporis incurrentis A directionem, Et singulorum corporum velocitates, post conflictum; siquidem singula sint elasticitate destituta.

ANALY-

ANALYSIS

Incurrat sphaera *A* exempli causa in tres sphaeras *B, C, D*, ad easdem partes rectae *Aa*, in qua centrum sphaerae *A* incedit, motas. Sint horum corporum massae *A, B, C, D*. Sint *Aa, Bb, Cc, Dd*, spatia, quae a corporibus *A, B, C, D* respective eodem temporis elemento velocitatibus $\alpha, \beta, \gamma, \delta$, quas ante collisionem habent, describi possunt. Ergo posito illo temporis elemento $= 1$, erit $Aa = \alpha, Bb = \beta, Cc = \gamma, Dd = \delta$. Post conflictum sit directio corporis *A* recta *AV*, & velocitas eius $= v$. Ponatur *AV*: $Aa = v: \alpha$: & erit $AV = v$. Iungatur recta *Va*; & quoniam motus sphaerae *A* ante conflictum componitur e motibus per rectas *Va, AV* expositis, post conflictum autem haud alius motus sphaerae *A* superest, quam qui exponitur per *AV*: consequens est, ut motus eius, per rectam *Va* expositus, in conflictu destruat corporum percussorum *B, C, D* reactione.

2. Iam reactione sphaerae *B* destructus in *A* motus, æqualis sit necesse est motui in corpore *B* per conflictum genito ambobus motibus iuxta eandem directionem *AB* æstimatis (vi principii de reactione): quod idem de reliquorum corporum *C, D*, reactione est intelligendum. Sit *Be* spatium, quod corpus *B* post conflictum elemento temporis supra assumpto describere potest: hinc motus in *B* per conflictum genitus erit ut $B \times \beta e$. Similiter, si *Cf, Dg* fuerint spatia corporibus *C, D* post conflictum eodem illo temporis elemento percurrentia: erunt motus, in his corporibus per conflictum geniti, ut $C \times \gamma f$, & $D \times \delta g$. Ergo necesse erit, ut motus $A \times Va$ tanquam e motibus tribus, qui ipsis $B \times \beta e, C \times \gamma f, D \times \delta g$ sigillatim æquales ac iuxta rectas *AB, AC, AD* directi sint, compositus possit spectari: alioquin enim ille motus $A \times Va$ reactione corporum *B, C, D*, non potuisset destrui.

3. Resolvamus nunc celeritatem sphaerae incurrentis *A* per rectam *Va* expositam in duas, quas rectae *Vx, xa* exponant, quarum illa sit in rectam *Aa* normalis, hæc ad ipsam *Aa* parallela. Similiter resolvatur celeritas βe in duas $\beta k, ke$, & celeritas

leritas γf in duas γl , $l f$, & velocitas δg in duas δm , mg , sic
 ut rectæ βk , γl , δm ipsi Vx , rectæ autem ke , lf , mg ipsi $A\alpha$
 sint parallelæ, Quibus factis, patet ex antea dictis (§. 2.),
 atque ex theoria compositionis motuum vel virium, fore

$$I. A \times Vx = B \times \beta k + C \times \gamma l + D \times \delta m;$$

$$II. A \times x\alpha = B \times ke + C \times lf + D \times mg.$$

4. Sit anguli $B A \alpha$ tangens $= b$, sinu toto existente $= r$,
 & tang. $C A \alpha = c$, tang. $D A \alpha = d$, quæ omnes (per hy-
 pothesin problematis) dantur. Sit præterea tang. $V A \alpha = t$,
 qui numerus quæritur. His positis, erit

$$Vx = \frac{tv}{r(1+tt)}; x\alpha = \alpha - \frac{v}{r(1+tt)};$$

$$\beta k = \frac{b}{r(1+bb)} \beta e; ke = \frac{\beta e}{r(1+bb)};$$

$$\gamma l = \frac{c}{r(1+cc)} \gamma f; lf = \frac{\gamma f}{r(1+cc)};$$

$$\delta m = \frac{d}{r(1+dd)} \delta g; mg = \frac{\delta g}{r(1+dd)}.$$

Quo autem velocitates βe , γf , δg exprimantur, conside-
 randum est, necesse esse, ut velocitas unius cuiusque corpo-
 rum B , C , D post conflictum æqualis sit celeritati corporis A
 post conflictum, ad directionem eius corporis reductæ. Alio-
 quin non possent corpora B , C , D cum ipso A , tanquam u-
 num corpus progredi; quod tamen per tempus saltem exi-
 guum fiat necesse est, quemadmodum idem contingit in casu
 duorum corporum, quorum unum in alterum directe incur-
 rit. Hoc enim cum sequatur ex notione conflictus, quippe
 qui nondum finitus dici potest, quamdiu aliqua velocitas re-
 lativa superest: idem contingat etiam necesse est in casu no-
 stri problematis. Quare ductis ex puncto V in corporum
 B , C , D directiones perpendiculis Vb , Vc , Vd , erit

$$Ab = \frac{v}{Set. (VA\alpha + BA\alpha)} = Be, \text{ ideoque}$$

$$\beta e = \frac{(1 - bt)v}{r(1 + bb)(1 + tt)} - \beta.$$

$$\text{Similiter } \gamma f = \frac{(1 - ct)v}{r(1 + cc)(1 + tt)} - \gamma; \&$$

$$\delta g = \frac{(1 - dt)v}{r(1 + dd)(1 + tt)} - \delta.$$

Quibus valoribus in locum ipsarum βe , γf , δg substitutis, fit

$$\beta k = \frac{(1 - bt)bv}{(1 + bb)r(1 + tt)} - \frac{b}{r(1 + bb)}\beta;$$

$$ke = \frac{(1 - bt)v}{(1 + bb)r(1 + tt)} - \frac{\beta}{r(1 + bb)};$$

$$\gamma l = \frac{(1 - ct)cv}{(1 + cc)r(1 + tt)} - \frac{c}{r(1 + cc)}\gamma;$$

$$lf = \frac{(1 - ct)v}{(1 + cc)r(1 + tt)} - \frac{\gamma}{r(1 + cc)};$$

$$\delta m = \frac{(1 - dt)dv}{(1 + dd)r(1 + tt)} - \frac{d}{r(1 + dd)}\delta;$$

$$mg = \frac{(1 - dt)v}{(1 + dd)r(1 + tt)} - \frac{\delta}{r(1 + dd)}.$$

§. Hinc æquationes I. & II. abeunt in has,

$$\begin{aligned} \frac{Atv}{r(1 + tt)} &= \frac{(1 - bt)Bbv}{(1 + bb)r(1 + tt)} - \frac{Bb\beta}{r(1 + bb)} + \frac{(1 - ct)Ccv}{(1 + cc)r(1 + tt)} \\ &\quad - \frac{Cc\gamma}{r(1 + cc)} + \frac{(1 - dt)Ddv}{(1 + dd)r(1 + tt)} - \frac{Dd\delta}{r(1 + dd)}; \end{aligned}$$

At

$$A\alpha - \frac{Av}{r(1+tt)} = \frac{(1-bt)Bv}{(1+bb)r(1+tt)} - \frac{B\beta}{r(1+bb)}$$

$$+ \frac{(1-ct)Cv}{(1+cc)r(1+tt)} - \frac{C\gamma}{r(1+cc)} + \frac{(1-dt)Dv}{(1+dd)r(1+tt)} - \frac{D\delta}{r(1+dd)}$$

Et multiplicatis singulis terminis per $r(1+tt)$ habemus

$$\left(-At + \frac{(1-bt)Bb}{1+bb} + \frac{(1-ct)Cc}{1+cc} + \frac{(1-dt)Dd}{1+dd} \right) v =$$

$$\left(\frac{Bb\beta}{r(1+bb)} + \frac{Cc\gamma}{r(1+cc)} + \frac{Dd\delta}{r(1+dd)} \right) r(1+tt);$$

$$\left(A + \frac{1-bt}{1+bb} B + \frac{1-ct}{1+cc} C + \frac{1-dt}{1+dd} D \right) v =$$

$$\left(A\alpha + \frac{B\beta}{r(1+bb)} + \frac{C\gamma}{r(1+cc)} + \frac{D\delta}{r(1+dd)} \right) r(1+tt).$$

6. Iam ponamus

$$\begin{array}{l} 1+b^2 = \frac{l}{LL} \quad \left| \quad \frac{b}{r(1+bb)} = l \quad \left| \quad \frac{l}{r(1+bb)} = \frac{1}{2}\lambda \right. \\ 1+c^2 = \frac{m}{MM} \quad \left| \quad \frac{c}{r(1+cc)} = m \quad \left| \quad \frac{m}{r(1+cc)} = \frac{1}{2}\mu \right. \\ 1+d^2 = \frac{n}{NN} \quad \left| \quad \frac{d}{r(1+dd)} = n \quad \left| \quad \frac{n}{r(1+dd)} = \frac{1}{2}\nu \right. \end{array}$$

$$\text{erit } L = \cos \alpha, B A \alpha \quad | \quad l = \sin. B A \alpha \quad | \quad \lambda = \sin. 2. B A \alpha$$

$$M = \cos. C A \alpha \quad | \quad m = \sin. C A \alpha \quad | \quad \mu = \sin. 2. C A \alpha$$

$$N = \cos. D A \alpha \quad | \quad n = \sin. D A \alpha \quad | \quad \nu = \sin. 2. D A \alpha$$

quæ quantitates omnes dantur; & substitutis hisce litteris in duabus æquationibus §. præc. fiet

$$(-2At + \lambda B - 2l^2tB + \mu C - 2m^2tC + \nu D - 2n^2tD)v$$

$$= 2(1B\beta + mC\gamma + nD\delta)r(1+tt).$$

$$(2A + 2L^2B - \lambda tB + 2M^2C - \mu tC + 2N^2D - \nu tD)v$$

$$= 2(A\alpha + LB\beta + MC\gamma + ND\delta)r(1+tt).$$

LIII 2

7. Sit

7. Sit tandem $\lambda B + \mu C + \nu D = P$

$$A + l^2 B + m^2 C + n^2 D = Q$$

$$l B \beta + m C \gamma + n D \delta = R$$

$$A + L^2 B + M^2 C + N^2 D = S$$

$$A \alpha + L B \beta + M C \gamma + N D \delta = T$$

quæ quanti-
tates per
hyp. probl.
datae sunt:

erit (per §. 6.) $[P - 2Qt] v = 2Rr(1+tt)$

$$\& [2S - Pt] v = 2Tr(1+tt)$$

$$\text{Hinc } v = \frac{2Rr(1+tt)}{P-2Qt} = \frac{2Tr(1+tt)}{2S-Pt}$$

$$t = \frac{PT - 2RS}{2QT - PR}; \text{ unde innotescit ang. } \alpha AV, \text{ seu}$$

directio corporis A post conflictum.

Celeritas autem cuiusque corporum percussorum B, C, D post conflictum, erit (§. 4.) ad celeritatem v corporis incurrentis A post conflictum, uti cosinus anguli, quem illius corporis directio cum huius directione post conflictum AV comprehendit, ad sinum totum. Q. E. I.

COROLL. I.

Si quod corporum percussorum B, C, D , exempli gratia D , existat ad alteras partes rectæ $A\alpha$ respectu reliquorum: in valoribus litterarum P, R oportebit numeros n & ν negative accipi.

COROLL. 2.

Si corpora B, C, D , in quæ incurrit sphaera A , quiescant: erit $\beta = 0 = \gamma = \delta$, ideoque $R = 0$, & $T = A\alpha$.







Ergo in hac hypothesis erit $t = \frac{P}{2Q} \frac{\lambda B + \mu C + \nu D}{2(A + l^2 B + m^2 C + n^2 D)}$

$$v = \alpha \frac{2Ar(1+tt)}{2S-Pt}.$$

COROLL. 3.

Fig. 3. Si duæ sphaeræ æqualis massæ B, C quiescentes sic percussantur

TAB. VII. ad Nov. Act. Erud. Spaq. 636. sq.



J. G. Krugner Jun. sc.

tiantur ab incurrente sphaera A , ut directio eius Aa transeat per punctum medium rectae BC iungentis centra illarum, & huic rectae perpendicularis sit: erit $M^2 = L^2$, $m^2 = l^2$, & $\mu = -\lambda$; propterea $P = 0$, & $t = 0$. Quare directio corporis A in conflictu haud mutatur, sed pergit illud in recta Aa velocitate $v = \alpha \frac{A}{A + 2LLB}$.

COROLL. 4.

Et si quotvis corpora B, C sint ad sinistras, ac totidem Fig. 4. D, E , illis respective aequalia, ad dexteris rectae Aa , iuxta quam sphaera A movetur, in quiete; recta autem Aa omnes rectas BD, EC , quae centra sphaerarum binarum aequalium iungunt, bifariam atque ad rectos angulos secet: post conflictum sphaera A perget (ob $P = 0$) in eadem directione; in qua initio movebatur velocitate v , quae erit ad velocitatem α ante collisionem, in ratione massae Aad ($A + 2L^2B + 2M^2C + \&c.$). Velocitas autem corporum B, D iuxta rectas AB, AD erit $= Lv$, & celeritas corporum C, E iuxta AC, AE erit $= Mv$; hoc est, velocitas unius cuiusque horum corporum erit ad velocitatem corporis A post conflictum, uti cosinus anguli, quem eius directio cum directione corporis A comprehendit, est ad sinum totum.

COROLL. 5.

In casu corollarii 2. exponatur sphaerae A celeritas & dire- Fig. 5. ctio per rectam AG , & ex puncto G in rectas AB, AC, AD ducantur perpendiculara Gb, Gc, Gd . ex punctis autem b, c, d

$$\begin{aligned} \text{in } AG \text{ perpendiculara } bM, cN, dZ: \text{erit } \lambda (= 2lL) &= 2 \frac{Gb \cdot bA}{AG^2} \\ &= 2 \frac{bM}{AG}, \text{ \& } \mu (= 2mM) = 2 \frac{Gc \cdot cA}{AG^2} = 2 \frac{cN}{AG}, \text{ \& } v (= 2nN) \\ &= 2 \frac{Gd \cdot dA}{AG^2} = 2 \frac{dZ}{AG}. \text{ Ergo } P (= \lambda B + \mu C + vD) \end{aligned}$$

LIII 3

= 2

$$\begin{aligned}
 &= 2 \frac{B.b M + C.c N + D.d Z}{AG}. \text{ Porro erit? } = \frac{Gb^2}{AG^2} \frac{MG}{AG} \\
 m^2 &= \frac{Gc^2}{AG^2} \frac{NG}{AG}, \text{ \& } n^2 = \frac{Gd^2}{AG^2} \frac{ZG}{AG}. \text{ Ergo } Q = \\
 &\frac{A.AG + B.MG + C.NG + D.ZG}{AG}. \text{ Quare } \frac{P}{2Q} = \\
 t &= \frac{B.b M + C.c N + D.d Z}{A.AG + B.MG + C.NG + D.ZG}.
 \end{aligned}$$

Sit nunc O centrum gravitatis commune omnium sphaerarum, centris ipsarum existentibus in A, b, c, d punctis, & ex O in AG ductum sit perpendicularum OP : erit (ex theoria centri gravitatis) $B.b M + C.c N + D.d Z = (A+B+C+D)OP$, & $A.AG + B.MG + C.NG + D.ZG = (A+B+C+D)$

$$PG. \text{ Hinc } t = \frac{OP}{PG} = \text{tang. } OGP. \text{ Habetur ergo con-}$$

structio corollarij 2. geometrica, si, centris corporum A, B, C, D in punctis A, b, c, d positis, quæratu centrum eorum gravitatis commune O , & ductæ rectæ OG per A parallela agatur AW : hæc enim recta AW erit directio corporis incurrentis A post conflictum.

Ex puncto G excitetur ipsi AG normalis, quæ rectæ AW occurrat in W : erit $AW = AG \gamma (1+tt) = \alpha \gamma (1+tt)$. Deinde quia, posita $A+B+C+D = \Sigma$, est per ostensâ,

$$P = 2 \Sigma \frac{OP}{AG}: \text{ erit } P.t = 2 \Sigma \frac{OP.GW}{AG^2}. \text{ Porro est } S =$$

$$A + \Sigma - Q = A + \Sigma - \frac{PG}{AG} \Sigma = A + \frac{AP}{AG} \Sigma. \text{ Quare } 2S$$

$$-Pt = 2A + \frac{2\Sigma}{AG} \left(AP - \frac{OP.GW}{AG} \right). \text{ Ex puncto } O$$

rectæ

recta OG perpendicularis excitetur, quæ rectam AG secet
in R : quo factò erit $AG:GIW=OP:PR$, ideoque $2S-$

$$Pt=2A+2\Sigma\frac{AR}{AG}. \text{ Ergo erit } v=AG\frac{A.AW}{A.AG+\Sigma.AR}$$

$$\&AW-v=\frac{\Sigma.AR.AW}{A.AG+\Sigma.AR}, \text{ \& proinde } AW-v:v=$$

$\Sigma.AR:A.AG$. Itaque si recta AW sic dividatur in puncto V , ut sit $VW:AV=(A+B+C+D)AR:A.AG$: celeritas corporis A post conflictum exponetur per rectam AV .

Et hæc ea est constructio corollarii secundi, quam *Maclaurinus* dedit pag. 431. Libri de Fluxionibus, sed ex principiis longe diversis ductam.

COROLL. 6.

Non multum absimili ratione licebit nostra formula eruere constructionem problematis universalem a *Maclaurino* (pag.

$$432.) \text{ exhibitam. Erat scilicet } t=\frac{PT-2RS}{2QT-PR}. \text{ Ergo } t=$$

$$\frac{P-2S(R:T)}{2Q-P(R:T)}. \text{ Sint } AG, Ap, Aq, Ar \text{ rectæ exponentes Fig. 6.}$$

velocitates ac directiones corporum A, B, C, D ante collisionem, ideoque $AG=\alpha$, $Ap=\beta$, $Aq=\gamma$, $Ar=\delta$. Ex punctis p, q, r in AG ducta sint perpendiculara ps, qt, ru : erit $ps=\beta\beta$, $qt=m\gamma$, $ru=n\delta$, $As=L\beta$, $At=M\gamma$, $Au=N\delta$. Ergo $R=B\times ps+C\times qt+D\times ru$, & $T=A\times AG+B\times As+C\times At+D\times Au$. Sit in T centrum gravitatis commune datorum corporum, si ipsorum centra propria existant in G, p, q, r punctis. Ex T in AG cadat perpendicularum $T\tau$. Quibus positis, erit $R=\Sigma\times T\tau$, & $T=\Sigma\times A\tau$, ideoque $R:T=T\tau:\tau A$, seu $R:T=\text{tang. } TA\tau$, quæ dicatur $=\tau$. Ergo erit $P-2S.\tau=-2A.\tau+B(\lambda-2L^2\tau)+C(\mu-2M^2\tau)+D(v-2N^2\tau)=-2A.\tau+2B.L(1-L.\tau)+2C.M(m-M.\tau)+2D.N(n-N.\tau)$. Est autem $l=L.\tau$
fin.

$$\frac{\sin. BAT}{\cos. TAr}, m - M\tau = \frac{\sin. CAT}{\cos. TAr}, n - N\tau = \frac{\sin. DAT}{\cos. TAr}.$$

$$\text{Ergo } P - 2S.\tau = 2(-A.\sin. TAr + B.L.\sin. BAT + C.M.\sin. CAT + D.N.\sin. DAT): \cosin. TAr.$$

$$\text{Porro } 2Q - P.\tau = 2A + B(2l' - \lambda\tau) + C(2m' - \mu\tau) + D(2n' - \nu\tau) = 2A + 2B.l(1 - L\tau) + 2C.m(m - M\tau) + 2D.n(n - N\tau) = 2(A.\cos. TAr + B.l.\sin. BAT + C.m.\sin. CAT) + D.n.\sin. DAT): \cosin. TAr.$$

Sint l', m', n' sinus angulorum BAT, CAT, DAT , & L', M', N' cosinus eorundem respective: atque erit

$$P - 2S\tau = -A.\sin. TAr + Bl'l' + Cmm' + Dnn'$$

$$t = \frac{2Q - P\tau}{A.\cos. TAr + Bl'l' + Cmm' + Dnn'}$$

$$t + \tau = \frac{Bl'(L + l\tau) + Cm'(M + m\tau) + Dn'(N + n\tau)}{A.\cos. TAr + Bl'l' + Cmm' + Dnn'}$$

$$1 - t\tau = \frac{Bl'(1 - L\tau) + Cm'(m - M\tau) + Dn'(n - N\tau) + A:\cos. TAr}{A.\cos. TAr + Bl'l' + Cmm' + Dnn'}$$

$$\frac{t + \tau}{1 - t\tau} = \text{tang. } TAV = \frac{Bl'(L + l\tau) + Cm'(M + m\tau) + Dn'(N + n\tau)}{A}$$

$$\frac{A}{\cos. TAr} + Bl'(1 - L\tau) + Cm'(m - M\tau) + Dn'(n - N\tau)$$

& multiplicatis singulis terminis tam numeratoris quam denominatoris huius fractionis per $\cos. TAr$. erit

$$\text{tang. } TAV = \frac{Bl'l' + Cm'm' + Dn'n'}{A + Bl'l' + Cm'm' + Dn'n'}$$

Quare si dicamus $2l'L' = \sin. 2BAT = \lambda'$, $2m'M' = \sin. 2CAT = \mu'$, & $2n'N' = \sin. 2DAT = \nu'$: erit

$$\text{tang. } TAV = \frac{\lambda'B + \mu'C + \nu'D}{2(A + l'l'B + m'm'C + n'n'D)} = \frac{P}{2Q}$$

Itaque cum hæc expressio omnino similis sit expressioni $\text{tang. } GAV$ in casu precedentis corollarii: patet per ea, quæ initio illius corollarii ostensa sunt, si per T punctum in rectas AB, AC, AD ducantur perpendiculara ipsis occurrentia in punctis

punctis x, y, z respective, atque in P existat centrum gravitatis commune datorum corporum, collocatis propriis eorum centrīs in A, x, y, z , denique ex puncto P in rectam AT ducatur normalis, quæ illi occurrat in O , patet, inquam, fore $\frac{OP}{OT} = \text{tang. } TAV$. Quapropter ad inveniendam directionem AV corporis A post conflictum, iunctæ PT per A agenda est parallela AV .

Quod celeritatem v attinet, rectæ eam exponentis constructio sic invenietur. Sit $\text{ang. } TAG = \pi$, & $\text{tang. } TAV = \phi$:

$$\text{erit } t = \frac{\phi - \text{tang. } \pi}{1 + \phi \text{ tang. } \pi}, \text{ \& } r(1+t) = \frac{\sec. \pi}{1 + \phi \text{ tang. } \pi} r(1+\phi^2).$$

$$\text{Ergo } v = \frac{2Tr(1-t)}{2S - Pt} = \frac{2T \sec. \pi \cdot r(1+\phi\phi)}{2S(1+\phi \text{ tang. } \pi) - P(\phi - \text{tang. } \pi)}$$

$$\text{Erat autem } T = \Sigma \times AT = \Sigma \frac{AT}{\sec. \pi}. \text{ Ergo } T \sec. \pi =$$

$$\Sigma \times AT. \text{ Sed ex puncto } T \text{ in rectam } AT \text{ ducto perpendiculari, quod rectæ } AV \text{ occurrat in } W, \text{ est } AT \times r(1+\phi\phi) = 2 \Sigma \times AW$$

$$= AW. \text{ Ergo } v = \frac{2 \Sigma \times AW}{2S(1+\phi \text{ tang. } \pi) - P(\phi - \text{tang. } \pi)}$$

Porro est $S = A + \Sigma - Q = \Sigma - l^2 B - m^2 C - n^2 D$. Atqui $l = l' \cos. \pi + L' \sin. \pi$.

$$\text{Ergo } l^2 = l' l' \cos. \pi^2 + L' L' \sin. \pi^2 + \frac{1}{2} \lambda' \sin. 2\pi$$

$$\text{Similiter } m^2 = m' m' \cos. \pi^2 + M' M' \sin. \pi^2 + \frac{1}{2} \mu' \sin. 2\pi, \text{ \& } n^2 = n' n' \cos. \pi^2 + N' N' \sin. \pi^2 + \frac{1}{2} \nu' \sin. 2\pi.$$

$$\text{Sit } A + L' L' B + M' M' C + N' N' D = S': \text{ erit proinde } S = \Sigma + (A - Q') \cos. \pi^2 + (A - S') \sin. \pi^2 - \frac{1}{2} P' \sin. 2\pi, \text{ \& } 2S = 2(A + \Sigma) - 2Q' \cos. \pi^2 - 2S' \sin. \pi^2 - P' \sin. 2\pi = 2(A + \Sigma) \sin. \pi^2 + 2S' \cos. 2\pi - P' \sin. 2\pi, \text{ (propter } A + \Sigma = S' + Q').$$

Præterea, quoniam $\lambda = 2lL$, & $l = l' \cos. \pi + L' \sin. \pi$, ac $L = L' \cos. \pi - l' \sin. \pi$, nec non $\lambda' = 2l' L'$: erit

$$\text{Mm m m} \quad \lambda =$$

$$\lambda = \lambda' \cos. 2\pi + (L' L' - l' l') \sin. 2\pi, \text{ \& similitur}$$

$$\mu = \mu' \cos. 2\pi + (M' M' - m' m') \sin. 2\pi, \text{ ac}$$

$$v = v' \cos. 2\pi + (N' N' - n' n') \sin. 2\pi$$

$$\text{Ergo } P = P' \cos. 2\pi + (S' - Q') \sin. 2\pi = -(A + \Sigma) \sin. 2\pi + 2 S' \sin. 2\pi + P' \cos. 2\pi.$$

$$\text{Itaque } 2S = 2(A + \Sigma) \sin. \pi + 2S' \cos. 2\pi - P' \sin. 2\pi, \\ P. \tan. \pi = -(A + \Sigma) \sin. 2\pi. \tan. \pi + 2S' \sin. 2\pi. \tan. \pi \\ + P \cos. 2\pi \tan. \pi,$$

$$\text{ergo } 2S + P \tan. \pi = 2S' - P' \tan. \pi.$$

$$\text{porro } 2S. \phi. \tan. \pi = 2(A + \Sigma) \phi. \sin. \pi^2. \tan. \pi + 2S' \phi \\ \cos. 2\pi. \tan. \pi - P' \phi \sin. 2\pi. \tan. \pi \\ - P. \phi = (A + \Sigma) \phi. \sin. 2\pi - 2S' \phi \sin. 2\pi - P' \phi \cos. 2\pi$$

$$\text{ergo } 2S. \phi. \tan. \pi - P. \phi = 2(A + \Sigma) \phi. \tan. \pi - 2S'. \phi. \\ \tan. \pi - P'. \phi.$$

$$\text{Unde invenitur valoris ipsius } v \text{ denominator } (= 2S(1 + \phi. \\ \tan. \pi) - P(\phi - \tan. \pi) = 2(A + \Sigma) \phi. \tan. \pi + 2S' \\ (1 - \phi \tan. \pi) - P'(\phi + \tan. \pi) = 2Q'. \phi. \tan. \pi + 2S' \\ - P'(\phi + \tan. \pi) = 2S' - P' \phi, \text{ ob } \frac{P'}{2Q'} = \phi. \text{ Ex}$$

quo tandem fit

$$v = \frac{2 \Sigma. AW}{2S' - P' \phi}.$$

Quæ expressio cum prorsus similis sit valori ipsius v in corollariis secundo & quinto, ubi erat $v = \frac{2A. AW}{2S - Pt}$: valor ipsius

v nunc similitur constructur atque in corollario præcedente.

Nimirum PO ducta ipsi AT ad rectos, erit $P' = \frac{2\Sigma \times PO}{AT}$,

&, ex T puncto excitata in AT normali TW , erit $P' \phi = \frac{2\Sigma \times OP \times TW}{AT^2}$. Tum $Q' = \Sigma \frac{OT}{AT}$, ideoque

$$S' =$$

$$S' = A + \Sigma - \Sigma \frac{OT}{AT} = A + \Sigma \frac{AO}{AT}. \text{ Hinc } 2S' - P'\phi = 2A + 2\frac{\Sigma}{AT} \\ \left(AO - \frac{PO \times TW}{AT} \right). \text{ Iam, si ex } P \text{ ducatur ipsi } PT \\ \text{perpendicularis, occurrens rectæ } AT \text{ in } R \text{ puncto, erit} \\ \frac{PO \times TW}{AT} = OR. \text{ Quare } 2S' - P'\phi = 2A + 2\Sigma \\ \frac{AR}{AT} = \frac{2A \times AT + 2\Sigma \times AR}{AT}, \text{ \& proin } v = \\ \frac{\Sigma \cdot AT \cdot AW}{A \cdot AT + \Sigma \cdot AR} = \frac{AT \cdot AW}{A \cdot AT} + AR.$$

Ergo in recta AT
 capiatur punctum S ita, ut sit SA ad AT, uti A ad summam
 omnium corporum Σ; quo facto, in recta AW capiatur
 punctum V sic, ut sit AV: AW = AT: SA + AR: ex-
 pōnet recta AV velocitatem corporis A post conflictum;
 quod habet Maclaurinus loco prædicto.

PROBLEMA II.

Positis iisdem, quæ in primo problemate, præterquam quod
 nunc singula corpora æquali elasticitate prædita sint: invenire
 celeritates eorum, ac directionem corporis incurrentis A, post con-
 flictum.

ANALYSIS.

Ponamus corpora quidem ipsa esse perfecte dura, sed inter
 corpus A & singula reliqua corpora B, C, D interposita esse
 totidem elastra æqualis virtutis, quæ incipiente conflictu inci-
 piant flecti, & finita flexione restituantur simul in instanti, vel
 saltem tempore quam minimo. Hanc enim hypothesein æqui-
 valere hypothesei problematis, evidens est. Sit autem quantitas
 motus restitutione elastri in utrovis corporum, inter quæ
 compressum est, genita ad quantitatem motus corporis in-
 currentis A, flexione elastri unpenfam in ratione 1 ad π, ut
 ergo in casu perfectæ elasticitatis sit π = 1.

Mm mm 2

I.

I. Quiescant sphaerae B , C , D ante ictum; & seposita elasticitate, habeat sphaera A post conflictum velocitatem v , expositam recta AV , ideoque corpus B celeritatem $= v$. *cof.* VAB (§. 7. probl. I.), & corpus C celeritatem $= v$. *cof.* VAC , & corpus D velocitatem $= v$. *cof.* VAD : erit quantitas motus in corpore B flexione elastri, inter B & A positi, nata $= B. v$. *cof.* VAB ; & cum proinde tanta quoque sit quantitas motus, quam corpus A flexendo elastro illo perdidit, erit quantitas motus, quam idem elastrum sese restituens

corpori A iuxta rectam BA impertitur $= \frac{B. v}{\pi} \text{ cof. } VAB$.

Similiter quantitates motus restitutione secundi ac tertii elastri

corpori A impressae erunt $\frac{C. v}{\pi} \text{ cof. } VAC$, & $\frac{D. v}{\pi} \text{ cof. } VAD$.

Quibus consideratis, patet, rem perinde se habere, ac si corpori A quatuor vires acceleratrices simul essent applicatae

in eentro eius A , nimirum vis v iuxta AV , vis $\frac{B. v}{\pi A} \text{ cof.}$

VAB iuxta BA , vis $\frac{C. v}{\pi A} \text{ cof. } VAC$ iuxta CA , & vis $\frac{D. v}{\pi A}$

cof. VAD iuxta DA . Iam hae vires component aliquam, quae non potest non talis esse, ut celeritatem ac directionem eam conferat corpori A , quae ipsi, habita ratione elasticitatis, post conflictum convenit.

Ut nunc vis composita determinetur, resolvamus tres postremas earum quatuor virium, in totidem paria virium, quarum aliae incident in directionem AV vis primae, aliae huic directioni AV sint perpendiculares. Sic ex vi secunda exsistent

$$\text{vires} \quad \frac{B. v}{\pi A} \text{ cof. } VAB, \text{ \& } \frac{B. v}{2\pi A} \text{ fin. } 2VAB$$

ex vi

$$\text{ex vi tertia, } \frac{C. v}{\pi A} \overline{\text{cof. } VAC}^2, \& \frac{C. v}{2 \pi A} \text{fin. } 2 VAC$$

$$\text{ex vi quarta, } \frac{D. v}{\pi A} \overline{\text{cof. } VAD}^2, \& \frac{D. v}{2 \pi A} \text{fin. } 2 VAD.$$

Iam quia *ang. VAB* = *B A α + α A V*, erit, iterum adhibita nomenclatura in problematis præcedentis §. 6. 7. exposita, & posita *t* = *tang. V A α*,

$$\text{cof. } VAB = (L - lt) \text{cof. } VA \alpha$$

$$\overline{\text{cof. } VAB}^2 = (L^2 - l^2 t^2 - \lambda t) \overline{\text{cof. } VA \alpha}^2$$

$$\text{fin. } VAB = (Lt + l) \text{cof. } VA \alpha$$

$$\text{fin. } 2 VAB = 2 (L^2 - l^2 \times t + \frac{1}{2} \lambda \times t - lt) \text{cof. } VA \alpha.$$

Similiter invenitur

$$\overline{\text{cof. } VAC}^2 = (M^2 + m^2 t^2 - \mu t) \overline{\text{cof. } VA \alpha}^2$$

$$\text{fin. } 2 VAC = 2 (M^2 - m^2 \times t + \frac{1}{2} \mu \times t - lt) \text{cof. } VA \alpha$$

$$\overline{\text{cof. } VAD}^2 = (N^2 + n^2 t^2 - \nu t) \overline{\text{cof. } VA \alpha}^2$$

$$\text{fin. } 2 VAD = 2 (N^2 - n^2 \times t + \frac{1}{2} \nu \times t - ft) \text{cof. } VA \alpha$$

Sunt itaque vires in rectam *AV* incidentes simul sumtæ

$$\begin{aligned} &= \frac{\overline{v. \text{cof. } VA \alpha}^2}{\pi A} \times \left\{ \begin{array}{l} \frac{\pi A}{\overline{\text{cof. } VA \alpha}^2} - L^2 B - l^2 B t^2 + \lambda B t \\ - M^2 C - m^2 C t^2 + \mu C t \\ - N^2 D - n^2 D t^2 + \nu D t \end{array} \right\} \\ &= \frac{\overline{v. \text{cof. } VA \alpha}^2}{\pi A} \times \left(\frac{\pi A}{\overline{\text{cof. } VA \alpha}^2} - (S - A) - (Q - A) t^2 + P t \right) \\ &= \frac{v}{\pi A (1 + tt)} \times [(\pi + 1) A (1 + tt) - S - Q t^2 + P t] \end{aligned}$$

$$= \frac{v}{\pi A(t+tt)} \times [(\pi+1) A(t+tt) - S + \frac{1}{2}Pt], \text{ obt } = \frac{P}{2Q} \\ (\text{cor. 2. prob. I.})$$

$$= \frac{v}{\pi A(t+tt)} \times [(\pi+1) A(t+tt) - \frac{A\alpha}{v} r(t+tt)], \text{ vi eius-} \\ \text{dem coroll. 2.}$$

$$= \frac{\pi+1}{\pi} v - \frac{\alpha}{\pi} \cos. VA\alpha.$$

Quamobrem ducto ex puncto α in rectam AV perpendi-
culo αT , vis totalis iuxta AV agens erit $= \frac{(\pi+1)AV - AT}{\pi}$.

Deinde vis composita e tribus in rectam AV normalibus
erit

$$= \frac{v \cos. VA\alpha}{\pi A} \times \left\{ \begin{aligned} &+L^2 Bt - L^2 Bt + \frac{1}{2} \lambda B - \frac{1}{2} \lambda B t^2 \\ &+M^2 Ct - m^2 Ct + \frac{1}{2} \mu C - \frac{1}{2} \mu C t^2 \\ &+N^2 Dt - n^2 Dt + \frac{1}{2} \nu D - \frac{1}{2} \nu D t^2 \end{aligned} \right\} \\ = \frac{v \cos. VA\alpha}{\pi A} [(S-A)t - (Q-A)t + \frac{1}{2}P - \frac{1}{2}Pt^2] \\ = \frac{v \cos. VA\alpha}{\pi A} (S - \frac{1}{2}Pt)t = \frac{\alpha t}{\pi} \cos. VA\alpha = \frac{\alpha}{\pi} \sin. VA\alpha;$$

proinde hæc vis exponetur per partem rectæ αT , quæ sit ad
totam uti 1 ad π .

Quare si capiatur in recta AV pars $AZ = \frac{\pi+1}{\pi} AV -$

$\frac{1}{\pi} AT$, & ex puncto Z rectæ AV ad rectas ducatur recta, in

qua capiatur $ZX = \frac{1}{\pi} T\alpha$: iuncta AX exponet celeritatem
& directionem corporis A post conflictum.

Dica-

Dicatur nunc angulus $XA\alpha = x$, & celeritas quæsitæ, seu
 recta $AX = z$: erit $\sin. XAZ = (\sin. x - t. \cos. x) \cos. VA\alpha$.

$$\text{Hinc } \frac{XZ}{\sin. XAZ} = z = \frac{t\alpha}{\pi(\sin. x - t. \cos. x)} \cdot \frac{AZ}{\cos. XAZ}$$

$$= z = \frac{(\pi+1)v - \alpha. \cos. VA\alpha}{\pi(\cos. x + t. \sin. x) \cos. VA\alpha} \quad \text{Ex quibus duabus ex-}$$

$$\text{questionibus elicitur } \tan. x = \frac{(\pi+1)v. t. \cos. VA\alpha}{(\pi+1)v. \cos. VA\alpha - \alpha}$$

$$\text{Est autem (per coroll. 2 probl. præc.) } v \cos. VA\alpha = \frac{2A\alpha}{2S - Pt}$$

$$\text{Ergo } \tan. x = \frac{2(\pi+1) At}{2(\pi+1) A - 2S + Pt}; \text{ \& quia (cor. 2. probl. I.)}$$

$$t = \frac{P}{2Q}, \text{ fit tandem}$$

$$\tan. x = \frac{2(\pi+1) PA}{P^2 - 4Q(S - \pi + 1. A)}$$

$$\text{Quapropter } z = \frac{t\alpha}{\pi(\sin. x - t. \cos. x)} = \frac{t. r(\pi + \tan. x)}{\pi(\tan. x - t)} \alpha =$$

$$\frac{\alpha P r(\pi + \tan. x)}{\pi(2Q \tan. x - P)} \quad \text{Ubi substituendo valorem } \tan. x \text{ modo}$$

inventum, habetur tandem corporis A post conflictum celeritas

$$z = \frac{\alpha}{\pi} r \frac{4(\pi+1)^2 P^2 A^2}{(4QS - PP)^2} + \left(\frac{4(\pi+1) QA}{4QS - PP} - 1 \right).$$

Quod vero attinet ad reliquorum corporum B, C, D cele-
 ritates post conflictum, patet, quoniam corpori B restituti-
 one elastri, inter illud & A compressi, eadem communicari de-
 bet quantitas motus, atque ipsi A , fore eius velocitatem resti-
 tutioni

tutioni elastri debitam $= \frac{1}{\pi} v. \cos. VAB$, per ea quæ initio

analyticos huius dicta sunt. Sed a solo ictu, seposita elasticitate, corpus B iam habebat iuxta AB celeritatem $= v. \cos. VAB$. Ergo finito conflictu B habeat necesse est iuxta AB

$$\text{velocitatem} = \frac{\pi+1}{\pi} v. \cos. VAB = \frac{\pi+1}{\pi} (L-lt) v. \cos. VAB$$

(per antea ostensa). Quare pro t & $v \cos. VAB$ substituendo harum quantitatum valores ex coroll. 2. probl. præced. invenietur post conflictum

$$\text{celer. corporis } B = 2 \frac{\pi+1}{\pi} \times \frac{(2LQ-1P)A}{4QS-PP} \alpha. \quad \text{Simi-}$$

liter prodit

$$\text{celer. corporis } C = 2 \frac{\pi+1}{\pi} \times \frac{(2MQ-mP)A}{4QS-PP} \alpha,$$

$$\text{celer. corp. } D = 2 \frac{\pi+1}{\pi} \times \frac{(2NQ-nP)A}{4QS-PP} \alpha,$$

& sic porro, si plura fuerint corpora.

II. Fingamus nunc, ante conflictum corpora B, C, D iam habuisse celeritates β, γ, δ respective. Ergo quantitates motus tensione elastrorum in his corporibus genitæ erunt B ($v. \cos. VAB - \beta$), C ($v. \cos. VAC - \gamma$), D ($v. \cos. VAD - \delta$). Hinc vires motrices in A agentes iuxta $BA,$

CA, DA , dum elastra sese restitunt, erunt $\frac{1}{\pi} B$ ($v. \cos.$

$VAB - \beta$), $\frac{1}{\pi} C$ ($v. \cos. VAC - \gamma$), $\frac{1}{\pi} D$ ($v. \cos.$

$VAD - \delta$). Proinde vires acceleratrices, quibus simul urgebitur centrum sphaeræ A , erunt $v, \frac{B v \cos. VAB - \beta}{\pi A},$

$$\frac{Cv \cos. VAC - C\gamma}{\pi A}, \& \frac{Dv \cos. VAD - D\delta}{\pi A}. \text{ Resolva.}$$

tur unaquaque trium postremarum virium in duas, quarum una directa sit iuxta VA ultra A productam, altera vero illi normalis sit: & erunt omnes vires iuxta AV agentes simul

$$= v \frac{Bv \cos. VAB}{\pi A} - \frac{Cv \cos. VAC}{\pi A} - \frac{Dv \cos. VAD}{\pi A} + \frac{B\beta \cos. VAB + C\gamma \cos. VAC + D\delta \cos. VAD}{\pi A}. \text{ Hic pro}$$

cosinibus angulorum VAB , VAC , VAD substituendo eorum valores paullo antea expositos, fiet summa harum virium, seu vis totalis iuxta AV agens $= \frac{\cos. VA\alpha}{\pi A} \times \left[\frac{\pi Av}{\cos. VA\alpha} - v(S-A) \cos. VA\alpha - v(Q-A)t^2 \cos. VA\alpha + vPt \cos. VA\alpha + T - A\alpha - Rt \right]$.

Et quia vires, rectæ AV normales, sunt

$$\frac{Bv \sin. 2VAB - 2B\beta \sin. VAB}{2\pi A},$$

$$\frac{Cv \sin. 2VAC - 2C\gamma \sin. VAC}{2\pi A},$$

$$\frac{Dv \sin. 2VAD - 2D\delta \sin. VAD}{2\pi A}; \text{ erit earum summa}$$

$$= \frac{\cos. VA\alpha}{\pi A} \times \left[v(S-Q)t \cos. VA\alpha + \frac{1}{2}vPt(1-t^2) \cos. VA\alpha - (T-A\alpha)t - R \right].$$

Iam ex solutione primi problematis constat, esse $v(S - \frac{1}{2}Pt) \cos. VA\alpha = T$, & $v(\frac{1}{2}P - Qt) \cos. VA\alpha = R$. Quare erit summa virium iuxta $AV = \frac{\pi + 1}{\pi} v - \frac{1}{\pi} \alpha \cos. VA\alpha$;

Nn nn

summa

summa autem virium rectæ AV perpendicularium $= \frac{1}{\pi} \alpha \sin.$

$V\alpha$. Itaque recta exponens vim, ex his duabus summis virium compositam, seu celeritatem ac directionem corporis A post conflictum, per constructionem determinari potest eodem modo, atque in prima parte huius problematis.

Sit (Fig. 7.) hæc recta AX , quam appellabimus z , & sit $AG = \alpha$, tang. $VAG = t$, & ang. $XAG = x$: erit ergo

$$ZX = \frac{1}{\pi} \alpha \sin. VAG, \text{ \& } AZ = \frac{\pi+1}{\pi} v - \frac{1}{\pi} \alpha \cos. VAG;$$

& iisdem ratiociniis, atque in parte prima huius analyseos,

$$\text{invenietur tang. } x = \frac{(\pi+1) v, t, \cos. VAG}{(\pi+1) v \cos. VAG - \alpha}. \text{ Est au-}$$

$$\text{tem (per probl. I.) } v, \cos. VAG = \frac{2T}{2S - Pt}. \text{ Ergo erit}$$

$$\text{tang. } x = \frac{2(\pi+1) T t}{2(\pi+1) T - (2S - Pt) \alpha}. \text{ Et quoniam (vi}$$

$$\text{probl. I.) est } t = \frac{PT - 2RS}{2QT - PR}, \text{ ideoque } 2S - Pt =$$

$$\frac{4QS - PP}{2QT - PR} T: \text{ erit tang. } x = \frac{2(\pi+1)(PT - 2RS)}{2(\pi+1)(2QT - PR) - (4QS - PP) \alpha};$$

unde habetur directio corporis A post conflictum.

$$\text{Porro } z = \frac{t \alpha}{\pi (\sin. x - t \cos. x)} = \frac{r (1 + \overline{\text{tang. } x})}{\pi \left(\frac{\text{tang. } x}{t} - 1 \right)} \alpha.$$

Quare cum sit

$$\frac{\text{tang. } x}{t} - 1 = \frac{(4QS - PP) \alpha}{2(\pi+1)(2QT - PR) - (4QS - PP) \alpha}: \text{ prodit}$$

$z =$

$$z = \frac{1}{\pi} \gamma \left(\frac{(\pi+1)^2 (PT-2RS)^2}{(4QS-PP)^2} + \left[\frac{2(\pi+1)(2QT-PR)}{4QS-PP} - \alpha \right]^2 \right).$$

Expressa itaque celeritate z corporis A post confictum, restat, ut & reliquorum corporum B , C , D celeritates post confictum determinentur, quod similiter, atque in parte prima analyseos huius factum est, peragemus. Videlicet corpori B restitutione elastri impertita quantitas motus debet esse æqualis illi, quam A per hanc elastri actionem acquirit, & quam invenimus $= \frac{B}{\pi} (v. \text{ cof. } VAB - \beta)$. Ergo veloci-

tas corporis B elastri restitutione genita erit $= \frac{1}{\pi} (v. \text{ cof. } VAB - \beta)$.

Antea autem, eiusdem elastri flexione, corpus B iam nactum erat celeritatem $= v \text{ cof. } VAB$ (vi probl. I.). Hinc corporis B post confictum celeritas iuxta rectam AB

$$\text{erit} = \frac{\pi+1}{\pi} v \text{ cof. } VAB - \frac{1}{\pi} \beta = \frac{\pi+1}{\pi} v (L - lt) \text{ cof.}$$

$VAG - \frac{1}{\pi} \beta$. Ubi in locum ipsarum t & $v \text{ cof. } VAG$ substi-

tutis ex probl. I. earum valoribus $\frac{PT-2RS}{2QT-PR}$, & $\frac{4QT-2PR}{4QS-PP}$,

pervenitur ad celeritatem corporis B post confictum

$$= z \frac{\pi+1}{\pi} \times \frac{(2LQ-lP)T + (2LS-lP)R}{4QS-PP} - \frac{1}{\pi} \beta.$$

Pari ratione inveniuntur celeritates reliquorum corporum post confictum, nimirum

$$\text{cel. corporis } C = z \frac{\pi+1}{\pi} \times \frac{(2MQ-mP)T + (2mS-mP)R}{4QS-PP} - \frac{1}{\pi} \gamma;$$

$$\text{cel. corporis } D = z \frac{\pi+1}{\pi} \times \frac{(2NQ-nP)T + (2nS-nP)R}{4QS-PP} - \frac{1}{\pi} \delta;$$

& sic porro, si plura fuerint corpora a sphaera A percussa.
Q. E. I.

COROLL. I.

Fig. 3. Si in duas sphaeras æquales B, C, quiescentes, incurrat sphaera A sic, ut rectæ, iuxta quas fit ictus, cum directione corporis A angulos faciant æquales ad utrasque eius partes; singula autem corpora sint perfecte elastica: erit $\pi = 1$, $m = -l$, $M = L$, $\mu = -\lambda$, $n = 0 = N = v$; unde $R = P = 0$, $T = A \cdot \alpha$, $S = A + 2LLB$. Hinc substituendo hos valores in formulis partis I. analyticos huius problematis, invenitur tang. $x = 0$ (quod indicat, corpus A post conflictum eadem, qua ante conflictum, via pergere), & celeritas corporis A post

$$\text{conflictum} = \alpha \times \left(\frac{2A}{A+2LLB} - 1 \right) = \alpha \frac{A-2LLB}{A+2LLB}.$$
 Sphae-

rarum autem B, C, utraque adipiscitur celeritatem $=$
 $\frac{2LA}{A+2LLB} \alpha$. Quæ omnia conveniunt cum ostensis a magno

Geometra 10. Bernoullio (vid. *Discours sur le Mouvement Ch.* XI. §. 4.).

COROLL. 2.

Fig. 4. Si sphaera A incurrat simul in duo paria corporum, quorum singula bina, ad diversas partes lineæ directionis corporis A quiescentia, inter se æqualia sint (nempe $B = D$, $C = E$), & cetera sint, uti in corollario præcedenti: erit $\pi = 1$, $n = -l$, $N = L$, $v = -\lambda$; hinc $P = 0$, $R = 0$, $S = A + 2L^2B + 2M^2C$, $T = A \cdot \alpha$. Ex quibus porro fit tang. $x = 0$; (quod argumento est, directionem corporis A in collisu haud mutari), & celeritas huius corporis post confi-

$$\text{ctum} z = \alpha \times \left(\frac{2A}{S} - 1 \right) = \alpha \frac{A-2L^2B-2M^2C}{A+2L^2B+2M^2C}, \text{ tum}$$

$$\text{celeritas corporis B vel D} = \frac{2LA}{S} \alpha = \frac{2LA}{A+2LLB+2MMC} \alpha,$$

$$\text{\& celeritas corporis C vel E} = \frac{2MA}{S} \alpha = \frac{2MA}{A+2L^2B+2M^2C} \alpha.$$

Quæ

Quæ singula sic quoque determinata sunt a *Io. Bernoullio*,
Cap. XII. §. 5. dicti Libri.

COROLL. 3.

Ceteris manentibus, incurrat nunc sphaera *A*, in infinite mul- Fig. 8.

tas, & infinite parvas sphaeras, æquales inter se, ita, ut in collisione hæ simul omnes tangant illam in dimidia peripheria circuli maximi eiusdem sphaera *A*, earumque æque multæ sint ad dexteræ lineæ directionis, iuxta quam incurrit *A*, atque ad sinistras. Dicatur unaquælibet harum sphaerularum = *e*, & massa omnibus simul sumtis æqualis = *a* = *re*. Ergo hoc in casu iterum, (ut in præcedentibus corollariis), erit directio sphaera *A* post conflictum eadem, atque ante collisionem, & $z = \frac{2A}{S} - 1$.

Est autem in nova hac hypothese $S = A + 2e(L^2 + M^2 + N^2 + \&c.$ existente numero terminorum, in quos ducendum est $2e$, dimidio numeri *r* omnium sphaerularum.

$$A - 2L^2e - 2M^2e - 2N^2e - \&c.$$

Ergo $z = \frac{A + 2L^2e + 2M^2e + 2N^2e + \&c.}{A + 2L^2e + 2M^2e + 2N^2e + \&c.}$ Iam con-

stat, esse duplum quadratum cosinus anguli simpli ad quadratum sinus totius, in eadem ratione, in qua est sinus totus una cum cosinu anguli dupli ad sinum totum. Ergo posito sinu toto = 1, ut hæcenus semper factum est, erit $2e(L^2 + M^2 + N^2 + \&c.) = \frac{1}{2}re + \text{summa cosinuum omnium angulorum duplorum ducta in } e$. Atqui cum angulus *BAG*, qui inter rectam *AG*, & rectam per *A* & centrum sphaerulae *B* a recta *AG* maxime distantis ductam comprehenditur, rectus sit (per hypoth.): summa cosinuum omnium angulorum duplorum erit summa cosinuum omnium angulorum, qui inde ab angulo infinite parvo usque ad angulum duobus rectis æqualem intelligi possunt; quæ summa nihilo æquetur necesse est, cum cosinus singulorum binorum angulorum, quorum alter tantum superat rectum, quantum alter a recto deficit, se mutuo destruant simul sumti, (quippe altero alterius negativo existente). Quamobrem erit $2e(L^2 + M^2 + N^2 + \&c.) =$

N n n n 3

$\frac{1}{2}re$

$$\frac{1}{2}re = \frac{1}{2}a, \text{ \& proin sphaera } A \text{ post conflictum celeritas } z = \frac{A - \frac{1}{2}a}{2A - a}$$

$$\alpha \frac{A + \frac{1}{2}a}{2A + a} = \alpha \frac{A - \frac{1}{2}a}{2A - a}.$$

Denique, si cosinus anguli, quem recta per punctum A & centrum alicuius sphaerulae ducta cum recta AG efficit, dicatur k : erit, (per partem primam analyseos huius, & per modo ostensa,) celeritas huius sphaerulae post conflictum $= \frac{2KA}{S} \alpha = \frac{2KA}{A + \frac{1}{2}a} \alpha = \frac{4KA}{2A + a} \alpha$. Quae omnia cum eis determinationibus conspirant, quas *Io. Bernoullius* sine analysi exhibuit §. 10. Cap. XII. Dissertationis de motu.

COROLL. 4.

Sin autem sphaerulae, ut ante dispositae, contingant circuli maximi in sphaera A arcum Hbh , dimidia circumferentia minorem, earumque numerus iterum sit $= r$; summa vero cosinum pertinentium ad duplos angulos, inter rectam Ab vel AG & rectas per A ac singularum sphaerularum, arcum Hb contingentium, centra ductas interceptos, ponatur $= \sigma$: erit quidem iterum $S = A + e(2L^2 + 2M^2 + 2N^2 + \&c.) A + \frac{1}{2}re + \sigma e = A + \frac{1}{2}a + \sigma e$; sed valor quantitatis σe nunc aliter est investigandus. Quem in finem cogitemus angulum $DE\delta$, ipsi HAb aequalem, divisum in partes aequales infinite parvas, quarum numerus sit $= \frac{1}{2}r$, per rectas ex eius vertice E eductas. Sit quaelibet harum rectarum EF , & angulus $FED = \epsilon$:

erit, quod aliunde notum est, $\cos \epsilon = \frac{d \sin \epsilon}{de}$. Quare cosinus

nummorum omnium angulorum ϵ , qui crus ED commune habent, & in toto angulo $DE\delta$ cogitari possunt, summa erit $=$

$$\int \frac{d \sin \epsilon}{de} = \frac{\sin DE\delta}{de}; \text{ cum } de \text{ sit quantitas constans, qua}$$

duo quivis anguli ϵ sibi invicem proximi differunt (per hyp.). Iam summa cosinum angulorum omnium ϵ , qui in toto $DE\delta$, ut dictum est, intelligi possunt, est $= \sigma$. Ergo $\sigma e =$

$=$

$$= \frac{e}{ds} \sin. DE\delta = \frac{\frac{1}{2}re}{\frac{1}{2}r. de} \sin. FAh. \text{ Et cum sit } \frac{1}{2}r. de = \text{ang.}$$

$$DE\delta = \text{ang. } HAh: \text{ erit proinde } \alpha e = \frac{\frac{1}{2}a \times \sin. HAh}{\text{ang. } HAh} =$$

$$\frac{AH}{\text{arc. } Hbh} \frac{1}{2}a. \sin. HAh. \text{ Prodit itaque } S = A + \frac{1}{2}a + \frac{AH}{\text{arc. } Hbh} \times$$

$$\frac{1}{2}a. \sin. HAh = \frac{(A + \frac{1}{2}a) \text{arc. } Hbh + \frac{1}{2}a \times AH \times \sin. HAh}{\text{arc. } Hbh}. \text{ Un-}$$

$$de z = \alpha \left(\frac{2A}{S} - 1 \right) = \alpha \frac{(2A - a) \times \text{arc. } Hbh - a \times AH \times \sin. HAh}{(2A + a) \times \text{arc. } Hbh + a \times AH \times \sin. HAh} =$$

celeritati sphaerae A post conflictum.

Celeritas autem, quam sphaera percutiens A impertitur cuique sphaerulae, ex cuius centro ad punctum A ducta recta efficit cum AG angulum, cuius cosinus = k, erit =

$$2k. A \frac{1}{S} = \alpha \frac{4K \times \text{arc. } Hbh. \times A}{(2A + a) \text{arc. } Hbh + a \times AH \times \sin. HAh}$$

PAULI ERNESTI IABLONSKI, DE MEMNONE
Graecorum & Aegyptiorum, huiusque celeberrima in Thebaide Statua, Syntagmata III. cum figuris aeneis, Memnonis faciem tergumque oculis subiicientibus.

Francof. ad Viadrum, impensis Io. Christiani Kleyb, 1753. 4. plagg. 18.

Gentis, ut antiquissimae, ita sapientissimae quondam, ritus disciplinamque, quanto illustraverit adhuc studio, Aegyptumque velut sepultam, in lucem conscientiamque hominum revocaverit *Celeb. Iablonski*, nemo est rerum omnium tam ignarus, qui nesciat. Extructo igitur *Pantheo Aegyptiaco*, cuius formam in his ipsis Actis nostris exhibuimus, nihil erat vel ingenio eius, vel eruditione incomparabili dignius, *Thebaea Memnonis Statua*. Quam enim quum Cambyfes,

byes, barbarorum iste rex vere barbarus, ante hos circiter bis mille & trecentos annos mutilari iusserit; eademque iam ante tyranni memoriam in laude fuerit ac prædicatione hominum: quis est, qui non intelligat, nihil artis humanæ ea vetustius, vel Aegyptum habere, vel ipsum terrarum orbem? Quæ etiam causa impulisse doctos homines videtur, ut, agmine quasi factò, in ea illustranda operam studiumque collocarent; in quibus tamen præcipua laude feruntur *Blasius Vignierius*, *Artus Thomas Embryacus*, gallici operum Philostrati interpretes, *Gaspas Bachetus Meziriacus*, in observationibus ad Ovidii *Heroides*, *Jo. Marshamus* in canone chronico, atque *Urbanus Godof. Siberus* in dissert. de statua Memnonis, *Snebergæ* 1699. edita. Magno tamen cum litterarum damno coniunctum erat, si illorum diligentia vir doctissimus se passus fuisset ab instituto suo deterreri, nunc præsertim, quum *Pocockii*, V. C. *descriptione Aegypti*, Memnonem instauratum ac velut ab inferis excitatum videret; ac plerosque fere omnes, antiquos recentioresque, utrumque Memnonem, Græcum Aegyptiumque, confundere animadverteret. Ac *Pocockii* quidem copiam quum habere in Germania primo non posset, *III. Menckenius noster*, qua flagrabat honestas litteras iuvandi cupiditate, suis sumtibus cum ex Anglia curavit advehendum; unde committendum non putavit *Iablonski* doctissimus, ut in alio, quam eiusdem, nomine opus appareret publice; maxime quum is auctor eius conficiendi suasorque multis annis ante iam extitisset. Interim fecit quorundam omnibus detrahendi libido, ut de Miscellaneis *Lacrozianis* etiam in præf. differeret V. C., eorundemque argumentum enarraret, designationemque. Quæ enim quum munere *Iordani*, Viri quondam illustis, tradita per Cel. *Uhlium* accepisset, rumulosculos passim feri cognovit, ac si *Lacrozianis* fontibus sua irrigasset arva. A qua suspitione quum hominem doctissimum facile liberaret & pudor suus, & eruditio, & sententiarum diversitas, & ipsa illorum *Miscellaneorum* ratio conformatioque, quæ præter excerpta, ex scriptoribus non ignotis, observationesque quasdam, & breves illas, & raras, nihil complectuntur: tamen,

ne

ne parum bonus nominis sui patronus esse videretur, eidem, unde acceperat, Cel. *Uhlio, Lacroziana* reddidit, ut, si ferret occasio, eadem foras daret, & in manus hominum, quod eum se facturum, liberaliter etiam, sibi recepisse ait. Sed veniendum nunc est ad ipsum Memnonem, de quo ita agit noster, ut *Syntagmate I. de Memnone Graecorum*, eiusque c. I. genere, c. II. patria & forma, c. III. ætate, rebus gestis, ac morte, c. IV. sepultura, honoribusque post mortem impetratis, exponat. *Syntagm. II. de Memnone Aegyptio*, sive *Amenophi*, eiusque c. I. nomine, c. II. loco ubi regnaverit, & ætate, c. III. vita rebusque gestis, agat. *Syntagmate III. de Statua Memnonis Aegyptii*, eiusque c. I. magna apud veteres existimatione, c. II. loco, ubi spectanda fuerit, c. III. materia, forma, & magnitudine, c. IV. voce mirabili, c. V. nomine *Osymandix*, c. VI. *Osymandix* divinitate, commentetur. Hac quasi forma totius operis, sed tanquam rudi penicillo, adumbrata, nunc, quam docte hoc argumentum tractaverit, utcunque possumus, videbimus. Ac Memnonis quidem Græci matrem *auroram* fuisse, poetæ Græci ac Latini, quotquot ad Homeri auctoritatem se contulere, omnes tradunt, ad indicandam eius vel pulcritudinem dignitatemque, vel expeditionem Tithoni, patris, orientem versus susceptam, vel ideo, quod ex sacra Aegyptiorum sacerdotum lingua, Memnonem, seu *Amenophin* verius, Homerus auroræ, aut *diei*, nam & huius perhibetur filius, dicendum putavit, propterea, quia Memnonis, seu statuae potius illius, vox, diei ortum cum gaudio excipere, audiri tum maxime, ferebatur. *Pater* fuisse *Tithonus* traditur; sed ab iis, qui Homero fuerunt posteriores, (*Pind. Schol. ad Olymp. II. p. 26.*) & ut videtur, primum ad *Hesiodo* (*Theog. v. 984.*); quamquam & sint, qui *Iove* natum eum esse dicant, (*Aristoph. Schol. in Nub. p. 163. edit. Genev.*) ac matrem *Cissian*, vel a patria ita dictam, vel nomine sibi proprio, perhibeant. (*Æschylus ap. Strab. XV. p. 500. ed. Casaub.*) De patria eius non una omnium est sententia. Plurimi natales *Aethiopiae* assignant, (*Pind. Ol. II. p. 26.*) per quam tamen, primi certe huius famæ auctores, *Thebai-*

dem, vel superiorem Aegypti regionem, intellexisse videntur, quam Aethiopiae nomine celebrari passim apud veteres, auctoritatibus satis gravibus evincitur. Nec tamen inter antiquos defunt, qui *Assyrium* eum fuisse, ac *Susis* habuisse regiam, vel *Ecbatanis*, dicant. Unde illum ab utraque gente, multa cerimoniam cultum olim fuisse, constat. Qui vero aethiopem fuisse credebant, *nigrum* eum vel *nocticolorem* (*Gell. N. A. XIX. c. 7.*) esse dicebant, sed forma tamen honesta. *Actas* eius, etsi a Marshamo tenebris quibusdam obducta fuerit, tamen haud dubie in belli Troiani tempora incidit: cuius rei non Pindarus quidem, ut voluit ille, sed *Homerum* ipsum fundum habemus subscriptoremque (*Odys. Δ. v. 187. Λ. v. 521*). Priami enim precibus adductum, armisque divina manu fabricatis armictum, cum fortissimo maximoque Aethiopum Assyriorumque exercitu, eum afflictæ Troiæ auxilio venisse, multa est apud veteres memoria. *Res*, hic præclare ab eo *gestas*, in vulgus quippe notas, præterimus, ut & necem, ipsi ab Achille, Antilochum ulciscente, illatam, & a Pindaro primum memoriae proditam. *Sepulcrum* prope urbem Troiam eum habuisse, plerique tradunt; quod tamen Simonides, (apud *Strab. XV. p. 500.*) fuisse circa Paltum Syriæ, iuxta fluvium Badam, (*Isaac. Vossius* ad *Melam I. c. 13. Βαλδov* legit;) alii in Assyria vel Aethiopia extitisse contendunt; alii usquam terrarum reperiri negant, quia Memnon in nigrum transformatus sit in Aethiopia lapidem. Interim ipse *miraculis post fata clarus*, (*Smyrnaeus* paralipom. *L. II. v. 548. Ovid. Metam. XIII. 598. Athen. XV. p. 680. Plin. XIII. c. 9. Theophr. hist. plant. IV. c. 3.*) divinis honoribus affectus est. De avibus Memnoniis, heroi quotannis ad bustum eius parentantibus, non est quod plura dicamus: (vid. *Ovid. metam. XIII. v. 598. seqq. Aelian. de Animal. V. c. 1*) Sed satis sit, hæc de Græco Memnone, ex plurimis, erudite disputatis, velut delibasse.

Sequitur *Aegyptius*, seu *Amenophis*. Etsi enim historia Aegyptia Memnonem regem ignorat: Græcitamen colosseam statuam, in Thebaide, prope Diospolin, Memnonis dixere; cuius

cuius primum fecit mentionem *Herodot. L. II. c. 106.* Inde Memnonis nomen ad Græcos reliquos, Romanosque, manasse iudicat, qui ipsam statuam pluribus epigrammatis, in Memnonem compositis, repleverunt. Meliores vero doctioresque Græcorum, de nomine dubitarunt: Aegyptii *Amenophin* dixere, quem, cum generis masculini nota, interdum Græci *Phamenophin* appellarunt. Memnonis autem nomine hi eum celebrasse videntur, non quasi *Menis* esset, aut *Menoph*, inde *Memnon*, ut *Marshamus* contendit; nec quasi *Amenophis* & *Amenemes* nomina confudissent in unum linguae suae nomen *Memnon*, ut *Perizonius* ait; sed, ut eleganter suspicatur doctiss. *Iablonski*, quod Græci, auctoritate *Homeri*, eum *Memnonem* dixerunt. Hic enim, de *Memnone orientali scripturus*, sine dubio recordatus videtur *Colossi Thebaei*, (quia vel ipse Thebaide natus, vel in Aegypto certe peregrinatus esse videtur;) qui vulgo nomine, ad illud *Memnonis* accedente, insigniri solebat, (nempe nomine *Menoni* vel *Eimenoni*, quod lapideum sc. colossus indicat,) eaque de causa *Troianum*, locutione ambigua & fallace, dixisse aurorae filium, eoque commentis poetarum, de *Memnone Aethiope*, *Tithoni* & *Aurorae filio*, occasionem subministrasse. Ingeniose disputata hæc esse nemo negaverit, etsi non desint, quæ dici contra possint; sed id quidem nunc non agimus. Potius, quæ potestas sit nominis *Amenophis*, videndum est. Atque hic ex *Coptica lingua* docet *V. C.*, illud *Amun—no—phi*, h. e. custodem urbis Thebarum, indicare. Vocabatur alias nunc *lapideus*, ut supra dictum est, nunc *Osymandes*, nunc *Sesostris*, i. e. *Sois-ostre*, dominus adorans solem, ut *Lacrozius* interpretatus est. Fuit autem *Amenophis* Aegyptius, isque Thebæus, constanti Aegyptiorum asseveratione; nec *Memnonia*, Græcis Latinisque celebrata, fuisse aliud quicquam perhibentur, nisi ædificia structuræ & antiquæ, & splendide, in honorem *Amenophis* condita, eiusque memorie consecrata. Ætate eius nihil incertius esse pronuntiatur, quippe quam *Usserius* in *Mosis tempora* incidere putet; plerique ad *feriora longe* demittant. In exponenda eius *vita*, *rebusque gestis*, longi esse nolumus; aut virum doctissimum, enarrantem hæc, sequi: pleraque enim in eo genere a veteribus

ribus tradita, vel incerta sunt, vel falsa, ut idem eleganter demonstrat. Restât, ut de *Statua* celeberrima *Memnonis Aegyptii*, seu *Amenophis*, differenter cum audiamus, cuius incredibilis fuisse quondam celebritas videtur, etiam post mutilationem, vel a Cambyse, vel terræ quodam motu factam, ita ut pyramidibus, illis mundi miraculis, fere compararetur, eandemque peregrinantes in Aegypto visere apprime gestirent. Sitâ vero fuit prope Thebas, seu Diospolin, in Aegypto superiori, trans Nilum, ubi sunt Syringes ita dictæ, (*Ammian. Marcell. L. XXII. p. 250.*) de quibus multa hic erudite observantur, & quidem in porticu magnifica, quæ vestibuli instar ad templum ducebat, eodem in loco, ubi hodieque, magna spectantium admiratione, visitur. In ipsa statua, & materia & ars fuerunt admirabiles, facta quippe ex genere lapidis graniti, porosi, ingentis duritiei, ac proxime ad speciem ætitiæ accedentis, auctore Pocokio, iudice eius rei apprime idoneo; sed Cambysis immanitate fracta, dimidia sui parte humi hodie iacet, quod tamen Strabo, motu terræ accidisse, auctor est. Interim deiectam cum veterum recentiorumque plurimi oculis subiecerunt, descripseruntque, in quibus maxime illustris fuit diligentia Pocokii, ac facile est refellere, quæ Claud. Sicardus reprehendere in eius sententia conatus est. Maxime ad memoriam insignis erat vox, quam quotidie, solē exoriente, emittere credebatur. Quæ res, ut multis anilibusque Græcorum fabulis involuta sit, propterea, tamen negari non debet, quia magnorum hominum inscriptionumque auctoritatibus nititur, quarum præcipuas Auctor doctiss. ex Pocokio descriptas exhibet; unde etiam discitur, non quotidie quidem mirabilem illam vocem esse auditam, interdum tamen eodem die sæpius. Eas repetere, hic quidem, necesse non est, quum de iis partim ex Pocokiano Nordenianoque operibus, partim ex iis, qui hæc orbi litterario vel annuntiarunt, vel commendarunt, satis iam constât. Hoc autem fileri non debet, Celeb. Jablonskium, conferendo Nordenium cum Pocokio, plura haud infeliciter emendasse; interdum etiam animadversiones viri quondam eleganter docti, Dorvilli, suffragio suo

fuo comprobasse. Utcunque res fuit, inscriptiones pleraque Imperatoribus Romanis non sunt antiquiores: quomodo autem hæc res ante Ptolemæorum, aut etiam Cambyfis, tempora, florentibus etiamnum priscorum Aegyptiorum rebus, se habuerint, penitus ignoramus; nisi quod nonnullos tradidisse novimus, ante cladem statuae, a Cambyse inflictam, vocem eius pleniorẽ fuisse, distinctioremque. Quod *Lucianus* in *Philopseude* tradit, se in Aegypto Memnonem audivisse, oraculum ore aperto, septem versibus (*ἐν ἑπταῖς ἑπτά*) editum, id de septem vocalibus intelligit, atque ex Demetrio Phalereo, qui auctor esse creditur libelli perquam elegantis *περὶ ἐρμηνείας*, §. LXXI. demonstrat, sacerdotes Aegyptios per VII vocales, quasi hymnos, Deos celebrasse, quod in Memnonis honorem factum esse, ipsi admodum sit probabile. Immo, quum diu Græci VII. vocalium usum ignoraverint, ipse coniecit, earum discrimen a sacerdotibus Thebæis, forte ad imitationem VII. planetarum coelestium, excogitatum esse; quibus etiam eas sic voluerint esse consecratas, ut unaquæque illarum signum esset & *χαράρις* alicuius ex totidem planetis. Cuius inventi memoriam ut conservarent, instituisse videntur viro docto, ut sacra in Thebaide, Thebis præcipue & Abydi, cantu VII. vocalium personarent. Et quoniam Colossus Thebæus, solerti sacerdotum artificio, ita constructus fuisse putatur, ut vocem, quoties e re sua illi putarent, emitteret: Vero dissimile videri negat, eosdem sacerdotes Colossum ita constituisse, ut vox illius inventi sui memoriam celebraret, -VIIque vocales ordine resonaret. Ingeniose certe, eruditeque, hæc tam excogitata esse, quam disputata, neque ii dubitabunt, qui aliter de re ipsa iudicant; præsertim si, quæ ad confirmandam sententiam suam affert, diligenter expendantur. Causam denique vocis tam admirabilis, nec in natura lapidis, neque in virtute divina, sed in arte quadam mechanica quærendam esse, putat; quippe quam Strabo iam fraudis suspectam habuerit, ac scriptores christiani veteres, ut & *Iuvenalis* (Sat. XV.), præstigiis magicis tribuerint. Tandem *Osymandiae* statuam ideo dici tradit, quia hic nequaquam ab Amenophi diversus fuerit,

quod auctoritate *Strabonis* (L. XVII. p. 559.) aliorumque confirmat, atque in ipsa nominis notatione aliquod sententiæ suæ præsidium reperit, quæ illud *vocalem*, subintellige *statuam*, indicare existimat. Etsi vero regno *Amenophis* nihil esse incertius pronuntiat: eius tamen divinitatem, religiosumque cultum, dubio carere putat, satis quippe testatum inscriptionibus, statuæ eius incisæ. At si, cuiusnam numinis symbolum fuerit colossus, quem Græci dicunt Memnonium, quaeramus: *Plinius* quidem, *Serapidis*, ait; alii *dei*; alii *Aegypti*; alii *Nili*; alii *Solis*, quod vero ponitur simillimum, eius tamen maxime, qui veris facit initium, quod suffragio *Polaci*, mathematici celebris, confirmat. Ex quibus omnibus intelligi satis posse arbitramur, quantam curam eruditionemque, ad Memnonem illustrandum, *Cel. Jablonski* contulerit.

MUSEUM ODESCALCUM, SIVE THESAURUS antiquarum gemmarum, quæ a Serenissima Cbrissina, Suecorum Regina, collectæ, in museo Odescalco adservantur, & a PETRO SANCTE BARTOLO quondam incisæ, nunc primum in lucem proferuntur.

Tomus primus & secundus.

Romæ, prostant apud Venantium Bibliopolam, in via cursus.
Superiorum facultate.

Complectitur hoc opus solummodo tabulas æneas, quibus celeberrimus harum rerum artifex, *Petrus Sanctus Bartolus*, antiquas gemmas rariores, a magna Suecorum regina olim immanibus sumtibus collectas, & ab eius morte ad Serenissimum Ducem *Odescalchi* traductas, incidit. Tomus primus tabulas LIV. complectitur, quarum seriem hic suppeditamur.

Tab. I. *Demetrius Poliorcetes rex, in cameo.*

Tab. II. *Septimius Severus, in carniola.*

Tab.

- Tab. III. *Agrippina Maior, in anaglypto.*
 Tab. IV. *Constantinus Magnus, in Niccolio, in anaglypto.*
 Tab. V. *Iulius Caesar, in Onyce Saphirino.*
 Tab. VI. *Cicero, in anaglypto.*
 Tab. VII. *Aventinus, in Heliotropio.*
 Tab. VIII. *Lucius Iunius Brutus, in Amethysto.*
 Tab. IX. *Sacerdos, in Carniola.*
 Tab. X. *Bigae, in Carniola.*
 Tab. XI. *Nummonius Vala, in Amethysto.*
 Tab. XII. *Gorgonius in Amethysto.*
 Tab. XIII. *Caput ignotum mulieris illustris, ex natione barbara, in Carniola.*
 Tab. XIV. *Amor cum face, in Heliotropio.*
 Tab. XV. *Marcus Aurelius, in Achate.*
 Tab. XVI. *Antoninus, in Carniola.*
 Tab. XVII. *Galba, in Amethysto.*
 Tab. XVIII. *Tiberius, in Anaglypto.*
 Tab. XIX. *Servilius Ahala, in Iaspide rubro.*
 Tab. XX. *Settimius Severus, & Filii, in Amethysto.*
 Tab. XXI. *Caput ignotum, licet ex physognomia Imp. Adriani videatur, in Amethysto.*
 Tab. XXII. *Miles eques, in Carniola.*
 Tab. XXIII. *Alexander Severus, in Carniola.*
 Tab. XXIV. *Ptolomaeus Rex, in Nicolio.*
 Tab. XXV. *Livia, Anaglyptum, in Achate.*
 Tab. XXVI. *Astartes, Anaglyptum, in plasma.*
 Tab. XXVII. *Baccha, in Amethysto.*
 Tab. XXVIII. *Hercules, in Carniola.*

Tab.

Tab. XXIX. *Caput ignotum puellae, temporibus Settimii, & Alexandri, in Smaragdo.*

Tab. XXX. *Sacrificium Palladi, in aqua marina.*

Tab. XXXI. *Omphales, in Heliotropio.*

Tab. XXXII. *Ioles, Anaglyptum, in Achate.*

Tab. XXXIII. *Cleopatra, in Cryſtallo.*

Tab. XXXIV. *Cleopatra, in Hyacintho.*

Tab. XXXV. *Hyacinthus, in Carniola.*

Tab. XXXVI. *Caput ignotum, inſtar Bacchæ, in Carniola.*

Tab. XXXVII. *Scipio Africanus, in Cryſtallo.*

Tab. XXXVIII. *Caius Marius, Anaglyptum, in Achate.*

Tab. XXXIX. *Caput ignotum, inſtar antiquæ matronæ Romanæ, in Iaſpide.*

Tab. XL. *Satyrus, Anaglyptum, in Achate.*

Tab. XLI. *Effigies Ermoſi, & Crairi, in Iaſpide rubro.*

Tab. XLII. *Miles cum viſſoria, in Carniola.*

Tab. XLIII. *Ceres, in Heliotropio.*

Tab. XLIV. *Siren, in Heliotropio.*

Tab. XLV. *Mars, in Nicolio.*

Tab. XLVI. *Apollo, in Onyce.*

Tab. XLVII. *Ceres, in Pyropo.*

Tab. XLVIII. *Pyrrhus Rex, in Carniola.*

Tab. XLIX. *Apollo, in Heliotropio.*

Tab. L. *Apollo, & Marſias, in Iaſpide rubro.*

Tab. LI. *Gladiatores, in Carniola.*

Tab. LII. *Roma, in Nicolio.*

Tab. LIII. *Hercules, in Nicolio.*

Tab. LIV. *Larva bacchanalis Sileni, in Carniola.*

Tomus secundus reliquas tabulas a tab. LV. ad CIII. complexu suo tenet, quarum ordo sequens est:

- Tab. LV. *Aurora & Cephalus, in massa cerulea.*
- Tab. LVI. *Amor, in Carniola.*
- Tab. LVII. *Biremis, in Amethysto.*
- Tab. LVIII. *Atalanta, in Onyce.*
- Tab. LIX. *Ips Arunca, in Iaspide rubro.*
- Tab. LX. *Marsias, in Anaglypto.*
- Tab. LXI. *Sacerdos Bacchi, in Hyacintho.*
- Tab. LXII. *Persona scenica, in Anaglypto.*
- Tab. LXIII. *Quadrigae, in Carniola.*
- Tab. LXIV. *Leo, in Iaspide.*
- Tab. LXV. *Sacerdos Bacchi, in Carniola.*
- Tab. LXVI. *Aesculapius, in Heliotropio.*
- Tab. LXVII. *Centaurus, in Carniola.*
- Tab. LXVIII. *Medusa, in Anaglypto multicolore.*
- Tab. LXIX. *Abraxas, seu symbolum Solis, in lapide ceruleo.*
- Tab. LXX. *Amuletum, in lapide ceruleo.*
- Tab. LXXI. *Pax, in Nicolio.*
- Tab. LXXII. *Venus & Amor, in Achate Sardonico.*
- Tab. LXXIII. *Neptunus, in Aqua marina.*
- Tab. LXXIV. *Tres Gratiae, in Anaglypto.*
- Tab. LXXV. *Olimpias, & Alexander, in Anaglypto.*
- Tab. LXXVI. *Mercurius Cinocephalus, & Arpocrates, in base marmorea.*
- Tab. LXXVII. *Venus, in Crystallo montana.*
- Tab. LXXVIII. *Effigies ignota, in Achate.*
- Tab. LXXIX. *Vertumnus, simulacrum parvum metalli.*

Pppp

Tab.

- Tab. LXXX. *Helenus, in Hyacintho.*
 Tab. LXXXI. *Lucerna metalli, in Bovis caput efficta.*
 Tab. LXXXII. *Venus cum pomis, in metallo.*
 Tab. LXXXIII. *Æstas, in base marmorea.*
 Tab. LXXXIV. *Jyems, in base marmorea.*
 Tab. LXXXV. *Canopus, in base marmorea.*
 Tab. LXXXVI. *Solemnitas, in base marmorea.*
 Tab. LXXXVII. *Venus cum pomis, in metallo.*
 Tab. LXXXVIII. *Iupiter, in metallo.*
 Tab. LXXXIX. *Isis, in base marmorea.*
 Tab. XC. *Eadem, in base marmorea, cum variis hieroglyphicis*
 Tab. XCI. *Taurus caelestis, in base marmorea.*
 Tab. XCII. *Claudius, in Iaspide viridi.*
 Tab. XCIII. *Ursus & Taurus, in metallo.*
 Tab. XCIV. *Venus cum pomis, in metallo.*
 Tab. XCV. *Priapus, in metallo.*
 Tab. XCVI. *Scrapis, in metallo.*
 Tab. XCVII. *Ver, in base marmorea.*
 Tab. XCVIII. *Bor, & Apis, in base marmorea.*
 Tab. XCIX. *Isis, cum variis hieroglyphicis, in base marmorea.*
 Tab. C. *Arpocrates, in base marmorea.*
 Tab. CI. *Silvanus, in metallo.*
 Tab. CII. *Lucerna metalli, sub imagine Cyni.*
 Tab. CIII. *Socrates, in Carniola.*

Ipsæ tabulae æneæ sunt elegantissimæ, ita ut nec artem desideraveris, nec diligentiam celeberrimi artificis, summumque ipsius, quod in aliis præclaris operibus testatum fecit, studium,

omnes

omnes antiquorum monumentorum, vel minimos ductus mira solertia exprimendi. Hæc quum ita sint, eo magis optandus foret doctus præstantissimarum harum gemmarum commentatos, qui provinciam in se susciperet, earum difficiliores, sunt vero tales in his passim, explicandi atque illustrandi. Præ ceteris vero attentione dignæ videntur, cum ob res in ipsis expressas, tum propter artis elegantiam: Hercules, Sacrificium Palladis, Cleopatra, rex Pirrhus, Apollo & Marfyas, gladiatores, Aurora & Cephalus, Isis averrunca, caput Marfyæ, Aesculapius, centaurus, Venus & Amor, Mercurius cynocephalus & Harpocrates, Venus cum pomis, opus elegantissimum, Ursus cum Tauro, ac denique Socrates.

Bermischte Abhandlungen.

i. e.

*DISPUTATIONES, VERITATI, SCIENTIARUM
flori, confirmandæque religioni dicatæ, per IOANNEM
FRIDERICUM STIEBRITZ, philosophiæ atque
œconomiae Professore Publicum
Ordinarium.*

Halæ, 1753. sumtu Rengeriano. 488. pagg.

Stiebritium, egregium celeberrimi L. B. a Wolf defensorum esse, nemo nescit. Ut itaque in suis adnotationibus logicis ac metaphysicis, non tantum sequitur principia Wolfiana, sed etiam ea, quæ scripta sunt a Wolfio, & illustrare, & argumentis probare, & ab omnibus reprehensionum generibus immunia reddere conatur haud infelicitè, harum disputationum Auctor eruditissimus: ita & in iisdem strenuum se ostendit Wolfianorum principiorum cultorem, idem vir eruditionis gloria laudatissimus. Argumenta certo harum disputationum digna sunt, in quæ inquiritur a philosopho, nomine hoc digno. A quo tempore Meierus, celebris

Pppp 2

Halens-

Halenſium philoſophus, dubia ſua protulit, contra demonſtrationes & rationis principiis huc uſque petitas pro animæ immortalitate, varia clariffimorum virorum ſtudia huius exoptatiſſimæ rei inquisitioni fuere dicata. Mullerus, eloquentiæ Profeſſor in Academia Salana, Langius V. D. M. & Meierus, ſolidas de animæ immortalitate diſputationes inſtituerunt. In eandem erudiſſime inquit prima Stiebritii diſputatio, huic inſerta volumini. Magnam veri ſpeciem præ ſe ferunt ipſius dubia, contra doctiſſimorum virorum, quorum nomina iam ſcriptiſſimus, demonſtrationes; quæ prima diſputationis pars in ſe complectitur. Poſterior vero, omnibus numeris abſolutam eruditis viris tradit probationem, animam mori haud poſſe. Summa eius hæc eſt. Si complexus rerum in mundo, de quo præclare diſputat auctor, haud patitur, ut in ipſo unica tantum pars per annihilationem deſinat eſſe, animique hominum huius complexus ſunt partes, quæ, niſi per annihilationem, deſinere nequeunt; ſequitur neceſſario, neque hos annihilari animos poſſe. Laudanda eſt in primis clariffimi Auctoris erga eos modestia, contra quos diſputat. Laudandum eſt ſtudio, idque haud infelix, quo ſuum argumentum, & probationibus haud contemnendis firmare, & ea, quæ forte in ipſo reprehendenda videntur, contra omnes obiectiones defendere egregie conatur.

Diſputatio altera eſt de ordine. Oſtendit ea Wolfianæ definitionis, de ordine, uſum in theologia, inquirendo in Deum ordinis, atque in ordinem ſalutis. Iure laudat Auctor philoſophiæ Wolfianæ præſtantiam: iure quoque, Ariſtoteliæ & Cartefianæ antefeſerendam, putat. Ubi autem contra Iacobi Chriſtiani Heckeri diſputationem de ordine, Goettingæ A. C. N. 1745. ſcriptam, diſputat: fatemur, ea in definitione Heckeri reperire nos non poſſe, quæ ipſe reprehendit Stiebritius. Coniunctionem fini convenientem, Heckerus ordinem obſcurius dixit. Hic confuſionem

nem inter ideam ordinis & alteram perfectionis deprehendisse existimat, laudatissimus Auctor. Sed hac in re nos quidem aliter sentimus. Ordo enim spectat tantum ad copulationem rerum, perfectio autem pertinet in primis ad res coniungendas. Nec prædicatum, ordine quidem dignum, sed accidens tamen in se comprehendit Heckeri definitio. Ut enim Goetting. philosophus, Hollmannus, primæ suæ philosophiæ §. 201. recte monet, si quis velit diiudicare, num aliquid pro perfecto, secundum celeberrimi Wolfii definitionem, haberi vel queat, vel debeat, vel minus; cum semper certum rei eiusdem finem vel usum supponere debere, cum quibus rem eandem contendere, dispicereque adeo possit, an cum iisdem satis bene conveniat, consentiatque, an minus: ita idem fere valet, si quis cupiat scire, utrum copulatio quædam ordini sit consentanea, an minus. Contemplatio finis itaque, in ordine, est maxime necessaria. Ex quibus quidem Hollmanni, viri eruditissimi, verbis, satis patet, quomodo perfectum, & id, quod cum ordine bene convenit, inter se differant. Perfectum requirit non tantum aptam partium coniunctionem, sed præsentiam in primis omnium eorum, quæ ad consequendum finem pertinent. Ordo autem præsertim exigit compositionem fini convenientem. In supplementis ad Acta hæc nostra Tom. IV. S. VI. p. 266. quædam contra clarissimi Baumgartenii, de confusione, monuimus definitionem. In præfatione novæ metaphysices editioni præfixa, contra monita nostra conatus est eandem vir excellentissimus defendere. Iure autem monet Heckerus, in sua de ordine disputatione, distinctionem, quam Baumgartenius pro sua definitione profert, haud sufficere ad defendendum id, quod defendere debebat. Coniunctio diversorum, coniunctionis & ordinis diversitas, debent quidem distinguui, sed & coniunctionis diversitas cum ordine facile consistit. Nolumus heic loci hanc in rem plura dicere, ne videamur λεπτολογεῖν.

Tertia, eademque ultima disputatio, contemplatur finem Dei in creando mundo. In præliminari præfatione eruditissime probat Auctor, disputationem de fine creationis neutiquam favere temerariæ audaciæ eorum, qui vel Deum esse negant, vel religionem contemnunt. Omnis enim dissensus huc redit, utrum gloriæ Numinis, an rerum creaturarum felicitati, ultimus finis sit attribuendus. Uterque finis lubentissime conceditur ab omnibus, qui in id inquirunt, uter sit finis ultimus. Prior huius dissertationis pars ostendit, ultimum creationis finem inesse in revelatione gloriæ divinæ. Antequam vero Stiebritius V. Cl. probationem suam proferat, ostendit, Deum in sui ipsius consideratione maxime delectari, Deum sibi maxime placere, Dei in se ipsum inclinationem esse maximam, gaudium Dei in se esse infinitum, suam felicitatem Deum vehementissime quærere, in summo gradu se amare Deum, sibi que esse sufficientissimum. Harum thesium probationem sequitur hoc ratiocinium: Si Deus omnibus perfectionibus in summo gradu gaudet; si Deus est summum bonum; si Deum oportet maxime delectari dum se ipsum contemplatur; si gaudium propter suas perfectiones est maximum; si Deus sibi maxime placet; si Deus est felicissimus & beatissimus; si causa adest, eademque sufficientissima, cur se infinite amet; si tanto amore, quo se diligit, alios prosequi nequit; si Deum tandem oportet in se perfectissime esse contentum: sequitur necessario, eum omnia, quæcunque vel intra vel extra suam essentiam occipit, sui ipsius causa præcipue suscipere. Si itaque, pergit Auctor, Deus actionem quamdam perficit, se ipsum efficit finem; motiva petit e suis perfectionibus infinitis; subsidia denique eligit, quæ perfectiones suæ & exigunt & offerunt. Prægnantissima enim Deus sequitur motiva. Hæc autem alia non sunt, quam quæ a se ipso desumit. Nec dedecet hoc Deum, ut potius, si aliter ageret Deus, multa exinde oporteat venire, Numine nullo modo digna. His præclare disputatis, probat Stiebritius, Deum

Deum a se ipso sumsisse finem creationis. Huius finis haud ea est ratio, ut Deus, qui est sibi sufficientissimus, aliquid accessiois nanciscatur: sed sui ipsius revelatio scopum in se complectitur. Hæc Auctor clarissimus sequenti modo evincit: si Deus e pluribus finibus æque possibilibus optimum finem, hoc est, eum, qui ipsi maxime placet, debet eligere; si in creatione varii fines esse possunt, quorum prior a Deo, posterior a creatura, originem capit; si Deus est perfectissimus, qua de re nihil ipsi sic placere potest, ut sibi ipse placet, ut ipsi placet id, quod ad sui gloriam pertinet, quod & Deo dignissimum est: sequitur, ut Deus finem a se desumptum tamquam optimum sibi repræsentet; ut idem ipsi vehementissime placeat; ut eundem præ ceteris eligat; ut igitur mundum sui, Auctoris scilicet, causa creet.

Ad secundum venimus argumentum, quod tale est. Si rerum creaturarum felicitas est instrumentum revelationis gloriæ divinæ; hæc illius finem in se complecti debet, illa autem pro ultimo mundi haberi nequit; sed subordinatus tantum quidam est scopus mundi. Tertium argumentum ita habet: Si Deus optimum eligit finem, qui & maxime ponderosus esse debet, ex quo optima quæque fluunt; pondus vero atque fructus haud dubie amplissimum complexum rerum, ad quas finis dirigitur, continet; finis quoque a revelatione perfectionum divinarum desumptus, ampliori gaudet complexu rerum, quæ in mundo inveniuntur, eo, qui in felicitate rerum creaturarum consistit: sequitur, ut Deus omnino non potuerit non finem, de quo disputatur, eligere. Argumenta e rationis principiis desumpta, sequuntur testimonia litterarum sacrarum, quæ Auctoris sententiam egregie confirmant. Leguntur testimonia illa Rom. I, 19. 20. Proverb. XVI. 4. Rom. XI. 36. I Cor. VIII. 6. Ebr. II, 10. Apocal. IV. 11. Ps. CIV. Contemplatione dignissima sunt, quæ in notis ad Cudworthi systema intellectuale monuit Moshemius, Cancellarius nuper Academiæ Georgiæ Augustæ longe celeberr-

celeberrimus, nimirum, multa de mundi fine esse a quibusdam disputata, antequam disputationum auctores satis cognoverint, quid sit Dei & gloria, & honos. Prioris disputationis Stiebritianæ partis finem faciunt quædam, quæ fluunt e thesi, ab ipso, argumentis haud contemnendis, firmata.

In posteriori ipsius parte respondet auctor ad obiectiones eorum, qui felicitati rerum creatarum ultimum tribuunt finem. Prof. Salanum, Dariesum, vehementer dissentire a Stiebritio, nemo ignorat. Ad huius dubia doctissime, præclare, & ut eruditos decet, modeste respondet Stiebritius, vir perspicaciæ laude dignissimus.



NOVA ACTA ERUDITORUM,

publicata Lipsiæ

Calendis Decembris Anno MDCCLVI.

*CODEX TRADITIONUM CORBEIENSIVM, NO-
tis criticis atque historicis, ac tabulis geographicis & ge-
nealogicis illustratus, quibus antiquissimus Germaniæ,
inprimis autem Saxonie, status, a Carolo Magno usque
ad Conradum II. Imperatorem, nec non Origines multa-
rum familiarum illustrium, exhibentur. Accedunt præter-
ea Diplomata adhuc inedita: nec non Registrum Abbatis
Sarachonis, de Bonis ac Proventibus Abbatie Corbeiensis.
E latebris protraxis, & adnotationes varias ac figuras
ævi incisus addidit, IOANNES FRIDERI-
CUS FALKE.*

Lipsiæ & Guelferbyt, 1752. apud Io. Christoph. Meissnerum.
14. Alph. 17 plagg. cum tabb. aen. XXIV. fol.

Opus diffusum, & diligentiam prodens, orbi erudito obtu-
lit pl. rev. Auctor. Codicem Traditionum, pleraque
diplomata, & Registrum Sarachonis, e tenebris in lu-
cem prodisse, lætantur quotquot geographiæ ac historiæ me-
dii ævi bene cupiunt. *Adnotationes*, quibus Traditiones il-
lustrantur, ornatae sunt passim diplomatibus adhuc ineditis,
genealogiis novis, geographicisque notitiis haud vulgaribus;
subinde tamen coniecturis datus fuit in genealogiis locus, quas
tamen Auctor nemini obtrusit, quin potius a personis, quibus
testimonia auctorum fide digna patrocinantur, prudenter

Q q q q

con-

coniectando, habiles ab inhabilibus satis secrevit. Monumentum diligentiae hoc inscripsit ac consecravit *Reverendissimo & Celsissimo Principi Abbati Corbeienfi, Casparo, Hoexteræ* intra territorium Corbeienfe natus, & Corbeia *Codicem* cum *Registro* nactus manu exaratum. Usus, ex *Traditionibus* hauriendos, edisseruit Auctor in *Miscellaneis* nostris Vol. IV. P. II, p. 242, sq. In *Praefatione* vindicat sese ab Anonymi, Ioachimi Berwardi Lauensteinii, & Casparis Abelii dissensionibus. *Specimen geographiae medii aevi*, quod Lauensteinus 1745. 4. Hildeshemii ediderat, multorum incusat & convincit navorum. Quis vero in illius geographiae campo nunquam aberret? Tandem ad sententias suas quasdam vel clarius exponendas, vel refellendas, se accingit. Brunonem, episcopum Wireburgensem, stirpi Ducum Saxoniae Ludolfidarum it vindicatum. Aedam, Odæ, quæ Ludolfi Ducis erat uxor, matrem, non ipse, sed eius atnicus, pro Pipini regis, ex Carolo Magno nati, filia, & Caroli M. nepote habuit; ratus, eam esse *Atalam*, cuius meminit *Eginhartus* c. 10. Oda certe *Comitissa* dicitur *stirpe regia* fuisse edita, in diplomate coenobii S. Laurentio sacri, ad Scheningam haud procul Helmstadio siti, p. 760. *Traditiones* in partes sexdecim distribuit A. respiciens ad ætates totidem Abbatum Corbeienfium. Desinunt tandem in anno 1037, exoræ circa annum 822. Adpendicis loco additur *traditio de Vredebero dicto Ketelholdt*, eiusque posteris, qui secesserunt in *Scheim* versus Rhenum, in Comitatum Mansfeldicum, & in Meclenburgicum Ducatum. In *Traditionibus*, pagi varii, eorumque villæ memorantur, quibus ex *Registro* lux adfulget. Index pagos villasque recenset, passim occurrentes, & per dimidium Germaniæ quærendos. Habes hic, Lector, *Butonem Comitem* circa a. 824, p. 5: *Immadum Comitem*, bona in pago Hardego tenentem, p. 7. & *Richbertum Comitem* in Derlingo pago possessiones nactum, p. 15. *Wiricus Comes* floruit ad Visurgim, p. 37: *Enno Comes*, & *Withmannus Comes*, ibidem floruerunt, p. 38: *Thiodger Comes* memoratur p. 54: *Este Comes*, largus ex bonis Budinifeldensibus, haud procul Visurgi

furgi, p. 54: *Odo Comes* ad A. 826. p. 61. *Bernhardus Comes* pagi *Hafugo* seu *Hofgau*, p. 92. *Thuring Comes*, bona: *elargitus Kissenbrüggen* prope *Wolferbuttelam*, p. 94: *Efic Comes* ad *Viskrgim*, in pago *Tilgethi* habuit bona, de quibus nepotes eius cum Ecclesia *Corbeiensis* litigarunt, p. 242. *Cobbo* quidam celebris *Comes* fuit, avunculus *Amelungi*, bona nacti in pago *Morweddi*, p. 257. Ex §. 126. p. 258. intelligitur, non ipsas traditionum formulas hic exhiberi, sed concinnatum ex iis brevium. *Cobbo* ibi vocatur *Ludolfi germanus*. Ex sorore itaque *Ludolfi*, Ducis *Ostfalarum*, natus fuit *Amelungus*, filius *Amelungi* ac *Hadwinæ*. Hanc tandem *Abbatissam* fuisse *Herfordensem* aliunde novimus, marito demum mortuo. Ex hoc *Amelungo* ipsa pepererat *Bennitum*, seu *Bernhardum*, & *Amelungum* iuniorum. Id ipsum patescit ex §. 149. *Hadvinam* vero *Ludolfi* Ducis fuisse sororem, communis opinio est. *Ida*, *Ludolfi* illius mater, dicitur fuisse mente devotissima. *Bilingo* tribuitur frater *Brunhardus*. Uterque in pago *Bardenga*, seculo X. crescente, habuit fundos. Complura vetustæ nobilitatis indicia passim leguntur. Situs pagi *Habogo* haud liquet Auctori. Pagum *Asterburg*, seu *Ostarburg*, collocat prope *Rintelum*, circa *Viskrgim*. Pagum *Wiginodi*, seu *Wimmoa*, ad utramque *Wimmæ* *Bremensis* ripam ponit. Ut villas pagi *Dérlingo*, quem ipse incolit, curate evolvat, nulli operæ pepercit. *Herulos* intra *Germaniam* quærit, quos in *Dalecarlia* *Suecorum* aliiprehenderunt. Apud *Helmoldum*, in *Chronico Slavorum* manuscripto, quo *Bangertus* usus est, haud legitur *Heruli*, sed *Hevili*, id est *Havilam* accolentes. Hoc loco restituto, atque *Procopio* in subsidium vocato, evanescit *Herulorum* inter *Germanos* domicilium. *Palatium regium*, *Werle*, inter *Magdaburgum* ac *Hildeneshemium* ponit, testimoniis *Scriptorum* haud adversis. Tum vero descehit ad villam *Werle*, nunc dictam *Warl*, haud procul *Scheppenstadio*, eique tandem id honoris impertit. Provocat hanc ob causam ad quoddam *Caroli* quarti diploma, a. 1357. datum; situm etiam villæ delineat ad vivum. Diploma *Otonis* a. 967. *Magdeburgicum*, in quo fit mentio *curtis Hebesheim*,

convincit nequissimæ fraudis. Deinde vicum *Adelen* nunc dici *Eilen* existimat, ac olim putat vocatum *Adenem* & *Odenem*. Fratres Kalendarios quosdam fuisse seculo XIV. in Luckenem, sede commendatoris teutonici ordinis per Saxoniam primaria, docet fide diplomatis. Charta dedicationis templo S. Magni a Branthagone Episcopo Halberstadenfi impertita, videtur dubiæ fidei esse. Comitem Ennonem Auctor suspicatur referendum esse ad stirpem Billinganam. Suspicio pertenuis. Insigne nobilium Dominorum *de Homburg* adpellatorum, exhibet in sigillo Henrici Homburgici ad a. 1256. Memorabile est, leonem in eo erectum ac coronatum contingere, unum e cornibus geminis cervinis, ab initio iunctis. Ob consanguinitatem cum Comitibus Dasselensibus, cornua illa fuisse addita, prouti Auctori visum, videtur propterea negandum, quod cornua illa olim fuerint insignia Dominorum, qui Regum Germaniæ filvis ex beneficio præessent. Auctor villas pagi *Nortthuringiæ* solicite recenset, eiusque tractui eximit urbem Helmstadium. Ottonis Magni duo diplomata Gandershemensia, ad a. 946 & 956. data, ut ficta reiciit. Nomen *Orman* Germanis Seculo IX. fuisse frequens, patet ex p. 53. Hassionem, Ostfalorum ducem, Auctor putat esse illum *Hessi*, de quo in *vita S. Læitbirgis* c. 1. fit mentio. An ipse testes, traditionibus adiunctos, ubique detexerit sine erroribus ullis, pro certo adfirmare non audemus. Villas pagi *Logne*, Goettingæ circumvicini, operose A. describit. Pagum *Hessi*, Saxonieum & Franconieum, curate persequitur. Studiose inquit in loca pagi generalis *Alsala*, seu *Ostfaliæ*. De Benneburgo, & originibus Hildenesheimii, coniecturas exhibet, argumentis ad probabilitatem evehendas. Pagi *Falhen* seu *Valin*, quæ pars fuit Ostfaliæ circa Hildeneshemium, recenset loca diligenter, nonnullis diplomatis Hildeneshemensibus repudiatis. Eandem industriam transtulit ad exponenda pagi *Leri* seu *Lerigaloca*. Adfert Ludovici Pii diploma, cui duo subnotata sunt monogrammata. Alius fuit pagus *Liergewe*, *Lieron*, *Lere*, ad ripam Obacræ sinistram olim positus. Fuisse olim nobiles ab *Albaxen*, villa Corbeienfi, cognominatos, negat Auctor noster, & fabulam, cui olim in *Stiagraphia hist. Corbeienfis* sub-

subscripserat, refutat. Loca *Amphidi* & *Amplithi* passim pro uno habet. At in præfatione sententiam hanc correxit. Loci *Guddingun*, seu Goettingæ, iam meminerunt *Traditiones*. Registrum vero *Guddinge* habet, in pago *Logne*. De pago *Itergowe* & *Nithega*, Auctori visum fuit disserere succinctius. Nævus *Originum Pirmontensium* ill. Christiani Ulrici Grupe-
ni passim emendat typographicos, cavens, ne sibi inde quid opponatur per auctoritatem, in abusum conversam. De *origine Marchionum orientalium* exponit multa, quæ in tabulam genealogicam sunt redacta. Nobis iam non vacat, expendere articulos generationum, secundum diplomaticam ac historicam fidem, exactius. Genealogiam Witekindæ paullo post adiungit, sperans, neminem fore tam iniustum & absurdum, ut, si coniecturæ Auctoris minus placeant, reliqua omnia ut inepta reprobet. Non enim negat, nonnihil ibi coniecturis datum esse. Ex eodem stipite deducit Immedingos, Comites Swalenbergicos, Waldeccenses, & Pirmontanos. Subiicit postea Comitum Winzenburgicorum stemma. Bernhardi Episcopi diploma, quod ad annum 1150 refertur, & castrum *Homborg* respicit, merito pronuntiat esse supposititium. Comitum Northemensium initia & propaginem exponit, præfigens eis Sisfridum quendam. Adiungit Henrico pingui fratrem natu maiorem, Hiddiconem. Ex hoc arcescit filium Sigibertum, a quo Bodonem, nobilem dominum Homburgicum, deducit. At Sigfrido, Comiti Northeimensi, defuncto ad annum 1144. nulli omnino fuerunt heredes. Non videtur Auctor ad hoc momentum respexisse. Mox Comitum de *Insula* maiores, tabulis genealogicis sistit. Deinceps Ludolfi, Ducis Saxonie orientalis, genus ita ordinat. Adelhardus Dux Saxonum occidentalium. Huic adiungitur Theodoricus Saxo, isti Widekindus, itemque Bruno, Dux Angariorum, dantur filii. Inter Brunonis octo filios Auctori primus est Ecbertus. Huic ille liberaliter dat filiam Hadvinam; filios, Brunonem Comitem, Warinum Abbatem Corbeiensensem, Cobbonem Comitem, Luidolfum Ducem Saxonie orientalis, & Ecbertum II. Ex Luidolfi filio, *Hiddio*, istiusque filio Luidulfo, ac nepote Brunone, deducit dynastas

Comitesque Brunsvicensis. Cur vero *Hiddi* huc ponitur? Meminit Auctor §. 342. *Tradit. ubi hæc leguntur: Tradidit Hiddi pro filio suo Luidolfo unam familiam in Hiddikestorp & 50. iugera.* Meminit porro §. 349, ubi hæc sunt: *Tradidit Hiddi pro sorore sua Alvered, & pro uxore sua Eruli, unam familiam in Sivaldeshus, & aliam familiam in Burium.* Hoc-cine videbatur esse id, quod erat demonstrandum? Conie-ctando Auctor hic rem expedit. Qui ea unice sectantur, quæ diplomatis genuinis, & testimoniis historicorum fide digniorum sunt superstructa, tabulas genealogicas dabunt lon-ge contractiores. At modulo non vivitur uno, & studio no-vitatis subinde A. in devia abductus est. Mox deinceps Comites Teklenburgicos, a Cobbone, Ludolfi Ducis me-morati fratre, derivavit. Innotuerunt certe Auctori no-mina testium, & alia, nude in *Traditionibus* posita, lon-ge melius, quam nobis aliisque. Ipse originem Domino-rum de *Scöenberg* tradit repetendam esse ab Elicone, filio Ducis Luidolfi. Credit, superesse quoddam *Chronicon Gan-dershemense manuscriptum*, atque ex eo iam aliquid prodire optat. Specimina genealogica, Gebhardianum & Behrensi-um, Comitibus Brunsvicensibus evolvendis inservientia, re-fellere nititur. Desudat in genealogia *Comitum Everstei-nensium*, mausoleum & reliquias Widekindi Magni, herois sui, & figuris æri incis, & descriptione illustrat. Notum est, mau-soleum ætati herois haud esse consentaneum. De Wigber-to, ac Walberto, Widekindi filio ac nepote, disserit copiose. De genealogia *Billingana* nonnihil per coniecturas exponit, tabulisque genealogicis quatuor eam illustrat. De he-redibus Ducis Ostfalarum, Hessi, iterum iterumque aliquid coniecat, præcipue vero p. 254. Ubi Lauensteinium refellit, ita præcipit: *Testimonia scriptorum coætaneorum omne effatum historiarum stabilire debent.* De *Angaria* veteri docte commen-tatur. De Ida, Ludolfi Ducis matre, disserit fusius. Inde pa-gum *Lengi* scrutatur. Geroldi Comit, † 876 Corbeix, epi-taphium cum lectore communicat, additque sat prolixè eius ge-nealogiam. Pagum *Himmeltago* audacter proscribit. An terræ
Princi-

Principum Waldeccensium ad Angariam fuerint relatæ, disquir. Illustrissimam *Münchhusorum* gentem, e tertis Lippiacis prodiisse, ipsi videtur verosimile. De pagis *Westphalia*, *Boruëtra*, *Ruricgao*, & *Dreini*, diligenter disserit. Westphaliæ pagum generalem a speciali, nec non ab utraque Angaria, occidentali & orientali, circa ripas Wisaræ, distinguit. De *Hirutseldo*, *Hirzfeld*, oppido Monasteriensi, egregia quædam adfert. De villa *Triburi*, altera in ducatu Westfalix, altera in terris Darmstadiño-Hassiacis, disserit. *Spörkiorum* & *Werthiorum* Comitum natale solum, in pago Westfalen, cuius ambitum designat, ponit. De loco *Bilefeld*, & collegio Canonicorum ibi a. 1293. instituto, varia adfert memoratu digna. De aquila, insigni Comitum Ritbergensium, agit p. 327. Albionem, ducem bellicum, propius considerat, nec coniecturis parcat. Adeum refert origines Comitum Waldeccensium, Supplinburgicorum, Sommerseburgicorum. Horum genealogiam magno studio contexuit. Avum Lotharii Imperatoris tenuisse terras Comitatus Supplinburgici, Auctor comprobare potuisset ex charta, qua Lotharius monasterium Regiolothariense reformavit, & denuo quasi instituit. Esicum, filium Liutharii II. habet pro conditore Comitum ac Principum Anhaltinorum. Addit deinceps stemma priscorum Anhaltinæ domus serenissimæ conditorum, nec non Waldeccensium, Sommerseburgicorum, atque Supplinburgicorum Comitum. Non est nostrum, istarum tabularum genealogicarum septem examinare fidem, ad libellam criticam; neque enim, credimus, defuturi sunt, qui hoc defungantur labore. Wigandi *Vitam Waltgeri*, a Paulinio evulgatam, Auctor existimat ex fabulis anicularum Herifordensium confarcinatam fuisse. Addit, non Waltgerum, sed Ludovicum Pium, instituisse monasterium Herifordense, eique præfecisse Tettam Abbatissam primam, non Swalam. De pago *Thiadmelli*, villis quibusdam pagi Guddinge, pago *Scotelingæ*, pagis *Fleithi* & *Flotwita*, exponit succincte. Propius examinat loca, pagi *Saltgo* & *Agrotingun*, circa Meppiam Monasteriensem. Ostendit deinde,

de, pagum *Auga*, Corbeix circumiectum, æque dici *Ahugo* & *Ahagewe*. Ludolfo, Duci Ostfalorum, filium Tancmarum tribuit. De marca & pago *Aringho* haud uno loco agit. Conradi I, Regis Germaniæ, maiores, ab Erdago Comite, & Gerburga, Ludovici Orientalis Franciæ Regis filia, illius uxore, arcessit. Gerhaum Ducem existimat fuisse omnium Hassiæ Comitum progenitorem, quod ille protulisse propterea videri vult, ut *alii occasio præberetur rei curatius contemplandæ*. Gerhaicum schema genealogicum, p. 381. ælatum, nititur æque coniecturis quibusdam, a possessione bonorum hereditariorum, & nominum eorundem frequenti repetitione, nec non ex quibusdam testimoniis perspicuis, ac aliorum momentorum coniunctione, petitis. Comitum Ziegenhainensium stirpem ad annum usque 800 effert. Widekindi Corbeiensis errorem, qui duos Henricos in unum mutavit, notat. Pagus *Soretfeld*, in dioecesi Paderbornensi ponitur. De vico *Hemmendorpe* exponit solcite. Pagum *Bukki* apprehendit in Schaumburgico Comitatu. Mathildi, quæ nupta fuit Henrico Aucupi, Regi, restituit patruos. De pago *Hamalant* curate disserit, addita tractatione de pagis *Felze*, *Flehite*, pago *Northuanti*, nec non *Istêrlati*, *Munturfuntigis*, *Tisterbant*, *Huintingoë*, *Batua*, quærendis in Belgio foederato. Prosequitur cursum Auctor ad pagos *Scaldis*, *Bragbanto*, *Taxandria*, & ad pagum *Rienfe*, nec non *Mosao*, cui confines olim erant pagi *Riboariensis* & *Rwrigowe*. Diligentiam porro suam transfert ad Belgium foederatum, eiusque pagos *Wironi*, *Tochingen*, *Twente*, *Thrente*, *Islai*, *Waldahi*, *Walderen*, *Westracha*, *Ostrache*, *Fedirga*, *Hunusga*, *Fivilga*, *Hugmerchi*, *Leomerike*, *Thuyelle*, & *Fresia*. Habent hic Belgæ, quod examinent. Examinauit enim Noster genealogiam primorum Hollandiæ Comitum, quam Wilhelmus Heda adposuit. Wichmannorum, Comitum pagi *Hameland*, genealogiam condidit, inter iam cognita referendam. Islibertum, Lotharingiæ Ducem, fuisse Raginberni filium, seu Raginero natum, comprobat p. 466.

Ab huius Ragineri, Ducis Mosellani, filio ac nepote, Ragineriis, Comites Lovanienſes, & Hannoniæ Brabantiaque Duces, atque per Henricum Infantem, etiam Sereniſſimos Haſſiæ Landgravios deducit. Giſelbertum, Comitem pagi Darnau, ab Aquitaniæ præfecto Giſelberto diſtinguit. Notat plurà in pervulgatis de Brabantia Ducibus tabulis genealogicis. Stemma Witikindeum omnino reddit ſatis magnificum atque peramplum. Pagum Liſgo, Herciniæ in meridianam plagam obiacentem, paſſim illuſtrat. Nec abſtinet ab originibus genealogicis Comitum Oldenburgicorum, nunc Ducum Holſatiæ, & Daniæ Regum. Mallemus, prima capita genealogiæ firmo ſtare talo, quam tenuiſſimo probabilitatis gradu niti. Plura tamen daturum ſeſe Auſtor promittit in *Clientela Corbeiſi*. De *Horohur*, *Horohuſun*, *Horhuſen*, villa prope Eresbergam in pago Heſſi Saxonico ſita, & de militibus inde dictis, diligenter commentatur, affirmatque, Schatenum, ut Episcopi Paderbornenſis protenderet per territorium Corbeiſenſe iura, Corbeiſia nonnulla diplomata adulterariſſe. Hadeburgæ, quæ erat prima Henrici Aucupis coniux, genus a Brunone, Duce Angariorum, repetit. De iudicio ſedium liberarum Corbeiſi in locis variis, per Carolum IV. Imperatorem 1349. indultis, pauca adfert. De limite inter pagos Wettigo & Thietmelli, etiam præcipit. *Haversvorde* villa, quæ habuit milites inde adpellatos, ſita fuit inter Luchtringam & ſilvam Söling, in Auga. Provocat Auſtor ad *hiſtoriam Groningenſem*, *clientelam Corbeiſenſem*, *hiſtoriam poſſilium petreſactorum*, *dihwii teſtium*, a ſe conſcripta; & laudat manuſcripta, utpote *Chronicon Corbeiſenſe*, & præterea *Faſtor Corbeiſenſes*. Widekindi Monachi Annales, ad manuſcriptum Corbeiſenſe exegit, & cum hoc contulit, paſſim diſcrepante ab editis exemplaribus. De ſede Ducum Brunſuico-Lüneburgicorum Beverenſi, ac præfecturæ Torſte vicinæ, protulit haud tralatitia ex ævo medio. Henrici Leonis litteras ad Abbatem Wibaldum exhibet, & paſſim diplomata inedita diſquiſitionibus inſerit. Hiddonem, ſeu Hiddi, fuiſſe Ludolſi Oſthalorum Ducis filium, adſerit tam confidenter, ut ſecus ſentientes cum ratione

Rrrr

inſa-

infanire arbitretur. Neque Agii presbyteri pronuntiata sibi obflare, ostendit. *Suevi transbadani* in MStis Annalibus Widekindi leguntur L. I. p. 633, ubi in editione Meibomiana se offerunt *Suzvi transalvini*. Comitum *Courhdesburgensium* genealogiam Auctor repetiit, additis quibusdam de suo. De loco *Patten-sen* disserit, ad Leinam fito. *Wibertum*, Episcopum Hildeshemensem, fuisse fratrem Walberfi, quem sibi adiunxerit in muneris sublevationem, & illum vixisse adhuc anno 887, ad liquidum perducit. Nobilium Dominorum de *Buren* genealogiam promit. Exponit de pago *Enterigawi*. Comitum Hoienses studet a Wedckindo Magno deducere. Optamus, ut singulos generis exhibiti articulos solidis testimoniis coetaneorum comprobet imposterum. Comitum de Patberg genealogiam texuit, cuius initia egent argumentis firmioribus.

De Hermanno ac Henrico, Comitibus Perremuntanis, ac dynastis Natezungenfibus, proponit aliis indicta. Brunonem, Episcopum Wirzburgensem, defunctum anno 1045, patrum Brunonis Comitum, advocati Corbeienfis † 1056, inferit de-nuo Comitibus Brunswicensibus, & commentario illustrat. Ottonis III. quoddam diploma, a. 1001. datum Romæ Kalendis Ian. pro suppositio habet, rationibus in medium adductis. Idem pronuntiat de eiusdem argumenti diplomate Paderhornensi, quod Henricus II. Rex dicitur a. 1003. 4 Non. April. Quidilingeburgi dedisse. Meinweri conatus violentos in monasterium & ecclesiam Corbeie, reprobat. Genealogicam seriem Comitum Scharfeldensium & Lutterbergenfium, a Deddio quodam, & aliis hominibus hucusque in hac progenie ignotis, arcessit. De iudicio, *Gysaph* & *Grausap* dicto, nonnihil habet. Terminos dioeceseos Hildeshemensis describit, ac geographice persequitur. In *præfatione* tamen nonnullis addit limam. Unwani, Archiepiscopi Hamburgenfis, genus, luce perfundit. Fridericus *Comes de Huxaria* videtur ei fuisse Fridericus, Comes Perremontanus. At diploma Widikindi Abbatis, *comitem*, id est iudicem de *Haxaria*, postponit dynastis ministerialibus, & *Thiderico comiti de Horhusen*, id est, officiato Corbeienfi, iudicium in Horhusen

exer-

exercenti. Est tamen ea res variis adhucdum dubiis, neque immerito, obnoxia. Horhusanos ministeriales, in tabulam genealogicam redactos, præterimus, ut & Fraternalitatem S. Viti. Villâ *Sipestorpæ* sita fuit in pago Derlingo, ante portam Helmstadii, quæ nostra quoque ætate appellatur *Seperthor*. Pagum Ammeri, dictum quoque *Angeri*, eiusque partem fuisse pagum *Leri*, *Leriga*, existimat. Marchiones Fræsiæ unquam extitisse, negat. De originibus gentis generosissimæ a *Ketelholdt* additur narratio Corbeiensis vetus, cum eius genealogia. Hisce argumentis subiunguntur diplomata, acta publica, & *Registrum Sarachonis*, quo villæ pagique Germaniæ ex ævo medio recensentur. Inserta iis adparet translatio reliquiarum S. *Perpetuæ*, quæ a. 1709. ex coenobio Mariævallenfi, ad Helmstadium sito, deportatæ fuerunt in Corbeia novæ sedem. Litteræ Ludovici Pii, Adriano II. a. 873. datæ, Caroli Crassi ad a. 882, Conradi I. ad a. 913, Henrici I. ad a. 922, Ottonis I. ad a. 936, Benedicti VII. ad a. 980, Henrici III. ad a. 1039, Lucii III. ad a. 1184, & Caroli V. ad a. 1521, Corbeiensia illustrant, & monogrammata habent adiuncta. Duo Ottonum diplomata ad monasterium *Schilsche* pertinent. Ottonis I. confirmatio ad a. 950. monasterium Angariense est referenda. Sequuntur diplomata Herifordensia XIII. Ad monasterium S. Laurentii Scheningense pertinent diplomata ducenta, hic ex autographis exhibita, in quibus litteræ Episcoporum Halberstadenfium, Paparum, Innocentii II, Alexandri III, Lucii III, Honorii III, Episcopi Merseburgensis Ekehardi ad a. 1235, nobilium Dominorum de Werberge, Assenburgiorum, Esbekiorum, Heimburgiorum, Archiepiscoporum Magdeburgensium, Ducum Brunsvicensium, militum de *Alvenslewe*, dynastarum de *Meinerfse*, militum de Werle, Ierscem, Hoyerstorp, Schlifstedde, de Steynbeke seu Steimke, Hadmersleben, de Veltheim, de Haldesleve, de Wobeke, Pii II. ad a. 1462, & Episcoporum quorundam Hildeneshemensium, leguntur. Adferuntur dein diplomata nonnulla Mindensia, ac complura Amelungesbornensia.

ſia. Indices, operi ſubieſti, diligentiam ſpirant haud mediocrem, & alphabetum, ut aiunt, explent. Errata ſub finem operis indicantur. Emendationes in *praefatione* exponuntur.

IO. NIC. FROBESII, MATH. AC PHILOS. IN Acad. cel. Car. Prof. P. O. hiſtorica & dogmatica ad matheſin introductio, qua ſuccincta Matheſeos hiſtoria, cum ceteris eiusdem praecognitis, nec non ſyſtematis mathematici delineatio, compendio Wolfiano accommodata, continentur.

Helmſt. 1750. 1 Alph. plag. 13. in 4.

Laudabili conatu, Auſtor, plurimis alijs ſcriptis dudum celebriſ, hiſtoriam matheſeos cum eius tractatione coniungit, cum nulla hiſtoriae litterariae pars incultior iaceat mathematica, quod plerumque, qui magni ſibi litteratores videntur, eas ſcientias, a quibus veteribus graecis doctrinae omnis initium fiebat, ne a limine quidem ſalutaverint. Itaque libri Sectio I. mathematicum praecognita, ſive de matheſeos natura, conſtitutione, atque ſatis, diſſertationem continet. Habes hic erudite collecta omnia, quaecunque apud veteres atque recentiores, de quantitatis ſcientia generatim, de obiecto eius, de methodo, uſu, iis etiam quae deſiderari in ea quidam poſſe iudicarunt, reperiuntur. Matheſeos vero hiſtoriam, quoad principes eius partes leviter, quidem ſaltim adumbrat, ſed ita, ut tum tironibus utilem miniſtret operam, tum proveſtioribus etiam gratam rem faciat, aliqua ſorte non omnibus nota hic reperturis. Promittit vero *acta mathematicorum*, actis philoſophorum celeb. Heumannii ſimilia, quibus non *Bibliographiam* ſaltim, ſed & ipſam *hiſtoriam mathematicam*, quaeque mirifice his utriſque inſerviunt, *pandectas mathematicas*, a Morhofio olim exoptatas, commodiſſime ſibi videtur conſecturus. Sed mors viri doctiſſ. (quam obiit A. MDCCCLVI) ſpem eam abſtulit. Neque vero opus eſſe arbitramur, ut oranem ſcripti ambitum percurramus: itaque quod primo ſorte nobis ſe obtulit, ſpecimen, de Aegyptiorum in matheſin meritis, recensetimus. Sunt vero haec, Frobefio quidem enumerante, quod 1. ſolis & lunae

lunæ conversiones, ad defectus indagandos, sollicitè investigare studuerunt: 2. Zodiacum, nec non universum coelum, quoad eius fieri potuit, exactissime, in XII. partes æquales divisērunt: 3. Veneris & Mercurii stellas, non terram, sed solem, circumire animadverterunt: 4. Solis diametrum apparentem, eius ad corpus telluris proportionem, planetarumque orbitas definire allaboraverunt: 5. Solis quiescentis, terræque motæ systema, forte probaverunt, quod Stanleius, hieroglyphico ex Kircheri Oedipo Aegyptiorum adducto, confirmat: 6. Forte etiam lentem punctorum cardinalium mundi, atque situs eclipticæ mutationem, deprehenderunt: 8) primi omnium anno solari usi sunt, & divinatoriis artibus strenue operam dederunt: denique 9. geometriam diligenter coluerunt. Hæc singula adductis veterum locis, doctè illustrantur.

Hic Sectionis I. gustus sufficiat. Sectio II. compendium mathematicum, tabellarum forma, quale & philosophicum Auctor olim dedit, exhibet, succinctum illud, & iis etiam, qui solidiore methodo usi, mathesin addidicerunt, ad repetitionem commode instituendam, non inutile futurum.

EXPERIENCES SUR L' ELECTRICITE' &c.

h. e.

EXPERIMENTA DE ELECTRICITATE, ADDITIS coniecturis de causa effectuum eius. Auctore IALLABERTO, Professore Philosophiæ experimentalis & matheos, Membro Societatum Regiarum Londinensis & Montisbeliardensis, Instituti item Bononiensis.

Parisiis, 1749. pagg. 379. Tab. æn. 3. in 8.

Cum multa sint in hoc libello, passim iam nota, de iis quidem nihil dicemus, quæ priora 7. capita continent, de electricitate, corporibusque quæ trita electrica fiunt, de attractione & repulsione electrica, de luce corporum quæ terendo electrica fiunt, de luce corporum communicatione ele-

Rrrr 3.

ctri-

Stricorum, de corporibus materiæ electricæ permeatilibus, & de Muschenbrockiano, quod vulgo dicitur, experimento, agentia. Ultimum præcipue magno cum successu ab Auctore agitatum, prolixè exponitur. Inter alia, cum ferventem aquam adhibuisset experimentator, impetu vis electricæ particulæ ex vasibus oblatae sunt, animalibusque mors illata est. Sed præcipue habet libellus experimenta in paralytico sumta, quorum summam exponemus. Fabrum clavicularium, *Nogues* dictum, 52. annorum, satisque delicatæ complexionis, auctor 26. Dec. 1747. adiit; cui paralyfis omnem in dextro brachio sensum ademerat, manus interior versus interius latus ossium brachii inferioris curvata erat, sine ullo motu pendens; pollex, index, auricularis digitus, velut adglutinati sibi, versus palmam manus curvabantur; medio, & anulari, exiguus motus supererat. Vix attollebat deprimebatve æger brachium, cuius anterior pars nec flecti, nec extendi poterat. Dextro etiam latere claudus, nonnisi baculo fultus, progrediebatur.

Cum hoc Muschenbrockianum experimentum, (*commotionem* vocat *Auctor*), instituit, paralyticam manum vasi alligavit, altera ut scintillam eliceret, iussit. Non quos hoc experimentum in se capientes plerumque experiuntur succussus, in diversis corporis partibus, æger sensit, sed unicum eundemque violentem ictum in humero dextro, quem puncturæ insequabantur. Brachium anterius cum examinaretur, lividum & exsiccatum erat, venis subcutaneis varicosis, atrophia ipsam quoque manum occupante, nisi quod digiti inflati erant. Aegro super picem posito, & fortiter electrico reddito, pollicem musculis ossa brachii anterioris tegentibus admovit Auctor, scintillasque vividas, cum motu convulsivo musculorum unde exhibant, & diversa pugni digitorum agitatione elicit: ut harum scintillarum ope, in manu paralytica motus, quorum alias capax non est, orirentur. Nam & excitatis e sani hominis manu scintillis, motus oriri involuntarios Auctor expertus est. Sed pungentem dolorem, quocum ex sana manu exeunt scintillæ, æger non percipiebat. Factus autem erat paralyticus Noqueius anno 1739. sub fin. Iunii, ex ictu perversæ

se applicato, dum vectem ferreum (*barre de fer*) sub malleo formaret. Post primas has operationes, æger d. 27. plus hora integra, calorem in brachio ægro, puncturasque adeo fortes, ut somnum interromperent, sensit. Continuavit igitur Auctor experimenta, ad scintillas fortiores excitandas usus virga ferrea, cuius caput musculo, ut elicerentur scintillæ, admovendum, spherica figura præditum erat, 14 vel 15. linearum diametro; in parte vero operationi subiicienda, super ignitabulo frictionem fricuravit. Quibus experimentis continuatis effectum est, ut 3. Ianuarii 1748. æger in brachio anteriori & manu, calorem ignis & scintillas, sed debiliter, sentiret, digitosque aliquos flecteret. Repetitis vicibus color lividus & macies brachii anterioris cesserunt; 15. Ian. pro lubitu tertiam pollicis phalangem flexit, 19. eundem extendit, & ab indice removit, eidemque admovit, 24. varios motus manu peregit, 26. phiolam aqua plenam circiter 2 librarum e mensa sustulit, pileum ex capite detraxit, sed difficilius, ob debilitatem pollicis, & 3 phalanges indicis, tenuit, 28. vitrum plenum ex tabula sustulit, orique admovit: deinde brachio color caroque accesserunt, digitos liberius movit, sellam 8 librarum pondere manu prehendit, & pendulam tenuit, & æquale pondus ex terra sublatum tenuit; 19 Februarii globum 4. digitor. diametro prehendit, extensoque carpi proiecit; 20. baculum plus 2 libas pendentem e terra sustulit, post pronavit carpum & supinavit. In hunc statum deducto ægro Auctor consuluit, ut manum acri rarius exponeret, ne refrigeratus sanguis, & impedita transpiratio, destruant electricitatis effectus. Duodecim diebus nullis operationibus subiectus, tamen adhuc salutares experimentorum effectus sensit. Hoc in statu erat æger, cum de eo hæc Auctor scriberet.

Et hæc nobis utilissima pars libri videtur. Sequuntur de causis phaenomenorum electricitatis coniecturæ, fluido cuiusdam elastico superstructæ, quas apud auctorem ipsum videntur qui hypothefibus delectantur. Adiecta est Dom. de Sauvages epistola, familia fere, de paralytico alio electricitatis ope curato, narrans.

OB-

OBSERVATIONS SUR LES ROMAINS,

i. c.

OBSERVATIONES DE ROMANIS, AUCTORE
Abbate de MABLY.

Genevæ, 1751. sumtibus societatis librariorum.

P. I. pl. 12½ P. II. pl. 13. in 12.

Annis decem ante, publicavit Auctor meditationes, ad historiam Romanam & Gallicam pertinentes, inscriptas: Parallèle des Romains & des François: Vidit deinceps, ab amicis subinde monitus, ipsam comparationem non omittere pauca, nonnulla sæpius repetere coegisse. Propterea igitur, utrumque vitium correcturus, duplex elaboravit opus, quorum hic altero donamur, polito quidem & laudabili. Argumentum illius, Taciti verbis exponit e L. I. hist.: *qualis status urbis, quæ mens exercituum, quis habitus provinciarum, quid in toto terrarum orbe validum, quid ægrum fuerit, ut non modo casus eventusque rerum, sed ratio etiam causæque noscantur.* Huius instituti tenax, & æmulus, alteram operis partem tribus libris comprehendit, totidem alteram. Agitur autem L. I. de Romanorum sub regibus imperio, de formatione perfectioneque publicæ rei, de principiis eam corruptentibus, ac destruentibus causis. L. II. de rebus Gracchorum, Marii, Syllæ, triumviratu primo, bello Cæsaris civili, triumviratu secundo, & Augusti potentia, qua rem omnem publicam subegit. L. III. de variis; nimirum, cur Imperatorum imperium ab alio pendere debeat nullo; de suprema potestate, quam exercitus adsectarunt, summa pariter imperia distribuentes, quamque demum amiserunt; de nova gubernationis forma, quam Diocletianus instituit. L. IV. de Romanorum ingenio disciplinaque militari; de bellis eorum contra populos Italiæ; quibus artibus utilitatem e victoriis suis perceperint; quo modo perpetuis bellis suffecerint; quantas in scientia militari progressiones fecerint Romani duces. L. V. de Carthagine; de Punicis bellis; de conditione rerum diversa, post bellum Punicum secundum; utriusque populi de prudentia

dentia civili; deque singularibus ad Antiochum pertinentibus: demum L. VI. de abusus potentiae Romanae; de avaritia Romanorum detestanda; quomodo praerogativas securitatis & magnitudinis amiserint; de imperii occidentalis occasu; deque debilitate ac ruinis orientalis imperii. Iungimus nunc loco speciminum, quaedam ad antiquitates & historias Romanas pertinentia. Tribuni, nec indicia magistratus externa, neque tribunal habebant; sedebant humiliter ad portam, quo senatus habebatur, loci, neque poterant ingredi, nisi consules advocarent; nihilo minus auctoritate valebant ubi quid plebi nocivum apud senatum agi iudicarent. Ut autem horum potestatem subinde ditiorum dona frangebant: ita populi Romani totius, orientis opes. Quoad enim egenos ipse vicinos subigebat, laude manebat dignissimus; cum Asia & Africa accessissent, utriusque vitia cum divitiis immigrarunt. Auctoritas Augusti suprema, cumulatim omnibus antiquae reipublicae muneribus, nascebatur. Imperator habebat summam in bello potestatem, iusque triumphi, princeps senatus, cum odio sum esset dictatoris nomen, & saepe consul, ad nutum suum, in re civili dirigebat omnia; censor sibi subiecerat mores: singulis sacerdotibus initiatus, in re sacra nihil non efficiebat: tribunus denique plebis personam habebat sanctam, & haud violandam. Neque vero sufficiebat ea potestas, quam, ut minister legum habuisset Imperator, obtinere propriam debebat, nec a magistratu multiplici pendentem. Inde statuebatur, ut Augustus, eo pariter tempore, quo non gereret consulatum, duodecim lictores haberet; inter duos consules medius sederet; senatum extra ordinem convocaret; foedus, quibuscum voluerit, faceret; nullis legibus teneretur; & huiusmodi. Tanto magis admiratione dignum est, efficere quaelibet valentem Augustum, ea fuisse moderatione, nil ut vellet, praeter æquum & iustum. At succedebant, quos vividius describit noster, omnia pervertentes tyranni, sibi quoque pariter & aliis perniciosi. Tiberius quippe, propter timiditatem, imperatorum fortunam minus firmabat; Caligula vero, & Claudius, monstra humana fuere, stupida & furibunda. Galba fuit in im-

perio quod in re publica Sulla. Prior ostenderat Romanis, quod non amplius esse liberi mererentur, contagiosum tyrannidis exemplum promens: posterior aliis viam aperuit, de solo principes deturbandi, & exercitus reddidit audaciores. Otho prodigus, avarus, ambitiosus, audax, criminosus, per cohortem prætorianam factus est Imperator. Sed Vespasianus, sapientia sua, plurima nascentia mala suffocavit: non effudit sanguinem, rationes potius domesticas emendans; senatum honoravit, resuscitavit leges, in officio continuit exercitus. Delatores Roma deturbavit Titus. Omnia verò corruptit iterum Domitianus. Nerva, Traianus, Antoninus, Marcus Aurelius, persuasi fuere, leges esse supra principem, quibus qui non obediat, imperio sit indignus. At successores in varios iterum errores inciderunt, partim exercitus servi, partim imperii divisoires, quod ad finem usque prioris partis confirmatur. De posteriore, quæ summam diximus, sufficiant.

MARTYROLOGII ROMANI. GREGORII XIII. iussu editi, Urbani VIII. & Clementis X auctoritate recogniti, nova editio, a Benedicto XIV, Pontifice Maximo, aucta & castigata. iuxta exemplar Romæ impressum.

Coloniæ Agrippinæ, 1751. In typographia Ioann. Wilhelmi Krakamp, & heredum Christiani Simonis,
3 Alph. 6½ plagg. 4.

In hac editione nonnulla Sanctorum nomina, in præteritis editionibus omissa, suppleuntur: alia item Sanctorum & Beatorum nomina ab integro addita adparent. Præmissæ sunt *Benedicti XIV. P. M. litteræ apostolicæ, de nova martyrologii Romani editione, ad Ioannem V, Portugalliae & Algarbiorum Regem illustrem.* Eas qui perlegerit, de martyrologio Romano, eiusque hac editione nova, genuinam animo informabit notionem. Decerpemus inde potiora, lectoribus nostris usui futura. Mandaverat Ioannes V. Rex, Emanueli Percyra de Sampaio, Commendatori militiæ Domini Iesu Christi,

Christi, ut martyrologium istud Romæ formis publicis curaret describendum, præeunte viro ecclesiastico, & probò, & perito, ac curam moderante. Ea occasione Pontifex usus, & gavisus est oblata, e re ratus fore publica, si ad opus perficiendum ipse horis subsceivis se accingeret. Nec operam illam aliter collocavit, ac propositi ratio suadebat. Editionem Patavinam adhibuit, ad supervacanea refecanda, & ea quæ in Martyrol. deficerent, superaddenda festinans, licet Pontificum trium priorum, qui in hoc clivo sudarunt, editionibus nihil auctoritatis detraheret. Elogia, quæ sanctis adduntur, a Cardinalium, sacris ritibus iudicandis delectorum, *Congregatione* examinabantur, ac probabantur, indiga posthæc confirmationis, a Summo Pontifice expectandæ. In Martyrologio occurrebant elogia, quæ nimiam involvebant prolixitatem. In hac editione eiusmodi elogia verbosa in breviorum sermonem contracta sunt, ita tamen, ut integra servata fuerit sententia. Possunt in posterum quoque nomina sanctorum inferi Martyrologio, dummodo id rite & ex ordine regularum, a sede Pontificia præscriptarum, fiat. Omissa sunt in nonnullis editionibus Sanctorum recens adprobatorum nomina, eo quod Editores reformidabant acta illius *Congregationis* adire, decreta colligere, iisque ad novam nominum accessionem prudenter uti. Sic post Clementem VIII. res cecidit, licet, urgente Cardinale Baronio, decrevisset illa, ut Martyrum aliorum nomina simul cum elogiis inscriberentur Martyrologii Romani imposterum tabulis. Consuluit etiam summus Pontifex editionem, Venetiis 1745. typis publicis expressam. Desunt ei nomina quædam, posthæc in album sanctorum Romæ relata. Addidit igitur Pontifex ad 16. Febr. *Gregorium X.*, ad 27. Apr. *beatam Zittam*, ad 10. Maii b. *Nicolaum Albergatum*, ad 24. b. *Ioannem de Prado*, ad 1 Iun. *Sanctum Emeconem Abbatem*, ad 7 Iul. *Benedictum XI.*, ad 20 Dec. *Dominicum de Sylor*, ordinis Benedictini Abbatem. Beatorum seu *beatificatorum* nomina non solent inferri in Sanctorum Martyrologii numerum, siquidem decreta *Congregationis* conatui illi repugnant. Romani tamen Pontifices, & ipse Benedictus XIV. aliquot beatorum Marty-

rum nomina huic Martyrologio intulerunt, ubi de eorum martyrio, miraculis, & cultu, aliquibus ecclesiis ac dioecibus permisso, constitit fides. Tandem ad *Confessores* sanctos, & virgines, ea dignitas, qua in Martyrologio scripti sunt, processit. Inserti sunt ex integro huic editioni martyres nonnulli, ad 5. Febr. *viginti sex Martyres Japonenses*, ad 9 Jul. XIX. *Martyres Gorcumenses*, ad 17 Sept. b. *Petrus de Arbucis*, ad 12. Nov. b. *Iosephus Archiepiscopus Polocensis*. Indicavit Summus Pontifex loca operis sui magni de *Servorum Dei beatificatione & beatorum Canonizatione*, quibus de sanctis ac Martyribus fuerit a se ex professo actum. Inter eos, quorum nomina Romano Martyrologio consignanda sunt, præcipuo quodam iure locum sibi vindicant sancti, de quorum canonizatione exstant apostolica litteræ, plumbeo signo munitæ. Nonnumquam hic editiones Martyrologii istius deficiunt universæ, quæ hanc novam præcesserunt. Causa huius rei præsto est gemina: una, quæ obscuritatis est filia; altera, quæ ex recentioribus canonizationibus quorundam eruta fuit. Gregorii XIII. ætate multa Paparum decreta in scriptis passim latuerunt, quæ postea demum in lucem fuerunt protracta, ad beatorum relationem in Martyrologium pertinentia. In editionibus Martyrologii huius certe Sancti illi haud exhiberi potuere, qui postea demum fuerunt canonizati. Utrique incommodo mederi voluit Pontifex maximus, hac recentissima editione. Ipse sanctorum nomina, de quibus, ut ait, Apostolica litteræ loquuntur, quæ latebant ad nostra fere tempora, & quæ novissime in canonem sanctorum relata sunt, eruit, ac describi, suoque loco in Martyrologium inferi curavit. Additur eapropter ad 10. Jan. *Sancti Wilhelmi Archiepisc. Bituricensis* nomen, quem Honorius III. a. 1218. Sanctorum Albo adnumeraverat. Prodit ad 19. Jan. *S. Wulstanus, Episcopus Vigorniensis*, a. 1203. ab Innocentio III. factis sanctorum adscriptus; nec non ad 4 Febr. *Iosephus a Leonissa*, a Benedicto XIV. canonizatus; porro ad 13. Febr. *Catharina de Riccis*, ab Eodem ad idem fastigium evecta; ad 17. Apr. *Robertus Abbas Casae Dei*, a Clemente VI. censui sancto-

sanctorum adscriptus; ad 4. Maii *Godehardus Episcopus Hildenesheimensis*, ab Innocentio II. canonizatus; porro ad 13. Maii *Petrus Regalatus*, a Benedicto XIV. id honoris indeptus; ad 2. Iun. *Nicolaus Peregrinus Tranenſis*, ab Urbano II. eveſtus; ad 8. Iun. *Wilhelmus Archiep. Eboracenſis*, ab Honorio III. Sanctus declaratus; ad 16. Iun. *Ioannes Franciscus Rex*, a Clemente XII. inter coelites missus; ad Kal. Iul. *Theobaldus Eremita*, ab Alexandro III. sanctorum coetui adnumeratus; ad 14. Iul. *Comillus de Lellis*, a Benedicto XIV. canonizatus; ad 24. Iul. *Franciscus Solanus*; ad 15. Aug. *Stanislaus Kofka*, qui Benedicto XIII. dignitatem eam debet; ad 16 Oct. *Berwardus Episcopus Hildesheimensis*, a Coelestino III. in album Sanctorum relatus; ad 27. Nov. *Virgilius Episc. Salisburgenſis*, a Benedicto XIII. ad illam dignitatem promotus; ad 17. Dec. *Sturmius Abbas Fuldenſis*, ab Innocentio II. canonizatus. Nomina autem eorum duntaxat modo recens superaddita sunt, de quorum solemnī canonizatione nulla suboriri potest dubitatio; reliquis tantisper omiſſis. Fama per urbem vulgante, nova adscribi in Martyrologium nomina, multorum studia fuerunt excitata, ut scribendis lucubrationibus admoverent manus. Preces additæ, ut quamplurima Sanctorum nomina in novum hunc Codicem congererentur, quamvis de illorum inter sanctos relatione nullum probatæ fidei suppeteret monumentum. Quo argumentorum genere ea attingitur controversiæ pars, quæ dicitur *de casu excepto* a decretis Urbani VIII. Petitiones postulatum reiectæ, ob rationes sat graves. Omisſa igitur sunt eorum nomina, quorum cultum *immemorabilem* sacra rituum *Congregatio* probavit, ne Martyrologium Romanum, tot auctum nominibus, in maximum excreſcat volumen. Idem iam sensisse visus est Baronius, in notis manuscriptis ad novam ætate sua Martyrologii Romani editionem, quæ nunc perſuſtratæ sunt. Scrutati sunt, & diligenter verſarunt viri Romæ doctissimi, Acta Sanctorum Bollandiana, Mabillonii, alia; rati, in Martyrologium inferenda esse nomina sanctorum omnium, qui veteri more, antequam sedes Romana causas beatificationum & canonizationum sibi soli cognoscendas & definiendas

reservasset, pro sanctis fuissent habiti. At eorum votis haud respondit decisio, nimirum, tritam & receptam semitam non turbendam esse. Urserunt nonnulli leviores Martyrologii correctiones. Ad 4. Dec. diem voluerunt referri nomen Clementis Alexandrini. Excussit itaque vitam Clementis Pontifex, ut intelligeretur, quo iure is fuerit maneatque extra Sanctorum censum, licet in Martyrologio Usuardi ad 4 Dec. legatur memoria *sancti Clementis*, siquidem nonnihil passim erravit, & merita eius non sunt tanti facienda, ut ideo sanctis adnumeretur. De erroribus enim quibusdam semper manet suspensus. Sunt tamen nomina doctorum in martyrologio Romano, qui æque doctrinas haud ubique dederunt intemeratas. Verum respondet summus Pontifex, hos fuisse lapsos, quum catholica doctrina nondum supremo Apostolicæ sedis iudicio esset definita; at Clementem errasse in doctrinis, ipsius ætate iam definitis. Nomen *Sancti*, olim Christianis commune, inditum Clementi ab Alexandro Episcopo Hierosolymitano, sanctitatem canonizationi congruentem haud complectitur. Unius Usuardi auctoritas non est tanti, ut inde non liceat aliquando recedere. Multa Martyrologia Clementis plane non meminerunt. Ad illius ætatem omnia ipsum ignorant. Usuardus igitur eum primus intexuit. Adonis martyrologium, a Rosweyda descriptum, caret nomine Clementis. Hæc ad controversiam de Clemente. Succedit ei alia de *Severo Sulpitio*, Martini discipulo. Martyrologii correctores sub Gregorio XIII. hoc elogium eius ad 29. Ian. habent: *Apud Bituricas sancti Sulpitii Severi Episcopi, discipuli Sancti Martini, virtutibus & eruditione conspicui.* Editores eiusdem Martyrologii sub Urbano VIII. illud *discipuli Sancti Martini* prætermiserunt, quod quippe innititur additionibus, a Molano ad Usuardum factis. Sulpitium illum, S. Martini discipulum, erroribus Pelagianorum adhæsisse, & in suis Dialogis errores millenariorum fuisse secutum, constat. Decreto Gelasiano *Galli apocrypha* reiciuntur, nempe Sulpitii Severi. Gennadius, sæculi V. scriptor, ad Pelagianos eum accessisse, docet. Cum vero Episcopus Bituricensium, Sulpitius, a Martini

Martini discipulo sit diversus, correctio, mandante Urbano VIII. facta, in nova hac editione haud fuit mutata. Sulpitius certe, discipulus Martini, a Gennadio dicitur presbyter, non Episcopus. Correctio hæc in celeberrima congregatione 1628, 27. Ian. caute fuit instituta, ac meditata. In Romano Martyrologio nomen Theodori Episcopi Romani taceatur, licet eius mentio in gemino Martyrologio Florentino occurrat; quia id in veteribus probatisque Martyrologiis haud legebatur. Siricii, Episcopi Romani, antea in Martyrologium Romanum haud relati, causam orarunt egregii eius vindices. Nomen eius in aliis vetustis probataque fidei martyrologiis legitur. Sanctitati eiusdem adplausit Valentinianus Imperator. Emendavit Siricius clericorum mores, in variis orbis terrarum partibus. Coelibatus legem clericis indixit, ac poenis in violatores constitutis, stabilivit. Hinc etiam sanctitas eius solet colligi. Siricio tribuitur ardentissimum pietatis studium, odium in hæreticos, præcipue vero Manichæos, aliarumque virtutum splendor. Vitio tamen alii ipsi nonnihil verterunt. Abstergit & diluit illa summus Pontifex, quæ memoriam Siricii apud nonnullos obnubilarant, consulens æque Hieronymi famæ, qui in Siricium visus fuit infensor. Oblectat Pontifex lectores, copiosa de Siricio commentatione, quæ recludit multa, ad Hieronymum, Iovianum, Rufinum spectantia, nec non ea, quæ ad Paulinum sunt referenda. Origenistarum errores, Siricio superstite, delituisse, arbitratur: licet Baronio visum fuerit, eos Siricio fuisse perspectos. Hieronymi testimonium Pontificis sententiam confirmat. Laudat Cardinalis Norisii consensum, & Pagii iudicio sese communit. Causa Siricii examinata longe lateque, nomen eius in hoc Martyrologium intulit, pro more in sede Romana consueto, Epistolam & decretum dedit Pontifex a. 1748. 1. Iulii. Succedit in hac editione, ut antea, Cæsaris Baronii *Tractatio de Martyrologio Romano*, qua Martyrologiorum initia & progressus exponuntur, historiæ sanctorum ab hæreticis conscriptæ indicantur ac diiudicantur, de Actis sanctorum Martyrum perditis commentatio exhibetur, de antiquo Martyrum cultu

cultu differitur, deprimis Martyrologiorum scriptoribus, Eu-
 febio, Hieronymo, agitur, fides epistolis Chromatii, Helio-
 dori, & Hieronymi nomine scriptis, adimitur, de antiquo
 Martyrologio Romano tractatur, itemque de ceteris antiquis
 Martyrologiis, nec non de pseudomartyrologiis nonni-
 hil adiungitur. Sequitur illa porro eorum, quæ in Martyro-
 logio Romano ad pronuntiationem Lunæ pertinent, explicatio,
 passim tabulis superstructa. Subiecta sunt Martyrologio Ro-
 mano, Martyrologia Ordinum sacrorum singularia, ac in-
 dex diligentissime elucubratus, ad dies mensium compositus.
 Beatos nos, qui, pro sincero religionis instituto, hac sancto-
 rum dubia progenie, his martyrologiorum tricis, recte & li-
 beñter caremus.

STORIA CRITICA DELLE VITE DEGLI ERESIARCHI
 del primo secolo della Chiesa,

i. e.

*HISTORIA CRITICA DE VITIS HÆRESIAR-
 charum seculi christiani primi, scripta a CAIETANO
 MARIA TRAVASA, Clerico re-
 gulari Teatino.*

Venetiis, apud Franciscum Pitteri. Cum licentia Superiorum,
 I Alph. 15. pl. 1752. 8.

Opus, lucernam olens, diligentiamque haud vulgarem,
 Auctor Ven. Iacobo, Episcopo Bellunenfi & Co-
 miti, consecravit, viro, qui a. 1699. natus, a. 1739.
 ex Clericis regularibus ad Ripanam Ecclesiam assumptus, & a.
 1747. ad Bellunensem moderandam translatus fuit, olim
 philosophicarum disciplinarum alumnis Ruslis tradendarum
 doctori, in Leopoldi collegio Pontificio, urbe Russiæ ru-
 bræ primaria, ac posthæc Genuæ theologicis institutio-
 nibus præfecto. Noster autem haud temere ad hæresiarchas ævi
 apostolici animum calamumque adpulit. In Simonis enim
 Magi, eiusque similium compage doctrinarum, itineribus, in-
 stitutionum modulis, tot adhuc supersunt obscuriora, ut id
 satis

fatis significari haud posset, licet summa ingenia in eis ordine digerendis atque exponendis defudaverint. Labori utique difficillimo se addixit Auctor. Tabulae enim vix quaedam naufragiorum, e voluminibus scriptorum seculi primi, interitum evaserunt. Scripta haereticorum iam saeculis IV & V. flammis fuerunt tradita Imperatorum iussu. Quae inveniri adhuc potuerunt e prima ac apostolica aetate monumenta, litteris mandata, ea gnaviter collecta sunt a Stephano le Moyne in *Variis sacris*, in Thomae Ittigii nostri *Bibliotheca apostolica*, & in Ioannis Bapt. Cotelerii *Bibliotheca Patrum Apostolicorum*, cui Ioannes Clericus nonnihil accessionum adiecit. An primis ecclesiae christianae seculis iam floruerint christiani eruditi, an omnes imperiti fuerint, dudum fuit quaesitum. Adtigit & expendit hanc quaestionem Thom. Maria Mainachius, *Originum & Antiquitatum Ecclesiasticarum* T. II, p. 473, Romae 1750. evulgato. Nisi multa primorum christianae disciplinae auctorum scripta perisissent, quaestionem illam illustrare minus foret arduum. Pauca sane testimonia e seculis primis restant de primorum haereticarum vita & doctrinis. Thomas ergo Ittigius satis solide iudicavit, *opus accuratum de haereticis, praecipue antiquis, desiderari*. Promiserunt eiusmodi opus Henricus Dodwellus, Iacobus Basnage, ecclesiastes Amstelodamensis van der Vald, ac Boninus Italus, irrito eventum. Ioannes Vogt, Thomas Ittigius, Guilielmus Caveus, & Ioannes Laurentius a Mosheim praestiterunt in hoc studio egregia, nec tamen id penitus decurrere valuerunt. Ex iisdem fontibus Noster sitim restinxit; in id vero inprimis fuit intentus, ut iungeret sic momenta narrationis, ne inde rudera, sed ut potius aedificia iugati ordinis, existerent. Quid humeri eius ferre valeant, ex scripta ab eo *Vita Aarii*, satis elucet. Usu destitui ipsius tractationem, nemo contenderit. Caveus iam notitiam, de haereticis parandam, credidit esse partem historiae ecclesiasticae atque antiquitatum ecclesiasticarum non inutilem. Praedicavit usum eundem, immo specialiorem, in virtutis amore & horrore vitiis positum Lucas Holstenius in *Vita Porphyrii*, hominis iniquissimi. Agnovit eundem Fridericus Strunzius in Praef. ad *Historiam Bardeanislarum*, Vitebergae 1710. publicatam. Agnovit eum

Tttt

iam

iam Theodoretus in *Præfat. ad Haereticas fabular.* Indoli ingenue Auctoris id ducendum est laudi, quod navos, si quos forte in abstrusissimo argumento admiserit, sese emendaturum spondet, innitens exemplis laudatissimis P. D. Huetii, Henrici Norisii Cardinalis, Michaelis le Quien, Iusti Fontanini, Dan. Papebrochii, Lud. Ant. Muratorii, Domini- ci Georgii, ac aliorum, quos merita ac fama illustrarunt. Ac propterea haud ægre feret eos, qui ea in ipsius scriptis nota- turi sunt, quæ obelum merentur. Ubi certa non licuit re- sciscere vel exquirere, coniecturis dedit locum, exempla viro- rum doctissimorum imitatus. Protestantium scripta sedulo versavit. Apocrypha antiquæ mediæque ætatis consuluit. Ex variis quisquiliis aurum, ex apocryphis veritatem, expiscari haud omisit, alienus ab eorum opinione, qui nullam veri- tatem & eruditionem esse in hæreticis, sibi persuadent, a quo- rum sententia ipse summus Ecclesiæ Romanæ Præsul Benedi- ctus XIV. dudum discessit. Catalogum præcipuorum aucto- rum, in opere ipso testium, præmisit Auctor tractationi, nec ab eo exclusit scriptores heterodoxos. Subsistit in anno 1738. ac Francisco Bruys, Gallo, qui eo anno diem obiit supremum. Quam vellemus addidisset editiones librorum, quos ipse adhibuit elaborationi. Huic vero postea postulato succurrit in opere ipso, ad marginem significans, quamam editione usus fuerit. Pro *Areclam* p. 77. legendum est *Anclam*, Ioannis Francisci Buddei in Pomerania citeriori patria. Tractatio Auctoris ipsa complectitur vitam & errores Simonis Magi, Menandri, Cerinthi, & Ebionis, Tomo hoc primo. Simo- nis Magi historia, cui eius effigies est præmissa, capitibus XX. pertractatur. Patriam eius, natalem, parentes & magi- stros recenset. Tum vero iter illius, aggregatio ad Christianos, principatus Samariæ per impietatem, Helenæ contubernium, errores, nomen primi huius hæresiarchæ, iter Romam susce- ptum, honores ibi in eum collati, & statuae erectio, repugnantia Petri ibidem, discessus inde, reditus & mors misera ex casu præ- cipitii acrei, scripta, consuetudines ac discipuli, heic veniunt in censum. Patria *Gitton*, vicus Samariæ, tribuitur ab Epi- phanio Simoni. Locus, alias ignotus, videtur ex *Mgiddo* fa-

Ælus

Etus. Iustinus Martyr, ipse Samaria ortus, natalem illum Simonis haud aliter designat. Desseunt alii ad *Cytion*, Cypri urbem, quos haud sectandos existimat *Travaça*, secutus potius Iustinum, Eusebium, Epiphanium, Anastasium Sinaitam, Tertullianum, Hilarium, Philastrium, aliosque. Iosephus *Ant.* XX, 9, Simonem Iudæum quemdam, *Cittii* in Cypro natum, habet. Ab hoc autem oportet distinguatur Simon Samarita. Magiam uterque sane eorum professus est. Imperante iam Tiberio se adparuisse in filii Dei persona, iactavit Simon, teste Augustino. Inde colligi non potest, ipsum primo Tiberii imperatoris anno, seu Iesu nati 14, natum fuisse. Illud tempore Tiberii, quod vulgo apud Augustinum legitur, scriptoribus antiquioribus est incompertum. Annus Simonis natalitius manet proinde incertus. In Clementis *Recognit.* L, II. n. 71. p. 506. parentes Simonis vocantur *Antignus & Rachel*. Recognitiones has nemo facile, præter Gothofredum Arnoldum, pro genuinis ac Clementi Romano tribuendis habet. Earum tamen Auctor seculo iam II. vixisse existimandus est. In eis dicitur sic se iactasse Simon: *Mater mea adhuc virgo concepit me.* Hoc eo minus est incredibile, quod de eodem refert Augustinus: *dicebat se esse Christum.* Magistros quibus usus fuerit Simon, ignoramus. Philosophiæ Platoniciæ ipsum se initio dedisse, suspicantur multi. Nec tamen illi fuerunt *Magi* dicti, qui philosophiam Platoniciam sectabantur. Magi suas fecerant Zoroastris, & sectatorum magiæ Zoroastris, opiniones ac artificia quædam. An Simon græca dediderit, dubitant nonnulli. Auctor *Recognitionum* id adfirmat, ac Simoni inusitatum iactantiæ studium, atque in magia exercitationem, adscribit. *Recognitiones* illæ, Simonem Magum philosophiæ studia continuasse inter Aegyptios in Alexandria Urbem, tradunt. In hac tunc *magiam* fuisse excultam, *artem diabolicam*, contendit Auctor. De *Samaria* urbe ut repetamus quicquam, super *vacaneum* videtur. Eo rediisse fertur Simon, ingenio ac cloquentia ventosa omnino abundans. Si fata eum in secula receritissima servassent: maior sane adparuisset vel in cathedra vel ad clavum rei publicæ, quam Seculo suo. Ipsum fuisse *veneficum* &

praestigiatorum, saeculo IV. iam coeperunt Patres memorare, ignari magiæ, quam philosophi orientales profitebantur. Miracula certe Simon haud edere potuit. Qui potentiam diaboli ipsi adiungunt adiutricem, illi notionem *magi* haud tenent, huic ævo eiusque philosophiæ congruentem. Illos, qui vocantur a Mose *Mchassephim*, Aegyptiorum magos, restituisse Mose novimus. At ipsos ullum edidisse miraculum, Moses negavit. Ipsi nihil eorum effecerunt, quæ Moses per vim divinam perfecit coram Pharaone. Vertitur hoc loco in genuina verborum Mosis interpretatione omnis cardo. Aegyptii postea voluerunt videri homines ii, quorum maiores miracula ediderint, Mosis haud disparia facinoribus. Ex ea fama, in LXX traducta, & ab aliis interpretibus adoptata, increbuit illa de ingente maiorum Aegyptiorum efficacia, ac de infinita pæne caecodæmonum vi, in prodigiis excitandis exercitissimorum, ultra omnem ingenii nostri mensuram. Tribuerunt Magi tum Persarum, tum Aegyptiorum, multum principiis duobus contrariis, ac angelis seu adiutoribus atque ministris utriusque partis plerumque adspectabilibus. Morbis ac miseriis crediderunt malos praesidere spiritus, qui a Magis odoribus, verborum barbarorum cantionibus adhibitis, adiurationibus, ligationum caerimoniis, possint arceri vel impediri. Id ipsum Plotinus testatur. Hinc sequitur, Magos fuisse medicos magnifica vanitate, remediis tamen aliis non neglectis, ventis fumisque vendendis adsuetos. Quo ipso videmur intelligere, Simonem Magum in eo fuisse, ut ostentaret gloriose artes edendi miracula, miraculis Iesu æqualia. Ipse sibi persuaserat, thaumaturgiam Iesu & Apostolorum in artibus quibusdam sitam esse, ac emi posse. Ut eam pretio sibi compararet, se interventu suscepti baptismi apostolis adgregavit. Unde planum fit, antea haud fecisse ipsum prodigia, quodammodo miraculis Iesu & apostolorum æqualia. Simonem a Philippo, non Apostolo, sed Diacono, fuisse baptizatum, egregie Noster adversus dissentientes evincit. At num credidit Simon Philippo? Lucas se memoravit. Stapleton & Beermannus, Theologus Ienensis, verba Lucæ, *tunc Simon Et ipse credidit*, inter-

inter-

interpretati sunt ad hunc modum: *visus est credere, simulavit fidem*. Refellit Auctor merito hanc sententiam, licet haud neget, Simonis fidem fuisse nec consummatam penitus, nec constantem. Annus, quo baptizatus fuit, varie definitur. Probabiliora sequuntur, qui annum I. C. 34. ponunt. Eusebii chronologia Paulina, quam D. Holmius, Prof. Theol. Hafniensis, denuo edidit ac exposuit, huic sententiae favet. Helenam addit Noster Simoni contubernalem, licet Isaacus de Beaufobre eam ipsi subducere conatus fuerit, sed adversatus Irenæo, Epiphanio, Cyrillo Hierosolymitano, Theodoro & ipsi Tertulliano; atque *Homilias Clementinas* fabulis plenae potius sectatus, quas fidei Patrum quemquam, opponere, videtur omnino iniquum. Solet etiam Ioannes Clericus naves insulos hæreticorum primorum respicere, eo quod ipsos sibi videri incredibiles fatetur. Utrumque refellit Noster. Beaufobrio visum fuit, Selenen, seu Helenam Simonis, sensu mystico fuisse eius animam, symbolico *Lunæ* vocabulo adfectam. Nulli Patrum placuit hæc interpretationis ratio. Hi potius Helenam sensu plano ac historico describunt. Hoc relicto, omnis historia fluctuat & incerta est. Errores Simonis noster indicavit hosce, Irenæum & alios in eo secutus. Simon 1) sibi vindicatum ivit nomina Patris, Filii & Spiritus sancti, quorum munia in diversis exercuerit regionibus 2) Ab insanis simulacrorum cultoribus voluit per intagines *Iovis coli*, de quo Gothofr. Arnoldus dubitavit, ac factum fuisse negavit. Perhibuit Simon, se esse supremam vim ac virtutem, ac 3) se venisse ex coelo ad liberandos homines, in se ac Helenam suam fiducia plenos. Ipsius vita ac theologia moralis 4) omnibus vitis nefandis aditum patefecit. Annus, quo Simon nugas suas divulgare coepit, non constitutus est idem ab omnibus: hinc *Travassa* variorum opiniones sub examen revocat, ac iter, a Simone Romam susceptum, ad sensu veterum firmare contendit, licet recentiores de anno haud consentiant. Nullum facile scriptorem prætermittit Noster, quide Simone commentatus fuerit. Romæ Simonem professione sua magica multos decepsisse, ac honorem ei ideo fuisse

habitu multiplicem, Eusebius ac Theodoretus testantur. Ioannes Clericus, nonnihil huic narrationi obmoliturus, Nostro dignus videtur, qui refellatur. Iustinus *Apol. I.* narrat, Simoni Romæ statuam fuisse positam cum inscriptione, *Simoni Deo sancto*. Legerat eam ipse Iustinus. Huius itaque fidem Noster opere vindicandam sumit. Nec negat, Simonem Petrum venisse Romam, ad illum Simonem Magum refellendum ac prosternendum, ratus, Petrum tunc transfuisse sedem suam Romam ex Antiochia Urbe. De anno variant scriptores. Adventum alii prorsus in dubium vocant. Cathedram eiusque translationem haud una notione excipiunt scriptores. Eos, qui ab Auctore dissident, ipse recenset, & argumentis pervincere laborat. Addit idem, Petro vix adveniente, Romam deseruisse Simonem Magum, Petrum vero paullo post Hierosolymam petuisse. Ad Eusebium *Hist. Eccl. II. 13.* hoc loco confugiunt universi. Discessum Petri in annum 44. reiicit Noster, causam addens, Claudium tunc Roma pepulisse Iudæos, quorum nomine ea ætate etiam Christiani comprehensi fuerint. Simonem ex Oriente Romam rediisse anno Iesu nati 55, docet. *Recognitiones Clementinæ* alique libri apocryphi, artes magicas, a Simone tunc exercitatas, persequuntur. Has Petrus dicitur anno 65. enervasse. Cyrillus Hierosolymitanus tradit, Simonem prænuntiasse suam in coelum adscensionem, eamque *spectantibus omnibus Romanis*, teste Theodoro, tentavit perficere. A Petro precibus Simonem iam per æra subvolantem fuisse retractum, aiunt, quibus accedit Noster, Arnobius & Ambrosius. Momenta rei haud eadem ratione narrantur. Relapsus Simon interiit e vestigio iuxta pedes Apostoli. Ariciam corpus Simonis diffractum fuisse delatum, vulgo relatum legitur. Volatum ac lapsum Simonis copiose edisserit ac corroborare studet Noster, ad annum 57. feralem eventum referens. Theodoreti fides hoc loco est instar omnium. Ei adiungit Auctor Arnobium, Epiphanium, Tatianum, Ambrosium & Philastrium, aliosque recentiores. Quæritur, qui fieri poterit, ut Romanorum scriptores prodigiosum illum in æra volatum hominis haud meminerint. Respondet Noster ad questionem

sionem pro viribus, non negans, Iustinum ac Irenæum hoc loco tacere, nec ante Arnobium a quoquam illud prodigium fuisse narratum. Tribuuntur Simoni scripta *Constitut. Apostol. VI. 16*, quibus ipse nomina Iesu Christi ac Apostolorum præfixerit. E scriptis Simonianis nonnihil repetivit Hieronymus in comment. ad Matth. XXIV. *Volumina* ei adtribuit Hieronymus. Mirum est, tacere de scriptis Iustinum, Irenæum, Epiphanium: ac nonnullis videri Hieronymum per apocrypha deceptum. Manet tamen historice certum, a Simone conscriptos fuisse libros, licet, an ex eis aliquid supersit, nondum fuerit prorsus definitum. An ad Simonis ac Simoniacorum doctrinam Apostoli Iesu in *Epistolis* ita respuerint, ut eam iusserint vitari, vel refellerint, multis videtur certum, pluribus incertum: ad quos nos quoque accedimus. Quæstionem Auctor, quippe arduam, extricare recusavit. Moribus nefandis Simonem fuisse insignem, artem magicam profectum esse, impunitatibus delectatum, veteres tradunt. Erat enim sectator philosophiæ orientalis seu magicæ. Ex hoc fonte tamen Auctoreius flagitiosam vitam haud repetivit. Simonianorum adhuc sæculo IV. exstitisse progeniem, Eusebius tradidit, Origenes eos a. 249, in Palæstina & alibi superfuisse, contra *Celsum* docuit. Errores Simonianorum nemini satis innotuisse videntur, siquidem eorum summam nec Auctor nec alii dederunt. Simonis discipulus præcipuus fuit Menander Samaritanus, natus in castello *Capparazia*, quod Theodoretus appellat *Cabrai*. Situs loci obscurus. Irenæo teste, & ipse ad *summum magiæ peruenit*. Obiter de Centuriatoribus Magdeburgicis Auctor disserit. Menander ætate Vespasianorum videtur errores sparsisse, Simoni consentaneos, licet sua dogmata admisceret. Hermannum ab Elswich Noster appellat *Ermano Abelsuik*. Menander se iactavit primæ ac supremæ virtutis ministrum, & redemptorem hominum. Doctrinis suis homines baptismo iniitavit, promittens illis immortalitatem, quos nomine suo baptizaverat, si Ioanni Clerico accedimus, veteres secuto. Cum Simone in eo consensit, quod, mundum ab angelis creatum fuisse, docuit. Quantum distiterint ab invicem Simoniani & Menandriani, non constat, Horum nonnulli, Iust. Mart. æta-
te,

te, Menandrum Simone maiorem prædicarunt. Illum in ecclesia christiana suos divulgasse errores; alii negant, alii cum Nostro adfirmant. In Syria itemque Antiochiæ cum fuisse versatum, inficiandum non est. Ibi magicas artes venditavit, illudens multis. Quó anno obierit, non satis liquet. Secta eius sæculo II. intercidit. Nihil scripti restat, a Menandro eiusve discipulis profectum. Cerinthus, æque vocatus Merinthus, *laqueo* scilicet suffocandus, ubi & quando fuerit natus, ignoramus. Sæculo certe primo vixit. An Ioannes Evangelista eum refellerit, in utramque partem disputatur. Cerinthus in Aegypto ad philosophiam incubuit, certe non unius sectæ antiquæ propriam, circa annum Iesu 34, dicitur in Palæstina baptizatus. In Asia sibi sectam collegit. Errores ipsius novimus potissimum ex Irenæo, Ebionem, hæresiarcham quemdam, fuisse omnino, operose satis ostendit Noster, longus in erroribus Ebionitarum explicandis. Diligenter, modeste, ac erudite scriptam esse omnem eius hanc tractationem, publice meritoque prædicamus.

P. F. FORTUNATI A BRIXIA, ORDINIS MIN. Ref. Prov. Brixiae, Animadversiones criticæ in Epistolam apologeticam R. P. Udalrici Weis, Benedictini Ursinensis, contra P. Fortunati a Brixia calumnias, aliosque inscriptam, atque Ursinii datam pr. Kal. Febr. 1750.

Brixia, Excudebat Ioannes Maria Rizzardi. Superiorum permisso. 1751.

I Alph. 3. pl. in 4.

Controversiam hanc strictim indicare liceat. Id tamen a nobis alienum erit, ut eam faciamus nostram, vel alterutri parti accedamus. Ediderat R. P. Fortunatus a Brixia a. 1749. dissertationem physico theologicam *de qualitatibus corporum sensibilibus*, ac in ea nonnihil notaverat eorum, quæ Cl. P. Udalricus Weis, Germanus, Benedictinus Monachus Ursinensis, ad venerabile Eucharistiæ sacramentum docuerat, in opere *de emendatione humani intellectus*.

Respon-

Respondit ad ea Udalricus Weis a. 1750. *epistola apologetica*. Noluit ad eam respondere Fortunatus. At viris probatissimis, quos ipsum respicere decebat, alia fuit mens, aliud consilium, ratis, *Viri catholici* esse, doctrinarum suarum reddere rationem. Fortunatus itaque recudi fecit Weisii epistolam apologeticam, eique suas, minoribus litteris, subiecit animadversiones. Sed ad rem. Duumviri discordant de modo, quo Christi corpus est in Eucharistia. In eo convenit utrique, totum Christum, vere, realiter, ac substantialiter, sub speciebus consecratae hostiae contineri. Hoc enim Concilio definitum fuit Tridentino *Sess. XIII, can. 3.* *Hoc autem*, Fortunatus sic dixerit, *verum esse nequit, nisi Christi corpus in eucharistia sit vere & realiter praesens, tanto praecise spatio, quantum ante consecrationem ab hostia occupabatur, sive quantum eucharisticae species, sub quibus latet, occupare videntur. Nisi enim, ita pergit, Corpus illud sanctissimum esset vere & realiter praesens illi spatio, non esset in Eucharistia vere, realiter, & substantialiter. Nisi vero totum ipsum Corpus esset toti illi spatio praesens, totus Christus, ut est etiam ab eodem Concilio determinatum, sub speciebus eucharisticis non haberetur. Nullum quippe corpus sub velo totum est, nullus liquor totus vase continetur, si qua vel minima illorum pars extra velum atque vas habeatur. Sic sentit Fortunatus. P. Weis contra monuit, sententiam hanc Fortunati sic esse comparatam, ut id ponat, quod repugnantiam spiret. Docet P. Weis, ex Fortunati opinione id manare incommodi, ut Corpus Christi eucharisticum sit diminutum in extensione, compressum in latitudine, adeo ut pedes sacerrimi tantumdem a capite distent, quantum inter se scapulae: thorax cum tergo sit compressissimus: totum corpus sit undique fere circulare, & adeo sacratissima membra necessario iam compenetrata, iam laxata & distenta immaniter. Fortunatus respondet ad haec per dilemma huiusmodi: Aut potest corpus Christi consecratum totum in spatio, quod ante consecrationem occupabat hostia, re vera esse, aut propter repugnantiam, quam P. Weis produxit, in eo revera esse non potest. Si non potest, sequitur, realem Christi praesentiam in hoc sacramento eucharistico nequaquam dari, & dogma concilii Tri-*

dentini esse repudiandum. At illam consecutionem non esse homini R. Catholico aptam. Ergo Fortunati sententiam nil habere, quod refellendum sit. Sic Fortunatus suas putavit rationes. Miris subtilitatibus sese excruciant duumviri disceptantes, miris definitionibus, universalium notionum indiciis, miris distinctionibus. Extensionem entitativam a locali disiungunt. Nunc ratiocinantur: nunc obedientiam mysteriis addicunt. Academia coelestis litem illorum tandem indubie dissolvit, si ultra verborum Christi summam argumenta malint modulosque exquirere.

DISQUISITIO HISTORICA DE D. MARTINI Lutheri oris & vultus habitu heroico, ad virum expresso in imagine divini penicilli LUCAE CRANACHI, patris, ipso aere hic incisa, aedi OO. DD. Witteberg. ab Auctore sacrata, ad defendendam formosi corporis dignitatem, contra effigies ineptas, reliqua. Commentatio item auctior de Witteberga Saxonum, speciatim de aedis quondam collegiatae omnium dicum, der Stiffts-Sirche aller lieben Gottes Heiligen, puriorum, quotquot usquam sunt aedium, uni soli Christo dedicatarum, Academiaeque matris; origine & incrementis; de salubritate denique aeris Witteberg. publice propositae a GEORG. GUIL. KIRCHMAIERO, Consiliario Regio & Professore P.

Wittebergæ, 1750. apud Io. Ioach. Ahlfeldium, cum imagine d. Lutheri, aliisque figuris, in aere incisis.

I Alph. 12. plag. 4.

Variæ, variis in locis, imagines magni nostri Lutheri, divini herois, etiam capitalium eius hostium fraude confectæ, prodierunt, ex quibus diversum ingenium, diversamque morum formam, pro suo cuiusvis studio, coniecerunt homines. Itaque Auctor celeberrimus, cum haberet imaginis alicuius, ab animali exemplo, per Cranachium, patrem, in tabulam translatæ, copiam, committendum haud putavit, ut soli sibi eam servaret; sed non ædi tantum, omnibus divis quondam consecratæ, dicavit A. 1740.; verum gra-

graphices etiam ingenio a Bernigerotho nostro accurate in æ incisam, variisque observationibus illustratam, communicare cum omnibus voluit. Qui norunt, quam raræ, non Vitebergæ modo, sed aliis etiam in locis, atque in ipsis summorum Principum mûseis, inventæ adhuc sint imagines veræ Lutheri, haud dubie, a Sene venerabili, magno se beneficio affectos putabunt. Atque huius imaginis contemplatio maximam ferme, primamque libri partem efficit, cuiquid præterea accesserit, ex titulo constare satis potest. Iam cum commentatio illa laude potissimum Lutheri, eiusque amici, Cranachii patris, consumatur, nemo facile aliquam eius epitomen hic desiderabit: nonnulla tamen, unde fiat iudicium ad reliqua, breviter sunt a nobis attingenda. Cranachii nomen gentilitium, non, ut vulgo putant, Mulleri, sed Sanderi fuisse; a Cranachio autem, quod est oppidum in agro Bambergensi, cum post commutationem sacrorum appellatum esse Cranachium, docet. Idem pictor ingeniosissimus, triplici potissimum habitu Martinum induisse dicitur: primum Augustiniani sacerdotis; deinde militis; denique mortui, albo indusio, in capulo iacentis. Insigni usus est nigro anguiculo, cum nigris, in medio, vespertilionis duabus alis expansis, coronaque rubra in capite, denique in ore, cum annulo aureo, eiusque pala rubinum continente; ut ex tabula nobilitatis, ipsi a Friderico Saxone, quem sapientem vulgo usurpant, A. 1708. concessæ, in primis ostenditur. Atque hoc, in tanta sententiarum diversitate, eo magis fuit necessarium, quo plures passim ostentantur picturæ Cranachii, alio insigni velut munitæ. Privati tamen inventi signis usus etiam interdum est, ut nominis initio CL, LC, vel clypeis duobus, cum ruta & ensibus Saxonicis. Fallacissimo infirmissimoque inniti demonstrandi fundamento, qui ex numismatibus, cuspis maximam partem rudi Minerva, de ore Lutheri, veroque vultu iudicent, tanto quidem rectius monere nobis videtur, quanto minus ipsa inter se similitudinis habent. Atque hinc eum iure suo postulare arbitramur, ut, qui de moribus & natura alicuius, ex numis, iudicare instituant, præter oculos, frontem, nasum, & os, lineamenta quoque, quorum natura nihil frustra fecerit,

rit, intueantur; quod ipsum vero, quam sit in coloribus facilius, quam numis, per se apparet. Ipse vero rei periculum haud infeliciter hic fieri in imagine Lutheri videmus; vocatis etiam ipsis adversariis in eius testimonium. In quibus cum Cochleus etiam compareat, doctrinam herois nostri, eiusque amicorum, immensum, quantum laudibus ornans, atque Quirinus, Cardinalis nuper Amplissimus, provocetur, ut suæ religionis duces, inter triarios, in aciem, pro Martino, eductos, refutet: id litis cuiusdam, inter utrumque, semina sparsisse constat, cuius commemorandæ, alio tempore, locus erit. Occasione, ab interpretatione Germanica librorum nostrorum sacrorum, sumta, male Heumannum, V. S. R. verba 1 Petr. II. 10. e Græco vertisse, atque ad Christum eiusque miracula transfuisse, quæ de magistratibus agerent, observat. Cuius rei rationes in eo ponit, quod ille nomen *κυριότητος* interpretatus est ita, ac si scriptum reperisset *κυρίου*; *δόξας* autem per excellentiam miraculorum; & verbum *τρέμουσι*, non verentur, multo quidem lenius, quam vis eius patiatur. Quam interpretationem nec in antecedentibus, nec consequentibus contextus, nec universa lingua Græca, nec ullius consensu critici, adeoque nusquam, fundatam esse pronuntiat. Sed ipsum Ven. Heumannum eam, re diligentius expensa, curis secundis emendasse, altera docet interpretationis eius editio. Vellemus vero, alter etiam locus, Col. II. 9. quem carpit Kirchmaierus, in eadem, ad Lutheranam perspicuitatem, conformatus esset. Hieronymum Emserum, turpissimo plagii crimine, *σκελετῶ* suo omnem succum sanguinemque ex Lutheri interpretatione ita maxime compilasse, ait, ut ipse, perinde, atque Io. Dietsbergerus, & Thomas Caietanus, Ebræarum Graiarumque litterarum fuisset ignarissimus. Quo tempore Lutherus vestitum, sodalitati Augustinianæ familiarem, deposuerit, ex *Schelhorni* amoenitat. T. IV. p. 416. demonstratur, idque d. IX. Oct. 1528. factum esse, ostenditur. Unde dubio, cur pictor nigrum induerit ei habitum, quum imaginem anno ante conficeret, ita occurrir, ut multis gravibusque de causis antipasse, mensium paucorum spatio, dicatur nigri coloris vestem sacerdo-

sacerdotalem, quæ ex panno, sibi, sine ullo dubio, a Pr. El. non heri aut nudius tertius, sed dudum ad hoc donato, pro lubitu consicienda erat. Sed hæc, ex prima, de imagine Lutheri, disquisitione, excerptisse sufficiat: alteram, quæ est de *Witteberga Saxonum*, quod ad nomen originemque, atque ædem omnium divum, eiusque conditorem verum, rel. tanquam prelo semel iterumque subiectam, hic nihil moramur. Sed quam physicam tractationem V. C. pollicitus est, cuiusque tamquam gustum ea dissertatione, quæ est de Salubritate aeris Wittebergenfis, dedit, eam si hominibus cum eruditis communicabit, magnam ab iis gratiam, sine dubio, inibit. Neque minus disputationem mathematicam, de *Witteberga munienda*, tacitam relinquimus, satis quippe viris doctis iam notam. Oratio, in sacro Seculari Augustanæ confessionis A. 1730, in templo arcis recitata, nunc auctior prodit, qua exponitur de aede OO. DD. academiae alumna, ac matre reliquorum, quotquot usquam sint, delubrorum, sanctissimas, eidenque a sordibus quisquiliisque superstitionum pontificiarum purgatæ, Christi disciplinae consecratorum. Vetus est, atque firmis defixum radicibus, animis insidens, Wittebergæ crimen, insalubre coelum ibi esse, civiumque, aliis ex locis adventantium, valetudinem illo lædi. Quod noster oratione physico-medica, A. 1748. in celebritate renuntiandorum magistrorum philosophiæ, solemniter habita, diluere studet. Rationes autem ex interioribus artis medendi, & naturalis scientiæ recessibus erutas, magnam partem auctorem habere, ipse profitetur; medicum, cum viveret, magni nominis, nec unquam in lucem editas, suo tamen per omnia orationis genere convellit. Sequitur *Programma historicum*, de admiranda academia *Wittebergenfis origine & progressionem*, philosophiæ atque artis poetiæ Candidatos A. 1715. rite invitans. Quod excipit commentatio de d. Mart. Lutheri ingenio, ad miraculum docili, divinitusque, extra ordinem, collustrato, in perdiscendis cito linguis necessariis, nominatim Graeca. Porro eiusdem eloquentia divina, in vulgus ignota, divum prope superantis Paulum, memoria carpitim repræsentatur: atque ad extremum, de salubritate aeris *Wittebergenfis*, iterum agitur.

TRACTATUS DE MENTE HUMANA, IDIO-
mate germanico sub titulo ao. 1756. editus: Versuch über
die Folge der Veränderungen in der menschlichen Seele,
worinnen der Weg zu einer genauen Kenntniß derselben
gebahnet wird. Auctore IOHANNE IACOBO
HENTSCHIO.

Lipsiæ, apud Breitkopf. 1756. 10. plag. in 8.

Eo maiorem opusculum hoc, quod mentis humanæ operationes indivulso nexu inter se cohærentes attingit, meretur attentionem, quo pauciores in tanta librorum turba scriptores invenias, quibus Methodum Geometrarum antiquiorum, tam felici successu ad Philosophiam speculativam accommodare contigit. Si Cartesium de Passionibus animæ, Lockium de intellectu humano, Leibnitium, Wolfium, aliosque recentiores, qui Pneumatologiam ad maiorem perfectionis gradum evehere studuerunt, exceperis; plures in concinendis systematibus non tam ad res ipsas, quam potius ad varias denominandi rationes, ingenii que lusus, attendisse videntur. Hinc effectum est, ut perquam multa Philosophiæ speculativæ volumina, etsi terminorum colluvie sint referta, parum tamen ad amplificandam hanc scientiam conducant. Mirum sane est, tam paucos inter tot egregios recentioris ævi Geometras inventos esse, qui hanc Physicæ partem de mente humana, præstantissimam sane & utilissimam, data opera discutere anniterentur. Forte, si coniecturam facere licet, suscipere hoc opus, ex defectu principiorum indubitatorum, de quo queri solent, noluerunt, amoenitatibus mathematicis, & demonstrandi rigore capti. Quæcunque demum fuerit causa, operæ sane pretium esse existimamus, *quid nosmet ipsi simus*, exquirere, si vel maxime ad tantam certitudinem, de qua iure gloriantur Geometræ, pervenire nobis non liceat.

Cl. *Hentschius*, qui publicata Philosophia mathematica, ex Euclide restituta, cuius A. 1753. Cal. Novembr. mentionem in his Actis fecimus, iamiam innotuit, hoc in Tentamine, quod dictæ Philosophiæ mathematicæ superstructum est, empiri-

piricam de mente humana partem amplificare, eamque variis observationibus & conclusionibus ex iisdem deductis adaugere adgressus est; id quod ex iis, quæ breviter enarrabimus, luculentius fiet.

Divisus est tractatus in duas partes, quarum una ad intellectum, altera ad voluntatem refertur. Singularia, quæ parte priorē continentur, eo fere redeunt. Agnoscit Cl. Auctor cap. I. τὸ conscium esse, quod cum cogitationibus nostris copulatum deprehendimus, tanquam notionem primam, in nullas alias simpliciores resolvibilem; unde definitione, quippe quæ ideam compositam resolvit in simpliciores, posse explicari negat. Cap. II. sensationum leges discutiuntur, quæ cum mediantibus nervis, per totum corpus sparsis, contingunt, ab Auctore tanquam imagines omnimodis differentiis distinctæ, (germanice *bestimmte Abdrücke* commode dictæ,) sistuntur. Quas quidem, cum fere momento temporis per abstractionem resolvimus; sequentia ex hac sensationum resolutione formantur consuetaria. 1) Resolutionem sensationum peculiarem requirere vim; 2) Hanc vim, cum nec organo sensoriis corporis, nec nervis, nec cerebro tribui possit, (sunt enim ea, quæ in dictis corporis partibus contingunt, limitibus circumscripta & definita,) menti, quippe quæ cogitando sese exserit, competere; 3) Mentem humanam non solum aptam natam esse, ad recipiendas quascunque sensationes, seu quod idem, eam non esse mere passivam, sed potius activam. Gaudet enim vi, sensationes quascunque resolvendi. Cap. III. leges imaginandi traduntur. Convenit imaginatio cum sensatione, quam supponit in eo, quod utraque rem sistit omnimodis differentiis distinctam. Præter regulam imaginationis æternam, eamque notissimam, quæ sic exprimitur: Si pars sensationis, quam ante habuimus, nobis occurrit, totam sensationem nobis obversari: sequentes adduntur imaginandi leges. 1. Nobis inesse facultatem, rem quamvis nobis oblatam ex arbitrio nostro augendi & minuendi, ex quo deducitur infinite magnum & infinite parvum, quod mathematicæ & metaphysicæ consideratur, utriusque differentia luculenter demonstrata. 2) Nobis inesse facultatem

facultatem, res, quæ extra nos non sunt, imaginandi; ex qua fluunt sequentia: α) augmentum & decrementum rerum sensibus perceptarum, & imaginationem eorum, quæ extra nos non sunt, peculiarem requirere vim. β) Vim, res sensibus perceptas augendi & minuendi, nec non sibi ea imaginandi, quæ extra nos non sunt, neque organis sensoriis, neque nervis, neque cerebro tribui posse, eo, quod in dictis corporis partibus omnia limitibus suis sunt circumscripta. Ex quo concluditur γ) Mentem humanam, cogitatione præditam, habere vim, res perceptas ex arbitrio augendi & minuendi, nec non ea sibi imaginandi, quæ extra nos non sunt.

Succedunt disquisitiones de *memoria, reflexione, attentione, ratione, & ingenio*, quibus peractis, pars prior finitur. In posteriori parte, excusis voluntatis humanæ passionibus, iisque in ordinem redactis, Cl. *Henschi*us investigat influxum intellectus in voluntatem atque libertatem humanam, quam non solum ad voluntatem, uti communis opinio secum fert, sed etiam ad intellectum pertinere demonstrat. Ex his omnibus tandem concluditur: mentem humanam ob libertatem intellectui & voluntati inherentem, non esse machinam.

NOVA LYTTERARIA.

Venit ad nos Prospectus Operis, cui titulus: Codex Diplomaticus Regni Poloniæ & magni Ducatus Lithuanix, sive Informatio, de monumentis quæ in hoc opere continebuntur, ac de Distributione eiusdem. Scriptus est ad Præstantissimos Regni Poloniæ, Et Magni Ducatus Lithuanix Cives, a Matthia Dogiel, Scholar. piar. qui Et Auctor operis futurus est. Præclarum, Viri doctissimi, consilium, operamque Poloniæ suæ perquam honorificam, non aliter magis commendaverimus hominibus doctis, quam si, quæ ipse de libro pollicetur, adscripsimus. Ita vero habent:

Cum ad singularem aliarum gentium, in congerendis divulgandisque patriæ suæ monumentis, curam studiumque expenderem, revolveremque ingentes illos editorum Germaniæ,

næ, Galliæ, Angliæ, Italiæ, diplomatum apparatus, sæpe mecum cogitavi quid causæ fuerit, quamobrem rerum Polonicarum Scriptores, iique viri solertes & rerum publicarum usu atque exercitatione præditi, non antiquiora tantum, sed sui etiam temporis monumenta nobis inquirenda reliquerint. Quid enim illi aut argumenti præstantia dignius, aut ad communem utilitatem accommodatius, aut quod rationibus reipublicæ magis conducere, agere potuissent, quam si tabulas publicas, rerumque gestarum monumenta, e tumulis suis eruta, ac in unum congesta, in lucem emisissent, ex quibus, & rei patriæ notitia, fuso atque figmentis libera, comparari, & maiestas illa Poloniæ, cui olim ingens cum universi prope orbis imperiis, regnis, populis, nationibus, usque societas, consuetudo, atque commercium, ab exteris, quibus pleraque horum incognita sunt, merito suspici posset. Neque video, quo telo acrius expeditiusque iniquorum Poloniæ scriptorum opiniones & sententiæ labefactari possent. His enim documentorum ponderibus re examinata, facile esset ostendere, egregios illos Chronographos, partium studio abreptos, fidem inter postremas curas habuisse, fines imperii quantum libuit extendisse, gentibus, quæ nunquam servierant, tributa imposuisse, atque in odium finitimorum, lepidissimarum fabularum seriem texuisse. Hæc nobis, cum eo tempore in Galliis essemus, ita cogitantibus, ingens conquirendorum undequaque patriæ monumentorum incessit studium, reique a nemine adhuc tentatæ dare operam, apud animum constituimus. Favet instituto nostro loci opportunitas, neque enim in tanta præstantissimorum, atque alta quadam mente præditorum virorum frequentia, aut patrocinio carere, aut subsidiiis potuimus. Itaque archiva studiose revolvimus, forulos bibliothecarum excussimus, libros editos, in quibus hac de re tractari novimus, perlustravimus, resque hinc inde dispersas in collectanea nostra retulimus. Idem, cum in Germania, idem cum alibi versaremur, egimus. Non contemnenda hæc nostra nobis primo videbatur collectio; sed brevi aliter sensimus, totamque rerum seriem, præterquam

quod ex archivis publicis profectum erat, nauci habere coepimus. Cum enim perficiendæ huius lucubrationis causa, ad revolvenda Cancellariæ regni, & magni ducatus Lithuanie acta (metricas vocant,) accessissem, atque transactionum exemplaria ex libris editis descripta, cum copiis authenticis conferrem, omnia plane infinitis scatere mendis deprehendi, pleraque vero sic vitata & corrupta, ut diversa omnino a suis authenticis esse viderentur. Huius rei ut exemplum aliquod adferamus, (nam singula recensere longum esset) in literis, quæ breviusculæ sunt, & inventu faciles, incorporationis ducatus Curlandiae cum regno, Anno 1569. factæ, in corpore diplomatico Dumont, Tom. 5. p. 1. fol. 169. contentis, quindenos errores, eosque non leves, offendimus. Ut enim copiae quædam instrumentorum regni Poloniæ ab ineptis librariolis collectæ, & in Germaniam delatæ, ita deinceps cum aliis communicatæ, typisque impressæ sunt. Hæc nobis caussa fuit, quamobrem scripta illa, quorum nullum in archivis publicis, unde emendari possent, exemplar deprehendimus, studio in supplementum reiecerimus, atque ad comparandam codici nostro publicam auctoritatem, summum operæ pretium existimaverimus, nihil iam in eum referre, quod aut ex originalibus, aut ex copiis authenticis, quæ in privatorum tabulariis extarent, congestum non esset. Ne verò, exilis iciunæque hoc modo nostra redderetur lucubratio, in id omnes nervos industriæ nostræ contendimus, ne quid in actis cancellariarum intactum relinqueremus, quod quidem, multis difficultatibus conflictati, præstitimus. Ex illa igitur immensa scriptorum omnis ævi, maximam partem ad causas privatas accommodatorum, multitudine, quæ nostri erant instituti, summa cum fide delegimus. Equidem quantum elaboravimus, quam gravi opere perfuncti fuimus, illi probe sciunt, quibus rationes metricarum harum ignotæ non sunt. Hoc nobis nostrum institutum ita prosequentibus accidit, ut vix dum collectioni illi summam manum imposuissemus, cum tota, quanta quanta fuit, subito disperierit. Suborto enim Varlavie Anno 1754. nocte intempesta, incendio, domus in qua

qua paulo ante versabamur, una cum collectaneis nostris, flamma absumta est. Grave certe erat, thesaurum, illum ex tot optimarum rerum copiis conflatum, tam raris opibus instructum, tot laboribus & impensis comparatum, tam facile, tam repente, amittere. Pignit quidem laboris, non tamen destitimus incocepto, revocataque a calce, ut aiunt, operam, eadem, qua prius, animi viriumque contentione, iterum egimus. Cumque beneficio celsissimi principis, supremi cancellarii magni ducatus Lithuaniae, nec non illustrissimi comitis, procancellarii regni, liberior iam nobis actorum regni, & magni ducatus Lithuaniae copia fieret, rem feliciter ad exitum perduximus. Iam quod ad multiplicia tabularia illustrissimi Dni. *Iosephi* comitis *Zaluski*, referendarii regni, attinet, penum illam insignium patriae monumentorum, nullo plane negotio lustravimus. Cum enim propositum nostrum tanto viro non potuit non probari, comem ille se nobis, & facilem, ultra quam dici potest, praestitit. Ex ipsius igitur promptuariis, in quibus ingens anecdotorum numerus, quae in rem videbantur, decerpta accepimus. Grati aequae animi testificationem debemus illustrissimo domino, comiti *Debowski*, Episcopo Cuiaviensi, viro summo atque incomparabili; qui cum in publicis patriae gerendis negotiis consenuerit, non solum multas momenti maximi, ad evincendam, quae iuris Poloni sunt, ex Archivis Hispaniae, Austriae, regni Neapolitani, literas conquisivit, verum etiam quotidie, (quae hodieque exactae iam ipsius aetatis oblectamenta sunt) res actas in adversaria referendo, admirandos negotiorum reipublicae codices, (protocolla vocant) ipse sua manu confecit, atque has omnes opes mecum liberaliter communicavit. Ex quibus quanta collectioni nostrae documentorum, quae alibi frustra quaererentur, ad negotium summarum Neapolitanarum pertinentium accessio facta est, suis locis notamus. Refertissima antiquiorum aequae ac recentiorum diplomatum illa series, a perfectione quidem proxime abesse videbatur, multa tamen desiderabantur, & quod nos maxime anxios solictosque habuit, supplendi ea, quae deerant, praeterquam ex archivo

Cracoviensi, nullus omnino erat modus. In difficilem sane nodum incideramus, nec quidquam iam tot difficultatibus implicatum, & quod Hercules, ut aiunt, labor diceretur, tentari potuit. Aditus quippe ad archivum illud non iam arduus, perdifficilis, & qui magna custodia teneatur, sed omnino interclusus est. Namque omnes tabulæ authenticæ, omnia instrumenta originalia, aliaque scripta momenti maximi, in arce Cracoviensi, simul cum thesauro regni recondita, sub sigillo & clavibus supremi thesaurarii regni, & septem senatorum, asservantur: legeque cautum est, ne locus ille, nisi scitu ordinum regni, recludi & adiri possit. Arcta hac monumentorum regni, quorum nusquam extant copiæ, custodia, id demum effectum fuit, ut pleraque foedera cum exteris ista ignorarentur. Ita enim in literis pactorum inter Sigismundum I. & Pomeraniæ atque Megapolenses duces, Anno 1525. initorum legimus: Ut cum illustribus principibus &c. foedus, societatem, & amicitiam ineamus, quam nostros maiores, etiam cum maioribus eorum tenuisse, & servasse, literæ ultro citroque desuper confectæ, ac in scriniis repertæ, testantur &c. Extant in archivo regni literæ originales Ferdinandi II. Imperatoris, ad Uladislauum IV. regem Poloniæ, Anno 1633. in eo solum negotio scriptæ, ut compacta ex parte regum, & regni Poloniæ, cum domo Austriæ inita, typis imprimi mandaret, quo melius subditis constare possent leges, quibus invicem obligati tenentur. Nos quidem vehemens desiderium, quo bene merendi de patria tenebamur, impulit, ut rei non modo arduæ, sed etiam, ut videbatur, impossibilis periculum faceremus, spe ducti, Deum O. M. bonis conatibus non defuturum. Neque vana fuit hæc nostra fiducia. Namque patrocinium huius operis a celsissimo magni ducatus Lithuanie supremo cancellario, quod immortale optimi principis monumentorum futurum est, susceptum erat, cuius ingens gravissimaque auctoritatis vis in republica est. Illius igitur numine effectum fuit, ut cum senatus consilium Fraustadii Anno 1755. ageretur, apertio archivi Cracoviensis decreta fuerit, nosque propitiam nobis sacram regiam maiestatem, domi-

dominum nostrum clementissimum, universumque senatum habuerimus. Quo nomine etiam illustrissimis & excellentissimis dominis, thesaurario supremo, atque (rem in dissertatione ipsi operi præfigenda clarius fusiùsque narrabimus) procancellario regni, maximam, quam animus capere potest, obligationem perinde profiteor. In illo igitur celeberrimo antiquitatis domicilio, ac rerum reconditissimarum admirando thesauro, qua accuratione, & fide, veterum iuxta atque recentiorum instrumentorum exemplaria confecimus, quave ratione multa insignia patriæ monumenta ab interitu vindicavimus, luculentissimum nobis ea de re a D. D. commissariis, auctoritate publica ad id delegatis, in quorum præsentia elaboravimus, testimonium datum est. Sane quam pro eo, ac debuimus, sollicitè, perattenteque id pensi peregrimus, fideliorque opera ne voto quidem fingi poterat. Namque illa etiam, quæ in actis cancellariorum, oscitantia notariorum, multis in locis, dum ea cum originalibus conferremus, vitiata deprehendimus, correctæ hic instaurataque damus. Prodit itaque in publicum codex diplomaticus regni Poloniæ, omnis ævi diplomatum, pactorum, tractatum, conventionum, fæderum, aliarumque huius generis transactionum, refertissimus: quo in genere haud video quicquam, a scriptoribus vicinarum gentium, quod huic operi diligentia, & ausim dicere, fide comparari possit, divulgatum unquam fuisse. Quid enim inter hanc nostram collectionem, & illorum coagmentationem intersit, æquis rerum æstimatoribus proum erit advertere. Nos enim auspiciis S. R. Maiestatis, Domini nostri clementissimi, auctoritate amplissimi senatus, celsissimorum, illustrissimorumque regni, & magni ducatus Lithuaniae cancellariorum approbatione, ex archivis publicis non solum ea congeßimus, quorum singula auctoritatis publicæ sunt, verum etiam iniis ipsis secernendis, ad rerum momenta magis, quam molem attenti, singularem rerum delectum instituímus, atque ut nonnulla consulto in supplementum retrusimus, ita a plerisque, quæ leviora videbantur, prorsus temperavimus. Illi dum in hoc se conterunt, ut immanem, sequioris ævi

maxime, diplomatum copiam aggerant, nunquam dicunt, unde sua hauserunt apographa, nisi plerique forte eos citent, e quibus res huiusmodi confarcinatas acceperint. Quo effectum est, ut magnam literarum turbam civitate donarint, cuius potior pars, si rationum calculi bene subducti essent, exilio mulctanda erat. Sed de his cumulatius in ipsa præfatione agetur. Iam utilitatem necessitatemque operis non est cur multis explicemus. Ineruditus enim admodum, rudisque sit oportet, qui hæc ignorat. Sane cum ad consilium de republica dandum caput est, nosse rempublicam, exiguum illi rei patriæ habent notitiam, qui eam e monumentis publicis non compararunt. Neque vero huius argumenti, historici fidi interpretes sunt. Quis enim scriptorum legibus historiæ unquam obtemperavit, ne, qui eam scribit, quid falsi dicere audeat, ne quid veri non audeat, ne qua suspicio gratiæ sit, ne qua simultatis. Nam ut antiquiora omittamus, in quibus illi præter auditum nihil habuerunt, commune id omnium pæne historicorum vitium est, ut occultis odiis, quæ gentibus finitimis insita penitus sunt, extimulati genio indulgeant, res patriæ quam maxime possunt, figmentis etiam exornent, in illorum nomine, ex quibus ea corrogant, quæ ad argumentum conducunt suum, facile conquiescant, tum si quid opinione forte per se ipsos invenerint, mordicus tueantur. Sed demus, plerosque eorum (si quidem ita mens sana fuisset) a partium studio omnino liberos fuisse, cum tamen non e monumentorum fide, sed e commentariis, atque hypomnematis, ut tum erant tempora, ex variorum lectione congestis, Annales suos consecerint. Verum enim vero quis tam lynceus, qui tantis tenebris nihil offenderet, nusquam incurreret? Livium quoque, celeberrimum historiæ conditorem, quod monumenta Romanæ gentis fortasse minus perspecta cognitaque habuerit, plures narrationi suæ falsi maculas adpersisse, iam in hac literarum luce videre est. Sic noster Cromerus aliter certe de rebus Rusiæ scripsisset, si veteres Russorum tabulas exploratas habuisset. Cum vero studium rei diplomaticæ ad illustrandam historiam, resque patriæ

patriæ gestas tantopere conferat, tum in iis, quæ ad negotia regni publica, atque usum rerum faciunt, præcipua illius necessitas est. Qui enim multiplices conventiones, pacta, stipulationes, atque foedera cum exteris iëta, ignorat, minimeque compertum habet, quæ inter rem publicam, aliaque regna & dominia intercedit necessitudo, quid cui a quoquam præstari necesse sit, qui modus administrandæ utrinque iustitiæ, quæ rerum conversiones, earumque causæ, consilia, exitus, quæ rationes finium, accessionesque regni, & diminutiones, cætera: ille iuris publici patrii omnino ignarus est, neque intelligi potest, qua ratione non iam ministri, non senatoris, non officialis regni, vel magni ducatus Lithuaniz, sed ne privati quidem patriæ civis, cui in sententia locus est, officio probe defungi potest. Superest, ut de methodi ac distributionis modo, quem in hac collectione servavimus, aliquid dicamus. Primum igitur confusam rerum seriẽ sectionibus, quæ ex operis instituto nascebantur, dispunximus, deinde earum ipsarum sic digestarum rerum capita, ordine chronologico collocavimus. Cum vero multa sese offerrent, luce quidem, quam nunquam viderunt, digna, sed quæ læctorem rerum momentis intentum, longo per sæpe contextu interpellarent, ea ad supplementum revocavimus, ut pleraque alia ex libris editis collecta, quorum in archivis rei publicæ, nec vola, nec vestigium; indicem tandem totius operis, prima sui parte, chronologico diplomaticum, altera res ordine alphabeti demonstrantem texuimus, atque opus in sex tomos, eo qui sequitur modo, dispertivimus. *Tomus primus:* Bohemia, Hungaria, Austria, Transylvania, Turcia, Bavaria, Marchia Brandeburgensis, Saxonia, Gallia, Hispania, Anglia, Imperium Russiæ, Tartaria Crimensis, Ducatus Brunsvicensis, Suecia, Hollandia, Persia. Quod attinet ad negotia regni, & magni ducatus Lithuaniz, *Tomus secundus, pars prior:* Lithuania; *pars altera,* Masovia, Russia, Podolia, Terra Belzenensis, Præfectura Scepusiensis, Ducatus Olviectemensis, & Zatorienensis; *pars tertia,* provinciæ, quæ olim sub imperio Polo-

Polono erant. Silesia, Pomerania, Marchia nova, Valachia & Moldavia, Bessarabia. *Tomus tertius*, Livonia & Prussia. *Tomus quartus*: iura, libertates, & privilegia, nec non statuta, & antiquæ constitutiones regni, aliaque huius generis monumenta, quorum nullum adhuc in publicam lucem prodiiit. *Tomus quintus*: in hoc literarum pontificiarum ac Ducum & regum Poloniae concordata, privilegia, ordinationes, statuta, edicta, rescripta, mandata, ad ordinem spirituales, & res regni ecclesiasticas pertinentia, continentur. *Tomus sextus*: Regestum chronologicum codicis diplomatici, cum indice rerum in eo contentarum &c. Editio operis, quæ certe nitidissima futura est, absolvetur hoc modo. *Tomus primus* prodibit Anno 1757. Mense Novembri, quem reliqui quantocius sequentur. Ad comparandum igitur totum hoc opus in charta magno folio, typis pulcherrimis, ex consulto ad id conductis, impressum, binos aureos pro singulis tomis, id est duodecim pro sex tomis aureos simul solvendo, dimidium nempe valoris, quo opus imposterum constabit, intra octo mensium spatium, prænumerandos proponimus, idque: *Varsoviae*, apud nobiles, & spectatissimos dominos, D. *Dulfus*, consiliarium aulicum S. R. M. & civitatis Varsoviensis honoratum Præsidentem, D. *Teper*, consiliarium S. R. M. D. *Kaulfus*, commissarium postarum S. R. M. & reipublicæ. *Cracoviae*, apud D. *Erbs* præfectum postarum. *Vilnae*, apud D. *Maw*. *Gedani*, apud D. *Borowski*, præfectum postarum. *Torunii*, apud D. *Mileczarski*, consulem civitatis, & præfectum postarum. *Leopoli*, apud DD. *Roff* & *Ionston*. *Posnaniae*, apud D. *Goebel*. Exiguum sane hoc pretium iis videbitur, qui de operæ impendio recte existimare, iudiciumque facere possunt: nam præter ingentes sumtus, qui in typographiam infumendi sunt, multa nobis obvenerunt huiusmodi scripta, ut, si ad pondus auri emerentur, minoris venissent.





INDEX AUCTORUM,

quorum Libri, aut Inventa, in hoc
Volumine recensentur.

I. Libri Theologici & ad Historiam Ecclesiasticam spectantes.

- a **B**rixia (P. F. Fortunati) *Animadversiones in Epistolam*
Udalrici Weifs. 704
- Clementis Romani *Epistolae duae, e Cod. MS. N. T. Sy-*
riaci, cum vers. Lat. edidit Io. Iac. Wetstenius. 30
- Costardi *Dissertatio de voce Kesitah Iobi* 42, 11. 317
- Gerdesii *Scrinium Antiquarium, sive Miscellanea Groningana*
Nova, ad Historiam Reformationis Ecclesiasticae spectantia.
 Tomi IV. Pars II. 126
- Haitsma (Aggei) *Curae Philologico-Exegeticae in Genesin.*
 266
- Harenbergii (Io. Christoph.) *Dissertatio de Secta non timen-*
tium Deum. 81
- Heumanni (Christoph. Aug.) *Expositio Novi Testamenti.*
 Pars Sexta. 198
- van Heussen (Hug. Franc.) *Batavia Sacra.* 337
Historia Episcopatum Foederati
Belgii. 338
- Iortini (Ioh.) *Observationes ex Hist. Ecclesiast. Volumina III.*
 577
- Iustini Martyris *Apologiae, e recensione Christ. Guil. Thale-*
manni. 321
- Kiesling (Io. Rudolph.) *de legibus Moisaicis circa sacerdotes vi-*
sio corporis laborantes, in Ecclesia Christiana emendatis. 505
- Yyy Kirch-

Kirchmaieri (Georg. Guil.) <i>Disquisitio Historica de D. Mart. Lutheri oris & vultus habitu heroico.</i>	702
Krebsii (Io. Tob.) <i>Observationes in N. T. e Flavio Iosepho.</i>	159
Kypke (Georg. David.) <i>Observationes Sacrae in N. Foed. libros, ex Auctoribus potissimum Graecis & Antiquitatibus.</i>	447
Tomii II.	690
<i>Martyrologium Romanum.</i>	37
Menckenii (Frid. Ottonis) <i>Miscellanea Lipsiensia Nova. Voluminis X. Pars I.</i>	188
Pars II.	522
Mezzadri (Bernardini) <i>Differtationes de XXV annis Romanae Petri Cathedrae.</i>	393
Moshemii (Io. Laur.) <i>in utramque D. Pauli ad Timotheum Epistolam Commentarius.</i>	612
Münthe (Casp. Frider.) <i>Observationes philologicae in Sacros N. Test. libros, ex Diod. Siculo collectae.</i>	166
Nerinii (Felicis) <i>de templo & coenobio Sanctorum, Bonifacii & Alexii, historica monumenta.</i>	129
Pratje (Ioh. Henr.) <i>Bibliotheca Bremensis & Verdenfis. Volumen I.</i>	duo.
Rebuleti <i>Historia Clementis XI. Pontif. Max. Tomi</i>	570
Travassae (Caietani Mariae) <i>historia critica de vitis haeresarum Seculi Christiani primi.</i>	696
Venemæ (Henrici) <i>tres Epistolae de genuinitate Epistolarum Clementis, a Clar. Wetstenio publicatarum.</i>	33
Walli (Guilielmi) <i>Historia baptisimi infantum. Pars II. ex Anglico vertit Ioh. Ludov. Schlosser.</i>	152
Winckleri (Ioh. Diet.) <i>Exercitationes theologicae & philologicae. Partes II.</i>	327

II. Libri Iuridici.

Brissionius (Barn.) <i>de formulis & solennibus populi Romani verbis. Edidit Io. Aug. Bachius.</i>	245
	de

de Ianuario (*Iosephi Aurelii*) *Feriae Autumnales, post reditum a Republica ICorum.* 289

de Senckenberg (*Henr. Christ. Baronis*) *Methodus Iurisprudentiae, ex propriis & peregrinis iuribus Germaniae receptae.* 529

III. *Libri Medici & Physici.*

Academiae Imperialis Petropolitanae Commentarii. Tomus XIV. 57

Programma. 527

Anonymi *Lectiones tres de terraemotu.* 35

Dissertatio de utilitate venae sectionis in febre variolari. 113

Bonneti (*Caroli*) *Experimenta de usu foliorum in plantis.* 180

Deliciae ruris, sive monita singularia de aedificiis campestribus, hortis, &c. 282

Duhamel du Monceau, *de arboribus & fruticibus, per Gallias libero solo vegetantibus.* 584

Eloy *Medicinae lexicon historicum.* 248

Euleri (*Leonh.*) *conjectura physica circa propagationem soni ac luminis.* 439

Graecorum Chirurgici libri; Sorani unus de fracturarum signis, Oribasii duo de fractis & luxatis, & collectione Nicetae, editi ab Anton. Cocchio. 15

de Haller (*Alberti*) *Opuscula pathologica, partim recusa, partim inedita.* 307

Disputationum Chirurgicarum selectarum Collectio.

Tomus I. & II. 355

Iallaberti *Experimenta de Electricitate.* 685

de Lille (*Christ. Fiverh.*) *Traçtatus de palpitatione cordis.* 405

Scarellae (*Io. Bapt.*) *physicae generalis, methodo mathematica tractatae, Tomus I.* 173

Schusteri (*Gottwaldi*) *Observationes therapeuticae.* 225

Smellie (*Wilh.*) *Fasciculus tabularum anatomicarum, cum explicationibus, & epitome praxeos artis obstetriciae.* 540

Yyyy. 2 Ze-

Zeviani (Io. Eberh.) *novus signorum prognosticorum fons detestus.* 83

IV. *Libri Mathematici.*

<i>Academiae Imperialis Petropolitanae Commentarii.</i>	TOMUS
XIV.	57
<i>Programma.</i>	527
Alemberti <i>Pervestigatio gravissimorum quorundam systematis mundi momentorum.</i>	593
Bernanni (G. Fr.) <i>analytica investigatio legum motus, in collusione unius corporis cum pluribus.</i>	629
Bougueri <i>Figura terrae, observationibus determinata.</i>	543
Dollondi (Ioh.) <i>Explanatio novae rationis, angulos, sub quibus obiecta in telescopiis spectantur, metiendi.</i>	496
Euleri (Leonh.) <i>Dissertationes analyticae.</i>	439
Frobefu (Io. Nicol.) <i>historica & dogmatica ad Mathefin introduction.</i>	684
Heinsii (Godofr.) <i>Diudicatio casuum determinatorum & ambiguum in trigonometria, praesertim sphaerica.</i>	208
Polakii (Ioh. Frid.) <i>Mathefis forensis. Editio tertia.</i>	408
Thiermanni (Georg. Frid.) <i>ratio, insulam in flumine natam, secundum dispositionem Iuris Romani, inter accolentes dividendi.</i>	413

V. *Libri Historici, Geographici &c.*

Anonymi <i>Elogium Iusti Gotfridi Günzii.</i>	138
Ansonis (Georgii) <i>Periplas totius orbis instituta, edita a Rich. Walter.</i>	227
Arrighii (Antonii) <i>de vita & rebus gestis Francisci Mauroceni Peloponnesiaci, Principis Venetorum, Libri IV.</i>	109
Beckmannorum (Io. Christoph. & Bernh. Ludov.) <i>Historica descriptio Electoralis Marchiae Brandenburgicae. Volumen I.</i>	481
	Dogiel

Dogiel (*Matthiae*) *Codex Diplomaticus Regni Poloniae & magni Ducatus Lithuaniae.* 708

Eccardi (*Io. Georgii*) *de origine Germanorum, eorumque vetustissimis coloniis, Libri Duo, edidit* Christ. Lud. Scheidius. 198

Falcke (*Io. Frid.*) *Codex traditionum Corbeiensium.* 673

Herrgott (*Marquardi*), *& Rusteni Heer, Numotheca Principum Austriae. Pars Altera.* 97

Mablii *Observationes de Romanis.* 683

Maianfii (*Gregorii*) *Specimen Bibliothecae Hispanae. E museo Dav. Clementis.* 235

Menardi *Historia urbis Nemausi. Tomus III.* 348

de Mieris (*Franc.*) *Codex Chartarum sive Tabularum Publicorum Comitum Hollandiae, Seelandiae, & Dynastarum Frisiae. Pars I. & II.* 149

Mitzleri (*Laur.*) *Programma de Collectione sua Scriptorum Poloniae, Magnique Ducatus Lithuaniae.* 474

Nori *Commentarii de Arte Diplomatica. Tomus II.* 433

ab Olenschlager (*Io. Dan.*) *de Rebus imperii Romani sub Alberto I. Henrico VII. & Ludov. Bavaro.* 104

Richeri *vita Maecenatis.* 287

de Stiernmann (*Andr. Anton.*) *Equitum & Nobilium Sueciae Matricula, Pars I.* 27

Strodtmann (*Io. Christoph.*) *Europa erudita nostrae aetatis. Partes IV.* 277

Wilkii (*Io. Lebrecht*) *Ticemannus, sive vita illustris Principis Theodorici quondam Iunioris, Thuringiae Landgravi.* 625

VI. Libri Philosophici & *Miscellanei.*

Abresch (*Frid. Lud.*) *Dihucidationes Thucydideae. Pars Altera.* 252

Academiae Imperialis Petropolitanae *Commentarii. Tomus XIV.* 17

Aesopicae *Fabulae Graecae, quae Maximo Planudi tribuuntur, edidit* Io. Mich. Heusinger. 334

I N D E X

Anonymi <i>Prospetus Lexici Hebraico-Chaldaici.</i>	239
<i>Principia lectionem oratorum iuvantia.</i> Tomi III.	46
Catonis (<i>Dionysii</i>) <i>Difficha de moribus ad filium.</i> Edidit Otto Arnzenius. Editio altera.	22
<i>Commentarii variae eruditionis Societatis Columbariae Florentinae.</i> Volumen I.	258
Cornellii <i>Nepotis vitae excellentium Imperatorum.</i> De nouo editit Augustinus van Staveren.	310
Costardi <i>Dissertatio de voce Hermes, & more Graecorum, lapides in viis coartuendi.</i>	317
Epiſteti <i>Enchiridion, Graece & Latine.</i> Edidit Heynius.	562
Freytagii (<i>Frid. Gotthilf</i>) <i>Oratorum & rhetorum Graecorum decas, quibus statuae honoris caussa positas fuerunt.</i>	425
Gorii <i>Synbolae Litterariae.</i> Volumen III.	418
Volumen IV.	564
Hardionii <i>nova historia poetices, partibus duabus.</i>	184
Hentſchii (<i>Jo. Jac.</i>) <i>Tractatus de mente humana.</i>	706
Iablonovii (<i>Ioseph. Alex. S. R. I. Principis</i>) <i>Opera recensita.</i>	385
Iablonsky (<i>Paul. Ern.</i>) <i>de Memnone Graecorum & Aegyptiorum, huiusque in Thebaide statua.</i>	655
Libanii <i>Sophistae Orationes XVII.</i> Antonius Bongiovanni primum edidit, latine vertit, illustravit.	49
Longi <i>Pastoralium de Daphnide & Chloe. Libri IV. Graece & Latine.</i>	297
Menckenii (<i>Frid. Ottonis</i>) <i>Miscellanea Lipsiensia Nova.</i>	37
Vol. X. Pars I.	188
Pars II.	188
Muratorii (<i>Lud. Anton.</i>) <i>Dissertationes de Antiquitatibus Italiae. In compendium & linguam Hetruscam versae a Ioh. Franc. Soli Muratorio.</i>	428
<i>Museum Odyſcalcum, sive thesaurus antiquarum gemmarum, quas Sereniss. Sueciae Regina Christina collegit.</i>	662
<i>Notitia poetarum latinorum celebriorum.</i> Tomus I. & II.	41
<i>Numismata Cimeſii Caesarei Regii Austriaci Vindebonensis.</i>	I
Partes Duæ.	Palmy.

A U C T O R U M.

<i>Palmyrenae urbis aedificiorum,</i> quantum eorum hodie superest, ruinae.	300
Paffionei (Dominic.) <i>Programma, de edendis ex Vaticana Bibliotheca MSSis.</i>	94
Pratje (Io. Henr.) <i>Bibliotheca Bremensis & Verdenfis.</i> Tomus I.	129
<i>Principia lectionem oratorum iuvantia.</i>	46
Sarpedonii (Mirtisbi) <i>de vera Atticorum pronuntiatione</i> <i>Dissertatio.</i>	89
de Soldanis (Io. Petrus Franc. Agius) <i>de veteri lingua Punica, quae hodie apud insulae Maltae incolae in usu est.</i>	509
Stiebritz (Io. Frider.) <i>Disputationes veritati, scientiarum flori, confirmandaeque religioni, dicatae.</i>	667
Stiglizii (Io. Conr.) <i>Commentarius criticus de Menide sacro, antiquorum codicum ornamento. Accedit de lunulatis veterum Gentilium insignibus, Exercitatio.</i>	470
de Stofch (Phil. L. B.) <i>Epistola super numo recens invento Carini Imperatoris, & Magniae Urbicae, uxoris eius.</i>	255
<i>Tabularum picturae linearis ex aere multiplicatae congestio, secundum tabulas principum pictorum clarissimas, quae Dresdae in magna Potentiss. Regis cryptoporticu & pinacotheca adferuntur.</i>	241
Witzleben (Frid. Sigism.) <i>Selecta quaedam numismata Graeca explicata.</i>	114



INDEX

I N D E X

RERUM NOTABILIORUM.

- A.**
in **A**eta Apostolorum commentarius luculentus Heumannii. 193
de Aegyptiorum Hebraismo. 164
 Aesopicae Fabulae Graecae, editae, illustratae, correctae. 334 lqq.
de Alberti I. Imperat. gestis memoranda. 105 lqq.
de S. Alexio, eiusque templo. 166 lqq.
 Alphabetorum & artis scribendi historia. 434 lqq.
 Altitudinum per barometrum mensurandarum regula. 547
de Amavrosii. 378
de Amenophi. 658
 Anatomicae tabulae, ad artem obstetriciam illustrandam in primis pertinentes. 540 lqq.
 Andocidi statua excitatur. 426
de Anevrysmate vero pectoris externo. 384
 Anglorum, Palmyram intuentium & describentium, laudes. 301
 Angulorum, sub quibus obiecta in telescopiis spectantur, metiendorum nova ratio. 496
de Animorum immortalitate. 668
 Ansonis periplus totius orbis. 227
expeditio quantum Hispani damni intulerit? 234
 Aorni urbis numus. 124
 Arabica lingua in Meliteni sumpta. 510 lqq.
 Arabicae linguae in Hebraica lingua illustranda usus verus & praeposterus. 267 lqq.
 Arborum & fruticum, per Galias libero solo vegetantium, historia. 584 lqq.
classēs variae. 585 lqq.
de Aristotelis rhetorica. 46
de Asclepiade quaedam. 20
B.
de Baccho Aegypto nonnulla. 123
de Ballæorum urbe & nummo. 566 lq.
 Baptismi infantum historia uberior. 152 lqq.
 Bar-

RERUM NOTABILIORUM.

Barbarisimi a N. Foed. dictione absterfi. 460	Cataractam an praecaveat ocu- li punctio? 325
de Barclaia familia Scotica & Suetica. 30	Catonis disticha denuo edita. 22
Batavia sacra, seu Episcopa- tuum foederati Belgii histo- ria. 337	eorum editiones quae- dam nobiliores. 23
de Car. Bonde Comite, & fa- milia Bondiana nonnulla, 28	de eorum auctore Withofii disputatio. 26
Anton. Bongiovanni, Oratio- num Libanii editor, notatus. 51	Celsi locus correctus. 18
de Bonifacio X. Pont. Rom. 105	nomen & libri corrigendi. 21
de S. Bonifacio eiusque templo. 166	de Cerebri processibus mammi- laribus. 76
Bougueri observationes physi- cae. 544	Cerebri quæstati faratio quæ- dam rarissima. 360
de Brasiliensi auro. 228	vulnera non semper lo- thalia. ibid.
de Brasiliensibus adamantibus. 230	fungus. 361
Ducum Brunsvico - Lunebur- gensium tutela hereditaria in urbem Hildesheimensem. 135	hernia. 377
C. 381	Charitonis locus illustratus. 254
de Capite obfuso. 381	Chartarum publicarum utilitas varia. 146
Capra triginta duorum anno- rum. 230	de Chinesibus nonnulla. 233
de Cataracta oculi. 373	Chirurgicæ disputationes colle- ctæ. 355
crystallina vera. 374	Chirurgici Graecorum libri priorum editi. 15
eius deprimendæ an expectanda maturatio? 375	de Chrilli Servat. imagie qua- dam. 422
	Christianæ rei incunabula & historia. 578
	Christianorum veterum insigne quoddam militare. 264
	Christinæ, Sueciæ Reginae, museum gemmarum. 662
	21 22 Cicero-

Ciceronis de legibus loca emen- data & illustrata. <u>246.</u>	de eodem varia. <u>702</u>
<u>247</u>	de Cranii carie. <u>358</u>
Cimelium quid? <u>7</u>	de Cruce gemina Patriarchali seu Apostolica. <u>421</u>
Clementis Romani epistolae du- biae, vel potius spuriae, a Wetstenio editae. <u>30</u>	de Crucibus Ravennatensibus. <u>423</u>
eidem abrogatae a Venema. <u>33</u>	Crux Christi ab Helena inven- ta. <u>382</u>
Clementis XI. Pont. Max. hi- storia, vel, si mavis, panegy- ricus. <u>570</u>	Cybele & Coelestis Dea non eandem. <u>10</u>
Coffee potus num in Vit. Test. occurrat? <u>331</u>	de Cylindri & Coni scaleno- rum superficie. <u>61</u>
de Collisione unius corporis cum pluribus, legibusque mo- tus circa eam. <u>629</u>	D.
Columbariae Societatis Flo- rentinae commentarii. <u>258</u>	de S. Damiano. <u>325</u>
historia. <u>259</u> sqq.	Dedicatio & consecratio, ea- dem. <u>247</u>
Columnae non <u>maritandae</u> . <u>305</u>	Delphiorum numus argenteus explicatus. <u>115</u> sqq.
Formulae Concordiae in terris Brunsvicensibus auctoritas. <u>135</u>	Demadi, Demostheni & De- mochari statuae positaе. <u>427</u>
de Constantini M. sanctitate & cultu. <u>419</u>	Ex Diodoro Siculo observatio- nes in N. Test. <u>612</u>
de Contrahitura. <u>356</u>	ad Diplomaticam rem parti- nens consilium. <u>265</u>
Corbeiensium traditionum Co- dex. <u>673</u>	Diplomaticae artis novi com- mentarii. <u>433</u>
de Cordis palpitatione theoria. <u>405</u> sqq.	Diplomaticus Codex Poloniae & Lithuaniae. <u>708</u>
Corinthiorum numus argen- teus <u>extenderes</u> . <u>125</u>	Doctorem virorum hodie su- persitum historia. <u>277</u> sqq.
de S. Cosma. <u>525</u>	E.
pro Luca Cranacho vindiciae. <u>242</u> sqq.	de Ebbone, Archiepiscopo Rhe- mensi. <u>38</u>

RERUM NOTABILIORUM.

<i>de Ectropio.</i>	364	<i>de Frigore & calore experi-</i>	
<i>de Electricitate experimenta</i>		<i>menta.</i>	70
<i>medica,</i>	685 fqq.	<i>de Frontis vulnere quodam,</i>	356
<i>in Ellipsis rectificationem anim-</i>		<i>Frontalis sinus vulnus sine tere-</i>	
<i>adversiones.</i>	445	<i>bratione curandum.</i>	362
<i>de Emphysemate.</i>	384	<i>de Fruticibus in Gallia pro-</i>	
<i>Epicteti enchiridii nova editio,</i>		<i>crescentibus, commentarius.</i>	584 fqq.
<i>& illustratio.</i>	562		
<i>Episcopatum Foederati Bel-</i>		G.	
<i>gii historia,</i>	338 fqq.	<i>Gallicæ historiæ particula quaed-</i>	
<i>de Epulide.</i>	- 379	<i>dum.</i>	348 fqq.
<i>de Erinaceis terrestribus quae-</i>		<i>linguae veteris voca-</i>	
<i>dum.</i>	66	<i>bula nonnulla.</i>	355
<i>Etrusca monumenta quaedam.</i>	260	<i>Gemmarum Museum Odesial-</i>	662
<i>de S. Euchariſtia disputatio.</i>	700.701	<i>in Genesim Moſis notae philo-</i>	
<i>de Evocatione Deorum.</i>	246	<i>logicae.</i>	266 fqq.
<i>de Exostosi cranij rariore.</i>	358	<i>Germanici Imperii Seculo XIV,</i>	
F.		<i>historia.</i>	104 fqq.
<i>Finis Dei in creando mundo.</i>	670 fqq.	<i>Germanorum origo, coloniae,</i>	
<i>de Fistula lacrymali.</i>	362	<i>migrationes, res gestae, cet.</i>	198 fqq.
<i>corneae.</i>	367	<i>de Germanica Iurisprudentia</i>	
<i>Fœminæ quomodo per libero-</i>		<i>varia,</i>	529 fqq.
<i>rum procreationem salvetur?</i>	400	<i>Germaniæ status antiquissimus,</i>	
<i>Foliorum in plantis usus decla-</i>		<i>multarumque familiarum il-</i>	
<i>ratus.</i>	181 fqq.	<i>lustrium origines illustratae.</i>	673
<i>Formulae differentiales rationa-</i>		<i>de Gnosticorum genealogiis.</i>	397 fq.
<i>les, unicam variabilem conti-</i>		<i>de Gorgia oratore.</i>	426
<i>nentes, quomodo integrandae?</i>	57 fqq. 63 fqq.	<i>Græca vocabula & phrasæ il-</i>	
<i>de Fracturis variis.</i>	17 fqq.	<i>lustratae.</i>	7. 17. 18.
<i>de Friderico II. Imperatore.</i>	86 fqq.		— 51 fqq. 161 fqq. 194 fqq.
		Zzzz z	326.

I N D E X

326. 397 sqq. 450 sqq.
614 sqq.
de Græcæ linguae pronuntiatione Attica. 89 sqq.
circa Gravitationem observationes. 559
Iusti Gottfr. Günzii elogium. 138 sqq.

H.

Hæresiarcharum primæ Christianorum ætatis vitæ. 696
de Hæreticis quinam scripserint, & cui bono? 697
Aggeus Haitisma notatus. 268 sqq.
Hebræa vocabula illustrata. 131. 132. 268 sqq.
318 sqq. 328. 331.
de Hebraïsmis N. Forderis. 465. 466
de Henrico Luciburgensi, Imp. Rom. 107 sq.
Ben. Herbesti vita. 39
de voce Hermes. 320
Heusinger (Io. Mich.) laudatus & notatus. 311 sqq.
de Hug. Franc. van Heussen quædam. 339. 347
in Hispania martyres Protestantium. 126 sqq.
Hispanorum scriptorum bibliotheca, seu catalogus criticus. 235
ad Historiam Reformationis ecclesiasticam spectantia. 126

ad Historiam Ecclesiasticam observationes. 577
Hollandiæ & Scelandiæ comitum tabulæ publicæ. 149
Horatii loca primaria. 43
de Hydrophthalmia. 371
de Hypopyo. 372

I.

Iablönovii Principis scripta & laudes. 385
Iakuti urbis Sibiriae situs geographicus. 83
de Ianuario (Ios. Aurelii) laudes, & in Iurisprudentiam merita. 289 sqq.
de Isthone, Aegyptiorum Numine. 38
de tribus Impostoribus dictæ. 85. 88
Inscriptio militaris recens inventa. 568
Inscriptiones aliquot antiquæ. 266
Insulæ in flumine natae ex Iuris Romani præceptis dividendæ ratio. 413
de Interusurii calculo. 412
ex Fl. Iosepho in N. Tiff. observationes. 159
de Iovis signo quodam. 566
Ilocrati & Iphicrati statua posita. 427
de Iudæis quædam. 488
Iurisprudentiæ Germanicæ discendiæ methodus. 530

de

RERUM NOTABILIORUM.

- de Iuris Romani in Italia & Germania receptione. 531sq.
Iustini Martyris Apologiae editae & illustratae. . 322
idem ad veteris Ecclesiae disciplinam doctrinamque cognoscendam utilis-
simus. 323
Iuvenalis locus emendatus. 578
K.
Krause (Car. Christ.) prae-
mio ab Acad. Petropolitana
donatus. 528
Kypke (Georg. David) lau-
datus. 448. 449
eius in illustrando N.
Foed. merita. 528
L.
de Lapidum in trivio coacer-
vatione apud veteres. 317
Laterum crossties, quibus vete-
res in magnis molibus &
substructionibus utebantur.
568
de Legibus XII. tabularum. 262
de Legionum duplici genere. 288
Lexicon Hebraico-Chaldaicum
edendum. 239
Libanii orationes nunc primum
editae. 49 sqq.
de Libris raris cogitata. 235.
236
Lithvaniae codex diplomaticus
promissus. 708
pro T. Livio prodigia narra-
te vindiciae. 263. 264
Longi Pistoralium editum &
figuris ornatum. 297
de Ludovico Bawaro Impera-
tore. 108
Luminis propagatio. 440
Lunæ theoria Newtoniana ex-
plicata & stabilita. 596 sqq.
Lutheri imago quaedam. 702
Lycurgo oratori statua posita.
427
M.
de Maculis corneae, earumque
operatione chirurgica. 365
de Mæcenatis vita. 287
Magniam Urbicam Carini Im-
per. uxorem fuisse, nunc de-
mum evictum. 256
de Malteni lingua, corrupta
Arabica. 510 sqq.
de Mammarum cancro. 382
sqq.
de Manichæis nonnulla. 581
Marchiæ Electoralis Branden-
burgicæ descriptio historica.
481
eius rerum scripto-
res. 490
Mariæ Theresiæ Aug. Imp.
laudes. 1 sqq.
Maronæ urbis numus. 121
Martyrologii Romani nova
editio descripta. 690
Martialis locus emendatus. 190
Zz z z 3 Ma-

I N D E X

- Matheſeos forenſis ſumma ca-
 pita. 408
 ad Matheſin introductio hiſto-
 rica & dogmatica. 684
 Mauroceni (Franc.) Princi-
 pis Venetorum, vita & res
 geſtae. 109
 Medici empirici, dogmatici,
 methodici, eclectici, pneuma-
 tici. 250
 Medicinæ lexicon hiſtoricum.
 248
 de Memnone Graecorum &
 Aegyptiorum, eiusque in
 Thebaide ſtatua. 655 ſqq.
 de Menide, codicum antiquorum
 ornamento. 471
 de dura Meninge incifione a-
 perienda, poſt gravem per-
 cuſſionem capitis, non iuvan-
 te iterata terebratione. 359
 de Mente humana diſſertatio.
 706
 de Metallorum ſecum pernix-
 torum denſitate. 73 ſqq.
 tincturis. 79
 Meteorologici cuiuſdam inſtru-
 menti conſtructio. 76
 Michaeli Imperatori verſus ad-
 ſcripti. 16
 de Miraculis ſub initia religio-
 nis Chriſtianae. 580
 Miſſilia numiſmata quaenam? 8
 Monachi clari coenobii SS. A-
 lexii & Bonifacii. 168 ſq.
 Monumenta antiquitatis erudi-
 tae quo ingenio & ſtylo tra-
 ctanda, qua artificis manu
 delineanda? 6. 7. 12
 in Moſaicas leges, de ſacerdoti-
 bus vitio corporis expertibus,
 commentarius. 505 ſqq.
 Moſhemii (Io. Laurentii) lau-
 des. 393. 404. 405
 Motus corporum i flexibilitum,
 64 ſqq.
 Motus leges in collifione unius
 corporis cum pluribus inve-
 ſtigatio. 629 ſqq.
 ad Mundi ſyſtema pertinentia.
 593 ſqq.
 de Mydriaſi, ſeu praeſternatu-
 rali dilatatione pupillae. 371
- N.
- Nemaufi urbis hiſtoria varia
 continuata. 348 ſqq.
 Nepotis (Corn.) locus emen-
 datus. 190
 editio nova, eiusque lo-
 ca plurima illuſtrata & cor-
 recta. 310 ſqq.
 Newtoniana philoſophia coele-
 ſtis explicata & amplificata.
 593 ſqq.
 de Nuchæ laxatione. 380
 de Numeris amabilibus. 442
 Numi quidam rariores. 81.
 114 ſqq.
 Numophylacium Auguſtae Im-
 peratricis publicatum & lau-
 datum. 1 ſqq.
 Numo-

RERUM NOTABILIORUM.

Numorum fundendorum ratio
antiqua. 117

ad Numorum & omnis anti-
quitatis studium exhortatio.

10. 11

in Numos veteres observatio-
nes. 8. 9. 114 fqq.

Numotheca principum Au-
striae. 97 fqq.

O.

de Oculi ungue, seu pure inter
lamellas corneae. 366

paracentesi in hy-
drophthalia & amblyopia se-
num. 372

empyesi. 373

de Oculo ulcere cancroso labo-
rante. 370

de Oesophagi struma. 181

de Ophthalmoxysi novantiqua.
365

de Oraculo Delphico. 119 fqq.

Oratores & rhetores Graeci
statuis condecorati. 425 fqq.

de Oratorum lectione praece-
pta. 46

de Ordine. 668 fqq.

Oribasii libri duo de fractis & la-
xatis editi & correcti. 15. 19

de Ossilegio veterum. 261

de Ostreis. 231

Ovidii locus illustratus. 16
loca insigniora. 45

P.

Palmyrae urbis aedificiorum quae

superfunt ruinae, deque eis
observationes. 300 fqq.

de Palpebrarum tumoribus cy-
sticis. 364

de Parulide. 379

Pathologicae observationes. 308

Patrum Christianorum primae
aetatis lectio commendata.

323

Pedissequi, non pedissequi. 311

Perieli statua posita. 426

de Periodis disceptatio schola-
stica. 40

de Petri Apostoli Romanae Ca-
thedrae XXV annis. 523 fqq.

Phocioni statua excitata. 427

Physicae generalis summa ca-
pita. 174 fqq.

de Bened. Piccarto iudicium.

299

Picturae artificia in regio the-
sauro Dresdae quae habentur
collecta. 241

quaedam clarissima.

243 fqq.

de Pituita glutinosa laryngis.
68 fqq.

Plebeia vocabula ex N. Fued.
scriptis abesse docetur.

463 fqq.

Plinii locus emendatus. 118

Poetarum latinorum notitia. 41

Poetices historia, inprimis Galli-
cae. 184 fqq.

Poloniae & M. Duc. Lithvaniae
scriptores colligendi. 474 fqq.

Polo-

I N D E X

Poloniæ & Lithvaniæ codex diplomaticus promissus. <u>708</u> sqq.	Genes. II, 4. <u>268</u> 6. 7. <u>269</u> 20. 21. 22. <u>270</u>
de Processibus manmillaribus cerebri. <u>76sq.</u>	III, 17. 20. <u>271</u> IV, 1. <u>ibid.</u>
Prognosticorum in morbis si- gnorum novus fons. <u>84</u> sqq.	4. 11. 15. <u>272</u> 25. <u>273</u>
de Protestantium martyribus in Hispania. <u>126</u>	VI, 16. <u>ibid.</u> VII, 6. <u>ibid.</u>
ad Psalterium animadversiones, præeunte codice Turicensi. <u>38</u>	VIII, 6. <u>133</u> 11. <u>273</u> IX, 1. 6. <u>136</u>
de Punica lingua memorabilia. <u>510</u>	XV, 2. <u>274</u> XX, 16. <u>ibid.</u>
de Pythia Delphica. 119 sqq.	XXX, 11. <u>ibid.</u> XXXI, 20. <u>ibid.</u>
Q.	34. 47. <u>275</u>
Quito provinciae incolae mor- taliū editissimi. <u>546</u>	XXXIII, 19. <u>318</u> XXXIX, 14. <u>275</u>
R.	XL, 4. 45. <u>ibid.</u>
de Renibus suscenturiatis no- vis. <u>66</u> sqq.	XLII, 23. <u>276. 565</u>
Roma monumentis antiquitatis ditissima. 300. 301	XLVII, 21. <u>276</u>
de Romanis observationes. <u>688</u> sqq.	XLIX, 4. 14. 15. 24. <u>ib.</u>
de Rustica vita & deliciis ru- ris. <u>283</u>	Exodi IX, 7. <u>38</u> X, 13. <u>331</u> XXXIV, 5. 6. 7. <u>329</u>
S.	Deuter. XXXII, 6. <u>328</u>
de Sacerdotibus V. Test. vitio, corporis carentibus. <u>505</u>	Iobi XLII, 11. <u>318</u> Psalm. XXXVIII, 12. <u>38</u>
Q. Serenus Sammonicus, Disfi- chorum Catonis auctor. 26 sq.	XLVI, 9. 10. <u>329</u> LVIII, 12. <u>38</u>
Sancti quidam novi. <u>692</u> sqq.	LXXII, 17. <u>270</u> 23. <u>38</u>
Scripturæ S. loca explicata aut illustrata:	XC, 10. <u>ibid.</u> CXXIX, 5. <u>ibid.</u>
Genes. I, 1. <u>268</u>	Proverb. XXX, 31. <u>328</u> Cohel.

RERUM NOTABILIORUM.

<i>Cohel.</i> <u>VII, 2. 9.</u>	<u>322</u>	<i>Lucæ</i> <i>II, 35.</i>	<u>132</u>
<i>Iesai</i> <i>II, 6. 7. 8.</i>	<u>329</u>	<i>IV, 16.</i>	<u>163</u>
<i>Ezech.</i> <i>IX, 4.</i>	<u>424</u>	<i>18.</i>	<u>617</u>
<i>Hoseæ</i> <i>IV, 3.</i>	<u>269</u>	<u>VI, 48.</u>	<u>ibid.</u>
<i>Matth.</i> <i>I, 10.</i>	<u>136</u>	<u>XV, 7.</u>	<u>330</u> <u>sq.</u>
<i>II.</i> <u>136. 190.</u>	<u>614</u>	<u>XIX, 42.</u>	<u>454</u>
<i>17.</i>	<u>160</u>	<u>XX, 20.</u>	<u>164</u>
<i>18. 20.</i>	<u>136</u>	<u>XXIV, 47.</u>	<u>456</u>
<i>II, 6.</i>	<u>614</u>	<i>Ioh. I, 11.</i>	<u>164</u>
<i>III, 6.</i>	<u>161</u>	<i>12.</i>	<u>618</u>
<i>7.</i>	<u>136</u>	<i>X, 34.</i>	<u>ibid.</u>
<i>17.</i>	<u>615</u>	<u>XII, 6.</u>	<u>461</u>
<u>IV, 5.</u>	<u>161. 162</u>	<i>Actor.</i> <u>IV, 24.</u>	<u>455</u>
<i>V, 39.</i>	<u>190</u>	<i>V, 17.</i>	<u>165</u>
<i>VI, 13.</i>	<u>616</u>	<u>VII, 42.</u>	<u>618</u>
<i>XIV, 10.</i>	<u>461</u>	<u>X, 36.</u>	<u>467</u>
<i>13.</i>	<u>456</u>	<u>XIII, 20.</u>	<u>194</u> <u>sqq.</u>
<u>XV, 16.</u>	<u>460</u>	<i>XV, 11.</i>	<u>ibid.</u>
<u>XVI, 22.</u>	<u>468</u>	<i>22. 23. 25.</i>	<u>468</u>
<u>XIX, 28.</u>	<u>452</u>	<i>28.</i>	<u>463</u>
<u>XXII, 21.</u>	<u>134</u>	<u>XVI, 9. 13. 17. 18.</u>	<u>195</u>
<u>XXIII, 5.</u>	<u>454</u>	<i>37.</i>	<u>455</u>
<i>15.</i>	<u>453</u>	<u>XVII, 21. 23.</u>	<u>196</u>
<u>XXV, 40.</u>	<u>136</u>	<i>XIX, 2.</i>	<u>197</u>
<u>XXVII, 24.</u>	<u>162</u>	<i>XX, 17.</i>	<u>ibid.</u>
<i>Marc.</i> <i>I, 4.</i>	<u>616</u>	<i>35.</i>	<u>133</u>
<i>III, 17.</i>	<u>ibid.</u>	<u>XXII, 3. 23.</u>	<u>197</u>
<i>V, 23.</i>	<u>ibid.</u>	<i>XXIII, 3. 4. 5.</i>	<u>ibid.</u>
<i>VI, 26.</i>	<u>468</u>	<i>Rem. I, 14.</i>	<u>618</u>
<i>VII, 4.</i>	<u>456</u>	<i>15.</i>	<u>457</u>
<i>XII, 38.</i>	<u>616</u>	<u>III, 5.</u>	<u>619</u>
<u>XIII, 8.</u>	<u>617</u>	<i>25.</i>	<u>ibid.</u>
<i>XIV, 172.</i>	<u>162</u>	<i>V, 3.</i>	<u>455</u>
<i>Lucæ</i> <i>II, 1.</i>	<u>617</u>	<i>1 Corinth. III, 1. 2.</i>	<u>329</u>
<i>9.</i>	<u>327</u>	<u>VIII, 10.</u>	<u>450</u>
<i>19.</i>	<u>163</u>	<u>XVI, 2.</u>	<u>461</u>

A a a a a

Galut,

I N D E X

<i>Galat. I, 18.</i>	<u>454</u>	<i>de Servis & mancipiis nonnulla.</i>	<u>430</u> fqq.
<i>III, 27.</i>	<u>137</u>	<i>de Setaceo Nuchae auricularum & oculi.</i>	<u>378</u>
<i>Ephes. III, 12.</i>	<u>-619</u>	<i>Simonis Magi historia.</i>	<u>698</u> fqq.
<i>Coloss. II, 3.</i>	<u>333</u>	<i>de Sinuum morbis praecipuis.</i>	<u>362</u>
<i>9.</i>	<u>704</u>	<i>de Soli fructibus idonei diversitate.</i>	<u>284</u>
<i>1 Thess. IV, 11.</i>	<u>460</u>	<i>Soloecismi a N. Foed. diffinitione alieni.</i>	<u>461</u>
<i>2 Thess. III, 11.</i>	<u>ibid.</u>	<i>Soni propagatio.</i>	<u>440</u>
<i>1 Timoth. I, 4.</i>	<u>397</u>	<i>Sorani liber de fracturaru signis editus, ex eoque decerta varia.</i>	<u>17</u> fqq.
<i>9.</i>	<u>398</u>	<i>de Stadæ urbis iure cudendi numos.</i>	<u>134</u>
<i>15.</i>	<u>ibid.</u>	<i>de Staphylomate.</i>	<u>369.</u> 370
<i>II, 1 fqq.</i>	<u>399</u>	<i>Statuz Oratoribus & Rhetoribus Graecis positae.</i>	<u>425</u>
<i>5. 6. 11.</i>	<u>ibid.</u>	<i>de Stercoratione.</i>	<u>285. 286</u>
<i>14. 15.</i>	<u>400</u>	<i>Strabonis locus emendatus.</i>	<u>190</u>
<i>III, 1 fqq.</i>	<u>400</u> fq.	<i>Submersis per laryngotomiam subveniendum.</i>	<u>382</u>
<i>2. 12.</i>	<u>191</u>	<i>Sueciae equitum & nobilium matricula.</i>	<u>27</u>
<i>15. 16.</i>	<u>401</u> fqq.	<i>Suffusionis natura & curatio.</i>	<u>374</u>
<i>Tit. I, 6.</i>	<u>191</u>	<i>Suidæ locus illustratus.</i>	<u>16</u>
<i>II, 10.</i>	<u>704</u>	<i>de Synechia, seu praeternaturali adhaesione cum iride.</i>	<u>368</u>
<i>1 Petri III, 7.</i>	<u>134</u>	<i>Szelicenses antrum glaciale.</i>	<u>191</u>
<i>V, 13.</i>	<u>524</u>	<i>T.</i>	
<i>2 Petri I, 4. 11.</i>	<u>328</u>	<i>de Tabulis lunaribus variorum.</i>	<u>610</u> fqq.
<i>II, 3.</i>	<u>451</u>		<i>d</i>
<i>6.</i>	<u>460</u>		
<i>Inc. II, 18-26.</i>	<u>131</u>		
<i>IV, 5.</i>	<u>133</u>		
<i>Judae 4.</i>	<u>328</u>		
<i>Ebr. V, 2.</i>	<u>450</u>		
<i>6.</i>	<u>619</u>		
<i>Apoc. V, 8.</i>	<u>330</u>		
<i>de Seeta non timentium Deum.</i>	<u>86</u> fqq.		
<i>Septuaginta Interpretum in N. Foed. explicando utilitas declarata.</i>	<u>468</u>		
<i>de Servis & libertis quaedam.</i>	<u>262</u>		

RERUM NOTABILIORUM.

- de Taylorio, artifice oculario. [377](#)
Terræ figura determinata. [544](#)
Terræ motus aeri adtribuendus. [36](#)
in N. Testam. observationes ex
Iosepho. [159](#)
ex Diod. [Siculo. 612.](#)
ex Auctt. profanis
variis. [448](#)
Testudinum genera. [231](#)
Theologiæ Hermeneuticæ fa-
ta. [447](#)
Theorematis Newtoniani, quo
traditur relatio inter coëffici-
entes cuiusvis æquationis al-
gebraicæ, & summas potesta-
tum radicum eiusdem demon-
stratio. [443](#)
Therapeutica observationes. [225](#) fqq.
de [Thoracico](#) vulnere. [383](#)
Thucydidis loca illustrata. [252](#) fqq.
Ticemanni, Landgravi Thü-
ringiæ vita. [625](#) fqq.
ad Timotheum utraque Pauli
epistola commentario illustra-
ta. [393](#)
in Tit. π. de diversis regulis iu-
ris animadversiones. [290](#) fqq.
Tobiz leucomata. [366](#)
de Topicis in concham iniicien-
dis. [379](#)
de Torpedinis vi stupefactiva. [232](#)
de Tracheotomia. [382](#)
- de Tributo coriorum Romano,
Norvegico & Anglico. [188](#)
Trigonometriæ, præsertim
sphaericæ, casuum determina-
torum & ambiguorum deter-
minatio. [208](#) fqq.
de Tumore capitis fungoso, post
cariem cranii exorto. [357](#)
Tunicarum utriusque oculi sin-
gularis expansio. [360](#)
V.
ex Vaticanæ Bibliothecæ
MSstis edenda. [94](#)
de Vaticiniis [Christi](#) & V. Test.
[579](#)
de Venæsectionis utilitate in fe-
bre variolari. [113](#)
de Verbi divini virtute & effica-
cia. [393](#)
Virgilii loca præstantiora. [426](#)q.
quædam emendata. [190](#)
de Virium compositione & viri-
bus vivis. [178](#) fqq.
de Viscerum vesiculari structura.
[66](#)
de Ulceribus corneæ. [367](#)
de Ultraiectionis episcopis. [340](#)
fqq.
W.
de Io. Iac. Wetstenio iudicium.
[403](#)
de Witteberga Saxoniæ varia.
[705](#)
X.
de Xenophanis, Philosophi
Graeci, vita & doctrina.
[130](#) fq.




Scripturæ machinarum lapsus quidam.

Pag. 11. lin. 2. pro nobis lege novis; pag. 196. lin. 14. pro 2. 3. lege 23; pag. 241. lin. 21. post hominum insere per; pag. 290. lin. 7. pro secessu lege secessu; pag. 335. lin. 6. pro Tabulis lege Fabulis; pag. 394. pro dirigendis lege dige- rendis; pag. 445. lin. 25. pro onem lege tionem; pag. 450. lin. 26. coniunge ουειδν eis; pag. 618. lin. 11. 12. pro interpretatur lege interpretatur.

Tabulæ figurarum radio inscriptarum.

Tabula	I. ad Mensen Februarium.	pag. 62.
II.	— — Martii Partem I.	pag. 115
III.	— — Aprilem.	pag. 208
IV.	— — Maium.	pag. 256
V.	— — Iulium.	pag. 414
VI.	— — Septembris Partem I.	pag. 498
VII.	— — Novembrem.	pag. 636





Q112

This book should be returned to
the Library on or before the last date
stamped below.

A fine is incurred by retaining it
beyond the specified time.

Please return promptly.

STALL
CHARGE
ED

I N D E X

<i>Galat. I, 18.</i>	<u>454</u>	<i>de Servis & mancipiis nonnulla.</i>	<u>430</u> <i>sqq.</i>
<i>III, 27.</i>	<u>137</u>	<i>de Setaceo Nuchae auricularum & oculi.</i>	<u>378</u>
<i>Ephes. III, 12.</i>	<u>619</u>	<i>Simonis Magi historia.</i>	<u>698</u> <i>sqq.</i>
<i>Coloss. II, 3.</i>	<u>333</u>	<i>de Sinuum morbis praecipuis.</i>	<u>362</u>
<i>9.</i>	<u>704</u>	<i>de Soli fructibus idonei diversitate.</i>	<u>284</u>
<i>1 Thess. IV, 11.</i>	<u>460</u>	<i>Soloecismi a N. Foed. diffinitione alieni.</i>	<u>461</u>
<i>2 Thess. III, 11.</i>	<i>ibid.</i>	<i>Soni propagatio.</i>	<u>440</u>
<i>1 Timoth. I, 4.</i>	<u>397</u>	<i>Sorani liber de fracturaruum signis editus, ex eoque decerpta varia.</i>	<u>17</u> <i>sqq.</i>
<i>9.</i>	<u>398</u>	<i>de Stadæ urbis iure cudendi numos.</i>	<u>134</u>
<i>15.</i>	<u>ibid.</u>	<i>de Staphylomate.</i>	<u>369.</u> <u>370</u>
<i>II, 1 sqq.</i>	<u>399</u>	<i>Statuæ Oratoribus & Rhetoribus Graecis positæ.</i>	<u>425</u>
<i>5. 6. 11.</i>	<i>ibid.</i>	<i>de Stercoratione.</i>	<u>285.</u> <u>286</u>
<i>14. 15.</i>	<u>400</u>	<i>Strabonis locus emendatus.</i>	<u>190</u>
<i>III, 1 sqq.</i>	<u>400</u> <i>sq.</i>	<i>Submersis per laryngotomiam subveniendum.</i>	<u>382</u>
<i>2. 12.</i>	<u>191</u>	<i>Sueciæ equitum & nobilium matricula.</i>	<u>27</u>
<i>15. 16.</i>	<u>401</u> <i>sqq.</i>	<i>Suffusionis natura & curatio.</i>	<u>374</u>
<i>Tit. I, 6.</i>	<u>191</u>	<i>Suidæ locus illustratus.</i>	<u>16</u>
<i>II, 10.</i>	<u>704</u>	<i>de Synechia, seu praeternaturali adhaesione cum iride.</i>	<u>368</u>
<i>1 Petri III, 7.</i>	<u>134</u>	<i>Szelicense antrum glaciale.</i>	<u>191</u>
<i>V, 13.</i>	<u>524</u>	<i>T.</i>	
<i>2 Petri I, 4. 11.</i>	<u>328</u>	<i>de Tabulis lunaribus variorum.</i>	<u>610</u> <i>sqq.</i>
<i>II, 3.</i>	<u>451</u>		<i>d</i>
<i>6.</i>	<u>460</u>		
<i>Inc. II, 18-26.</i>	<u>131</u>		
<i>IV, 5.</i>	<u>133</u>		
<i>Judæ 4.</i>	<u>328</u>		
<i>Ebr. V, 2.</i>	<u>450</u>		
<i>6.</i>	<u>619</u>		
<i>Apoc. V, 8.</i>	<u>330</u>		
<i>de Secta non timentium Deum.</i>	<u>86</u> <i>sqq.</i>		
<i>Septuaginta Interpretum in N. Foed. explicando utilitas declarata.</i>	<u>468</u>		
<i>de Servis & libertis quaedam.</i>	<u>262</u>		

RERUM NOTABILIORUM.

- de Taylorio, artifice oculario. 377
- Terræ figura determinata. 544
- Terræ motus aeri adtribuendus. 36
- in N. Testam. observationes ex Josepho. 159
- ex Diod. Siculo. 612.
- ex Aulit. profanis variis. 448
- Testudinum genera. 231
- Theologiæ Hermeneuticæ facta. 447
- Theorematis Newtoniani, quo traditur relatio inter coëfficiētes cuiusvis æquationis algebraicæ, & summas potestatum radicum eiusdem demonstratio. 443
- Therapeutica observationes. 225 fqq.
- de Thoracico vulnere. 383
- Thucydidis loca illustrata. 252 fqq.
- Ticemanni, Landgraviæ Thuringiæ vita. 625 fqq.
- ad Timotheum utraque Pauli epistola commentario illustrata. 393
- in Tit. π. de diversis regulis iuris animadversiones. 290 fqq.
- Tobiz leucomata. 366
- de Topicis in concham iniiciendis. 379
- de Torpedinis vi stupefactiva. 232
- de Tracheotomia. 382
- de Tributo cōriorum Romano, Norvegico & Anglico. 188
- Trigonometriæ, præsertim sphaericæ, casuum determinantum & ambiguum determination. 208 fqq.
- de Tumore capitis fungoso, post cariem cranii exorto. 357
- Tunicarum utriusque oculi singularis expansio. 360
- V.
- ex Vaticanæ Bibliothecæ MSs. edenda. 94
- de Vaticanis Christi & V. 777
- 179
- de Venæsectionis utilitate in febere variolari. 113
- de Verbi divini virtute & efficacia. 393
- Virgilii loca præstantiora. 426.
- quædam emendata. 190
- de Virium compositione & viribus vivis. 178 fqq.
- de Viscerum vesiculari structura. 66
- de Viceribus corneæ. 367
- de Ultraiectionis episcopis. 340
- fqq.
- W.
- de Io. Iac. Wetstenio indicium. 403
- de Witteberga Saxonum varia. 705
- X.
- de Xenophanis, Philosophi Graeci, vita & doctrina. 130 fqq.




Scripturæ machinarum lapsus quidam.

Pag. 11. lin. 2. pro *nobis* lege *novis*; pag. 196. lin. 14. pro 2. 3. lege 23; pag. 241. lin. 21. post *hominum* insere *per*; pag. 290. lin. 7. pro *secessu* lege *secessu*; pag. 335. lin. 6. pro *Tabulis* lege *Fabulis*; pag. 394. pro *dirigendis* lege *digerendis*; pag. 445. lin. 25. pro *onein* lege *tionem*; pag. 450. lin. 26. coniunge *συείδη σις*; pag. 618. lin. 11. 12. pro *interpretatur* lege *interpretatur*.

Tabulæ figurarum radio inscriptarum.

Tabula I. ad Mensen Februarium.	pag. 62.
II. — — Martii Partem I.	pag. 115
III. — — Aprilem.	pag. 208
IV. — — Maium.	pag. 256
V. — — Iulium.	pag. 414
VI. — — Septembris Partem I.	pag. 498
VII. — — Novembrem.	pag. 636





2000

This book should be returned to
the Library on or before the last date
stamped below.

A fine is incurred by retaining it
beyond the specified time.

Please return promptly.

STALL
CHARGE
-ED

